

續修四庫全書

《續修四庫全書》編纂委員會編

續修四庫全書



上海古籍出版社

三九三·史部·紀事本末類

欽定剿平三省邪匪方略正編三百五十二卷續編三十六卷附編十二卷首九卷表文一卷

(正編卷六十六至卷一百零五)

[清] 慶 桂等撰

2280/03

欽定剿平三省邪匪方略正編卷六十六 戊午年

三月初一日 乙丑 秦承恩奏言 臣 因李全股匪茲

擾省西一帶當與王文雄帶兵馳剿途次節據

郿縣楊壽馨稟報賊匪於二十一日竄至郿縣

斜峪關已被闖入關口在石榴廟等處焚掠直

撲縣城又據盩厔縣姚令俞稟報賊匪於二十

二三等日竄至該縣之槐下鎮等處焚掠並訊

《聖看邪匪稟稿卷六

據盤獲奸細王酉等供稱此股賊首係李全張

添文賊眾七八千人到洋縣分爲二股一向西

北竄佛葉坪一向東北竄鉄冶河因官兵追趕

緊急又由老林翻山合爲一股欲由郿縣盩厔

徑撲西安 臣 以盩厔距省僅一百五十餘里當

同王文雄由捷徑趕赴該縣途次探知賊匪前

隊由盩厔南山脚下之焦家鎮一帶竄擾當卽

挑派兵勇令王文雄先行帶往迎頭截殺 臣 帶

領兵勇繼進時賊匪馬隊正在焦家鎮街口焚

掠我兵直前截殺斃賊四十餘名生擒五名賊

眾向西奔逃我兵緊隨追剿突有賊匪大隊從

林內衝出拚死抗拒經王文雄率同將弁兵勇

奮力衝擊鎗礮並發殲賊五百餘名生擒三十

四名賊眾仍折回西南翻山四竄時已昏黑未

《聖看邪匪稟稿卷六

使窮追俟天明馳赴前途探蹤兜剿再探聞夾

嶺南面之黃花嶺一帶尚有賊匪屯聚雖經派

有遊擊知縣等官設險堵禦但賊蹤甚近路徑

紛歧必得大員督率經理適臬司台斐音抵任

臣 卽令其馳赴子午峪夾嶺等處督率員弁加

意防範以免疎虞又據探報興肇柯藩帶兵由

郿縣趕抵盩厔 臣 已星飛知會令卽帶兵由西

而東_臣等帶兵由東而西兩面夾攻剿辦自更
得手

同日汪新奏言_臣於二十二日行抵襄陽途中

接據鄖西縣孔繼樞稟報前次竄入該境之賊

經該縣督率鄉勇殺斃三四百名適德楞秦帶

兵趕到抄出賊前又殲戮多名賊即退回洵陽

鎮安一帶_臣查此股賊匪即係高均德為首雖

《聖朝聖訓卷五

三

經擊退離鄖尚近且聞齊王氏等股賊匪先後

竄渡漢江均在洵陽鎮安兩處分屯皆距鄖西

不遠宜先扼其人豫之路逼向西南俾陝省各

路大兵四面圍合庶易撲滅查鄖西與河南之

浙川內鄉等處均係毗連已飛飭鄖陽州王正

常挑派健勇數千名督同防守茲奉

諭旨飭令額勒登保前來防剿仰見

聖明燭照機先_臣已飛咨囑令即赴楚陝交界之洵

陽一帶擇要駐紮逐步堵剿_臣亦酌帶官兵前

往鄖陽相機策應並令文圖專駐漢江南岸之

竹溪一帶以防川陝之賊均奏入

上命軍機大臣傳諭勒保秦承恩汪新日李全等股

匪因官兵剿急欲由鄖縣整屋徑趨西安經秦承

恩等偵知即挑派兵勇迎頭截殺殲賊五百餘名

《聖朝聖訓卷五

四

此次王文雄實為奮勉著加恩賞給提督銜並賞

金鑲松石盒白玉喜字牌玉搬指大小荷包秦承

恩帶兵繼進調度合宜亦著賞給一分打仗兵丁

各賞一月錢糧其陝省鄉勇並著秦承恩酌加獎

賞此時賊匪勢已窮蹙秦承恩王文雄現在探蹤

兜剿而與肇柯藩亦已帶兵趕赴整屋正可兩面

夾擊不拘何人能將賊首李全等拏獲即係何人

之功王文雄經朕特加恩賞尤應格外奮勉又據汪新奏擊退鄖西竄匪一摺前此高均德等竄入鄖西縣境當經官兵擊剿賊匪業已退回此時鄖西一帶賊去已遠該撫惟當同鎮將等往來巡察嚴密防堵

初三日丁卯秦承恩奏言臣與王文雄於二十五

日在整屋焦家鎮剿殺李全一股賊匪餘眾向

御看邪匪彙編卷六

五

西奔逸二十六日黎明臣等整兵追襲甫行數

里至圪子村地方即遇賊匪全隊蜂擁而來約

有一萬餘人王文雄與叅將鍾岳分兵兩翼迎

擊賊亦分爲左右前來抄截我兵各用鎗礮轟

擊殲賊一百餘人賊勢稍退旋分四路向前攻

撲又被殲擒四百餘人賊匪又分作十數股馬

步聯絡將我兵四面裹住王文雄督飭將弁排

成圓陣面皆向外隨賊所到各用鎗礮迎擊又

殲斃數百人復有馬賊一千數百名前來衝突

臣當令千總崔雯帶領藤牌兵奮勇而出賊馬

驚顧奔竄賊眾滾鞍落馬自相踐踏王文雄乘

勢上前趕殺又殲斃一千餘人賊眾潰散我兵

趕剿里許又有一股賊匪徒樹林內突出我兵

直前衝殺殲斃多人並鎗斃執大旗賊目王正

御看邪匪彙編卷六

六

奇一名賊始紛紛肆竄此次打仗兵勇不滿三

千當賊數倍之眾自卯至酉攪戰五次共殲斃

賊匪二千餘人生擒一百餘人寔足大挫賊鋒

此時興肇柯藩已抵整屋現派兵一千名前來

協剿正可趁此機會合力兜圍此次出力員弁

謹開單呈

覽

同日宜綿奏言臣於本月十六日自順慶兼程前進二十三日行抵寧羌州接奉

諭旨令臣速赴明亮等一路軍營將所帶官兵悉行

統領督率德楞泰等實力剿辦臣查高均德齊

王氏李全等數股賊匪各有官兵剿捕尙不至

肆出無忌惟頃據南鄭縣稟報通江一股賊匪

竄入縣境二十二日有四五千人先由城東之

聖朝聖德編卷五

七

金花寺踰淺過江仍由城固洋縣界內北竄其

餘萬餘人屯聚縣屬之青石關又據寶雞岐山

鳳翔等縣稟報賊匪一股竄至寶雞之號川岐

山之桃川等處焚掠約四五千人此二股賊匪

不知頭目姓名亦未知係何股分出谷州縣均

無官兵紛紛告警請援臣查漢中城內僅存官

兵二百餘名漢江一帶多有淺灘可涉若盡行

防堵斷無如許兵力至號川桃川等處已出南

山漸趨平地鳳翔西安同州三府並無重兵平

原千里土沃人稠村落若布若使賊匪闖入擴

掠得利勢更鴟張且東出潼關卽入豫境西過

邠乾直犯甘肅臣所帶索費英阿之兵內有七

百餘名經勒保札留廣元本爲保護餉道起見

今北棧梗塞旣無可護之餉而通江之賊已入

聖朝聖德編卷五

八

漢中臣已飛調索費英阿速領原帶之兵來陝

再將臣所帶官兵湊足一千名之數交伊統領

由褒城留壩一路疏通餉道卽赴鳳翔一帶剿

堵遏其西竄之路猶恐緩不及事查額勒登保

現在商州一路防堵今該處已有秦承恩等帶

兵駐紮應令移至同州所屬邊賊東竄之路臣

卽飛咨額勒登保帶兵確探賊蹤或由雒南出

華陰或由藍田至臨潼與秦費英阿兩面夾擊

其漢中一路臣已飛咨勒保查明此股賊匪酌

派提鎮大員速來剿辦臣即日帶兵五百名趕

赴明亮德楞泰軍營嚴切查辦

同日明亮德楞泰額勒登保奏言臣明亮德楞

泰前將高均德齊王氏兩股賊衆逼剿至判官

嶺地方痛加截擊該匪折向西南爛草坪一帶

剿匪方略卷六

九

竄擾當率將弁抄至該處帶領馬步兵丁兩面

衝擊將賊人中一隊二百餘人截住殲殺無遺

其前後各隊復向西南漫山四竄阿穆勒塔等

帶兵分投追殺斃賊百餘生擒二十八名內陳

德饒王國用二犯係齊王氏管領兵頭目據供

賊意總要向東北奔竄逃回河南湖北因屢被

官兵截殺暫時折回西南俟將官兵誘入西南

山內再從小道繞出鎮安山陽一帶前去當將

該犯凌遲正法查兩河關地方為數州縣交界

之所係東北面要路當即率兵馳赴扼要截剿

並派副將扎爾杭阿帶兵躡剿派守備馬應國

酌帶兵勇扮作教匪尾隨前進臣額勒登保亦

於是日趕到旋據馬應國稟報賊匪由廟溝等

處繞道竄及鎮安西北境內勢將由野竹坪舊

剿匪方略卷六

十

縣關直趨東北臣額勒登保率領鎮臣長春協

領德明泰等共帶滿漢兵四千餘名於是夜二

鼓由柴溝口屹塔寺一帶進剿臣明亮德楞泰

帶兵六千名由石板溝雲蓋寺一帶兜剿二十

二日午刻臣額勒登保行至野竹坪賊匪正竄

至該處焚掠當即奮力轟擊賊匪捨死搜鋒分

三路抗拒隨率同綸布春等亦分三路奮剿斃

賊三四百名生擒八十餘名賊匪始向西南山
梁敗退其時臣明亮德楞泰正由小廟嶺前進

行至野竹坪西面聞鎗聲即親率馬兵翻山

壓下兩面夾剿賊匪惶急狂奔又經官兵擊斃

一二百名餘賊皆翻山越澗疾竄臣等率兵乘

勝追殺至舊縣關沿途殲戮甚多察看賊人敗

竄道路一為黑虎廟一為紙房溝均可達商州

聖祖聖孫纂編卷六

十二

山陽兩處地界並訊據獲賊劉與得等僉供齊

王氏高均德等現俱逃往黑虎廟一帶還要向

東北去等語查山陽商州與商雒即陽接壤臣

明亮德楞泰即日由舊縣關左手採玉窪一帶

抄赴商州迎頭擊剿此次打仗官兵間有受傷

陣亡另行查明咨部

同日興肇柯藩奏言臣等在石板壩擊敗賊匪

後餘賊由老林分水嶺一帶逃竄該處距郿縣

甚近因即緊躡賊蹤沿途搜剿本月二十四日

探知賊眾在懷陽一帶即督兵趕緊前進離懷

陽五里許有騎馬賊數十名在途瞭望臣等催

令馬隊官兵馳趕殺死十數名餘匪奔入懷陽

賊眾即棄其什物而走我兵繼至殺賊三百餘

名生擒二百餘名復追殺三十餘里賊向四野

聖祖聖孫纂編卷六

十三

狂奔時已天晚派委兵勇分投踏探知賊已向

東北屯聚臣等即帶兵乘夜進發沿路點放號

火以為疑兵天甫黎明又據探報賊已聚向金

渠鎮前去未擾郿縣臣等即斜趨該處賊又東

趨盤屋大路復馳追一百餘里正值賊匪率領

醜類往撲該縣城垣該縣姚令俞同署守備魏

廷拔等率領兵勇民壯極力抵禦臣等先後趕

到四面兜圍鎗礮夾擊殲斃賊匪八百有奇擒獲三百餘名奪獲旗纛馬騾刀矛甚多餘匪四散狂奔我兵追捕復擒獲一百餘名訊據獲賊傅先聲等僉供賊首是張漢潮李述商量要在陝西地方沿途裹掠前往河南會合前起當將該犯等分別正法此次官兵連日追奔三百餘里殺賊多人實爲勞奮間有傷亡官員內叅將玉福等皆有受傷均奏入

聖朝罪惡編卷六

七

上命軍機大臣傳諭宜綿德楞額秦承恩與肇柯藩王文雄曰此次李全等一股在圪子村竄擾賊數衆多王文雄所帶兵勇不滿三千當賊數倍之衆接仗五次殲賊三千餘人實堪嘉獎所有固原提督一缺著王文雄卽行擢補柯藩前在寧河堵賊疎於防範今連次殺賊趕赴盤屋尙知奮勵王文

雄所遺南陽鎮總兵員缺卽著柯藩護理仍帶革職處分以觀後效伊二人經朕此次加恩尤當感激圖效現據與肇等奏已將滋擾郟縣賊匪剿散卽日馳抵盤屋協剿秦承恩王文雄當與合力兜圍兩面夾擊秦承恩所奏此次出力之將弁鍾岳等俱酌量以應陞之缺陞用至齊王氏高均德等欲將官兵誘入西南山內卽從小道繞出鎮安山陽一帶竄入楚豫狡計可惡明亮等遲逾多日此次所奏仍不過追剿竄匪殺賊亦屬有限所辦何事明亮德楞額秦著傳旨嚴行申飭宜綿現在馳抵陝境當速赴鎮安一帶督兵進剿此時額勒登保已抵該處宜綿務須大加振作督同趕緊剿辦祇須將首逆擊獲匪黨無難殲淨至所奏通江一股賊匪又由南鄭踰淺過江竄至城固洋縣地方宜

聖朝罪惡編卷六

七

綿尤須嚴密諸剿勿任再與李全一股竄合究竟此股係何賊首並即查明速奏

初六日庚午明亮德楞額奏登保奏言臣額勒

登保星夜馳赴商州一路臣明亮德楞額星夜

馳赴山陽一路各扼要隘以便截擊詎賊人狡

詐異常分向西南狂遁齊王氏直趨商州高均

德直趨山陽行走甚速臣明亮德楞額於二十

《聖朝實錄卷六

五

六日兜至山陽峒峪河正值賊匪竄近該處當

即率兵進剿將前隊迎頭截殺殲擒百餘名賊

人敗退後竄擾下關坊隘口離山陽縣城二十

餘里該縣居民聞風驚避當飭隨營道府安撫

彈壓一面親率巴圖魯侍衛鎮將官兵等抄馳

迎截該匪分佔左右山梁施放火鎗拋擲石塊

臣明亮同賽冲阿等搶上右手山包臣德楞額

向溫春等搶上左手山包不避矢石一擁競上

將兩山賊眾壓下併力攪殺賽冲阿同阿穆勒

塔首先衝入奮勇擊射殲殺尤多佐領噶塔保

章果保當被矛傷陣亡官兵儘力追剿超越四

五重山包共殲賊四百餘名生擒田賜福等六

十二名內曹先配熊朋鳴羅崇發鄭自順四犯

係戕害噶塔保等之賊當予嚮割斬梟士卒稱

《聖朝實錄卷六

六

快餘賊向商州一路狂奔官兵乘勝兜剿臣額

勒登保於二十六日馳抵商州據報齊王氏一

股將至九間房離州甚近即親率官兵同綸布

春等進擊至九間房正遇賊匪結隊前來當飭

各兵分伏山後民村迨賊臨近施放號鎗一鼓

並進賊人情急亡命力拒綸布春德明泰格布

名等率領馬隊搶入撲剿慶溥長春等率步隊

兵丁在外圍剽左馳右擊賊賊六百餘名生擒曹如松等九十三名當卽駢戮佐領胡世訥猝被矛傷陣亡餘賊向西北敗逃我兵追殺二十餘里沿途復斃賊八十餘名適據商州知州馳報高均德一股經明亮等截剿不能奔出山陽竄及該州東境臣額勒登保復由寬坪一路抄出上關坊迎遇高均德一股正在率兵攔擊維臣明亮德楞泰已由下關坊疾馳兜剿前來遂率兵兩面夾攻賊賊三百餘名生擒劉性賢等五十八名賊匪從旁翻出向西南狂遁時已深夜暫行紮駐臣額勒登保察看齊王氏一股自九間房西竄勢必侵入藍田卽出吳家莊抄赴兜截高均德一股自上關坊東奔勢必折向黑山及九里坪等處希圖繞赴鄆西臣明亮德

聖鑒事

七

楞泰亦卽率兵馳赴黑山並派賽沖阿達音泰帶兵趕赴九里坪截殺次日高均德一股果先竄及九里坪經賽沖阿等抄前截殺賊復奔至小河口一帶復經臣明亮德楞泰率兵截擊該匪折回犀牛槽逃遁該處北通藍田該匪自必直前奔竄仍與齊王氏會合惟當緊躡賊蹤將兩股逼歸一處以便夾攻得力連日打仗傷亡兵丁另行查明咨部

聖鑒事

六

當即督同協領那全喜卜產泰將海洪阿槐他哈鼓勇直前攪戰多時殺斃六百餘人射死賊

目二名賊匪四散奔竄正在分路搜捕適據知

縣姚令俞稟報探聞秦承恩王文雄帶兵已到

東鄉圪子鎮一帶與賊打仗惟兵丁稍單臣等

當派副將德明額帶領馬步隊一千名星夜趕

往協剿俟將此間賊竄餘匪剿淨即帶兵疾馳

聖朝聖德編卷六

九

前進與秦承恩等合力剿辦

同日觀成劉君輔奏言臣等攻奪土地要卡

後賊匪無計可施冀圖竄逸臣等將得力官兵

盡數挑赴各卡緊逼圍圍正月二十日辰刻有

賊匪百十人從白果坪山梁分股下山叫喊投

降臣等察知奸計即令遊擊朱進廷等帶領兵

勇先於樹林內埋伏誘令下坡奮力截殺斃賊

三十餘名餘匪竄退該匪等復於二十五六等

日悉次衝撲華頭嘴寒坡嶺等處卡隘均經臣

等帶兵迎擊節次斃賊四五十名生擒十三名

內萬九辜一名訊係矛手頭目據供因向登科

逃走山下陳崇德十分畏懼要候外邊人來接

應現在糧食已盡祇可拚命衝出餘犯皆係助

惡打仗均經一一正法臣等連日督兵分路環

聖朝聖德編卷六

十

剿忽於二月初八九等日節據大寧縣文武稟

報開縣竄匪分股奔逸闖入大寧境內分水河

一帶焚掠賊勢甚眾聲言欲與老木圍合夥又

據守卡弁兵盤獲奸細唐秉安等解營研訊據

供頭目係杜啟鳳歸併王三槐一夥今年正月

間在開縣被官兵剿敗杜啟鳳沿途焚擄又奏

有三四千人分四五股由開縣大山內逃走從

鹹水壩等處偏僻小路翻山進老木園接應陳崇德因我等係大寧縣人派令探路屬實當將該犯等寸磔並抽兵二百名派赴寶塔交與副將白守忠保護糧運又於各卡內抽派兵勇八百名臣劉君輔率同叅將呂朝龍等帶領馳赴九蜂壩偏岩子扼要堵剿又於四道溪鮮魚池九灣子等處幽僻小路酌派兵勇堵禦截其來路十三日該匪等約二千餘人由鹹水壩一帶箐林內翻山直撲九蜂壩臣劉君輔督率官兵堆放木石並用鎗礮擊斃賊二百餘名賊勢漸退當即同呂朝龍督兵追趕於响水洞周武坪等處又斃賊百十餘名賊匪退至尖山壩而附近寶塔陳家壩口等處均有另股竄匪出沒焚掠窺伺糧運已飛飭副將白守忠悉力堵

聖著邪匪彙編卷六

五

臣劉君輔即於鹹水壩駐紮往來策應日內老木園賊匪望見四處煙燄知外援已近拚命沖撲臣觀成現在督率員弁兵勇嚴防截擊不使竄合

同日英善福寧奏言臣英善遵旨口保寧起程行抵岳池縣途遇宜綿當將陝甘總督事務交代旋即馳抵達州與臣福寧會晤連日將川省各路糧運軍火事宜通盤籌計查川省自軍興以來川北川東谷州縣存貯倉穀陸續碾支現在各營每月約需糧五六萬石前經藩司林儒奏明採買穀六十萬石可碾米三十萬石足敷供運臣復飭該藩司查明上年收成較豐之處隨時購買廣為備儲惟刻下各路大兵分馳擊賊路徑難以預定亦必須數路協力

聖著邪匪彙編卷六

五

供送謹就現在情形分別各路緩急酌量派員
 分投經理所有大營糧運責成松茂道承勲承
 辦其達州開縣一帶糧運責成道員石作瑞李
 憲宜總辦太平一路責成同知淡士灝督催雲
 陽萬縣一路責成同知陳遂督催保寧一路責
 成臬司先福川北道李鉉總辦其重慶夔州順
 慶三處卽令各本任知府趙秉淵等督催俾各
 有專司無從推諉今勒保追剿王三槐等一路
 賊匪又經折回西南現將太平東鄉一帶糧站
 撤回改由西南一路緊跟大營隨時運供其大
 寧開縣運道間有阻隔卽改由巫山新寧等處
 繞運不致缺誤其火藥鉛彈火繩等項已飭成
 都軍需局及各標鎮營辦解現亦足敷應用全
 餉銀一項去歲川省卽已動支無存尙有應領

聖朝聖德編卷矣

三

未發及各項借墊銀兩共欠至二百數十萬兩
 前宜綿請撥京餉除陝省截留外現有一二起
 押運入川又已委員迎催並飛咨陝省將後起
 餉銀及從前截留應還之項催趨補解來川日
 內仍飭總理司道先行設措供支查各路官兵
 一切長夫長騾爲數頗多脚價亦復不少大半
 均屬例外支給現在移會勒保酌定章程奏明
 辦理一面嚴飭各糧員樽節應付以歸覈實均
 奏入
 上命軍機大臣傳諭德楞泰秦承恩與肇觀成英善
 福寧曰明亮等所奏仍係分路截剿情形並未擒
 一首逆而官兵轉有傷亡殊爲不值且賊匪自鎮
 安洵陽以至山陽商州仍係向東奔竄而摺內轉
 稱向西南狂遁全係虛 語現在軍威不爲不盛乃

聖朝聖德編卷矣

四

剿此屢經敗竄之賊總未能痛加殲戮擒獲首逆
明亮德楞泰實屬喪盡天良而此次額勒登保截
剿齊王氏一股賊匪後復趕緊馳赴藍田抄出賊
前兜截尚有悔過思奮之意此時齊王氏一股自
九間房敗竄意欲侵入藍田而高均德一股折回
犀牛槽亦欲北竄藍田是兩股賊匪又將合併額
勒登保現已先往藍田明亮德楞泰緊躡高均德
一股賊蹤若能兩面夾擊將首逆一併拏獲固屬
甚善否則視何股賊首緊要卽併力先將一股賊
首擒獲後再行剿辦一股庶兵力得以整隊兜剿
而賊勢漸孤易於搜捕明亮等務須各加愧勵以
期稍贖前罪其殺賊陣亡之佐領噶塔保章果保
胡世訥俱著咨部加等議卹至盤屋西南鄉竄匪
卽係李全等分股留後滋擾之賊與肇柯藩帶兵

剿平三省邪匪方略卷六

五

截剿殄斃七百餘名餘匪四散奔竄所辦亦可前
據秦承恩奏在圪子村打仗以少擊衆大挫賊鋒
是該處兵勇甚爲得力何以興肇等尙稱兵力稍
單現在興肇等已派德明額帶兵一千名前往興
肇等將盤屋西南鄉竄匪剿淨後卽帶兵自西而
東正可與秦承恩王文雄併力兜圍肅清一路斷
不可令其竄往藍田與齊王氏等合夥再觀成等
剿辦老木園賊匪已及年餘仍未將首逆陳崇德
拏獲可謂無恥無能且開縣剿散賊匪均思與老
木園賊匪合夥此時觀成等若稍不嚴密任令陳
崇德衝出營卡又有滋蔓伊二人自思當得何罪
不可不倍知儆惕也又英善等籌辦川省糧餉酌
就該處情形派員分投經理所辦尙安現在陝省
截留餉銀自俱陸續到川務須實力籌辦以期軍

剿平三省邪匪方略卷六

五

需無缺帑不虛糜

初八日壬申宜綿奏言臣於宣光拜摺後二十五

日帶領索費英阿督率兵丁等起程前進二十

七日途次黃沙驛探報賊匪一股五六百人現

在長寨南岸窺伺隨派索費英阿帶兵涉江繞

道截其後路臣帶叅將李昌遊擊韓加業等趕

至長寨賊匪正在紛紛搶渡鄉勇竭力堵禦賊

匪見臣兵一到忙亂回竄當飭弁兵施放鎗礮

殺斃及淹死者甚多一半逃回南岸索費英阿

之兵已到兩面夾擊殲戮殆盡逃回者不過三

四十人臣以青石關距漢中府城僅九十里賊

匪在彼屯聚未便舍之東行隨於次日拔營前

進詎賊匪聞風畏懼連夜逃回川境距陝界三

四百里臣遂由青石關沿途查勘嚴飭各義首

小心防禦臣於三十日回抵漢中查寧羌迤西

一路現屬安靜臣自當速赴德楞泰軍營督辦

高均德齊王氏等惟日前搶渡過江之賊查探

賊目名阮正通據烏爾圖那遜報稱二十四日

帶兵三百名至洋縣正遇阮正通帶領二三千

人直逼縣城經伊督兵迎頭堵截知縣顧沂副

將官信帶領兵勇從小西門抄出兩面夾攻斃

賊百餘名生擒十八名賊匪連夜翻山向東北

奔竄嗣奉

嚴旨遂將兵三百名留於洋縣防守伊即輕騎趕來

臣營聽候差遣是阮正通股匪並無官兵剿辦

臣酌調附近防守白馬關之河州兵五百名趕

來漢中交文需督飭各屬布置臣即於三月初

一日帶兵一千名由城固洋縣一路探蹤追躡

如阮正通等尙在洋縣等處焚掠臣卽就現有

之兵設法痛剿如已東合高均德齊王氏一夥

臣卽馳赴德楞泰軍營會同屯擊至北路賊匪

闖入寶雞岐山境內現據稟報經知縣孟正笏

杜堦等分帶勇壯在各隘口堵截擒斬賊匪自

百餘名至數十名不等賊匪不能逸出大道俱

由斜峪關東趨邠縣興肇柯藩已帶大兵趕至

剿平三省邪匪彙編卷六

羌

秦承恩等亦自商州繞至大峪口從東攔截諒

可不日蕺事惟棧道附近尙有零星餘匪行旅

戒嚴臣仍飭索費英阿帶原領之兵由褒城留

壩一路疏通餉道將京餉留貯寶雞鳳縣者悉

數滾運入川再來臣管會剿

同日恒瑞慶成奏言羅其清等一夥賊匪竄至

儀隴地方臣等督兵殲剿退回新寺場白果壩

等處潛圖西竄臣等與總兵觀祥副將丁有成

等分路扼堵並派隨營典史崔萱招集鄉勇一

千餘名分撥各官兵隊後適賊匪竄出猴子坡

丁有成督兵截擊臣等帶兵馳往接應殲賊百

餘人賊卽竄回次日賊復蜂擁來撲蕭家梁營

卡並分股由小路西奔臣等督兵奮力截殺派

巴圖魯侍衛江鼎保邦等各帶兵從山旁密林

剿平三省邪匪彙編卷六

三

內抄下邀擊總兵觀祥亦由長石梯前來協剿

賊匪數次捨命衝突俱被我兵擊退又殺賊二

百餘人該匪等潛從此徑分投西竄臣等分派

將弁帶兵抄出扼要埋伏截殺始不敢復思窺

伺並據各口隘弁兵先後擊獲匪黨自三四十

名至一二百名不等解營研訊概行梟示二十

一日賊又折向東南大山竄遁連日堵剿賊匪

行營千總馬正魁最為奮勇因中鎗傷陣亡尙有節次受傷陣亡弁兵容俟查明另行咨部現在西通保寧各路俱已肅清臣等一面曉諭附近民人團練鄉勇擇要嚴防仍一面緊躡賊蹤追剿並隨時知會勒保先將羅其清等一股併力殲滅然後會合兵力再將各股賊匪以次剿洗

剿平番匪方略續卷六

三

上命軍機大臣傳諭宜綿德楞泰承恩額勒登保恒瑞慶成曰川省竄入長寨賊匪經官兵殄戮殆盡其寺石關屯聚之賊亦已逃回南岸離陝界已有三四百里宜綿卽帶兵馳赴德楞泰等軍營所辦尙爲妥協但前此搶渡過江之阮正通一股仍向東奔竄想卽係勒保剿敗餘匪宜綿現由洋縣前往白當順道先將此股賊匪殄盡速與德楞泰

等會合督同剿辦至羅其清一股賊匪經恒瑞慶成帶兵剿殺多名現在保寧西路俱已肅清賊匪向東奔竄恒瑞等躡蹤追剿務須趁賊匪窮竄之時上緊剿辦何必待勒保兵來夾擊始行殄盡耶其殺賊陣亡之千總馬正魁著咨部加等議卹此時額勒登保自早抵藍田迎擊齊王氏一股而明亮德楞泰又緊躡高均德一股且李全一股如果由藍田奔竄藍田亦係必經之路若三股賊匪合爲一夥秦承恩王文雄與肇柯藩自西而東德楞泰額勒登保明亮自東而西前後夾攻正是極好機會如賊首仍分股竄逸則當遵照昨旨視何股賊首緊要卽合力先將一股賊首擒獲後再行剿辦一股斷不可任令闖入楚豫邊界爲要

剿平番匪方略續卷六

三

初九日癸酉勒保惠齡奏言王三槐徐添德等大

竊賊匪經官兵在茶尖壩等處痛剿卽折向龍
鳳壩一帶屯踞當經酌留總兵朱射斗帶領兵
勇在竹峪關洪口等處分擊營卡防堵北竄一
面卽飭總兵保興副將達桑阿等帶兵從倒流
水進發副將朱延清等帶兵從陳家坪進發趕
緊追擊十五六等日據報該鎮將等進抵龍鳳
壩正值匪衆數千在彼屯聚我兵兩面趕到施
放鎗礮斃賊八百餘名匪衆向巴州鎮龍關一
帶逃竄維時臣等督率總兵百祥等正山絲羅
壩一路進發途次擊獲好細劉汝青據供王三
槐徐添德等匪衆竄至白沙場與冉文儁等首
夥竄合分起滋擾達州所屬之白衣巷江陵溪
橋灣河石橋河石梯坎一帶查該匪等既從通
江巴州抵竄達州我兵自不便均由北面追剿

《聖朝聖訓卷六》

重

必須設法繞出賊前迎擊是以飛飭保興朱延
清等兩路追擊臣等卽督率官兵取道胡家場
一路星馳兜剿十八日行抵雙廟場適據探報
白沙場等處賊匪正在達州西面趙家場等處
焚掠江陵溪等處賊匪已經竄至政蠡溪該處
西接營山南連渠縣東接達州中界巴河一道
河水深淺不等賊匪進則涉淺而渡退則憑山
而守實爲狡譎臣等商派副都統七十五總兵
富爾賽等帶兵趕赴政蠡溪先截賊匪分竄之
路並令副將關聯陞承寧參將穆克登布遊擊
褚大榮帶領兵勇從通川峴一路馳赴趙家場
趕緊追擊臣等同明興督率總兵百祥等從鐵
山關一路前進復派松茂道承勳帶領鄉勇於
老鴉坪地方駐劄以爲聲援二十日午刻關聯

《聖朝聖訓卷六》

重

陞等前隊官兵進抵環山子正遇趙家場屯聚
賊匪該將領帶兵直前奮勇剿殺逼至臨河寶
竹寺地方賊匪均捨命跳水奔竄穆克登布等
率領馬隊繞至上游淺處過河橫衝截擊後隊
步兵排列河岸鎗箭並發殺賊五百餘名餘冬
淹斃因時已薄暮即撤回寶竹寺暫駐三更時
賊匪分兩路於寶竹寺上下涉淺渡河直逼營
卡我兵據卡放鎗斃賊無算迨至黎明適百祥
趕到兩面夾攻追及中流對岸賊匪紛來接應
約計不下萬餘自辰至申斃賊七八百名正在
相持之際適聞隔河鎗礮不絕旋據探報係保
興宋延清兩路官兵於雲頂山會合趕抵江陵
溪與賊接仗查該鎮將由倒流水陳家坪督兵
進發歷過香爐山白沙場等處隨剿隨進日行

《纂要彙編卷六

五

百餘里沿途殲獲甚多適於二十一日進抵插
旗山地方與寶竹寺一路官兵隔河夾擊賊匪
不能抵拒遂將附近佔踞民房縱火燒燬乘烟
焰四起之際分起竄逃察看去向正係歸併蚊
蟲溪一帶因思蚊蟲溪地方雖派七十五富爾
賽帶兵到彼堵截但兵力甚單臣督率百祥等
復星夜趕赴策應二十三日午刻行抵界牌據
報賊匪正在紮筏搶渡七十五等督兵沿河堵
禦臣等復催僱兵勇立時趕到排鎗抵擊並用
大礮轟斃賊匪數十人騎馬賊目二名餘眾不
敢搶渡旋即退回對河之白山寺清河壩等處
屯紮惟緣蚊蟲溪一帶河水深濶不能躡渡其
下游之三匯一帶前經賊匪焚掠守禦空虛臣
等現在一面派令副將雷仁海常等酌帶兵勇

《纂要彙編卷六

五

馳赴三滙設法堵截一面卽在蚊蟲溪哨探賊勢尅期進取至各路連日打仗副將達桑阿都司張永成均因奮勇殺賊陣亡其餘陣亡受傷弁兵容俟查明咨部辦理再查通江令涂陳策因縣治本無城垣卽於盤關寨駐劄堵禦竄川陝匪不遺餘力此次各股賊匪從太平一路折回洪口等處分竄該令帶領鄉勇馳赴木桶壩地方堵截該匪等人數較多衆寡不敵致被戕害合併奏

《剿平三省邪匪編卷六》

三

聞

勒保又奏言臣仰荷

鴻慈畀以總統重寄自本年正月入川節次與賊接仗斬獲甚多本擬儘此現有兵力將各股賊匪次第殲除無如賊情狡詐正當大兵從太平一

帶兜越之時其林亮功秦在明等復從燈草壩折回開縣境內屯踞十三壩地方未免稍形牽綴且據額勒登保知會已遵

旨卽從大寧馳赴郪西是開縣地方止有副都統銜六十七總兵富森布等帶兵捍衛連日以來又接開縣文武稟報林亮功等一起復由十三壩竄至開竹坪裹脅日衆分投擾及雲萬下游大

《剿平三省邪匪編卷六》

三

寧奉節交界均有竄匪情形散漫至臣所剿王三槐徐添德等夥黨自川東而至川北現與冉文儔等各股互相狼狽雖各股首逆歸併一處然正當四面兜擒兵力實在不敷而賊匪屯紮地方聯絡數百里黨與極衆殊難嚴密布置查川省兵數本屬無多除分撥開縣一路及留防達州新寧保寧營山廣元太平竹峪關等處外

實在打仗兵丁祇有七千餘名因思臣前曾札商鄂輝等於苗疆事竣後酌量撥定官兵一萬名以備續調旋據覆稱業已擬撥貴州兵五千名雲南兵五千名一經檄調即可照數撥出茲當實在需兵之際合無仰懇

天恩准調此項官兵來川協剿庶於軍務有神

同日高杞奏言臣駐襄彈壓巡防並督籌鄂郡

《剿平苗匪稟稿卷六

疏

邊防軍需茲據宜昌府稟報川匪竄至巫山縣

逼近楚界旋據南漳令李芸經稟報竄匪由巫

山闖入巴東與山二月三十日已至遠安縣地

方查遠安毗連南漳荆門俱可笑入襄郡已飛

飭該州縣厚集鄉勇趕緊堵截此外如襄陽上

游之穀城光化均州下游之宜城鍾祥荆門皆

瀕臨襄江綿長數百餘里在在臣連豫省現

飭各該州縣將南岸船隻木筏提泊北岸多集

鄉勇分設水卡嚴密防禦但無官兵究不足恃

查汪新等帶赴鄂西官兵為數甚多節據鄂西

探報竄陝賊匪相距該縣地界已在二三百里

之外是襄郡較為緊要現經稟商撫臣回駐襄

郡並酌抽鄂西防兵來襄派委幹員分赴各水

卡督防現有續調赴鄂之叅將諾音保帶兵二

《剿平苗匪稟稿卷六

早

百名抵襄當經截留臣因襄郡為軍火糧餉重

地未敢遽離先令該叅將帶往前途扼要堵禦

至遠安附近荆州該處亦係重鎮並已飛咨副

都統海洪阿酌量帶兵堵截均奏入

上命軍機大臣傳諭勒保景安惠齡汪新倭什布曰

賊首王三槐徐添德等竄至白沙場與冉文儔等

合夥復分起滋擾達州經勒保等派令七十五關

聯陞等分路截擊勒保卽帶兵前往策應在寶竹寺江陵溪地方兩次殲賊一千餘名又於界牌地方將搶渡賊匪截擊所辦皆合機宜其奏請添兵協剿一節自應准其添調現已降旨諭令鄂輝遵辦矣若勒保等能於新調雲貴官兵未到之先將川北賊匪辦竣卽可飛咨帶兵人員仍由途次轉回此次打仗陣亡之副將達桑阿都司張永成並

聖鑒事

聖

安著補授湖廣總督伊現在盧氏一帶駐劄於楚豫交界地方籌辦一切機宜尙俱妥協盧氏距楚甚近著卽馳驛趕赴襄陽其陝西交界防堵事宜卽可交張文奇暫行帶兵駐守至湖北各處額兵早經歸伍景安抵襄後卽可於就近各營汛內酌調以資剿撫務須及早殲除且襄江向屬深廣非如寧羌一帶之漢江上游水淺易涉此時南岸船隻俱經調泊北岸尤當飭屬嚴防江岸毋令賊匪偷渡北竄而汪新馳回襄陽應與高杞先行籌辦不可因有景安到彼督剿坐失事機也其河南巡撫員缺已將倭什布調補山西巡撫員缺已令伯麟前往署理所有河南巡撫印篆景安可卽委員迎交倭什布接收俾卽前赴盧氏督同張文奇帶兵駐守其山西巡撫印篆倭什布亦可委員迎交

聖鑒事

聖

不必彼此等候致有遲延

上命軍機大臣傳諭鄂輝曰勒保前於苗疆事竣後
會札商鄂輝預撥貴州雲南兵各五千名聽候檄
調現在川省賊衆兵單不敷剿辦著鄂輝即將前
此預行撥定之滇黔官兵一萬名選派將弁帶領
迅速赴川聽候勒保調遣

聖朝聖訓卷六

聖

欽定剿平三省邪匪方略正編卷六十七 戊午年

三月十二日 丙子 秦承恩奏言賊匪李全一股經

與王文雄暨興肇柯藩於二月二十五六等

日在盤屋鄂縣境內兩次痛剿漸形窮蹙總在

近山一帶晝夜狂奔訊據獲犯供稱賊營內槍

馬三四千匹商議將近省城即由大路衝突直

走河南 臣等以賊志既在東竄官兵必須先行

聖朝聖訓卷七

抄出東北攔截省城及臨潼大路三十日賊匪

沿山竄近長安地界 臣等即由鄂縣趕至省城

星夜向東南地界截三月初一日行抵尹家衛正

值賊匪全隊已上大路興肇柯藩王文雄分兵

三路前進 臣相繼進發賊衆拚死迎拒我兵奮

勇直前殲斃賊匪八百餘名執旗賊目三名賊

匪仍向南折回大峪口一帶奔逸適 臣調赴北

路堵剿之平利鄉勇由南山小路行抵大峪口
探知賊匪已被官兵剿敗經帶領鄉勇之知縣
畢所密千總銜義首王英督率橫衝將賊匪截
斷攪殺多時殲斃三百餘名賊匪首尾不能相
顧遂向東西兩路翻山奔竄東路之賊竄近庫
峪適額勒登保因兜剿齊王氏等繞至藍田湯
峪卽首先趕到督率索倫及各營官兵奮勇迎
擊殲賊一二千名又有與肇等緊隨兜剿賊匪
前後受敵復分股折回抗拒經與肇柯藩迎頭
截擊殲戮甚多餘衆竄入庫峪口內西路之賊
竄至翔峪澧峪一帶分爲數股於各山溝內出
沒滋擾臣與王文雄於初二三四等日督率叅
將鍾岳鮑貴等帶領兵勇堵住翔峪向內逼攻
賊衆翻山四竄兵勇分投趕殺一千餘人其竄

欽定剿平三省邪匪方略

正編卷六七

欽定剿平三省邪匪方略 正編卷六七

入澧峪之賊尙敢恃險抗拒經兵勇撲上截殺
又斃五百餘人生擒二百三十人並招出被虜
難民一千數百人此外零星竄匪又經義首徐
正勝等帶領鄉勇沿途搜洗四百餘人奪獲騾
馬器械甚多此股業經辦竣庫峪之賊與肇柯
藩緊隨截剿連日多有殺獲而額勒登保探聞
齊王氏等有折竄藍田草坪河之信已自庫峪
馳回截剿與肇等兵力尙單臣復添派精練鄉
勇一千餘名前往協剿並挑派平利鄉勇繞道
馳赴商州一帶探蹤迎頭攔截不難殄滅淨盡
惟連接漢興道及五郎廳稟報有通江竄匪阮
正通一股於二月二十二日闖入南鄭之牟家
壩仍由城固之文川一帶竄至五郎廳境是北
路又關緊要齊王氏高均德等現有折竄草坪

欽定剿平三省邪匪方略

正編卷六七

一三三

河之信藍田一路亦須擇要嚴防臣與王文雄

現將秦嶺一帶卡隘布置即帶領兵勇馳赴藍

田一帶探聽各股賊蹤何路最關緊要即赴何

路迎頭截剿謹將此次出力人員開單呈

覽懇請

加恩再查賊匪裹帶良民先將髮辮割出並於面上

刺白蓮教三字意在脅令隨行使之不能逃走

臣聖朝聖鑒已沿途遍貼告示曉諭兵勇凡有乘間迷回

良民不得因此輒認為教匪妄行殺害現在陸

續投出者不下數千人除各路軍營隨時釋放

外其有解到省城者臣飛飭兩司逐加查訊凡

係被脅難民即給票放歸復業如實係從逆之

犯即行分別正法適接額勒登保來信沿途解

散被脅民人甚多與臣現辦情形相符庶足以

散賊勢而保無辜

同日汪新奏言臣前因陝省賊匪逼近鄜西前

往堵剿初三日行抵該縣探明賊匪高均德齊

王氏等尚在陝省商州山陽一帶奔竄距楚境

二三百里鎮臣路超吉現帶兵二千名分布駐

守並有道員張道源知府王正常帶領健勇數

千名於各要隘幫同防範聲勢連絡似可無虞

臣聖朝聖鑒初四日接准宜昌鎮張廷彥來札據稱川省賊

匪於二月二十五日由巫山縣竄至巴東羅溪

壩地方約有四五千人該鎮督率兵勇奮力迎

剿殺賊十餘名生擒賊目葉文中一名據供賊

首劉成棟共領賊匪一萬二三千人分為三股

尚有兩股從長峰山义一帶行走欲從歸州興

山一帶竄往河南陝西等處隨將該犯正法餘

賊營卽退去該鎮現已帶兵馳赴歸州堵截臣
查歸州一帶在在與川省連界路徑分歧現雖
設有兵勇每卡不過數百名誠恐寡不敵衆提
督文圖本在竹谿一路防堵此時陝省之賊已
各竄渡漢江勒保現調文圖前往巫山堵剿刻
下奔竄歸州者卽係巫山之賊臣隨飛咨該提
督速帶原領江西兵八百餘名馳赴歸州幫同
張廷彥迎頭截剿免致下竄其竹谿一帶卽飭
道員胡齊崙會同將弁防守臣亦卽日馳赴荆
襄一帶察看何處緊要卽往何處策應再此時
楚北各屬凡與川陝連界之處均需防剿是以
臣已飛咨荊州右翼副都統海興阿挑帶滿兵
五百名前赴歸宜一帶堵剿並咨會左翼副都
統成德以此時襄郡離賊尙遠仍令回荆鎮守

均奏入

上命軍機大臣傳諭秦承恩景安汪新額勒登保曰
秦承恩奏官兵節次痛剿李全股匪情形賊賊較
多惟首逆仍未拏獲現在西路竄匪業已殲盡是
否有張添文在內抑亦竄往庫峪而庫峪一股有
無李全在內均未聲敘總之首逆未擒祇將餘黨
剿散則到處勾結裹脅又必日聚日多今此股敗
匪復至庫峪竄擾豈庫峪獨非陝省地方可以在
賊屯聚耶乃秦承恩等輒因得有勝仗保列多人
尤屬非是特以此次帶兵員弁尙爲奮勉姑照所
請加恩此後總須拏獲賊首方准保奏不得妄思
冒濫現在庫峪竄匪與肇等緊隨跟剿秦承恩派
撥鄉勇前往協助興肇等務須倍加奮勉速將首
夥殲除淨盡至額勒登保本係追剿齊王氏一股

繞至藍田因李全一股正向西竄即到此地擊今
 此股賊匪已竄庫峪而齊王氏一股究在何處奔
 竄額勒登保當速行剿辦毋得急其所緩轉致正
 股賊首他竄至被賊裹脅良民經秦承恩分別安
 撫使之陸續投出亦足以解散賊匪所辦尚是又
 據汪新奏川省股匪由巫山竄入歸巴一帶自係
 白巖山竄逸之賊該撫回至襄陽並派文圖海與
 阿帶兵迎往歸宜堵剿而荆州一帶又有成德防
 守亦足以資彈壓所辦尚為得宜景安即日到襄
 當與汪新悉心籌辦勿任肆竄滋擾

聖著刑部會稿卷七 八

上諭內閣曰秦承恩等此次督剿鄂縣一帶賊匪並
 未擊獲首逆姑念打仗各員弁尚屬奮勉出力都
 司吳經國守備楊光時千總劉文煥蘭魁武李三
 得把總李清柱張斌外委彭繼魯知縣姚令俞俱

著加恩賞戴藍翎丁總王開吉沈得榮知縣畢所
 密典史江煒俱著以應陞之缺陞用千總銜義首
 任得勝王英嚴玉春隨營把總劉世勳鐵鑑俱著
 以把總補用候選從九品顧麟趾捐職從九品葉
 蔭松俱著以本銜即用

十三日丁德榜奏言查楚匪滋事以來蔓延
 數省皆由齊王氏姚之富二犯朋比為好首先

聖著刑部會稿卷七 九

集眾焚劫同教匪犯妄稱為總教師到處蜂起
 附和聽其號令是該二犯尤為眾惡渠魁屢奉
 聖明訓飭先令剿辦此股日前齊王氏姚之富與高
 均德分擾山陽商州經_臣等分兵抄擊該匪相
 繼竄入藍田又經官兵繞前截殺高均德折回
 山陽鎮安一帶南竄齊王氏姚之富折向山陽
 石河舖東竄其時額勒登保因張添文李全等

賊匪自盤屋竄及藍田正在迎頭截擊不及帶

兵協剿臣一路官兵不敷兜擊是宜酌量緩急

先剿齊逆查石河舖路逕歧出可由漫川關高

壩店前入豫省又可由上津堡前入楚北當派

賽沖阿帶兵一千晝夜馳至高壩店派溫春愛

星阿等帶兵一千馳至漫川關分投堵截臣同

明亮帶兵四千餘名由黃隴舖寬坪向漫川關

聖署彙纂卷七

十

兜剿並可與賽沖阿等三面夾擊初五日子刻

自黃隴舖發兵辰刻抄至寬坪正值賊分三路

向蓮花池一路竄走臣等帶兵亦分三路並進

賊人排列左右分投抗拒臣親率阿穆勒塔木

騰額副將德寧巴圖魯侍衛等帶兵從大路截

殺明亮同阿哈保副將扎爾杭阿等帶兵搶上

右手山梁壓擊圖桑阿率領步隊官兵接續前

進賊衆膽敢施放火鎗臣率領馬兵直前衝殺

左山梁之賊經明亮等率領勁旅擁上壓剿右

山梁之賊亦被達音泰等抄上擊殺共殲獲賊

匪一千餘名賊人力不能支分投狂竄臣由大

路乘勝追殺明亮同阿哈保達音泰由山梁馳

擊該匪奔至尖河口合為兩隊一股竄往兩河

口經賽沖阿在高壩店聞信帶兵迎擊一股竄

聖署彙纂卷七

十一

往漫川關經溫春愛星阿等帶兵截殺該匪仍

復折回臣趕緊前進與賽沖阿等三面夾攻賊

人又折向西南甘溝一路逃遁是日官兵自子

至亥追擊一百七十餘里斃賊一千四百餘名

又山寬坪追殺復斃賊八百餘名生擒朱孟祥

等五百四十三名奪獲騾馬七百餘器械無算

賊勢已靡惟首逆尙在竄逃急當乘勝力捕因

兵丁尚有未經趕到者連夜催齊查甘溝西北
卽爲楚北鄖西地界聞鄖西各要隘經汪新飭
令鄖陽府王正常該縣孔繼榦募設鄉勇防禦
周密隨飛飭該府縣等督率防堵臣分兵兩路
與明亮等於初六日五鼓帶領滿漢屯土馬步
官兵由上津堡槐樹溝兜剿隨剿隨進未刻將
賊匪追逼至三岔河賊眾男女尙有八九千人

聖朝聖訓卷七

三

猶敢捨死衝撲佔住山梁奔突溝口臣等親率
官兵路路截殺正在圍攻喫緊之際有湖北把
總修永宏帶領鄉勇堵剿前來併力截殺臣恐
首逆復又遁逸富將獲賊審訊據供左山梁一
路賊人齊王氏姚之富皆在其內遂將該二犯
年歲服色訊問明確一面飛派兵勇分投將餘
賊堵剿一面懇同明亮賽冲阿阿哈保温春達

晉泰阿穆勒塔德寧等帶領奮勇兵丁將左山
梁四面圍住該逆尙率男婦三千餘人滾石放
鎗力拒官兵四面一擁直上該二逆率眾奔逃
至險峻之處棄馬爬越吉林索倫官兵亦皆下
馬同步兵一齊趕擒臣當卽傳令眾官兵必須
生擒首逆解京毋得鎗箭致斃該逆等惶急萬
狀齊王氏率婦女十餘人從西南投落陡崖姚
之富亦向懸崖跳下臣飛飭擒捕姚之富已跌

聖朝聖訓卷七

三

傷心坎立時斃命齊王氏尙存殘喘臣同明亮
親督官兵將夥黨三千餘眾盡行殲斃其各山
梁溝內賊匪分派鎮將率兵剿捕殲斃四千餘
名生擒一千三百餘名內大頭目王如美訊係
自襄陽與姚之富幫同齊王氏起事之人僞稱
大丞相又獲小頭目朱正聲等二十三名均卽

凌遲梟首餘賊概予誅初七日黎明剿殺淨盡至齊王氏一犯初被擒時氣尚未絕當加訊問業已不能詳供惟自認齊王氏不諱并提集活犯張成美劉朱氏等令其認識俱指稱實係首逆齊王氏并稱該逆頭髮剃後復蓄長不盈尺并身穿繡衣耳戴金環可據姚之富一犯查訊各犯所稱面貌服色指對相符確鑿無疑當即傳集各營兵勇及附近人民將齊姚二逆臠割斬梟復將死骨剖揚軍民目覩無不歡呼稱快並將首級傳示湖北本籍及川陝滋事地方遍行曉諭再當委員解京此股賊匪為眾逆之魁既經剿淨省出一路得勝之兵別股賊匪自必聞風震懼臣乘此機會不肖少有遲緩計現在張添文李全一股經秦承恩等痛剿定易得

欽定剿平三省邪匪方略 正編卷六十七

欽定剿平三省邪匪方略 正編卷六十七

手臣即日帶兵馳赴山陽剿辦高均德一股總當以東北面為重即調他股賊匪竄近亦即隨時相機剿辦至此股賊內或有零匪竄匿山林者已飛咨秦承恩汪廷飭令該地方官督率鄉勇搜辦並將被擄未久民人確查省釋連日打仗索倫委防禦領催福珠里委驍騎校領催圖明阿委驍騎校領催阿里均因殺賊陣亡協領色爾滾等亦俱受傷其餘陣亡受傷兵丁另行查明咨部至鎮臣木騰額在苗疆出力年餘現在隨同剿賊日在前敵尚為奮勇所帶廣東兵丁寔屬得力又隨征滿漢屯土官兵及隨營辦理軍務各員晝夜跟隨不辭勞瘁容俟查明覈實再行分別奏請加

欽定剿平三省邪匪方略 正編卷六十七

恩奏入

二一九

上命軍機大臣傳諭勒保德楞泰曰連日盼望捷報

正在宵旰莫釋本日已刻遞到德楞泰奏報殲除

首逆齊王氏姚之富並將此股賊匪全行剿蕩覽

奏欣悅但兩首逆均係情急投崖垂縈雖經臬制

示衆究未能生擒解京盡法處治不為滿意前因

明亮係首先領兵之人任聽賊匪往來奔竄特將

伊革職拏問本欲解京治罪嗣復加恩暫留軍營

聖訓

六

作為領隊茲德楞泰戴罪首先領兵得此勝仗殲

斃二逆若非朕加之懲創則將弁等安能人人用

命一鼓直前耶明亮此次因人成事尚不足抵前

此遲悞之咎始念全股賊匪業經殲淨無遺伊等

尙知悔過自新德楞泰著賞給金鑲寶石帶鈎金

鑲松石盒玉喜字搬指大小荷包賽沖阿阿哈保

溫春阿穆勒塔達音泰木騰額德寧明亮並著各

賞給金鑲松石盒玉喜字搬指火鑲包大小荷包

木騰額帶領廣東兵丁尙為得力並著賞戴花翎

至湖北把總修永宏聞聲馳赴堵剿實屬奮勉卽

著超陞守備其隨征滿漢屯土官兵及辦理營務

帶領鄉勇等項出力各員俟德楞泰查明核奏再

行酌量加恩所有殺賊陣亡之福珠里圖明阿阿

里俱著咨部加等議卹現在德楞泰等率領勝兵

聖訓

七

馳赴山陽計此時陝省竄匪中緊要首逆係高均

德李全其次卽張添文阮正通務須按名設法生

擒解京處治斷不可再令情急自斃倖逃顯戮俟

陝境賊匪全數肅清後德楞泰等酌量情形所有

各處勝兵以十分之六赴川幫同勒保剿辦川北

賊夥以十分之四就近由鄖西取道速赴歸宜一

帶幫同景安等剿辦川東竄匪以期一律寧謐

上諭內閣曰據德楞泰奏會同明亮追剿賊匪將首逆姚之富齊王氏職斃明亮尙有微勞著將伊二子釋回加恩賞給上虞備用處拜唐阿此係朕格外體恤明亮當倍加感奮速擒首逆以贖前愆

十七日辛巳勒保惠齡奏言王三槐徐添德冉文

儔等屯踞達州渠縣境內臣等在蚊蟲溪併

力擊退後匪衆卽於對河白山寺等處屯聚並

欽定剿平三省邪匪方略

六

分股直趨永興場窺伺渠縣又分股潛匿石梯

坎一帶以防官兵追截情形實爲狡詐查三滙

一路已先派副將雷仁海常等帶兵馳堵插旗

山一路仍飭總兵保興副將宋延清等躡蹤追

擊臣等同提督富成副都統七十五總兵富爾

賽百祥等設法渡河又派令兵勇砍伐竹樹密

爲預備二十七日晚間霧雨微集卽於四更時

一面遣人於上游花石磬地方安設大礮轟擊一

面於沙溪灣下游紮筏徑渡臣等督令兵勇一

躍上岸占住白山寺對面山梁分兵兩翼直抄

賊營維時賊匪多在沿河備禦我兵出其不意

奮勇向前殲斃無算而附近占據民房及散處

河灘之賊聞聲屬至我兵往來衝擊又斃賊六

七百名搜獲賊礮五個生擒一百三十七名餘

欽定剿平三省邪匪方略

九

衆分路逸出遊擊王國棟千總張文魁受傷陣

亡偵探賊蹤有向渠縣三滙奔竄者有從橋灣

河等處折回者臣等因三滙爲渠達交界之區

是以督率鎮將星夜馳赴該處截剿正在布置

間據報保興等一路官兵於二十八日從插旗

山進發追至石梯坎遇賊接仗連奪賊卡五座

殺賊五百餘名因該處山徑紛歧兼之風雨驟

至賊匪攢集攻撲適宋延清後隊官兵繼至輪

番衝擊而賊匪愈聚愈多相持不退臣等即令

富成及總兵穆維等選帶勁兵星夜馳赴石梯

坎詎保興因賊勢緊急身先士卒出卡壓擊猝

被鏢鎗陣亡叅將文奎都司黎志誠同時受傷

殞命其餘將領兵丁正在與賊攪殺適富成等

趕至余家寨地方距石梯坎數里即督兵衝擊

剿平霍亂編卷六

三

而進賊匪見有大隊策應隨即散竄該提督統

兵追剿五六十里沿途殺賊七八百名生擒游

玉俸等五十餘名訊供此起賊匪即係冉文儔

因王三槐徐添德被剿情急是以商令該逆在

後以防官兵追擊臣等於三十日進抵三匯據

雷仁等面稱賊匪見三匯已有官兵不敢前進

即從土溪場李復溪一路焚掠勢必直撲渠縣

臣等遂令富爾賽雷仁帶兵一路從草街子繞

出賊前以護渠縣城池令七十五百祥等帶兵

一路從土溪場繼進臣等督同富成等由林壩

溪中途進發初二日行抵板橋正遇賊匪肆出

焚掠我兵奮勇截殺殲斃三百餘名餘匪復從

三板場一路竄去臣等連夜帶兵趕抵土城壩

忽有賊匪分為五路搖旗吶喊而至富成七十

剿平霍亂編卷七

三

五富爾賽等分兵下壓擒斃極多賊匪旋又另

分一股從土城壩之右衝突而上直撲臣營盤

勢極兇悍臣等同明興督率馬步官兵向前截

殺並令百祥等從大神山橫衝賊隊又斃賊三

百餘人守備張潔中鎗陣亡臣等即督兵乘勢

進擊搶上對面山梁賊匪向巖峰灘一路奔竄

統計自板橋進抵土城壩殺賊二千餘名生擒

二百五十九名內有田在潮一名係徐添德同
時起事賊目黃紹遙一名係冉文儔手下賊目
訊供首逆王三槐等現從岩峰灘一路逃去其
永興場李家場貴富驛苦竹寺等處尚有賊衆
在後屯紫原係彼此商量如能攻得三匯渠縣
卽赴廣安大竹一帶前去如被官兵攔住卽從
貴富驛靜邊寺竄往營山再定去路當將該犯
等分別凌遲正法臣等一面於三匯渠溪各
要隘酌量留兵防範並飛飭渠縣達州於石橋
河江陵溪佛樓寺等處趕緊分撥鄉勇扼要堵
禦一面卽督率官兵馳赴營山靜邊寺一帶相
機兜截再查開縣一路竄匪擾及雲萬下游經
臣等分飭總兵富森布德齡艾如文副都統銜
六十七等設法攻剿並令夔州府知府張至幹

欽定剿平三省邪匪方略

正編卷六七

督飭所屬扼要防堵飛札宜昌鎮總兵張廷臣
卽帶楚省防兵馳赴巴巫一帶駐守連日據報
林亮功等一起仍在開州坪地方恃險拒守其
分竄雲萬下游一股繞至大寧縣屬青莊坪寶
塔寺等處經觀成等撥兵堵截並經大寧縣知
縣鍾蓮團集鄉勇分投截殺運道旋就疏通匪
衆復折回奉節攻撲蓮花池卡隘知府張至幹
等督率兵勇併力堵剿斬獲甚多餘匪卽向巫
山一路逃竄該處本有叅將吉林泰都司徐朝
綱等帶兵駐守現據張廷臣稟報亦帶防兵移
至巴東縣屬界嶺等處互相防堵自能遏其東
竄
同日宜綿奏言臣於初一日自漢中兼程前進
探聞阮正通一股已竄至五郎廳漸入鎮安西

欽定剿平三省邪匪方略

正編卷六七

界其高均德齊王氏等賊匪經額勒登保明亮
 德楞泰等在野豬坪舊縣關連次截擊官兵現
 由黑虎廟等處分路兜剿又據西鄉紫陽等縣
 稟報張漢湖股匪現在西鄉之鹿池壩屯紮又
 據湖北竹山縣稟報川匪一股擾至巫山之八
 石坪地方約三四千人進窺房縣又有兩股在
 大寧一帶滋擾查五郎廳在興安之北西鄉紫
 陽在興安之南此兩股賊匪均無官兵剿辦而
 川匪在巫山大寧等處一入房竹境內又與興
 安之平利毗連刻下情形興安最為緊急該處
 防兵無多亟須籌備正在催趨前進間途次接
 奉

諭旨似蒙

聖慈體恤以臣年老病多令回陝甘本任又暫留明

亮帥隊帶兵為臣幫助感激涕奮不可名言自
 顧衰病之身衝鋒打仗萬不敢虛詞欺飾亦不
 敢觀言調度得宜惟有於各路領兵大員中實
 可倚靠之人推誠相與互相勉勵臣在川時聞
 額勒登保剿辦楚匪晝夜截殺不辭勞瘁此次
 帶兵來陝又復身先士卒奮不顧身實為各路
 領兵大臣中之巨擘德楞泰熟諳軍務計慮精
 詳拊循士卒人皆用命至明亮屢經行陣地利
 賊情皆能洞悉閱歷既久利害分明惟恐稍損
 國威過於持重則有之且德楞泰年力較壯一聞賊
 信帶兵先行明亮不得不在後策應實非退縮
 不前此次追剿高均德一股臣細加訪察賊匪
 數實逾萬經伊二人痛加剿殺所餘僅有千人
 計日已可成擒因齊王氏渡江合夥以致復稽

聖祖聖孫編卷七

三

聖祖聖孫編卷七

三

昨日是明亮於德楞泰尙無嫉功掣肘情事當

此剿捕喫緊之時正須重藉其力而德楞泰額

勒登保共事有年尤可相與有成臣於初五日

馳抵興安距軍營已近當即飛咨德楞泰額勒

登保將高均德齊王氏兩駭賊匪速行剿淨並

令統領此路官兵以期事權歸一惟興安當三

面賊匪之衝臣所帶之兵不及千名雖現調鎮

《剿平三省邪匪方略卷七

三

臣關騰防守石泉之兵五百名來興又因兩河

關為賊匪往來熟徑復派叅將李昌帶兵五百

名州判薛因勉帶鄉勇二千名趕赴該處防堵

所存之兵實不敷剿捕德楞泰等軍營兵力較

充可資抽撥臣隨飛調明亮於該處酌抽綠營

兵二千名帶赴興安臣敬宣

恩旨將伊作為領隊令其帶罪自贖臣即督赴鎮安

西界剿殺如阮正逼一股與高均德等合夥正

可與德楞泰額勒登保等兩面夾擊至張漢湖

等一股賊匪此時實無兵力剿捕臣已飛札署

總兵田有成將現有之兵六百名嚴守堰口保

護西鄉縣治並派遊擊額爾畢濟呼帶兵四百

名鄉勇一千名防守漢王坪梅湖一帶其紫陽

隘口甚多臣又派知州宋昌琿知縣金思義等

《剿平三省邪匪方略卷七

三

帶領鄉勇分赴安子溝盤廟河等處防堵共與

湖北竹山竹谿聯界之白土關臣又飛飭平利

縣多練鄉勇嚴密堵禦

同日汪新奏言臣於初九日行抵襄郡接據各

屬稟報川省賊首劉成棟等率領醜類萬餘分

為三股於二月二十八九等日出巫山縣闌入

宜屬之巴東境內因賊勢甚眾防守兵勇多有

傷亡賊即由歸州分竄與山東湖保康三屬直

逼遠安南漳等境臣察看賊情非窺伺荆襄即

圖竄豫省此時荆襄各屬兵守空虛惟有於東

北一帶竭力攔截逼入西南山險以待大兵到

來前後夾擊臣已飛咨鎮臣張廷彥帶兵馳赴

東湖一路抄截並令副都統海興阿挑帶滿兵

數百名速往當陽駐守文圖帶領江西兵八百

聖著程方學編卷七

天

餘名並臣所派叅將董寧川帶兵四百餘名赴

保康興山一帶迎頭截剿並令接界各屬原集

健勇四面兜圍以期逼歸一處仍一面飛咨勒

保派兵來楚協剿庶可一鼓集事惟安陸襄陽

鄖陽三府所屬江面綿長千有餘里在在與豫

省連界目下江水正枯處處可涉臣現飛飭各

屬於漢江北岸照依上年所定章程安設鄉勇

加謹防禦並飛咨景安酌派兵勇前來北岸協

守均奏入

上命軍機大臣傳諭勒保宜綿德楞泰景安汪新曰

王三槐徐添德冉文儔等合夥屯聚達州渠縣境

內經勒保等督率官兵沿途截剿共殺賊二千餘

名所辦尚好該匪雖人數較多現在勒保又調雲

貴兵一萬名不日即可到彼兵威極其壯盛且齊

聖著程方學編卷七

天

王氏姚之富二首逆業經殲斃今已傳首禁北賊

匪聞此信息自必倍形震懾勒保務宜趁此機會

將王三槐徐添德冉文儔等各首逆速行擒獲不

可專待雲貴兵到始行進剿總兵保興身先士卒

遇賊陣亡實為可憫著加恩照提督例議卹其餘

陣亡之叅將文奎遊擊王國棟都司黎志誠守備

張潔千總張文魁俱著咨部加等議卹至宜綿奏

令明亮酌帶官兵前赴興安一節此時剿捕情形

究以高均德一股為要若能將該逆即行擒獲其

阮正通等窮竄之賊剿除自易此旨到時如明亮

已經拏獲高均德自可馳赴興安若正在喫緊追

剿即當與德楞泰奮力進擊務將該逆速行拏獲

剿淨餘黨再酌量情形或帶兵分赴宜綿秦承恩

兩路剿辦阮正通李全等股賊匪至川省賊首劉

剿平邪匪方略正編卷七

成棟等由巫山歸州竄近遠安南漳等境經汪新

督率兵勇於東北一帶攔截逼入西南山險所辦

尙是此時景安自已抵襄惟當與汪新督率將弁

兵勇趕緊截將此股竄匪速行剿淨不使再有

他竄至陝省竄匪相距潼關已遠著倭什布速赴

豫省調任仍在盧氏一帶督同張文奇帶兵防守

十九日癸未德楞泰額勒登保奏言臣德楞泰於

初八日由鄖西領兵進發十一日馳抵山陽屬

之九里坪先是臣額勒登保於初一日抵湯峪

口拏獲賊匪探馬溫智仁等四名據供張添文

李全等合夥欲往藍田縣城滋擾並欲與高均

德齊王氏合夥當將該犯等凌遲處死官兵趕

至小廟口賊匪蜂擁而來當令綸布春長春噶

達鼐富森額富里善分為兩路迎擊賊匪捨命

剿平邪匪方略正編卷七

抗拒臣額勒登保帶領烏爾呼諾格布舍德明

泰等由中路衝擊自未及西殲賊二千餘名餘

賊向秦嶺奔逃時興肇柯藩已帶兵前來臣額

勒登保覓道由石灰廠曹家坪一帶前進初四

日馳抵金井口探知李全張添文等近在小河

口即率兵分路截擊緊躡賊蹤該匪等輾轉奔

逃沿途殲戮一千餘人賊眾復從板巖石梯子

等處狂奔西竄勢將趕上高均德合夥臣額勒

登保於初九初十日由峒峪口抄出九里坪適

臣德楞泰同明亮從鄂西抄道前來遂會晤公

同籌酌現在節據探報賊首阮正通冉文傳令

添祿等分股由川入陝在五郎鎮安山陽等廳

縣一帶滋擾均可前竄西安省城潼關大道並

可闖入楚豫股數既多人數亦衆自宜先以東

聖訓編卷七

三

北為重查東面一帶漫川關業經總兵路超吉

帶領兵勇駐守堵截其北面近省一帶已有秦

承恩王文雄在盤屋郿縣適中之地扼要防堵

臣等帶領勝兵務擇賊匪奔竄緊要道路按股

進剿惟有隨時相度機宜上緊籌辦再臣德楞

泰於十二日接准宜綿來咨飛調明亮抽帶兵

二千各速赴興安一帶剿辦當於前敵抽派索

倫兵五百名交圖桑阿管帶廣東兵一千五百

名交鎮臣木騰額管帶明亮即於十三日由山

陽黑山口統率起程星夜前往

同日秦承恩奏言臣與王文雄將荆峪等處賊

匪剿盡即帶兵馳赴藍田探蹤截剿途次接據

探報賊匪一股約二千餘人直奔孝義廳滋擾

臣即飛飭嶺上各卡隘嚴密防守一面會同王

聖訓編卷七

三

文雄帶兵馳回大峪口旋又接防守孝義之差

弁高鳴玉稟報初九日賊匪一股由南路直撲

孝義該弁即同千總銜嚴玉春毛昭遠等督率

鄉勇奮力堵禦斃賊三百餘名忽又有一股賊

匪由沙溝小路繞至署後拋擲火彈燒燬民房

廳署同知葉文麟之子葉槐督同鄉勇高占魁

等竭力抵殺互有傷亡適葉文麟自秦嶺聞信

卽帶領兵勇二百名趕緊應援賊匪遂向東南
狂竄訊據獲犯供稱係李全分出之賊因聞各
路官兵俱在東南兜剿卽伺隙翻山北竄欲勾
合阮正通一股偷過嶺北直奔大路裹掠臣等

查此時高均德一股尙在鎮安山陽之間阮正
通一股已由五郎竄入鎮安境內又連據西鄉
縣稟報賊匪張漢潮及龍仁山之姪二股已先

聖朝聖訓

書

後由川省竄至西鄉之漁渡壩紫陽之毛壩關
等處賊匪股數既多難保其不乘虛四竄計現
在秦嶺以南有額勒登保與肇柯藩等分路兜
剿而德楞泰明亮已將齊王氏大股殲淨卽帶
領勝兵會剿江綿亦自興安前來督辦惟嶺北
一帶祇有臣與王文雄所帶兵勇三千餘名現
探此股賊匪已由東南奔逸臣等若過嶺追趕

轉恐逼入藍田諸峪口乘間北竄自應卽在大
峪口一帶顧住北路相機堵剿仍一面飛催山
西兵二千名趕緊前來現有英吉沙爾領隊大
臣承德來營告請帶兵應請

旨留於軍營俟山西兵丁到齊卽令承德帶領以資
統率又革職藍翎侍衛慶廉前因扶送伊父總
兵德光回旗今到陝西呈請隨營聽候調遣臣

聖朝聖訓

書

已令其隨同將備等帶兵如果奮勉出力另當
核實奏
聞此次在孝義打仗傷亡兵丁鄉勇另行查明咨部
再鄉勇高占魁係漢中木商上年曾捐出大木
五千根紮立雞頭關木城又捐木枋數千以供
大兵炊爨此次帶領木牌水手在孝義打仗身
受重傷復衝入賊隊殲戮多人實屬奮勇臣

賞給千總頂戴又在配軍犯陸世涵龔大徒犯
王德潮三人隨同打仗甚為出力可否即予開
釋出自

皇上天恩

同日與肇柯藩奏言臣等自初一日與秦承恩

王文雄合兵截擊賊匪即向東西分竄隨公同

商定秦承恩王文雄仍帶原兵截剿西竄之賊

《剿平舊黨彙編卷七

三

額勒登保帶兵由藍田進發臣等緊躡賊蹤由

秦嶺之庫峪追剿初三日行抵嶺頭不遠據前

探報稱賊眾大隊屯聚前面山梁臣等即率領

官兵星赴該處先備大礮仰攻賊人滾放播石

下擊臣等鼓勵將士隨攻隨上斃賊一百餘名

餘匪捨命向下滾逃官兵乘勝下壓又斃賊二

百餘名生擒一百三十七名下至半山前面溝

內預匿賊眾又於山脚下分為三隊捨命攻撲
臣等督率將領各帶兵勇亦分三路迎擊正值

大霧瀰漫賊眾竟敢吶喊齊上官兵鎗箭競發

至三更時賊始稍退即率官兵扎駐次日黎明

查知擊斃賊匪百有餘名將弁中協領富魁外

委馬伏相均因打仗受傷千總趙復興陣亡其

餘滿漢兵內亦有傷亡另行查明咨部初五日

《剿平舊黨彙編卷七

三

行抵曹家坪額勒登保已到紅石溝口臣等即

赴彼營商定分路前進至張家坨地方額勒登

保趕上賊匪殲殺多人餘向九里坪等處逃逸

臣等沿途捕剿於初七日行至鳳凰嘴南水碓

內突出騎馬賊數百名勢甚兇悍臣等即督令

官兵向前迎敵衝殺多人賊始退上山包復有

多賊接應我兵奮勇直撲上山又殺賊二百餘

各其潛匿溝內之賊均被擊斃生擒陳彩章等
一百二十八名訊據供稱係二月二十二日由
岷柳灣渡過漢江此股賊首係阮姓冷姓二人
實不知其名字當將該犯等正法餘賊已越水
確溝逃竄臣等現仍躡蹤截剿務期早行掃蕩
均奏入

上命軍機大臣傳諭勒保宜綿德楞泰景安秦承恩

欽定剿平三省邪匪方略

三

曰陝省竄匪齊王氏姚之富俱已殲斃高均德祇
係潰散窮蹙之賊無難一鼓掃蕩乃德楞泰等以
現有與肇柯藩帶兵截擊伊等轉向東北一路截
剿阮正通等竄匪豈非緩急失當此時興安一路
本有宜綿在彼明亮又帶兵前往足資協剿德楞
泰額勒登保各有勝兵四千各秦承恩與王文雄
追剿賊匪屢得勝仗今又添山西生力兵二千各

各路聲威均極壯盛惟當乘勝兜圍將高均德李
全張添文阮正通冉文儔冷添祿張漢潮等悉行
擒獲肅清陝境但聞德楞泰秦承恩各摺內有節
據西鄉等縣稟報川省賊匪分股入陝各等語此
則不可從前漢江一帶係與肇柯藩在彼防堵現
在與肇等即因追賊未能兼顧而漢江一帶尚有
署總兵田有成及道員文需等帶領兵勇在彼防

欽定剿平三省邪匪方略

三

禦焉有任賊匪涉渡之理豈漢江一帶自與肇等
離彼後竟無一人駐守大小文武置之不顧上司
亦不查問耶至川北賊匪乘間竄入陝省而川東
賊匪又竄入湖北竟欲以鄰國為壑勒保經朕委
任不宜如此居心即勒保未暇查及而伊所屬將
備員弁則不能保無逐賊出境自圖省力之意著
該督即行查明據實奏仍遵旨派員帶兵速赴

漢江南岸交界處所堵截賊匪竄竄之路並著宜
 綿秦承恩王文雄督飭陝省各員嚴密布置妥為
 堵禦毋得再有疎縱至秦承恩奏承德告留軍營
 一節此時新疆本無要事承德自應留於該處帶
 兵以資得力俟賊匪剿淨再令前往英吉沙爾所
 有打仗出力之鄉勇高占魁如果始終奮勉即以
 千總補用又在配軍犯陸世涌龔大徒犯王德潮
 均屬出力亦著咨部准其開釋其興肇等一路殺
 賊陣亡之千總趙復興著咨部加等議卹此時陝
 省各股竄匪其高均德李全兩股著責成德楞泰
 額勒登保興肇柯藩專力剿辦其阮正通及後來
 之張漢潮一股賊匪著責成宜綿明亮專辦其在
 西安附近之李全分股賊匪及後來冉文傳一股
 若果竄近東北著責成秦承恩王文雄承德專辦

聖旨 聖旨 聖旨

如此各專考成庶可迅速集事倘各股之賊又復
 合而為一則四路官兵兜擒夾擊更可聚而殲戮
 宜綿德楞泰秦承恩等當倍加奮勉也至景安此
 時自己前抵襄陽現在與山保康一帶川東竄
 匪滋擾襄江一帶防堵為要惟柯藩在陝不能兼
 顧南陽已令護理河州鎮篆將田永桐補授南陽
 鎮總兵即著馳驛前往此時倭什布已由蒲州前赴
 盧氏一帶所有襄江防守事宜即著景安倭什布
 指示張文奇田永桐妥為防範以期豫楚交界一
 帶悉臻寧謐
 上諭內閣曰明亮現在帶兵前往興安一帶協剿賊
 匪念其前將齊王氏姚之富職繁著有微勞著加
 恩賞給副都統銜並賞戴花翎

聖旨 聖旨 聖旨

欽定剿平三省邪匪方略 正編卷六十八 戊午年

三月二十一日 臣 景安奏言 前因川匪竄至

楚境即飛咨張文奇帶兵前往襄北防堵十五

日接奉

諭旨令 臣 趕赴襄陽伏查豫省西路數月來業俱布

置妥協復留兵二千八百名交與參將蔡鼎遊

擊李正品等帶領分佈關鄉盧氏浙川一帶並

欽定剿平三省邪匪方略

派各州縣率領鄉勇協堵 臣 即遵

旨馳赴襄陽截剿現在探聞賊匪已至南漳一帶當

將隨 臣 策應兵二千餘名飭令將弁隨後帶往

襄陽以濟急用

同日汪新奏言 臣 接據保康縣楊開境稟報三

月初八日賊匪竄至該縣歐家店地方經署守

備吳華督兵迎剿斃賊五十餘名生擒二名餘

賊返由歇馬河一帶擾至南漳之馬耳坪程侯

山等處適 臣 派往之參將董寧川帶兵迎頭截

住刻下文圖自已趕抵該處即可併力合剿至

東湖一股於三月初六日擾至霧渡河地方經

鎮臣張廷彥會同宜昌府王春煦等督率兵勇

併力剿擊斃賊一百二十餘人生擒羅貴等七

人餘賊亦向保康南漳一路奔竄 臣 已飛囑文

欽定剿平三省邪匪方略

圖張廷彥董寧川等前後夾攻惟賊勢向眾兵

力稍形單薄 臣 現已飛咨景安即於豫省酌帶

官兵速來協剿

同日湖北宜昌鎮總兵官張廷彥奏言 臣 於二

月二十二日在巴東界嶺地方接奉督臣勒保

札稱川省開縣等處逆匪分竄雲萬大寧邊界

令移師前往巫山截剿正在起程間差探賊匪

已至巫山縣屬之龍溪河牯牛窰等處焚掠距
界嶺止八十餘里當即督率遊擊俞國智等帶
領弁兵五百餘名鄉勇頭人麻光玉等帶領鄉
勇三百名前往迎截二十五日卯刻行至羅漢
壩地方遠見騎馬賊匪帶領夥眾五六千人奔
突而來臣即飭令官兵整隊排列鄉勇等從旁
策應該匪冒死攻撲我兵鎗箭齊發立斃騎馬
賊匪十餘人生擒執大旗賊目一名餘匪向西
北奔竄訊據該犯供稱名葉文宗是劉成棟手
下先鋒劉成棟在巫山與張漢潮一股合併共
有一萬餘人商量要竄到湖北擄掠在牯牛窰
起程分作三路並進頭二兩起是張漢潮帶領
約定在興山交界之長峯仙風觀兩路行走劉
成棟帶領眾人出羅漢壩前來原要搶進界嶺

《聖朝實錄卷六》 三

在歸州會合當將該犯寸磔臣仍督師進剿行
至會家嶺山梁遙見興歸連界之管垭子等處
火焰衝熾諒係賊匪竄入焚燒適與葉文宗供
情符合即飛飭守備汪鉉亮於附近下所撤帶
弁兵四百餘名馳往興山會同該縣守護城池
臣即帶兵勇一千餘名由間道抄赴歸州攔剿
二十六日行抵州治賊匪已逼近州城大兵乘
夜於州城外扼要地方紮定二十八九等日署
知州陳元京帶領守城鄉勇隨同官兵併力夾
擊殲賊三十餘名生擒四名賊眾始向東北逃
竄並據汪鉉亮及署興山縣朱宗騰稟稱賊匪
屢次攻撲縣治俱經兵勇擊退已向黃連坪望
東竄去拿獲賊匪李朝祿供稱意欲前往宜昌
府城搶掠當經飛調守備周言昇帶弁兵五百

《聖朝實錄卷六》 四

名回守歸州臣帶領兵勇漏夜由水路趕回
郡商同知府王春煦督率兵勇守護郡城令通
判何學青帶領鄉勇在後接應臣偵探賊蹤來
路統兵駐劄郡城西北之霧渡河地方依山埋
伏三月初六日賊匪果從淡水壩一帶焚搶前
來我兵乘其不備迎頭截殺貢生傅治捐職州
同場紹文武生汪學江率領義勇從旁衝擊賊
斃賊匪一百三十餘人生擒賊目羅貴余尙友
等七名餘匪向保康房縣各路分頭竄逸茲接
准汪新咨會已派文圖帶兵由房縣一帶前來
會剿正可前後夾攻剿洗淨盡至兵勇節次打
仗間有傷亡俟查明咨部議卹
同日路超吉奏言臣前將鄆西應設各隘卡安
置妥協後卽會同知府王正常馳赴堵截途次

欽定剿平三省匪方略

五

聞德楞泰明亮等痛剿賊匪該匪已旁遁甘溝
一帶臣卽取道前進初六日行至槐樹溝正遇
賊匪前隊竄來臣同王正常分帶兵勇搶據山
包賊匪膽敢衝撲抗拒當經親率兵勇奮力壓
剿千總李光外委樵呈祥額外外委鄧起雲賀
樹俱因衝撲賊隊陣亡兵勇擊剿益力斃賊六
十餘名生擒二十七名適德楞泰明亮等領兵
逼剿前來派臣速赴泗峪河堵截臣卽馳赴該
處防堵嗣經德楞泰等將齊王氏姚之富一股
逆夥全行殲淨查漫川關一處爲山陽鎮安入
楚總口防堵宜嚴因將前設沙溝鋪校場關官
兵八百餘名移駐該處並集鄉勇二千協同駐
守又關防舖一處爲洵陽入楚要隘除現設官
兵四百名外將前設藍灘官兵四百餘名移來

欽定剿平三省匪方略

六

亦集鄉勇二千名駐守臣與道員張道源知府王正常仍於該二處隨時往來嚴密防範均奏入

上命軍機大臣傳諭景安汪新曰豫省西路經景安佈置妥協復留兵交將弁等分布防守景安即馳赴襄陽截剿所辦俱合機宜此時湖北賊匪據汪新奏滋擾保康一股已向南漳奔竄現經文圖與

聖祖聖訓卷六

七

叅將董寧川併力合剿其東湖一股經張廷彥等抄截奮擊亦向南漳奔竄勢俱窮蹙今張廷彥跟蹤緊躡正可與文圖等前後夾攻且景安又帶弁兵二千餘名接續前往惟當乘賊匪竄聚南漳之時奮力進擊將賊首劉成棟等剋期剿淨至路超吉奏到之摺祇係帶兵防堵及搜捕餘匪情形皆係已往之事現在景安已赴襄陽該鎮等惟當聽

其調度不必紛紛續奏徒亂人意所有殺賊陣亡之千總李光外委樵呈祥額外外委鄧起雲賀樹均著咨部加等議卹

二十二日丙戌恒瑞慶成奏言羅其清等股匪自

石坂埡折向東南奔竄臣等躡蹤兜剿並派副

將丁有成遊擊岳寧阿等各帶兵勇沿途搜捕

連日多有擒獲行抵龍岡寨地方探知賊匪現

聖祖聖訓卷六

八

屯孫家梁一帶時往西通蓬州南部之路搶掠

該處山深箐密祇可徒步帶兵臣恒瑞帶副將

皂靈保常格等由左進攻臣慶成帶副將德忠

丁有成等由右進攻總兵觀祥等率領弁兵接

續前進甫至雙山子地方適遇前隊賊匪數百

人猝奔前來我兵鎗箭並施斃賊一百餘人餘

賊敗退臣等乘勢追殺前往松林內復有數股

賊匪各執白旗撲出接應當即督兵施放鎗礮

斃賊極多賊眾復依踞山巔放鎗滾石並分股

繞出衝撲臣等鼓勵弁兵攀援直上又斃賊二

三百人餘賊向東竄去此次打仗賊匪依恃林

木障蔽得以潛身放鎗擲石副將丁有成都司

徐得守備馬滿海均因奮勇殺賊陣亡臣慶成

於雙山子率兵在前掩殺左腿偶中鎗傷鉛子

深入未出轉動為艱現在加緊調治弁兵內聞

有傷亡查明另行咨部現聞勒保兜剿王三槐

等前來相離漸近臣等當與彼此札商併力剿

辦奏入

臣命軍機大臣傳諭勒保恒瑞曰恒瑞等兜剿羅其

清等賊匪沿途殺賊無多及賊匪依恃林木障蔽

潛身放鎗擲石丁有成都等未經防備致致計未

免矢之冒昧至慶成左腿中鎗尚非要害之地祇

須加意調養自可漸就平復所有打仗陣亡之副

將丁有成都司徐得守備馬滿海俱着咨部加等

議卹看來羅其清一股經恒瑞等截剿東竄欲與

王三槐徐添德合夥而勒保帶兵由營山一帶兜

截與恒瑞相離甚近正可彼此知會夾擊況所謂

聖鑒事 九

雲貴兵一萬名想已陸續趕到得此生力多兵自

無難一鼓集事也

二十四日臣宜綿奏言臣因阮正通張漢潮兩

股賊匪在興安南北滋擾無兵截擊暫駐興郡

當派叅將李昌帶兵五百名州判薛困勉帶鄉

勇二千名趕赴兩河關堵截並調明亮帶兵二

千名來興會剿嗣聞張漢潮一股已竄至王黑

塲距梅湖僅六十里將次渡江臣因原派防守

梅湖之遊擊額爾畢濟呼僅有兵四百名不敷分佈復將所有之兵一千二百名盡交與臣關騰及烏爾圖那遜帶領馳赴梅湖並撥石泉鄉勇一千名前往協防初十日賊匪直趨梅湖陋淺過江額爾畢濟呼正在分途堵禦關騰烏爾圖那遜已帶兵勇趕到賊匪奔回南岸經我兵殺死及淹斃者甚多乘勢追過漢江又殺死三

聖祖聖訓卷六

十一

百餘人時已薄暮遂將兵勇撤回北岸防守賊眾又竄至毛埡塘屯聚其時署總兵田有成率遊擊張濯等在大草地山梁駐紮署西鄉令張泰亨同守備趙步雲等在九滾坪鸚歌岩各隘口駐紮賊匪尙圖北竄於初十日率領四五百人直撲卡隘經田有成張泰亨等督率兵勇連次奮力夾擊共殲斃騎馬賊二十一八餘匪五

百餘人生擒二十五名殺死執旗頭目龍顯文等三名維時知州宋昌珩知縣蔣志垣金思義等亦自紫陽之紫溪河上地嶺亮埡子分途追逐又殺賊四百餘人奪獲驃馬刀矛無數餘匪分爲兩股一由三花灘小徑至四川之通江一由石子壩至四川巴州境內該處俱與西鄉大巴關接壤臣一面飛飭田有成張泰亨等繞出

聖祖聖訓卷六

十一

峽口屯紮扼其入陝要路一面通知勒保囑其派兵剿辦其李昌所帶兵勇於初九日抵兩河關次日黎明果有賊匪千餘人自東竄至李昌等奮力攻擊殺死二百餘人賊目楊英執旗騎馬往來衝陣我兵鎗傷其馬倒地卽被兵勇亂矛戳死賊眾紛紛奔潰正在督兵掩殺間忽阮正通等股匪自洵河突至餘匪遂乘機潰出李

昌急令薛困勉帶鄉勇一千名追殺自率官兵
五百名鄉勇一千名迎敵阮正通等股匪見官
兵人少競來攻撲李昌督率兵勇擊斃賊三百
餘人賊衆猶不肯退自辰至申轉戰五時把總
王瑞圖外委苟喜皆力戰陣亡李昌亦受矛傷
猶縱馬深入我兵勇氣倍增鄉勇亦人人用命
又殺賊六百餘人賊衆遂竄向麻葉坪一帶李
昌傷重回營旋即殞命查該叅將以數百之兵
禦數千之賊竭力截回不使竄入湖北力戰捐
軀實堪悼惜至薛困勉追趕前股餘匪行至爛
草坪又殺賊三百餘名生擒李日瑞等十七名
餘匪四散奔竄此時陝境之賊惟阮正通等一
股人數衆多現向麻葉坪一帶奔竄已距興安
不遠臣與道員溫承恩在東西兩渡紮營遏截

聖朝聖德

三

賊匪斷不敢窺伺郡城必將由北山繞至石泉
一帶渡江回川臣已飛咨興肇柯藩帶兵繞出
賊前截殺但興肇等兵力尙單計額勒登保與
德楞泰明亮兩隊大兵亦先後將抵山陽臣又
專札囑其酌分一人前來或專派鎮將帶兵數
千名隨後追殺與興肇柯藩兩面夾擊此次出
力員弁及傷亡兵勇統俟查明咨部奏入

聖朝聖德

四

擊不令竄入湖北宜緬慮其渡江回山已飛咨與肇柯藩繞出賊前堵截所辦尚是此時該匪既不
能與高均德等合夥賊勢更孤德禡泰額勒登保
帶兵將抵山陽一帶計此時明亮亦早與宜緬會
合惟當督率關騰等自西而東兩面夾擊迅速殄
除至叅將李昌以少擊衆轉戰五時被賊矛傷後
猶復縱馬深入先後殺賊九百餘人旋因傷重回
營殞命實堪憫惜著咨部照總兵陣亡之例議卹
並著查明伊子俟服闋後送部引見候朕加恩其
同時陣亡之把總王瑞圖外委苟喜並著咨部加
等賜卹又近聞川省剿辦賊匪領兵之員惟富成
最爲奮勇州縣中則有劉清平以官聲甚好每率
衆禦敵賊以伊爲廉吏往往退避引去可見文武
員弁本不乏人若帶兵大員果能身先士卒鼓勇

《聖朝聖訓卷六》 五

直前而地方官能居官清正安撫得宜此等竄聚
賊匪原無難迅就掃除富成因打仗出力業經加
恩擢用提督其知縣劉清如果始終奮勉民情愛
戴著勒保查明據實保奏此外文武員弁有似此
者勒保尤應隨時察看拔擢數人其帶兵法懦及
聲名平常者卽行叅劾治罪如此賞罰嚴明功罪
各當庶人知激勵各思用命於剿撫機宜大有裨
益也

二十五日 巳 丑

上諭內閣曰觀成劉君輔剿辦老木園賊匪已閱年
餘迄未蕪事實屬玩愒遷延觀成著卽革職劉君
輔著革去提督銜均仍留該處帶兵贖罪以觀後
効所有成都將軍員缺卽著富成補授

上命軍機大臣傳諭勒保富成曰觀成劉君輔剿辦

《聖朝聖訓卷六》 六

老木園屯聚賊匪已閱年餘迄未剿竣業將伊等
分別嚴懲仍留該處帶兵効力贖罪其從前玩悞
遲延之處著勒保卽行查明據實奏並著察看
伊二人能否勝帶兵之任若竟不足恃或卽令新
授將軍富成前往督剿富成打仗素稱勇往今已
加恩擢授將軍自當倍加奮勉迅速戡功

臣等謹案知人善任者安民之本賞功懲罪
者軍令所先我

皇上明目達聰無微不燭此次帶兵各員內富成打
仗勇往當蒙

擢授提督

簡任將軍

降旨褒諭至劉清一縣令耳而帶兵所至賊輒引去
可見梟獍雖頑尚知畏避廉吏亦蒙

聖朝聖德編卷六 七

欽定剿平三省邪匪方略 正編卷六八

垂詢督臣令其據實保奏並令廣爲留心旌別拔擢
數人而觀成劉君輔之辦賊延緩卽予褫職
仰見

黜陟公明權衡至當所以風厲有位而綏靖地方者
廣大悉備矣

二十七日辛卯德楞泰額勒登保奏言臣等在山

陽九里坪會合酌定後臣德楞泰由黑山口一

路臣額勒登保由界河一路分投進剿其時明

亮因准宜綿調赴興安行至二峪河探知高均

德等賊匪經額勒登保在鳳凰嘴痛剿該匪又

竄至軍嶺川一帶明亮相離甚近卽親帶索倫

馬兵及廣東漢兵就近馳擊該匪一見官兵卽

搶據山包併力抗拒明亮潛帶勁旅繞至賊人

山後衝上撲殺將賊人壓下山包臣德楞泰額

聖朝聖德編卷六 六

勒登保亦跟蹤滙集三面夾攻殲賊五百餘名
 生擒四十五名餘匪翻山疾竄審據獲賊供稱
 賊首高均德由界河折回欲由維南竄往豫省
 查軍嶺川前至商維路逕紛歧臣德楞泰隨率
 同賽沖阿阿穆勒塔達音泰圖桑阿札勒杭阿
 愛星阿巴圖魯侍衛等由右一路維南紅口河
 寶安街抄擊臣額勒登保率同綸布春長春慶
 溥豐紳楊遇春汪啟等由左一路藍田牧護關
 躡剿明亮率同阿哈保温春木騰額德寧巴圖
 魯侍衛等由中一路商州黑峪口鐵爐子橫衝
 腰截該匪星夜奔竄十七口由寶安街前竄維
 南經臣德楞泰率同賽沖阿等迎頭將賊人前
 隊擊敗該匪退竄大鹿寺十八日黎明臣額勒
 登保已趕抵該處賊匪由楊家河一帶敗竄時

聖朝聖德編卷六

九

臣德楞泰正由張家灣繞出迎截該匪又欲折
 向老林山竄走經明亮率兵由東桃坪衝出擊
 殺將賊匪逼剿至維南兩岔河一帶該匪將急
 搶據山頭將矛排列于前併力抗拒揚言欲為
 齊王氏等復仇相誓死鬪情形極為兇悍臣等
 激勵官兵分路殲剿不遺餘力賊人東突西奔
 亡命衝撲四次被官兵東西截殺將衝先賊匪
 殲擒過半積屍滿山谷計殺賊二千三四百名
 生擒三百八十一名敗殘之賊慌忙竄入秦嶺
 深林臣等見擊斃賊內有臨陣號召夥黨儘力
 抗拒者必係頭目當將首級令活賊識認內有
 白號偽元帥高大偽總管高二俱係高均德胞
 兄又有藍號偽元帥宋大宋三嚴姓偽先鋒崔
 德友黃號偽元帥王林高等七犯均係襄陽人

聖朝聖德編卷六

三

卽將高大等首級梟示復就餘犯審訊高均德
下落僉供因見官兵勇銳高均德先從山後逃
走想必逃入老林當將該犯等駢戮查高均德
一股此時勢益窮蹙_臣等乘勝帶兵仍分左右
兩路併力剿辦務將首逆生擒此次打仗官兵
內協領色爾滾前經受傷未愈此次以尙能騎
馬再三告請手腕復受鎗傷都司王玉龍守備唐
玉龍俱受矛傷吉林領催委官烏勒卿阿首先搶
上山包衝殺陣亡其餘傷亡兵丁數名另行咨部
同日德楞泰奏言_臣欽奉
諭旨以殲斃齊姚二逆令將隨征滿漢帶兵及辦理
營務帶領鄉勇等項出力各員查明核奏當同
明亮等秉公確查謹就武員中殺賊最多及首
先衝入賊隊殺賊者文員內帶領鄉勇協剿及

剿平三省邪匪方略

正編卷六八

辦理營務出力催餉糧餉無悞者嚴賞開單懇
恩俯在獎勵再齊姚二首逆昨由沙狐嶺折向東北
竄逃委係遊擊馬瑜詳探稟報官兵得以分路
截剿迅速厥功可否將該遊擊
量加鼓勵之處出自
天恩
同日景安汪新奏言_臣景安自盧氏起程於二
十日馳抵襄陽與_臣汪新並藩司高杞面商當
據各屬探稟賊匪約有一萬餘人現在南漳遠
安當陽荆門州一帶奔竄該匪等分合無定東
擊西奔必須分路兜剿查湖北額兵除調赴川
陝協剿及派防鄖宜邊境外實無可調之兵_臣
景安自豫起程時與總兵張文奇分帶河南官
兵三千餘名前來計兩三日卽可到齊_臣等

剿平三省邪匪方略

正編卷六八

面知會文圖帶兵一千名自南漳一帶截擊

其西北奔竄之路海興阿張廷彥帶兵一千八

百名自遠安當陽進剿堵其竄入荆門驛路

景安一俟兵齊即率同高杞帶領自宜城由北

分路迎截如此三路並進可期聚而殲洗

新現於路超吉所帶防邊兵內抽調八百名前

來察看何路緊要即往策應其襄江北岸一帶

《聖祖聖訓編卷六

五

臣等又留兵一千餘名交張六奇帶領守禦後

令糧道完顏岱等督率鄉勇嚴密巡防

同日英善福寧奏言查川省軍餉前蒙

恩准撥銀四百萬兩刻下因陝省截留尚未解齊節

據軍營總理及各糧員稟報積欠甚多即省城

藩庫亦已無銀支放

等通盤核算截至本年二月底止凡軍營並川北川東各站所欠兵丁

鄉勇餉銀站夫運腳馬騾脚價及各營季餉新

兵月餉採買穀價軍火價值運米水脚等項計

共三百餘萬兩均係挪借墊給是前次之四百

萬兩即使全數解到逐一支放所餘無幾現在

賊匪四竄各路官兵剿捕喫緊

返札商惟有再懇

賞撥餉銀四百萬兩迅速解川以資接濟均奏入

《聖祖聖訓編卷六

五

上命軍機大臣傳諭德楞額泰景安曰高均德一股竄

匪經德楞額勒登保分路兜擊而明亮行至二

峪河探知賊蹤不即馳赴興安即與德楞額等合

剿所見尚是此次殺斃二千餘名又殲其頭目多

人勢益窮蹙現在該逆逃入秦嶺深林德楞額

勒登保等已帶兵兩路兜剿務期生獲解京高

均德就獲後即當酌量情形或明亮前赴宜綏一

路協剿阮正通或德楞泰等同帶勝兵前往更可
得力惟在察看緩急機宜妥爲籌辦此次打仗陣
亡之領催委官烏勒卿阿著咨部加等議卹其受
傷之協領色爾滾等曾否平復並著遇便覆奏至
劉成棟一股賊匪在遠安南漳一帶奔竄無定景
安所帶兵力無多派撥堵截尙能鎮靜調度均屬
合宜現在景安已令文圖由南漳帶兵截擊並令

欽定剿平三省邪匪方略

正編卷六八

海興阿等自遠安當陽一帶追剿景安一俟兵齊
惟當督率相機兜剿肅清楚境爲要

上諭內閣曰前因殲斃齊姚二首逆降旨令德楞泰
將隨營文武出力各員查明保奏茲據開單進呈
自應量加恩獎知州陳祁候補同知胡壽芝千總
張瑤王仕榮把總徐陞李廷廣彭家棟呂萬得外
委曹興邦俱著賞戴藍翎知縣龍萬育著以同知

直隸州補用典史呂朝選高遷候補典史鈕正綱

著以府經歷縣丞補用至遊擊馬瑜打仗奮勇復

于齊姚二首逆竄逃時詳探得信官兵得以分路

截剿尙爲出力著加恩以叅將陞補其二等侍衛

富僧德著補授頭等侍衛藍翎侍衛呢瑪善著補

授三等侍衛寧古塔協領明保賞給庫齊特伊巴

圖魯名號布特海佐領都爾圖賞給索冬巴圖魯

名號副叅領阿勒唐古爾賞給胡爾察巴圖魯名

號建昌鎮遊擊蒲尙佐賞給勁勇巴圖魯名號土

練守備阿泰賞給謝莽巴圖魯名號瓦思都司索

諾木文柱賞給覺克擦巴圖魯名號仍照例均

著各賞銀一百兩吉林領催達春巴彥保齊齊噶

爾總管都當阿布特海佐領朱善均著賞戴花翎

盛京佐領托永阿寧古塔佐領福珠祿委叅領伊

林保佐領伊成額布特海副長托倫泰成都防禦

扎勤等均著賞戴花翎寧古塔前鋒德靈吉林領

催額勒精額渾春領催伊林保三姓領催常在鄂

永武伯都訥領催額勒精額布特海委驍騎校福

林泰馬甲郭勒敏達喜打牲壯丁額勒和慎呼倫

貝爾委散騎郎布喀察爾墨爾根城驍騎校烏靈

阿等均著賞戴藍翎健銳營委前鋒叅領六十四

《聖祖實錄卷六

七

著補授額外副前鋒叅領前鋒校色普騰富保等

均著補授額外委前鋒叅領藍翎長台靈阿額外

藍翎長德壽均著補授額外前鋒校以示鼓勵

上又諭內閣曰英善等請撥餉銀以資接濟著于戶

部內庫撥銀四百萬兩照例迅解川省備用

二十八日^{壬辰}勒保惠齡奏言^臣等初八初九等

日偵探賊蹤據報岩峯灘永興場苦竹寺等處

均有賊匪往來出沒而各首逆等大夥匪眾俱

在黑馬山觀音巖一帶屯紮^臣等當即分派將

備酌帶鄉勇先于巖峯灘各路與賊匪對拒大

兵另從白巖寨金紫山一帶取道直趨黑馬山

當派提督富成副都統七十五等帶兵一路^臣

等督同明興並總兵百祥等帶兵一路初十日

五更富成等所帶官兵進抵磨子溪涉水過河

《聖祖實錄卷六

七

對面西北山梁即有賊匪蜂擁而下直撲我兵

前隊富成督兵分投截擊賊匪併力抗拒並於

山溝內埋伏多人欲截我兵後路適^臣等馳抵

牛毛山探知後路有賊抄襲即派百祥等斜趨

車谷山衝下山溝立將該處伏賊擊散當即督

兵搶上磨子溪對面山梁與富成兩面攻擊殺

賊五百餘名賊匪退至黑馬山因天晚暫行駐

劄十一日黎明各路官兵依隊進發副將海常帶兵首先上山賊匪恃衆抗拒我兵悉力仰攻連斃執旗賊目二名匪衆七百餘名內有騎馬賊匪十餘人生擒羅克玉等一百三十四名但係王三槐冉文儔名下戰手卽就軍前正法餘衆退走觀音巖都司馬天德守備王耀把總劉宗均受傷陣亡查自黑馬山至觀音巖兩面陡壁下夾深溝四圍林密地更險峻臣等於十二日復督率富成七十五富爾賽百祥穆維等分兵前進賊匪於沿山陡坎之上施放鎗礮併力堵禦甫至半山兩旁樹林內突出伏賊二千餘人捨命衝撲遊擊泰安向前迎敵手刃數賊中矛陣亡把總李瑤因受鎗傷重殞命我兵人人切齒目辰至未奮力擊斃賊一千餘名賊衆

聖朝聖業編卷六

元

卽由山溝小路逸去臣等督率提鎮將領等追剿二十餘里適余家寨水蕩溪兩處團勇因賊匪從觀音巖逃竄亦於寨內挑選精壯與官兵前後截殺賊匪橫屍徧地當詢該處團勇頭人僉稱徐添德一股賊匪本在觀音巖之後林剛寺岳家寺一帶屯紮王三槐冉文儔等均從此路逃竄自必歸入一夥現在臣等整頓兵力設法進攻於東鄉巴州各隘口星飭文武添勇堵截至羅其清一股賊匪現紮儀隴縣屬孫家梁地方恒瑞等於初十日督兵進攻提督慶成左腿中鎗受傷較重且該處爲通往蓬州南部要路恒瑞兵力本單已派總兵富爾賽朱射斗分帶兵勇馳往該處協剿連日打仗傷亡弁兵另行查明咨部

聖朝聖業編卷六

三

同日荆州副都統海與阿奏言臣於三月十四

日馳抵當陽。休得賊匪經鎮臣張廷彥節次抄

剿已由保康遠安一帶折竄前來距當陽祇七

十餘里臣即於該縣西北長坂坡一帶帶兵扼

要紮定十九日賊匪由張王廟溝溪河一帶直

奔前來時賊首張漢潮劉成棟等張建偽號旗

幟騎馬指揮羣賊擁撲當有協領富清防禦四

聖祖聖訓卷六

三

德等直撲賊隊該匪等紛往正東一帶奔逃富

清四德追殺無數旋中賊鎗陣亡查正東即係

河溶一帶係荆州大路最關緊要一面飛飭知

縣汪雲銘等帶領鄉勇以追作堵臣即帶原領

官兵漏夜抄至河溶地方遏其東竄二十日黎

明甫抵該處羣賊蜂擁而來臣帶領協領果勒

明阿佐領良著等督兵一截並有河溶巡檢夏

永謙帶領鄉勇隨同堵剿賊匪雖數次進撲究

不敢十分進逼是日申刻張廷彥帶領弁兵從

遠安抄剿前來賊匪始往東北一帶狂竄臣現

與張廷彥會合跟蹤緊剿此次我兵殲斃賊匪

三百餘名生擒劉應舉等三十四名即經正法

佐領達齊那巡檢夏永謙撲入賊隊均被戕害

弁兵亦間有傷亡俟查明咨部辦理

聖祖聖訓卷六

三

同日鄂輝馮光熊奏言臣等於三月十五日接

准勒保咨調貴州兵五千名雲南兵五千名前

赴川省軍營臣等當於貴州各標營內挑選壯

健驍勇兵五千名臣鄂輝復將滇省額兵通盤

核計酌派兵五千名飛咨撫臣江蘭速即料理

起程現令貴州兵五千名分為十起派糧道孫

文煥副將康世貴等往來各站照料其雲南兵

五千名亦分十起酌量管分遠近派定起數委
令臬司張繼辛成寧鎮總兵七格等催備照料
並委迤東道豐紳由滇護送出境至統領大員
查有雲南鶴麗鎮總兵德英額八歷行陣由四
川副將陞任今職於該省情形較熟所有雲南
兵五千名即委該鎮統領前進其貴州兵五千
名查有清江協副將孫大猷老成勇往堪以統
領並多派叅遊都守等官用資管帶現已逐起
催令饋行不敢稍有延緩均奏入

聖祖聖孫萬歲

三

上命軍機大臣傳諭勒保惠齡恒瑞海與阿日勒保
等奏連日攻剿賊匪王三槐等股輾轉奔竄經官
兵在黑馬山觀音巖地方兩次截殺賊一千五
百餘名但並未拿獲首逆一人賊眾仍從觀音巖
山溝逸出未為滿意現據訊之獲犯供稱徐添德

欽定剿平三省邪匪方略 正編卷六八

一股本在觀音巖一帶屯紮王三槐冉文傳均從
此路逃竄自必歸入一夥正可聚而殲除勒保等
所謂雲貴兵一萬名現據鄂輝等奏趕緊派撥並
令總兵德英額副將孫大猷等帶領分起起程此
項生力勁放其鋒甚銳勒保等當趁此機會督率
將弁奮力將各首逆連行擒獲毋再遲延至羅其

聖祖聖孫萬歲

三

清一股現在儀隴地方竄聚勒保因慶成受傷添
派富爾賽朱射斗帶兵馳往協剿恒瑞務須與該
鎮等奮勇直前併力合擊至慶成前於打仗時腿
受鎗傷著勒保查明如該提督傷已漸愈自應留
營協剿倘傷處較重一時難以就痊莫若令其緩
程來京藉資調攝所有打仗陣亡之遊擊泰安都
司馬天德守備王耀把總劉宗李瑤俱著咨部加
等議卹又保康遠安一帶竄匪經海與阿帶兵截

五九

擊卽向河溶一帶逃竄該處爲荊州大路最關緊要海與阿所帶兵丁六百名俱係滿兵剿捕可資得力昨景安已令文圖等由南漳帶兵截剿正可前後夾攻毋任輾轉逃竄又此次殺賊陣亡之協領富清佐領達齊那防禦四德巡檢夏永謙俱著容部加等予卹

聖祖高皇帝實錄卷六十九

三

欽定剿平三番邪匪方略正編卷六十九 戊午年

四月初一日乙未秦承恩奏言李全阮正通高均

德各股賊匪潛竄孝義藍田商州一帶時分時

合出沒無定因東西南三面俱有大兵攔堵總

欲竄過嶺北由大路直趨豫境經臣與王文雄

帶兵截擊未令出山是以李全阮正通兩股轉

回鎮安西竄漢陰石泉現在宜綿興肇柯藩堦

聖祖高皇帝實錄卷六十九

圍合剿其高均德一股經德榜秦額勒登保明

亮于藍田之青崗坪雒南之兩岔河痛加剿殺

賊勢窮蹙遂山渭南之箭峪口華州之街峪口

分股北竄臣聞信卽令王文雄先帶馬隊與永

德所帶山西兵丁分投擊斃三百餘名生擒劉

全仁等四十六名餘匪仍折回奔入老林王文

雄承德現已進山搜捕與德榜秦等分布堦圍

至李全阮正通二股雖經宜綿等在石泉一帶
兜剿但該處逼近五郎誠恐乘間北竄臣督率
兵勇於北路布置堵剿斷不令其竄出平地再
夾嶺以南前有庫峪剿敗餘匪數百名竄往搶
掠經臬司台斐音督率兵勇擊殺三百餘人餘
匪南竄五郎邊界台斐音復約會遊擊龔鐸帶
兵兩面夾擊剿洗淨盡

《聖朝實錄卷六十九》

二

同日倭什布奏言臣探聞陝省賊匪阮正通一
股竄入渭南縣屬之大龍廟焚掠旋竄至華州
交界之街峪口一帶欲向東竄即經侍衛承德
帶兵堵剿又聞高均德一股竄至雒南縣屬之
兩岔河經德楞楞泰明亮帶兵迎剿適額勒登保
亦派兵由張家坪追來三路合剿擊獲活犯聞
有高均德業經被傷之供未得實在下落臣查

華州界聯雒南而雒南縣之東北即係豫省閩

鄉縣屬之太峪口犬牙交錯在在可通誠恐兩

股賊匪一經官兵兜擒鋌而走險則太峪口之

防堵更宜嚴密該處距盧氏縣之朱陽關計程

四百七十里當將朱陽關防守事宜交叅將蔡

鼎等妥為辦理臣即於二十一日起程馳抵太

峪口督同原派防守之文武員弁遍加履勘添

《聖朝實錄卷六十九》

三

設木卡派撥官兵駐守其太峪口兩旁小徑可

通之隘口臣即督飭一律深溝高壘并將先經

留駐之兵四百名與臣現帶盧氏之兵二百名

分撥防守且雒南距潼關一百八十里太峪口

距潼關僅六十里臣駐劄此間亦可少壯驍銳

同日親成劉君輔奏言二月初旬以後賊匪從

開縣竄入大寧擾及寶塔糧運經臣劉君輔督

同副將白守忠等分路抄擊得以疏通無阻適

接大寧縣稟報離縣城三十里之白雲觀雞頭

壩兩處復有竄匪滋擾當即帶兵馳往援應該

匪正在搶撲城外卡座當即激勵弁兵奮力攪

殺時叅將胡尙賢知縣鍾蓮亦帶兵勇出城兩

面夾擊賊衆有翻山赴箐逃走者有向龍溪河

鳧水奔竄者復經官兵於渡口邀截賊匪受傷

《聖朝聖蹟編卷六九

四

及淹斃者約二三百人民情稍定而老木園之

賊知外援已斷自二十四五日後連宵偷撲營

卡均經臣觀成督飭兵勇併力兜圍屢有斬獲

並據投出之周文高周啟富供稱實因山上糧

盡每日刨挖野菜度日饑餓難過投出乞命並

詢知賊巢四面俱加砌插石深挖壕坑層層險

要惟馬桑溪一處地勢窄狹僅有木城兩道堿

徑爬越而上可以奪佔初九日三鼓密派遊擊

朱進廷愛隆阿楊洪新佐領順德守備劉忠魁

各帶兵勇分爲五路進攻牽綴賊勢臣觀成督

率協領蘇勒芳阿叅將呂朝龍及弁兵鄉勇等

隨後進發從小梁子花椒坪迤邐攀援而上時

值山霧迷漫外委王正林屯把總喇木喀爾濟

首先搶上賊卡拋擲火彈賊匪蜂擁出卡抵禦

《聖朝聖蹟編卷六九

五

被我兵擊斃三十餘名王正林喇木喀爾濟均

受傷陣亡候補守備虎正林把總楊登雲均受

石傷甚重正在督催兵勇進逼賊巢詎賊匪於

懸崖上之木克堙三道堙等處紮有卡隘滾放

插石兵勇奮力搶撲傷亡四十餘人當即暫紮

另行踣路攻取又據鍾蓮稟報大寧之黑溝鹿

塘溪有雲陽竄匪二千餘人突入分股焚掠勢

甚猖獗鄉勇不能抵禦當即飭派千總陳國英
外委涂大用並於寧城挑派兵五十名壯勇五
百名於茶山壩魚沙壩擇要堵截不使竄合
劉君輔卽星速回營亟籌進剿均奏入

上命軍機大臣傳諭勒保宜綿德楞泰秦承恩俊什
布曰秦承恩奏李全與阮正通合夥折回鎮安西
竄漢陰石泉地方宜綿由興安帶兵自西而東正

聖朝聖德

六

可迎面截剿而興肇柯藩繞道邀擊併力夾攻務
當趁此機會一併殲擒若再任折竄五郎乘間北
逸惟宜綿與肇柯藩是問至高均德一股屢經德
楞泰等痛加剿殺前日又在軍嶺川等處殲戮二
千餘名自益窮蹙何以又任賊匪由渭南華州一
帶分股北竄而德楞泰等又何以並不繞赴城前
攔截復蹈從前尾追積習德楞泰明亮額勒登保

著傳旨嚴行申飭至所稱該匪奔入老林一節賊

匪既入山中無從掠食必思仍行竄出秦嶺一帶

險要甚多德楞泰等自當於緊要隘口一百分路

嚴防一面統兵進山搜剿若僅以躡後進攻了事

則賊匪又必乘間奔竄伊等寧見不及此耶其庫

哈口剿敗餘匪經臬司台斐音等剿洗淨盡所辦

尚好秦承恩既在北路駐紮並著台斐音幫同分

聖朝聖德

七

投防堵又據俊什布奏聞高均德業經被傷之語
如高均德實係受傷更易生擒卽或因受傷身斃
或臨陣被殲亦必須有確切証見方可信以爲實
勿任倖逃顯戮著秦承恩查明覆奏再觀成劉君
輔前因剿辦老木園屯聚賊匪未能辦竣降旨照
革仍留該處帶兵自贖今聞所奏仍不過將大寧
之白雲觀雞頭壩賊匪剿敗及奪據馬桑溪等處

賊卡而殺斃之賊無多首逆仍未拏獲實屬無能
况據獲賊供稱因山上糧盡每日刨挖野菜度日
是該處賊匪困守空山即山上野菜斷無一年有
餘尙創不盡之理必有下山掠食及他處匪徒暗
中接濟之事觀成等不但不能認真攻剿即防範
亦不能嚴密看來竟不足恃昨諭勒保令富成前
往督辦該將軍尤當倍加威奮及早蕝事所有打
仗陣亡之外委王正林屯把總喇木喀爾濟俱著
各部加等議卹

聖朝聖德編卷六十九

初五日^巳景安奏言^臣自二十日到襄飛催自

豫帶來官兵到齊即日整旅前進途次接據稟
報文圖海與阿張廷彥等帶兵二千餘名于二
十六日在荆門州屬之石牌地方遇賊接仗賊
眾分路抄圍文圖等奮力衝殺因眾寡不敵官

兵致有傷亡文圖受有鎗傷現在安陸府城調
沿海興阿張廷彥等亦往安郡整頓兵力旋復
探得賊匪已自石牌向北奔竄沿途焚搶裹脅
勢益猖獗^臣所帶官兵僅有二千餘名聞賊眾
二萬有餘未免有眾寡不敵之慮隨探明賊匪
來路踏看地勢先於白雲山佔據山梁密派將
備分帶弁兵於左右山溝預為埋伏二十八日
賊匪竄至白雲山左近見官兵已佔據山梁盪
其去路乃於夜半潛來搶梁經官兵施放鎗礮
擊退徹夜數次早賊匪全夥而來分為四股
公然搖旗吶喊兩股於山前直向上撲候補參
將揆明遊擊善福守備張霞舉胥泗起即在山
梁分路壓擊詎賊匪恃眾搶上將該參將等分
為兩處層層圍裹我兵布陣四面轟擊斃多

聖朝聖德編卷六十九

賊而賊勢竟悍仍不肯退張霞舉胥泗起奮勇
撲出陣外將執旗賊目砍倒賊始敗退時侯明
善福尙在被圍張霞舉等帶兵衝擊內外夾攻
賊賊無算賊匪潰敗官兵分股壓剿其時另有
兩股賊匪由山溝抄襲前來臣卽與藩司高杞
率同叅將董寧川遊擊六十五都司姚國棟並
同知周季堂等帶兵分路迎截適候補副將廣
福都司曹星帶領埋伏官兵左右突出將兩路
賊匪截斷官兵人人奮勇鎗斃刀矛所及應手
而斃賊遂奪路狂奔向西逃竄臣等乘勝追殺
二十餘里此次官兵自二十八日夜半直至二
十九日酉刻奮力轉戰以寡勝衆殺賊約二千
餘名生擒活賊一百二十餘名內有執旗賊目
安紹全等三名訊據供稱賊首張英潮自川省

《聖朝聖訓編卷九

十

竄入湖北原有一萬餘人沿途裹脅又有萬餘
總要過江往河南去今見官兵利害不知逃往
何處餘無要供當卽正法查遊擊善福猝被鎗
傷陣亡其餘出力員弁開單呈
覽現在賊匪既向西竄臣卽當趕緊追截惟是兵力
實屬不敷前經咨商姜晟王柄卽於附近荊州
各營內抽撥官兵二千名前來堵禦以便就近
調用再查此股賊匪自巫山闖入楚境川省並
無追剿之兵想係領兵大員不及兼顧此時賊
匪趨向無定恐仍從原路竄回臣復飛咨勸保
卽派將弁迅速帶兵前來卽可迎頭截擊臣亦
可就近調度以期迅速肅事奏入
上命軍機大臣傳諭景安勒保德榜泰勸勒登保曰
此次景安一聞賊匪北竄卽與高杞設法布置能

《聖朝聖訓編卷九

十一

以少孽眾殲賊多名深為可嘉景安高杞俱著賞給金帛王搬指大小荷包以示嘉獎此股賊匪由川東竄入原止萬餘今沿途裹脅又有萬餘人景安所帶兵丁僅二千餘名即文圖海興阿張廷彦等帶兵亦屬無多自屬不敷分剿景安雖咨商姜晟等抽撥官兵二千但恐緩不濟急現在陝省剿辦賊匪勢已窮蹙該處帶兵大員現有多人額勒

剿匪方略卷六十九

十三

登保前此剿辦黃柏山賊匪於楚省情形較熟著酌帶吉林黑龍江官兵數百名速赴荆州一帶與肇本係荆州將軍亦著將原帶荆州滿兵率領前來幫同景安剿辦此時景安惟當督率將弁先儘現有兵力確探賊蹤乘勝追截擒拏賊首劉成棟張漢潮等以期迅速案事即因兵力未足不能擒拏賊首或仍截回川東以便川省會合夾擊可期

聚而殲戮景安現在雲貴甚急伊係兩湖總督應即於附近荆州營分速行抽撥或於湖南各營內就近酌派一二千名以資協剿再賊匪係由川東竄入楚境前此勒保會派富森布六十七帶兵剿捕何以至今未見下落或竟在川境逗遛惟知驅賊出境以鄰國為壑則其罪甚重著勒保據實查奏所有陣亡遊擊善福著咨部加等議卹至額勒

剿匪方略卷六十九

十三

登保現已派往楚省協剿其高均德一股係德楞泰明亮二人專責伊等若再不知奮勉曠日持久任賊匪輾轉奔逃必當從重治罪慎之上諭內閣曰景安奏此次在白雲山痛剿賊匪叅將揆明等分路帶兵壓擊殲賊二千餘名實屬出力候補叅將揆明著賞給副將銜同知周季堂守備張霞舉俱著賞換花翎守備行泗起著賞戴花翎

守備李永清千總張懷毓姜元祥賈龍圖馬中俊
供著賞戴藍翎以示鼓勵

初七日辛丑宜綿奏言阮正通等一股賊匪由兩

河關竄至麻坪河意欲襲取興安臣督率兵勇

於東西兩渡分紮營寨以張聲勢賊匪遂竄入

北山勢將潛出石泉洋縣西至漢中隨飛吞興

肇柯藩帶兵由大路繞至石泉洋縣迎頭截擊

剿平三省邪匪正編卷六九

四

興肇柯藩於鳳凰嘴殺賊之後沿途搜捕餘匪

十九日趕到興安正在面商剿辦賊匪已從北

山潛入漢陰境內分為兩股其小股由五郎之

月河竄至雙龍橋經署通判左觀瀾遊擊葉鐸

派鄉勇四百餘名竭力堵截賊遂折回江口一

帶其大股山大龍王溝小龍王溝確窩石分為

三路直撲九條溝山梁該處為紫陽要隘經知

縣黃靖圖千總李容昭督率義首姜瑞熊等據

險施放鎗礮斃賊二百餘人賊遂順由山脚向

漢陰城外四面焚掠二十日黎明騎馬賊數百

人直撲東關遊擊額爾畢濟呼署通判高藍珍

分派兵勇抵禦殺賊多名生擒三人已刻全夥

之賊蜂擁而來四面攻城額爾畢濟呼高藍珍

親督兵勇鎗礮木石並下東西兩關鄉勇亦齊

剿平三省邪匪正編卷六九

五

放鎗礮賊匪死者三百餘人鄉勇亦有被傷未

刻賊匪始退分屯于離城六七里之雙廟子觀

音河等六處環城屯紮是夜高藍珍等商劫賊

營外委沙朝棟挺身前往遂帶鎗兵五十名壯

勇二百名總城而下潛從賊營後山偷越而上

一至梁上吶喊放鎗並擲火彈賊匪正在驚慌

適興肇柯藩連夜帶兵趕到分為兩翼直撲鎗

礮齊發賊眾棄營逃去由觀音河山架望北奔
 竄被官兵殺賊及跌崖踐踏死者約七八百人
 生擒崔華隆等八名與肇柯藩恐其北竄急帶
 兵赴冷水溝梨園河等處堵截賊匪遂折由大
 小沙河出石泉之大壩至池河屯紮臣查阮正
 通一股渡江時不過四五百人而在兩河關漢
 陰打仗實有一萬餘人卽沿途裹脅亦不應若
 是之多與肇柯藩前在鳳凰嘴剿辦據獲賊供
 稱頭人係阮正通是李全一股已與阮正通合
 夥而各處歷次獲賊訊供有云高均德亦在其
 內者有云張漢湖亦在其內者前自西鄉退回
 川境係龍朝相假其名號又有云李全阮正通
 尙在鎮安一帶並未來此者殊難憑信大抵賊
 情詭譎明知官兵剿捕緊急首逆數人在所必

謀故于此股虛張彼股名號或有棄其大眾令
 入代領輕身潛入他股徐謀去就者分合隱現
 爲狡兔三窟之計使官兵無從蹤跡總之不論
 何賊剿清一股再辦一股首惡自無所逃臣已
 飛咨德楞泰額勒登保以東面最關緊要無論
 高均德李全在內與否總防其竄入豫省當由
 東向西以次剿盡孝義五郎零星竄匪卽交王
 文雄就近派兵搜捕至此股西竄之賊自當交
 興肇柯藩剿辦但伊二人帶兵僅有三千似屬
臣單弱所調明亮帶兵二千名據報已于山陽
 起程至今尙未到興自係商州一帶賊勢散漫
 合力剿堵急切未能脫身惟當就現有之兵亟
 爲布置查自石泉以至洋縣城固各州縣並無
 戍兵賊若山城固斜人褒城則北棧餉道梗塞

剿匪方略卷六十九

六

剿匪方略卷六十九

七

此路最關緊要鎮臣索賚英阿已將川餉照料

運完臣即令其就近駐守雞頭關以防北竄其

馮縣寧羗為南棧咽喉直達廣元保寧川省餉

道所關臣飛飭道員文需多撥鄉勇會同叅將

瑪靈阿于城外迤西多立營寨聯絡聲勢使賊

人不敢西犯又密咨興肇柯藩如賊匪分股四

出即派輕兵間道繞至褒城漢中幫同索賚英

剿平香邪匪屬卷九

六

阿文需堵禦毋使賊匪闖入棧道一俟明亮帶

兵來與即分撥兵弁前往助剿日來漢江水雖

稍長而可涉之處尙多賊人若分途踰淺竄回

通江等處亦可潛伏兵勇乘其半渡淹擊現在

興肇柯藩已帶兵由冷水溝馳赴池河趕剿至

興安當各路之衝頭據西縣縣真報川匪龍朝

相等又折回皮和鋪滋擾臣將前父關騰帶領

之兵調回郡城密為防禦或鎮安之賊西來孝

義五郎之賊南竄皆可相機策應夾擊成功

同日恒瑞慶成奏言羅其清等夥匪依恃山險

林深尙在孫家梁簡家梁老虎洞一帶輾轉盤

踞窺伺西竄臣等分佈營卡扼要堵截並分派

將弁於紛歧小徑埋伏截殺因道路叢雜臣等

兵力不敷且聞王三槐冷天祿冉文儔等股賊

剿平香邪匪屬卷九

七

匪亦向西竄劫保等已兜截前來臣等當經知

會併力進攻旋接勅保札知分派總兵富爾賽

朱射斗前來臣等正在查徑進攻接據儀隴縣

稟報忽有一股賊匪由東北竄入該縣境內探

係徐添德等夥賊查儀隴西通順慶保寧兩府

之路甚多隨令富爾賽朱射斗即帶原兵取道

兼程馳往儀隴一帶相機截剿防護縣治臣等

仍逐日督兵攻剿孫家梁等處賊匪該匪狡猾

異常二十四日夜間由簡家梁等處竄出二二三

千人潛從密林深溝抄向後路糧運經由之處

搶掠臣當即率領巴圖魯侍衛將弁帶兵分投

堵截賊匪俱各潛伏林內抵拒官兵施放鎗礮

轟擊賊匪幾次衝突皆被截殺收退適富爾賽

等之兵將竄及儀隴之賊堵截奔回原路聞糧

製看龍家編卷六九

手

運現有賊擾即帶兵折回併力截殺賊匪驚惶

圖竄我兵乘勢衝入拋擲火彈短刃砍刺殲斃

賊匪二三百人生擒八十三名餘賊拋棄器械

翻越崖澗奔回臣等將活賊逐一審訊俱係羅

其清駁內從逆最久之賊意圖乘夜覓路西竄

當即概行梟示現在探聞王三槐冷添祿冉文

爵等夥竄至巴州一帶邊界均與羅其清等相

離不遠勤保督兵分路剿辦漸逼漸近各路官

兵均可聲氣相通乘機併剿再臣慶成腿受鎗

傷腰膂引痛轉動維艱茲接勒保來札將直隸

營務委該管將領管理凡撥調事宜交臣恒瑞

代辦令臣慶成前往順慶府醫治但此時正在

剿賊喫緊未敢離營如果不能速痊再赴府城

調養均奏入

製看龍家編卷六九

王

上命軍機大臣傳諭勒保宜綿恒瑞日阮正通一股

賊匪思欲西至漢中經官兵堵截又潛入漢陰境

內復經兵勇堵截殲賊多名賊匪又竄往石泉地

方屯聚現在興肇柯藩已帶兵馳赴池河正可與

宜綿兩面夾攻務即迅獲首賊其所稱各股賊首

姓名訊據獲犯供詞互異自係賊情詭詐或恐官

兵指名搜捕故而隱匿姓名或本不在此股賊內

虛張名號以為恐嚇村民之計忽分忽合使官兵無從蹤跡宜綿等惟當上緊剿辦不論何賊剿清一股再辦一股首逆一擒其餘黨夥失所倚恃自不能牽綴官兵所有潛至賊營後山放鎗之外委沙胡棟如果始終奮勉著以應陞之缺拔補其南北棧道並著宜綿嚴飭鎮道等認真防堵至羅其清一股前經勒保派富爾賽朱射斗幫同恒瑞剿辦今據恒瑞等奏雖將此股賊匪截殺折回孫家梁而賊首仍未擊獲並欲西竄焚掠且王三槐冷添祿冉文儔等夥又竄至巴州一帶邊界欲與羅其清等竄合勒保前既帶兵由營山一路兜剿與恒瑞等相離甚近正可會合夾攻勒保初抵川時屢獲勝仗聲威已著何以近日漸不如前惟當加倍奮勉督率將弁奮力兜擊將各首逆一併擒獲

聖朝聖德編卷六九

三

不可事有稽延慶成打仗受傷尙屬奮勉著賞給金盒玉鼻烟壺大小荷包以示嘉獎如該提督即能調治痊愈自當仍留該處帶兵倘一時不能速痊即令緩程回京藉資調攝

初九日癸卯德楞泰額勒登保奏言首逆高均德

等股匪經臣等分路邀擊於維南兩岔河地方

痛加剿殺該匪情急向秦嶺老林扒越該嶺延

聖朝聖德編卷六九

三

袤八百餘里道通渭南華州等處與潼關相近

所關至要隨派鎮臣達音泰巴圖魯侍衛富僧

德協領明保副將德寧遊擊馬瑜張朋等帶領

滿漢步兵二千名由老林跟蹤前進臣德楞泰

同明亮襄中阿圖桑阿阿穆勒塔巴圖魯侍衛

阿納保等帶兵由秦嶺繞出華州高塘截剿臣

額勒登保帶領綸布春鎮臣長春慶溥巴圖魯

侍衛烏爾呼納副將楊遇春汪啟等帶兵繞至

秦嶺之西截剿又令阿哈保溫春鎮臣木騰額

愛星阿帶兵二千在天鹿廟一帶堵截十九日

高均德自秦嶺竄奔尚塘正與官兵迎頭相遇

臣等帶兵奮勇馳擊殺斃三百餘人生擒李大

閃等四十三名該匪一見官兵即仍向秦嶺老

林中翻山逃竄達音恭等督兵邀截互相攪殺

《聖朝實錄卷九

五

殲斃一百餘名跌斃二十餘人餘賊向前竄走

臣額勒登保帶兵於二十二日馳至西青崗坪

迎截殺賊二百餘人該匪驚惶官兵趕緊分投

剿殺賊匪中鎗箭死者甚眾並有賊匪在深林

自戕者生擒焦受富高新德等一百五十餘人

高新德即係高均德堂弟當俱交運處死又拏

獲林材生等二十三名訊係附近被擄並未從

逆即予省釋該匪復折向東南竄走阿哈保溫

春愛星阿等由大鹿廟截擊殺賊一百餘名二

十六日追至鎮安所屬之藥廠子又經臣等兩

路官兵痛剿殺斃賊匪四百餘人生擒丁克瑞

等十四名訊供連日屢被官兵邀擊不敢打仗

初意要回河南今思由鎮安五郎一帶希與李

全合夥或逃入四川與王三槐合夥等語當將

《聖朝實錄卷九

五

該犯等正法臣等復分兵三路星夜由鎮安一

帶截擊現值連日大雨之後山水漲發趁此賊

匪奔波圍剿夾擊務在生擒再明亮原令帶兵

二千馳赴宜綿處協剿嗣因途遇高均德股匪

又與臣等分路截剿現在高均德已折向南竄

如與李全阮正通等合夥則官兵正需併力圍

剿自無庸再行分兵赴興倘該匪仍復彼此分

竄自應酌量緩急迅赴宜綿一路協剿

同日勒保惠齡奏言黑馬山觀音岩等處屯聚

賊匪前經^臣等督兵痛剿遂向林剛寺岳家寺

一帶潰逃該處路通巴州儀隴達州地勢散漫

自應趕緊攻擊是以一面將旁路後路緊要卡

隘添勇堵截一百分兵前往富成七十五穆維

等一路於十七八等日在尖山子大馬坪等處

欽定剿平三省邪匪方略

正編卷六九

遇賊節次接仗殲獲甚多十九日進抵賈家梁

地方^臣等同明亮並總兵百祥副將關聯陞等

由茨巴店樂平關大魚箭一路隨剿隨進亦至

正登寨會合該處對面山梁地名關智坡賊匪

均于險要路口設卡抵禦我兵仰攻費力隨密

派富成七十五等各挑奮勇弁兵裹帶乾糧乘

夜覓路攻取^臣等督率大隊從正路進發我兵

連撲數次俱因賊匪齊放插石未能徑止直至

半山賊匪又從兩旁溝內潛來抄襲我兵鎗箭

並發斃賊多名守備岑現佩千總張如龍吳開

祥因首先衝入賊隊受傷陣亡二十一日五鼓

富成等繞至關智坡山後督兵援而上維時

該匪等俱在前面併力抵禦未及隄防我兵搶

佔山巔遙見賊勢慌亂遂即鼓勵兵將併力向

欽定剿平三省邪匪方略

正編卷六九

前奪據賊卡兩路官兵奮勇剿殺匪眾紛紛奔

逸斃賊一千餘名生擒劉必受等二百一十五

名訊據供稱該首逆等因官兵追剿緊急現在

竄至青龍坎木寨子蓋茶寺火鋒山梁灣河等

處分起屯紮或想偷渡巴河或想約赴儀隴與

羅其清合夥其蓋茶寺一處距富成二十餘里賊

匪聚集更眾等語當將該犯等正法查青龍坎

一帶路徑紛歧如從青龍坎進攻蓋茶寺必須

從木寨子梁灣河兩路逼入遂于二十二日晚

間催僱各起官兵趕至卧龍山次日丑刻臣勒

保率同富成七十五穆維等由木寨子一路直

攻蓋茶寺臣惠齡率同百祥並副將雷仁關聯

陞繞至梁灣河互相夾擊其巴河北岸螺絲頂

蘭草渡一帶均有淺處可涉當派叅將尤漢玉

六
聖祖實錄卷六十九

天

遊擊馬建紀等帶領兵勇沿河設伏防範二十

四日臣勤保一路官兵行至木寨子哨探兩旁

樹林賊匪百十為羣當經前隊官兵搜殺淨盡

二十五日辰刻馳抵蓋茶寺即有大夥賊匪分

起前來搖旗蜂擁隨即督率富成等分兵兜擊

自辰至午逼至石埡子我兵拔援石級而上斃

賊極多乘勝追剿三十餘里直至九節梁匪衆

爭向高山密箐奔竄統計沿途殺賊二千餘人

生擒何其綸等二百五十四名是日臣惠齡一

路官兵進抵梁灣河正遇賊匪從雞公壩山梁

沿坡而下官兵繞出賊前奮力迎擊殺賊一千

餘名賊匪尙不遽退復派後隊官兵轉從雞公

壩山梁奮力下壓賊匪始形慌亂乘夜奔竄連

日斬獲共五千餘名偷渡餘匪俱經沿河兵勇

聖祖實錄卷六十九

天

搜拏殆盡遊擊王宏信把總薛烈于石埡子上

坡時中鎗殞命查賊匪現竄之李家山一路係

通往儀隴地方恐該首逆等即從此路潛逃與

羅其清合夥且儀隴為順慶門戶與保寧所屬

之蒼溪南部等處在在毗連臣等現在飛行知

會恒瑞等即於西北一百分兵堵禦臣等即日

趕緊進發以為夾擊之計均奏入

上命軍機大臣傳諭勅保宜綿德楞泰日高均德一
股賊匪竄入老林德楞泰等跟蹤追剿仍任該匪
翻山逃竄沿途殲斃之賊不過六七百名所獲亦
非緊要頭目無能已極大負朕節次宥罪施恩之
意德楞泰明亮額勒登保著嚴行申飭現在該匪
既由鎮安五郎一帶奔竄必與李全阮正通合夥
宜綿已令與肇柯藩帶兵馳赴池河兜剿宜綿又
由興安帶兵進攻正可乘各首逆竄聚併力截擊
至賊首王三槐等經勅保等分兵兩路進擊在關
智坡蓋茶寺一帶殲賊五千餘名但並未拏獲首
逆一人賊衆仍由李家山逃竄該處與儀隴相近
該首逆等既得此路潛逃必思與羅其清合夥現
據勅保咨會恒瑞等卽于西北一百分兵堵禦勅
保等帶兵進截正可前後夾攻速擒首逆所有此

次打仗陣亡之遊擊王宏信等俱著咨部加等議
卹
十二日丙午宜綿奏言阮正通股匪經與肇柯藩
帶兵馳赴冷水溝等處截剿遂折回石泉之池
河焚掠興肇柯藩復催趙官兵冒雨前進適值
義首周希元張忠良等帶領鄉勇與賊相持賊
人卽分一股馬隊馳上北山又分一股步隊奔
上南山意圖圍裹鄉勇我兵趕到亦分爲三路
副將德明額等帶領馬兵專攻賊人馬隊協領
巴克坦布等帶領步兵扼賊下南山之路柯藩
督率副將德亮等直撲中路鎗礮齊放賊人退
而復進兵勇撲入賊隊殺賊二百餘名賊匪竄
入池河街中放火其前隊之賊皆跳下河坎梟
水奔逃兵勇冒烟追趕亦卽淌渡殺賊百餘名

生擒四十餘名其南北兩山賊匪經馬步官兵分途搶上山梁正在抵禦見中路賊敗俱向北山由大壩入迎風溝而遁與肇柯藩將馬步官兵會齊進發二十四日派副將德明額協領那全等帶兵勇八百名由西首山梁而進叅將海洪阿等帶兵勇八百名由東南山梁而進另派協領喜卜產叅將棍他哈等帶兵六百名繞出東南山後埋伏俟鎗礮聲響即抄至賊後掩殺柯藩率兵先行與肇步隊繼進行十餘里見騎馬賊千餘名在對面山梁紅旗居中黑旗在左白旗在右我兵馳過山坡仍隔一河遂分爲兩翼正在踞淺欲渡西北溝內突出賊匪皆用長矛拒敵我兵鎗箭齊發西首山梁帶兵之德明額等飛趕下山從後掩襲賊人前後受敵死者

甚多退回對面山梁守備孔琪把總馬得皆力戰陣亡復見賊人黑旗搖動半坡樹林內又擁出三千餘人而喜卜產所伏之兵聞鎗礮聲已繞至此路截住攪殺海洪阿之兵亦從東南過河兩路追趕又殺賊三百餘名生擒二十三名救出被裹民人一百餘名把總馬勁外委楊興俱受傷殞命兵勇亦間有傷亡賊遂分爲兩股一股竄入五郎之獅子壩經遊擊龔鐸署通判左觀瀾督率兵勇奮力堵禦賊匪不敢逼近聽治遂由老關口折回向東河賈家營一帶逃竄一股折回銀杏壩衝過饒峯嶺大道由周家坎小徑奔竄勢欲直趨洋縣與肇柯藩即派副將德明額叅將達桑阿等帶領兵勇一千六百名躡蹤追襲與肇柯藩帶兵一千五百名由渭門

子午鎮兼程趨行抄出賊前遏其去路臣查賊
 人既分敗股與肇柯藩自當以全力追剿竄赴
 洋縣之賊其竄赴買家營之賊勢難兼顧臣已
 飛咨王文雄帶兵由黃梁鎮進口至五郎相機
 剿辦賊若東竄鎮安正可與德楞泰額勒登保
 明亮會兵兜圍至高均德一股經德楞泰等連
 次痛剿勢極窮蹙龍朝相一股尚在皮和舖一
 帶未敢深入川匪竄入湖北者已至南漳距陝
 甚遠惟聞太平城口等處又有賊匪滋擾臣又
 飛飭平利縣於連界處所嚴密布置臣帶現隨
 兵勇紮營越嶺關以為南北兩路聲勢視何處
 緊急卽行相機策應
 同日景安奏言臣自在白雲山將賊匪剿敗後
 該匪向西北許家集一帶狂奔訊據賊供總欲

欽定剿平三省邪匪方略

正編卷六九

欽定剿平三省邪匪方略 正編卷六九

搶渡漢江北入豫省是以連日督令冒雨趨行
 瀟夜趕至宜城抄出賊前適該匪自武堰鎮向
 東北奔竄因聞官兵抄擊仍折回西遁臣當卽
 探明道路鼓勵將士趕緊行走適據王柄札稱
 業經調派南省兵二千名分起前進臣先儘現
 有兵力相機力剿俾賊鋒日挫賊勢日孤裹脅
 之人自必逐漸解散又據海興阿查報石牌打
 仗之協領果勒明阿佐領福祿阿爾薩蘭防禦
 薩哈布滿棟阿驍騎校哲庫阿爾吉善靈海均
 經陣亡又建陽驛巡檢金廷勳罵賊被戕再查
 宜昌鎮總兵張廷彥先經汪新派令帶兵二千
 八百名在巴東之界嶺一帶堵禦該鎮不能悉
 力固守致被川匪闖入追賊匪竄至石牌該鎮
 與文圖等督兵擊剿又復失利且查該鎮人甚

欽定剿平三省邪匪方略

正編卷六九

七七

委靡平日於將弁兵丁不能加意約束現據遠安縣石靈稟報該鎮所帶之兵前在該縣曾有滋擾地方之事現在飭司嚴審究辦應請

旨將張廷彥革職以肅軍紀仍令留營効力贖罪又

鍾祥縣知縣劉雲卿前因賊匪竄至荆門飭令

設臺轉運臣在白雲山剿賊時連日兵糧並

未趕到挨查由襄接發米糧經宜城縣解到該

聖訓

美

縣所管之麗陽驛堆積滿街竟不接運前進正

在查叅間忽於四月初七日接據該縣八百里

來稟內稱賊距麗陽驛僅五十里驛傳要道恐

有梗塞迅賜發兵救護等語臣查賊經大兵痛

剿惟向西路山徑奔竄並未擾及麗陽驛路且

縣城距軍營不及二百里豈有八百里公文行

至旬日之久是該縣明知咎無可道捏稱賊近

驛路倒填月日以掩其遲悞軍糧之愆居心更為巧詐應請

旨將劉雲卿革職拏問從重定擬均奏入

上命軍機大臣傳諭勒保宜綿景安德楞泰日阮正

通一股賊匪經興肇柯藩帶兵攻剿復分兩股逃

奔現在宜綿令興肇柯藩專剿竄往洋縣之賊其

折竄五郎買家營賊匪令王文雄帶兵截剿惟當

聖訓

美

上緊督催不論何賊剿清一股再辦一股其打仗

陣亡之守備孔琪把總馬得傷亡之把總馬勁外

委楊興俱著咨部加等議卹現在吉林黑龍江勁

兵皆在德楞泰一路以之截剿窮竄無多之賊有

何難辦乃復任輾轉逃逸此時阮正通分股之賊

業由五郎折竄買家營若再向東竄必致與高均

德等合夥興肇等在洋縣剿賊不能兼顧王文雄

自卽帶兵馳往加賊匪東竄鎮安德榜泰等一路官兵卽可與王文雄兩面夾攻速行剿盡斷不可復任他竄與高均德合駁又景安奏賊匪折回西遁該督處兵力稍單前已令額勒登保帶兵赴楚協剿並令于荊州及湖南各營內抽撥兵數千名剿捕景安惟當督率將弁先儘現有兵力確探賊蹤乘勝追殺擒拏首逆至所叅委靡不振之總兵張廷彥玩悞軍糧之知縣劉雲卿現當軍務緊要之時似此玩悞之員不加懲創何以示儆張廷彥卽著革職拏問解交刑部治罪劉雲卿亦著革職鎖拏交刑部從重治罪所有海興阿等一路前在石牌打仗陣亡之協領果勒明阿等俱著咨部加等議卹其屬賊被戕之巡檢金廷勳亦著咨部加等子卹

十四日戊申秦承恩奏言前此高均德股匪分竄渭南華州諸峪口欲出東北大路直趨豫境經督令王文雄承德帶兵迎剿折回老林四散狂奔王文雄等分路入山搜捕盡行殲戮其折竄藍田山內之賊經德榜泰明亮額勒登保等於東北兩面抄繞截殺遂向鎮安西南一帶奔逸連日大雨如注山溪暴漲德榜泰等冒雨馳往分道兜擒查李全阮正通等正在漢陰石泉滋擾經宜綿興肇柯潘在彼圍剿若逼歸一處各路大兵會合定可一鼓殲除惟查鎮安西北可由五郎洋縣直趨鳳翔寶雞暨藍屋鄂縣倘賊匪被圍緊急不能南竄勢必翻山北出臣與王文雄現卽帶領官兵由東而西暫住子午峪相機迎擊其承德所帶山西兵丁卽令由寶雞

攻道入山於五郎洋縣各要隘迎頭攔剿兼護棧道奏入

上命軍機大臣傳諭秦承恩曰高均德一股賊匪經官兵抄截業向鎮安西南一帶奔逸乃秦承恩督內復追述從前情形尙稱賊匪欲出東北大路而於現在剿捕情形轉未聲敘明晰著傳旨嚴行申飭至該匪等折竄鎮安後被剿緊急難保不翻山

聖朝聖德編卷十九

甲

北逃秦承恩王文雄現在帶兵駐劄子午峪務須相機迎擊而永德已由寶雞取道前進亦應在五郎洋縣一帶迎頭攔截毋任乘間北逸

欽定剿平三省邪匪方略正編卷七十

戊午年

四月十九日癸丑勒保惠齡奏言王三槐等大賊

賊匪前經臣等統兵由巴州之蓋茶寺等處迺

至九節梁疊次痛殲匪衆不能竄渡巴河復從

李家山一路奔遁正在督兵進發間隨據探報

李家山之西黃栢溪一帶有賊放火焚掠而北

面大元山之左路徑紛岐亦有賊匪翻山竄逸

聖朝聖德編卷十九

體察賊蹤自係分路潰逃計圖牽綴並查大元

山一路可達蒼溪廣元緊接陝境當派總兵百

祥帶領兵勇由黃栢溪搜剿而進杜其旁竄派

令高成七十五穆維等帶兵由萬寧寨抄出大

元山之前迎頭截擊臣等即從李家山正路進

發二十八日百祥行抵黃栢溪正遇賊匪數千

在彼焚掠該鎮趕到力加殲殺賊匪立時驚潰



亦向大元山一面奪路而去富成等一路官兵
於二十九日午刻至萬寧寨匪眾俱屯紮對面
大元山梁並分撥攻圍萬寧寨寨內團聚之難
民鄉勇勢在危急副將朱延清帶領官兵首先
馳抵該處衝入賊隊鎗箭並發賊匪措手不及
殲戮極多其屯聚賊匪即從山梁施放鎗礮與
我兵抗拒富成七十五分兵兩路奮勇進攻並
令穆維於萬寧寨山巔用礮轟擊臣等督率大
隊一鼓並進賊眾首尾不能相顧均由山後奪
路奔竄我兵乘勝追殺直至楊家壩沿途殺賊
不可勝計生擒江添馥等一百三十八名朱延
清先在萬寧寨身受矛傷仍復騎馬殺賊奮不
顧身進至楊家壩又中賊鎗殞命實為可惜初
一日丑刻大兵跟蹤進發復追及於龍山場地

方賊匪正在搗糧造飯我兵出其不意四面攻
圍斬獲男婦二千餘名其附近山溝樹林屯紮
之賊皆慌急四竄直至風占觀復分兩路一由
路通蒼溪之壩場一由路通閩中之李子觀紛
紛竄去臣等連夜趕至風占觀偵探確實亦即
分兵競進初三日卯刻臣勒保督率富成穆維
等進抵李子觀探報賊匪適屯踞于佛岩我兵
一到即攀援直上奮力撲壓與賊攪殺殲斃一
千五六百名生擒陳金瓏等二百六十七名內
有大頭目冉文諤鄭榮先二名小頭目李如吉
等七名奪獲賊礮三個旗幟刀矛牛馬無算餘
匪均由竹林場翻山折向蒲壩場茨菇頂一帶
大山奔逸臣惠齡同明興七十五由草壩場一
路進剿賊匪沿途設伏詭譎異常進至七里壩



賊匪均竄聚於深林密箐施放鎗礮與官兵抵禦適百祥由文昌宮帶兵迎至彼此夾攻自辰至未斃賊一千餘名生擒向廷耀等一百十三名餘賊復由大樹壩石渠子一帶折竄高家山與茨菇頂賊匪聯絡屯聚_臣等研訊獲犯冉文諤係冉文儔之弟偽稱四元帥鄭榮先係在陝省沿河首先起事上年同齊王氏到川勾合川

《聖朝實錄卷七十一

四

匪查該二犯傳教年久夥黨衆多實爲著名賊口當將該二犯及餘匪分別凌遲正法各路官兵內陣亡參將魏攀舉守備秦恒把總卓應瑞蔣應禮四員查茨菇頂一帶與羅其清屯紮之孫家梁相去不遠該首逆等被剿情急自必歸併一處冀圖抗拒_臣等一面知會恒瑞先將梁後石廟子王家寨等處緊要卡隘嚴密堵截

面整頓兵力設法進攻

蜀保又奏言此次分兵進剿將各股賊匪從蒼溪閬中一帶設法截回儀隴縣境研訊獲賊僉供王三槐徐添德冉文儔羅其清冷添祿等均在一處卽楚匪樊人傑亦未逃出川境並據賊目鄭榮先供樊人傑之外尚有襄陽人王光祖亦係著名首逆現與冉文儔等合夥滋擾惟阮

《聖朝實錄卷七十一

五

掌櫃一股前經官兵在通江縣屬之東峪溝痛加截殺卽尾隨齊王氏入陝陝省節次所奏之阮正通卽係此股賊匪至於德榜秦所稱川省首逆冉文儔冷添祿等在五郎鎮安山陽等處宜綿前奏王三槐一起抄踵赴陝皆係接據探報之詞並非確實又如張漢潮一起宜綿前奏已入陝省適之與安而張廷彥獲賊訊供復稱

欲由巫山入楚頃據田有成稟報又稱折回川

省之通江豈有一人而同時在各省滋擾之理

推原其故皆係剿散餘匪假托首逆各色以訛

傳訛奏報互異臣現因通江太平一帶沿邊地

方遼濶此種剿散賊匪本未肅清即西鄉通江

接壤之三花灘鐵溪河等處均有零星賊匪往

來遊奕飛飭該地方官招集鄉勇設法堵禦並

《聖訓寶覽卷七十

六

令駐劄太平之原任總兵楊秀與駐劄西鄉之

署總兵田有成等在川陝邊境隨時偵探賊蹤

互相截擊斷不敢任令竄逸出境即為卸責地

步至林亮功一股現仍佔據開縣所屬之開州

坪臣節次嚴飭六十七富森布等設法進剿雖

未能即就殲除亦不致乘間遠竄一俟王三槐

等大賊賊匪就擒即移兵剿辦則川東一路自

不難尅日肅清

同日秦承恩奏言高均德李全阮正通各股賊

匪前經各路大兵在東北兩面兜擊仍由西南

折回漢陰石泉一帶宜綿興肇柯藩與德榜秦

明亮額勒登保等分投圍剿屢得勝仗臣恐賊

匪被剿緊急不能南趨必致翻山北竄當與王

文雄帶領兵勇由東而西繞出子午峪相機堵

《聖訓寶覽卷七十

七

剿並令承德帶領山西兵丁由寶雞取道入山

迎擊茲據各縣稟報賊匪阮正通等已竄至城

固之范家坪楊家莊等處可通北棧之路甚多

翻山而走並可直達寶雞郿縣承德處兵力尙

單不敷分布此時西安鳳翔等屬二麥正在成

熟旬日內即可收穫而興安漢口一帶俱屢遭

蹂躪之地且所種多係秋禾誠恐賊匪無可掠

食潛出鳳寶一帶偷生割麥臣與王文準臣由

于午峪馳往郿縣一帶探蹤截剿顧住北路候

二麥收割後如果賊已南竄北路可以無虞臣

等即馳赴漢中與宜綿兩路堵剿

同日姜晟奏言臣接准景安咨稱川匪竄至湖

北當陽縣屬河溶地方距荆郡僅數十里現由

荆門一帶進剿兵力無多擬於湖南附近荆州

營分抽調兵二千名由水路前赴以資調遣查

湖南官兵除苗疆額設及留防各兵並上年調

赴五百名駐守鄖陽外其附近荆州營分存兵

本不甚多且界連湖北等處地方亦須加意巡

防臣與提臣王柄熟商即於臣等本標營分暨

通省各營協存兵內奏調如數遴派安幹將備

帶往並飭沿途各地方官備辦船隻迅速饋行

業已陸續起程至湖南餘存軍火等項留貯常

德者尚多臣亦飭令地方文武星即運濟均奏

八

上命軍機大臣傳諭勒保宜綿德楞泰景安姜晟曰

勒保督兵在西黃柏溪大元山及李子觀千佛岩

等處殲賊四千六百餘名生擒五百餘名拏獲大

小賊目七名所辦尚好該匪等現向茨菇頂一帶

逃竄與羅其清相去不遠勒保已咨令恒瑞等將

孫家梁後路卡隘嚴堵該督即設法進攻所見亦

有把握此時黔兵五千名自己先到勒保等尤當

乘此新兵銳氣鼓勇進剿此次陣亡之副將宋廷

清等俱著咨部加等議卹至所奏川陝各股首逆

分竄情形賊匪被剿緊急恐官兵指名搜捕互相

影射亦有虛張名號以爲恐嚇鄉民之計地方官

不察虛實率意稟報而領兵大臣等亦即據以入告以致彼此不符前經降旨飭諭勒保等惟當無分畛域上緊剿辦不論各首逆在何股賊內立即探蹤緊躡擒一首逆即少一股附從之人不得驅逐出境遂爲了事以隣國爲壑也又據秦承恩奏稱阮正通一股竄至固城恐其直趨寶雞郿縣該撫與王文雄由子午峪馳往截剿仍不過防堵情

聖祖聖訓編卷七十

十

形其高均德李全阮正通是否歸併一處亦未聲敘明晰著傳旨嚴行申飭至高均德一股前據宜綿奏已折竄鎮安而李全阮正通一股由紫陽石泉東竄兩股賊匪自己合夥宜綿德楞泰等正當兜圍夾擊何以復任竄至城固一帶宜綿德楞泰興肇明亮額勒登保柯滿俱著傳旨嚴行申飭至湖北竄匪前經景安從宜城抄擊後賊向西竄勢

已潰敗現據委展奏已於通省各營協派兵二千名起程不日即可趕到景安得此兵力更可乘銳進擊務將賊首劉成棟張漢潮等擒獲肅清楚境

二十一日乙卯宜綿德楞泰明亮額勒登保奏言

臣德楞泰等在秦嶺截回高均德股匪不令竄

向華州渭南等處賊遂南竄商州鎮安一帶俱

由深林密箐行走當經分兵抄擊連日斬獲約

聖祖聖訓編卷七十

十一

計一千餘人賊匪晝夜狂奔西向五郎竄逸

額勒登保同綸布春長春前往江口截其北入

西安之路臣德楞泰同阿哈保温春等由小仁

河四海坪緊躡賊蹤臣明亮等由大仁河馳向

長坪夾擊行抵半途忽有另股賊匪望北奔竄

正在過河因急麾兵趕殺鎗礮齊放擊斃七百

餘人淹斃者亦復不少賊遂折回穆王坪其時

高均德等賊匪經臣額勒登保等追擊沿途又

斬獲四百餘人捨命奔逃正抵該處遂與合夥

南奔漢陰界內據獲犯供稱此起賊匪係李全

張添倫二股一從賈家營竄來一從孝義廳竄

來本欲由大仁河向鎮安北竄被官兵截住想

從漢陰石泉過江到西鄉或由漢中搶渡川

與王三槐等合夥等語當將該犯正法臣等查

聖朝實錄卷七

十一

阮正通一股賊匪現在洋縣石泉之間與肇柯

藩在洋縣堵截兵力尚單今高均德等與李全

張添倫合夥人數已不為少若再與阮正通合

夥全力衝出勢難抵禦必須繞道截其合併之

路臣德楞泰遂帶兵由王家莊臣明亮由觀音

河臣額勒登保由小石門趕至泰山廟迎截賊

匪知各路有兵不敢西去遂折回漢陰之鳳凰

山梅子舖一帶林箐深密處藏匿臣宜綿先由

越嶺關督同關騰烏爾圖那遜等馳抵該處賊

匪見我兵止有一千餘人竟敢直撲前來關騰

等率兵衝擊自午至未斃賊四百餘名生擒賊

文臣等十三名搶獲劈山礮四位烏鎗四十餘

桿臣德楞泰明亮額勒登保等亦帶兵趕至兩

面夾擊又殺賊八百餘人時已昏暮賊匪乘夜

聖朝實錄卷七

十三

竄入山溝老林扒內未便窮追臣等隨合兵一

處細加商酌查得漢陰為賊匪往來之衝臣宜

綿督同明亮帶兵二千名即在漢陰山內搜剿

並策應東西兩路臣德楞泰由興安大道馳赴

老樹嘴山口迎頭截殺臣額勒登保由北山古

木嶺二郎廟一帶抄擊務期擒拿首逆至阮正

通等賊匪經興肇柯藩等帶兵兼程趕抵洋縣

抄出賊前過其去路擒斬多人遂退回洋縣東
北之槐樹關屯紮臣宜綿復派總兵長春帶兵
千名前赴木梓河與興肇柯藩夾擊

宜綿又奏言查漢江發源於寧羌州之大安驛
涓涓細流僅如溝澗卽雨後水漲頃刻卽消皆
可褰裳而涉至漢中府西三十里之長寨地方
合北來之褒水而始成河然距發源處不過二

聖朝聖訓卷十

十四

百餘里夏秋大雨時行山水漲發始用船渡冬
春水涸灘淺處處可涉自漢中以至紫陽皆然
非若興安以東之江瀾水深必須船渡者可比
自高均德齊王氏李全等先後偷渡興肇柯藩
帶兵追剿漢江南岸僅有田有成帶兵六百名
堵禦北岸遂無一兵鄉勇更不足恃地方官一
聞賊至惟知保守城池無暇兼顧江岸以致二

月二十二日阮正通臣一股從金花寺偷渡

於二月二十七日由川回抵寧羌卽聞阮正通

渡江之信又聞青石關尚有賊匪竄至晝夜馳

至長寨果見賊匪前隊數百人窺伺渡江經臣

派索費英阿等先後夾擊殲戮殆盡其青石關

之賊亦聞風遁去臣遂至青石關一帶沿途巡

視卡隘見毛狗洞等處有險可守較之防江尤

聖朝聖訓卷十

十五

爲緊要臣帶兵無多不能留防因飭諭義首示

以方畧令各帶鄉勇分布防守責令道員文需

往來巡查臣遂馳至興安而張漢潮一股已在

西鄉滋擾查西鄉在漢江之南三面毗連川境

經秦承恩前派田有成在波防堵兵力尙單僅

能固守堰口保護西鄉賊匪遂趨東志欲由石

泉之漢王坪梅湖渡江經臣派關騰烏爾圖那

遜等帶兵趕至半渡截殺賊始退回西鄉又經田有成及知縣張泰亨等帶領兵勇在九渡坪等處連次截殺逐回川境是興肇柯藩撤防追賊之後惟有阮正通一股乘虛入陝該匪現由鎮安五郎繞至漢陰石泉若使之復回川省亦屬不成事體現在漢江水漲賊匪雖不能飛渡而沔縣寧羌一帶無江可截臣恐其竄入南棧

《聖朝聖訓編卷十

六

滋擾廣元保寧一路已飭文需多招鄉勇於漢中迤西多立營寨虛張聲勢又咨興肇柯藩繞道趕赴洋縣迎頭截殺迨興肇柯藩趕至洋縣賊匪又折回東竄而五郎又有一股賊匪出擾漢陰石泉與之合夥自係高均德李全各夥賊臣現在越嶺關督率關騰烏爾圖那遜等東面迎截飛咨興肇柯藩帶兵西面追擊若額勒

登保德楞泰明亮等跟蹤追剿由五郎自北而至三面夾攻南面又有漢江阻隔賊匪自不能竄逸

同日景安高杞奏言賊匪自白雲山剿敗後山武堰鉅竄向東北經官兵抄至宜城迎截折入西面丁家集吳家集等處臣等察其情勢總思偷渡江北其暫時竄避入山明欲將官兵誘入

《聖朝聖訓編卷十

七

山中彼得乘間繞出江岸且查西面山徑可達襄陽之路甚多是向西追剿不若由東北抄擊因自太平崗取道小河口歐家廟繞前兜截初十日午刻行抵鐵佛寺地方接據探報賊從七里店北竄勢將窺伺襄郡臣等一面派員安撫百姓一面察看地勢分率將弁兵丁搶上九宮山迎剿賊人果蜂擁前來官兵施放連環并用

大破轟擊賊匪撲上三次官兵分爲兩翼自上

歷下賊始翻山西遁前竄茨河該處爲臨江一

大鎮市倘被焚擾即可乘勢渡江飛率兵丁趕

緊進發十一日未刻官兵甫抵茨河賊之前探

亦已繞及隨即折回南竄臣等連夜進追至烏

蛇嶺賊人大隊尙在嶺下屯紮時天色未明臣

等合各兵先匿林內候黎明時出其不意陡然

聖朝聖德編卷十

六

下擊殺賊三百餘名生擒吳連貴等三十一名

賊人越嶺翻山未遑及顧官兵進至雙河店賊

人分爲兩股牽制我兵臣景安督同副將廣福

遊擊曹星守備賈慶檀等帶馬步兵一千名追

剿竄入七里山一股臣高杞督同叅將董寧川

遊擊孫效前守備宋吉典等帶馬步兵一千名

追剿竄向石門老虎溝一股沿途殺賊百餘名

賊人曲折奔逸至南漳縣白馬山竄合一處臣

等亦先後於尖山會合稍息兵力當將獲犯研

訊據供賊人總要渡江往河南陝西昨日原想

奔到襄陽擄掠食物官兵必齊去守城便可搶

船渡江不料走到九宮山被官兵攔住一直追

下傷斃數百人等語當將各犯正法梟示查賊

匪現竄南漳地境如一經南竄卽爲興山遠安

聖朝聖德編卷十

九

等縣係賊匪初入楚時曾經蹂躪之地臣等當

率兵由北面兜剿前進如該匪折竄東南當察

其所向相機從東北面進擊若南竄荊州爲東

南要地已令海興阿帶領收集原兵馳回荊州

率領在城滿兵實力防範又恐賊蹤無定東北

江岸雖有張文奇山永桐完顏岱等分帶兵勇

防堵尙恐不能周顧復添派臬司張長庚道員

胡齊嵩協力巡防南岸船隻提禁北岸又思賊匪裹糧入夥之人皆迫於逼脅臣等廣張告示諭以投出不但免死且得邀

恩並訪得賊人凡有裹脅入夥者俱將髮辮剪去以絕其歸路向來地方官不察拿獲時輒目為匪徒不加省看臣等得其情節遇有拿獲訊係被

裹入夥者卽予省釋並令復入賊營通告被裹之人勸其及早投出日來投營者漸多亦足以

聖朝重賞編卷下

下

稍分賊勢再查張漢潮一股賊匪自川入楚人數原有萬餘加以沿途裹脅不下二萬餘衆兼之詭譎異常往往東擊西奔有時大夥合併有時分股四逸必須分兵數路兜剿夾攻今計楚省現有兵力及帶兵將領等如張廷彥人甚委靡業經據實劾奏令赴沙洋江岸防堵其原帶

兵丁收集祇有千餘名經臣等傳集到營面加激勵該兵丁不特不明紀律甚至不曉放鎗似此技藝生疎之兵尙須操練方克臨陣至文圖

海興阿原帶之兵本屬單弱現在收集均祇二百名皆不足恃而文圖鎗傷復作尙在安陸調治海興阿因荊州緊要已令其帶兵馳回荆郡此時惟恃有臣等一路官兵統計二千餘名

聖朝重賞編卷下

下

不敷分撥至附近荊州營分兵丁多有出征川陝及分防邊界者再難抽調南省兵丁已酌調二千名因須各營抽派至今尙未趕到此時欲酌調官兵非相離較遠緩不濟急卽同在隨征難以抽撥惟查王文雄會同秦承恩帶兵四千名現在秦嶺防堵聞陝省賊匪高均德李全阮正通各股業經合夥屢經剿殺人數無多又有

宜綿德楞泰明亮與肇柯藩等帶領勁旅及滿漢屯十各兵分投剿辦自可無虞肆竄其秦嶺防堵事宜有秦承恩帶兵二千駐紮似已足資守禦其王文雄原帶之河南兵一千名山東山西兵各五百名似尚可抽調來楚且該兵丁上年在豫隨臣景安防堵邊界曾經日加訓練若令王文雄帶領來楚協同進剿調派更覺得宜均奏入

聖祖聖訓編卷十

三

上命軍機大臣傳諭勒保宜綿德楞泰景安秦承恩曰高均德股匪前經官兵在秦嶺截回南竄鎮安一帶勢已窮蹙此次德楞泰等分股截擊殺賊無多復任高均德與另股賊匪李全張添倫合夥折回漢陰之鳳凰山一帶伊等所辦何事宜綿德楞泰明亮額勒登保俱著傳旨嚴行申飭至阮正通

等一股由石泉洋縣一帶西竄與肇柯藩等帶兵截剿又有秦承恩等在子午峪迎擊正可兩面夾攻乃爲日已久迄未將首逆拿獲亦屬庸懦無能與肇泰承恩王文雄柯藩均著傳旨嚴行申飭又據宜綿奏防堵漢江情形殊不明晰漢江南北兩岸雖防兵無多但現交夏令雨水時行山水漲發賊匪自不能涉淺偷渡前次阮正通一股越渡繞至漢陰防江各員已難辭疎縱之咎此時高均德李全等被剿緊急難保其不又折竄漢中冀圖搶渡回川宜綿務須嚴飭田有成文需等督率地方兵勇嚴密防堵至景安等在九宮山茨河等處剿殺賊匪以少勝多深爲可嘉惟兵力較單不敷圍剿前已令額勒登保酌帶勁兵赴楚協剿今據宜綿等奏德楞泰明亮額勒登保俱在漢陰一帶會

聖祖聖訓編卷十

三

剿是此一路帶兵大員較多如可無須額勒登保
 在彼卽令速赴楚省幫剿其所奏令王文雄將原
 帶之河南及山東山西兵酌量抽調帶領赴楚亦
 著王文雄酌量情形如能分身前往固屬甚善倘
 陝境尙難遠離或酌派將領帶兵赴楚以資協剿
 景安等務須先就現有兵力相機進剿不可坐待
 再據奏賊營裏脅之人俱將髮辮剪去以絕其歸
 路景安等遇此等難民俱予省釋所見甚是賊匪
 迫脅民人剪去髮辮若概行查拿轉墮賊匪狡計
 各路帶兵大員俱當仿照景安辦法臨陣宣諭准
 其投出並著勒保宜綿秦承恩飭知地方官一體
 出示曉諭使脅從之人爭先投出亦可解散賊黨
 於事實爲有益

二十七日

辛酉

觀成劉君輔奏言老木園賊匪屢

聖朝聖訓編卷十

五

經官兵奪隘攻堅嚴密佈置曉夜梭巡趁勢掩
 擊自三月十五日後攻圍愈緊賊匪慌亂益甚
 首逆陳崇德驅迫醜類節次衝撲營卡冀圖奪
 路奔逃勾結外匪實爲狡惡臣劉君輔從鹿塘
 溪布置堵禦星速回營二十三日三更有賊匪
 二百餘人分爲兩股一股從頭道岩爬越下坡
 偷撲守備劉順把總達貫魁卡隘一股由箐林
 東山坡偷撲外委米廣卡隘官兵施放鎗礮悉
 力抵拒賊匪搗鼓催陣連次捨命搶撲劉順率
 兵出卡奮擊把總尹大雄外委萬占魁均經受
 傷維時遊擊愛隆阿千總張國棟聞聲接應兩
 面夾擊斃賊三十餘名帶箭中鎗者甚多旋即
 竄退二十六七八九等夜東面之龍溪馬鬃嶺
 南面之羊毛澗石梯子及新紫之茶園嘴土地

聖朝聖訓編卷十

五

堙等處均有賊匪乘霧雨昏黑拚命衝撲經遊擊楊從新都司沈文同暨把總會大用外委曹易新率領兵勇扣準連環以待候賊匪撲攏卽用轟擊乘勝追壓節次殲賊多名因思賊人每夜東突西衝其巢穴自必空虛正可乘機襲擊而木克堙三道堙係咽喉路徑地勢險削當於初八日四鼓督率叅將呂朝龍遊擊朱進廷守備劉正麟虎正林帶領兵勇七百名分爲兩路攜帶繩梯鐵爪攀林越坎灑迤而上外委高星文首先搶上賊卡拋擲火彈賊匪驚慌抵禦我兵人人奮怒與賊攪殺一處斃賊四十餘名生擒三名將兩處賊卡悉行焚燬賊衆聞要隘已失推故木石從上壓下經臣等激勵弁兵悉力仰攻賊始竄退當卽扼要紮住據獲賊會大才等

剿平三省邪匪方略

正編卷七

供稱現在山上糧食已盡每日刨挖野菜竹笋度日亦屬有限陳崇德向衆人商議總要捨命衝出與外間夥黨會合等語當將該犯等梟示臣等曠日稽延負疚已深惟有乘此賊匪垂盡之時儘力兜擒尅日進搗賊巢生縛首逆以贖罪愆其雲陽竄匪擾及大寧之鹿塘溪經臣等陸續抽派兵勇八百名前往堵截茲因圍剿老木園賊匪正關緊要隨即撤回兵勇四百名恐堵禦不敷復飭叅將胡尙賢知縣鍾蓮添募鄉勇三百名於金竹坪雙澄觀漆樹堙聯絡布置實力防堵自可不致竄合奏入

剿平三省邪匪方略

正編卷七

上命軍機大臣傳諭勒保曰觀成等所奏俱屬空言仍不過敷衍塞責毫無振作前將觀成劉君輔具行黜革實爲罰當其罪並已令勒保派富成前往

督剿此時諒可到彼富成打仗素稱勇往且已擢授將軍尤當倍加奮勉速行擒渠賊事其觀成劉君輔如何玩誤遲延之處仍著勒保據實奏

二十九日癸亥秦承恩奏言臣前因李全阮正通

二股竄至城固褒城境內當令承德帶領山西

兵丁馳赴寶雞臣與王文雄移營郡縣相機迎

剿一面飛飭該地方官及西路各卡隘嚴密堵

禦聖著纂要編卷下

天

禦茲據漢興道文需等稟報賊匪李全等竄至

褒城雞頭關經署知縣汪銓州判張聖佑把總

劉世勳等設伏截擊賊匪向南竄逸復經文需

同署副將瑪靈阿知縣何振權千總嚴登魁等

帶領兵勇在景家塘長寨等處連次截擊殲斃

五百餘人賊隨竄至沔縣黃沙驛搶掠號馬署

知縣李乘鉞聞信率同紳士鄉勇趕至何家營

扼要攔截鎗斃賊匪多名並騎馬賊目一名將

號馬全數奪回武生劉全龍撲入賊隊衝殺受

傷陣亡適與肇柯藩帶兵由新街趕到將賊匪

驅至江邊痛加剿殺賊遂西淺過江四散逃竄

又經知縣何振權督率鄉勇在牟家壩據險邀

擊斃賊一百餘人餘賊俱竄往川省南江境內

又據差弁探報高均德一股經宜綿德楞泰明

禦聖著纂要編卷下

天

亮額勒登保等在漢陰地方痛剿復向北折竄

孝義之川河口五郎之江河等處距長安鄂縣

蓋屋均屬切近並可繞出寶雞現在德楞泰跟

蹤兜剿查西安鳳翔各屬二麥俱已成熟誠恐

賊匪被追緊急乘間竄出平地以致農民畏避

收穫失時或被賊搶割於民食大有關係已飛

飭各卡隘實力堵禦並札會承德在寶雞總要

隘口嚴防西路相機迎剿臣與王文雄節由郿

縣帶兵馳回整屋一帶探蹤截擊再接准景安

高杞咨會業經奏請令王文雄將河南山西山

東兵二千名帶赴楚省協剿查臣與王文雄原

共帶兵三千二百名除派守夾嶺秦嶺各兵二

百名實止有兵二千六百名其山西續調兵二

千名已令承德帶赴寶雞入山堵剿兼護棧道

聖朝聖訓卷七十一

三

現在高均德一股復由興安折回孝義五郎境

內北與長安鄠縣整屋相距各止數十里西可

繞出寶雞兩路均須嚴備竊思關中元氣原在

秦川前次逆匪李全竄出郿縣不及一旬其蹂

躪搶掠之重十倍山中經臣與王文雄自商州

兼程趕到連次合兵痛剿始得逼令入山月餘

以來賊匪不敢擾及平地今若令王文雄帶兵

赴楚則臣僅有兵六百名北路空虛所關非細

景安等發摺時止知賊衆盡在興漢臆料北路

無須設備又恐興肇額勒登保未能即日赴楚

故有此奏今賊匪漸近整鄠陝省北路萬難撤

兵而興肇已自漢中馳赴楚省額勒登保亦由

鎮安取道興安前往有此兩路勁兵加之景安

所謂湖南兵二千名聲威已壯無難剿辦所有

聖朝聖訓卷七十一

三

王文雄之兵應請無庸調赴楚省以免顧彼失

此之虞且就陝省大局而論賊在南山臣等必

專顧北路自褒城至雒南計長一千三四百

里峪口百餘處王文雄固難驟離卽高均德一

股辦盡德楞泰等帶兵赴川臣與宜綿自當分

駐漢中興安防堵查自寧羌至白河界連川楚

計長一千七八百里隘口更多留此二千兵力

尚恐不敷派撥亦不便令王文雄帶兵赴楚非敢稍存畛域之見也

同日勒保惠齡奏言查王三槐徐添德冉文偉等大夥賊匪自經官兵節次痛剿折向儀隴之

茨菇頂高家山一帶冀與羅其清合夥抗拒臣

等一面知會恒瑞設法堵截一面督兵進發初

七日馳抵石家山地方維時恒瑞預派總兵富

《聖朝聖紀卷七十一

三

爾賽朱射斗等帶兵從官子場一帶探蹤截剿

恒瑞帶領總兵觀祥副將凝德等在窩堂廟地

方以斷孫家梁賊匪接應之路初九日富爾賽

朱射斗等進抵石埡子適茨菇頂屯聚賊匪即

有向孫家梁一路奔竄者該鎮等鼓勵兵勇截

擊數次斃賊百餘名賊眾皆退是日孫家梁賊

匪亦分股而出互相接應衝突十餘次均經恒

瑞督兵截回未任竄合次日該首逆等復率領

匪眾齊撲富爾賽朱射斗等兵勇營盤正在接

仗臣等從石家山一路趕到當令富成七十五

分兵前進與富爾賽朱射斗等兩面夾擊殲戮

極多十一日至馬鞍山賊匪屯紮未定我兵奮

勇搶上復斃賊一千餘名餘眾連夜分股奔竄

叅將王溶守備田啟華均受傷陣亡當即偵探

《聖朝聖紀卷七十一

三

賊蹤有由老林場貴富驛一路赴渠縣交界者

有由天池寺一路赴營山交界者並有屯聚於

孫家梁附近之趙家山羊通廟李華寺一帶者

臣等察看孫家梁地勢險峻其附近之石洞溝

毛壩子猴兒坡鯉魚嘴等處俱係一綫羊腸臣

等公同商酌若各路官兵併力先剿羅其清一

股則該匪有險可守而王三槐等各首逆勢必

乘間遠颺如仍兜擊王三槐等各起賊匪則羅其清一股逼近官兵後路實形牽綴當派總兵富爾賽副將富森從恒瑞一路就近抽帶兵勇先行繞赴渠縣以遏東竄之路並派朱射斗帶領兵勇馳赴四面山以防天池寺賊匪擾及營山其立山地方爲巴儀接壤要區卽令富成七十五帶領官兵迎頭截剿以防北竄通巴又知

聖朝聖編卷十

三

會恒瑞帶領官兵仍從鯉魚嘴進攻孫家梁牽綴羅其清股匪並於石洞溝猴兒坡兩路分撥兵勇以爲聲援^臣等督率總兵百祥副將雷仁叅將穆克登布等竟攻趙家山等處屯聚之賊以破其負隅聯絡之勢約定十四日黎明同時並進是日^臣等一路進攻趙家山官兵行至二道坡地方卽有賊匪搖旗吶喊率衆抵禦我兵

施放鎗礮連環轟擊該匪等潛伏兩旁樹林往來抄襲當派副將關聯陞承寧等帶兵力壓又令叅將尤漢玉遊擊馬建紀分帶兵勇從左右兩面山坡斜衝而入自辰至未殲賊八九百名搶過趙家山追至觀音河適值富成七十五等兜回立山一股竄匪亦至羊通廟會合前來又整賊無數生擒張大榜等一百七十五名餘衆

聖朝聖編卷十

三

退上李華寺屯紮叅將那爾泰受傷陣亡尤漢玉馬建紀均受傷不重其朱射斗一路官兵追至四面山距天池寺八九里遇賊接仗連次敗賊於老木埡黃泥坪地方賊匪不能抵禦旋由太蓬一路折竄叅將增順左膝中鎗恒瑞進兵之鯉魚嘴一路山溝路逕俱被羅其清挖斷中隔深溝賊匪於沿坡安設滾木擗石守禦極堅

恒瑞督同觀祥等挑帶奮勇兵弁繞至山溝連奪賊卡三座殺賊五百餘名其石洞溝猴兒坡兩路林深箐密層層陡崖帶領鄉勇之千總桂涵拔援直上首先撲開賊卡一座兵勇乘勢攪殺斃賊三四百名桂涵受傷兩處其同帶鄉勇之典史楊炳文受傷陣亡相持至晚遂將各路兵勇暫行撤退臣等會合富成等一路官兵即

聖訓卷十

美

於高山望一帶駐劄研訊各路獲賊據供王三槐徐添德冷添祿冉文傳樊人傑等本要上孫家梁與羅其清合夥因被官兵截住又想分竄巴州營山渠縣暫避官兵追捕不意各路卡子都有官兵截擊聽見王三槐等說祇可向渠縣一路逃走惟冉文傳一股尙在李華寺後山梁紮住等語臣等因羅其清一股賊匪踞守孫家

梁人數眾多地方險峻仰攻不易自應仍囑恒瑞督同朱射斗觀祥等設法牽制另行相機辦理惟恒瑞等兵力本屬不敷如與冉文傳互相狼狽未免更爲費手是以臣惠齡現在酌帶官兵踏探路徑進剿冉文傳一股如冉文傳羅其清勾合抵禦臣惠齡自當知會恒瑞協力進攻如冉文傳仍復舍此竄逃即可統兵追擊至王

聖訓卷十

老

三槐徐添德冷添祿樊人傑等所竄之渠縣一路緊要首逆多在其內查前調雲貴官兵其附近川省營分者業經陸續入川計算日期頭二三起刻下可到廣安隨飛飭該領兵將備即從渠縣一路與富爾賽等會合前進以壯聲勢臣勒保即督率富成七十五明興等帶領官兵星馳前進再林亮功等一股賊匪佔踞開州坪地

方該處與雲陽所屬之桐林壩高陽鎮及萬縣所屬之分水梁上高坪盤海寺等處在在接壤堵禦本屬費力而萬縣爲糧運轉輸總匯尤關緊要是以臣節次嚴飭副都統銜六十七總兵富森布等設法進攻並另派總兵艾如文抽帶兵勇馳赴萬縣一路堵截嗣據該副都統等具報本月初六七等日開州坪賊匪分股下山六十七富森布等卽帶兵勇從貓兒寨地方迎擊賊匪傷斃甚多並生擒李元升等十名餘匪仍折回賊巢屯踞並據署萬縣知縣劉大經署雲陽縣知縣梁敦懷先後稟報因現屆麥豆成熟之時賊匪不時下山搶割均經各卡鄉勇隨時擊退亦有斬獲現仍嚴飭該鎮將等察看機宜上緊籌辦並令各州縣招募鄉勇一律嚴防

總期杜其蔓延之路以爲併力進取之計勒保又奏言老木園一股賊匪觀成等不能迅速辦淨咎責難辭今蒙皇上將觀成劉君輔黜革擢富成爲將軍卽令前往督辦仰見聖主賞罰嚴明至意惟念老木園賊匪因所踞地勢險峻觀成等兵力無多雖未能卽時撲滅而賊亦未能遠竄他處本應卽令富成趕緊前往第現在剿辦王三槐等大夥賊匪正當喫緊之際富成驟難分身臣已嚴飭觀成等仍留該處帶兵効力速將此股賊匪設法剿盡戴罪立功並派駐防開縣之太原鎮總兵德齡馳赴老木園會同剿辦均奏入

上命軍機大臣傳諭勒保宜綿德楞泰景安秦承恩

日李全阮正通二股賊匪本係由川省先後竄入
陝境今仍復任其折竄回川實屬疎蹤豈將賊驅
入川境以隣國為壑遂可卸責耶秦承恩與肇王
文雄柯藩俱著傳旨嚴行申飭所有打仗陣亡之
武生劉全龍著咨部加等議卹至高均德一股前
與李全張添德合夥後竄入老林藏匿勢已窮蹙
宜綿等自當乘賊首竄聚一處之時一面扼要堵
截一面入山搜捕德楞泰等所帶吉林黑龍江勁
旅俱係生長山野陟險上樹是其所長賊匪藏匿
深林何難深入窮追况李全阮正通俱已折竄入
川則高均德賊勢更孤宜綿德楞泰等併力剿此
敗竄之賊豈尙不能擒獲何以又任其竄入陝省
腹地至川省賊首王三槐等欲與羅其清合夥經
官兵分路截回賊眾仍向渠縣營山等處分竄勒

聖朝實錄卷十

聖

保現同富成等督兵進剿並預派富爾賽等帶兵
攔截正可併力奮擊兩面兜擒貴州頭二三起官
兵勒保已飭令領兵將弁卽由廣安前赴渠縣一
路協剿其後起官兵諒亦接續可到勒保等尤當
乘此新兵銳氣鼓勇直前將賊首悉數殲擒剿盡
餘匪所有打仗陣亡之叅將王溶那爾泰守備田
啟華典史楊炳文俱著咨部加等議卹其冉文儔
一股屯踞李華寺後山梁與羅其清互為狼狽恒
瑞等已在孫家梁相機進剿惠齡亦帶兵前赴該
處正可協力進攻若冉文儔又復分竄他處惠齡
卽當躡蹤追擊至李全阮正通竄入川省南江地
方勒保應卽派將領帶兵前往截擊並飭地方官
一體堵剿毋任又與冉文儔等合夥再富成現在
剿辦王三槐等大夥賊匪難以分身勒保已派德

聖朝實錄卷十

聖

齡馳赴老木園督剿著傳諭該鎮務須親身督率
奮力進剿速將陳崇德擒獲不可又如觀成劉君
輔之遷延貽誤又據秦承恩奏陝省賊匪漸近蓋
屋一帶王文雄斷難分身自係實在情形而興肇
額勒登保業已自陝馳赴楚省景安一路添此二
人帶兵而所謂湖南兵計期亦可趕到自足敷剿
捕之用景安務須與興肇額勒登保等鼓勇進剿
將賊首劉成棟張漢潮等速行擒獲或仍竄回川
境額勒登保仍應迅速帶兵赴川協剿也

欽定剿平三省邪匪方略

正編卷七十一

欽定剿平三省邪匪方略正編卷七十一 戊午年

五月初二日 乙丑 宜綿德楞泰明亮額勒登保奏

言阮正通等賊匪退回槐樹關屯紮經興肇柯
藩帶兵追剿遂分竄於范家坪彌勒院等處其
勢直趨西北興肇等恐賊匪竄入棧道派兵五
百名繞入褒城防守與駐守雞頭關之鎮臣索
費英阿相為犄角保護北棧又派遊擊額爾畢
濟呼帶兵七百名防守沔縣大安驛遇六竄入
南棧之路興肇柯藩各帶兵一千名南赴漢中
江岸分設埋伏以為半渡掩擊之計另派兵數
百名多張旗幟虛作尾追聲勢賊匪前隊果於
十二日夜間潛至褒城窺伺經署知縣汪銓早
為準備城上連放鎗礮四面伏兵齊起追殺賊
匪二百餘人生擒九名餘匪由景家塘南竄南

欽定剿平三省邪匪方略

鄭縣知縣何振權帶鄉勇五百名攔頭堵截殺賊甚多其時大夥賊匪俱向長寨奔竄守卡外委王忠帶領兵勇迎敵道員文需叅將瑪靈阿帶鄉勇二千名自府城起刊何振權亦追賊踵至三面夾攻殺賊六百餘人救出城固洋縣被擄難民男婦五百餘名口賊匪遂竄至新街江邊在上流淺處泅水過江與肇柯藩所伏之兵齊出前後夾擊詎賊匪一面拒戰一面仍復洶渡其善泅者皆牽帶多人捨死搶渡官兵遠用鎗礮近用箭射雖淹斃賊匪甚多而過江者仍復不少把總顧林首先衝入賊陣受傷陣亡兵勇繼之賊匪始各潰竄我兵正在痛剿北面忽有賊匪二千餘人向南直撲文需瑪靈阿急率鄉勇回城防堵賊匪恃有接應復聚向江岸我

製香齋編卷主

二

兵奮殺益力屍橫遍野生擒賊目何仲茂等一百二十七名賊匪乃合夥折回東竄與肇柯藩急率官兵躡蹤追擊兩晝夜直抵石泉臣宜綿前派鎮臣長春山木子河順江岸西去臣明亮同圖桑阿帶索倫兵五百名由大道迎擊臣宜綿督率關騰烏爾圖那遜等由北山抄截三路堯園正與賊遇當將二千餘賊殲戮無遺把總顏希章外委金海宋福皆以力戰陣亡其在新街渡江之賊亦約有二千餘人十三日竄至周家坪知縣何振權帶領鄉勇追擊殺死騎馬賊目一名賊匪二百餘人又調青石關千旗山兩路鄉勇於馬仙壩等處埋伏十四日賊匪從周家坪南竄伏勇齊起殺死後股賊匪一百餘名餘匪翻孫家嶺竄至紅廟塘牟家壩一帶入四

製香齋編卷主

三

川之通江南江二縣境內至高均德等一股賊
匪自與李全張添倫合夥之後經臣宜綿等在
漢陰截擊折回東竄臣額勒登保由古木嶺二
郎廟馳抵獅子溝臣德楞泰由興安大道馳抵
兩河關探知賊匪在大仁河一帶欲出茅坪東
竄經臣德楞泰帶兵迎截斬獲四百餘名賊遂
由大仁河上流翻山向蔡家坪而去擒獲張九
銀等四十二名訊問此股賊匪係高均德張添
倫尙有八九千人次日臣德楞泰復由青銅關
松樹垭進剿賊匪佔據蔡家坪右山包臣德楞
泰督同賽冲阿阿哈保等帶兵搶上該匪捨命
奔逃我兵乘勢壓下殺賊一千五百餘人臣額
勒登保偵得一股賊匪在大仁河紫溪嶺等處
藏伏隨督同綸布春慶溥楊遇春等由獅子溝

聖朝勳績編卷五

四

至紫溪嶺賊匪正冒雨翻嶺我兵奮力趕擊賊
匪亡命下嶺滾馬跌斃者甚多餘賊分竄蔡家
坪等處十六日分兵一股從紙坊溝出蔡家坪
因見溝內偏隘恐爲賊人所阻臣額勒登保帶
兵徑上左手大山衝下該匪等當時潰亂溝內
之兵亦到共斬戮一千餘人生擒許得信等六
十三名內楊鳳一名係執旗頭目據供高均德
等一股經官兵在青銅關剿敗已向茅坪等處
竄逸此股係李全所帶約有五千餘人當將該
犯等分別凌遲正法臣德楞泰額勒登保於十
七日晚均至茅坪會合查阮正通等股匪過江
者尙有二千餘人已入川境與肇柯藩旣將折
回東竄一股剿淨自應趕回漢中渡江追殺緣
現奉

聖朝勳績編卷五

五

諭旨令臣額勒登保與肇帶兵趕赴湖北協同景安

剿辦川匪伏思湖北現在需兵緊急官兵等應

從漢江順流而下即可速抵襄陽但江流迅駛

馬匹不能載渡今臣額勒登保酌帶索倫吉林

兵四百名漢兵六百餘名與肇所帶馬兵一千

名內有分令綸布春等帶領由平利竹谿一帶

趕至房縣均州等處其餘滿漢步兵額勒登保

聖祖實錄卷三

六

興肇即於二十三兩日由興安坐船而下計

可到在馬兵之前沿途當偵探賊蹤相機籌辦

惟是柯藩所帶兵丁除分防褒城及沔縣外所

餘僅一千名若令入川追剿阮正通等未免單

弱而高均德等股賊匪又皆河南湖北之人每

欲乘隙逃往楚豫因截殺緊急未得渡洵陽大

河今臣額勒登保分兵赴楚東面稍覺空虛臣

宜綿即飭柯藩將原帶之兵趕赴茅坪軍營聽

臣德楞泰調遣臣宜綿明亮等由漢陰入五郎

從西夾擊秦承恩王文雄在北路嚴加堵禦其

阮正通一股賊匪已飛咨勒保派撥鎮將截剿

並咨調承德將防守北棧之兵移駐漢中督同

文需等嚴密防堵勿令竄逸奏入

上命軍機大臣傳諭勒保宜綿德楞泰景安秦承恩

聖祖實錄卷三

七

曰宜綿等連日打仗在景家塘長寨新街等處殲

賊不下三千餘名惟首逆仍未擒獲不足為功且

阮正通一股本由川省竄入陝境今復任其折竄

回川亦難辭疎防之咎宜綿等均著傳旨嚴行申

飭此次陣亡之把總顧林顏希章外委金海宋福

俱著咨部加等議卹再據稱李全一股係與高均

德張添倫合夥自漢陰折回東竄是該匪仍在陝

境與秦承恩昨奏不符究竟李全在陝在川卽著
宜綿等查明具奏柯藩現經宜綿調回茅坪防堵
則逃入川境之阮正通一股卽著勒保酌派將領
帶兵截擊並飭地方官一體堵剿毋任又與川匪
會合至高均德股匪與李全張添倫合夥經官兵
分路截剿賊首又復東竄茅坪地方現在德楞秦
等帶領勁旅馳擊而東南兩面已派柯藩在彼防
堵北面有秦承恩等帶兵迎擊宜綿等又由五郎
一路進剿正可四面兜圍務將此數股賊首按名
擒獲再行赴川幫同勒保協剿以期稍贖前愆

欽定剿平三省邪匪方略

正編卷七一

初六日_已景安高杞奏言張漢潮一股賊匪經

臣等屢次剿敗後現已折竄武安鎮屯聚查此
股賊衆上年曾竄入楚境道路皆所熟悉且通
股尙有二萬餘人每以分合奔竄爲牽綴官兵

之計而官兵僅有二千餘名勢難分投截剿_臣
等再三籌酌惟有嚴防漢江並保護下游完善
之區仍逼入西南山險以便聚而殲洗因思荆
門爲武漢扼要之地而沙市卽在郡南十五里
地方繁庶設被分股滋擾官兵卽有顧此失彼
之虞是以_臣等於調來湖南官兵二千名內撥
出一千二百名分駐荆門沙市二處其餘八百
名已陸續來營合之原有之兵計共三千餘名
_臣等卽於十六日由北路襄陽一帶繞出江岸
抄截十七日行抵宜城縣適賊匪已由武安小
河一帶竄聚該縣城外正在蜂擁圍城不期官
兵猝至當經擊斃一百餘名賊猶向前直撲旋
經馬隊衝擊始由東面狂奔官兵緊躡追擊沿
途又截殺數十名生擒賊目鄭玉楊在寧二名

欽定剿平三省邪匪方略

正編卷七一

一〇五

賊匪十二名餘匪出新店臨陽一帶奔竄當提
 鄭玉等嚴訊據供賊匪被官兵晝夜抄截疲乏
 已極張漢潮與眾賊目商議今日想攻奪縣城
 暫時休息不料又被官兵擊敗當將該犯等正
 法臣等隨鼓勵將士漏夜趨行於十九日行至
 荆門之石橋見賊匪屯聚左手山頂正擬設法
 進攻遙聞鎗礮不絕隨據探報賊匪先分一半
 往攻荆門州城以一半留駐石橋抵敵官兵狡
 詐已極臣等若令官兵全行赴援賊必躡我之
 後轉墮奸計當於對山紮住故作進攻之狀一
 面派令副將廣福叅將董寧川遊擊曹星挑帶
 健兵一千五百名倍道赴援賊匪自辰至午攻
 城不得遂將田野已割之麥各持一捆堆積城
 下欲圖一擁而上適廣福等帶兵趕到賊匪一

見卽向攻撲廣福等用礮轟擊連斃百數十名
 時城內兵勇亦出城助戰賊眾始由皮家集一
 帶竄逸當時擒獲王友倫等二十餘名訊明正
 法其石橋屯聚之賊亦於是夜竄至皮家集仍
 復合爲一股直奔沿江石牌沙洋一帶其勢將
 直赴下游闖入武漢臣等當卽商定仍各分兵
 一半臣高杞由石牌自上下壓臣景安抄赴沙
 洋由下兜擊賊匪竄至沙洋見沿江船隻淨盡
 卽在附近民房搜取木梯板片等物紮筏多架
 希圖併力搶渡因臣等預札河南鎮臣張文奇
 田永桐道員完顏岱協同本省道府俱在對岸
 督率兵勇堵守甚嚴賊匪正在相持適臣等兩
 路官兵先後抄及賊卽分股仍由皮家集向南
 奔竄臣等查皮家集之東南係十迴橋後港西

聖朝通鑑卷十一

十

聖朝通鑑卷十一

十一

南係建陽驛四方舖均與荊州府運界是以仍
分兩路臣景安率同廣福叅將福寧等帶兵一
千數百名繞道抄赴建陽驛以南之丁家集先
在兩旁樹林中埋伏臣高杞率同董寧川遊擊
王愷等帶兵一千五百名由十迴橋一路抄至
後港該處有小河一道賊匪正在搶渡經官兵
開放大礮轟斃二百餘人賊仍由十迴橋竄往
建陽驛直奔荊州大路而來行至丁家集伏兵
突出鎗礮齊發又斃賊匪數百人賊人未及
防備向西捨命狂奔時臣高杞由東北一帶抄
截而至遂合兵追殺二十餘里生擒賊目陳洪
周董光國二名並賊匪鄭敖等六十八名其被
裹良民婦女乘機逃出者一二千人餘賊遁往
當陽之積山寺地方時值大雨如注又兼官兵

欽定剿平三省邪匪方略

正編卷七一

連日窮追疲乏是以即在積山寺以東之四方
舖扼要紮營暫養兵力隨提陳洪周等訊無要
供概予駢誅其逃出民人查係宣城鍾祥荆門
一帶新裹良民當即逐加撫慰并酌給路費令
其各歸安業查積山寺地方與荊州路路可通
該郡有海興阿成德督率滿兵防守沙市亦有
副將豆霽帶兵數百名協同鄉勇守禦臣等一
面飛囑加謹防範勿令闖入一面仍於積山寺
東北一帶旋剿旋逼以期併歸山險庶剿辦易
於得手惟賊多兵少實不敷各路兜截因又於
鄖陽所屬挑募健勇二千名隨同協剿以期迅
速蕞事再提督文圖傷漸平復現今駐紮漢江
東岸督率防堵並集義勇數萬分布沿江一帶
聲威甚壯且大汛將臨水勢日見增長賊匪斷

欽定剿平三省邪匪方略

正編卷七一

難偷渡堪以仰慰

辰厯

景安高杞又奏言接准英善福寧來咨以川省

添調滇黔官兵協剿需用軍糧甚多囑於湖南

省查明各屬約可協濟軍糧若干卽飭運供等

情臣等查湖南省原存截剩漕米八萬餘石係

留爲苗疆官兵口糧之需爲數較多尙可酌撥

《聖朝實錄卷七十一

古

第南省水道距川較遠誠恐緩不及濟是以先

在荊州滿營兵糧項下撥米三萬石飭令僱船

委員就近解赴川省夔州府接收轉運以期迅

速臣等仍咨會姜晟於南省截漕項下撥出三

萬石解交荊州府歸還滿營兵糧

同日額勒登保與肇奏言臣等帶領步兵由興

安坐船順流而下自入楚境後察看鄖陽府均

州一帶沿江均有卡隘防護並有將軍成德道

員恒慶督率鄉勇駐紮防守民情甚屬寧貼四

月二十九日行抵襄陽接見按察使張長庚詢

問賊情據稱日聚日多約有二三萬人竄往荆

門州一帶景安現在追剿查荆門州距襄陽府

祇三百餘里臣等自應僭程前進惟所有馬兵

先交綸布春等帶領由二竹一帶行走計程尙

《聖朝實錄卷七十一

古

需五六月始抵襄陽臣等一面差人迎催一面

卽督率原帶步兵八百餘名馳赴荆門州與景

安會合剿辦均奏入

上命軍機大臣傳諭額勒登保與肇景安曰景安等

連日抄擊賊匪帶兵不過三千餘名以少擊衆不

使賊攻擾城池偷渡漢江實屬出力可嘉現在該

督等在當陽積山寺以東扼要堵截旋剿旋逼賊

匪日益窮蹙而本日額勒登保與肇其奏已於西
月二十九日前抵襄陽即先帶步兵八百名趕赴
景安軍營並飛催綸布春等帶領馬兵償程趕赴
此刻自早已到齊景安等當屢勝之後又得此勁
兵協剿務當趁賊匪屯聚之時併力兜截將賊首
劉成棟張漢潮擒獲殲餘匪以副委任至川省
現在剿賊緊急之際軍糧最關緊要景安能設法
籌運業經撥米三萬石解赴夔州俾得早資接濟
所辦亦屬妥協

欽定剿平三省邪匪方略

正編卷七一

初十日癸酉勒保奏言查王三槐等前從儀隴境
內分竄營山巴州邊界當經分派鎮將併力截
回該首逆等遂由渠縣一路折竄該處亦經臣
預派總兵富爾賽副將富森等帶領兵勇馳往
攔截臣復督率各兵從渠縣取道進發十九日

行抵大埡口據報各股賊匪由渠達交界之楊
家壩清河場一路焚掠攻撲永興場糧臺典史
楊堂率領團勇守禦因眾寡不敵當被戕害賊
匪即向三溪口奔竄適富爾賽等帶兵迎截斃
賊三百餘名生擒潘九和等二十餘名該匪遂
分股折由杜市街木頭市等處竄赴大竹縣境
查該處毗連渠縣達州梁山墊江各州縣路徑
紛歧賊蹤靡定必須分投布置方可相機迎擊
仍派富爾賽等帶領兵勇即從三溪口跟蹤追
剿臣督同富成七十五百祥雷仁等由渠縣之
卷硎門一帶直赴大竹賊匪正屯聚該縣橫亘
五六十里分夥直逼城池知縣張位中與教諭
馮灼文率勇堵截斃賊無數賊匪即於離城數
里之賀家梁邱家壩盤踞不退二十三日五更

欽定剿平三省邪匪方略

正編卷七一

臣督同富成七十五等帶兵由迴龍場一帶直

抄貨家梁等處賊匪後路該匪正在攻撲縣城

不意官兵驟至立形慌亂我兵乘勢剿殺賊

五六百名該令亦率同紳士帶領鄉勇分路追

殺匪眾退至黃泥扁月華坪屯紮臣督同富成

七十五等連夜分兵前進賊匪又即相率奔逃

我兵沿途追殺八九百名生擒夏登才等一百

聖朝通志卷三十一 六

四十六名即行正法迨趕至石橋舖地方賊匪

復分兩股向梁山墊江一帶竄逸並據探報墊

江彭家溝地方有新起賊匪一千餘人與王三

槐接應合夥現經臣分派副都統七十五帶兵

一路馳赴墊江富成帶兵一路馳赴梁山臣同

明興帶領百祥等由梁墊交界中路進發察看

賊匪由何處折竄即由何處截擊惟七十五一

路兵力較單且有新起賊匪是以復派穆克登

阿酌帶兵勇隨後策應至連日打仗千總宋國

富謝兆熊把總周永泰三員均因殺賊陣亡其

餘傷亡兵勇另行查明咨部

勒保又奏言查西鄉通江接壤之三花灘鉄溪

河等處先有餘匪往來滋擾經臣節飭原任總

兵楊秀署總兵田有成在川陝邊界截擊嗣據

聖朝通志卷三十一 九

南江通江各縣稟報毗連陝省之分水嶺空山

壩等處均有賊匪出沒焚掠當經知會陝省各

縣彼此設法堵禦茲據川北道李鈺稟報陝省

賊匪分爲三路一入巴州之羅家壩一入南江

之沙河子一入南江之長池壩現派各卡鄉勇

分投堵截並據漢興道文需稟報賊匪既正通

李全等全夥俱乘間由南鄭竄入川省南江縣

境_臣查川省與陝界毗連之處惟太平一縣現

有楊秀帶兵駐劄其餘本無兵力防範而通巴

南江各邑均曾被賊蹂躪備禦更為費力刻下

如開州坪老木園孫家梁三處賊匪負嵎屯踞

急切未就殲除在在均形牽綴並據夔州府稟

報前竄楚省之賊又轉回保康一帶如復折入

夔巫亦關緊要是目下川省軍務實在頭緒紛

聖祖聖訓

三

繁且王三槐等各股賊匪勢已窮蹙設又有竄

匪接應則辦理更為不易_臣現飭臬司先福川

北道李鉉督率地方官團練鄉勇務將闖入賊

匪設法堵禦並知會興肇柯藩等趕緊督兵追

剿兩面截擊俟王三槐等各股賊匪一就殲除

_臣酌量何處緊急再行分兵前往至提督慶成

前在孫家梁打仗腿受鎗傷較重經_臣囑令暫

赴順慶府城調養茲奉

諭旨以一時不能就痊卽令緩程回京調攝_臣遵卽

轉行去後據該提督覆稱月餘以來傷痕轉劇

第念軍務未竣若遽行回京問心實切不安_臣

查該提督打仗殺賊本屬奮勇惟因腿受鎗傷

急切驟難痊愈應令緩程進京以副

聖慈體恤周詳至意

聖祖聖訓

三

勒保又奏言_臣欽奉

諭旨以川省剿賊州縣中間劉清官聲甚好令_臣查

明據實保奏並將此外文武員弁詳細察覈分

別舉劾等因_臣查南充縣知縣劉清平日居官

辦事深得民心自教匪滋事以來節次帶勇殺

賊甚為奮往賊匪亦稱為清官眾口如一_臣前

因廣元為北棧門戶是以委令署理縣篆可否

仰懇

天恩將該員以同知直隸州用並請

賞戴花翎又夔州府知府張至幹辦事勤能去年剿

辦所屬大寧之九龍池等處邪匪殺賊極多嗣

因各屬賊匪蠢動軍務殷繁該守往來堵剿料

理軍儲毫無貽誤洵為超眾出力又開縣典史

張陳鉉每遇賊匪擾及縣治即親帶鄉勇隨時

聖恩將該員以同知直隸州用並請

三

擊退士民莫不感服臣不敢壅于

上聞合無仰懇

聖恩將知府張至幹

賞戴花翎典史張陳鉉以縣丞益大使陞用庶各知

所激勸實于軍務地方均有裨益其餘文武員

弁如有玩愒軍務者自當隨時劾叅斷不敢稍

有瞻徇均奏入

上命軍機大臣傳諭勒保宜綿德楞額泰景安曰此次

勒保督率鎮將等分路追剿在渠縣大竹地方殲

賊不及二千並未擒一首逆殊不愜意其所奏陝

省賊匪闖入南江一帶亦早經宜綿等奏過此時

王三槐等既不能與羅其清等合夥且經官兵屢

次抄截分向梁山墊江奔逸勒保惟當趁此股賊

匪窮蹙之時設法兜擒絕其竄合去路即有新起

聖恩將該員以同知直隸州用並請

三

匪徒亦無從接應自必紛紛潰散並可順道察探

各股賊勢緩急夥黨多寡剿淨一處再辦一處不

可心忙意亂以致調度失宜其彭家溝新起賊匪

已歸入王三槐一夥勒保現派富成七十五前往

剿辦富成打仗素稱勇往務將此股新起賊眾全

數撲滅即自行專摺具奏此外冉文儔羅其清股

匪有惠齡等在彼剿辦開州坪老木園賊匪有六

十七德齡等在彼剿辦務當各剿各股擒獲首逆
勿再遲延干咎所有打仗陣亡之千總宋國富等
及保護糧臺被害之典史楊堂均着咨部加等議
卹至景安等所辦陝省之賊現據勒保奏稱已轉
回保康一帶想被官兵追剿緊急又思折竄夔巫
景安等屢得勝仗今又有額勒登保等到彼協剿
聲勢更壯務將張漢潮等截住就地擒獲不可驅
令入川卽爲了事至川省剿賊出力聲名素好之
知府張至幹着賞戴花翎知縣劉清着以同知直
隸州陞用並賞戴花翎典史張陳欽着以縣丞
大使陞用以示獎勵

十二日_{乙亥}宜綿德楞泰明亮奏言查額勒登保
遵

旨帶兵馳赴湖北德楞泰親率巴圖魯侍衛等由

聖朝聖訓卷五
臣

梅花舖溝口直入剿賊另派溫春慶溥等由左
手山梁壓下賊匪埋伏齊起悉力抗拒_臣德楞

泰策馬先進滿漢兵丁奮勇爭先溫春等又從

高下壓殺賊八百餘人賊不能支亟翻南面山

梁欲由兩河關竄至湖北當派溫春等繞赴該

處堵截適_臣宜綿派柯藩帶兵一千名前來協

剿亦抵該處賊匪探知前有官兵又以_臣德楞

泰等緊躡其後遂改道由越河竄至五郎之兩

河口_臣宜綿明亮由漢陰帶兵適至迎頭截擊

殺死前股賊匪四百餘名賊匪奔回官兵乘勝

追擊趕至周家坎_臣明亮射死執旗賊目一名

兵弁呐喊齊進又殺賊三百餘名其後股賊匪

遂改由文家廟四海坪一帶竄至江口_臣德楞

泰帶兵繞至五郎城遏其北竄之路派阿哈保

聖朝聖訓卷五
臣

達音泰等由東川至小川躡蹤緊追賊匪一見官兵四散奔逸臣明亮自周家坎趕至三面夾擊殲斃賊匪九百餘人餘匪向四畝地三河口一帶分竄擊獲賊犯供稱高均德等總要引官兵西來乘空竄入楚豫今被剿緊急不能折回東竄想卽由洋縣漢中一帶回川臣等查夾嶺秦嶺等處經秦承恩派令兵勇嚴堵賊匪不能北竄必由焦溪河南至洋縣臣明亮卽趕至兩河口同臣宜綿帶兵翻山由大河壩前至洋縣遏其去路臣德楞泰仍分兵兩路一由琵琶嶺金雞河一由廟溝進剿伏思高均德李全張添倫等皆河南湖北人本處從逆者固多而裹脅川陝之人亦不爲少新舊互疑漸不相安臣宜綿前入陝境偵知其情卽多寫簡明告示遍爲

曉諭並於所獲賊匪內察其真心悔罪人尙明白者厚加賞資卽令持入賊夥中密爲反間旬日以來投首者無數皆經慰諭犒賞飭令回籍亦有投棄器械自行散歸經卡隘盤獲送案者訊問確實亦俱釋放約計解散賊黨不下二千餘人惟原帶河南湖北之人同惡旣久自知必死合力抗拒現在高均德一股不過二千餘人李全張添倫等亦不過六七千人總欲乘官兵偶有不備卽分股折回楚豫臣等分兵佈置惟有隨時隨地相機截剿一經得手卽可合圍聚擊

同日秦承恩奏言臣因賊匪高均德等竄至五郎一帶當與王文雄自郿縣馳回盩厔探蹤堵剿據差弁探報賊匪一股約一千數百人於四

欽定四庫全書
 纂要初編卷五
 美

月二十九日由盤屋南鄉之小藍溝竄至樓丹坪該處正北可由西駱峪竄出平地正西可由二郎壩斜趨寶雞之號川臣查西駱峪綿長二百餘里峪東由寬坪至辛口峪一路近已被水衝斷惟峪西由八斗河直通泥峪路極陡險若能誘賊深入祇須前後設伏堵截必可全數殲除臣先卽飛札承德在號川一帶堵住西路一面令王文雄帶領奮勇兵五百名由西駱峪入口埋伏另派參將鍾岳帶兵五百名入泥峪埋伏一面密札派守厚畛子之署守備魏廷拔酌派鄉勇在板房子一帶防守俟賊過盡後卽於該處截住去路臣仍卽督率兵勇隨後接應五月初三日王文雄探知賊匪已過板房子卽督率參將鮑貴等奮勇迎擊斃賊三百餘人賊眾

逃回舊路已經截斷遂由泥峪一路奔逸鍾岳等伏兵齊起王文雄亦帶兵趕到兩面夾擊又殲斃五百餘人滾崖跌斃者一百餘人生擒賊目趙添培等三十四名內有本省被裹民人一百餘名一見官兵卽俱棄矛投出當將此股全行剿淨訊據趙添培供賊首高均德等俱係河南湖北人總想逃回本省因被德大人屢次剿收不能東去仍舊折回五郎高均德現帶前股向南逃走我等後股一千餘人繞到小藍溝聽見官兵趕來想進北山逃走不料俱被截殺隨將該犯等一併正法其被賊裹脅割去髮辮訊未隨同打仗者概予省釋並遍貼告示曉諭俾脅從之眾得以聞風解散現據探報高均德等俱竄至洋縣地方德楞泰帶領勁旅已由五郎

分道剿宜綿明亮等大兵亦由石泉先赴南路堵截臣因整屋郿縣一帶係賊往來折竄之路現與王文雄暫在山內扼要堵截如賊匪日益南趨北路無可顧慮即當帶兵入棧前赴漢中會同剿辦均奏入

上命軍機大臣傳諭勒保宜綿德楞泰景安泰承恩

日宜綿等剿辦高均德股匪旬日未據奏報及本

剿平匪類編卷十一

三

日奏到剿賊情形仍未拏獲一名首逆雖殲賊二

千餘人殊不愜意高均德等自阮正通折回川境

後其勢已孤宜綿等遷延多日仍任賊匪竄至江

口洋縣一帶實屬無能現在高均德李全等兩股

賊匪其沿途裹脅川陝民人業經紛紛投出是真

正匪眾計祇不滿萬人而官兵現有數萬加以吉

林黑龍江勁旅數倍於賊豈尙不敷剿辦但賊首

雖分而官兵宜須併力一處或先將高均德拏獲

再行剿辦李全等如官兵並進所到適值李全等

一股即先將李全張添倫拏獲再剿高均德一股

以期兵力厚集一處迅速成功至泰承恩所剿整

屋山內之賊亦不過敗竄餘匪仍未將首逆高均

德等拏獲殊屬無謂該撫與王文雄務須探明賊

蹤即赴漢中一帶併力奮擊勿再遷延干咎

剿平匪類編卷十一

三

同日

上諭內閣曰陝省地方前因川楚賊匪竄入滋擾業

經蠲賑兼施但念該省自上年秋冬以後各該州

縣間有被賊蹂躪之區村民致妨耕作其隣近地

方轉餉團練幫同堵截小民等急公趨事不免廢

時失業情殊可憫所有藍田南鄭寧羗城固洋縣

褒城沔縣白河石泉等九州縣曾被賊匪蹂躪村

莊未完嘉慶二年地丁鹽課等項錢糧着加恩全	行豁免其寶雞岐山扶風郿縣南鄭留壩寧羗城	固洋縣西鄉褒城沔縣安康漢陰洵陽白河紫陽	平利石泉商州雒南鎮安山陽商南武功等二十	五廳州縣應徵本年地丁正耗並鹽課等項錢糧	又咸寧長安五郎鄠縣盤屋寶雞岐山扶風郿縣	武功等十廳縣未完嘉慶二年地丁鹽課等項錢	糧着查明被賊蹂躪村莊全行豁免餘俱着緩至	本年麥熟後徵收又南鄭寧羗城固洋縣西鄉沔	縣安康漢陰洵陽白河平利石泉商州雒南鎮安	山陽商南藍田臨潼涇陽咸陽三原醴泉鳳翔隴	州汧陽鳳縣畧陽大荔華州華陰韓城澄城蒲城	白水邠州長武淳化乾州永壽咸寧長安寶雞岐	山扶風郿縣武功等四十七廳州縣應行帶徵嘉
---------------------	---------------------	---------------------	---------------------	---------------------	---------------------	---------------------	---------------------	---------------------	---------------------	---------------------	---------------------	---------------------	---------------------

聖訓

三

慶元年地丁正耗鹽課等項錢糧着加恩一併緩	至本年麥熟後徵收該撫務須督飭所屬實心經	理以副朕軫念窮簷有加無已至意
---------------------	---------------------	----------------

聖訓

三

欽定剿平三省邪匪方畧正編卷七十二

戊午年

五月十六日已卯景安額勒登保與肇高杞奏言

賊匪張漢湖等前經臣景安高杞節次截剿逼

歸當陽之積山寺五月初一二等日賊又分出

數股俱向西北一帶焚燒而大駭仍在積山寺

負隅抗拒察看賊情欲誘官兵前赴西北攔截

即可直奔荆郡圖掠沙市查該郡雖有海興阿

剿平三省邪匪方畧卷七十二

等督率滿兵防守沙市亦有湖南官兵在彼防

堵第兵力甚單臣景安高杞一面派撥馬隊抄

往西北一帶截殺一面飭令副將廣福叅將董

寧川等挑帶健勇一千名星夜馳赴荆郡擇要

截剿初三日夜半時賊果全駭直奔荆郡行至

裁縫店地方經廣福等帶兵截住賊匪直前攻

撲正在相持間適臣景安高杞帶兵趕到兩路

夾擊賊賊冬名賊即從旁路藤子店川心店等

處遁往當陽之河溶清溪河一帶臣景安高杞

分帶官兵緊躡抄截賊匪復從烟墩集直趨荆

門州適臣額勒登保與肇於初六日趕到該州

因綸布春所帶馬隊官兵尙未能到止帶步兵

數百名隨查知城內尙有留防之湖南兵六百

名即一併帶領密赴前面山後埋伏俟賊竄近

剿平三省邪匪方畧卷七十二

一擁齊出鎗礮並發擊斃賊匪三四百名賊人

甚形驚駭時臣景安高杞又從東南一帶抄截

而來賊匪愈覺倉惶失措即從旁路分股狂奔

遁入南漳山險等處遂會合一處公同商酌將

留防荆門沙市官兵一千二百名一併調歸大

營合之臣額勒登保帶來之兵共有五千餘名

雖賊駭尙有二萬餘究係烏合之眾且此內裹

脅居多似可易於解散^臣等惟有分投兜擊速擒首逆奏入

上命軍機大臣傳諭勒保景安曰景安等截剿賊匪不使竄擾荊州所辦甚好現在景安及額勒登保等所帶兵丁祇有五千餘名而賊數尙有二萬計綸布春所帶馬隊官兵此時自己接續到營賊匪究係烏合之衆且已逼入山內正可聚而殲洗並

聖祖聖訓卷三

三

當剿撫兼施照從前景安所辦如有自行投出者不追咎其既往概行收恤妥爲安頓賊數自必紛紛解散若能迅將賊首拏獲其餘黨與無難悉就殲除勉之

二十日^未勒保奏言王三槐等各股賊匪經^臣

督兵痛剿遂分向梁塾兩路竄逸當卽分派富成七十三馳往剿辦復派穆克登阿在後策應

^臣卽由梁塾交界中路進發嗣據探報彭家溝新起之賊已與王三槐合夥路過高灘地方署縣丞李晨率勇堵截猝被戕害^臣查梁塾一帶

界連忠州涪州酆都長壽恐該匪等沿江偷渡又致逼入楚境隨一面飛飭忠州等處將船隻盡數撤赴南岸並令多派兵勇防禦一面督催富成七十五帶領官兵隨機截擊^臣同明興帶

聖祖聖訓卷三

四

領總兵百祥等馳赴梁山縣界葫蘆山地方駐劄並分派副將孫大猷遊擊哈三泰知府銜署梁山縣知縣方積各帶兵勇於觀音巖涼風埡等處嚴密布置以備賊匪折竄四月二十八日富成一路官兵進抵梁山所屬之老鷹場適徐添德樊人傑等合夥竄至我兵奮勇截擊斃賊極多二十九初一等日復於馬家場石竹坪兩

次殺賊四五百名初三日賊匪繞至忠州邊界
經署牧王垂重率勇截剿賊即折回復經富成
督兵接仗斃賊七百餘名現由拔山寺一帶奔
竄其七十五一路於二十九日至墊江所屬之
界尺場擒獲前隊賊匪五十餘人訊知王三槐
等大夥均在趙家寺屯踞七十五即連夜催兵
前進穆克登阿亦即趕到初二等日從趙家

《聖朝聖編卷七十一

五

寺董家場等處節次打仗殺賊六百餘名生擒
一百三十餘名匪眾直撲涪州之關口山地方
知州李培恒帶領鄉勇當時擊退大夥仍向李
家寺奔竄查兩路賊匪疊被官兵剿敗狂奔因
沿途均有備禦不能闌入楚境其勢必由梁山
邊界折竄開萬一帶冀與開州坪賊匪合夥聯
絡初三四等日賊匪竄至曲水地方並分股在

觀音巖石梯關等處肆擾經_臣派明興百祥帶
兵馳擊沿途斬獲甚眾其觀音巖石梯關等處
初三四等日均有賊匪竄至復經哈三泰方積
等分帶兵勇痛加剿殺斬獲亦多惟賊勢過於
散漫甫經剿散一股又有一股接踵而至初五
日據報大夥賊匪遁入太平壩地方當即酌派
將領於百家場銀河橋分兵兩翼佔住山梁_臣

《聖朝聖編卷七十一

六

督率官兵由葫蘆山迎截三面下壓斃賊一千
餘人生擒五百六十八名餘匪捨命奪路從開
萬交界處所奔逸拿獲活賊內訊有徐添德名
下賊目高相朝李如倫二名王三槐名下賊目
曾士俊一名即與各犯分別凌遲正法_臣現飭
各路官兵即日分投進剿並飛飭六十七富森
布等先將開州坪之賊實力圍堵毋任乘間接

應其新調滇黔官兵到營已有千餘名連日藉
供分撥其未到後起之兵卽令總兵德音額酌
帶一二千名由長壽直赴萬縣會同艾如文相
機截剿此次各路打仗陣亡千總上官宗文王
之鎮把總楊兆德崔陞廖德美五員其餘傷亡
弁兵另行查明咨部

欽定剿平三省邪匪方略

正編卷七二

勒保又奏言查羅其清股匪屯踞孫家梁一帶
與冉文儔互相勾合匪黨較多每於清風寺白
果壩等處分股出沒擾及儀隴運道經惠齡偵
探賊蹤派副將關聯陞李紹祖叅將穆克登布
挑帶弁兵由清風寺一路攻剿總兵朱射斗帶
領兵勇從馬鞍場進發恒瑞撥兵屯紮磨盤寨
一帶斷其折回孫家梁道路二十五日朱射斗
帶兵進抵新寺場遇賊接仗適關聯陞等同時

趕到兩路截殺斃賊三四百名匪衆卽退屯青
岡坪我兵連撲數次未能搶上陣亡守備趙成
龍把總劉忠孝二員次日惠齡復派叅將穆克
登布等帶領馬步各兵搶佔青岡坪對面山梁
與賊對拒我兵鎗礮並發殲戮無數並擊殺執
旗賊目二名餘匪卽從磨盤寨奔竄適恒瑞帶

欽定剿平三省邪匪方略

正編卷七二

領官兵輪番邀擊賊匪兩面受敵傷斃甚多惟
恃路徑熟習乘夜紛紛潛逸把總任殿榮秦得
祿受傷陣亡現在惠齡移紮窩堂廟與朱射斗
合兵一處一俟儀隴後路肅清卽當會同恒瑞
設法進剿其陝省賊匪李全阮正通等竄入川
省南巴等境經臣飛飭各地方官實力堵禦嗣
據南江縣知縣裘良駿通江縣知縣徐廷鈺先
後稟報節次於各該縣境內禦賊接仗擒斃甚

多並于通江所屬竹峪關一帶查有川省被裹
 難民一千餘人均從漢陰乞食逃回經該令全
 數招撫給發口糧妥為安插其餘賊匪均在南
 江通江蒼溪廣元各交界往來奔竄署廣元縣
 知縣劉清亦督率鄉勇于百丈關一帶設法堵
 截臣查此起賊匪竄入川疆本欲與王三槐等
 合夥現經各地方官分投截剿甚為得力惟因
 臣剿辦王三槐等一時不能分兵前往現又飛
 咨宜綿囑令星撥官兵無分畛域趕緊追剿
 同日英善福寧奏言川省大兵分剿各路賊匪
 軍糧一項最關緊要查川省額貯常平等穀二
 百八十二萬七千七百餘石除苗疆軍需碾運
 過四十二萬六千三百七十餘石不計外自達
 州軍興起至本年三月止共碾過穀一百七十

《聖朝實錄卷七十一

九

四萬三千五百餘石現在存穀如寧遠龍安雅
 州茂州道路寫遠不能派碾其夔州保寧順慶
 等處或當賊衝或被賊擾剩穀無多難以派碾
 目前竭力籌辦雖尚足供支但不可不先事預
 籌現在王三槐等竄至大竹梁塾一帶羅其清
 冉文儔尚在儀隴境內其林亮功能紹周尚在
 開縣一帶地方而陳崇德等亦尚在大寧老木
 園拒守均經勒保等統兵分路圍剿並通飭附
 近州縣廣募鄉勇堵禦現又接據川北道李鈺
 漢興道文需稟稱漢中賊匪李全阮正通等已
 分股竄入川省想陝省大兵隨後亦即躡剿來
 川而新調雲貴官兵一萬餘名亦皆陸續抵營
 川省兵勇驟添軍糧自應多備臣等再三籌畫
 惟甘肅秦階一帶尚有存糧運至畧陽下船由

《聖朝實錄卷七十一

十

水運直送廣元頗為便捷前曾飛飭甘肅軍需局查撥去後茲接署甘肅藩司廣厚等覆稱甘省距畧陽較近之州縣如秦州成縣西和禮縣徽縣等處計可撥小麥十萬石已飛檄各州縣趕緊運交陝省委員接收轉運臣等查甘省存貯小麥既可分撥十萬石運川即可磨麵配搭供支兵食當即飛咨陝省委員於畧陽接收轉

《聖賢雜錄卷七十一》

十一

運川省並於川省派員由廣元縣接運至保寧順慶存貯即令於該三縣碾磨麥麵以便隨時聽候調撥臣等仍督率承辦各員樽節辦理不敢稍任糜費均奏入

上命軍機大臣傳諭勒保宜綿惠齡日勒保奏官兵連日分剿墊江梁山竄匪雖殲殺二千餘人而賊匪仍向開萬交界奔竄至惠齡恒瑞等在清風寺

磨盤寨追剿賊匪殲獲無多致賊匪復向磨盤寨

竄逸儀隴後路仍未肅清且均未擒獲著名首逆

殊不滿意現在雲貴官兵已有五千餘名到營其

後起官兵勒保令由長壽直赴萬縣計日內早已

趕到又據英善等奏甘省已撥小麥十萬石運川

似此兵多糧足勒保當鼓勵新兵銳氣迅速兜擒

務將王三槐徐添德等首夥一鼓殲淨而惠齡恒

《聖賢雜錄卷七十一》

十一

瑞等在儀隴一路亦應將後路早行肅清以便與

勒保併力合擊毋再遲緩干咎所有此次打仗陣

亡之守備趙成龍千總上官宗文王之鎮縣丞李

晨把總劉忠孝楊兆德崔陞廖德美任殿蔡秦得

祿俱著咨部加等議卹至阮正通李全據勒保英

善等奏已由陝折竄南江巴州一帶勒保現因追

剿王三槐等正當喫緊勢難兼顧業經飛咨陝省

撥兵協剿宜綿等尤當督率勁旅將高均德一股速行剿淨卽赴川境協剿卽使一時未能分身亦應酌派將領帶兵先行赴川追剿不得以陝境竄匪折四川省卽置之不顧竟以隣省爲壑也

二十三日丙戌宜綿德楞泰明亮奏言高均德李

全張添倫等三股賊匪由五卽分竄四畝地等

處其勢仍欲渡江臣明亮自兩河口趕至洋縣

城固一帶繞出賊前迎頭截擊臣德楞泰同賽

冲阿等分兵兩路於初一日初二兩日在洋縣所

屬之茅坪華陽壩地方連次殺賊一千餘名生

擒三百餘名其時臣明亮帶兵已抵城固賊匪

不敢南竄遂由城固之小河口西奔褒城界內

查褒城西南百餘里卽抵長寨而長寨以西一

帶褒漢未經合流其水面淺狹之處竟可踰渡

若任賊匪竄渡漢江卽致透入川省不可不急

爲防備臣明亮於初四日同圖桑阿關騰長春

等帶兵趕抵長寨密爲布置賊匪已出南鄭天

台山偵知我兵有備遂折回西北逃竄連日大

雨各處溪河俱漲水五六尺不等賊復分爲數

十股四下竄渡約淹斃四五百人臣德楞泰率

領大隊繞出文川至五道梁另派阿哈保阿穆

勒塔等帶兵分路追截馬兵騎馬徑涉步兵卽

拽馬尾隨渡官兵踴躍爭先斬獲甚衆其一股

賊匪在虎跳岩約有四五百人遊擊張朋首先

奮勇衝入賊隊殲戮無遺又有賊匪一股竄至

燕子塢欲渡小河入馬道驛經索費英阿派守

備蘭福楊伏國帶兵二百名知縣汪銓帶領鄉

勇趕赴河岸堵禦殺賊一百餘人餘衆不能過

河俱向武關一帶分竄^臣宜綿前調柯藩帶兵
一千名自兩河關趕來長寨^臣明亮將防江一
切事宜交與柯藩即於初八日帶原兵馳赴馬
道驛賊匪後隊正在鐵佛寺焚掠見官兵猝至
反身迎拒副將官信叅將達桑阿等督兵奮剿
殺賊三百餘人生擒劉文宗等四十七名又有
一股賊匪在武勝河淌渡並有折毀民房焚筏
者^臣明亮馳至該處令官兵排列施放鎗礮並
向筏上轟打登時中傷落水及筏散淹沒者約
有七八百人廣東兵丁浮水生擒翟椿杖等九
十六名奪獲騾馬器械甚多其北竄之賊經秦
承恩王文雄帶兵搜捕無難淨盡其陸續竄入
武關之西溝者人數較多且路通沔縣黃沙等
處現有柯藩在長寨地方防守^臣德楞泰明亮

《聖朝實錄卷七十一

五

亦帶兵分投囉擊伏奔高均德等數股賊匪所
餘不過六七千人然皆克悍亡命之徒至李全
並未入川與高均德狼狽相依時或聚於一處
現在^臣德楞泰自五道梁追擊^臣明亮在黃沙
一帶迎截秦承恩王文雄亦帶兵自北而來四
面兜圍賊匪無從竄逸可冀於旬日之內擒拏
首逆再^臣宜綿前據平利縣稟報川省老木園
賊匪竄至湯家壩距陝境平利安康邊界不遠
當派烏爾圖那遜道員溫承惠等帶兵赴各隘
口防堵^臣宜綿亦督兵繼進行抵平利接據溫
承惠稟報老木園竄匪業經觀成劉君輔剿滅
淨盡其零星竄入陝境者俱經各卡隘盤獲正
法陝省邊界已無他虞^臣宜綿即於十一日仍
趕赴軍營合剿

《聖朝實錄卷七十一

六

同日秦承恩奏言臣與王文雄將整屋山內竄

匪剿盡探聞高均德等大股已由洋縣竄至留

壩一帶查該處通連棧道為川陝咽喉關係緊

要臣當與王文雄於初十日由駱峪關帶兵起

程馳赴寶雞入棧剿辦途次連接探報賊匪因

宜綿德楞泰等分股兜剿勢已窮蹙於初九日

竄至武關河又經主簿董邦寧帶領鄉勇截殺

《聖朝聖編卷七十一

七

二百餘人適大兵趕到兩面截擊殲戮甚多賊

即由武關驛橫過棧道於十二三等日竄至鳳

縣方石舖楊家店滋擾其地東連鳳縣西接兩

當查兩當界上現有副將李文蔚等帶兵防堵

自可退賊西竄之路惟方石舖楊家店一帶相

傳為古棧道節年開墾路徑日多東北緊接寶

雞正北可通汧隴一出山口即係平原兩路均

須嚴備臣與王文雄帶領兵勇現已馳至鳳縣

寶雞連界之黃牛舖扼住棧道東北要口確探

賊蹤相機迎剿一面撥兵馳往鳳縣截賊東竄

之路其隴州一帶已派知府崇祿馳往該處率

同地方官募勇設卡嚴密布置倘賊有北竄之

信臣等亦即馳赴隴州抄出賊前迎擊

秦承恩又奏言前奉部撥陝省餉銀二百萬兩

《聖朝聖編卷七十一

六

臣於接到後摺節動用近因各路官兵入陝會

剿兼因賊匪擾及西安鳳翔漢中興安商州五

府州境內添募鄉勇較前多至數倍並隨時賑

卹難民及應還截留川餉所存無幾現在賊匪

擾至鳳縣又應於汧隴一帶募勇堵禦需用更

為浩繁且漢中興安商州及西安鳳翔迤南各

屬賊過之後小民耕作久荒糧價有增無減其

附近被賊各屬常社倉糧動碾過多自應亟爲
籌補陝省連歲豐登本年未經被賊之處夏收
均屬上稔似應乘此二麥登場之後卽在西安
鳳翔同州等屬完善地方廣爲收買俾有糧之
戶及時出糶銀錢得以流通而將來所買之糧
各就道里遠近分撥糧少之地旣可以充兵食
又可以濟民艱懇請

刑部查照聖旨編卷七二

十九

天恩再撥銀三百萬兩速行解陝以應急需臣仍督
飭藩司等隨時稽察核實造銷均奏入

上命軍機大臣傳諭勒保宜綿德楞泰景安秦承恩
曰此次賊首高均德等欲由五郎南竄經宜綿等
督率官兵繞道截擊斃賊二千餘人所辦較爲振
作然賊匪仍向武關奔竄迄未擊獲首逆尙不愜
意其李全一股雖據稱並未入川仍與高均德互

爲狼狽但經此番截殺之後賊夥不過六七千人
現在德楞泰由東面追捕明亮柯藩由南面沿江
攔截宜綿亦自興安前來會剿其北面有秦承恩
與王文雄扼住棧道探蹤迎剿賊匪自無從竄逸
宜綿等務須倍加奮勉趁賊首竄聚一處之時四
面兜圍將高均德李全等速於旬日內擒獲肅清
陝境以便德楞泰明亮等速赴川省協剿至老木
園竄匪業經剿淨宜綿等已探知具奏何以未據
勒保奏及此股賊匪旣經剿竣德齡觀成劉君輔
卽可移師擇要堵剿此時雲貴官兵自己早經到
齊勒保等務須督率將士乘新兵銳氣相機馳擊
將王三槐等著名首逆悉數擒獲再將各股賊匪
一律殲除毋再遲延

刑部查照聖旨編卷七二

二十

上諭內閣曰現在陝省竄匪經官兵乘勝窮追大功

尅期告竣該省連歲豐登一切善後事宜無難從容籌辦着於內庫動撥銀二百萬兩照例解往備用

二十五日戊子景安額勒登保與肇高杞奏言賊

匪張漢潮等經臣等節次剿殺後東奔西竄仍

欲潛渡漢江臣額勒登保景安分兵兩路於初

十一等日在百倉八大河一帶殲斃七百餘

刑部奏剿匪方略卷三十一

三

人十三日綸布春帶領馬隊官兵趕到偵知賊

匪在南漳所屬之倒坐廟屯聚焚掠欲犯南漳

縣城臣等卽於是日發兵臣景安高杞同綸布

春廣福孫清元等由南漳左面進擊臣額勒登

保與肇巴圖魯侍衛豐紳格布舍楊遇春等由

南漳右面進擊維時賊匪直趨縣城相距祇五

六里兩路官兵奮勇馳擊斃賊不下一千餘人

該處俱係水田溝坎高下賊匪人馬陷於泥淖

被獲者亦復不少餘賊遂向穀城縣一路逃遁

訊據獲賊供稱該匪等欲由磁河一帶直奔江

岸搶船渡江特留騎馬持械及好桿子手在章

村棚等處與官兵捨死抵禦設伏斷路等情臣

等查磁河一帶江之南岸船隻久經撤盡賊匪

無從搶渡惟章村棚一帶山勢散漫路徑叢雜

刑部奏剿匪方略卷三十一

三

賊情狡獪百出必須分佈擊剿方可集事隨將

現有官兵分爲四路臣額勒登保帶領巴圖魯

侍衛吉林河南廣西官兵爲一路臣景安同綸

布春帶領索倫湖南官兵爲一路臣興肇帶領

荆州滿兵及山東官兵爲一路臣高杞同署鎮

臣多爾濟扎普帶領湖北官兵爲一路十五日

二鼓發兵十六日已刻行近章村棚賊匪蟻聚

各山人數甚衆見官兵猝至竟敢直前攻撲

額勒登保令協領德明泰等率兵首先衝出馬

上鎗箭齊發連斃賊衆賊中桿子手仍復擁上

臣額勒登保復飭豐紳格布舍楊遇春孫清元

等帶兵抄擊攪殺一處賊匪始行折回我兵乘

勢追殺屍橫山麓又有一股賊匪從左手突出

適臣景安綸布春帶兵已到綸布春烏爾呼諾

剿平三省邪匪方略卷三十一

三

等馳馬帶兵衝入賊隊斬戮甚多賊匪漫山奔

竄查該處西北一帶樹木叢密臣等慮有埋伏

先經密行咨會臣興肇高杞於山後探明再行

出擊賊匪知我兵已向前追即於箐林中吶喊

而下意欲抄截後路臣興肇高杞督兵於山後

橫出馳擊賊匪猝不及防亡命奔竄我兵四面

會集又殺賊二千餘人下有小南河一道賊匪

俱於灘淺處洒水而過有官兵鎗箭逼人深

處隨水漂沒官兵盡力勦殺已及一晝夜暫行

駐營統計節次殺賊五千餘人各營生擒賊匪

九百二十三名當交隨營道員依精阿同知周

季堂等審訊內有頭目張士爵王洪林等九名

其餘俱係久經從逆之犯當經分別凌遲正法

又有趙典等二百五十三名實係附近居民被

剿平三省邪匪方略卷三十一

四

賊裹脅未入概行釋放歸業奪獲大小礮九個

烏鎗旗桿刀矛五百九十餘件藍翎把總黃耀

奎奮勇殺賊身被矛傷陣亡其餘兵勇間有傷

亡容另行造冊咨部此時賊蹤已向西奔勢將

遁入鄖陽查鄖屬之房縣二竹均與川陝交界

綿長一千餘里究難四路合圍臣等已飛咨勒

保秦承恩派撥兵勇在於川陝邊界嚴行把守

如遇賊匪竄至即可與楚省官兵前後夾攻迅速蒞事再襄陽一帶從前多有招撫投誠之人現經賊匪竄擾恐復有勾結情事必須妥為彈壓且襄陽下游一帶俱就廓清被擾難民急宜安撫而軍需一切正當追剿喫緊之際亦需大員督辦臣高杞即赴襄陽駐劄防範以重地方此次各將弁以少擊多無不踴躍爭先倍常奮

剿平三番亂匪方略卷七十三

三

勉謹將出力最著之人開單進呈可否量加獎賞之處出自

天恩奏入

上命軍機大臣傳諭勒保景安曰此次景安等在穀城章村棚一帶分路截擊前後殲賊五千餘人而首逆仍向西竄未經擊獲雖據稱兵力較單但綸布春所帶馬隊官兵業已趕到自當得力賊匪究

係烏合之眾且屢經截殺勢已潰敗景安等務須設法截擊將賊首劉成棟張漢潮速行擒獲剿盡餘匪勿令竄入鄖陽一帶又致蔓延所有打仗陣亡之把總黃耀奎著咨部加等議卹其襄陽地方前此招撫投誠之人甚多高杞到襄後自應留心防範毋致復有勾結以期賊黨聞風解散方為妥善

剿平三番亂匪方略卷七十三

三

上諭內閣曰景安等奏官兵在穀城一帶殲斃賊匪數千帶兵官弁實為奮勇所有三等侍衛噶拉著賞給吉拉通阿巴圖魯名號吉林協領德明泰著賞給騰起楚克巴圖魯名號黑龍江驍騎校伯勒亨保著賞給阿克丹巴圖魯名號黑龍江驍騎校與津保湖北遊擊王愷湖南遊擊胡定太貴州守備楊芳俱著賞戴花翎吉林領催赫林保德明甲

兵德成黑龍江領催盟庫圖甲兵遜都爾海荆州
前鋒尚達廣西千總蘇明四川外委馬萬清湖南
外委李廷珍河南外委陳萬陞馬兵吳大用吳會
元山東外委何晏清俱著賞戴藍翎吉林降調協
領烏德隨營剿賊尙爲奮勉出力著加恩准其開
復俟有缺出補用以示鼓勵

二十七日庚寅署甘肅布政使廣厚奏言臣接據

兩當縣稟報陝省賊匪由鳳縣闖入該縣之楊

家店地方先有騎馬賊數十人經該處守卡兵

勇擊退旋有賊衆七八千人蜂擁前來該兵勇
等勢恐不能抵禦臣查兩當徽縣與陝省鳳縣
處處可通昨據該二縣稟報賊匪竄至鳳縣地
方卽恐其闖入甘境當於白馬關防守兵丁內
抽調兵四百名又原留兩當兵五百名交與駐

守該處副將李文蔚一併帶領探明賊蹤堵剿
該副將接到此信正可迎頭截殺惟賊數衆多
兵力尙單且不可無大員督率臣飛咨署河州
鎮臣吉蘭泰帶領鎮標及馬營監兵一千名就
近馳赴兩當一帶相機堵剿一面飛調附近之
涼州鎮兵五百名臣親身帶領馳往策應并知
會陝省領兵大員兩面夾擊務期迅速殲除奏

上命軍機大臣傳諭勒保宜綿德楞泰秦承恩曰陝

省賊匪由鳳縣竄至楊家店地方距兩當甚近昨

據秦承恩奏有副將李文蔚帶兵防堵今廣厚又
飛咨吉蘭泰馳往迎剿廣厚亦帶兵隨後策應自
可遏其西竄之路但宜綿等前稱旬日之內可擒
首逆自當合力兜圍何以又任闖入甘境實屬無

能無恥宜綿德榜秦承恩明亮均著傳旨嚴行
申飭現在兩當地方有吉蘭秦廣厚等帶兵堵截
宜綿等尤當奮勇直前兩面夾擊將高均德李全
等尅期擒獲以便德榜秦明亮赴川協剿若再遲
延貽誤復任賊匪蔓延滋擾必將宜綿等從重治
罪更不能曲為寬貸也

二十八日辛卯勒保奏言王三槐等股賊匪自經

《聖祖實錄卷七十三》

三

臣分兵節次在梁山邊界痛加截剿惟該匪等
恃其路徑熟悉輾轉奔竄狡詐異常初七八等
日七十五等帶兵從李家寺一路進發行抵雞
公嶺地方遇賊接仗殺斃數百名餘匪旋即紛
竄七十五跟蹤進擊適官成所剿賊匪復奔至
水磨河乾壩子等處與七十五所剿之賊紛紛
竄聚人數較多當經臣飛飭富成七十五兩路

官兵趕緊夾擊並派雲貴新到官兵由百家場
進發該匪等見各路俱有官兵不敢抗拒均從
山溝小路奔竄我兵節次於觀音岩陳家梁馮
家壩等處痛加截擊斃賊不下二千餘人沿途
遺棄婦女幼孩無數其墊江忠州邊界甫經被
擄民人乘間逸出者甚眾我兵正在分投剿捕
賊匪復分兩股一由拔山寺折回鄆都之大河
壩一由孫家壩繞過分水嶺當即研訊獲賊張
遠宣等據供折回鄆都之賊係徐添德樊人傑
一股其逃過分水嶺之賊係王三槐冷添祿大
概要往開縣新寧一帶臣查明與百祥等追剿
王光祖股匪先由分水嶺前進節經在鐵索橋
地方遇賊接仗殲戮甚多該匪等即在巫山坎
陳家場等處暫紮茲據獲賊供稱王三槐等一

《聖祖實錄卷七十三》

三

股復從分水嶺繞道而去自必與王光祖合夥
正應趕緊布置臣隨飭富成七十五帶兵向鄧
都一路剿辦徐添德等竄匪一面知會明興百
祥卽由鐵索橋進剿臣一面督兵由仁市舖進
發十一日馳赴鷺鷥場探報明興百祥追剿巫
山坎等處賊匪直至青岡嶺該處樹林茂密山
勢極高賊衆先已佔踞我兵向上仰攻鎗礮並
發賊匪均於樹林內閃爍躲避自辰至未我兵
愈攻愈力斃賊七八百名賊匪旋退明興百祥
督兵搶上山梁因時已薄暮卽在該處拏卡將
及初更復有賊匪從青岡嶺潛來撲卡明興百
祥各領兵出卡迎敵詎賊愍不畏死向前力撲
明興右膀右腿俱帶矛傷仍指揮兵勇鎗擊箭
射斃賊無數餘匪始行潰散臣進抵仁市舖適

欽定剿平三省邪匪方略

正編卷七十二

欽定剿平三省邪匪方略 正編卷七十二

賊匪從青岡嶺逃竄前來臣督率將領兵勇乘
勢追擊二十餘里斃賊三百餘名生擒楊廷光
等七十三名大夥匪衆因見官兵驟至均由新
寧之南嶽場龍王塘一帶竄逸臣現飭百祥整
頓兵力暫於臨江市駐劄以杜開縣要路並派
富爾賽帶領兵勇由楊柳關進發以防分擾東
鄉新寧臣督率大隊取道豆山關察探該首逆
等現由何路逃竄卽由何路分兵兜截至明興
受傷之處尙不甚重現囑於新寧調治其餘各
路傷亡弁兵另行查明咨部
勒保又奏言臣接據觀成劉君輔呈報四月二
十三四等日官兵由三道壩進攻老木園賊巢
焚其外圍木城賊匪施放滾木擗石抵拒愈力
二十五日我兵屢次搶上山頂均因鎗石如雨

欽定剿平三省邪匪方略

正編卷七十二

一三三

不能站立又復退回及至晌午守備虎正林奮力先登與鄉勇首羅正潮躍入賊卡砍斃數賊我兵乘勢湧上三四百名首逆陳崇德知勢不能支率眾從西北一面滾崖跳澗連夜向琉璃溪冉家墳桃木坪等處折竄大平縣境經觀成等分路兜剿又派叅將呂朝龍等帶兵沿途截殺太平城口主簿顧大樞亦率領鄉勇互相截擊賊又折回水墩子山梁恃險竄匿官兵四面圍圍該匪等抵死抗拒五月初三日呂朝龍首先搶上山梁各路兵勇攀援競上匪眾無路可奔殲戮殆盡首逆陳崇德自用矛鎗戳傷心坎斃命經拏獲賊目尤國安蕭月旦並陳崇德堂兄陳紀何等認明屍身屬實割取首級梟示並將現獲各犯一一寸磔防禦崇喜守備虎正林

聖朝聖德編卷七十三

三

千總劉忠魁袁天倫李如桂把總達貫魁等六員均因打仗殺賊受傷其餘傷亡弁兵另行查明咨部等因臣查觀成等剿辦老木園賊匪日久未能蕪功奉旨革職令其帶兵贖罪茲連日奮勇趕剿冒雨攻圍已將此股賊匪全數撲滅具見感愧奮興用敢據實陳奏臣現以王三槐等股賊匪又從開縣新寧交界分竄即經飛調觀成劉君輔帶領原兵就近由溫湯井一帶堵截於目前軍務極為有裨其前次派往老木園幫同剿賊之總兵德齡查大寧境內梨兒壩地方尚有從前鐵瓦寺一股剿散餘匪在彼潛匿應令該鎮即留該處酌帶兵勇搜剿以期地方早臻寧靖均奏入上命軍機大臣傳諭勒保口勒保奏分兵剿辦王三

聖朝聖德編卷七十三

三

槐等股賊匪雖在青岡嶺等處前後擧斃三千餘人賊匪仍向開縣新寧奔竄並未擊獲首逆一人其老木園賊匪經觀成等剿洗淨盡昨已據宜綿等探報勒保此時始行馳奏亦屬遲緩觀成劉君輔攻剿此股將閱兩年始行辦竣不足爲功惟能於德齡未到之前自知愧勵已將賊巢攻克尙爲奮勉觀成劉君輔俱著加恩賞給頭等侍衛職銜仍各賞大小荷包並著勒保留心察看伊二人此時帶兵如果始終奮勇遇有總兵副將缺出酌量奏署明與打仗受傷亦屬奮勉著加恩授爲頭等侍衛所受矛傷如未調治平復卽令緩程來京若傷不甚重自當仍留該處帶兵以資得力其打仗殺賊之叅將呂朝龍並受傷之守備虎正林等亦著轉詢觀成等查明實在出力者遇有相當缺出

欽定剿平三省邪匪方略

正編卷七二

酌量陞授以示鼓勵現在勒保處又多出一路兵力務須趁賊匪敗竄之時分投兜剿將王三槐徐添德冉文儔羅其清等速行擒獲至總兵德齡又經勒保令在大寧一帶搜剿竄匪德齡務速行辦淨以便移師擇要堵禦毋稍遲緩

欽定剿平三省邪匪方略

正編卷七二

欽定剿平三省邪匪方略正編卷七十三 戊午年

六月初三日乙未宜綿德楞泰明亮奏言賊匪高

均德等經官兵在虎跳巖武勝河剿殺截為兩

股後股北竄鳳縣界內前股人數較多首逆皆

在其內奔入武關之西溝又分為十數股向長

寨黃沙沔縣沿江一帶狂竄總欲搶渡過江經

臣德楞泰等從五道梁帶兵緊追臣明亮等從

聖祖聖訓卷七十三

大道折回沔縣分投截剿殺賊五百餘名生擒

首逆張添倫之子張建國及餘賊七十八名柯

噶同叅將韓加業等亦在長寨黃沙分路迎擊

斃賊三百餘名賊匪仍退向西北奔竄欲至畧

陽與後股北竄之賊會合臣德楞泰派溫春達

音泰等帶領步隊沿途追殺約有二三百人復

同阿哈保阿穆勒塔等帶領馬隊繞道馳至接

官亭出其不意殺賊四百餘名餘匪遂南出道

林溝至大安驛適臣明亮自青陽驛帶兵東來

兩面夾擊又殺賊六百餘名賊匪向西南奔竄

直趨棧道臣德楞泰等急帶兵至平陽關臣明

亮等急帶兵至五丁關截其入川之路詎賊匪

由白巖河胡家關一帶又向鐵鎖關東南大山

竄去臣德楞泰明亮亦趕至鐵鎖關進兵其後

聖祖聖訓卷七十三

股北竄之賊前經臣宜綿飛咨秦承恩王文雄

帶兵剿捕詎賊匪探知北路有兵復自鳳縣竄

入甘省之兩當縣境內經副將李文蔚帶兵在

劉官店截殺遂由楊家店小路竄至徽縣城下

知縣牛中澣縣丞張伯魁等督率鄉勇竭力堵

禦賊匪退屯王家坪臣宜綿途次飛劄索費英

阿急帶駐守雞頭關之兵由鳳縣跟蹤追殺另

調知府朱爾漢遊擊范濬帶領防守白馬關之
 兵迎頭截擊賊匪遂由楊家河分股竄出畧陽
 其時甘肅協濟川省軍糧運至畧陽者已有一
 萬餘石委員知縣馬允剛等急將糧石搬移城
 內知縣崔五峯縣丞丁貴與把總張從周等帶
 領兵勇設伏夾門溝伺賊匪將近施放鎗礮人
 馬驚逸步行之賊自相擁擠及跌入嘉陵江中
 者約共三百餘人餘匪不敢近城盡行南竄臣

宜綿復派烏爾圖那遜帶兵五百名前往協剿
臣等伏查此股竄出畧陽之賊人數無多現有
 索費英阿范濬烏爾圖那遜等三面夾擊豈不
 難於殲滅惟竄入東南大山之賊地方綿亘千
 里路徑叢雜處處可通賊首高均德李全張深
 倫籍隸河南湖北無日不思竄歸經臣等多方

聖旨 三省匪方略 卷三 三

截殺不能南渡漢江遂竭力西奔暫於川陝交
 界處所藏匿希圖官兵追躡即乘間復出南鄭
 西鄉各隘口竄入楚豫兩省臣等節次追捕雖
 已將數萬之賊殲戮大半祇因路徑紛歧兵力
 不敷布置致令闖入川界悚惶愧赧無地自容
 若復令竄入陝境與湖北之賊會合臣等罪更
 難追惟有於南鄭西鄉各隘口嚴密防堵使賊
 匪不能折回臣宜綿即帶柯藩關騰之兵馳至
 西鄉紫陽一帶分派鎮將在罐子山漁渡壩等
 隘口嚴防一面飛咨秦承恩王文雄帶兵趕來
 漢中於毛狗洞等處隘口防守各分段落以專
 責成臣明亮暫住鐵鎖關防其折回並堵後股
 竄出畧陽之賊臣德楞泰仍帶原兵入山偵賊
 所在分路追截務期擒拿首逆上紓

聖旨 三省匪方略 卷三 四

聖厯此次連日打仗官兵奮勇陣亡者外委金生泰
趙玉把總甯世俊外委玉貴年四員兵勇亦間
有傷亡俟查明咨部請卹

同日惠齡恒瑞奏言冉文儔一股賊匪屯踞李
華寺山梁與羅其清賊巢互相聲援擾及營山
儀隴一帶運道前經勒保酌分官兵交臣惠齡

專辦當於前月二十四五等日借臣恒瑞督兵

聖祖聖訓卷三十三

五

分剿將清風寺磨盤寨等處賊匪殲戮殆盡餘

均逃回巢穴運道已通臣惠齡即帶兵由窩堂

廟移營進踞九節梁賊匪見我兵逼近又於任

家寨老木壩一帶山梁添設賊卡欲為李華寺

賊巢門戶查該處山勢俱極險峻而任家寨路

徑尤為窄狹自應乘其不備覓路分攻臣惠齡

當令總兵朱射斗穆維帶兵進取老木壩山梁

一面率領副將關聯陞恭將穆克登布攻撲任
家寨山梁賊匪分投抗拒勢極兇悍我兵奮勇

仰攻不避艱險山東把總李攀龍王照遠尙垣

首先跳入賊卡手刃數人以致中鎗陣亡我兵

即一鼓直上殺賊二百餘人餘眾紛紛竄逸當

將兩處山梁同時奪佔察看賊巢非特李華寺

相距匪窺即離孫家梁亦不過二三十里惟中

聖祖聖訓卷三十三

六

隔大溝數道連日大雨山溝水發有碍進兵正

在設法商剿見有賊匪在何家寨等處屯聚似

欲窺伺我兵且節據獲賊供稱冉文儔恐李華

寺山梁不能保守意欲勾結羅其清合夥或乘

間再圖他窺臣等查李華寺之左為孫家坪其

右為梁家園俱有賊匪屯集勢成犄角當即公

同商定於十七日令朱射斗等帶兵攻撲孫家

坪副將李紹祖等帶兵攻撲梁家園臣惠齡率

同關聯陞穆克登布帶兵直撲李華寺賊巢均

於五更同時進發維時各官兵奮勇爭先朱針

斗等首將孫家坪賊卡打破殺賊數十人餘賊

奔回李華寺適臣惠齡率領官兵攻破李華寺

賊巢賊眾抵敵不住俱向梁家園遁逃我兵乘

勢掩殺又殲斃三四百人而梁家園亦為李紹

聖朝通志正編卷七十三

七

祖等攻克合兵截殺賊匪滾廢落澗者不可勝

計奪獲大旗三桿刀矛一百數十件生擒張萬

等一百餘人詎李華寺山下深溝內復有賊匪

潛匿冀圖抄襲官兵後路經臣惠齡派令副將

關聯陞佟世徵馬國銳等帶兵分投搜剿殲戮

無遺而何家寨等處賊匪前來接應經臣恒瑞

同總兵觀祥帶兵截剿殺賊二百餘名餘俱逃

回賊卡當提張萬等審訊據供冉文儔見官兵

打破李華寺即率眾從後山逃走不知去向當

將該犯等概行梟示臣惠齡現帶原撥官兵三

千餘名探明冉文儔所向設法躡剿至羅其清

股匪尚在孫家梁屯聚該處地方陡險人數較

多臣恒瑞督率鎮將設法進取務期早為撲滅

以靖地方連日傷亡弁兵另行查明咨部均奏

聖朝通志正編卷七十三

八

入

上命軍機大臣傳諭勒保宜綿德楞泰惠齡曰前據

宜綿等奏稱旬日之內可以擒拿首逆剿辦自當

得有把握方計日以待捷音乃此次奏到之摺仍

不過分路追剿情形且復任賊匪竄入川陝交界

是前奏竟係支吾搪塞藉此延挨時日伊等疊經

嚴旨飭催豈全不知愧懼必欲自蹈重罪耶現在

張添倫之子張建國已經拏獲而首逆尙在輾轉
 奔逃是誰之過宜綿等務須倍加愧懼奮力兜擒
 速將高均德李全張添倫按名拏獲以便德楞泰
 明亮卽赴川省協剿勿再仍前貽悞並著將張建
 國一犯解京訊辦不得稍有疎虞所有打仗陣亡
 之外委金生泰趙玉把總衛世俊外委玉貴年俱
 著咨部加等議卹至此惠齡等奏到之摺雖將
 老木垵李華寺等山梁攻克而殺賊無多賊首冉
 文儔仍從山後逃逸亦屬無謂此時賊巢已破無
 難躡蹤搜捕而羅其清一股賊勢益孤更可直前
 擊剿惠齡恒瑞務須乘賊匪潰敗之時兜圍截擊
 速將冉文儔羅其清拏獲再與勒保併力擒拏王
 三槐等毋稍延緩其殺賊陣亡之把總李攀龍王
 照遠尙坦俱著咨部加等議卹

剿平三省亂匪彙纂卷三

九

初九日辛丑秦承恩奏言陝省各股賊匪經宜綿
 等大兵在留壩武關河一帶痛加剿殺截爲兩
 股一股由武關西南竄至寧河界內德楞泰明
 亮分投兜剿殲斃甚多一股由武關西北竄至
 鳳縣方石舖一帶直趨甘省兩當徽縣并另分
 零股各數百人於留壩鳳縣附近棧道各山溝
 內出沒滋擾臣當令王文雄及叅將鍾岳鮑貴
 等各帶兵勇分投搜捕一面令承德帶兵馳赴
 兩當相機策應連日王文雄等於各山溝內總
 路邀擊殲斃賊匪一千餘名生擒四十二名又
 原任藍翎待衛慶廉親身擒獲執旗賊目李添
 文一名俱卽訊明正法其有潛匿老林苟延殘
 喘者亦俱搜洗淨盡並查明被賊裹脅未經隨
 同打仗者概予省釋仍隨路出示曉諭俾脅從

剿平三省亂匪彙纂卷三

十

之衆得以聞風解散至巳入兩當徽縣之賊經
 甘省副將李文蔚知縣崔五峯馬允剛等兩次
 截擊復經明亮於大安驛一帶痛加剿殺該匪
 遂由寧羗翻山南竄與前股之賊先後闖入川
 界現在德楞泰帶兵馳赴廣元繞出賊前迎擊
 明亮於鐵鎖關暫駐堵截宜綿隨馳至西鄉紫
 陽一帶督率鎮將設隘嚴防臣同王文雄接到
 宜綿咨會亦即趕赴漢中相機堵剿並札令永
 德帶領晉兵速赴宜綿大營聽候調撥奏入
 上命軍機大臣傳諭勒保宜綿德楞泰承恩曰秦
 承恩奏搜剿棧西竄匪情形俱係宜綿等早經奏
 過之事殊屬無謂現在賊匪既由寧羗翻山入川
 自應躡蹤追剿設法繞截屢降諭旨令德楞泰明
 亮於陝匪辦竣後即行赴川協剿伊二人此時竟

欽定剿平三省邪匪方略 正編卷七三

當帶兵馳赴廣元一帶繞出賊前迎擊並著勒保
 派兵堵截與德楞泰兩面夾擊此股賊匪本由陝
 入川經官兵截回陝省今又由陝竄入川境實屬
 不成事體德楞泰明亮務即奮力截剿將此股賊
 首一律殲擒宜綿仍當駐紮陝境嚴行防堵
 十一日癸卯勒保奏言王三槐徐添德等各股賊
 匪經臣分飭富成七十五百祥富爾賽等分路
 設法兜擒臣督率將領由豆山關進發居中策
 應查王三槐等一股由新寧之龍王塘一帶竄
 至燈草壩柞井壩等處往來衝突該處界連東
 鄉太平路逕紛歧臣恐其乘間北竄一面飛飭
 東鄉縣於各隘口實力堵禦一面派令原任總
 兵楊秀並富爾賽等帶領官兵分投迎擊嗣據
 具報該匪等連次衝撲聖燈寺南壩等處卡隘

一四一

悉經兵勇截回旋至關口坪地方探聞該處亦

有官兵攔截遂向開縣一路之四方臺地方折

竄臣正在設法迎擊適開州坪賊匪林亮功等

傾巢下山由梁萬交界之陳家場一帶奔竄此

股賊匪屯聚日久人數衆多如果直撲梁山轉

蹈我兵後路必須趕緊截剿隨飭六十七富森

布等星夜帶兵跟蹤前進並飛派叅將舒靈保

三

三

等馳赴梁山會同該縣方積抽撥鄉勇由分水

嶺一路迎擊又派總兵艾如文帶兵於萬縣之

大埡口一路駐劄防堵二十三日舒靈保方積

等督率兵勇進抵三溪口地方正值賊匪蜂擁

竄至該叅將等併力迎擊自辰至午撲壓十數

次殺賊八百餘名並鎗斃騎馬賊目二名餘衆

跟蹤潰竄退屯葛藤山臣現飭各路官兵分投

進擊總不稍予以暇至竄入鄧都之徐添德等

一股賊匪經七十五等於董家場地方繞道迎

截斃賊五百餘人時值大雨之後河水驟發淹

斃者亦不可勝計該首逆等被剿情急遁入長

壽縣境富成七十五分兵由石燕子葛蘭橋翻

山追截斬獲極多匪衆遂從隣水大竹竄至達

州邊界之趙家場一帶臣即派百祥及遊擊褚

三

三

大榮等帶領官兵馳赴檀木場等處與富成等

兩面合攻查此次賊匪奔竄地方東至鄧都長

壽北至東鄉太平其間綿亘千有餘里且均係

重山僻徑節次擊獲活賊據供王三槐等一股

原要繞竄開縣與林亮功合夥及知林亮功等

已經離巢而太平東鄉又復防範嚴密是以折

向四方臺一帶現在多方布置總須杜其北竄

之路以便設法殲剿其林亮功一股甫經奔竄
卽值梁萬各路兵勇環攻合擊立挫兇鋒現於
葛藤山屯紮當可乘機撲滅至徐添德等一股
經官兵於梁墊一帶痛剿不能與王三槐合夥
其勢日蹙茲復於檀木場等處飛派百祥富成
等兩百合擊臣亦督率大隊隨時策應如能尅
日將此股殲除卽多得一路之兵再清一路之
賊此次打仗委前鋒叅領阿勒經阿額外前鋒
藍翎長德壽守備陳占舉邱於明四員陣亡其
餘受傷陣亡兵勇另行查明咨部再林亮功一
股賊匪自舒亮穆克登阿經臣叅革之後卽派
副都統銜六十七建昌鎮總兵富森布帶兵進
剿乃六十七等既未能趕緊嚴事迨至賊匪傾
巢奔竄又不能設法兜擒玩悞之咎實無可追

相應據實叅奏請

旨將六十七富森布革職仍留軍營帶兵以示懲儆
而觀後效

勒保又奏言查觀成劉君輔前將老木園股匪

剿盡經臣派令移兵在溫湯井一帶駐劄並查

梨兒壩地方尙有從前鐵瓦寺餘匪潛匿卽飭

總兵德齡在彼搜剿嗣據大寧縣知縣鍾蓮稟

稱梨兒壩之賊已率衆竄赴開縣之二墩巖層

層紮卡特險抗拒該令派撥鄉勇二千餘名於

初九初十十一等日連次奮剿殺賊一千餘名

並將賊首黃斌張和德蘇中義等盡行殲斃燒

毀賊棚四十餘處生擒一百七十六名訊明正

法該處業已廓清至阮正通等由陝竄川節經

通江南江各縣痛加斬獲又竄至巴州平梁城

經川北道李鉉巴州知州常發祥督率兵勇擊退該匪等即向通巴交界之神灘溪逃竄現在李鉉分飭巴州南江通江三州縣所屬各寨挑選精壯鄉勇馳赴該處一帶併力剿辦臣先已飭令該道將此項鄉勇一律賞給鹽糧以資鼓勵惟辦理一切須派武職大員統率方能得力茲適梨兒壩賊匪已經剿竣是以即令總兵德齡酌帶官兵馳赴通巴一帶與李鉉上緊籌辦以期迅速撲滅至大寧縣知縣鍾蓮自軍興以來承辦軍需堵禦賊匪靡不井井有條茲又將梨兒壩賊衆跟蹤剿滅實屬始終出力可否量加鼓勵之處出自

天恩

同日景安額勒登保奏言賊匪自十五六等日

聖朝聖德

七

聖朝聖德

六

經官兵痛剿後即率衆向西北均州一帶亡命狂奔查均州西通鄖縣可由竹山遁入陝西若任南竄房縣入可折回興山保康等處臣等公同商酌令將軍興肇率同副將多爾濟扎普帶領滿漢官兵一千六百名繞道馳往房縣擇要駐劄適新任宜昌鎮總兵王凱到營隨令同參將佛寧等帶兵一千五百名鄉勇八百餘名赴鄖縣之黃龍灘及磨口一路相機抄截臣等統領官兵由中路進發該處山徑陡窄兼以大雨時行道路處處艱阻臣鼓勵官兵奮勇追躡并於逃出良民內擇其稍有膽識之人予以重賞給發簡明告示令其仍回賊營將沿途被裹之人暗中傳諭解散賊匪自連次剿敗後一見官兵即亡命逃奔我兵分投追擊日有斬馘其被

裹良民每日投出者自數十名至一二名不等
 隨時查訊據供賊營被裹之人多願投出因賊
 匪看守甚嚴不敢輕動現因官兵連日追殺賊
 匪自顧不暇纔得陸續逃奔是賊勢已形解散
 臣等隨督兵由白浪大新畬追至花果園賊匪
 等果由該處竄往黃龍灘經王凱帶兵迎截賊
 知有備卽回身折竄適 臣等統領官兵趕到迎
 頭截殺斃賊八百餘名生擒董理元黃順等三
 百五十三名訊有張林石玉哀紹忠等三名係
 張漢潮名下頭目又李洪等一百一十一名均屬
 積年戰手當經分別凌遲正法此外二百餘名
 實係近日被擄良民各予省釋餘匪卽由旁路
 竄入房縣之大木廠等處與肇卽由東南一路
 探蹤抄截賊匪又折回汪家河時 臣等帶兵追

及迎頭截殺斃賊無算沿途遺棄馬騾器械亦
 復不少并有投出難民一千餘人 臣等逐一訊
 明計道路之遠近酌給銀一二兩給予執照令
 其速回安業統計連日賊營中投出被裹良民
 已不下三千餘人現在賊匪分爲三股向秦口
 獐浪河長峪河一帶狂奔查該處係房竹交界
 之地俱與川陝接壤誠恐賊匪窮極敗竄圖與
 川陝之賊合夥是以 臣等飛札川陝邊境州縣
 一體集勇嚴防並卽知會興肇王凱仍分兵三
 路抄截總期卽日擒渠掃蕩至節次打仗兵勇
 間有傷亡容俟查明咨部
 同日廣厚奏言陝省賊匪由鳳縣竄入兩當之
 楊家店地方焚掠滋擾經副將李文蔚迎頭堵
 擊賊卽由小路翻山至徽縣城下攻撲經該地

方官督率兵勇用鎗礮轟擊賊隨分為兩股一
 竄縣屬之王家坪一向成縣屬之格樓壩等處
 奔逸時鞏昌守朱爾漢署慶陽守沈清正在該
 處督運川省軍糧即會同駐守都司馬良棟率
 領兵勇奮力截擊殲斃賊匪甚多生擒二十八
 名并騎馬賊目李德盛一犯當即正法餘匪竄
 往虞關其王家坪一股之賊先經臣咨會河州
 鎮臣吉蘭泰帶領本標暨馬營監兵一千名馳
 赴剿殺賊匪不敢北竄由虞關大石碑一帶與
 前股竄匪俱逃赴略陽沔縣地方吉蘭泰帶兵
 前進相機堵剿臣途次秦州因涼鎮兵尚未趕
 到當將先經調赴白馬關防守之固原兵五百
 名就近帶領星赴徽兩成縣一帶會同鞏秦階
 道王錕督率涼州府知府那縉等搜剿餘匪并

訪有本地棍徒乘機搶掠業俱嚴密查拏從重
 辦理現在吉蘭泰帶兵即在虞關等處駐劄朱
 爾漢會同階州營遊擊范濬帶兵在成縣一帶
 駐劄哈密協副將李文蔚帶兵在兩當屬之劉
 官店駐劄聲勢極為聯絡人心藉以鎮定惟賊
 匪所過地方俱被蹂躪焚燒附近居民棄家逃
 避情殊可憫臣現飭印委各員出示招集散給
 口糧燒毀房屋酌予修費其外來被難民人查
 明資給路糧遣令回籍數日來百姓漸次復業
 情形已俱寧貼堪以仰慰
 聖懷均奏入
 上命軍機大臣傳諭勒保宜綿德楞泰景安日勒保
 奏分投剿賊情形仍任首逆輾轉奔竄並未擊獲
 一名實不愜意王三槐徐添德等本欲互相狼狽

聖朝聖訓卷七十三

三

聖朝聖訓卷七十三

三

率學官兵今屢經截擊不能合夥而大寧梨兒壩地方一股賊匪亦經剿除賊勢日蹙勒保務須趁雲貴官兵初到銳氣鼓舞直前速擒賊首其阮正通一股有總兵德齡帶兵會剿尤當乘勝截擊毋再遲延所有打仗陣亡之委前鋒叅領阿勒經阿等俱着咨部加等議卹其禦賊奮勇之知縣鍾蓮着以直隸州同知陞用如再能實力奮勉即以知府起擢副都統六十七總兵富森布剿辦開州坪賊匪遲延貽誤已有旨將伊等革職矣至觀成劉君輔前此剿淨老木園賊匪曾降旨遇有總兵副將缺出補用如伊二人現在帶兵果能奮勉即奏將觀成補授西安副都統劉君輔補授建昌鎮總兵倘不過隨常打仗未能格外出力即着勒保於軍營奮勇人員內另行揀選二員奏請補用不可

欽定剿平三省邪匪方略 正編卷七三

稍存遷就又據景安等奏楚北竄匪屢經官兵截擊復竄至二竹一帶其被裹民人陸續投出者不下三千餘人是其黨與已散賊勢益孤景安等務須乘此機會剿撫兼施將劉成棟張漢潮速行拏獲廓清楚境勿任賊匪他竄至廣厚奏陝省賊匪窺近甘境經副將李文蔚等督率地方官兵勇截回未令肆擾尚為奮勉着宜綿查明該副將如果實在出力即行咨部議叙現在陝省竄匪已離甘省甚遠且有李文蔚原帶之兵在彼駐劄足資防範其廣厚所帶固原兵五百名自當速行撤回以節糜費即廣厚亦當回省辦理地方事宜不必仍留該處也

上諭內閣曰勒保奏副都統六十七總兵富森布辦理開州坪一股賊匪未能趕緊肅事至賊匪傾巢

欽定剿平三省邪匪方略 正編卷七三

奔竄又不能設法兜擒現當剿辦喫緊之時不可不嚴行懲創六十七富森布俱着革職仍留軍營效力贖罪以觀後效

十三日乙巳宜綿明亮奏言高均德等賊匪前股

竄入寧羗東南大山經德楞泰等帶兵由廣元

大道向東兜截其竄至畧湯之後股賊匪已在

沔縣寧羗交界處所滋擾臣明亮在鐵鎖關接

聖旨

聖旨

據探報急帶圖桑阿愛星阿等趕回臣宜綿又

派關騰帶與漢兵會同烏爾圖那遜前往協剿

二十五日行抵大安驛賊匪正自道林溝竄出

即各分投迎截賊匪捨命拒戰愛星阿等督率

馬隊首先衝擊長春關騰及遊擊蕭福祿等即

率步兵兜圍而進共斃賊八百餘名生擒五十

一名奪獲馬騾器械衣服無數該匪仍退回溝

內分投散竄其意總欲趕上前股賊匪一同入

川愛星阿等仍駐紮大安要道於山箐內逐加

搜捕拏獲周宏正等三百五十九名臣明亮同

關騰圖桑阿烏爾圖那遜等自寧羗由胡家壩

取道前進適該匪乘夜竄過蔡壩正向胡家壩

走鐵鎖關二十七日與官兵相遇臣明亮等帶

兵抄上兩面山梁暗伏伺賊人大隊入溝官兵

即迎面截擊立斃一百餘人該匪惶迫奔竄自

相踐踏比及山口兩面官兵均自山梁壓下賊

衆爭路前竄官兵截其後隊六百餘人其自投

乞命之李正邦等一百十三名訊係被擄分別

保釋其餘概予駢誅餘匪仍折向八廟河入黃

瓜嶺臣明亮等帶兵緊躡務期剿滅淨盡臣宜

綿在西鄉據報通江一股賊匪於二十一二等

日竄至縣屬交界之菩提河滋擾隨派署總兵
田有成都司常洪分赴秋波梁司渡河等處擇
險守禦並飭署知縣張泰亨督率居民集勇協
防正在分投布置間復接平利洵陽各縣稟報
湖北竄匪已由南漳折回房縣至竹山之化峪
河李四溝等處必由上年舊路竄入陝境又據
稟稱川匪陳添德覃承壽等一股約有四五千
人竄至房縣與前匪會合入陝等語查湖北竄
匪雖經景安額勒登保疊次殲殺多人而大兵
皆躡蹤追剿不能繞出賊前又有川匪與之會
合勢更鴟張若使衝入陝境剿捕更為費手現
在秦承恩王文雄俱在鳳縣留壩一帶防護棧
道未能分身臣宜綿卽帶叅將韓加業遊擊張
恩張魁等兼程趕抵興安先派道員溫承惠知州

聖朝實錄卷七十三
三

宋昌琦分赴平利洵陽督率各地方官團集鄉
勇分布各隘口嚴密堵禦臣宜綿齊集各兵僅
有八百餘名勢難分布祇可親身帶領在平利
洵陽適中之二郎舖地方住扎確探賊蹤相機
迎堵臣明亮等剿淨後股賊匪卽帶兵分赴西
鄉等處同宜綿布置完密或帶兵入川或入楚
會剿俟臨時相度緩急再行籌辦其甘省徽縣
兩當一帶尙恐有零星餘匪竄匿林箐且慮本
處匪徒乘機搶掠已飛飭署藩司廣厚嚴密查
辦並飭鎮臣吉蘭泰搜捕淨盡後帶兵移駐寧
沔一帶防堵並護畧陽至廣元運送協川糧道
秦承恩王文雄亦自鳳縣進抵漢中聯絡聲勢
以固邊境

聖朝實錄卷七十三
三

剿敗後竄至關口梁屯聚與孫家梁匪眾羅其

清等互相聯絡臣等由窩堂廟五塊石一帶督

兵攻剿連日俱有斬獲旋據探報陝省賊匪龍

紹周王正潮等於五月二十五日由巴州一帶

竄至儀隴之雙路場地方臣查該匪等多係楚

豫之人若不趕緊截殺必復折回陝境自應先

將此兩股賊匪分投迎剿復恐羅其清等聞信

聖朝聖德編卷七十三

三

率眾抄襲我兵後路當派總兵觀祥帶兵於要

隘之處嚴加控扼臣惠齡率領副將李紹祖關

聯陞泰將穆克登布等臣恒瑞率領總兵朱射

斗叅將馬斌遊擊岳寧阿等各帶兵丁於二十

六日五鼓分路向雙路場進發辰刻齊抵龍呈

寨見馬步賊人手執白旗十數桿率眾抗迎約

有六七千人我兵併力迎擊殺斃一百餘名賊

猶抵死相持並不稍退臣等潛令叅將穆克登

布叅領佛寧帶兵繞至山後突出抄襲斃斃執

旗賊目二人賊匪即時慌亂朱射斗等率眾乘

勢掩殺又斃賊四百餘人賊始紛紛奔竄官兵

追殺二十餘里時已天晚暫行駐紮二十七日

急馳抵雙路場各匪正在四出掠食官兵奮力

衝殺斃斃三百餘人奪獲賊旗三桿鎗刀二百

聖朝聖德編卷七十三

三

二十餘件賊復竄至陽柳寨山梁時值雷雨交

作臣等督兵趕至察看該處俱係沙石路逕不

致潭滑當即鼓勵將士乘夜悄上賊匪猝不及

防立斃二三百人人生擒陳友珍等五十餘名餘

眾四散亂竄究因雨夜未便窮追隨提訊陳友

珍等據供龍紹周王正潮均於上年在陝省聚

眾焚掠因屢被官兵剿敗遂各自帶領賊眾分

起入川想與冉文儔等合夥聽說後面還有兩
三股來川不知頭目各姓當將該犯等正法二
十九日據觀祥稟報羅其清今晨率眾下山暗
從賊巢東面之靳家梁繞向雙路場一帶接應
陝匪維時_臣等已將陝匪擊散不慮前後受敵
隨令朱射斗帶兵前赴梁中寨會同觀祥於孫
家梁要隘之處分兵設伏斷賊歸路_臣等仍率
兵折回雙路場詎羅其清探知陝匪已被擊散
卽又退去我兵於六月初一日跟蹤追殺至梁
中寨朱射斗觀祥施放號礮伏兵盡起官兵前
後夾攻殲賊無數該匪不能回巢竟向西南瓜
子場一帶奔竄_臣等一面派觀祥前赴孫家梁
賊巢搜剿餘匪一面派朱射斗帶兵繞赴營山
保護縣城並爲牽綴羅其清之計又據探報陝

聖朝聖鑒編卷七十三

三

省各股敗匪均赴關口梁與冉文儔會合統計
匪眾不下二萬餘人較之羅其清一股更爲緊
要_臣等現有兵力雖形單弱斷不敢稍存觀望
當卽飛飭川北各地方官團集鄉勇於要隘處
所悉力嚴堵截其竄陝之路並飛咨勒保派兵
迎擊如陝省官兵跟剿入川_臣等卽與兩面夾
擊倘能得手卽當分兵前往營山籌剿羅其清
一股賊匪此次連日打仗佐領佛爾卿額遊擊
岳寧阿均經受傷千總程寧遠把總馬廷宣殺
賊陣亡其餘傷亡兵丁另行查明咨部均奏入
上命軍機大臣傳諭勒保宜綿德楞泰景安秦承恩
曰宜綿等剿殺畧陽竄匪仍不過分兵截擊並未
擒獲首逆所辦何事前此高均德等窮竄入山勢
已束手待斃皆由宜綿德楞泰明亮等不能直前

聖朝聖鑒編卷七十三

三

奮擊致復分股竄逸實屬疎縱無能著再傳旨嚴
行申飭今前股賊匪業經德楞泰等馳赴廣元繞
前兜擊正可迎頭截殺而後股賊匪在大安驛鐵
鎖關等處經官兵連次擊剿不能與前股合夥其
勢已孤留壩一帶又有秦承恩王文雄在彼堵禦
德楞泰明亮等務須乘兩股賊匪潰敗之時奮勇
直前各剿各股將高均德李全張添倫等速行拏

《聖朝實錄卷七十三》

三

獲方可稍贖重罪至由通江竄近西鄉之賊自卽
係阮正通股內逸出餘匪阮正通在通江竄擾業
經勒保添派總兵德齡前往協剿今宜綿等又令
總兵田有成等率同地方兵勇在西鄉擇要堵剿
正可與德齡等兩面夾擊速行撲滅其由川竄入
房縣之陳添德等想亦係川東竄匪闖入楚境欲
與楚北賊匪合夥入陝滋擾昨據景安額勒登保

等奏由二竹一路分兵追擊何以又任竄入現在
宜綿已馳回興安派兵分赴平利洵陽一帶探蹤
迎截該督務須知會景安額勒登保等前後夾擊
將此股竄匪速行剿淨勿任蔓延又據惠齡等奏
截剿陝省竄匪雖殺賊稍多差強人意但亦未能
擒獲賊首此股自卽係阮正通夥黨逸入川省欲
與冉文儔等勾合業經惠齡等擊退而羅其清下

《聖朝實錄卷七十三》

四

山接應亦被官兵追殺多人已向西南逃竄賊巢
已失惠齡恒瑞等惟當趁其竄聚之時乘勝奮擊
拏獲賊首再與朱射斗等併力擊剿將賊首羅其
清一併擒獲迅速集事所有殺賊陣亡之千總程
寧遠把總馬廷宜俱著咨部加等議卹

十五日

丁未

宜綿明亮奏言竊德楞泰追剿前股

賊匪入川其後股賊匪自甘境竄出經臣明亮

等帶兵在大安驛胡家壩兩次截殺遂東向八廟河入黃瓜嶺察看賊匪僅存二千餘人四散奔竄情形愈感急派長春關騰烏爾圖那遜等帶兵分投兜剿並飛飭道員文需帶領鄉勇在東面堵截臣明亮同圖桑阿愛星阿等分帶馬隊趕緊追殺時索費英阿已由甘境折回帶兵南下秦承恩王文雄亦由鳳林前進賊匪知北面有兵折回西南正遇臣明亮及圖桑阿等馬隊趕到鎗箭齊發賊匪奔入東面溝內長春關騰從北面兩山梁上壓下文需亦自溝牆帶領鄉勇而來四面兜圍賊匪無處逃躲枕藉而死其翻山滾巖走者不過數十人現在兵勇到處搜捕無難淨盡生擒李大生等二百五十六人訊問首逆所在據王文彩楊光正李泳光三人

聖朝聖訓卷之三

三

同供李全張添倫先從襄陽起事竄入四川沿途裹脅甚多嗣與高均德合夥分作三營行走每營各有七千多人經官兵連次截殺出有告示陸續投散三營剩不滿一萬人商量要到川省暫躲又怕官兵追趕李全張添倫都帶親信數十人同高均德一齊行走我等即係張添倫親隨至李家營張家營都交小頭目代管隨後緊跟連次被官兵在虎跳崖武勝河等處截剿勢益窮蹙十八日由畧陽一帶過烏龍河河水正漲高均德等都騎馬淌渡張添倫隨後騎一白驃過河尙有三四人曳著驃尾因水勢愈大俱被衝下一齊淹死我等在岸看見不能撈救只得逃向林箐中藏匿幾日又隨後股賊匪從畧陽結夥到此又訊之李大生供亦大概相同

聖朝聖訓卷之三

三

井稱伊是張家管小頭目張添倫於五月十八日在烏龍河淹斃高均德尙在營裡同時淹死男婦共有一千餘人復提張添倫之子張建國質訊伊父服色年貌及所騎牲口亦與衆供相符是張添倫之死似無疑義隨將李大生王文彩等概行正法其餘被脅難民卽予保釋臣等查陝省竄匪自齊姚二逆就戮之後惟高均德李全張添倫三股今歷次截殺張添倫已伏冥誅其徒衆在後股者剿滅無遺李全雖未弋獲而夥黨亦經垂盡惟高均德等一股所存不過二千餘人卽李全與之會合總屬無多德楞泰等率領索倫吉林滿漢官兵七千餘人追截諒不難於殲滅惟該匪狡猾性成急切未能得手且川北各屬屢經蹂躪賊匪掠食爲艱必從南

聖朝實錄卷七十三

三

運取道潛入西鄉由陝至楚臣明亮卽帶索倫及廣東官兵一千六百餘人馳至西鄉迎截其阮正通龍朝相等賊匪分股在菩提河一帶滋擾者亦可就近相機剿辦關騰烏爾圖那遜仍帶原兵趕來臣宜綿軍營協同防堵楚來竄匪其漢中毛狗洞罐子山一帶毗連南江通江亦關緊要秦承恩王文雄已自鳳縣趕來分撥布置自可無虞奏入

命軍機大臣傳諭勒保宜綿德楞泰曰宜綿奏陝省後股賊匪剿洗淨盡首逆張添倫業經淹斃但高均德李全等仍任竄入川省迄未拏獲實屬無能宜綿德楞泰明亮等剿辦高均德等賊匪已逾兩年強兵勁旅亦皆在此一路自當相機布置趕緊獲擒乃惟知跟蹤追擊任賊匪往來奔竄官兵

聖朝實錄卷七十三

三

動爲牽掣似此年復一年何日始能辦竣豈竟欲
坐待賊匪自斃耶現在德楞泰已馳赴廣元務須
繞前兇剿卽將高均德李全士速行拏獲若賊首已
與阮正通冉文儔等合夥明亮尤當速赴川境同
德楞泰督率官兵奮勇直前將首逆一併擒獲卽
帶勁兵與勒保併力搜剿各股賊匪毋得仍事尾
追觀望致兵丁疲乏賊得他竄自干重戾

聖朝聖編卷七

五

同日宜綿又奏言據署甘肅布政使廣厚稟稱
此次剿捕川陝教匪甘省節次陸續奉調漢土
官兵二萬餘名應支借俸行裝口糧車馬脚價
料草及調撥軍火戰箭補製工料價值等項需
費浩繁前經部撥銀四十萬兩業已動用無存
此外各州縣墊用木領爲數尙多現在川省調
運秦鞏等處軍糧十萬石需用口袋運脚計費

亦復不少查司庫存貯銀兩兵餉等款不能借
支應請奏撥銀六十萬兩解甘備用臣覆加查
核係屬實在情形仰祈
皇上勅部撥發臣仍飭令該署司等督率屬員撙節
辦理核實造銷奏入得

同日

聖朝聖編卷七

五

行在戶部奏言查甘省前經部撥銀四十萬兩因節
次調派官兵供支一切需費稍多自應籌撥接
濟惟查由京解甘道路較遠未免需時山西河
南二省皆與陝西接壤該二省開徵後現屆奏
銷之期各屬經徵銀兩自己陸續解歸藩庫足
供支撥應請於山西河南二省新徵地丁項下
各撥銀三十萬兩奏成六十萬兩分委委員解

赴陝西接替委員解交甘省以歸簡易而節糜

費奏入得

自依議速行

聖朝通志卷七十一

四

欽定剿平三省邪匪方略正編卷七十四 戊午年

六月十七日臣德楞額奏言高均德等賊匪屢

經官兵在陝截殺遂由鐵鎖關一帶竄入川境

臣於五月二十六日帶兵六千餘名由黃壩驛

跟蹤追剿又恐南山內道路紛歧賊匪或乘間

仍由別路竄回陝境當督同阿哈保賽冲阿温

春總兵達音泰巴圖魯侍衛等率領兵丁分道

聖朝通志卷七十一

截擊該匪等一路狂奔不能回顧六月初二日

追至廣元之木門壩我兵乘勢掩殺當斃六百

餘人賊眾望前奔逸又竄至南江之長池壩地

方時有阮正通等各股賊匪在彼屯踞該匪等

遂與合夥臣等於初三日酉刻會齊數路官兵

冒雨趕抵該處見賊眾佔據恩陽河大山臣即

於對面山梁紮住時已天晚未便進攻復恐該

匪等乘夜偷襲我營起更後密派阿哈保德寧
等於賊巢左邊山坎下埋伏又派賽沖阿達音
泰等於右邊樹林內埋伏如賊撲營卽令兩邊
齊出夾擊一面暗傳號令營內各將士俱在卡
墻排列火鎗潛行偵伺至四更後果有賊人率
領匪黨直撲前來我兵當卽施放排鎗擊斃賊
匪二百餘人賊衆卽行撤退我兵從後掩擊又

聖朝罪惡錄卷七

斃斃一百餘人賊匪紛紛奔竄復有阿哈保賽
沖阿等兩路伏兵迎頭攔截殺死四百餘人生
擒張先等三十餘人賊衆捨命分逃俱向東南
一帶竄去提訊張先等供稱高均德等在長池
壩地方始與阮正通會合聞龍紹周王正潮等
幾股已向前去高均德說要探聽龍紹周等如
已與羅其清冉文儔合夥卽便逃至該處再作

算計今被官兵殺散阮正通先已逃去高均德
亦隨後跑走等語當將該犯等正法伏思高
均德等既已竄往前途不惟可與龍紹周等互
相聯絡且可與羅其清冉文儔等一氣勾通現
在督率將弁起緊窮追一面飛咨惠齡恒瑞帶
兵迎截惟期併力圍剿不使折向北竄如賊匪
被剿情急向東奔逃臣卽飛咨勒保派兵迎擊
以冀速行蕝事所有連日傷亡弁兵查明另行
咨部奏入

聖朝罪惡錄卷七

上命軍機大臣傳諭勒保宜綿德楞泰承恩曰德
楞泰奏追剿賊匪情形雖前後殺賊千餘而賊首
高均德阮正通等仍向東南逃竄未能卽時擒獲
實屬無能前此該匪等窮竄入山由德楞泰明亮
等不能親率勁兵直前奮擊致復由陝竄川今德

楞泰既赴廣元迎截帶領勁兵七千餘名乃又任其竄去與阮正通冉文燾等合夥尤屬延玩德楞泰前此遷延貽誤本與明亮同罪因明亮列名在前是以未將伊一體治罪原望其圖功自贖不料伊又縱賊首竄入川境合夥迄未擒獲一名種種遲緩罪竟與明亮相埒德楞泰著革去御前侍衛署領侍衛內大臣都統仍留副都統職銜以觀後效倘接奉此旨能知感畏即將李全高均德等擒獲仍可施恩若再不知愧勵仍前尾追復任賊首蔓延滋擾必將伊從重治罪斷不能再邀曲貸其漢中西鄉一帶著責成秦承恩王文雄等督率兵勇嚴密防堵毋又任賊匪折竄陝境致干重咎此時陝省賊匪竄入川省與川匪屯集一處正可聚而殲洗明亮如何趕赴前途與惠齡恒瑞德楞泰

《聖祖實錄卷一百一十四》

四

併力抄截勒保會否派兵會同夾擊擒獲首逆之處並著速行具奏

二十一日癸丑英善福寧奏言川省王三槐等各股賊匪蔓延奔竄經勒保分派將弁兵勇設法兜剿而賊蹤往來無定運道時致梗塞臣等察看情形視賊蹤之遠近定運道之所向多方籌計繞道轉輸總期源源接濟不使稍形匱乏其惠齡恒瑞一路軍糧亦飭川北各州縣隨時運供并接德楞泰來信現在帶兵赴川追剿高均德等臣當派隨營糧員於廣元接辦糧餉并於保寧省城兩處就近派撥餉銀三萬兩糧米五千餘石火藥五千斤飛運廣元所需弓箭等項亦飛飭省城上緊運往以資剿賊惟接准陝省來文尚有餘匪由馬道武關竄至兩當畧陽一

《聖祖實錄卷一百一十四》

五

帶滋擾所有甘省由畧陽運川麥石暫行停運
其撥川餉銀四百萬兩亦皆陸續運抵西安因
棧道鳳留褒沔一帶賊氛未靖難以轉運臣等
查川省需糧需餉萬分緊急現已飛咨宜綿秦
承恩派兵設法疏通并聞明亮亦帶兵於大安
一帶剿捕想不日搜盡餘孽即可將糧餉趕運
來川又昨准景安咨會尚可於荊州漕米內動

《聖署聖鑒事稿卷七》

六

碾三萬石已飭楚局派員雇船裝運入川至夔
州交收臣等俟前項銀米運至夔州即就近接
收撥供川東各路兵精此外如各路軍營所需
添解火藥鉛丸以及補製鳥鎗刀矛並據咨調
帳房二千頂均隨時分飭承辦各員逐一製辦
照數運供刻下均皆足用奏入

上命軍機大臣傳諭勒保宜綿秦承恩英善福寧曰

英善等奏陝省賊匪竄至兩當畧陽一帶所有甘

省運川麥石暫行停運其撥川餉銀四百萬兩因

棧道賊氛未靖未經轉運是棧道一帶道路尚未

疏通軍需糧餉最關緊要豈可稍有阻滯英善已

飛咨宜綿秦承恩將棧道設法疏通現在該處是

否已無賊匪糧餉等項會否陸續運川不致停滯

宜綿秦承恩係該省督撫務須實力搜剿肅清道

《聖署聖鑒事稿卷七》

七

路俾得通行無阻勿致稍有疎虞至糧餉入南棧

後勒保亦應派兵迎護現在是否源源接解不致

遲悞之處並著迅速具奏

二十三日臣勒保奏言王三槐等一股賊匪屢

次衝撲東鄉太平邊界悉經兵勇截回遂由開

縣一路折竄臣偵探賊蹤恐該匪等東趨夔府

關係緊要當飭觀成等於奉節大寧交界之青

莊坪黑樓門一帶相機堵截並嚴催富商等督率兵勇趕緊追擊嗣該鎮進抵楊子嶺地方賊匪正在過河奔竄官兵即從長店房下游躡渡繞出賊前千總桂涵帶領鄉勇隨後掩襲賊匪猝不及防立斃四五百人其餘均由雲開店竄至陳家山安樂坪一帶屯紮至徐添德等一

股賊匪從大竹折竄達州經督率百祥等馳

聖朝聖朝聖朝

八

赴檀木場亭子舖一帶設法迎擊並於新寧之天池寺東鄉之南壩場等處節節安兵預備截剿又飭富成七十五帶領官兵跟蹤而進該匪等由山溝小路連夜竄遁各路官兵自二十八九至初三四等日叠次邀擊於蓮花菴七里峽等處斃賊一千五六百名將至南壩場賊匪見官兵迎頭而至遂從上八廟一路竄赴開縣之

三匯口而逸其林亮功等一股賊匪自開州坪竄至葛藤山之後經署梁山縣知縣方積會同叅將舒靈保等先將路通梁萬各隘口分佈兵勇堵截六十七富森布艾如文等帶兵一路舒亮與知府吳桂帶兵一路互相犄角該匪等屢次攻撲蝦蟆石荆竹園等處營卡均經方積等分兵剿截賊匪傷亡甚多二十六日賊眾又從

聖朝聖朝聖朝

九

鳳凰山溝內奪路思竄舒靈保及遊擊王宗佑郭烜帶兵下壓賊匪往來衝突並不稍退方積在荆竹園地方遙聞鎗聲緊急復率鄉勇星馳策應三路合攻自辰至未斃賊五百餘人時適有被擄逃回鄉勇林貴一各到營據稱現在賊匪係白巖山五營總元帥林定相乃林亮功胞姪方積隨派撥兵勇於三更時令林貴引路直

撲賊營該匪等猝不及防林貴當將林定相及
總敵手楊世美二名一併手刃剖獲首級回營
呈驗賊營立時慌亂昏黑之中殲斃不可勝計
二十七日各路官兵同時並進該匪等抵死守
禦我兵愈逼愈緊相持竟日至起更時風雨驟
至賊匪卽從東面一帶冒雨逃竄總兵艾如文
副將王承勳遊擊李芝榮等分兵四路併力衝
擊斃賊六百餘名將賊匪截爲兩段所有未經
逸出之賊約計一千三百餘名剽洗殆盡刀矛
旗幟及牛馬等類遺棄無數其在前逸出之賊
經舒亮吳桂會同六十七富森布等分路追趕
本月初一日至陳家場地方賊匪奔竄不及復
經官兵兩面截擊殲斃四百餘人其餘匪衆亦
由臨江市三滙口二路竄逸臣查開州坪一股

聖朝聖訓卷十四

十

賊匪傾巢奔竄人數衆多連次殲斃五六千名
將林定相陣殲斃並據六十七富森布具報
所殺賊匪內驗有林亮功之子林應超林應堪
二名均係緊要賊目雖林亮功等一時尙未全
獲而所存匪黨不過二三千人勢益窮蹙且現
在王三槐等所竄之陳家山地方卽係林亮功
起事處所徐添德等亦接踵而去或者三股合
併正未可定惟陳家山在開縣雲陽之交與大
寧奉節太平東鄉界址毗連道路歧錯除大寧
奉節一面已經知會觀成帶兵堵截並派穆克
登阿星夜前往會剿外臣現在馳抵開縣另將
各路官兵分投布置總期將各股賊匪首夥併
力殲除上慰

聖朝聖訓卷十四

十一

聖匯此次各路打仗叅將胡永濟遊擊郭烜守備胡

希照于總嚴正把總杜耀先等五員陣亡又遊擊褚大榮受有兩傷守備熊廷相把總桑漢均經受傷其餘傷亡兵勇另行查明咨部

勒保又奏言阮正通等各股賊匪滋擾通巴南江一帶屢經臣飭令李鉉率屬團勇堵截嗣該

匪等竄入通巴交界之神灘溪地方該道分派牧令前往剿辦茲據稟稱巴州知州常發祥帶

《聖朝聖蹟卷十四》

領鄉勇由官渡溪進發該匪等又竄至青峪口

距通江縣甚近署縣徐廷鈺同守備馬國柱亦分帶兵勇堵截正在合擊之際復有賊匪一股

從巴州西北之兩河口一帶焚掠逼近平梁城李鉉卽督率署州判費恩綸教諭彭昭麟挑選

鄉勇前赴元頂山趕緊堵禦賊匪蜂擁向前攻撲該道等紮住山梁用礮轟擊斃賊三百餘人

匪衆猶抵死抗拒適常發祥聞知後路有賊率領把總陳安邦等馳回來擊賊匪兩面受敵漸

行敗竄次日賊匪糾衆復至李鉉與常發祥帶兵從元頂山左右抄壓而下並派候補知縣楊

在韶典史吳壽添調寨勇由後衝擊而至賊匪立時大潰被戮八百三十餘名割獲首級三百

《聖朝聖蹟卷十五》

七十五顆生擒六十九名領首生員李輝陽衝入賊陣鎗斃執旗賊首一名從賊屍懷內搜獲

銅印一顆驗係襄陽鎮總兵關防研訊活賊龔成等僉供此股賊首係龔懷仁前在陝西與姚

之富等合夥去秋從川東折回卽在太平西鄉交界往來劫掠搜獲銅印是去年在奉節地方

打仗傷官搶得之物龔懷仁手下有一千三百餘人現從陝西入川要到儀隴約會羅其清下

山仍往陝西一路不料走到此處就被打敗等語當將該犯等一併正法又據署縣徐廷鈺稟報阮正通等竄至青峪口該令督率鄉勇由板橋口進攻沿途殺賊一百餘名賊匪望風奔走直從柳林溪奪路竄入西鄉邊界臣查西鄉一帶本有署鎮臣田有成等帶兵堵禦賊匪竄至該處正可迎頭截擊其襄懷仁一股為姚之富

聖朝聖德

古

夥黨兩次自陝入川且帶有襄陽鎮印信即係戍害鎮臣馬碼正被今惡貫滿盈全駭就戮洵堪稱快又據報高均德一股賊匪復由寧羌一路竄入廣元德榜泰帶兵追剿現抵巴州之恩陽河地方諒該首逆等敗竄之餘自無難逃行撲滅再知府銜候補同知直隸州署梁山縣知縣方積屢次殺賊保守地方極為出力茲於荆

竹園等處打仗又能鼓勵鄉勇殲斃賊首洵屬奮勇可嘉又川北道李欽署巴州知州常發祥剿捕襄懷仁股匪全數殲除查獲原失襄陽鎮印信亦屬勇往能事可否仰懇

聖慈量予鼓勵出自

天恩其領首生員李輝陽應請給予七品頂戴事竣送部引

聖朝聖德

圭

見鄉勇林貴先給千總委牌如果始終奮勉即於軍營遇缺拔補其總兵艾如文副將王承勳遊擊李芝榮帶兵截剿林亮功股匪雖亦殺賊多名但賊匪所竄之處正在艾如文一面營卡未能全數殲擒究屬有誤應請

旨將艾如文王承勳李芝榮三員拔去花翎以示懲儆軍行功過所在臣惟有秉公核辦斷不敢稍

為狗隙

同日秦承恩奏言臣與王文雄剿爭棧西竄匪

帶兵前赴漢中途次據西鄉縣稟報川匪一股

竄至該縣邊界之菩提河正在趨緊前進適接

明亮札會此股賊匪係阮正通為首約五千餘

人初六日明亮帶兵在城固之二郎壩痛加截

殺賊匪四散狂奔竄至南鄭之牟家壩臣與王

聖朝聖訓編卷四

六

文雄即督率兵勇星夜渡江馳往迎剿初八日

晚兵至黃官嶺遙見賊匪大駭正在半山屯紮

山下俱係稻田積水深滿田埂窄狹僅容一騎

官兵頗難施展臣等即密令恭將鍾岳鮑貴守

備哈國龍楊光時等各挑帶奮勇兵二百名鄉

勇一百名乘夜分四路魚貫而進另派遊擊邢

詒守備尙其倫帶領兵勇由山溝繞至西路

從旁衝擊並經漢興道文需挑派本地鄉勇設

伏截殺大隊隨後繼進賊匪見官兵撲至直前

抵拒鍾岳鮑貴等分督兵勇搶上半山鎗礮齊

發立斃賊匪五百餘名生擒二十二名時邢承

詒等已帶兵繞至賊右奮勇衝殺復殲賊二百

餘名又經本地鄉勇截殺一百餘名有鄉勇張

明奎搶獲賊匪大礮復衝入賊隊欲擒騎馬賊

聖朝聖訓編卷四

七

目致被亂矛攢戳陣亡賊眾捨命翻山折回四

川南江縣境查該處正通寧沔大路現在趕運

川餉尤須加意防護是以即將兵勇分布各要

隘堵截其承德所帶山西官兵臣已札商宜綿

派赴西鄉罐子山防堵現在陝境業已寧謐川

餉由寧沔大路接續經過並無阻滯此次陣亡

受傷兵勇另行造冊咨部並查有在配軍犯陳

耀宗吳孔輝黃馨孟德長流犯吳世誦陳裕觀
等六人節次跟隨兵勇剿賊甚為出力可否卽
予開釋之處出自

皇上天恩均奏入

上命軍機大臣傳諭勒保宜綿惠齡恒瑞秦承恩曰
勒保奏分路剿賊情形雖將開州坪股匪痛加殲
戮但祇係賊夥頭目而各股著名首逆仍未拏獲

剿平三省邪匪方略

六

一名不為滿意現在王三槐等竄至陳家山地方
卽係林亮功從前屯聚處所徐添德等一股亦向
開縣奔逃三股賊首自必逃聚一處勒保現已帶
兵馳赴開縣截剿而德榜秦亦由廣元馳赴南江
一帶會同惠齡恒瑞等兜截李全高均德阮正通
冉文儔等各股賊匪明亮自亦趕赴前途與德榜
秦等合力奮擊正當彼此約會兜圍截剿務將各

股賊匪以次殄平於七月內一併剿辦完竣道員
李鉉等帶兵奮勇自應分別加恩至總兵艾如文
等不能實力防範致在林亮功等竄逸實屬疎縱
勒保據實奏奏所見尚是已另降諭旨量予獎懲
所有殺賊陣亡之參將趙宗濬等五員俱著咨部
加等議卹至秦承恩奏截回川匪一摺據稱陝省
現已無賊但漢中一帶毗連川省秦承恩等總當
實力嚴防昨據英善等奏棧道賊匪未靖運川糧
餉不無阻滯秦承恩等尤當速行搜捕淨盡疏通
道路現在棧道是否肅清甘肅糧餉是否通行無
阻並著迅速具奏其在黃官嶺陣亡鄉勇張明魁
亦著咨部加等卹賞軍犯陳耀宗等六名隨兵剿
賊既能出力俱著加恩准予開釋

上諭內閣曰勒保奏川北道李鉉等剿捕川匪奠懷

仁一股全數殲除並搜獲原失襄陽鎮印信所辦
 尚為奮勉李鉉著賞給按察使銜署知州常發祥
 著賞戴藍翎領首生員李輝陽著賞給七品頂戴
 俟事竣送部引見鄉勇林貴著賞予千總委牌如
 果始終出力即於軍營遇缺拔補又據奏荆竹園
 等處打仗出力殲斃賊首林定相之候補同知直
 隸州現署知縣方積亦著加恩賞戴花翎其不能
 實力堵剿被賊逸出之總兵艾如文副將王承勳
 遊擊李芝榮俱著拔去花翎令其圖功自贖若再
 不知奮勉即著勒保嚴叅治罪

聖朝聖德編卷四

三

二十五日景安額勒登保與肇奏言賊匪張
 漢湖等經官兵連日剿殺並設法解散多人屢
 形潰敗遂竄至房竹邊界查該處山勢陡險路
 徑紛歧臣景安與臣額勒登保公同商議遂分

兵由左右兩路進擊初五日行抵房縣所屬之
 魏陳堽吳家堽山梁賊匪正在山溝擄掠兩路
 官兵從上下壓斃賊多名綸布春帶領馬隊官
 兵復於坡上衝殺殺賊四百餘名次日四鼓
 等仍分兩路發兵於鐵峪河寶石店等處夾擊
 賊之滾崖墮河及斃於鎗箭刀矛者又約有一
 千餘名前後生擒吳季模等五百二十名除附
 近被脅民人丁汝年等二百十二名審明即行
 釋放外其餘均係久經從逆打仗之犯當俱正
 法該匪等翻山奔竄欲由竹山之官渡河偷渡
 經該處鄉勇攔堵遂復竄由菩提河晒淺而過
臣額勒登保帶同綸布春楊遇春等趕擊殺賊
 三百餘名淹沒者亦復不少臣景安與與肇帶
 兵由官渡口過河旋於司馬崗關山等處與臣

聖朝聖德編卷四

三

額勒登保會合賊匪見官兵追剿愈緊分作五六股晝夜分竄我兵盡力窮追斬敵八百餘名十二日賊匪由竹谿界嶺竄入陝省平利縣所屬之鎮坪地方臣等查該匪前由興山一帶入楚原有三萬餘衆豎經剿殺解散已除三分之一原擬於楚境剿除淨盡奈匪衆亡命竄逸首逆仍未弋獲實屬萬分焦灼現在臣額勒登保與肇帶同滿漢官兵一千餘名又添撥湖北湖南官兵二千名卽由鎮坪一帶入陝剿辦其鎮坪東北與竹谿在在接壤誠恐該匪一經剿急又復折回臣景安卽帶同河南山東官兵一面將楚境餘匪搜淨一面探蹤堵剿且現據房縣秦錫嘯稟報川匪王三槐徐添德等大股之賊已分竄開縣雲陽滋擾并有夥黨一股業回大

聖朝聖方聖編卷七
三

寧邊境等清查川省大寧與房竹歸巴均屬境地毗連此時川省兵力壯盛一經下壓賊必盡向東奔當經臣景安咨會提督文圖前往歸巴界嶺駐劄督率原有兵勇實力堵禦至房縣二竹邊境雖派兵勇駐守尙形單薄現復飭令添雇健勇並派總兵王凱前往督率加意嚴防似此兩處邊界俱有戒備庶不致顧此失彼至臣額勒登保等所需糧餉軍火恐一時陝省趕辦不及臣景安已飭楚省承辦各員運供暫資接濟奏入

上命軍機大臣傳諭勒保宜綿景安惠齡恒瑞秦承恩曰景安等追剿竹谿一股賊匪雖殲殺二千餘名已除三分之一而賊匪仍由竹谿竄入陝省平利縣境豈非馳入鄰境所辦何事景安額勒登保

聖朝聖方聖編卷七
三

興肇著傳旨嚴行申飭前據宜綿奏業於洵陽平利一帶派兵堵截今賊匪竄入陝境平利之鎮坪地方正可迎頭截擊何以未據宜綿奏報而景安摺內亦未提及現在額勒登保與肇已帶滿漢官兵三千餘名由鎮坪入陝追剿當與宜綿兩面夾攻併力奮擊若再任輾轉奔逃又復蔓延陝境伊等自思當得何罪至川匪王三槐等夥黨一股現

聖朝重寶編卷四

丙

已竄入大寧難保不闖入房縣歸巴一帶景安已帶兵馳往攔截並令文圖等分路督率嚴防務須察探賊蹤實力堵截勿再任竄入楚界慎之至勒保剿辦川東賊匪仍任王三槐徐添德等竄合一處並未拏獲一名今又任賊匪夥黨由大寧一帶分竄欲思闖入楚境似此往來竄擾何日始能剿竣勒保亦著嚴行申飭現在勒保已赴開縣督兵

進剿並令觀成等於大寧奉節一帶迎截務須策勵雲貴新兵鼓勇直前將各股賊匪一律殲除毋任復竄楚陝勒保係總統大員所有陝楚各股賊匪皆應通盤籌畫悉心調度豈得專管川省一路而各省竄匪即聽之各省自行剿辦以致彼此各不相顧東擊西奔迄無成功如此又安用總統為耶今將各路帶兵大員為之分定責成陝省令宜

聖朝重寶編卷四

丑

綿與額勒登保與肇為一路專剿現竄平利之劉成棟等一股楚省令景安與文圖王凱為一路專堵現欲竄入楚境之川東賊匪惠齡德楞泰等剿辦李全高均德阮正通等賊匪如已與冉文儔羅其清合夥則惠齡恒瑞明亮德楞泰作為一路併力兜擊若賊首等尚在分竄則惠齡恒瑞專剿冉文儔等一股明亮德楞泰專剿李全高均德等一

股如此各剿各股庶責有攸歸無可諉卸而勒保
剿辦王三槐等一股賊匪仍當察探各路賊情相
機布置為之聲援策應不拘何路能將賊首拏獲
俱係總統之功若賊匪由何路竄逸不特此一路
領兵大員責有攸歸即總統亦無可諉罪而各路
領兵大員仍不得推卸總統稍存觀望必須各加
策勵合力堵剿賊匪方不致往來奔竄若各股賊
匪於何路逸出即惟該路領兵大員是問經此番
訓諭之後若仍前觀望不知同心協力奮勉圖功
必將伊等從重治罪再不能曲為寬貸也

二十七日臣宜綿明亮奏言臣明亮在黃瓜嶺

將後股賊匪剿淨探知川匪一股在西鄉交界
之菩提河滋擾經柯藩田有成等帶兵往剿賊
匪遂向西竄至城固之二郎壩臣明亮自漢中

聖旨著宜綿明亮奏言

六

馳赴西鄉路過娘娘山適與相遇馬步齊進寤

賊四百餘人生擒羅貴等八十一名訊供此股

賊匪是阮學明為首係阮正道一家又有供阮

正道亦在其內者因聞官兵俱已追賊入川想

要乘間至漢中過江北去等語當將該犯等正

法其時秦承恩王文雄均自鳳縣帶兵趕到臣

明亮恐該匪仍入西鄉且聞西鄉尚有一股賊

聖旨著宜綿明亮奏言

七

匪在雒家壩屯聚隨將此股賊匪交秦承恩王

文雄追剿臣明亮仍帶兵趕赴西鄉攔截嗣行

抵該處知雒家壩之賊業於初八日經柯藩田

有成等分隊剿殺斃賊一百餘人生擒蕭佑保

等二十一入賊匪已由黑山一帶退回川境其

阮學明等亦經秦承恩等帶兵剿殺多人匪眾

竄向南江境內惟湖北竄匪經景安額勒登保

連次追殺竄入竹山竹谿邊界逼近陝境臣宜

綿已帶兵由二郎舖馳往平利派遊擊李逢春

等帶兵七百名赴竹關乾竹河等處防堵又調

回索費英阿之兵七百名派赴獅子壩白沙河

等處迎擊並令道員溫承惠知州宋昌珩等各

帶鄉勇分赴要隘堵禦賊匪現已竄入平利境

內之鎮坪額勒登保與肇帶兵跟蹤進剿臣明

聖訓彙編卷七

天

亮聞信急至平利與臣宜綿面商即帶原領之

索倫吉林廣東兵一千五百名馳至鎮坪與額

勒登保前後夾擊以期迅速賊事臣宜綿現在

督率關騰等帶兵駐劄沔河口截其西奔至前

次竄入甘省滋擾之賊業經竄至畧陽其先出

者已翻山趕同前股入川後股經臣明亮剿戮

殆盡現在民情安堵如常藩司廣厚暫駐該處

同道員王銀督率委員分路撫卹吉蘭泰帶兵

一千餘名出駐沔縣寧羗一帶防陝即以防甘

至甘省協運川省糧石現在運至畧陽者已有

一萬六千餘石臣宜綿又飛催委員多備船隻

源源運送其京餉四百萬兩亦陸續解過褒城

沔縣一帶經廣元縣接收均可不至遲悞奏入

上命軍機大臣傳諭勒保宜綿秦承恩曰宜綿等奏

聖訓彙編卷七

天

擊退西鄉一帶賊匪並夾擊楚匪情形楚北竄匪

經官兵在竹谿竹山截剿復竄入平利所屬之鎮

坪地方額勒登保等務須前後夾攻奮力截擊將

此股竄匪速行剿淨即同明亮會兵入川方不致

顧此失彼明亮屢經朕宥過施恩且非若宜綿之

年老而兼有地方事務者可比乃帶領勁兵在漢

中擊剿李全高均德等一股日久不能擒獲賊首

仍任竄入川境所辦何事著再傳旨嚴行申飭今
已踈縱於前若抵鎮坪後又以所剿賊匪另係一
股仍復觀望遷延致陝省又有滋蔓而高均德等
一股人不能及早協力搜捕則罪上加罪不能再
邀寬貸也其寧沔一帶著責成秦承恩王文雄等
督率兵勇實力防堵毋使川匪復又折竄陝境爲
要

聖朝罪惡編卷七

三

二十九日辛酉德楞泰惠齡恒瑞奏言臣德楞泰

截殺高均德等賊匪因該匪等向東南竄逸卽

飛咨惠齡等帶兵迎頭攔剿臣德楞泰卽督率

官兵緊躡賊蹤於初六日追至石人河地方時

臣惠齡恒瑞早已帶兵於要隘堵遏見匪衆竄

至遂各奮力迎擊賊猶抵死抗拒適臣德楞泰

督領溫春阿穆勒塔等從後追殺而至當斃六

百餘人賊始慌亂狂奔臣惠齡督率副將銜穆

克登布等臣恒瑞督率總兵觀祥副將德忠等

各於要路迎頭截殺又斃五百餘人賊匪不敢

拒敵俱向東南玉山一帶四散分逃統計此次

殺賊一千餘人生擒蘇巧等五十餘人臣德楞

泰與臣惠齡恒瑞會合當提蘇巧等嚴訊據供

高均德連被官兵剿殺原想與羅其清冉文儔

等合夥先令阮正通黑夜偷從僻徑另走希圖

牽綴官兵高均德却從此路竄逸不想又被官

兵殺散聞得冉文儔龍紹周等要往巖峯灘今

高均德等想是仍尋冉文儔等前去等語當將

該犯等正法臣等思高均德等窮竄餘生恐復

折回陝境而羅其清現在屯聚箕山若任冉文

儔奔赴巖峯灘一帶難免不與羅其清歸併必

聖朝罪惡編卷七

三

須分投剿辦當即公同商酌臣德榜泰帶兵由

玉山一帶兜剿高均德等臣惠齡恒瑞由立山

一帶截剿冉文儔等即於初七日分路進兵臣

惠齡恒瑞於初九日馳抵黑馬山據報冉文儔

龍紹周等股匪逃至老林場山梁屯踞臣等即

抄赴該處西北山梁紮駐遙望賊踞之山前面

均係危崖峭壁不能進攻山左有一小徑山右

聖朝實錄編卷七

三

乃係上山之路搶至山腰方可會聚臣惠齡於

初十日五鼓帶兵由山左小路攀援而上黎明

行至山腰見有賊卡我兵連拋火彈將賊人卡

柵焚燒賊匪猝不及防驚慌逃走被我兵截殺

一百餘人乘勢直上半山時臣恒瑞帶兵由山

右搶上連撲賊卡三座殺斃二百餘人餘眾竄

上半山適臣惠齡督兵堵截又斃斃一百多人

遂與恒瑞合兵奮力仰攻擊破半山賊卡殺賊

無數賊匪俱奔赴山梁我兵乘勝直上賊人蜂

擁下壓我兵鎗礮並發又斃賊八九十名並連

將賊卡焚燒一時烟焰蔽山賊眾四處奔竄被

我兵分投擊殺並滾崖落澗者不計其數賊由

密菁山溝內紛竄東南而去生擒趙連等七十

餘人奪獲刀矛三百餘件賊旗十二桿牛馬五

聖朝實錄編卷七

三

十餘頭提訊獲犯趙連等據供前日龍紹周與

王正潮冉文儔合夥之後即從關口梁逃至老

林場山梁原想奔赴羅其清一處地險人多冀

與官兵對敵不料官兵由西北殺來不能逃往

箕山祇可仍由東南奔竄等語當將該犯等正

法臣等伏思該匪蹤跡無常必須急為兜剿並

即遏其竄往箕山之路隨率領將士悉力窮追

沿途均有殲獲十四日逼至渠縣之大神山一
 帶賊復拒險屯聚已離箕山甚遠臣德楞泰追
 躡高均德等賊匪於初七日由玉山一帶趕至
 九股青崗聞該匪等擾至張家寨石橋河等處
臣德楞泰恐該匪偷渡東竄擾至達州當派副
 都統賽冲阿等帶領索倫吉林兵丁星馳往剿
 該匪等一見官兵即向永興場逃走賽冲阿等
臣德楞泰等率領分路前進據總兵達音泰遊擊
 馬瑜等於鐵釘埡追及賊匪奮力擊斃二百餘
 人又據阿哈保副將德寧於西河山一帶遇見
 賊匪一百餘人當即殲戮淨盡臣德楞泰趕至
 石橋河正遇高均德等一股賊匪向北奔竄即
 督兵奮力截殺立斃三百餘人該匪等遠向大

聖朝聖訓卷之四

三

神山一帶奔逃臣德楞泰於十四日趕至黃泥
 坪與臣惠齡恒瑞會晤現在川陝各賊黨均在
 一處正可聚而殲除臣等兵力既會不慮勢單
 自當設法先將冉文儔等會同剿滅以冀次第
 掃除但查大神山之南正通渠縣該處有大河
 一道係巴河達河彙合之處舟楫可通恐該匪
 被剿情急又思偷渡臣等現已飛飭渠縣先將北
 岸船隻盡數撤赴南岸並飭該令督率鄉勇等
 於河之南岸設卡嚴防勿任偷越所有連日傷
 亡弁兵查明另行咨部奏入
 上命軍機大臣傳諭勒保惠齡恒瑞曰德楞泰等奏
 截剿賊匪一摺祇不過分路追擊情形並未擊獲
 李全高均德仍任與冉文儔竄合一處而李全下
 落又未提及實屬無能已極惠齡恒瑞德楞泰俱

聖朝聖訓卷之四

三

著傳旨嚴行申飭昨日有旨責成伊三人作爲一路併力剿辦此股賊匪務須各知愧奮趕賊首在大神山竄聚之時會合兜圍將各首逆按名拏獲剿淨餘匪再將羅其清股匪一併殲除勿稍延緩再前聞各省賊匪竄入川境後川匪以伊等桑梓地方不容他省教匪前來擾害是以齊王氏姚之富高均德等仍由川折回陝省而劉成棟等亦由

聖朝聖德

美

川東竄回湖北今高均德等在陝被剿情急又復闖入川省若川匪仍前與之爲難則該首逆等前有川匪阻黨後有官兵追擊而寧沔一帶又有秦承恩王文雄等帶兵防堵無從竄入正是極好機會卽此時陝匪已與川匪勾合惠齡等何不設計離間俾其疑忌內潰旣可以賊攻賊而官兵搜剿更當事半功倍以視東竄西擊惟事尾追豈不難

易懸殊惠齡等於此等機宜豈竟全未想及一籌莫展耶特此詳晰指示著惠齡等接奉此旨務須相機妥辦毋得坐失機宜爲要

同日高杞奏言臣前因大兵剿賊已至竹谿縣境距鄖較遠當將後路鄉勇裁撤並因該處緊接陝西平利等縣設賊竄入陝境大營所需軍火糧餉恐該省驟難接辦仍飭楚省隨營各員

聖朝聖德

毛

趕辦應付茲據探報六月初旬以次城經大兵連次痛剿勢極窮蹙於十二日遁入平利縣鎮坪地方景安與額勒登保等率兵馳往兜截臣已飛飭楚省糧員無分畛域趕運接濟必俟陝省接手有人方許交替至此次川匪闖入楚境雖於先被蹂躪之處復肆焚擾其詭譎伎倆原欲於完善之區恣意擄掠腹地居民藉有兵勇

防邊未免心存大意不復設備以致倉猝無措而荊州距城十五里之沙市鎮係川楚水陸通衢商民輻輳為賊注意已久前此賊甫入境商民因無城堡可恃逃散一空景安與臣先計及此率兵進賊匪震懾潰竄該鎮幸獲保全商民當即轉回臣等以為與其逃避於臨時何如預防於平日當飭道府激勸該鎮紳士商民咸各感奮除南面臨江排列檣木可保無虞外其東西北三面週圍十有餘里即日捐集人夫築土堡並於堡外開挖深濠洵足以壯聲威而資捍衛此外緊要市鎮亦飭做照辦理其襄郡對岸之樊城更為扼要前歲亦因無城可恃猝遭賊擾前督臣畢沅循照舊址丈量週圍城身奏准借項修復迨前撫臣汪新因賊氛未靖恐

欽定剿平三省邪匪方略

正編卷七四

致奸宄溷跡奏明緩修在案上年臣在襄樊防堵見商民一聞有警逡避不遑當與汪新面商莫若於東西北三面仍循舊址趕築土堡而於臨江各埠岸建立木柵亦可藉作藩籬實屬簡便易行節據襄陽府張瑤署襄陽縣陳宋賦等首倡捐廉闔鎮紳商人等踴躍樂從即願捐資鳩築如式完固此番賊過襄陽妄思偷渡該鎮居民恃以無恐堵禦極為嚴密臣現復飭諭嚴防不許稍存懈忽其土堡遇有雨淋殘缺之處立時修補結實以期久遠鞏固藉資屏障奏入報

欽定剿平三省邪匪方略

正編卷七四

開

景安高杞又奏言前撫臣汪新於本年二月內因節辦軍需事宜奏請撥銀一百萬兩甫解到

襄詎川省竄匪正由巫山闖入楚境焚擾汪新
 因兵力單薄又多集鄉勇堵禦而臣景安暨額
 勒登保等先後帶兵來楚所需兵勇鹽菜口糧
 及隨營夫騾脚價既多且急而調撥各處軍火
 糧料各州縣錢糧多已蠲緩無可動用均資部
 餉辦理是以現存已不滿三十萬兩此時賊雖
 竄入陝境而額勒登保等與臣景安分率兵勇
 前後截剿糧餉一切陝省驟難應付仍當由楚
 接濟且川省賊匪分竄大寧雲開等處與楚省
 路路可通不特鄖陽防邊兵勇不便撤退更須
 添募健勇於房竹交界扼要嚴防而宜施兩府
 亦與川境在在毗連宜昌府所屬之巴東歸州
 緊鄰巫山犬牙交錯尤為著重現接勒保知會
 令楚省嚴加堵截業已添調施南前此出力紳

聖朝實錄卷之四

四

勇赴江協助遠道趨公尤應酌加口食此外如
 撫賑難民修築工程以及善後一切無不需用
 孔急惟有仰懇
 皇上天恩勅部再撥銀一百五十萬兩趕解來楚以
 濟各項急需臣等仍當隨時加意撙節辦理奏
 入得
 旨行在該部速議具奏
 同日
 行在戶部奏言查楚省賊匪現俱竄至陝西平利地
 方該省並無剿捕事宜不過撫卹難民修築工
 程等事需費尙屬有限惟鄰近省分存貯無多
 應請仍於部庫存貯銀內撥銀一百萬兩令直
 隸河南各督撫照例派員迅速解往備用仍令
 該督撫隨時查察撙節核銷奏入得

聖朝實錄卷之四

四

旨依議速行

欽定剿平三省邪匪方略

正編卷七五

欽定剿平三省邪匪方略正編卷七十五 戊午年

七月初三日 乙丑 勒保奏言查王三槐一股賊匪

屯踞陳家山安樂坪一帶嗣徐添德林亮功等

接踵奔逃冀圖竄合當經 臣 飛飭觀成穆克登

阿等帶領官兵於奉節大寧一帶嚴行堵截遏

其東竄而雲陽一面尙屬空虛復添派艾如文

率領兵勇馳赴雲安場分拿營卡直抵江口與

聖香邪匪卷七五

富爾賽互相聯絡 臣 與富成七十五等督率各

路官兵分投馳擊途次據報安樂坪之賊屢次

分遣黨與滋擾奉節縣屬之竹園坪及大寧縣

屬之寒水壩等處觀成穆克登阿分兵迎擊殺

賊自數十名至一二百名不等又有竄赴雲陽

沙沱子地方之賊亦經艾如文富爾賽等知會

夾擊賊匪旋復退回觀成等卽於甘溪口渡口

壩一帶拿卡進逼與賊巢對拒徐添德等一股

賊匪自上八廟竄至開縣三匯口欲由路陽壩

前赴陳家山臣隨派舒亮偕知府吳桂等帶領

兵勇馳赴楊子嶺地方扼要堵截並飭富成七

十五等督率官兵由畫眉壩繞出賊前初九日

行抵窄口子地方正遇賊匪從楊子嶺折回蜂

擁而至富成七十五分為兩路併力攻剿賊匪

聖朝實錄卷之三

二

不能抵禦紛紛潰逃我兵分投截擊翻越大山

兩重追剿四十餘里殲賊八百餘名生擒六十

三名富成七十五等乘勝追擊直至大寧上三

壩地方沿途山溝樹林之內零星潛匿之匪甚

眾悉經臣分撥官兵搜剿殆盡其林亮功股匪

由臨江市竄至三匯口經總兵德英額帶兵趕

到殲戮一百餘名該匪折向譚家壩一帶奔竄

臣隨飛飭富林布及叅將姜敏功帶兵由寒風

坳進發並飭舒亮吳桂就近由楊子嶺馳赴陝

佛巖迎頭截擊兩路官兵於初九十二十三等

日連次邀擊於水田壩漆樹溝魏家壩等處斃

賊七八百名賊眾踉蹌奔潰遂從關口坪折向

太平東鄉交界之月亮坪土黃壩一帶屯踞臣

行抵大梁正在督兵進剿安樂坪賊巢並催僱

聖朝實錄卷之三

三

各路官兵星馳進發適據探報開縣之蘭芽場

地方復有響應賊匪為首係牟姓洪姓聚眾三

四千人與王三槐徐添德等往來勾結連日焚

掠路陽壩温湯井一帶勢亦猖獗查蘭芽場地

方路逕叢歧適居大寧太平東鄉交界與林亮

功現在竄聚之處相距更近刻下夔州東南一

而雖有觀成穆克登阿劉君輔富爾賽艾如文

等分投堵截其太平一路亦先經飭令恭將銜

原任總兵楊秀帶兵駐守而此股賊匪正在

進剿安樂坪後路急須設法殲除臣現在督率

百祥等由蘆花嶺温湯井一帶前進就近將此

新起賊匪先行剿辦一俟後路肅清仍當趕緊

督兵兜擒各股首逆至陝匪高均德等自廣元

南江邊界闖入巴州儀隴與冉文儔合夥據報

擾及營山渠縣一帶臣現經札飭達州渠縣等

州縣於三匯蛟蟲溪等處圍集鄉勇擇要堵禦

並知會德楞泰惠齡恒瑞趕緊督兵追剿冀收

兩面夾擊之効此次各路打仗守備李國寶把

總林中南陣亡其餘傷亡兵勇另行查明咨部

奏入

上命軍機大臣傳諭勒保秦承恩日王三槐一股竄

入陳家山後為日已久勒保帶兵剿辦總未能設

法兜截迅速殲除實屬無能著傳旨嚴行申飭令

開縣蘭芽場地方又有新起賊匪自係教匪夥黨

若不速行撲滅則賊數日添愈形散漫官兵處處

為之牽掣成何事體勒保現已馳赴該處必須督

率雲貴新兵及現有兵勇將此股新起賊匪痛殲

圍剿先行辦竣肅清後路俾心懷反側之徒不敢

復萌故智勒保即赴安樂坪搜剿王三槐等再移

師兜擒各股首逆以次殄平總之著名首惡一就

擒獲即反側亦可潛消不可因賊匪股數較多惟

事東追西擊辦理毫無把握其徐添德林亮功兩

股現有富成舒亮德英額等帶兵會剿即責成富

成等奮力截擊不令竄合速擒賊首倘再任輾轉

奔逃惟伊等是問此時林亮功等已折向太平東

鄉交界處所竄聚該處與陝境毗連秦承恩王文
雄尤當督率兵勇實力堵剿毋使闖入所有陣亡
守備李國賓把總林中南俱著咨部議卹

初四日丙寅額勒登保與肇奏言賊匪張漢潮等

由楚省被剿竄入陝境臣等商同景安於原帶

滿漢官兵一千餘名之外又添帶湖北湖南官

兵二千名即由鎮坪一路截剿臣等偵得賊

聖朝實錄卷七十五

六

匪從大樹河小樹河一帶奔竄此一帶係平利

縣所屬路通興安紫陽等處隨分派副將豆霽

帶兵五百名由大樹河一路跟擊查白沙河孟

石嶺一帶為入興安紫陽要路臣等即率同綸

布春楊遇春多爾濟扎普等覓道由化龍山翻

山徑赴白沙河抄截十六日在孟石嶺適遇賊

匪奔竄而來該處路徑叢雜臣等督率官兵分

頭迎擊殺賊六百餘名生擒鄒正材等八十三

名訊係從逆打仗之犯當俱正法餘賊又折出

八仙河霸王廟一路逃竄次日復經追擊賊匪

由油榨坪竄入荒林於十九二十等日從平利

縣之界嶺向四川太平縣境逃逸連日追賊之

所俱係深山疊嶺荒僻之處而界嶺上下六十

餘里山勢更屬陡險雖向有羊腸一徑又經民

聖朝實錄卷七十五

七

人刨挖步行官兵攀援已過而馬隊官兵及鍋

帳等項實難行走臣等即派兵攜帶斂鋤隨處

開修前進以期速擒首逆再臣等現在軍行均

係陝省平利縣境需用軍火糧餉先經札飭辦

理該縣相距本遠想日內自可運到刻下尚係

景安所派之道員依精阿等隨同辦理接濟此

時賊匪竄入川境臣等已知會勒保並英善福

寧等飭屬趕辦運供並委員前來接辦以利師

行

同日景安奏言楚北竄匪張漢潮等前經臣與

額勒登保等節次分路痛剿賊匪分爲多股亡

命狂奔由竹谿之界嶺迤入陝省平利縣境其

竹谿邊界凡深山密箐竄伏餘匪亦復不少是

以臣等商酌分兵額勒登保與興肇帶兵入陝

欽定剿平三省邪匪方略

正編卷七五

抄擊臣暫駐竹谿邊界分遣將領帶兵四路搜

捕連日據各官兵於山溝深林中捕獲餘匪或

數十人或一二百人不等隨時提訊其甘心從

逆者各予駢誅被裹之人當卽省釋並據探報

猴子坪山溝內伏匿賊匪數百人臣卽督兵迅

往剿捕賊匪竄奔紅土山負嶠抗拒察看該處

山勢陡險山前僅有一線小路已被賊匪佔踞

惟山後有陡溝一道尙可攀援而上適是夜大

雨如注料賊匪斷不防備臣當挑選健兵五百

名於四更雨止後由山後溝內攀樹附藤而上

出其不意鎗箭齊發賊人遽形慌亂當被擊斃

三百餘名生擒何士鳳等二百四十五名訊據

供稱此股賊匪係張漢潮手下賊目向得林帶

領六百餘人在竹谿山內埋伏原想等候官兵

欽定剿平三省邪匪方略

九

出境卽赴各處放火糾集散竄之人趕赴平利

會合今向得林已被官兵鎗斃等語隨據各匪

指出屍骸當卽剝屍梟示其餘概行正法隨探

張漢潮等已竄至入仙河等處若向西南則入

四川太平西北則奔陝西安康紫陽等處相距

竹谿邊境已有四百餘里臣於剿捕餘匪完竣

卽移師前進相機截剿二十三日行至平利之

關亞地方接據房縣令秦錫疇急報川省開縣

賊首王光祖夥眾數千人已竄至大寧縣之峽

口核桃嶺等處焚掠逼近縣境又據保康令楊

開鏡稟報探得川省各股賊匪俱竄屯雲陽開

萬之間均與楚省巴東接近臣查房縣巴東邊

境前已派委文圖王凱分往嚴防惟該提鎮等

所帶之兵各止數百名甚形單簿且文圖因受

《劉聖賢聖廟志》

十

濕過深染忠瘡毒恐帶兵亦不得力臣所帶之

兵係河南山東及南北兩省餘兵除傷亡病故

及患病留於各處調養外現剩止有二千餘名

臣若全數帶領入陝協剿於楚省邊防即難兼

顧設大夥之賊奔突而來竊計現有兵勇斷難

堵截一經闖入所關甚重臣現於所帶兵內撥

出一千名交與王凱帶領速赴巴歸邊界會同

文圖督率原有兵勇實力堵截臣帶領官兵一

千餘名倍道馳赴房縣擇要駐劄相機堵剿其

竹谿邊界另派將弁帶兵駐守以昭周密均奏

入

上命軍機大臣傳諭勒保宜綿景安惠齡恒瑞秦承

恩口張漢潮等一股賊匪額勒登保等帶領勁兵

追剿而平利一帶又有宜綿明亮截擊乃不能將

《劉聖賢聖廟志》

七

賊首即行擒獲又任由平利竄入四川太平縣境

實屬無能已極宜綿明亮額勒登保與肇俱着傳

旨嚴行申飭現在川省賊匪俱在開縣雲萬一帶

往來竄擾而開縣蘭芽場地方又有新起匪徒相

距太平更近此股張漢潮竄匪勢已潰敗額勒登

保等務要緊躡賊蹤設法抄截毋任與開縣新起

匪黨復行竄合太平與西鄉接壤秦承恩王文雄

尤當實力堵截毋得稍有疎懈其平利一帶著責成宜綿在彼防堵以遏賊匪折竄之路明亮應同額勒登保等速赴川省太平一路協同剿捕至勒保已帶兵馳赴蘭芽場尤當督率雲貴新兵將新起之賊痛加殲戮速行撲滅使心懷反側之徒咸知震懾自不敢效尤竊發而張漢潮一股亦可不致勾合滋擾又前此張漢潮等一股在楚省竹谿一帶奔竄景安等不能速行搜捕致由陝境竄入川省竟以鄰國爲壑景安等已屬失之於前此時楚境已無賊匪而房縣巴東等處俱與川東接壤景安現在帶兵前往務須督率兵勇實力堵禦卽不能擊獲川匪亦當嚴密扼要堵截毋使一名乘間竄入至文圖現經染患瘡毒未能乘騎帶兵不能得力留彼無益徒滋戀棧著景安據實奏明再

降諭旨

初六日戊辰宜綿明亮奏言湖北竄匪闖入平利之鎮坪可通安康紫陽各州縣經臣宜綿先後派索費英阿及溫承惠帶領兵勇分赴各處防堵賊匪已竄至南架山欲由龍鬚壩至平利因所派義首周希元帶領鄉勇在龍鬚壩各卡防守甚嚴未能越過適索費英阿等帶兵抵獅子壩該匪又不能由磚坪至紫陽遂由白沙河口翻苦竹關欲至安康被牙河鄉勇二千餘名截住賊匪奔回孟石嶺遇額勒登保等山化龍山抄至迎擊殺斃六百餘名賊匪遂折回八仙河一帶奔逸其時臣宜綿率關騰等已抵沿河口臣明亮亦自平利前赴鎮坪賊匪探知西北兩面皆有大兵額勒登保等帶兵緊追又不能東

回楚省遂南至油榨坪棄其騾馬殺其婦女幼

孩翻山越嶺爬入老林竄出四川太平境內之

晒田壩一帶額勒登保等帶兵趕緊追截臣明

亮卽由鎮坪取道入川與額勒登保等合兵會

剿查此時賊匪雖出陝境而入川後被剿情急

勢必復竄入陝又聞川匪一股向桃花壩旗桿

山奔逸其來路卽距楚匪入川之路不遠必將

會合折回所有通川邊界分派關騰索費英阿

等駐紮兩扇門鐵巖子各隘口嚴密堵禦臣宜

綿沿途搜捕餘匪招撫難民因受暑熱暫回興

安調理至川楚陝三省交界處所山高林密各

距所屬州縣五六百里軍糧一時備辦不及額

勒登保入陝之初仍係楚省糧員運供此時陝

糧甫經運送到營而官兵已入川境誠恐旬日

之內川省亦難趕辦臣宜綿仍飭陝省糧員源

源運送俟川省接辦有人再行回陝

同日高杞奏言查賊匪前在楚境總思搶船偷

渡沿江船隻概行提泊東岸絕其窺伺之心加

以上游汎水長發處處逆流灘險糧餉軍火挽

運甚難是以由襄至鄖一路安設臺站多集夫

騾趕運得以濟用無悞今賊已遠遁核計前運

各項存積尙多目下漢江水勢日落舟楫往來

無碍已飭令改由水運前至鄖郡轉赴竹山再

由陸路分送務使軍食充裕亦可不致多糜運

脚至川省需用軍糧前准英善福寧咨會借撥

卽經景安奏明飭令荊州府於截留湖南漕米

項下撥出三萬石解往夔府交收因值水漲封

峽船戶不能挽運前進茲自六月中旬以來晴

霽日多江水消落現已據報陸續開行臣因川

省需糧甚急嚴飭委員並沿途州縣多加緯夫

晝夜趨行到夔俾得迅速接濟其各屬民人因

知賊已勢感遂竄邊防嚴密冬已回籍復業均

奏入

上命軍機大臣傳諭勒保宜綿景安惠齡恒瑞秦承

恩日賊匪竄入陝境平利地方宜綿等不能迎頭

《聖朝聖訓卷五

六

截擊擊獲賊首又任竄入川境殊屬無能今明亮

已帶兵入川與額勒登保等合兵會剿必須併力

奮擊將張漢潮速行擒獲毋任與川省開縣新起

匪徒再行竄合至高均德等與川匪冉文傳本非

一夥今因被剿情急先後竄至大神山雖同聚一

處賊情究未必契合一經官兵擊剿誰肯捨命向

前其勢更易潰敗德楞泰所帶吉林黑龍江勁旅

及滿漢官兵共有七千餘人又與惠齡恒瑞合兵

一路聲勢更爲壯盛何閔冬日尙未奏報捷音豈

仍前尾追落後尙未能設法兜圍擒擊首逆耶惠

齡恒瑞德楞泰著傳旨嚴行申飭至楚陝地方現

已無賊但該二省與川境在在毗連難保竄入川

省賊匪不又思折回陝楚宜綿現已回駐興安景

安在房縣堵剿尤當各守疆界督率官兵實力防

《聖朝聖訓卷五

七

範其楚北之房縣歸巴一帶著責成景安督同王

凱等嚴密防堵陝省之平利西鄉一帶著責成宜

綿同關騰索費英阿柯藩等扼要堵截其漢中寧

沔一帶著責成秦承恩王文雄嚴行防守並督飭

兩省地方員弁帶同兵勇一體實力堵禦毋使川

匪闖入境內庶陝楚地方既可稍獲寧居而界連

川省之路截剿亦可得力又據高杞奏籌運軍糧

一指現在自兵截剿賊匪需糧甚急總當妥為運送無誤要需楚省民心甫經安定高杞惟當持以鎮靜綏靖地方為要

初十日王德楞泰惠齡恒瑞奏言臣等前將冉

文儔等各股匪並陝匪高均德等兩面夾擊逼

至大神山屯踞以冀次第掃除惟查各股匪眾

二萬餘人互相結寨綿亘五六十里復於山腰

設立木城深挖濠塹並與上山要路處處挖斷

而山前之打石坡喻家堖等處又令夥匪設卡

把守必須將此兩處賊卡先行政攻克方可相機

進剿當於十六日五鼓臣惠齡督率總兵李紹

祖副將關聯陞副將銜穆克登布叅將增德帶

兵進取打石坡賊卡臣恒瑞督率總兵觀祥副

將馬兆瑞遊擊岳寧阿李天林左領祿成帶兵

將馬兆瑞遊擊岳寧阿李天林左領祿成帶兵

將馬兆瑞遊擊岳寧阿李天林左領祿成帶兵

進擊喻家堖賊卡臣德楞泰督率領隊賽冲阿

阿哈保阿穆勒塔達音泰侍衛墨爾歡保副將

德寧許文謨遊擊張朋等帶兵由中路緊扼大

神山賊匪奔竄之路并為四路接應臣惠齡行

至打石坡隨督李紹祖等率兵直撲賊卡候補

千總武舉洪殿魁首先跳入卡內拋擲火彈將

茅棚焚燒我兵一湧而進刀鎗並舉連斃一百

餘人賊眾慌亂奔逸我兵奮力掩殺又斃三百

餘人洪殿魁受傷陣亡餘匪俱望大神山竄去

餘人洪殿魁受傷陣亡餘匪俱望大神山竄去

餘人洪殿魁受傷陣亡餘匪俱望大神山竄去

餘人洪殿魁受傷陣亡餘匪俱望大神山竄去

餘人洪殿魁受傷陣亡餘匪俱望大神山竄去

餘人洪殿魁受傷陣亡餘匪俱望大神山竄去

餘人洪殿魁受傷陣亡餘匪俱望大神山竄去

餘人洪殿魁受傷陣亡餘匪俱望大神山竄去

敵又見兩處賊卡已破驚慌回竄我兵攀援追殺又擊斃四百餘人餘眾俱各退回山上時已未刻該處俱無水道連日酷熱異常官兵奮力仰攻受暑甚眾祇可撤回因恐賊匪乘夜劫營當卽傳知各營將士嚴行偵伺互相援應至四鼓後果有賊眾千餘人直撲臣德楞泰營盤我兵待賊將近施放鎗礮擊斃數十人賊卽退竄

聖朝聖訓卷五

三

臣德楞泰帶兵掩殺殲戮四百餘人正遇臣惠

齡恒瑞接應前來兩面夾擊又殺死二百餘人生擒魏高等九人餘眾紛紛竄逸時尙昏夜未便窮追當捉魏高等研訊據供冉文儔等因官兵攻破打石坡等兩處卡子意欲乘夜撲營以圖報復等語餘無要供當將該犯等正法正在設法進攻間探聞高均德等有從土溪偷渡之

信臣惠齡雖前經嚴飭渠縣督率鄉勇防堵河岸究恐賊眾勇單臣德楞泰當派都司馬應國帶兵前赴土溪一帶防守並督率三匯口鄉勇頭張鵬羽冉紹新等沿河堵截以遏賊匪東竄之路猶恐大神山賊匪故智復萌思來劫營以圖牽綴隨各派將弁帶兵於大營數里外擇要埋伏以備截剿十七日三鼓竟有賊匪一股來撲臣恒瑞營盤經我兵鼓勇迎殺擊斃二百餘人賊急回竄臣恒瑞隨後追殺間臣德楞泰惠齡帶兵接應而來又經穆克登布岳寧阿等伏兵齊起三路截殺餘匪殆盡所剩二三十人乘夜逃竄適於二十日午後雷雨交加風勢猛烈遙望賊巢昏黑莫辨臣等料賊必無準備當於是晚分兵三路進取臣惠齡督兵甫行十餘里

聖朝聖訓卷五

三

聞樹林內似有往來行走之人當即派兵搜捕
 詎有千餘賊匪突然撲出當即帶兵截殺賊
 三百餘人生擒何良等三十餘人臣恒瑞一聞
 鎗礮之聲趕來接應兩面夾擊又殺賊四五百
 人餘皆乘夜分竄臣德楞泰帶兵至山下見賊
 約二千餘人潛行下山料係救援之賊當即督
 兵迎頭剿殺該匪等先自驚惶又經達音泰箭
 鏃執旂賊目一人手殺二人益形潰亂我兵奮
 勇掩擊斃賊二百餘人賊匪潰散臣等方欲接
 應惠齡一路正遇惠齡剿敗之賊竄來又復前
 後來擊斃賊淨盡旋據馬應國等稟報連日會
 同候補知府署渠縣事倪鼎銓等截擊土溪之
 賊斬獲甚眾該匪等不能竄越均已折回此時
 三匯口運道並無梗塞等語查賊匪等不能偷

渡渠河再文儻各股自必踞住大神山死守
 勢需誘賊下山設伏截剿當於二十三日晚間
 密派賽冲阿達音泰穆克登布岳寧阿等帶兵
 潛赴賊巢附近林箐埋伏二十四日清晨將各
 營撤退揚言迎剿北來賊匪是日微雨該匪等
 見我兵移動公然率眾下山竟襲我兵之後官
 兵回身截殺當有行營千總勤勇巴圖魯徐有
 山箭鏃執旂賊目一人連殺三人復有把總武
 文玉鎗斃賊人二名賊匪捨命抗拒徐有山武
 文玉俱各中鎗陣亡我兵憤恨之極奮力掩殺
 殲賊三百餘人賊慌急回奔我兵隨後追擊又
 斃賊四百餘人時賽冲阿達音泰穆克登布岳
 寧阿等伏兵齊出迎頭攔擊斃賊六百餘人餘
 眾亡命狂奔分投潰逸此次誘殺賊匪一千四

百餘人生擒雷寬等一百餘人訊據供稱以文
儔與高均德等見官兵移動趕派二千人從後
抄襲搶掠物件至冉文儔及陝省各頭人並未
下山等語當將雷寬等卽行正法臣等思此番
誘賊下山冀圖掩擒賊首乃該匪等止遣夥黨
前來未能獲一首逆現在三路合兵仍卽趕緊
逼剿務期迅掃賊巢生擒首逆奏入

聖憲聖訓

卷五

上命軍機大臣傳諭勒保惠齡恒瑞日德楞額等會
剿大神山賊匪雖將打石坡喻家垣守卡賊匪擊
退但仍未擊獲首逆一名且兩處山梁既經攻克
正當乘勢進逼賊巢乃又以該處並無水道難以
存紮仍行撤回如此則賊匪等又何能忍渴在彼
拒守可見所奏不實不過籍詞支吾以爲延挨之
計惠齡恒瑞德楞額等俱著傳旨嚴行申飭且據惠

齡等奏稱賊匪互相結寨綿亘數十里賊衆祇有

二萬餘人又經官兵分路擊剿據稱先後殲賊共

三千餘人則現在賊匪不過萬餘何能連營如許

之長且遠中間豈竟無隙可乘自當相度機宜或

擇其疎空之處破其一二營寨則其餘卽可迎刃

而解茲聞來奏乃轉爲賊匪虛張聲勢尤屬可笑

可鄙卽所稱酷熱異常官兵受暑甚衆豈官兵受

聖憲聖訓

卷五

暑而賊匪獨能耐熱乎惠齡係那延泰之子在軍
機章京上行走有年於軍務較爲熟悉此路軍務
著責成惠齡專辦不可心存觀望仍著恒瑞德楞
額泰實心幫同協力剿辦亦不得稍存推諉所有此
次打仗陣亡之行營千總徐有山候補千總武舉
洪殿魁把總武文玉俱著各部加等議卹但賊首
並未下山打仗僅令駭匪數千迎敵而惠齡等督

率如許強兵猛將與之對壘不能將賊匪痛殺以致損兵折將更爲不值伊等調度何在豈不自知羞愧耶

十二日甲戌勒保奏言臣進剿王三槐等一股賊

匪行抵大梁適值蘭芽場地方又有匪衆勾結

起事窺伺後路當經督率總兵百祥等帶兵由

溫湯井一路前進並令舒亮與知府吳桂帶領

兵勇由水田壩兩面夾攻均於十九日五更發

兵甫至石埡子卽有賊匪在彼設卡守拒我兵

搶上山梁將木柵草棚立時燒燬斃賊二百五

十餘名生擒張大有等二十八名官兵乘勝追

剿連搶王家坪荷包水兩處賊卡舒亮一路由

水田壩至董家坪隨剿隨進殺賊三百餘名賊

匪奔回蘭芽場在包兒埡東門關兩處屯紮二

日

十日寅刻臣督率百祥參將王清弼薛大烈等

直趨東門關該匪等依恃地險抵禦甚力惟左

邊箐林內另有小路一道可達賊巢當派王清

弼帶兵五百名攀援而上搶入賊卡該匪等猝

不及防頓形慌亂百祥等亦催兵競進擊斃三

四百人維時舒亮等由董家坪進攻同時將包

兒埡搶據直抵蘭芽場鎗箭所到賊屍遍地生

擒賊首洪道人一名胡秀方等二百七十五名

內有賊目吳朝景鄭科復尹生奎會維正等四

名搶獲牛馬礮位旗幟器械無算餘匪均由謝

家壩白廟子等處亡命奔竄復派舒亮百祥同

薛大烈張成王宗佑等分投抄襲二十二三等

日在向家坪後葉溝一帶痛加截殺斃賊四百

餘人餘匪卽時潰散臣正在進剿探知徐添

餘人餘匪卽時潰散臣正在進剿探知徐添

德一股賊匪竄至大寧中岡嶺因在分水河地方經觀成撥兵堵截不能衝過遂由高坪折回欲奔蘭芽場合殺富成七十五等聞信卽由觀妙山繞道抄截二十日抵蓋頂山正遇賊匪翻山而至該處溝坎層疊兩旁悉係深林富成七十五督兵下壓賊匪亦搖旂蜂擁而來相持三四時之久斃賊二百餘人賊匪始漸却退我兵卽於蓋頂山坡暫紮次日五更徐添德等聞蘭芽場之賊已經剿散轉從蓋頂後山直撲富成營盤冀圖奪路奔走當經富成帶兵迎擊正在攪殺七十五復帶領官兵兩面合擊斃賊五百餘名賊匪復由三溪溝小路滾滾竄逸直至陳家山距安樂坪數十里王三槐等因徐添德奔竄而來卽分撥匪衆於插鼓臺一碗水等處屯

刑部彙纂卷七十五

天

紮冀圖接應臣一面飛飭富成趕緊追剿徐添

德股匪一面飭令七十五帶兵暫駐走馬嶺以

防插鼓臺等處接應之賊臣於二十五日從蘭

芽場馳赴路陽三壩據報徐添德因官兵追剿

緊急不能與王三槐合夥連夜奔逃由網鹿溪

一路直至趙家場距開縣四五十里該縣防守

兵力本屬無多是以復令富成帶兵趕赴開縣

刑部彙纂卷七十五

完

俟探明賊蹤去向另行相機剿辦至插鼓臺一

碗水等處本係安樂坪進兵要道臣與七十五

踞探路徑卽於二十六日黎明由路陽三壩分

兵進剿連奪賊卡三處殺賊三四百人餘匪仍

回安樂坪一帶屯紮臣查蘭芽場股匪內爲首

係牟登元自稱元帥洪道人自稱軍師洪道人

俗名張洪均係王三槐徐添德徒弟先後勾結

陳五綱等三千餘人屯踞蘭茅場一帶五月初
間適王三槐等由開縣竄至雲陽該匪依附賊
勢肆出焚搶以圖牽綴官兵滋擾後路茲幸大
兵趕到立即殲除並將洪道人臨陣擊獲人心
無不稱快其牟登元等雖未全擒而夥黨已經
潰散現仍分撥兵勇搜剿惟王三槐一股屯聚
安樂坪或折竄開萬與徐添德同逃或東趨奉

聖朝聖恩編卷五

三

即大寧希冀苟延殘喘均未可定是以臣現在

分兵布置剋日進攻至林亮功一股竄匪節據
富森布等稟報於樊噲店毛壩子等處打仗殺
賊二百餘名二十一日追至太平屬之玉皇廟
地方與楊秀合兵剿殺賊匪三百餘名現由關
渡口一帶分投追擊臣已飛飭該鎮將等上緊
兜擒毋許稍涉疎縱所有洪道人等犯訊供後

即行分別凌遲正法此次各路打仗都司石鼎
臣郭明宗守備李連發千總吳興開李如椿五
員陣亡其餘傷亡弁兵鄉勇容俟查明咨部

勒保又奏言臣前因楚陝兩省竄匪逼近川境

節經飛飭各地方官團集鄉勇嚴密堵禦茲據

大寧縣知縣鍾蓮稟稱楚匪於六月十一日率

眾攻撲偏岩子經該縣團勇據守險要施放滾

聖朝聖恩編卷五

三

木插石匪眾退至竹谿縣屬香溪九灣經該處

鄉勇截殺一千餘人嗣又分擾大莊溪一帶卡

隘均經團勇併力擊退殺賊數十名現在賊匪

退回陝楚交界之大樹河茅壩一帶屯紮其李

全一股賊匪自陝省闖入南江該縣表良駿督

率團勇在沙河子長池等處截殺多名生擒孫

國政等七名川北道李鈺督同巴州知州常發

祥知縣楊在韶于總岳廷椿等各帶鄉勇分路馳擊復又斃賊一百餘名生擒李純修等十一名餘匪遂由巴州江口竄至達州白衣菴紮筏搶渡經知州劉佳琦督率鄉勇隔河轟擊匪衆驚潰退向江陵溪一帶奔竄該處與高均德冉文傳等盤踞之大神山等處相距不遠且據探報阮正通一股復由漢中折入南江是陝省各股竄匪俱已全數入川臣現在飛咨德楞泰惠齡恒瑞速將大神山一路賊匪趕緊殲除就近移兵以次剿辦均奏入

上命軍機大臣傳諭勒保宜綿景安惠齡恒瑞秦承恩曰勒保將蘭芽場新起賊匪剿散拏獲賊首洪道人所辦尙好但牟登元仍任竄逸各股首逆亦未擒獲一名此次剿辦教匪計川楚陝前後調派

滿漢市土兵丁及發往京兵並吉林黑龍江勁旅合計不下八萬餘名而現在川省勒保一路原帶兵丁已有萬人加以本省駐防並各標營協及土練各兵又有萬餘又續調雲貴新兵一萬此時德楞泰復帶領吉林黑龍江及滿漢官兵七千餘人明亮額勒登保又帶兵四千餘名先後馳往合之惠齡恒瑞興肇及各路鎮將等所帶兵丁通共不下五萬餘人此外尙有各處鄉勇爲數甚多試思以如此重兵會合擊剿卽兇渠巨寇亦無難一鼓掃犁况不過內地亂民勾連烏合豈有不能速行撲滅之理乃剿辦兩年有餘迄未擒渠奏績伊等捫心自問尙有何顏飾詞對朕耶勒保等如各知愧勵其矢天良速將各賊首剋期擒獲尙可稍贖罪愆仍邀恩資倘自問實在無能不能辦理完竣

亦應據實陳奏另候酌辦此時各股賊匪俱剿逼入川而各路強兵勁旅亦俱會聚川省正是極好機會勒保身為總統自當乘此兵雄將廣之時通盤籌畫擇其緩急機宜何處以偏師綴賊勿令他竄何處以全力專注兜圍截擊果能擒擊首逆幾名速行辦竣一路則士氣奮揚賊情消阻其餘各股賊匪自可迎刃而解所有此次各路打仗陣亡

剿擒逆匪方略卷五

五

之都司石鼎臣等俱著咨部加等議卹又據奏李全阮正通竄入達州南江此二股賊匪皆係德楞泰在陝時不能及早搜捕縱令入川可見前治德楞泰之罪尙爲寬宥若不速將大神山竄聚各賊首悉行擒獲自思當得何罪至川省現在大兵會擊賊匪情急難保不乘間奔突此時陝楚兩省必須於境壤毗連地方嚴密堵禦宜綿景安秦承恩

剿擒逆匪方略卷五

五

王文雄等已經分段責成務須各守邊界督率兵勇奮力截擊毋使賊匪一名闖入若稍有疎防則責有攸歸恐不能當此重戾也

欽定剿平三省邪匪方略 正編卷七十六 戊午年

七月十六日 戊寅 宜綿奏言楚匪由油榨坪翻山

因安康平利一帶防堵嚴密未得入陝已由太

平縣城奔至平壩雞公灘一帶其桃花埡一股

賊匪先由平壩竄入大竹河滋擾此股賊匪亦

有欲赴大竹河之勢逼近西鄉之鹿池壩紫陽

之毛壩關當即飛派柯藩就近帶兵八百名馳

聖署邪匪方略卷七十六

赴毛壩關堵截仍恐兵力單弱 復帶兵七百

名趕赴該處督同嚴堵復飛調關騰抽帶兵勇

由兩扇門星赴紫陽界嶺一帶分布要隘遏其

紛竄之路並於毛壩關一帶聯絡聲勢兼可策

應西鄉連日探聞額勒登保緊躡賊蹤明亮計

日亦可與額勒登保會合併力追剿如該匪等

奔向紫陽一路 正可迎頭夾擊其西鄉鹿池

壩要口業經秦承恩派令田有成就近帶領兵

勇前往並王文雄承德帶兵分投截堵 仍與

秦承恩彼此知會設法嚴密堵禦至部撥川餉

四百萬兩分為十六起行走現據委員稟報前

八起已俱解至廣元神宜驛交明川省委員接

收轉運其後八起亦於本月望前可以運竣所

撥甘糧十萬石已於前月二十日由畧陽起運

聖署邪匪方略卷七十六

一萬石入川復飭陝甘委員等多覓船隻設法

趨運並飭防堵寧羌沔縣之總兵吉蘭泰就近

督催護解入川奏入

上命軍機大臣傳諭勒保宜綿秦承恩額勒登保曰

陝省賊匪俱已竄入川境而紫陽西鄉一帶接近

太平宜綿自當與秦承恩王文雄等督率兵勇各

按分定地段扼要防堵如有闖入者即行截剿俾

陝境得就收寧而川省會合兜擊亦可得力毋稍
踈懈至張漢潮劉成棟等一股竄匪不過賊中小
頭目前經官兵由湖北截殺復自平利竄入太平
勢已窮蹙明亮額勒登保等帶兵追剿豈尙不能
撲滅何以又隔旬日未據續有奏報明亮額勒登
保與肇俱著傳旨嚴行申飭

二十日壬午額勒登保與肇奏言竊臣等剿賊入

《聖朝聖訓卷夫

三

川卽由太平所屬之兩扇門平溪河高溪場一
帶進擊於袁家廟渡口場等處經官兵將賊匪
圍截賊衆尙敢執持白布大旗哨聚放鎗捨命
抵拒我兵馳馬衝突鎗箭並發斃賊紛紛賊始
潰敗官兵等盡力窮追在托溪河木瓜壩一帶
殲賊六百餘名賊匪四竄遁入深林該處係太
平邊界毗連開縣東鄉地本遼澗可通縣治之

路亦多臣等正在相度山勢一面杜其侵入縣
城一可緊躡剿辦復據同知淡士灝太平令鍾
蟠雲稟報有由大寧境內闖入賊匪一股在該
縣之平壩等處又有開縣竄匪一股由太平東
界毛壩子奔竄後河羅紋壩等情此等賊匪自
係川省剿急竄出之賊更應一鼓殲除臣等遂

分兵三路臣額勒登保帶領豐紳格布合楊遇

《聖朝聖訓卷夫

四

春汪啟爲一路臣與肇帶領巴克坦布那全喜
卜產豆爾劉瑞爲一路並令綸布春帶同噶拉
噶達爾倭什渾多爾濟扎普富里善德明泰爲
一路以便到處截殺乃賊匪張漢潮等自袁家
廟敗竄之後一見官兵輒於無路處翻山奔逸
臣等察看山頭並詢訪土人覓路發兵於方家
灣老鴉口白筭坪七里溝石蓮花橋壩嘴大巖

等處叠次抄擊有時迎遇賊復掉頭折竄有時

兩路截在深溝賊又從旁翻越因山路過險祇

可步行至草場場錦雞場白楊廟顧金壩等處

臣額勒登保帶兵緊躡賊蹤追殺 臣興肇亦即

從舊縣壩右手抄入顧金壩綸布春帶兵橫出

中河楊柳池至顧金壩三面官兵圍繞此一帶

河流錯出官兵等蹈水盤旋奮擊數時自辰至

剿平三省邪匪方略 卷七六 五

酉斃賊一千餘名滾崖跌斃者亦復不少餘賊

又向官渡西南東鄉開縣交界分股奔竄先後

生擒鄭有朋等三十五名訊係從逆日久之犯

據供張漢潮等叠經官兵追剿亡命奔逃有時

說要由通江巴州至陝西有時說要尋覓王三

棍大眾合夥游移無定餘無要供當俱正法現

在平壩之賊既經剿潰是否餘匪歸入張漢潮

等一股及開縣竄來之賊又竄往何處未得確

信至賊之詭詐於逃竄時往往恃其人眾作為

數股意欲分我兵勢 臣等所領兵三千餘名不

得不分頭趕擊層山峻嶺賊匪亦無能窺測若

遇平行之處未免稍單然此時賊眾已歸逼在

川而川省各路俱有官兵分剿頃接明亮來信

已帶兵由太平之北白沙河一帶迎擊前來不

剿平三省邪匪方略 卷七六 六

日可與 臣等會合一切更當與之熟籌趕辦以

期迅速擒渠奏入

上命軍機大臣傳諭勒保惠齡恒瑞明亮額勒登保

德楞泰日額勒登保等在太平縣境剿殺賊匪祇

不過東追西逐情形並未將張漢潮等拿獲且於

該匪現竄何處亦未知確實而明亮又因擊剿白

沙河竄匪尚未趕到會剿伊等所辦何事若再不

能確探賊蹤即時撲滅則罪上加罪伊等尙思倖
邀曲貸耶至勒保原帶兵丁合之雲貴新兵共有
萬餘豈不能兜截奮擊拿獲首逆而惠齡恒瑞德
楞泰等剿辦高均德等賊匪兵力尤強况高均德
阮正通冉文壽等同竄大神山並於山腰刨挖濠
塹掘斷山路是其勢已成困守惠齡等帶領如許
強兵勁旅總不能設法兜圍直攻巢穴將首逆按
名擒獲且賊首王廷詔近來總未提及究竟會否
殲斃抑在何處竄匿亦著查明具奏卽此可見伊
等竟覲然安坐營寨不過分遣將領帶兵追躡僅
據各路稟報打仗殺賊情形撫拾塞責如此又安
用總統及各路領兵大員爲耶勒保惠齡恒瑞德
楞泰著嚴行申飭卽伊等自問官在無能亦應將
現在如何設法運籌之處據實詳奏乃伊等總未

聖朝聖鑒編卷夫 七

切寔奏覆是誠何心豈竟不知感動坐視朕焦勞
莫釋耶
二十二日甲申惠齡恒瑞德楞泰奏言查冉文壽
等各股賊匪屢經被殲惟恐官兵進逼每日添
卡挖濠搬運木石而於土溪一帶又遣賊人砍
木紮筏思欲偷渡渠河以爲緩則固守急則奔
逃之計臣德楞泰於七月初四日由土溪三路
進兵攻至望生坡獲賊一百餘名一面復派遊
擊伯明都司馬應國帶領兵勇八百名夜半由
李福溪林壩溪過河於西山後林內埋伏並令
林壩溪河東鄉勇暫撤至福長寨預爲伺備示
以東岸無人該匪等必來探水偷渡以期截殺
臣惠齡恒瑞探得香安坪土門壩一帶山梁爲
賊人出入路徑當卽知會德楞泰從賊巢東

聖朝聖鑒編卷夫 八

鷹嘴巖進攻以牽其勢臣惠齡恒瑞從賊巢西面玉皇寨一帶山梁分攻香安坪土門壩賊卡並派總兵觀祥副將凝德德忠穆克登布等各帶兵丁四周埋伏以爲接應七月初五日五鼓同時進發臣惠齡督率總兵李紹祖副將關聯陞佟世徵叅將增德等帶兵進攻香安坪賊卡賊人率衆抗拒我兵奮力進撲卽時將卡墻打

聖朝實錄卷之九

九

破殲賊三百多人賊衆奔潰生擒周貴等二十餘人奪獲刀矛一百五十餘件臣恒瑞督率副將馬兆瑞遊擊岳寧阿李天林佐領祿成等帶兵進抵土門壩督令併力攻撲相持未久當將賊卡打開殲斃二百餘人賊始驚竄臣惠齡恒瑞合兵一處正在拿卡詎該匪等狡詐百出鳴鑼擊鼓約二千餘人從三板場鼓噪而來欲撲

官兵又有一股賊匪約一千餘人從金家場撲來在官兵北面吶喊而東西兩面各有賊匪一

二千人冀圖邀截官兵臣惠齡恒瑞督令李紹

祖關聯陞馬兆瑞岳寧阿等分頭迎剿當有凝

德德忠各領兵丁從外奮勇殺入斃賊一百餘

人我兵見有接應人人用命兩面夾擊又斃賊

六七百人生擒一百餘人是時三板場賊匪正

聖朝實錄卷之十

十

在紛紛上山適觀祥帶兵趕到趁勢下壓斃賊

八九十人賊匪折回逃竄官兵從後掩殺又斃

賊四百餘名賊衆驚慌無措滾崖墮澗惟時金

家場一股賊匪搶上山包正來攻撲副將銜穆

克登布帶兵迎擊首先斃賊二人我兵奮勇截

殺當斃賊三百餘人賊人驚惶奔逸我兵乘勝

掩擊又斃賊二百餘人餘匪各從坡坎竄逃臣

惠齡恒瑞聚集各兵當將香安坪土門堽山梁

佔踞並乘勝奪獲山坡下賊營三處臣德楞泰

督率領隊賽冲阿温春阿哈保阿穆勒塔達音

泰副將德寧遊擊馬瑜等帶兵進至鷹嘴巖據

報李福溪一帶有賊二千餘人潛至河邊思欲

搶渡臣德楞泰即帶兵趕至李福溪已經前派

之伯明馬應國帶領伏兵迎頭截擊殲賊二百

聖朝聖鑒編卷七

十一

餘名臣德楞泰從後抄殺又斃四百餘人割獲

首級一百餘顆淹斃者約六七百人生擒周德

勝等四十九名訊據供稱我等係高均德手下

人高均德龍紹周派令頭目朱金祿等帶領夥

匪二千人因見東岸無兵把守思量偷渡過河

高均德等隨後亦要逃走今被官兵截殺殆盡

朱金祿又被射死等語餘無要供當將該犯等

正法臣等此次三路官兵統計殲賊三千餘人

而首逆未擒寔深憤恨查各股賊匪聚於一處

臣等自北兜剿勢不能折回北竄而渠河一帶

屢經我兵截殺偷渡無方此時屯踞大神山不

過恃眾據險正可聚而殲擒臣等飭令三匯口

蚊蟲溪各河口地方多撥兵勇嚴加防堵臣等

三面環攻逐層進逼以期掃除各逆奏入

聖朝聖鑒編卷七

十二

上命軍機大臣傳諭勒保惠齡恒瑞曰此次惠齡等

分兵三路設法攻擊雖將香安坪土門堽賊卡佔

據各路殲賊三千餘人畧形振作但前據惠齡等

奏大神山之打石坡喻家堽為賊匪要隘業經攻

克自可乘勢直前擒拿首逆今又未能直搗巢穴

僅攻克賊卡二處是所奏情形仍不過藉詞展緩

二奏塞責惠齡恒瑞德楞泰仍著嚴行申飭現在

攻克之地係附近賊巢爲賊人出入必由路徑惠齡等已合兵一處擊卡圍逼是其要隘已失無可拒守而渠河一帶偷渡之賊又屢經官兵截殺無虞東竄且據奏此次賊匪分路攻撲營盤不過四五千人而惠齡德楞泰等兩路所帶官兵共有萬餘務須督率將士三面環攻直搗賊巢速將各賊首按名拏獲總之打仗殺賊全在統兵大員親臨行陣身先督率將士方能用命凡兵丁可到之處惠齡等亦必當身臨其境督兵奮擊毋得僅在後隊以致將領兵丁羣相觀望至勒保身爲總統尤當將王三槐股匪速行掃蕩移師擇要會剿今以如此多兵辦此無多賊匪遷延時日尙爲牽綴不能迅就殲除又安望其能將各路剿捕機宜運籌調度耶

欽定剿平三省邪匪方略

正編卷七六

三

二十四日^{丙戌}勒保奏言^臣自將蘭芽場新起賊匪剿散之後卽由山路陽三壩進兵連奪一碗水等處賊卡所有王三槐冷添祿大夥賊匪仍退回安樂坪一帶屯聚節次拿獲活賊訊據供稱王三槐等屢經官兵剿殺狂奔天氣暑熱情形極爲狼狽嗣到安樂坪^臣因地方險峻可守是以冷添祿等商量暫行屯紮^臣通籌大局川省賊勢旣形散漫而王三槐徐添德兩股尤爲兇悍梁魁徐添德一股前由陳家山奔竄已經^臣飛飭富成帶領官兵緊追剿至王三槐等旣已屯紮安樂坪正應併力進攻惟該處地方險峻四面層山該匪等復於要隘處所修砌木城石卡守禦甚固^臣踴探路徑除走馬嶺正路之外其西南之將軍梁東北之芝蔴嶺兩處尤爲險

欽定剿平三省邪匪方略

正編卷七六

四

要_臣於初二三等日先派艾如文及穆克登阿

分帶兵勇將雲陽大寧兩面賊匪出沒道路拿

卡堵截並派舒亮與知府吳桂帶兵於大興場

駐劄以壯聲援初四日五更密派七十五帶兵

一路進攻將軍梁富爾賽帶兵一路進攻芝蔴

嶺_臣帶兵由走馬嶺正路進發隨時調度七十

五富爾賽等同時並發守卡賊匪一見官兵驟

製通鑑纂要卷夫

五

上均各上前抵禦我兵奮勇接戰直上山梁斬

獲甚眾當將將軍梁芝蔴嶺奪據次日五更忽

有賊匪七八百人蜂擁直撲大興場一路營卡

冀圖_臣竄經舒亮等督率兵勇迎頭截擊

斃賊二百餘人賊眾驟退適_臣分派百祥帶兵

策應從大興場山溝抄出痛加截殺橫屍遍地

生擒杜學成等五十六名訊據供稱安樂坪大

山周圍八九十里除修砌木城石卡之外其餘

上山小路概行挖斷原想搜聚糧食待到秋涼

再定去向因連日官兵攻打緊急恐守不住所

以先派我等下來如衝得出去王三槐等隨後

逃走餘無要供隨將該犯等正法初七日寅刻

_臣復督率七十五百祥等分兵三路進攻安樂

坪之前祖師觀山梁並令富爾賽舒亮穆克登

製通鑑纂要卷夫

六

阿各帶兵勇從安樂坪東北覓路而進以分賊

勢是日七十五百祥催兵競上各兵勇攀援樹

根石角迅越陡坎五層賊匪望見亦即鳴鑼吶

喊陸續聚集我兵鎗箭並發拋擲火彈打開木

城兩座殺賊三百餘人賊匪施放滾木插石抗

拒甚力_臣察看祖師觀之左有廣木山大梁一

路較為得勢遂令百祥等帶兵於祖師觀下悉

力相持七十五分帶官兵出其不意疾趨廣木
山連奪賊卡三座殺賊四百餘人餘衆仍退向
安樂坪祖師觀一帶據險拒守其富爾賽等所
帶官兵分投攻剿連克季家臺對我來二台山
仙人洞等處賊卡殺賊三百餘人惟逼近賊巢
有木柵一道賊匪狙伏兩旁飛石如雨兵勇不
能竟上遂於季家臺一帶拿卡與賊巢對拒如
能仰仗

聖諭

七

天威乘其踞險負嵎分兵圍捕自可迅擒首逆至徐
添德等一股賊匪經富成帶兵追剿沿途均有
斬擒該匪等捨命狂奔由開縣新寧邊界竄至
梁山之新場土門場等處焚擾經署梁山縣知
縣方積帶領鄉勇迎頭截擊殺賊一百餘名初
一二等日富成追至楊家嘴一帶連次邀擊殺

賊一二百名至三四百名不等生擒蘇元貴等
二十三各隨卽正法匪衆均由老鷹場一路奔
竄臣現經飛飭梁山竹塾江等縣偵探賊蹤
分布鄉勇認真堵禦並令富成督率官兵趕緊
截剿毋許稍存觀望此次攻剿安樂坪遊擊王
宗佑因奮勇撲卡中鎗陣亡七十五舒亮均有
受傷都司梁時豐馬驥受傷甚重其餘傷亡弁
兵鄉勇另行查明咨部

聖諭

六

勒保又奏言查川省賊匪股數本多情形較爲
散漫除王三槐徐添德兩股大賊匪衆外如林
亮功一股由太平縣屬關渡口一路竄逃經富
森布並參將姜敏功等於二十三十四等日在季
家坪構皮壩等處分投掩殺斃賊四百餘名生
擒何大珍等六十九名又於二十八九等日在

雞公梁貓兒跳一帶截殺二百餘名生擒傅珍等三十九名餘匪正在窮蹙狂奔之際適陝匪李全一股由達州江陵溪關入東鄉縣屬胡家場一帶與林亮功合夥臣已嚴飭富森布等趕緊剿洗其王光祖一股本係楚匪前隨王三槐徐添德等一路逃竄嗣因大寧各卡堵禦甚嚴未能衝突回楚遂即折入太平縣境三溪子地

製看龍鳳呈瑞卷夫

九

方現准額勒登保知會張漢潮一股賊匪前由楚省竄至平利被剿情急業已闖入太平縣雙扇門一帶該處即與三溪子相距不遠勢必乘間竄合臣隨飛飭楊秀帶領官兵馳赴城口一路迎擊但該處地廣兵單恐難堵禦嚴密因查此時楚匪既由平利闖入川疆陝省並無另股賊匪所有沿邊地方本有永德王文雄柯藩田

有成及道員溫承惠文需等帶領兵勇分投防堵宜綿秦承恩復又分駐興安漢中足資捍衛是以飛咨明亮速帶官兵趕緊來川與額勒登保等分投夾擊以期剿辦得力至高均德等股竄匪自與冉文儔合夥後現仍屯踞大神山其羅其清一股亦於箕山屯踞互相狼狽經臣節次飛催惠齡恒瑞德楞泰等合兵攻剿尙未次第殲除並查大神山一路南即渠河綿亘百數十里可以躡渡之處甚多而官兵俱在東北一帶是以臣先經飭令該處附近之廣安大竹等州縣各募鄉勇二三千名協同渠縣本境鄉勇分段防守嗣該匪等節次由土溪李福溪一帶紮筏搶渡均經鄉勇擊退惠齡等自已隨時具奏此外阮正通一股前由漢中折入南江經該

製看龍鳳呈瑞卷夫

十

令裴良駿帶領鄉勇於土地壘平河等處截殺
 一百七十餘人生擒郭金山等二十四各總兵
 德齡道員李鉉等督率兵勇在巴州酒店壘等
 處堵禦殺賊一百餘名生擒傅潮剛等十二名
 餘匪遂由石壘場竄入儀隴境內臣因德齡所
 帶兵力無多現飭道員李鉉挑派巴州儀隴兩
 處團勇設法圍圍臣惟有與各路帶兵大員和
 衷商確策勵將士趕緊進攻總期次第殲擒肅
 清川境再查觀成劉君輔自老木園剿賊竣事
 之後當經臣派令在蒙州一路安設營卡分投
 堵禦洵屬奮勉出力倘蒙
 皇上逾格施恩將觀成補授西安副都統劉君輔補
 授建昌鎮總兵不特伊等感激奮興力圖報効
 卽各路帶兵大員更足以知觀感於軍務是為

欽定剿平三省邪匪方略 正編卷七六

有益至老木園一帶打仗殺賊之將備人等謹
 將實在受傷出力者五員開單呈
 覽均奏入
 上命軍機大臣傳諭勒保惠齡恒瑞富成明亮額勒
 登保德楞泰日連日盼望勒保捷音極為殷切今
 據奏到剿辦賊匪情形仍不過攻克將軍梁芝蔴
 嶺等處山梁殺賊亦屬無多首逆尙在安樂坪竄
 聚並未拿獲一二名空言何益其所奏各路剿
 辦賊匪一摺亦不過分投追躡並未肅清一路
 似此輾轉遷延動爲賊所牽綴何日始能辦竣勒
 保所帶官兵不爲不多今王三槐等竄匿安樂坪
 將路徑概行挖斷其勢不過負隅困守安能日久
 支持且賊匪緊要卡隘俱被官兵奪獲所恃者木
 柵一道豈尙不能毀柵擒巢擒拳首逆勒保身爲

一一〇五

總統不可因賊賊較多心流意亂惟當加倍策勵
 速將此股賊眾即日殲除移師要隘督率各路將
 領兜擊截剿此次七十五以提督大員親身督兵
 殺賊受傷尚為奮勉著賞給喜字玉搬指雕漆鼻
 烟壺大小荷包以示獎勵仍著上緊醫治痊愈勒
 保若能奮勉立功自更當懸膺渥賞豈可不知自
 勵耶陣亡遊擊王宗佑著各部加等議卹至徐添
 德一股現經官成督兵追剿何以尚未辦竣富成
 已加恩擢任將軍非鎮將可比務須加倍出力速
 將賊首拿獲朕必當重加恩獎

上諭內閣曰勒保奏剿成劉君輔在安州一路安設
 營卡分投堵禦尙屬奮勇出力觀厥著加恩補授
 西安副都統劉君輔著加恩補授廷昌鎮總兵其
 在老木園打仗殺賊受傷出力之將備參將呂朝

龍著賞給副將職銜遇缺補用防禦崇喜著賞戴
 花翎候補守備虎正林守備劉正順俱著賞戴藍
 翎千總傅廷剛著以守備陞用

二十六日戊子明亮與肇奏言查賊匪張漢潮等
 被剿情急亡命奔逃川中賊匪又復潰而四散
 時分時合連日仍在太平縣境深林峻嶺盤折
 逃遁額勒登保與臣興肇帶兵分路由葫蘆壩

官渡茅坪戴家壩等處截擊沿途斬戮三百餘
 名臣明亮自白沙河石塘壩龔家壩一路迎擊

節次殲賊二百餘名生擒會起榮等二百三十
 七名因緊截賊蹤無暇細訊除將從賊打仗者
 正法八十六名外其餘分交太平通江各縣研
 鞫辦理官兵節日前進十一日午間兩路官兵
 均抵長壩地方該匪等正在擄掠不意官兵猝

至甚形惶懼又復狂奔我兵分合克剿趕殺數
十里至滾嶺坡一帶山勢亦甚陡險賊匪分股
爬坡下溝而竄時已薄暮暫行駐營是日斃賊
七百餘名生擒姚遇順等七十七名內有賊目
田進方訊據供稱張漢潮等入川本欲與王三
槐等合夥近有王光祖一股賊匪從太平之平
壩等處前來竄合說各路官兵追剿緊急林亮
功等亦在潰竄張漢潮等實在畏懼旋折奔逃
王光祖竄合後亦係分投覓食並不常在一處
聽說要往通江巴州一帶山險處潛匿等語餘
無要供當卽分別凌遲正法臣等聞林亮功一
股賊匪又折回開縣地界已經勒保派有富森
布等帶兵趕剿張漢潮等現向通江界內逃逸
臣等於十二日五鼓仍卽發兵前進抄截惟是

聖祖聖訓卷六

三

額勒登保終日奔馳兩旬以來感暑暑雨飲食
日減精神疲憊幾至不能起立查滾嶺坡距太
平縣一百數十里臣等因囑令前往調理其原
帶之綸布春及官兵等俱卽隨同臣明亮等前
進設法兜剿此次打仗前鋒委驍騎校肅德輝
亡其餘兵丁間有傷亡另行咨部

聖祖聖訓卷六

美

同日英善福寧奏言竊臣等接據川北各州縣
稟報李全阮正通二股賊匪自陝竄入又准明
亮額勒登保來咨追剿楚匪已由太平縣城
一帶赴川是陝楚各匪均已入川大兵分投剿
捕糧餉軍火臣等悉心籌辦均皆豫飭各員妥
爲承辦源源接濟現在太平一路楚匪猝至並
據東鄉縣稟報前河中河後河地方均有賊匪
滋擾運道阻塞勢難安設糧站當卽先將銀一

萬兩挑選精壯鄉勇百名各令各手持軍器各懷元寶二錠由山僻間道翻山奪路而進即路遇零星竄匪亦可併力格鬪共相保護現據報已將銀一萬兩送至太平接收至所需軍糧一面飛咨秦承恩轉飭陝省糧員暫行照舊供支一面選派妥員馳往俟道路稍清即行接辦其惠齡恒瑞德楞泰一路官兵糧餉距達較遠已

《欽定四庫全書》

七

飛飭保寧順慶兩處分投趕運所有續請餉銀已陸續趕解來川_臣等嚴飭各路糧員均須力為撙節如有浮濫供支即著落承辦之員賠補至前撥甘省麥石據報頭運一萬石於六月二十日自畧陽起運刻下已抵廣元_臣等飭令川省委員趙運保寧順慶交收隨時磨麵以便搭供附近各營兵糈均奏入

上命軍機大臣傳諭勒保惠齡恒瑞明亮德楞泰福寧曰明亮等會剿賊匪祇係跟蹤追捕殲戮亦屬無多並未將此股竄匪剿淨實屬無能張漢湖劉成棟等屢經敗竄明亮等在陝時帶兵追剿仍任竄入太平已屬延緩今到川會擊又不能上緊搜捕復任與王光祖竄合所辦何事著再傳旨嚴行申飭昨據勒保奏已派楊秀帶兵馳往迎剿而宜

《欽定四庫全書》

天

綿等又在川省接壤處所扼要堵剿明亮等更可與楊秀兩面夾攻速擒賊首至額勒登保因感患暑熱不能帶兵留於太平醫治惟當上緊調理以期病體全愈再行趕赴會剿其打仗陣亡之委驍騎校蕭德著咨部加等議卹至王三槐一股賊匪昨據勒保奏業將安樂坪賊卡攻克逼近賊巢是賊匪不過踞守一隅勒保正可乘勢攻擊即賊匪

設立木柵亦僅能阻擋一面其山梁旁近必別有
路逕可以乘虛進擊賊匪豈能面面抗拒惟當察
看形勢於賊蹤出沒處所預行設伏或故示以隙
誘令下山俟其奔竄時伏起擒拏是亦誘敵之一
計若專注一處惟知與賊相持既不能直搗賊巢
追賊匪由他路衝出又不能迎頭兜截復成尾追
則首逆於何日始能就獲耶此時川省正在分路

聖諭

天

進剿糧餉關係緊要英善現今回省辦理鄉試監
臨福寧務須妥為籌備無悞要需至勒保及帶兵
大員等俱係受恩深重之人不但不應速擒賊首
惟知坐支廩給已屬辜恩若再任意多糜尤屬天
良漸盡國家經費有常倘軍務一日不竣不但需
費不貲卽轉輸供億尤多煩擾豈得仍前泄泄
不急思成功完事共圖搏節耶

二十九日辛卯由雷齡恒瑞德楞泰奏言竊照冉文

偉與陝匪高山德等各股賊匪屯聚大神山經

臣等將香安坪土門亞賊卡奪佔並截殺李福

溪偷渡各匪賊人勢甚驚惶刻思逃遁而三匯

一帶又經臣德楞泰派遊擊伯明都司馬應國

帶兵一千名會同署渠縣事倪鼎銓派撥鄉勇

日夜沿河堵禦不致竄越自應乘勢進剿查賊

聖諭

天

巢南面距三匯大河不遠而沿坡賊卡林立未

易進兵須東而北三面潛行襲剿如能打破賊

巢卽有竄逸賊匪前阻大河正可從後掩殺逼

剿入水臣等當於七月初十日分兵三路同時

進攻臣惠齡督率總兵李紹祖副將關聯陞副

將銜穆克登布馬國統攻取西面臣恒瑞督率

總兵觀祥副將烏兆瑞德忠遊擊岳寧阿帶兵

從北面進攻臣德楞泰督率領隊賽冲阿阿哈

保達音泰副將德齡遊擊馬瑜帶兵由東面進

剿均於四鼓起行攀崖陟嶺而上臣惠齡鼓勵

將士當將賊巢西面一帶木柵打開一湧而入

連拋火彈立將賊人茅棚焚燒賊匪從睡夢中

驚醒昌烟衝出者約三四百人俱被官兵殲斃

臣恒瑞督率官兵奮勇搶上山梁直隸把總張

《聖朝通志卷六

三

奇首將北面賊卡砍開拋擲火彈各處焚燒殺

斃三百餘人張奇中鎗陣亡其東面賊卡臣德

楞泰督令官兵奮勇搶撲賊匪猝不及防都司

李東山跳上卡墻砍死賊匪數人我兵相繼競

進遂將賊卡攻破鎗箭並發殺賊四百餘人臣

等遂合兵攻撲賊巢正在短刃相接忽有賊匪

二千餘人從官兵後面趕至抵死衝突以為羣

縱而火光中遙見賊眾均向西南大山一帶紛

紛竄逸臣等料其不能由三匯口渡河第恐折

往靜邊寺一帶竄赴箕山與羅其清一股勾合

臣德楞泰即帶領巴圖魯侍衛富森德等率領

索倫吉林官兵抄至黃渡河迎頭截剿並派領

隊賽冲阿温春等帶兵前赴羅市橋一帶截剿

又派副都統阿哈保阿穆勒塔等帶兵前赴小

《聖朝通志卷六

三

山寨一帶埋伏臣惠齡恒瑞分督官兵將抗拒

之賊奮力剿殺當斃六百餘名餘賊四散奔逃

我兵分投掩殺又斃賊二百餘人臣惠齡恒瑞

隨即帶兵追殺兩日一夜十二日辰刻趕至靜

邊寺又殺賊三百餘人聞前路鎗礮之聲甚緊

臣惠齡恒瑞催督官兵馳抵黃渡河時臣

德楞泰正在河口截殺斃賊一千餘名賊眾沿

河亂竄捨命搶渡臣 惠齡恒瑞由左手抄擊臣 德楞泰仍帶索倫吉林官兵由右手截剿殺死及淹斃者約一千餘人生擒鄧宗文等五百餘名臣 等正在帶兵渡河忽見對岸騎馬賊匪數百人蜂擁而至臣 德楞泰即帶馬隊官兵先行渡河臣 惠齡恒瑞帶領步隊官兵踏淺急渡該匪等直撲步隊勢甚猖獗我兵半渡之際毫不慌亂俟賊臨近鎗箭齊發連斃二三十人賊匪愈聚愈眾臣 德楞泰帶領馬隊由賊後奮力掩擊見有手持大旗賊目四五人來往指揮當有索倫佐領世襲輕車都尉阿勒唐古爾衝入賊隊箭斃賊匪十餘人中鎗陣亡我兵人人憤恨一湧前進待衛勇森德箭射執旗賊目左勝帶箭脫逃又有索倫委驍騎校五十五鎗斃執

旗賊目一名遊擊張鵬射死身穿蟒袍賊目一名賊始慌亂臣 惠齡等帶兵上岸督率官兵兩面合擊殲賊四百餘名餘匪紛竄適有賽冲阿阿哈保等兩路官兵追殺各處理伏接應賊匪四散奔逃臣 等隨即迎頭截擊又斃賊六百餘人生擒黃仕焜等二百餘名餘匪俱竄向龍鳳坪大包山一帶時已天黑暫行紮住臣 等當提鄧宗文黃仕焜等研訊據供冉文儔與高均德龍紹周禹斯珍龔建王正潮等六姓賊首共有二萬數千人屯踞大神山一帶初十日官兵半夜進攻打破卡寨頭人等分路逃走不能偷渡渠河即從靜邊寺河邊逃走想到箕山與羅其清合夥又被官兵趕至黃渡河殺死幾千人陝西大頭目禹斯珍中鎗身死高均德左勝帶箭

脫逃穿蟒袍者是冉文傳之弟冉文宇又被射死等語餘無要供當將該犯等正法查此次各路殺賊共四千餘人又自行投首馮秉鈞楊示祥等四百三十六名當卽訊明委係營山縣地方被擄百姓逐一分別釋放惟冉文傳等仍未生擒_臣等寔深憤懣慚惶現在該匪等竄往龍鳳坪一帶自當竭盡心力分兵抄賊之北相機兜剿以期生擒元惡掃盡餘氛奏入

上命軍機大臣傳諭勒保惠齡恒瑞德楞泰曰此次惠齡等分路乘夜進攻打破賊卡痛殲賊衆四千餘人所辦較爲振作但賊目禹斯珍之名從未奏過而且並未生獲雖經鎗斃不足爲功然賊匪經此痛剿已有潰散之勢惠齡等惟當趁此時督率官兵緊躡賊蹤或繞前抄截或分路兜擒或用間

計誘况高均德業被箭傷且不能遠竄務須乘此勝勢卽行擒獲而冉文傳等之勢更孤亦卽可迅就殲擒一俟肅清此股_以匪卽可移師擇要會剿其陣亡之索倫佐領阿_以唐古爾把總張奇俱著咨部加等議卹

欽定剿平三省邪匪方略正編卷七十七 戊午年

八月初二日 癸巳

上命軍機大臣傳諭勒保宜綿惠齡恒瑞明亮德楞泰日勒保初抵川境尙能振作乃自專剿王三槐股匪以來從歸江市逼向達州復由達州折回開萬一帶近又竄安樂坪往來奔逸半載有餘迄未擒獲首逆肅清一路僅以虛詞延挨搪塞伊為總

剿平三省邪匪方略

一

統不能決機制勝何以爲各路領兵者表率至大神山賊匪雖經惠齡等剿散而首逆高均德等又向龍鳳坪大包山奔逸張漢潮劉成棟等不過賊中小頭目勢已潰散更易殲除明亮等帶領如許勁兵何以追剿多日總未見奏報成擒尤屬延玩總之著名賊首係王三槐徐添德高均德冉文偉羅其清等數犯若能擊獲二三名則其餘黨夥失

所倚恃自必紛紛潰散卽可以次殄平無如伊等

並不身先士卒鼓勇直前賊匪藏匿山中則云路

途險仄難以進攻賊匪四出奔逃則云地方散漫

不能邀截曲宥之而不知勸切責之而不知懼冥

頑不靈形同聾瞶勒保惠齡恒瑞明亮德楞泰與

肇俱著傳旨嚴行申飭倘不能於八月內一律辦

竣仍前觀望以致師老餉糜軍律恭嚴勿謂可以

剿平三省邪匪方略

二

倖免稟之慎之

初四日 乙未 明亮與肇奏言 臣 等因額勒登保暫

留太平調養當卽統率兩路官兵緊蹙賊蹤於

十五六七等日截殺後隊計一千三百餘人賊

匪捨命前竄察其行徑總在通江之北陝省接

壤隘口游行並分三股接續衝突意欲逸出川

境連據擊獲活賊僉供賊首詹世爵係管藍號

一股張漢潮係管黃號一股李槐係管白號一股稱爲三大帥共有三萬餘人因在湖北連被官兵殺死萬餘人原欲逃至陝西漢中一帶渡江北竄前月底到平利地方聞有官兵從興安迎擊又有大兵追殺無奈奔入四川今已無暇搜擄人口糧食又不敷用詹世爵出令將三號駁黨分爲三隊要看陝西隘口何處兵少卽從

剿平看邪學彙編卷七

三

何處逃出等語伏思官兵等被賊匪牽綴在深林密箐之中設不繞出賊前迎邊雖日有擒殺仍不能破其謫計十九日據常探千總向明山報稱賊匪現走之路均兩面陡山蹊徑窄隘勢難得手跔得火箐子石梁洞路一道危險異常可以出其不意抄出賊前臣等當派副都統綸布春原任護軍統領愛星阿副將楊遇春侍衛

噶達飛噶拉黑龍江總管富里善等帶領吉茲索倫馬隊由此抄進臣明亮督兵儘力自樓子一帶前進壓剿猶恐前後夾擊該匪復扒山散竄臣興肇率協領德明泰巴圖齊齊哈爾總管都當阿並荆州滿兵由潮水壩北面山梁老林後相度賊蹤越過半山以便邀截圖桑阿同副將多爾濟扎普豆爾參將楊奎猷遊擊應元寬

剿平看邪學彙編卷七

四

張雲寺山竹雞溝一帶上右山梁鎮臣長春同副將德明額遊擊游棟雲守備王承傑陳應彪屈端等由壩峪一帶上左山梁以備橫衝攔剿玉路分布星夜前進二十日辰刻綸布春愛星阿行抵清池子山口遙見賊匪飛奔而來當卽策馬下山無如亂石疊疊難以著足乃牽馬跳越而下頭股黃號已望見飛遁比及隘口綸布

春等截住白號大半卽用鎗箭殲斃甚多餘匪
驚慌退走時各路圍圍漸近約計不過三四里
聲勢聯絡臣飛行知會各路乘此合攻山頂號
礮一發各路並進殲斃一千餘人瞥見藍號賊
匪散竄老林藏匿思欲掩截官兵後隊乘間突
走經臣與肇白山腰斜出壓下斃賊無算該匪
直奔後路臣明亮已督兵排立施放進步連環
愈迫愈近擊殺六百餘人該匪遂與白旗賊眾
合成大隊欲併力衝出有藍白帥字大旗二面
左右招轉我兵盾密拋裹爭先用命自午至申
殺賊不下三千餘人該匪始猶短兵接仗繼遂
拋棄器械分頭覓路逃命綸布春等用馬隊攔
截愛星阿射死藍旗下騎馬賊一人圖桑阿長
春等兩路又憑高用木石擲打該匪無從肆遁

欽定剿平三省邪匪方略

正編卷七七

欽定剿平三省邪匪方略 正編卷七七

半皆跳崖撞石自斃除各路生擒五百六十一
名外餘皆用鎗礮轟擊無遺旋訊活賊鄭自珍
等供稱三股頭目輪日衝先行走今日是張漢
潮在前伊手下有五六千人先走者不過二千
人其餘同藍號四千餘人皆是精練矛子手留
後打仗不料四面圍住皆被官兵殺盡詢以詹
世爵李槐所在隨於活賊內指出白號賊首李
槐一名已經官兵砍落左手腕又於斃賊內指
出藍號首逆詹世爵一名業已穿腹射死分別
質認眾供確鑿無疑隨將該二逆嚮剖示眾查
詹世爵係與姚之富高成傑在襄陽首先起事
之人現在三股賊匪悉聽其號令今已被殲戮
請將該二逆首級傳示川陝湖北各省以快人
心而彰

欽定剿平三省邪匪方略

正編卷七七

二二五

國憲現探張漢潮捨命前遁仍向北行走此一帶均與陝省之南鄭等處毗連所有邊界籌防已據宜綿各稱分布嚴密臣明亮現復飛咨宜綿秦承恩王文雄等相度攔截該匪經此番痛剿之餘人數減少進退皆窮自可尅期擒獲掃除全股至日來秋熱異常各官兵每日行至百數十里偶遇糧餉不繼仍皆奮勇爭先實爲出力再原任護軍統領愛星阿每次前敵打仗極爲勇往前在陝西黃官嶺殲滅張添倫後股賊衆並截回阮正通一股入川皆得其力此次與綸布春抄出賊前不避險阻復截住賊匪大半各路官兵得以兜圍得手尤屬出衆奮勉臣等不敢壅於上聞奏入

上命軍機大臣傳諭勒保宜綿惠齡恒瑞明亮德楞泰日本日明亮等奏到剿賊情形雖分兵五路殲賊五六千人但所斃詹世爵李槐二犯姓名從未奏過僅與前日惠齡等所殲賊目禹斯珍相等而賊首張漢潮仍任竄逸且劉成棟現在作何下落亦未提及摺內聲敘情形轉似大得勝仗粉飾其詞殊屬無謂摺內所稱殲賊計六千餘人則此股賊匪早當殲盡何以尚有五六千人逃逸可見殲斃者多係裹脅之人所言不足深信張漢潮一股現在向北奔逃與陝省南鄭等處毗連若明亮等不能繞出賊前致任竄入陝境則罪上加罪斷不能再爲曲宥至摺內所稱官兵日行百數十里秋熱異常一節現在早交秋令天高氣爽何得以秋熱藉口預留落後地步且官兵畏熱賊匪獨不畏熱

聖鑒事

七

聖鑒事

八

乎又所奏將詹世爵李槐二犯首級傳示川陝湖北之處亦屬不值此等無名賊目何必張大其事愛星阿前在漢江駐守於賊匪偷過時不能截擊是以將伊罷黜俾其立功自贖今既自知愧奮著加恩賞給三等侍衛以觀後效

初八日臣明亮與肇奏言臣等自二十日擒獲

詹李二首逆並殲賊過半後因張漢潮率其餘

欽定剿平三省邪匪方略

九

夥奔赴青石關一帶一面飛咨秦承恩等自北

迎擊臣等漏夜緊躡前進每日擒殺一二百名

不等該匪注意渡江北竄直趨南鄭之毛狗洞

紅廟塘等處經秦承恩分派兵勇遏其去路殲

斃甚多未能越過臣等恐其沿邊西走闌入沔

縣境內飛飭鎮臣長春帶兵五百名趕赴鐵羅

嶺以爲西路扼堵俟北面官兵擊回或前後夾

剿或迎頭攔截二十五六等日官兵躡剿更緊

該匪向西偏北竄至黃官嶺經秦承恩王文焯

等官兵攔住匪衆果直走西山未至鐵羅嶺長

春帶兵迎至殺賊三百餘人賊勢大窮繞出梅

子堤希圖仍回通江地界官兵由左手大壩前

進據長春飛報情形臣明亮當派綸布春愛星

阿副將楊遇春遊擊應元寬游棟雲帶馬隊抄

欽定剿平三省邪匪方略

十

前抵剿將及壩口該匪全數下至山麓綸布春

愛星阿分兩翼抄進憑高據險鎗箭猝發斃賊

四百餘名該匪驚惶無措左右衝突臣與肇同

圖桑阿率協領德明泰巴克坦布佐領富謙副

將豆霽遊擊徐大鵬等由山溝內帶馬兵衝出

攔殺又斃賊三百餘名該匪捨命奪路欲搶出

小壩臣明亮率侍衛噶達鼐噶拉副將多爾濟

扎普德明額參將楊奎猷遊擊張雲守備陳應彪等抄上陡梁排鎗緊發共斃賊七百餘人該匪困而猶鬪仍復搯旗上擁綸布春另領馬隊從偏坡馳至邀擊勢尤猛鷲賊始却走官兵吶喊圍擊殲戮無算餘匪不復成隊分投前竄老林除生擒賊目張成忠王定邦等九名及餘匪二百一十六名外又於山溝樹林內搜獲一百一十八名並自行投出者六十二名均經分別辦理保釋提訊活賊供稱我等到四川時還有

一萬四千餘人牲口三千餘頭張漢潮因官兵殺斃詹世爵李槐人較少至十分之六藍號人本少白號尙有二千餘人他不肯管領所以衆心不服他要奔至南鄭渡江被前路截住今日想西走沔縣官兵又迎來打仗傷折多人他說

若實在無路可走祇可從老林過南江地方再看沔縣寧羌一帶若卡子不緊即從彼繞過漢江北走等語查張逆勢已孤單現經兩面遏剿進退無據今雖遁入老林不過攢聚敗匪窮奔南江地界臣明亮已知會秦承恩等於寧沔等處仍前嚴堵臣等因連日趕剿緊迫鍋帳皆不及携帶現仍鼓勵各兵星夜逾發趁賊匪殘敗之餘乘銳設法兜擊前進

同日秦承恩奏言張漢潮等各股賊匪奔竄四川太平通江境內逼近西鄉本年江水淺涸而西鄉邊界綿長八九百里通川隘口一十九處臣督同西鄉縣張大亨團聚鄉勇三萬餘人分布各卡嚴密防守並令王文雄承德田有成帶領官兵分駐要隘互相策應該匪等果由通

江之竹峪關竄至西鄉縣九元子經田有成帶
領兵勇擊退復竄簡池壩因王文雄永德在井
泉子大巴山分路迎剿明亮等又已跟蹤趕到
不敢停留遂從兩河口翻山退回通江沿山西
竄於七月二十一日由南鄭之毛狗洞竄入牟
家壩向東北一帶奔趨臣因東路距江最近督
同遊擊邢承誥守備尙其倫帶領兵丁七百各
趕赴柳林鋪迎截並督令漢興道文需漢中府
趙洵等團聚鄉勇於江水淺涸處所多設旗幟
鎗礮晝夜巡防以免偷渡賊遂分三起沿南山
向西奔竄臣亦即趕至長寨繞出賊前扼住渡
江要口並札會宜綿派防西路之總兵吉爾泰
等緊守沔縣寧羌要隘一面札令王文雄速由
西鄉趕回南鄭直趨康水嶮從西北攔住賊前

欽定剿平三省邪匪方略

正編卷七七

欽定剿平三省邪匪方略 正編卷七七

迎剿並令城固縣牟鴻鸞帶領鄉勇趕抵法慈
院防賊東竄王文雄得信即由簡池壩冒雨疾
馳兩晝夜趨抵康水嶮正遇頭二起賊匪約三
四千人紮住對面山梁山下俱係稻田水深路
窄頗難施展賊一見官兵即率領馬隊直從山
梁壓下王文雄督率將弁兵勇排列礮隊連環
轟擊斃賊數百人賊自恃得地公然拚死抗拒
並分出馬步兩隊暗從左右兩翼抄截我兵之
後王文雄瞭見即令參將鍾岳鮑貴等各帶兵
勇分路迎擊三路官兵齊進斃賊益多我兵乘
勢搶上山梁又斃賊一千餘人擊斃執大旗騎
馬賊目二名內王湖桂一名訊係張漢湖妻弟
生擒八十三名餘衆翻山南竄罅口子潛匿兩
山老林之內希冀官兵從山溝行走而邀截

欽定剿平三省邪匪方略

正編卷七七

二一九

王文雄探實令參將鮑貴侍衛特崧額等帶領
 兵勇亦從兩面山梁搜捕前進又斃賊三百餘
 人賊勢窮蹙遂由毛壩子連夜翻山南竄於二
 十七日黎明入四川南江縣境其後股賊匪尙
 在犁壩溝滋擾適城固縣牟鴻鸞帶領鄉勇趕
 到截殺數十人復經臣派令邢承諾尙其倫由
 北路紅廟塘帶兵抄截殲戮多名賊即由梅子
 壩奔赴小壩一帶時明亮與肇已於二十六日帶
 兵行抵陝境之大壩子接臣札會即於二十七
 日已刻馳至小壩趕上後股賊匪痛加剿殺餘
 賊由大壩竄入南江明亮等隨即入川緊躡追
 剿臣與王文雄即在沿邊確探賊蹤相機堵剿
 同日惠齡恒瑞德楞泰奏言高均德冉文偉
 等各股賊匪經大神山黃渡河截殺敗散之後

聖朝平定回疆方略

十五

竄至龍鳳坪一帶負隅據守臣等當即帶領官
 兵分路繞道抄至賊巢北面扼要堵截連日細
 加察探冉文偉龍紹周龔建等俱屯聚龍鳳坪
 距箕山三十餘里該處山勢險峻中有鑼鼓頂
 一峯特起下有薄道嶺一道僅容一人行走徑
 極窄狹前通馬鞍山亦甚陡削該匪等於馬鞍
 山設卡二座扼我官兵其箕山東北廖家壩係
 阮正通等屯守箕山西北大廟場係高均德王
 正潮等盤踞均在龍鳳坪之南互為聲援臣等
 公同商議必須先將馬鞍山賊卡攻佔方可進
 逼賊巢又緣賊股衆多山路叢雜恐賊匪等從
 馬腳跡山梁襲我之後尤應分路預防當於二
 十四日四鼓分路進攻臣惠齡督率總兵李紹
 祖副將關聯陞副將銜穆克登布前鋒余領佛

聖朝平定回疆方略

十六

寧^臣恒瑞督率總兵觀祥副將馬兆瑞遊擊岳
寧阿佐領祿成各帶官兵進撲馬鞍山賊寨^臣
德楞泰督率副都統阿哈保總兵達音泰巴圖
魯侍衛富僧德墨爾歡保副將德寧許文謨札
勒杭阿遊擊馬瑜等帶領滿漢官兵由消水河
至馬腳跡山梁擬由中壩過河會搶馬鞍山頭
寨適石花溪寨長報稱茶房坪現有賊匪約千
餘人欲搶馬腳跡山梁等語^臣德楞泰當卽帶
兵扎駐圍土包嶺該匪等蜂擁前來搶撲我兵
鎗箭齊發並用大礮轟擊斃賊六七十人該匪
等始行敗退官兵趁勢下壓又殲三百餘名賊
衆四散潰逸當留官兵暫紮山包控扼^臣德楞
泰卽帶兵抄出雙草嶺中壩過河督兵齊至馬
鞍山西面進攻惟時^臣惠齡恒瑞帶兵進發距

剿平番匪正編卷七

十七

馬鞍山約五里見有賊匪四五百人自南而來
^臣等督兵截殺殲戮殆盡據獲賊供稱係冉文
偉差赴老林場欲搶奪糧臺不意正遇官兵截
殺現在馬鞍山有兩個寨子共有二千餘人是
冉文偉之姪冉添元率衆把守等語當將該犯
等正法^臣等鼓勵將士趕至馬鞍山併力搶撲
該匪等捨命迎敵矢石亂下相持兩時之久當
有遊擊張朋手執攔牌跳上卡墻砍開寨柵我
兵一湧而進齊上山梁奮勇剿殺斃賊二百餘
人張朋及千總馬光宇外委楊志正均經受傷
時已天明見有戴翎賊目二人騎馬指揮抵死
相拒並招呼二寨賊衆盡數前來接應適^臣德
楞泰帶兵從西南首先搶上有黑龍江領催署
防禦圖敏箭斃戴翎賊目一人賊衆慌亂其一

剿平番匪正編卷七

十八

人率眾奔逃^臣等合兵追殺殲戮七百餘人其

戴翎賊目正在驚竄之際又為吉林甲兵法金

保箭斃餘匪捨命奔潰俱向龍鳳坪一帶竄去

^臣等隨將馬鞍山頭寨二寨奪佔計此次殺賊

一千餘人生擒唐義等四十餘名^臣等提訊唐

義等據供戴翎頭人係冉文儔堂弟冉文富胞

姪冉添元均係起事時主謀之人冉文儔年逾

刑部題本卷七

九

五十並無主張專恃二人籌畫凡遇打仗二人

率領匪黨無不聽其指揮今俱被官兵射死餘

無要供當將該犯等概行梟示^臣等隨即乘勝

攻撲龍鳳坪^臣德楞泰帶領各兵先將大壩口

搶佔連破賊營四處查大壩口距薄道嶺不遠

而薄道嶺為龍鳳坪賊巢門戶^臣惠齡恒瑞即

督官兵分為兩翼極力攻撲齊冲阿阿穆勒塔

温春帶領黑龍江吉林佐領西靈阿明德等連

射賊匪數十人應弦而倒賊匪拒守不住紛紛

退散我兵刀砍矛戳連斃三百餘人佐領蘇清

阿委驍騎校額書雲騎尉瑪達奈藍翎前鋒委

署章京額爾京額均經受傷餘賊捨命竄上羅

鍋頂我兵從後追躡又連破賊營二處而龍鳳

坪賊匪向觀音巖奔竄我兵趕緊追擊又斃賊

刑部題本卷七

三

五百餘人搶獲鍋帳米糧無算生擒張舉等男

婦二百四十六名口訊無要供當即分別辦理

查觀音巖前係黃土河河南即係箕山此時若

即窮追恐廖豕場大廟場各股賊匪兩路邀截

必致前後受敵現在冉文儔等亦俱竄往箕山

附近一帶屯聚^臣等惟有竭盡心力趕緊進攻

再據連日獲犯供稱陝匪李全並未來此高均

德阮正通龍紹周龔建徐萬富唐大信王正潮並張自崇等俱與羅其清會合惟冉文偉與羅其清意見不合另紮一處等語差探情形亦復相同查現在三處官兵合計約有一萬餘人聲勢不爲不壯而賊股衆多實有三倍官兵之數兜圍環剿既難得手若專攻一股則各股抄我後路亦當預爲籌防此時羅其清與冉文偉稍

聖祖聖訓卷七

三

有嫌隙臣惠齡於五月間曾經札諭羅其清將冉文偉設法縛獻以圖自贖此番冉文偉情急相依羅其清雖抗拒不納仍未將其擒獻賊情究屬叵測臣等一面設法離間並散其黨與一面相機進剿以冀辦竣一股再辦一股斷不肯墮其詭計觀望遷延均奏入

上命軍機大臣傳諭勒保宜綿惠齡恒瑞秦承恩明

亮德楞泰曰明亮等此次打仗雖殲賊二千有餘生擒三百餘名但所獲張成忠等均非著名賊目而首逆張漢潮仍任竄逸劉成棟亦未提及可謂無能無恥恐所稱殺賊情形多係空言粉飾未足深信明亮等務當激發天良乘勝兜剿速將此股賊匪剿盡毋稍稽延又據秦承恩奏賊匪連次竄至陝境俱已截殺回川與明亮所奏情形大畧相同亦未能擒獲首逆不足爲功其興安一帶與川省毗連地方宜綿當遵前旨認真堵禦又惠齡等剿殺高均德等一股賊匪仍不過攻破尋常卡寨射斃無關緊要賊目而高均德等總未能擒獲一名亦屬無恥現在高均德冉文偉阮正通羅其清俱在箕山地方分路屯聚而冉文偉屢次欲與羅其清合夥羅其清抗拒不納惠齡等可乘此賊匪

聖祖聖訓卷七

三

潰散彼此猜疑之際或直前奮擊或設伏用間以期將首逆等迅就殲擒且據稱冉文偉全賴冉文富冉添元為之主謀今該二犯業經射斃冉文偉失所倚恃更易擒獲惠齡等所帶官兵約計一萬有餘際此秋高氣肅尤為百倍驍騰亟宜擒縛渠魁殲盡黨夥設再不知愧奮迅速進攻復任賊匪往來勾結連為一氣以致剿辦需時必當重治惠齡等之罪稟之

聖朝實錄卷三

三

初九日庚子勒保奏言王三槐冷添祿等大夥賊匪屯踞安樂坪祖師觀等處雖經臣節次督兵連搶賊卡愈逼愈緊無如該處山勢層疊中間險要路口均被賊匪安設木城石卡晝夜嚴防其巖洞一處本係王三槐所設頭卡自臣分兵攻克之後該匪等守禦愈嚴連日設法躡探惟

巖洞門之石有小路一道兩旁樹林茂密上蓋茅棚為賊匪望哨處所雖道路已經刨挖而石角峻峭尚臣可攀援登陟臣因挑選奮勇兵丁鄒勇派參將臣大烈義首貢生劉星渠等帶領於二十三日乘夜潛往該處埋伏密合俟大兵攻克賊巢相機臣進臣帶領舒亮百祥富爾賽等督兵由巖洞門正路進攻並派七十五穆克登阿艾如文等分兵由老觀嘴鹽渠山等處進攻祖師觀各路要隘牽綴賊勢二十四日五更臣督率舒亮帶領官兵撲近賊卡鎗箭並發賊匪一時驚覺仍擲下放鎗捨命抵禦我兵悉力相持並不稍退維時臣大烈一路聽聞鎗聲緊急即催令兵勇盤旋臣上點燃火箭順風飛射茅棚著火焚燒勢逼賊巢寨內人聲沸騰慌亂舒

聖朝實錄卷三

三

亮百祥富爾賽等督兵扳開木城痛殲七八百名
 名遠巖者不可勝計賊匪不能抗拒其冷添祿
 一股匪眾又因七十五等官兵分投攻擊相持
 喫緊無暇救援賊勢更形惶急隨踉蹌棄巢奔
 潰我兵奮勇截殺斬梟騎馬賊目四名餘眾竄
 至安樂坪後山經官兵四面圍裏擊斃愈多
 惟恐王三槐被官兵殲殺或情急自戕不能生
 致因一面令各路兵勇實力圍圍一面令義首
 劉星葉傳諭匪眾如有情願投出者無論首夥
 概行免罪王三槐因見官兵緊逼無路逃生遂
 拋擲器械而出率眾長跪齊聲乞命臣指揮將
 士當將該首從人等全數擒縛查王三槐為首
 先起事兇悍渠魁罪大惡極茲幸仰仗
 天威將該首逆臨陣生擒實足以快人心而彰

欽定剿平三省邪匪方略 正編卷七七

國憲並令拏獲活賊辨認各首級內有偽稱大元
 帥韓鳳一名與王三槐一同起事之犯又伍民
 才王作伏二名均係王三槐手下緊要賊目其
 餘被獲各犯內除安樂坪附近甫經脅從難民
 概行釋放外其傅思成等三百六十七名悉係
 王三槐隨從戰手法無可貸當令一一斬梟示
 眾此外偶有餘匪乘間竄至冷添祿一路者為
 數無多除將王三槐暫時嚴押另行委員解京
 外所有冷添祿股匪現雖踞守祖師觀一帶而
 趁此兵威自無難尅期掃蕩奏入
 上命軍機大臣傳諭勒保惠齡恒瑞富成明亮德楞
 泰曰勒保久無報至正深懸盼本日未刻據奏到
 攻克安樂坪賊巢生擒首逆王三槐覽奏欣慰所
 辦甚屬可嘉現在軍聲大振不特冷添祿一股震

一一二五

警兵威即川北各股賊匪亦無不聞風膽落勒保
 俟擒獲冷添祿肅清川東後即移師川北督同惠
 齡明亮等以次剿辦目下惠齡明亮等辦理遲延
 俱不足恃惟望勒保到彼督同調遣力加振作即
 奏蕩平勒保不可不倍加奮勉也王三槐現已起
 解並著知會沿途各省派委委員小心管押解京
 勒保所帶祇係雲貴等省綠營兵丁尙能將王三
 槐擒獲掃蕩安樂坪賊巢而惠齡明亮等兩路仍
 前觀望遷延未見飛章奏捷無能已極惠齡恒瑞
 富成明亮德楞額泰輿肇著傳旨嚴行申飭伊等聞
 知此信尙不知愧知奮必俟勒保移師川北後督
 率指示方能成事則功歸勒保一人惠齡等前此
 玩愒之罪何以自贖耶

同日

太上皇帝勅旨諭內閣曰本日勒保奏掃蕩安樂坪賊
 巢生擒首逆王三槐一摺覽奏嘉慰朕自臨御以來
 敬

天勤民孜孜不懈年開九秩功成十全前年授璽後猶
 復勅幾訓政罔敢暇逸邇年教匪不靖宵旰焦勞猶
 幸精神強固於一切剿捕機宜無不隨時指示今勒
 保秉承訓諭將川省首先滋事渠逆王三槐臨陣生
 擒其餘窮竄夥黨勢同摧枯拉朽不日全可蕩平捷
 音馳到正值朕同皇帝駐蹕山莊各蒙古王公祝釐
 瞻觀之時中外同深歡慶而朕於武功十全之外又
 復親見掃除氛祲成此鉅功此皆仰賴

上天嘉佑垂庥朕與皇帝敬感之餘倍深乾惕允宜普
 施渥澤用獎勵勞動保前因平定黔苗已錫通侯之
 賞茲剿辦川匪董率將士調度有方掃穴擒渠膚功

剿平省疆要案編卷七

七

剿平省疆要案編卷七

七

克奏著加恩晉封公爵其在事出力之鎮將文武各員及義民首等著勒保查明功績奏到後另降諭旨分別加恩軍機大臣大學士伯和珩襄贊機宜承旨書諭一手經理夙夜宣勞著加恩晉封公爵福長安同直樞禁勞績倍著自辦理軍務以來一體始終其事著加恩賞封侯爵王杰董誥現雖未在軍機行走而軍與之時亦會隨同辦理沈初戴衢亨那彥成雖

聖著刑部彙編卷七

五

在軍機處行走未久現亦朝夕趨直在事慶成均著加恩交部從優議敘以示朕嘉獎勤勞施恩錫慶至意

初十日 辛丑

上諭內閣曰此次勒保擒獲首逆王三槐提報馳遞甚速年來軍報亦無遲悞殊堪獎勵所有沿途驛站各員弁著各該督撫查明咨部議敘兵丁馬夫照例分別獎賞其兵部提報處章京除員外郎職

爾圖前經賞給花翎外主事文光著加恩賞戴藍翎筆帖式任聯魁陳裕翰輔良亦著一併交部議敘

上又諭內閣曰從前承保剿辦湖北賊匪時不能設法兜圍任令竄逸獲咎甚重將伊革職交刑部監禁並將其子寧志寧怡革去侍衛發往熱河今伊兄勒保生擒賊首王三槐著有勞績著加恩將永保釋放寧志寧怡亦著加恩釋回在上虞備用處拜唐阿上行走以示權衡功罪推恩曲宥之意

十一日 壬寅

上命軍機大臣傳諭勒保惠齡恒瑞明亮德楞泰曰昨據勒保奏攻克安樂坪賊巢生擒首逆王三槐已降旨逾格加恩茲再賞給勒保大小荷包玉搬指玉喜字牌金盒嵌寶石玉帶頭以示嘉獎無已

至意現在川東賊匪祇有冷添祿一股在安樂坪相近之祖師觀一帶屯聚經勒保派令七十五等分路進攻牽綴賊勢該犯雖與王三槐互相狼狽但係分出小股為數無多今見王三槐業經生縛自必望風膽落不敢再思抗拒勒保乘勝移師到彼督率七十五等分力進攻勢若摧枯該處一經竣事勒保即統領勝兵速赴川北以次剿辦迅速

▲聖訓寶笈卷之三

▲三

蕺事昨又加恩將伊弟永保釋放並將永保兩子賞給拜唐阿勒保尤當倍加感奮也至川北賊匪與川東聲息相通今聞王三槐就擒總統帶領大兵將到自必聞風潰散惠齡明亮等正當趁賊匪恒懼之時或曉以禍福解散黨夥或鼓勇進攻伏兵截擊將高均德冉文儔羅其清徐添德阮正通張漢潮劉成棟牟登元等按名擒獲尚可稍贖罪

愆若得勒保擒渠奏捷之信竟毫無愧怍仍復遷延時日必待勒保到彼方能竣事則伊等玩悞之罪更無可曲宥矣

▲聖訓寶笈卷之三

▲三

欽定剿平三省邪匪方略 正編卷七十八 戊午年

八月十八日 巳酉

上命軍機大臣傳諭勒保惠齡恒瑞明亮德楞泰曰
自勒保奏到捷音之後朕以各路帶兵大員必應
稍知愧奮勉圖功疊次降旨飭催加之激勵乃
盼望多日仍未見惠齡明亮等擒一賊首肅清一
路卽剿賊情形之摺旬餘亦未奏到似此因循玩

欽定剿平三省邪匪方略 正編卷七十八

一

愒任意遲延實不解伊等是何肺腑豈竟與賊相
持擁兵不戰耶勒保所帶之兵不過雲貴綠營一
經振作尙能生擒渠逆惠齡明亮等兩路軍營多
係吉林黑龍江勁旅兵力強盛倍于勒保而不能
建毫末之功伊等調度乖方之咎已屬百喙難辭
况以如此得勝之兵不能鼓其銳氣致令久勞於
外師老力疲其罪更無可道明亮等前在小壩等

欽定剿平三省邪匪方略 正編卷七十八

處截剿賊匪張漢潮仍復任其竄逸劉成棟並無

下落惠齡等前在箕山一帶亦祇攻克尋常卡寨

于該處屯聚各賊首並未擒獲一名均屬無能之

極况各股賊首如冉文儔羅其清徐添德本在川

省滋事猶謂非明亮德楞泰等專剿之賊藉口推

諉至若高均德阮正通李全等皆係伊等在陝楚

地方追逼入川之賊兩載以來任聽敗竄游魂輾

欽定剿平三省邪匪方略 正編卷七十八

二

轉竄逸其責又將誰諉上年賊衆由楚省竄至陝

境後屢欲偷渡漢江經官兵連次擊退遂由紫陽

石泉輾轉逃至漢中北面係惠齡帶兵堵截東面

係明亮德楞泰統兵迎擊西南則恒瑞慶成抄出

賊前扼要攔阻江岸則柯藩駐劄防守官兵四面

合圍賊衆已如魚游沸釜彼時帶兵大員若稍知

愧勵合力進攻原不難一鼓殄滅乃彼此遷延觀

望全不以軍旅為重一味畏葸玩愒以致四面圍
 住之敗殘賊眾任其衝突奔逃與各股賊首聯為
 一氣今距上年合圍之日又將一載迄未蕪事其
 咎甚重即使力圖改悔盡縛渠魁已不足掩從前
 之罪乃泄泄如故坐糜廩給罪上加罪伊等將何
 以自贖耶朕因軍務焦勞節次飭催伊等總置若
 罔聞是何意見惠齡恒瑞興肇富成明亮德楞泰
 著再傳旨嚴行申飭

聖鑒事錄卷三

三

二十二日丑癸丑勒保奏言官兵自攻克安樂坪生
 擒王三槐後所有冷添祿一股賊匪倚恃地險
 仍屯踞祖師觀一帶並將通連安樂坪道路晝
 夜堆砌石卡併力守禦臣連日分兵進剿並飭
 調開縣鑄成大礮解送來營陸續轟擊該匪等
 因圍困緊急於初一日晚間復分股衝突老觀

嘴一路營卡冀圖奪路逃竄經七十五百祥等
 帶兵截殺臣復飛飭穆克登阿艾如文等從旁
 邀擊斃賊三四百名餘匪仍即退回我兵跟蹤
 追躡直撲賊巢無如兩旁均有賊匪預伏擲石
 放鎗捨命接應不能直上臣復遍傳祖師觀一
 帶近日復業居民詢以道路據稱祖師觀與安
 樂坪中間本隔山溝一道且西北兩面山勢陡
 峻難于進攻惟老觀嘴迤南有蛇皮峰一道山
 梁賊匪不時在彼收割糧食如能佔據中間有
 路可通祖師觀等語臣偵探蹤跡前次乘夜撲
 卡賊匪亦由蛇皮峰而下自應設法布置先於
 初二三兩日令老觀嘴一帶營卡兵勇於初更
 後潛赴蛇皮峰下點燃火繩散布樹林俟賊匪
 驚覺放鎗即行撤退以懈其心至初四日晚間

聖鑒事錄卷三

四

預派舒亮富爾賽等帶兵進攻左手魚鱗口地方穆克登阿艾如文等帶兵進攻右手銅鼓包地方皆係緊要賊卡約定五更進發其蛇皮峰一路仍令兵勇於初更時攜帶火繩前往賊匪因見官兵相隔較遠每夜暫來即去知係疑兵並不準備臣隨將此項兵勇撤回俟至四更即派七十五百祥等另帶兵勇由蛇皮峰之下板援潛上直抵賊匪頭卡千總羅思舉首先率領兵勇跳越壕溝扳開木柵拋擲火彈燒燃卡內草棚我兵俱即盤旋躍入匪眾猝不及防兵勇乘勢剿殺斃賊五百餘名遂將蛇皮峰一帶山梁奪據其魚鱗口銅鼓包兩路官兵分投攻撲不避鎗石一擁競進各斃賊二三百名餘匪踉蹌奔走俱退回祖師觀山梁拒守生擒賊匪一

製雲龍軍編卷六

五

百十六名內有徐景雲譚正榮二名俱係冷添祿手下緊要賊目據供冷添祿因官兵攻破安樂坪王三槐已被擒獲實在畏懼商議要想奪路逃走無如四面官兵圍緊又幾次遣人探聽徐添德林亮功等現在何處以便邀來救應連日未得回信祇可在祖師觀一帶暫時踞守餘無要供當將該犯等一併正法伏念冷添祿股匪其勢已孤現雖困守一隅不過苟延殘喘即該匪捨命衝突四面營卡圍圍嚴密斷不致令遠颺臣惟有督率將士設法上緊攻剿以期全數掃除至川北之賊羅其清冉文儔等現與高均德等股或屯聚營山或分竄儀隴一帶而富成所剿之徐添德亦從廣安擾至蓬州南部據報欲與冉文儔等合夥臣惟諄囑惠齡設法兜

製雲龍軍編卷六

六

截毋任再竄陝疆

同日明亮與肇奏言查張漢潮經官兵痛剿以

後率其餘黨欲從南江邊界闖入寧河一帶繞

出漢江^臣等料其謫詐先分兵在商溪望倉壩

兩路堵住先後擒殺探馬二十一名該匪計窮

初二日復由沙壩地方乘夜繞出通江青石關

北走南鄭境內官兵分為兩路緊跟橫截初四

製看聖覽編卷六 七

日在關東廟合力夾擊斃賊二百餘名初七初

九等日在西鄉之堰口茶鎮等處分投緊接二

仗共斃二百餘人生擒四十六名內有副頭目

向得富等七名官兵僅裹帶乾糧漏夜進發登

陟復不避險阻該匪實已聞風膽落兼之東面

紫陽經宜綿派兵過住極為嚴密西北城固一

帶又經秦承恩王文雄撥令官兵分投堵截該

匪往來西鄉界內窮竄祇在偏南奔突此一帶

川陝地界交錯叢山密箐人跡罕經匪眾忽東

忽西莫辨首尾以致未能痛剿日來秋雨又復

如注山澗漲發坡徑皆被賊挖斷動須搭橋砌

路^臣等焦灼難言初十日晚探知該匪不能越

入紫陽折回西走經王文雄帶兵堵截又派兵

在大石川攔擊^臣明亮於三鼓後自下川黃黑

製看聖覽編卷六 八

壩一路繞前十一日已刻抵西河口正遇匪眾

衝至當令綸布春愛星阿侍衛噶拉總兵長春

叅將楊奎猷帶馬兵迎面直進圖桑阿同副將

多爾濟扎普等帶步兵自南面排列壓擊該匪

一見即退後却走^臣等率侍衛噶達鼐副將楊

遇春豆壽等由山背抄出賊後山梁吶喊壓下

匪眾各占山頭竟敢直撲三次勢仍克悍相持

直至酉刻官兵三面兜合鎗箭並發加以短兵相接共斃賊八百餘人生擒五十六名餘匪始奔上南面陡梁乘夜散竄驚跌墜崖者甚衆獲其騾馬百餘頭匹歷訊活賊同供張逆日前原欲由紫陽平利仍回湖北今被官兵晝夜追截裹脅之人隨擄隨散實在勢孤力怯現在打仗之人皆係舊日習教積慣矛手思欲拚命奪路

剿平三省邪匪方略

九

尋江面淺處偷渡等語查旬日內賊匪連被剿急已自知萬難東竄楚境且無片刻休息大形窮蹙臣明亮現緊躡賊蹤隨時知會宜綿秦承恩王文雄等將防堵之兵分層密堵以便乘銳緊發臣等總當竭盡心力趕緊殄滅此股賊匪稍贖前愆均奏入

上命軍機大臣傳諭勒保宜綿惠齡恒瑞明亮德楞

秦曰賊首冷添祿見王三槐業經被擒自知無路逃竄負嵎困守經勒保等分路進攻將賊匪要隘蛇皮峰奪據圍嚴密自可不日成擒竄望捷音踵至首先奪卡之千總羅思舉著以應陞之缺陞用以示獎勵至冷添祿一股既可尅日殄除則開縣雲陽以東地方卽臻寧謐林亮功等雖尙在忠州墊江竄聚人數更屬無多勒保剿滅冷添祿後

剿平三省邪匪方略

十

就近移師該處乘勝進擊無難悉數殄擒從此鼓行而前速赴川北督率惠齡明亮等以次剿辦迅勉擒渠實朕所昕夕期望勒保受恩深重不可不倍加奮勉至張漢潮劉成棟等被陝省官兵截回勢已潰散更易成擒乃本日據明亮奏剿賊情形仍不過在西鄉堰口等處兩次打仗殄賊千餘名祇係裹脅之衆而首逆迄未擒獲摺內尙稱竭盡

心力趕緊殄滅仍屬空言搪塞又摺內所稱秋雨如注山澗漲發之語尤不成話如果雨多水漲不能行走豈賊匪獨能飛越乎可見明亮等並未親身督率僅派將弁在前敵帶兵輒據稟報之詞藉口支飾再惠齡恒瑞等剿辦高均德等一股俱竄聚營山箕山一帶徐添德亦欲從蓬州南部竄往合夥正可趁各股首逆聚集一處之時設法攻圍

聖朝聖訓卷六

七

按名擒獲乃竟音信杳然不知伊等在彼所辦何事豈伊等聞知勒保之信竟毫無愧激不思立功自贖耶惠齡恒瑞與肇富成明亮德楞泰均著再傳旨嚴行申飭

二十四日^{乙卯}秦承恩奏言查竄匪張漢潮一股

經官兵連次截殺折回南江明亮等緊躡追剿復從碑壩翻山由回軍壩一帶向東奔逸^臣當

卽飛飭叅將張受榮遊擊觀音保於城回二即壩設伏邀擊截殺二百餘名餘衆向西鄉堰口一帶分爲兩股晝夜狂奔王文雄在西路得信卽率同叅將鍾岳等星夜馳往與張受榮等分路追截^臣另派遊擊邢承誥等帶領兵勇在東山一帶扼截後路明亮等亦跟蹤趕往兜圍宜綿現已趕至石泉派柯藩慶溥等分布石泉紫

聖朝聖訓卷六

三

陽要隘相機堵剿惟現據四川廣元縣劉清稟報川省徐添德冉文儔高均德樊人傑龔姓等各股賊匪因被德楞泰惠齡截剿情急由儀隴逃向廣元一帶又另據差探南江大河口亦有賊匪屯紮切近陝省南鄭寧羌沔縣等屬此時各路官兵俱已追剿東去距南鄭等縣較遠除宜綿原派總兵索費英阿副將李文蔚在寧羌

防守臣已星飛札飭探蹤堵禦外現惟督飭各屬於要緊隘口多集鄉勇嚴密防範並飛札宜綿明亮王文雄酌量情形如果竄匪張漢潮尅日可以擒獲卽交柯藩等剿洗餘匪明亮等速卽帶兵馳回西路堵剿奏入

上命軍機大臣傳諭勒保宜綿惠齡恒瑞秦承恩明亮德楞泰曰現在張漢潮一股賊匪已向東奔逸

《製三和聖喜編卷六

三

而徐添德冉文儔等各賊匪據秦承恩奏因被惠齡德楞泰截剿情急由儀隴逃向廣元一帶又探得南江大河口亦有賊匪竄聚是箕山賊匪自前此惠齡等攻克馬鞍山龍鳳坪營寨後敗逃之賊又復分股奔竄逼近陝境總由伊等不能乘賊匪屯聚之時設法攻圍繞道兜剿以致各股賊首分路竄出惠齡恒瑞德楞泰俱著傳旨再行申飭仍

俱革去花翎令其戴罪圖功自贖若再不知畏懼恠奮任聽賊匪等合夥闖入陝境則罪上加罪斷不能幸遂曲貸矣至陝省邊界前經降旨責成宜綿秦承恩王文雄等嚴密防守今竄匪逃至廣元南江一帶與南鄭寧羌沔縣接壤西面祇有索費英阿等在彼兵力較單著傳諭宜綿秦承恩王文雄卽於寧沔南鄭緊要關隘深溝高壘嚴行堵禦設伏邀擊漢江一帶亦應列戍嚴防或設疑兵使之不能闖入此爲最要明亮如已將張漢潮擒獲亦卽馳赴西路協同堵剿額勒登保前在太平養病現在自己向愈着卽帶現有之兵迅赴寧沔南江一帶酌量情形幫同堵截若稍有疎虞惟伊等是問柯藩愛星阿卽前車之鑒也

二十六日景安奏言本月十五十六等日登

《製三和聖喜編卷六

四

接探報川省通江等處竄匪突入陝境之西鄉
白河峽及石泉梅湖等處焚掠總在沿江一帶
奔竄臣查該匪擾至石泉江岸非希圖搶渡北
竄即由南岸東奔楚省竹谿竹山房縣鄖縣鄖
西與陝省毗連處所共計一千餘里雖經臣相
度要隘安設兵勇令將軍成德總兵路超吉等
分投協堵但路徑紛歧兵力尙形單薄臣已飛

聖旨 著 著 著 著 著

五

飭各營卡加緊防範並齊集義勇各守要隘毋
許一名闖入并查明前此撤回湖南兵內挑選
數百名飛速調來二竹將邊卡量加增設臣仍
在鄖竹等縣適中之地督率稽查隨時聽聽賊
蹤以便策應截擊至南路巴東邊界臣實不能
兼顧因多撥兵勇擇要設卡該處現有兵勇七
千餘名佈置已屬周密惟提臣文圖染患濕瘡

臣派員查驗據稟頭面潰爛病勢較前有增帶
兵不能得力可否准令回旗調養之處恭候
諭旨此時巴東一路僅有鎮臣王凱一人該鎮人頗
奮勉但到楚不久情形未能熟諳且該處現集
鄉勇不下五千名尤須大員管領調度臣已飛
咨高杞趕赴巴東督率嚴防以免顧此失彼之
慮奏入

聖旨 著 著 著 著 著

六

上命軍機大臣傳諭勒保宜綿景安高杞明亮曰昨
據秦承恩奏張漢潮一股從西鄉堰口奔竄宜綿
已趕至石泉並派柯藩慶溥等分布要隘相機堵
剿是東面已有官兵遏其去路未必即能竄入楚
境景安飛飭各營卡加緊防範亦屬先事預防之
策但張漢潮一股人數無多且屢經官兵剿殺勢
已潰散乃明亮等跟蹤追躡總未成擒茲又任其

竄至石泉焚掠伊等帶領如許勁兵任聽賊匪縱橫如入無人之境所辦何事昨因惠齡恒瑞德楞泰不能截住箕山各賊匪俱已革去花翎今明亮與肇之罪與惠齡等相埒亦均着革去花翎俾其帶罪自贖並傳旨嚴行申飭若再不能趕上賊匪與宜綿等兩面夾擊或竟任令賊匪再向東奔闖入楚境必當重治伊等之罪並著宜綿王文雄等遵照昨旨併力堵截勿令賊匪北渡漢江東取倘有疎虞亦惟宜綿王文雄等是問至景安奏稱文圖病勢日增帶兵不能得力文圖著准其解任回旗調養其楚省巴東邊界亦關緊要著高杞速行馳往會同王凱實力嚴防不可藉詞逗留文圖所遺雲南提督員缺著勒保於出力總兵內保舉二三員候旨簡放

聖祖聖訓編卷六

七

二十八日臣惠齡恒瑞德楞泰奏言竊照高均德冉文儔等賊股衆多分駐箕山南北若專擊一股則各股接應且恐羅其清乘機抄襲尤與我兵不便查羅其清臣嶠據險聚衆二萬餘人各賊藉其聲勢結寨相依如將羅其清一股挫其克鋒則各股易於剿辦但箕山陡險未易仰攻計惟誘其下山以圖截殺當於七月二十八日三更臣惠齡密派總兵李紹祖副將關聯陞穆克登布前鋒參領佛寧臣恒瑞密派副將九十遊擊岳寧阿佐領佛爾清額祿成各帶官兵前赴龍鳳坪前面埋伏臣德楞泰密派賽冲阿阿哈保總兵達三泰侍衛富森德副將德寧遊擊馬瑜等帶領兵丁潛赴石花寨下埋伏接應次日卯刻臣等各將官兵撤退放礮移營陸續

聖祖聖訓編卷六

六

下山之際見箕山有白旗十數桿蜂擁而來忽

分兩股一抄臣惠齡恒瑞營盤一撲臣德楞泰

官兵後尾當有兩路設伏官兵從後掩殺臣等

帶領阿穆勒塔温春觀祥等折回迎擊兩面合

攻殺斃賊匪二千餘人奪獲刀矛器械八百餘

件生擒何世官等一百二十四名訊據供稱羅

其清與陝匪各股俱會會過惟與冉文偉有隙

聖祖聖孫編年

九

不許上山冉文偉遂約陝匪等分屯箕山坡下

仍思借其聲援羅其清今早見官兵移營隨撥

五千人下山抄襲今被官兵剿殺大半掌旗頭

人王正奉亦被射死等語當即概行正法臣等

欲乘勢攻剿旋據差弁探報高均德襲建龍紹

周徐萬福唐大信等各股陝匪見箕山賊匪被

殺甚多同時分往西北奔竄又據報稱將軍富

成追剿徐添德一股從營山趕往水東寺一帶

臣等恐陝省各匪勾合徐添德竄回陝境且富

成一路兵力稍單臣德楞泰自應帶領官兵前

往兜剿臣惠齡恒瑞查陝匪股數衆多設有分

竄德楞泰之兵亦恐不敷分布是以不敢拘泥

專辦羅冉二逆當即分路兜截臣德楞泰挑帶

馬兵從柳林鋪抄擊臣恒瑞從萬安場抄截不

聖祖聖孫編年

三

使竄越陝境並飛咨富成併力環攻時富成追

剿徐添德焚人傑至觀紫場已與高均德等會

合查觀紫場西北可通蒼溪巴州臣德楞泰即

督兵從北面剿殺斃賊四百餘人又經索倫吉

林官兵射斃賊匪二百餘人臣恒瑞從右面兜

剿殺賊三百餘人適臣惠齡帶兵由雞公嶺抄

來正遇竄回各匪迎頭截殺又斃賊三百餘人

該匪等竄至璧山廟土門舖一帶又探得復興
 場二道河一帶亦有賊匪擾我後路臣惠齡隨
 卽帶兵前往該處剿捕臣恒瑞德楞泰星夜分
 爲兩路一攻璧山廟一攻土門舖天甫黎明賊
 匪正在炊爨官兵齊集壓擊賊匪驚惶無措又
 被殺死六百餘名生擒周從忠等二百七十餘
 名富成從走馬梁壓下斃賊二百餘名該匪等
 拋棄牛馬衣物糧食捨命竄往觀音寺山梁負
 險抗拒當有黑龍江委驍騎校哈新查吉林委
 佐領巴彥保四川外委周志林等奮不顧身首
 先搶上山梁殺散賊匪哈新查等均受多傷臣
 恒瑞德楞泰帶兵追殺二百八十餘里沿途斃
 賊一千餘名生擒唐正耀等一百二十餘名官
 兵晝夜奔馳臣皆奮勉出力復探得賊匪竄入

聖朝野史卷六

三

雙合場臣德楞泰帶領馬隊乘夜追至該處衝
 入賊隊斃賊五百餘名臣惠齡將復興場二道
 河竄匪剿盡後從天池寺帶兵趕到又斃賊二
 百餘名餘賊紛紛敗竄我兵追至徐家場稍歇
 馬力隨探聞賊匪竄至集龍場臣等卽督兵追
 往官兵一湧壓下斃賊四百餘名生擒李道前
 等四百餘名賊又狂奔定汛寺山梁屯紮臣等
 督兵搶撲賊膽敢連壓三次臣德楞泰帶同阿
 哈保阿穆勒塔侍衛墨爾歡保富森德各領官
 兵分路搶上又殺賊五百餘名生擒張國治等
 二百四十餘名成刻將山梁盡行奪占委叅領
 桂保委防禦穆騰額長德委驍騎校尙諾爾守
 備鄭振貴均各受傷徐添德一股奔逃舟口富
 成率兵追往臣惠齡當卽飛札蓬州牧督率兵

聖朝野史卷六

三

勇嚴加堵截並將船隻收回對岸以防搶渡其餘各股均竄赴風峒舖一帶臣德楞泰帶領索

倫吉林馬隊抄出賊前賊匪見即奔潰我兵分

投趕殺臣惠齡恒瑞帶兵截剿直至風峒舖沿

途殺獲三百餘人偵探賊蹤分由倒流河青山

溝竄至郭家溝一帶仍依羅其清屯聚臣等即

日分路剿捕務須乘勢殲除計此次截剿四晝

製香齋聖鑒編卷六

夜殺賊四千餘名擒獲千餘名訊據唐正耀等

俱無要供概行正法再查索倫吉林官兵此次

最為出力惟因晝夜趕剿不能休息並山逕崎

嶇所騎馬匹倒斃疲乏者甚多臣等飛咨勒保

福寧等於就近滿漢各營內挑選數百匹解送

軍營以資乘騎再提營山縣知縣謝惟良稟報

八月初七日探得羅其清夥黨五六千人分走

濟川橋佛兒山兩路一撲縣城一撲川北鎮營

盤當即彼此防備商令都司陳全義千總張順

帶領兵勇二千名先往九子嶺林內埋伏該縣

率同武舉賈元寧帶領鄉勇礮位分往獅子嶺

對山接應留都司景坤及典史訓導等在城背

同兵勇防禦午刻賊由九子嶺前來陳全義等

即率伏兵截剿該匪等直奔獅子嶺希圖佔據

製香齋聖鑒編卷六

攻城謝惟良等在對山排列鎗礮連環轟擊賊

匪抵死抗拒適朱射斗擊退濟川橋賊匪帶領

兵勇趕來策應賊匪當由雙溝河一帶奔逃生

擒張碎勝等九名殺賊五百四十七名隨將兵

勇撤回城內詎賊匪等復于是夜二更率眾圍

城竟敢背負竹梯拚死攻撲當被兵勇截斃二

人並將竹梯砍斷復經朱射斗帶兵接應前來

賊始逃散此次鎗斃賊匪三十四名隨訊據張
碎騰供稱此起賊匪係羅其清所差羅朱二姓
頭目帶領攻城均已被破擊斃餘無要供當卽
正法等語嗣據朱射斗稟報亦復相同查羅其
清等公然遣衆攻城該縣謝惟良竟能設法堵
剿朱射斗兩次帶兵擊退並有斬獲均屬勇往
等仍飭令該鎮縣等嚴督兵勇實力防護城
池毋稍疎懈

欽定剿平三省邪匪方略

正編卷七八

同日宜綿奏言張漢潮一股竄匪經官兵連次
截剿後折入南江總欲由陝西仍回湖北明亮
跟蹤剿捕復連出回軍壩一帶東奔秦承恩於
城固一帶派兵截擊王文雄亦自西路堵剿
正在紫陽一帶巡查卡隘一面札飭關騰仍駐
兩河扼要防堵遂帶官兵八百名馳抵石泉賊

欽定剿平三省邪匪方略 正編卷七八

已竄至梅湖地方因船隻盡攏北岸未能潛渡
仍在南岸屯住是夜密派遊擊蕭福祿典史鍾
尙綱義勇方登泰生員王永建等帶領兵勇一
千餘名從黑石頭上流潛渡南岸突至賊營砍
殺北岸兵勇亦俱持炬助威賊盡慌亂當被殺
死四百餘名生擒三十餘人訊非緊要頭目俱
卽正法餘匪乘夜竄入黃黑壩一帶查該處
翻山卽係紫陽之瓦房店地方賊若由此路竄
赴安康平利關入楚境尤爲可慮遂令關騰帶
兵星赴滔河之磚坪一路迎頭遏截一面飛札
柯藩駐守木竹坪要隘慶溥趕赴紫陽江岸以
防偷渡卽由石泉趕回紫陽復派叅將韓加
業知府周光裕帶領兵勇八百名在西鄉紫陽
連界之納溪壩地方同該處團勇千餘名分伏

欽定剿平三省邪匪方略

正編卷七八

一一四

兩山背後盡撤遊騎以示空虛賊匪果於夜間潛至正在覓徑疾走伏兵齊起鎗礮並發殲斃賊匪三百餘人擊死執旗頭目二人其滾崖落澗者亦復不少餘匪捨命狂奔復由老林一帶西竄未能衝入紫陽境內但紫陽西鄉處處相連該匪等窮竄逃生有一線可通之路卽思兔脫總欲竄回楚省現在官兵無多勢難處處嚴防惟有隨時設法相機堵剿協同明亮王文雄等趕緊淨殲均奏入

上命軍機大臣傳諭勒保宜綿惠齡恒瑞富成明亮德楞泰曰羅其清等各股賊匪分據箕山一帶惠齡等自應乘各首逆屯聚一處之時併力攻圍絕其竄逸且羅其清與冉文儔有隙賊黨業已內離若能設法用間使之互相吞噬俾官兵得乘勢制

勝更可收事半功倍之效乃惠齡等計不出此株守多時迨羅其清賊眾被官兵誘令下山剿殺高均德等各股賊匪聞風驚竄富成追剿之徐添德等一股又自營山前來合夥惠齡等不能預籌堵截徒使將士晝夜奔馳分投追剿雖斬獲多名而餘匪仍折回與羅其清屯聚各股著名首逆並未擒獲一名不足爲功其剿殺之賊匪諒不過裹脅附和之眾摺內張大其辭未可深信惠齡等帶如許勁兵剿此敗竄無能之賊日久總未蕪事每遇剿賊打仗猶復覩顏鋪叙惠齡恒瑞富成德楞泰著再傳旨嚴行申飭現在各股賊匪仍折竄郭家溝一帶與羅其清株守之箕山相近而羅其清又分遣夥黨攻撲營山縣城徐添德一股又奔逃舟口可見賊匪來去自如毫無攔阻惠齡等務須親

率官兵嚴密攻圍或於要隘地方設伏邀擊或乘首逆猜忌之時設計辦理將各首逆按名擒獲稍贖前愆若一時不能將各股賊首全數擒縛與其東西馳擊兵無定向莫若併力攻剿羅其清一股此股賊衆較多各賊藉其聲勢結寨相依如將羅其清擒獲其餘各賊無所倚恃自必瓦解則剿辦較易爲力况羅其清負嶠據險一經誘令下山卽

剿平三省邪匪方略

卷六

剿殺多人可見吉林黑龍江勁兵在平坦地方衝鋒馳驟更爲趨健得力惠齡等不可徒事仰攻致稽時日總兵朱射斗知縣謝惟良俱着咨部議叙示獎又據宜綿奏截剿張漢潮情形此股賊匪屢經官兵剿殺總未成擒又任竄至石泉一帶明亮興肇亦著嚴行申飭至勒保所剿冷添祿林亮功兩股賊匪如數日內已將賊首擒獲肅清川東再

赴川北固所深望倘畧需時日該處賊匪無多且已困守空山何不於得力提鎮將領內酌留數人帶兵在彼剿辦勒保當統領勝兵速赴箕山督同惠齡等先將羅其清等大股賊匪剿淨更爲得力仍在勒保酌量而行看來惠齡明亮等兩路俱不足恃惟望勒保乘此軍聲大振之後當秋令涼爽之時所向成功如期奏捷也

剿平三省邪匪方略

卷六

欽定剿平三省邪匪方畧正編卷七十九 戊午年

九月初一日 辛酉 明亮與肇秦承恩奏言楚匪張

漢潮由西鄉堰口東奔欲至石泉紫陽一帶偷

渡漢江王文雄帶兵覓路抄至石泉梅湖江邊

賊匪探知卽行折回王文雄帶同叅將鍾岳等

緊躡追趕截殺五百餘名又經叅將鮑貴張受

榮等帶兵抄擊截殺三百餘名賊匪情急向南

奔竄經 臣 秦承恩派往五塊石防守卡隘之同

知徐洪懿督率鄉勇奮力堵禦未令越過仍折

回向西奔竄 臣 明亮與肇等連日冒雨疾馳追

剿於十二十三等日在王黑壩父子關一帶節

次剿殺一千三百餘名又經各卡鄉勇縛獻一

百餘名賊復翻山奔至西鄉元灘子一帶經 臣

秦承恩派防官東山之遊擊邢承誥守備尙其

倫等帶領兵勇覓路趕至倒 杠子正遇賊匪大

隊蜂擁而來邢承誥等直前衝擊殲賊四百餘

名並鎗斃騎馬執大旗賊目一名生擒二十八

名賊衆乘夜翻山向城固南鄭近江一帶奔逸

經 臣 秦承恩飛調各路鄉勇密布淺灘處所邢

承誥尙其倫等復抄出北路繞截賊見江岸處

處有備卽向西南山內晝夜狂奔遊擊蘇維龍

知縣何振權帶領守卡鄉勇在鄭家壩拒險截

擊殲斃一百五十餘名餘衆卽由小壩竄出四

川南江縣境此股賊匪現存不及三千人沿途

捨命狂奔不敢焚掠 臣 等惟有鼓勵兵勇趕緊

追截現聞額勒登保已由通江趕至西鄉 臣 明

亮等札令速來會合兜剿 臣 秦承恩與王文雄

卽在通川各隘口分布兵勇杜其折竄此次打

仗將弁兵勇均屬奮勉佐領鳳德防禦常祥保
千總劉炯知縣王家齊州同王鍾疑隨同打仗
均受重傷陣亡西鄉義首陳學寧防守隘口當
先抵禦殺賊五名身受十數傷陣亡其餘傷亡
兵勇另行查明咨部至劉成棟一犯經臣明亮
於節次獲犯訊供時逐細研鞫僉稱並無其人
再副都統承德留陝帶兵半載以來奮勇當先
不辭勞瘁七月後感患寒疾甚重適值張漢潮
滋擾邊界猶復力疾帶兵往來堵殺於八月初
五日在西鄉軍營病故殊堪憫惜奏入

聖朝龍運卷九 三

命軍機大臣傳諭勒保惠齡秦承恩明亮曰張漢
湖一股賊數無多本易殲擒明亮等剿辦多日仍
任竄至石泉一帶茲被官兵沿途截殺現存不及
三千人更易一鼓成擒况宜綿督率柯藩等在紫

欽定剿平三省邪匪方略 正編卷七九

陽一帶防守遇其東竄秦承恩王文雄又於通川
各隘口分佈嚴防明亮等趁賊匪折竄之時正可
迎頭截擊何以復任由小塌竄回四川南江縣境
實屬無能已極明亮與肇著再傳旨嚴行申飭所
有打仗陣亡之佐領鳳德等及義民首陳學寧俱
著咨部加等議卹至勒保受朕逾格恩施更當預
操勝算近聞川省賊匪有自相攻擊之語想即係
前此惠齡等所奏羅其清與冉文儔有隙不許上
山冉文儔遂約陝匪分屯箕山坡下等事若果如
此賊黨業已內離勒保到彼或設法用計赦冉文
儔之罪令其為官兵前驅進攻羅其清更可收以
滅攻賊之益是亦一法勒保當密為留意相機速
辦至惠齡等在彼剿辦多時何計不及此徒事株
守尾追並著惠齡等一體留心設法為要

聖朝龍運卷九 四

二四五

初五日^{乙丑}勒保奏言^臣督兵攻剿冷添祿股匪自將蛇皮峯銅鼓包等處賊卡攻克後賊勢更形窮蹙惟恃山勢險峻併力相持查蛇皮峯至祖師觀雖有小路可通而中間溝坎層疊兩傍均係懸崖賊匪壘石其上一俟官兵攻撲即飛石如雨^臣隨於各兵勇內挑選超捷之人紮竹為梯先令攻撲兩傍陡崖奪據險要然後大兵再由中路進發十二日晚間酌定道路密派千總羅思舉義首冉斌帶領兵勇從左手而上千總薛陞王大勇義首袁夢姚帶領兵勇從右手而上^臣督率七十五百祥等帶領官兵由正路而進兩路兵勇乘夜潛行進抵賊卡之下密將竹梯排列賊匪因該處均係峭壁無路夜間防範稍疎兵勇乘其不備緣梯登陟甫上至二三

聖朝勳績錄卷五 五

百人將賊匪所堆石塊堆放賊匪聞聲驚覺鳴鑼聚眾迎敵維時七十五百祥等亦催兵競進越過山溝上至亂石窖地方撲開賊卡拋擲火彈火箭將茅棚立時燒毀兩路兵勇乘勢會合遇賊即殺殲斃三四百人生擒一百餘名將及黎明接應之賊聚集漸眾我兵奮勇力撲短兵相接殲斃極多惟緣地方險窄且祖師觀一帶山勢更高未能徑上是以將兵暫撤訊據活賊供稱首逆冷添祿及賊目符日明劉朝選等手下夥黨約有五六千人自王三槐被拿之後人畏懼無路可逃祇可率眾堅守寨上糧食無多惟賴收割附近蛇皮峯梨兒壩等處糧食各自餬口聽聞冷添祿等商議且俟糧食喫完再作計較等語^臣查蛇皮峯已經官兵紮住賊匪

聖朝勳績錄卷五 六

不敢下山其梨兒壩地方係穆克登阿艾如支
一面進兵要路隨於十五日五更酌派七十五
百祥富爾賽德英額等分路發兵攻撲祖師觀
賊寨牽綴賊勢令穆克登阿艾如文帶領官兵
由梨兒壩一帶進發並令分派兵勇將附近秋
禾雜糧儘數收割是日各路官兵分投而進賊
匪悉力抵禦惟梨兒壩一路賊匪捨命下山衝
撲我兵一面接仗一面將山坡上下所種糧食
放火焚燒賊匪意在護糧愈撲愈力我兵奮勇
截殺斃賊五六百人自辰至未餘衆始行潰散
官兵陸續擒獲七十二名訊據供稱寨上糧食
不多今見官兵將熟稻收割所以下來搶護餘
無要供當將先後所獲賊匪王如學蕭存應等
一併正法臣現將周圍營卡木柵濠溝一律向

剿平三省邪匪方略

七

前近逼乘其窮蹙之際晝夜攻圍總期剋日掃
除以便移兵他路再查林亮功股匪自與王光
祖等合夥竄擾忠州梁墊之交先經臣飭令各
該地方官挑派鄉勇實力堵截並嚴催富森布
等趕緊帶兵兜剿嗣經署梁山縣知縣方積署
忠州知州王垂重會同都司施連登等各帶兵
勇於胡蘆寨白廟場等處分投截剿匪衆俱向
墊江境內逃走富森布督率官兵跟蹤追剿沿
途俱有斬獲及抵墊江縣屬沙坪關地方賊匪
正在附近之毋間橋焚掠富森布督兵馳擊殲
賊四百餘名生擒三十六名叅將七十七衝撲
賊隊手刃執旗賊目一名旋受矛傷陣亡該匪
竄至新橋逼近墊江縣城經該縣知縣李毓璣
等帶領鄉勇與富森布兩路夾擊復斃賊二百

剿平三省邪匪方略

八

餘名匪眾退屯黃沙岩高灘一帶臣仍嚴飭富

森布等趕緊攻剿又前任護軍統領舒亮自參

革以素習營務力頗為感奮前攻克安樂坪後

該員因積勞暑濕漸成痼疾猶每日照常帶兵

本月初六日晚間汗發不止次日身故詢係積

勞所致殊為可憫

同日福寧奏言查川省官兵追捕窮寇併口而

剿匪新舊軍書卷五 九

馳且四賊無定向輾轉分投截擊所需糧餉若

僅就一二處勉力轉輸究形竭蹶現已飛飭保

寧巴州營渠雲萬等處在在安設糧站四路輓

運協力供送俾所在要需充裕以期無悞惟川

東川北自賊匪滋擾以來蔓延千餘里統計蹂

躪之處已不下數十州縣嗣復有陝楚各匪闖

入股數愈多官兵東西兜截則賊匪南北窮奔

倘或前後夾擊則左右又難兼顧各州縣因地

方遼濶山險路歧隨處募鄉勇自數千名至萬

餘名不等以資堵禦前據省局司道冊開上年

各屬所募隨營打仗以及防守城垣卡隘保護

糧臺各鄉勇截至今年正月底止除隨時裁汰

不計外實有十數萬之多臣於今春接辦之始

察看鄉勇為數紛繁誠恐稽核難週其中不無

剿匪新舊軍書卷五 十

浮糜虛設等弊是以一面嚴飭確查一面與勒

保再四咨商凡各營及州縣新舊召募鄉勇必

須酌量賊氛之遠近營卡之緊要是否勢所必

需均令據實造冊呈送總統其有應增應減之

處悉由勒保核明知會始准支給銀糧庶足以

節糜費而杜浮濫適來查看各處所設鄉勇較

前頗為得力惟是川省大兵雲集而鄉勇倍多

於兵數一切鹽糧所費甚鉅查軍糧一項既有
甘省運到協濟麥石磨麵配搭供支又楚省撥
解糧三萬石亦可陸續抵夔兼之川省今歲年
穀豐收採買較易即可由水陸並運決不致有
匱乏之虞至續請糧餉四百萬兩自六月間分
起解到臣因成都省局正在發價買糧並支放
兵餉製辦器械軍火等項需用較繁當撥給銀
二百萬兩即令保寧達州兩處分收撥往各軍
營以備支領刻下通計所存餉項極力撙節尙
足敷九十兩月之用計官兵剋日擒渠即帑項
亦可節省均奏入

上命軍機大臣傳諭勒保曰賊首冷添祿困守窮山
糧食就盡今梨兒壩所種糧食又經官兵焚燒收
割賊匪更無可接濟現在勒保已拿卡進逼四面

欽定剿平三省邪匪方略

正編卷七九

攻圍無難卽行剿竣勒保勿以王三槐就縛卽爲
成功意存自滿致有懈弛爲要其林亮功一股現
據勒保奏稱富森布等帶兵追剿匪衆退屯黃沙
巖一帶正可乘勢搜捕所有殺賊陣亡之叅將七
十七著咨部加等議卹至軍營供支俱有定例豈
容稍有浮濫如各路有濫支濫應者卽應據實查
叅現據福寧奏川省所存餉項僅足敷九十兩月
之用若軍務不及早告竣則坐糜糧餉爲數不貲
勒保及各路領兵大員皆係受恩深重之人寧不
知經費有常不容虛耗耶

欽定剿平三省邪匪方略

正編卷七九

初九日已明亮額勒登保與肇泰言查張漢湖
一股賊匪蓄意欲渡漢江節經多方截剿甚形
窮蹙連日復於小壩一帶追擊正值秋雨連綿
溪河水漲賊匪亡命晒過我軍乘勝直前冒雨

力剿斬戮者約三百餘名防禦孫札七驍騎校

長柱外委馬昭均以殺賊陣亡餘賊又竄入南

江邊界臣額勒登保病勢漸愈於入月初三日

自太平通江抄入陝之西鄉固鄉營四渡河等

處沿途殲賊一百二十餘名二十六日薄暮在

穆家壩與臣明亮與肇會合疊接秦承恩來札

知高均德一股賊匪現屯廣元之旺蒼壩嗣又

據報在水磨堡野人村一帶焚掠羅冉等逆又

復近在營山儀隴此時陝境寧羌沔縣一帶兵

備甚單情形緊急囑統得勝之師迎擊臣等查

高均德一股若由寧沔一帶入陝彼處江淺易

過一經延蔓辦理更覺費手而張漢潮股匪已

在殘敗亦應趕擊臣等自須兩路兼顧臣明亮

與肇即帶滿漢官兵三千餘名由南江一路緊

剿張漢潮一股如過高逆由廣元東竄仍可向

西橫擊杜其旁遁臣額勒登保即帶原領滿漢

官兵二千餘名覓道抄赴寧羌一帶迎擊高均

德一股想川中大兵必緊躡賊蹤而至兩面剿

辦更為有濟倘賊知有備又折回廣元則帶兵

自北而南亦屬甚便

同日惠齡恒瑞德楞泰奏言前因各股陝匪分

竄西北隨即分股截剿退回附近箕山之郭家

溝屯踞惟徐添德一股竄往舟口富成跟蹤追

捕旋據札稱徐添德與樊人傑王登廷等一見

官兵即竄回營山之插旗山古戰坪鳳凰寺等

處分屯拒守請再帶兵圍剿臣等查冉文儔等

依附羅其清屯踞未必即行分竄而徐添德各

股現踞鳳凰寺一帶勢欲阻扼營山渠縣運道

聖祖聖孫纂編卷九 三

聖祖聖孫纂編卷九 十四

並與羅其清相為犄角使官兵前後受敵必須
先將此股賊匪設法攻剿方不致被其牽綴隨
一面知會富成從玉鼎山一路堵截臣等卽帶
官兵分爲兩路抄赴走馬嶺一帶進攻行至絡
市橋遇見賊匪二三千人前來邀截我兵分隊
迎殺斃賊七百餘名賊始退去訊據活賊供稱
徐添德現在鳳凰寺等處紮寨羅其清等派出
三千餘人前往幫助不料被官兵堵殺等語當
卽正法是日趕至走馬嶺紮營該處前後均有
徐添德匪黨盤踞臣德楞泰督率賽沖阿阿哈
保溫春阿穆勒塔達三泰副將德寧等帶領官
兵直攻插旗山賊卡臣惠齡恒瑞督率總兵李
紹祖觀祥副將德忠馬兆瑞等帶兵從插旗山
右手抄擊臣德楞泰鼓勵將士奮勇搶撲賊匪

《聖訓寶鑑卷九

五

《聖訓寶鑑卷九

六

抵死拒敵我兵鎗箭並發擊斃二百餘人賊眾
稍退我兵乘勢進攻砍開寨柵一湧而入又斃
賊三百餘人時臣惠齡恒瑞督兵從賊寨之右
分投截剿當將餘匪殲戮淨盡與德楞泰會合
卽將插旗山奪佔隨剿隨進逼入古戰坪我兵
奮力掩殺又斃賊匪五百餘人乘勝直抵鳳凰
寺山下該處山勢險峻賊匪業已築就木城爲
負隅之計是時天已昏黑兼值大雨隨督策弁
兵分投撲上賊匪擲石放鎗抗拒甚力臣德楞
泰同阿穆勒塔分帶官兵繞赴賊寨之後攀援
直上阿穆勒塔首先砍破木城官兵從後擁入
拋擲火彈立將草棚焚燒賊匪慌亂火光中見
有帶翎賊目一人執旗奔竄當被都司李東山
殺死我兵乘勝掩擊賊一千餘人遂將鳳凰

寺賊巢攻克生擒張貴等二百餘名該匪等紛
紛潰敗仍向箕山一路奔逸適遇富成帶兵迎
擊又斃賊一百餘人生擒樊人仲等二十餘人
賊匪捨命分竄該將軍帶兵追往當提張貴等
嚴訊據供徐添德樊人傑王登廷等三人逃至
鳳凰寺見山險可以拒守當有冉文儔龍紹周
龔建唐大信等各派匪黨共二千餘人幫同各

聖朝重寶編卷九

七

處守卡徐添德說築就木城再約冉文儔來此
屯紮不料官兵就到連破寨子徐添德樊人傑
先已逃去王登廷已被官兵殺死等語又據樊
人仲供係樊人傑之弟前日見高均德與樊人
傑商量要逃往巴州通江一帶樊人傑不允聞
得還走箕山同龍紹周等一處住紮餘無要供
當將該犯概行正法現在徐添德樊人傑竄赴

箕山見各股賊匪均歸一處正當聚而殲除但
賊股較眾道路紛歧易於分竄官兵四面兜圍
不敷分布查各該州縣均有團練鄉勇如調赴
各隘口嚴密堵截官兵從正路進攻自更易於
集事現飭各該州縣督率鄉勇隨同官兵分投
拿卡以遏賊匪奔竄之路並札知富成帶兵前
赴天池寺一帶由西北進剿總兵觀祥帶兵前

聖朝重寶編卷九

大

赴固州寨由東北進剿臣惠齡恒瑞帶兵前赴
黃木寺由西南進剿臣德楞泰帶兵前赴小朋
寺由東南進剿如各州縣鄉勇未經齊集之前
賊匪倘有奔竄即行帶兵截剿再據蒼溪縣知
縣張宏軒稟稱高均德一股賊匪於初九日竄
入縣屬之高坡場梨家場屯紮又有張漢柳分
起賊匪李槐李潮詹世爵亦於初九日竄入該

縣之彭店垭一帶與高均德會合等語臣等查

高均德一股屢據獲賊供稱現在箕山一帶而

李槐詹世爵經明亮等於七月內在通江之青

池子山口俱行殲斃何以復有竄入蒼溪之說

且查張漢潮現經明亮等剿辦而臣等連日獲

犯亦稱尚有張漢潮賊衆在此總緣賊股既多

各該縣不加細訪或賊匪狡詐妄託賊首名目

刑部題本

九

為率級官兵之計德楞額一聞此信恐該匪竄

入陝境即擬帶兵飛馳往剿臣惠齡酌量情形

現在冉文儔徐添德阮正通龍紹周龔建唐大

信王正潮等各股賊匪逼歸一處正當喫緊之

時如德楞額分兵前去益覺兵單似應仍留德

楞額在此一同剿辦至明亮等現將張漢潮股

匪逼入南江一帶乘勢追擊設高均德果與會

合正可一併剿捕則北面亦可無虞臣一面知

會明亮額勒登保就近帶兵剿捕並飛飭原派

之總兵德齡川北道李鈇一體截剿並飛咨秦

承恩王文雄於寧羌廣元交界扼要堵截均奏

入

上命軍機大臣傳諭勒保宜綿惠齡恒瑞明亮景安

秦承恩曰明亮等奏追剿張漢潮一股賊匪情形

刑部題本

三

皆係空言不但賊首未擒即所追賊匪亦未能痛

加剿殺不過因高均德一股屯聚廣元與額勒登

保分兵追剿敷衍具奏伊等所辦何事明亮與肇

著再傳旨嚴行申飭其打仗陣亡之防禦孫札七

等均著交部加等議卹惠齡等雖將鳳凰寺攻克

殲斃賊目而首逆仍未擒獲玩愒已極惠齡亦著

傳旨嚴行申飭至高均德一股明亮等奏已竄至

廣元而惠齡等又稱接據蒼溪縣稟報已竄入該縣地方所奏互異查明亮等奏摺在惠齡等發摺之後三日自係高均德等已由蒼溪復竄廣元現在額勒登保業經帶兵抄赴寧羌一帶迎擊惠齡等自當酌量分兵自南而北兩面夾擊何得專辦徐添德而置高均德等一股於不問此時惠齡等如已將徐添德剿盡馳赴廣元固所深望若尚在箕山則伊等三人內即當酌分一人帶領勁兵速赴廣元截擊高均德等一股方不致顧此失彼惠齡等於此等機宜竟不知權其緩急豈一味株守與賊相持耶陝省寧沔一帶宜綿秦承恩王文雄等務須督率兵勇嚴密堵截勿令賊匪乘間北渡漢江其鄖陽竹山及歸巴一帶現有景安高札等亦當一體實力堵截

聖朝實錄卷九

三

十五日^{乙亥}勒保奏言冷添祿一股賊匪屯聚祖師觀一帶^臣節次督兵攻剿因山勢險峻未能即行掃蕩兼自十九日以後積陰成雨晝夜淋漓山路泥濘艱於登陟^臣隨調集各營大小戰位相度賊卡對面山包安設遠近轟擊凡賊匪沿坡搭葦茅棚擊燬無數斃賊亦多木城石卡亦間轟塌該匪等情形惶急又復刨挖壕溝潛伏守禦直至二十四日晚間雨勢漸止^臣當派七十五觀成百祥富爾賽艾如文穆克登阿等各帶兵勇分路環攻^臣督率叅將薛大烈皂祿等由亂石窰進發策應並傳諭各路兵勇無論山僻路遙如有首先撲入賊巢者除論功超擢外另當給予重賞次日五更各兵勇分投競進直撲木瓜坪鷹嘴岩石壁峯二層岩等處賊卡

聖朝實錄卷九

三

攀援競上賊匪排立懸崖鎗石並發我兵正在
相持突有賊匪二百餘人躍出石卡由魚鱗口
而下意在抄襲石壁峯一路兵勇之後臣即派
薛大烈帶領官兵從亂石窄傍路壓下出其不
意直逼至鹽渠灘時值山澗水漲賊匪前進不
能退道無路立時殲盡餘匪悉據卡堅守復值
風雨交作霧氣迷漫隨將官兵暫撤連日以來
密雨不止焦灼萬分並查該匪等率眾負隅不
遺餘力臣現在繕發告示密給賊目符日明劉
朝選等諭以如能縛獻冷添祿卽賞其一死其
中如有被脅入夥之人及早散出准令各歸本
業倘能聚黨離心賊首賊目互相猜忌正可相
機進剿如再堅心抗拒一俟天氣稍霽或酌撤
一面營卡誘令竄逃另行伏兵截擊諒不難一

聖朝聖編卷九

臣

鼓集事此次打仗副護軍參領岱德受傷陣亡
都司余得海亦經受傷其餘傷亡兵勇另行查
明咨部再查林亮功王光祖等股鼠匪前在墊
江經兵勇夾擊退屯黃沙巖高灘一帶臣復嚴
飭富森布帶兵趕緊攻剿並令該處附近各州
縣團練鄉勇堵截茲據稟報此路賊匪旋由高
灘登溪鋪等處闖入長壽經該署縣范紹泗督
勇堵禦匪眾遂卽竄至江北境內並又分股滋
擾隣水縣屬姚灘場一帶臣查江北爲重慶藩
籬向來五方雜處今經賊氛逼近恐致民情驚
駭其隣水路通廣安亦係賊匪往來熟徑富森
布一路兵力本單臣復抽撥官兵交總兵劉君
輔帶領馳往會同趕剿
勒保又奏言臣欽奉

聖朝聖編卷九

臣

諭旨令將生擒首逆王三槐時隨同打仗之鎮將及

在事出力之文武員弁義勇人等查明功績具奏

臣自督兵剿賊以來在事文武各員或節次打

仗殺賊或承辦軍務糧餉奮勇出力者洵不乏

人緣未能迅獲渠魁不敢冒昧保奏茲幸仰仗

天威生擒首逆臣謹確加查核除提鎮兩司大員不

敢奏邀

恩旨外謹就道將以下擇其打仗辦事實在出力各

員分繕清單恭呈

御覽至義勇一項隨營打仗均能奮勇而各領首內

臣又擇其明白曉事者每令偵訪賊情查探道

路指認首逆賊目得力之處甚多經臣隨時給

予虛銜頂戴惟人數較衆未便徧請

施恩茲先保列實在著有勞績者數人以示鼓勵至

臣奉

命督師未能迅速蕝功方深悚惕乃邀格外

殊恩晉封公爵實為夢想不到而臣弟永保復荷

洪慈釋放感極涕零莫知所措查永保正在年力强

壯若令在家閒散臣心益切不安仰懇

天恩交與臣處帶兵効力臣亦得隨時教導使之勉

區報効以贖前愆

同日宜綿奏言查張漢潮股匪折回川省南江

境內嗣據探報冉文儔等數股賊匪已由巴州

南江折回營山儀隴惟高均德一股尚在廣元

之旺蒼壩屯紮張高二逆皆襄陽人非如川省

匪徒顧戀鄉土者可比張漢潮前在川省即分

徒衆二千餘人令周添期帶領往幫高均德此

次復入川境必與高逆合夥引之由寧羌沔縣

次復入川境必與高逆合夥引之由寧羌沔縣

一路入陝以避漢江之險惟索費英阿所帶之
兵僅有一千餘名雖經秦承恩派委知府趙洵
前赴八廟河西流河等處團練鄉勇協力堵禦
而邊界延長恐難深恃倘賊匪一入寧河西趨
徽縣兩當卽犯甘肅且阻我協川糧道北入雞
頭關卽入棧道震動西安鳳翔若東入洋縣由
五郎鎮安直趨商維處處可虞臣聞信後卽飛
飭副將李文蔚將防守蔡壩之兵五百名交索
費英阿統領於寧河一帶緊要隘口添派防堵
並聞額勒登保業經帶兵趕抵南鄭境內臣又
一面飛咨明亮由小壩緊躡賊蹤使張漢湖不
敢折回額勒登保卽由南鄭間道馳赴寧羌爲
迎頭截擊之計又續據探報高均德賊匪由旺
蒼壩移竄野人村復至南江之坪河其地與南

聖朝聖訓卷五十九

七

鄭西鄉接壤距寧羌邊界二百餘里賊勢漸趨
而東王文雄現駐南鄭之黃官嶺可以抵禦惟
西鄉尙覺空虛臣卽令鎮臣慶鴻帶兵千名趕
赴西鄉之私渡河罐子山一帶遏其東竄之路
如南鄭有警亦可與王文雄協力剿殺現在興
安連界之太平大寧等處尙無賊匪滋擾情形
稍緩柯藩在紫陽一帶足資防守臣亦親帶關
騰之兵八百名前赴石泉洋縣一帶相機策應
至沿江北岸秋雨連綿江水泛漲賊匪必不能
飛渡惟慮入冬之後水涸灘淺可渡之處極多
臣已派令道府大員督率地方官團聚勇壯於
淺灘處所設卡列戍使賊匪不能陋淺徑渡臣
與秦承恩不分畛域鼓勵兵勇視賊勢所趨往
來堵剿均奏入

聖朝聖訓卷五十九

三

上命軍機大臣傳諭勒保宜綿惠齡恒瑞富成泰承
 恩明亮德楞泰曰冷添祿困守窮山糧食就盡自
 當即日就擒盼望捷音甚切今勒保奏到情形僅
 係攻撲賊卡殲斃抄襲官兵後路賊匪二百餘名
 又因霧雨連綿撤兵駐守閱之殊不愜意現在該
 督繕發告示密給賊目使其縛獻冷添祿雖亦一
 法但賊匪愍不畏死奸猾異常豈肯遠行獻出若

《聖朝實錄卷七十九

三

似此籌辦未免又稽時日且見輕於賊矣勒保帶
 領如此勝兵乃藉詞山勢險峻未能即行掃蕩豈
 賊匪能陟險據守官兵獨不能陟險進攻耶殊負
 恩眷勒保著傳旨嚴行申飭現屆秋深天氣晴爽
 該督當乘勝直前擒渠掃穴以便迅速移師川北
 不可再有遲延其陣亡之副護軍叅領岱德著咨
 部加等議卹再林亮功王光祖股匪又分竄長壽

隣水等處富森布在彼剿辦冬時未能擒獲任令
 分路竄逸無能之極此時劉君輔自己前抵該處
 該員亦係棄瑕錄用之人務當倍加奮勉與富森
 布速將林亮功王光祖等擒獲若再令蔓延他竄
 必將伊等從重治罪又據奏請將伊弟永保發往
 軍營効力一節永保前在湖北軍營獲罪甚重拿
 解來京不即按律治罪僅禁囹圄已屬寬典昨因

《聖朝實錄卷七十九

三

勒保擒獲王三槐又復推恩釋放勒保係該處總
 統軍務之人若將伊弟發往帶兵勒保自必心存
 偏向無論其在何路盡力與否必為之設法邀恩
 何以服眾此奏斷不可行至軍營出力人員已分
 別加恩矣此時高均德一股在廣元屯聚而張漢
 潮一股不能渡江北竄必思與高均德合夥由寧
 沔一路入陝以避漢江之險宜綿所奏尙是但張

漢朔一股經官兵剿殺所存無幾乃明亮等任其
往來奔竄迄未成擒而惠齡等帶領如許勁兵在
川北剿辦日久不但不能擒一首逆復任高均德
一股折竄廣元無能已極惠齡恒瑞富成德楞泰
明亮與肇俱著傳旨嚴行申飭現在宜綿已飛咨
明亮由小壩緊躡賊蹤使張漢潮不敢折回額勒
登保由南鄭馳赴寧羌一帶倘張漢潮已與高均
德合夥正可為兩面夾擊之計並著宜綿泰承恩
王文雄索費英阿等分投堵截勿使賊匪一名闖
入陝境為要

上諭內閣曰勒保奏查明生擒首逆王三槐時隨同
打仗之鎮將及在事出力之文武員弁義勇人等
開單進呈道員承勳石作瑞著賞給按察使銜知
府姚令儀鄭人慶著賞給道銜候補知府吳桂著

俟服闋後遇有相當之缺補用同知洪範曹六典

應先烈候補知州許雲霄俱著賞戴花翎降調迺

判盛露著准其開復留於四川補用知州趙來震

知縣呂朝恩著賞戴藍翎叅將薛大烈著賞給健

勇巴圖魯名號二等侍衛花品著授為頭等侍衛

藍翎侍衛慶昌著授為三等侍衛革職二等侍衛

祥金保著授為三等侍衛副將富森叅將皂祿倭

星額唐朝臣遊擊花良阿俱著賞戴花翎都司陳

騰龍盧呈瑞守備馬隆俱著賞換花翎防禦特松

阿守備袁章田順章千總胥耀宗把總楊杰俱著

賞戴藍翎義民首貢生劉星渠著賞給五品頂戴

並賞戴花翎以通判選用餘著照所請行

欽定剿平三省邪匪方略正編卷八十 戊午年

九月二十一日 辛巳

上命軍機大臣傳諭勒保曰勒保係總統大臣所帶官兵較他路尤為壯盛自王三槐就擒後聲勢百倍正可鼓其銳氣迅速成功且所剩冷添祿一股賊匪困守窮山更非若奔竄無定者可比乃勒保遷延日久仍未將此股撲滅豈竟不以剿賊為事

聖祖聖訓卷十

耶著再傳旨嚴行申飭現在秋高氣爽甚利行兵勒保務當鼓勵將士即將祖師觀攻克擒拿冷添祿以便即日移師川北卽或一時不能竣事亦當酌留鎮將圍攻親率勝兵先赴川北寧有株守一處為冷添祿牽掣之理著卽迅速覆奏

二十三日 癸未 惠齡恒瑞德楞奏言 臣等合兵

剿賊三月有餘未能擒獲首逆萬分愧懼緣賊

股較衆當將箕山賊匪設計誘殺詎陝匪各股聞風奔竄官兵由土門鋪壁山廟分路兜圍四晝夜盡力趕殺殲戮至四千餘人賊勢甚為窮蹙始得折回箕山首逆仍未成擒昨又將徐添德樊人傑等屯紮之鳳凰寺賊巢攻破逼歸一處正擬設法圍剿而前調各該州縣鄉勇因兼旬陰雨道路泥濘尚未到齊 臣等心急如焚探

聖祖聖訓卷十

報箕山西北攔路堽十二灣並南面白巖寨路市橋一帶俱有賊匪屯踞 臣等當卽知會將軍富成並派總兵觀祥前往堵剿業將攔路堽十二灣兩路賊匪殲斃四五百名餘衆竄回箕山一帶 臣等復將白巖寨路市橋等處賊卡連次攻克殺賊一千餘名殲戮殆盡 臣等俱係受恩深重之人不能迅速擒渠頓勞

宸厯憤愧交深現俟各處團勇齊集當卽派撥各隘口隨同官兵分投拿卡四面合圍臣等帶領官兵從正路進攻奮力剿辦倘能仰賴

天威於九月內擒獲首逆一二人隨卽次第剿辦可

冀迅速肅事至臣等每遇打仗俱係親臨行陣

從未僅派鎮將稍自偷安緣行陣必須督率指

揮各兵方肯用命而臣等亦可察將卒之出力

《聖諭廣訓卷十

三

與否以示勸懲此亦臣等職分當然並不敢稍

有支飾

同日德楞額奏言臣仰蒙

天恩畀以軍旅重寄在楚在川已歷四載此次賊匪

奔竄無定官兵追剿日須移營夫驟各項又不

能不酌量領用惟是所帶官兵七千有餘鹽糧

各項均係照例支領且係該省派令地方官隨

營辦理各營分自具印鈐各領該糧員按領核

給今自秦入川川省先派漢州知州覃光典赴

營管理糧務一切應支悉屬該糧員自行經理

今覃光典以臣營中每月約需銀九萬餘兩具

稟英善等咨詢查臣一路領隊副都統巴圖魯

侍衛及滿洲吉林索倫官兵應得分例較之綠

營官兵爲數較優通計滿漢屯土官兵共七千

《聖諭廣訓卷十

四

餘名按照奏定條款每月鹽糧及夫驟各價須

銀五萬四千餘兩計臣帶領官兵於五月二十

一日追賊入川截至八月二十日鹽糧各項實

應支銀十六萬二千餘兩除支過銀十四萬餘

兩外尙未領銀二萬餘兩營員並無浮濫之項

有款可查何敢捏飾合將支用銀數清單恭呈

御覽

同日宜綿秦承恩奏言賊匪張漢湖一股前竄西鄉境內經各路官兵節次剿殺未得偷渡漢江截回川省與高均德一股竄聚南江縣境適額勒登保帶兵馳至南鄭縣之牟家壩臣等恐該匪由廣元竄入寧羌窺伺北棧或由昭化翻山北出階隴因札商額勒登保即由寧羌帶兵前進探蹤迎剿茲據差弁探報高均德等果由南江折回廣元縣之通坪漸近棧道大路需兵甚急幸額勒登保兼程趕至已由百丈關一路迎剿可與明亮等合力夾擊並據廣元縣知縣劉尚稟報相同臣等現惟督同王文雄柯藩慶溥等分布兵勇嚴防卡隘杜其闖入之路其張漢湖尾股賊匪張二美等前因官兵衝散潛匿西鄉菜子溝山內老林經守卡州判李晶帶領

聖祖御製續編卷十

五

鄉勇搜殺三百餘人追至司渡河又經派防該處之守備雙德帶領兵勇逼入山溝兩面兜圍剿戮盡淨守備雙德外委安正剛鄉勇首領王國英程師均生員劉潮輝因奮力攬殺各受重傷陣亡均奏入

上命軍機大臣傳諭勒保宜綿惠齡恒瑞富成秦承恩明亮德楞泰福寧日惠齡等於初九日奏到攻克鳳凰寺賊巢後未據續有奏報方以為伊等或俟首逆就縛一併馳奏及閱本日奏摺祇係覆奏節次飭諭空言搪塞並未設法進攻箕山一帶屯聚賊匪復稱前調鄉勇因兼旬陰雨尙未到齊豈兵勇雨淋而賊匪獨不被淋乎實屬藉詞支飾惠齡恒瑞富成德楞泰著再傳旨嚴行申飭惠齡等自定限期冀於九月內擒獲首逆二二人次第剿

聖祖御製續編卷十

六

辦今九月止有七日惠齡等果能上緊剿辦於限
內將各首逆全行拿獲不但免其治罪且可仍邀
獎賞否則或如伊等所奏拿獲一二人亦可將功
抵罪倘仍前延緩自逾限期又成虛望則是罪上
加罪斷不能再邀曲貸也又軍營支用錢糧各有
一定分例豈容絲毫浮冒今德楞泰奏稱每月支
銀五萬四千餘兩而糧員稟報月需九萬餘兩多
寡懸殊著福寧據實查核毋任藉詞浮冒至宜綿
等奏籌堵川界竄匪情形張漢潮一股明亮等不
能早為殲盡轉任其竄往南江與高均德合夥且
旬餘以來亦未見伊等奏報現在高均德等由南
江折回廣元額勒登保已從百丈關一路迎剿正
可合力夾擊務當趁此機會肅清一路所有搜剿
西鄉餘匪打仗陣亡之守備雙德等首各部加等

欽定剿平三省邪匪方略

正編卷八〇

欽定剿平三省邪匪方略 正編卷八〇

議卹但摺內既稱將西鄉潛匿賊匪追至司渡河
經雙德等帶領兵勇入山殲戮淨盡是官兵大得
勝仗賊匪殲盡無遺則守備雙德等又為何賊所
戕殊不可解宜綿等並未親臨目睹祇據稟報虛
詞入告竟不知其自相矛盾即云兵勇等奮力攬
殺間有受傷陣亡者亦斷無如許之多顯係掩敗
為功飾詞具奏將誰欺乎現在州判李晶及撤回
官兵內有無在該處帶兵目擊情形者著宜綿等
切實詢問據實登答毋得稍有含混
二十七日_丁勒保奏言冷添祿一股賊匪負隅
屯聚守禦甚堅官兵自前次攻撲木瓜坪鷹嘴
巖等處賊卡後仍值霧雨連綿艱於登涉當經
臣將江口一面營卡暫行酌撤另於晉堡四季
坪一帶伏兵以待惟冀誘賊竄逃相機截擊詎

欽定剿平三省邪匪方略

正編卷八〇

欽定剿平三省邪匪方略 正編卷八〇

該匪等窮蹙之餘屢遣黨六潛出探聽並不敢
傾巢而下先後拿獲探信賊匪丁遠安等二十
餘名訊據供稱冷添祿原想從鹽渠江口等處
奪路奔竄近見江口官兵營卡間有抽撤正可
乘間逃生惟緣江口一路有河阻隔連日陰雨
適值河水漲發之時不能躡渡恐官兵追剿必
致前後受敵是以不敢逃竄再臣前次繕發告

剿平番匪彙編卷十

九

示密給賊目符曰明劉朝選等諭以縛獻冷添
祿藉為離間之計茲訊據丁遠安等僉稱祖師
觀周圍卡隘均係冷添祿派人守禦防範甚嚴
凡有私自脫逃者一經查獲即被殺害恐劉朝
選等一時難以下手各等語臣查該匪既仗地
勢險峻率眾固守計誘未成自應設法攻剿無
如連旬雨水過多仰攻實形費力惟初二初五

初九等日雨勢畧小臣即整頓兵力督率七十
五觀成百祥富爾賽德英額等各帶兵勇分路
進發並安設大小礮位周圍轟擊賊匪一見扳
援驟上均各潛伏濠溝向外擲石抵禦臣每令
各兵撲近賊濠先行拋擲火彈俟賊匪驚避躍
出復合鎗箭並發賊匪措手不及殲斃極多惟
積雨之後山坡渾滑其將近賊卡地方坡坎更

剿平番匪彙編卷十

十

陡總未能躡險竟上焦灼萬分連次冒雨仰攻
惟恐兵勇稍存畏怯是以臣與帶兵提鎮大員
無不親加督率現仍鼓勵將士一俟天氣稍晴
即行設法攻擊至此次打仗七十五於帶兵撲
卡之次右腿得受鎗傷子尚未出不能動履是
以囑令暫赴夔州趕緊醫治再查林亮功王光
祖等股賊匪竄擾江北隣水所屬臣因富森布

一路兵力稍單復派劉君輔帶兵馳往會剿並
飛飭各該地方文武實力堵禦嗣據各路稟報
該匪等闖入江北卽屯踞張關山並分股由桶
井一路奔竄冀圖窺伺重慶經該府趙秉淵遊
擊李發先調集兵勇與署同知李在文併力迎
擊斃賊二百餘人陣亡把總田應龍一員餘匪
仍退回張關山適富森布帶兵趕到賊匪率眾
抵敵我兵奮力攻擊斃賊三百餘人千總李占
魁外委廖懷英均因殺賊陣亡匪眾卽由合州
隣水一帶狂奔其勢必由岳池廣安大竹一帶
熟路肆竄是以臣嚴飭富森布緊躡賊蹤追剿
前進並令劉君輔卽從大竹隣水一路進發以
爲兩面夾擊之計至臣經其清冉文儻徐添德等
股賊匪現仍分屯營梁等縣地方惠齡恒瑞德

《聖諭廣訓卷十

十一

楞泰富成等督兵節次攻剿斬獲甚多張漢潮
一股竄至陝境經明亮秦承恩等督兵兜截復
又折回川省南江邊界其竄擾廣元賊匪先據
地方官稟報係張漢潮等股餘黨並有報稱高
均德亦在其內者現准額勒登保知會已從寧
羌一路來川截剿自可無虞闖入陝境
同日額勒登保奏言臣前在南鄭地方接准秦
承恩札稱高均德等在廣元之旺蒼壩等處焚
掠逼近寧羌臣恐賊匪又復闖入陝境卽帶兵
二千餘名覓道由寧羌一路徑趨廣元迎剿一
入廣元境內偵得賊匪聞風折竄已至百丈關
臣星程馳赴賊匪又遁至老土地埡柳溪溝仍
在廣元地界臣查百丈關有溪河一道秋雨兼
旬山水陡發賊匪一時難以徑涉但水勢稍退

《聖諭廣訓卷十

十一

灘淺之處即可躡水一經過河又可竄入陝境

署廣元令劉清本有團集鄉勇臣一面飭令於

各要隘盡力防堵並將河邊船隻悉行遠撤防

賊回竄臣即帶兵由老土地壩一帶進擊我兵

抵柳溪溝時已薄暮賊匪又竄至蒼溪縣邊境

之筒家梁龍感山臣於十三日四鼓發兵從陳

家山吳家河口一帶捷路抄擊且知吳家河口

《聖朝聖紀卷八十》

三

一路可通百丈關派令副將楊遇春帶兵三百

餘名覓路堵禦並派副將汪啟帶兵三百餘名

在龍感山溝口杜其回竄柳溪溝之路臣帶同

綸布春豐紳格布舍劉瑞等率兵甫至吳家河

口聞賊匪欲撲龍感山該處有千總何天順帶

兵二百餘名及團集鄉勇千餘名在山頂駐守

該千總見賊前撲施放鎗賊賊匪折回燒香嶺

欲下吳家河口我軍正在迎擊賊匪恃其人眾

竟敢直撲官兵綸布春從嶺左帶領馬隊官兵

馳進疊斃賊匪賊尙不退臣於嶺右督兵趕進

連放礮山礮轟擊賊賊紛紛潰敗臣督率

左右兩路官兵追殺綸布春衝入樹林左肋猝

被賊矛所戳幸馳馬而過受傷不重叅領格布

舍見此賊又復舉矛放鎗擊倒割取首級委署

《聖朝聖紀卷八十》

吉

藍翎防禦與保奮力擊賊受有矛傷二處副將

楊遇春等亦經帶兵上嶺我軍追殺六十餘里

沿嶺殲殺賊匪及墮崖死者約一千餘人餘匪

從俞家嘴白馬廟向亂山密箐中逃竄維時天

色已晚官兵殺賊一日之久行走已一百三十

餘里暫於東溪嶺上駐營將生擒之賊廖文貴

文孝先等四十一名及廣元令劉清帶領鄉勇

搜獲之劉正名陳鳳等三十五名逐加訊問內
有楊知奕等十二名實係附近居民日內被擄
均經釋放外嚴訊廖文貴等據供高均德於八
月間欲由四川勾引賊眾竄回陝西前至土門
坡罐子場地方經官兵追剿衝散高均德未知
已往何處我等衝散時係高均德之族弟高玉
春及頭人馬五帶領一千二三百人在大山藏
匿後來李全亦帶領一千七八百人前來合夥
遂由通坪平沙旺蒼壩等處盤旋燒掠沿途被
擄勇打斃百餘人隨處擄掠民人男婦添有六
七百人共有四千餘人馬五李全先逃高玉春
今日帶有數人伏在樹林要害官兵已被騎馬
帶翎的官打死餘無要供當將該犯等交運處
死臣查賊匪李全等俱經官兵屢次剿敗尙敢

欽定剿平三省邪匪方略

正編卷八〇

欽定剿平三省邪匪方略 正編卷八〇

糾合賊眾肆行擄掠迄未成擒實堪憤恨臣乘
勝趕剿賊於高坡子大石坎孫家梁隆山等處
亡命飛奔此一帶山徑叢雜復慮其竄至南江
入陝臣隨率兵連追三晝夜沿途斬獲四百餘
名餘匪又奔闔中邊界距陝省之寧羌州已有
一千餘里臣昨過寧羌時秦承恩王文雄分派
鎮將帶領兵勇於要隘防堵亦甚嚴密此番賊
匪經臣剿潰自不致再由此路入陝再接據南
江令裘良駿稟稱張漢潮股匪經明亮興肇在
該縣之楊家壩鳴端寺一路剿殺當卽四竄臣
惟有鼓勵官兵無論所遇何股設法趕剿以冀
及早蕪事均奏入
上命軍機大臣傳諭勒保惠齡恒瑞富成明亮德榜
泰日勒保本日奏到之摺仍不過派兵攻剿情形

欽定剿平三省邪匪方略

正編卷八〇

二六七

並未擒渠掃穴所辦何事勒保一路兵力較多况冷添祿股匪早經官兵圍逼困守窮山何難直前進搃乃屢以陰雨為辭冀掩其遲延之咎現已將屆冬令豈有陰雨不止之理勒保一味支飾帶兵株守何時始能移師剿辦他股賊匪前因伊拿獲王三槐封以公爵乃不知感奮任意遷延日久未續獲一首逆竟係器小易盈心存滿足豈以朕能封之而不能黜之耶况有功則賞有過必罰軍之常紀若始勤終怠自蹈愆尤即伊祖父傳襲之爵亦無難褫革何況朕特恩賞給者耶至林亮功等一股又向合州隣水一帶奔竄富森布惟事尾追並不能速行撲滅亦屬無能富森布劉君輔均著傳旨嚴行申飭其打仗陣亡之千總李占魁把總田應龍外委廖懷英俱着咨部加等議卹又據

聖祖聖訓編卷十

七

額勒登保所奏亦祇係帶兵追殺情形高均德等雖未闖入陝境但所殺賊匪無多高均德又與李全等合夥奔竄閩中仍未就獲其明亮等所剿張漢潮一股亦尙在南江逃竄均未能拿獲賊首實屬無能明亮額勒登保與肇俱著再傳旨嚴行申飭

聖祖聖訓編卷十

六

二十九日已丑明亮與肇奏言前因廣元境內賊匪有北竄之信額勒登保當即由寧沔一帶迎擊臣等即緊躡賊蹤前進該匪越嶺翻山亡命奔逃我軍乘勝直前連日兼程迅發沿途雖日有斬獲因山險路歧道路溇滑賊匪肆出奔竄未能痛加殲戮深為可恨初八初九等日由隣水寺八角廟等處趕緊兜擊探得該匪於白林灣一帶散漫屯紮初十日黎明乘雨霧迷濛即

派總兵長春木騰額叅將楊奎猷遊擊徐大鵬等帶領步隊由平道梁設伏扼其要路圖桑阿愛星阿協領泰巴圖總管都當阿等帶領馬隊由兩河口抄前迎擊_臣等督率遊擊張雲都司周國平守備王人傑等領兵從山梁中間直撲趁賊匪未及驚覺兩路並進鎗礮頓發殲斃甚多賊人慌亂卽行退走被木騰額長春等伏兵下壓該匪情急膽敢退而復聚捨命拒戰圖桑阿愛星阿等率馬隊抄前衝殺馬上鎗箭並發前後斃賊四百餘人賊見腹背受敵力不能支翻山亂散_臣明亮卽令馬步官兵一擁齊上該匪惶迫異常自相踐踏奔及山口又經愛星阿等帶領馬隊趕上扼截復斃賊二百餘名生擒薛日富等三十一名奪獲騾馬二百餘頭匹防

剿平三省邪匪方略

九

禦關興保驍騎校朱爾杭阿力敵陣亡賊衆四散奔竄據探報該匪由合桃園前遁查合桃園去路中隔河溝一道連日溪水漲發該匪懼官兵兜圍遇水必亡命踰過_臣明亮帶馬隊先躍過河由丁家嘴沿河追擊山溝內突出賊匪一股約有二千餘人持矛迎撲官兵奮勇截殺斃賊二百餘名賊匪退逃_臣興肇從對面山梁下壓正值賊匪淌渡一見官兵追擊不敢過河分投亂竄兩路官兵追殺二十餘里賊衆奪路翻山向東北遁去生擒七十三名內余大海溫開朝二名係張漢湖緊要頭目訊據供稱係黃號執大旗頭人帶領精壯矛子手五百多人每日護張漢湖行走今日要想過河被官兵兩岸截殺都已翻山逃去山溝一帶賊匪卽前在南江

剿平三省邪匪方略

三

地方被官兵殺散之白號二千餘人逃在巴州
 通江山內藏躲今趕來合夥近日黃號被官兵
 打败幾仗僅剩二千餘人張漢潮實在害怕因
 四川百姓多半搬上山寨糧食難掠無存住之
 地還要回陝西去高家營一股不知頭人名字
 約計有二千餘人由分水嶺前往廣元餘無要
 供當將該犯等一併正法查張漢潮勢已孤單
 雖經白號敗殘餘匪會合希圖牽綴官兵其實
 窮蹙已極此刻翻山前遁不過暫稽顯戮至高
 家營一股為數無多恐指稱高均德名號亦未
 可定現向西竄額勒登保帶兵前往自可迎頭
 剿辦臣明亮現在飛咨宜綿秦承恩王文雄嚴
 密防堵仍鼓勵各兵晝夜遄發乘銳進擊以冀
 肅清川陝邊境奏入

聖朝聖訓卷十

三

聖朝聖訓卷十

三

上命軍機大臣傳諭勒保明亮與肇曰明亮等追剿
 張漢潮賊匪仍未將首逆拿獲僅以空言搪塞殊
 屬無味張漢潮一股為數無多明亮等帶領多兵
 何難乘勢截擊乃復任與剿敗餘匪合夥翻山奔
 竄明亮與肇著再傳旨嚴行申飭其打仗陣亡之
 防禦關興保驍騎校朱爾杭阿俱著咨部加等議
 卹

欽定剿平三省邪匪方略正編卷八十一 戊午年

十月初三日^{癸巳}勒保英善福寧奏言^臣等接據

成都保寧達州各局司道稟稱前蒙奏撥京餉

四百萬兩到川分解省城二百萬兩保寧達州

二百萬兩均各樽節支發因數月以來用項紛

繁刻下省局除製辦軍火軍裝給發各站運脚

等項實用銀三十九萬六千餘兩又發採買穀

剿平三省邪匪方略卷八十一

價銀五十九萬兩並歸還臺費借項及兵餉銀

五十八萬二千餘兩外祇存銀四十餘萬兩其

應給各營季餉並各州縣請領賑卹及應行找

發賞卹行裝等項尚未發給至保寧達州兩處

除支發各路軍營官兵鹽菜馬乾及各臺站運

脚等項外現存銀止七十餘萬兩通盤核計僅

敷月餘之用稟請再奏撥銀四百萬兩解川接

濟等情^臣等伏念川省籌辦與時逾兩載費用實

屬浩繁是以接辦之始即彼此關照稽查力加

節省每有支領俱係勢所必需並無浮糜惟因

刻下賊匪均已逼歸川境兵勇雲集需用更多

且自京到川為期必須三月有餘將來賑卹善

後事宜需用亦復不少^臣等不得不預為籌計

仰懇

剿平三省邪匪方略卷八十一

聖恩再撥銀四百萬兩迅速解川以備應用

同日福寧又奏言九月十七日據渠縣稟稱賊

匪包正洪一股由廣安竄至該縣清溪場又有箕山竄

德一股由廣安竄至該縣清溪場又有箕山竄

出之夥賊日在該縣靜邊寺一帶滋擾渠河東

西兩岸均有賊匪運道梗塞等情查渠河直達

川江係成都重慶運糧來達州水路而廣安又

屬成都順慶陸運之通衢今據稟道路阻隔已
 一面飛飭前途將續運糧石暫行停止竊計達
 州預有儲備尙無匱乏之虞惟惠齡恒瑞富成
 德楞泰等所帶官兵會集箕山附近地方需糧
 較多原籍營渠兩縣源源轉輸現在渠邑運道
 既被賊阻臣卽飛檄保寧府由儀隴營山等處
 分投趕運接濟至勒保一路需用兵糧已令雲
 萬二縣協力供送其明亮等追剿張漢潮一股
 現據報由陝境回至南江已飭巴州通江各州
 縣探明師行去向迅速運糧以濟要需又准額
 勒登保知會現從寧羌州一路來川截剿亦已
 飭廣元就近運供兵食所有各路軍糧均無貽
 悞再達州一路往來軍報業經改由重慶成都
 一帶馳遞均奏入

《聖訓彙編卷全》

三

上命軍機大臣傳諭勒保惠齡恒瑞英善明亮德楞
 泰額勒保福寧曰前因德楞泰奏伊一路軍營
 支用銀數清單交軍機大臣查核據稱與軍需則
 例大半不符約計每月支濫銀四萬餘兩殊出情
 理之外著交勒保遵照例案將浮支各款核明確
 數著落德楞泰名下賠補以示懲儆德楞泰一路
 如此各路亦大概可知帶兵大員等剿辦賊匪兩
 載有餘並未能將各首逆按名擒獲惟知多請帑
 銀又復支銷浮濫并藉此爲冒餉漁利之計可見
 伊等每次所請帑項非帶兵大員等例外濫支卽
 係派出糧員通融濫應勒保身爲總統受朕重恩
 若亦相率效尤扶同掩飾不據實查明參奏以儆
 將來則是有心狗隱自貽身家之累凜之慎之至
 渠縣清溪場靜邊寺等處賊首徐添德等在彼滋

《聖訓彙編卷全》

四

擾以致運道梗塞且屯聚箕山一帶賊匪又復肆
出奔竄惠齡等既不能併力進攻又不能設法攔
截究竟在彼所辦何事至張漢潮一股屢被官兵
擊敗更易成擒乃奔竄之餘復有匪徒與之合夥
高均德一股亦任其竄近聞中此又明亮額勒登
保等之罪惠齡恒瑞富成德楞泰明亮與肇額勒
登保均著傳旨嚴行申飭國家帑項歲有常經軍
務一日不竣不但需費不貲卽轉輸供億煩擾日
增若再不迅勉成功共圖樽節伊等更有何顏再
爲請帑亦斷不能仍前發給其各清夜捫心勉圖
自贖勿謂寬典可以屢邀也

剿平三省邪匪方略卷十一

五

上諭內閣曰勒保等奏預籌川省軍需請撥餉銀接
濟著照所請於部庫撥銀三百萬兩照例迅速解
往川省以備應用

初七日丁酉勒保奏言竊臣圍剿冷添祿一股賊
匪前因積雨兼旬未得剋期掃蕩十二日以後
仍復霧雨迷漫難施兵力而軍行緊要未便因
兩久稽查得梨樹坪一路賊卡之下地勢稍寬
臣於十五日晚間督率觀成穆克登阿帶兵進
發其餘各路鎮將俱令發兵牽綴是夜霧氣甚
重我兵拔援競上五更後甫抵賊卡守備唐文
高首先帶兵扳開木柵跳入卡內手刃數賊兵
勇一湧驟進拋擲火彈焚燒草棚十餘間賊匪
鳴鑼吶喊立時慌亂各卡賊匪聞聲救應各兵
勇不避鎗石鼓勇直前斃賊三百餘名生擒嚴
士玉等二十三名乘勢直逼祖師觀寨門賊匪
施放滾木檣石抵拒益力我兵自卯至未相持
四五時之久衝撲十餘次斃賊無數惟山坡險

剿平三省邪匪方略卷十一

六

消官兵自下加攻難於登陟守備唐文高腹中
鎗傷陣亡隨將官兵徐行捲撤研訊嚴士玉等
據供冷添祿等被官兵四面圍困不敢遽行逃
竄惟盼有別股前來接應再定去向等語臣思
祖師觀各處賊卡路逕陡險連次冒雨仰攻既
覺費力莫若將計就計誘賊下山可以痛加截
殺隨密令千總王大勇薛陞義首冉斌等帶領

《剿平青匪方略卷全》

七

鄉勇一千二百名假充教匪在路陽壩一路距
大營數十里外施放鎗礮由遠漸近至第三日
即逼近百祥營盤之後官兵亦施放空鎗作為
拒賊之勢其祖師觀賊匪每日聞鎗聲緊急即
憑高瞭望至十九日正值百祥一路營卡開放
鎗礮即有賊匪吶喊而下前有白旗三桿帶領
匪眾約五六百人直撲百祥營盤維時官兵正

在設伏以待密俟賊匪下至游家溝地方左右
伏兵齊出賊知中計旋欲折回卡即督率富爾
賽等帶兵由季家臺抄出賊匪之後與百祥兩
面夾擊將賊逼入山溝無路竄逸生擒賊匪王
良升等六十七名都司沈文同因趕拏活賊受
有鎗傷一處賊眾被截殆盡訊之王良升據供
冷添祿等因連日聽得路陽壩一路鎗礮不絕

《剿平青匪方略卷全》

八

想必有另股同教之人擾及官兵後路嗣見漸
次逼近與官兵連日打仗寨上看得甚真所以
先派我等下來會合探明是何路同教接應俟
衝開營卡冷添祿等亦即率眾隨後衝出不想
被官兵擒剿等語餘無要供當即分別凌遲正
法伏查此股賊匪圍剿月餘未能得手此次設
法誘剿雖未能遽獲渠魁而賊黨眾多亦足以

寒賊膽臣惟有再行策勵兵勇趕緊設法攻擊
所有傷亡兵勇另行查明咨部

勒保又奏言查冷添祿一股賊匪屯聚祖師觀
臣節次督兵攻剿原冀迅就殲除即行移兵他

路乃緣近日秋霖過甚兵力難施兼之林亮功
王光祖等股賊匪奔竄於江北鄰水岳池等處

往來無定亦由臣分撥官兵督飭劉君輔富森
布等相機截剿均須就近調度正在與緊之際

剿平秦蜀匪黨卷六十一

九

茲奉

諭旨令臣酌留提鎮將領剿辦冷添祿一股臣即統

領勝兵速赴箕山先剿羅其清等股賊匪第就

目下情形而論如臣前赴川北自不能不酌帶

官兵若兵力一分恐冷添祿一股圍而復縱或

與林亮功等再行竄合必致轉肆鳴張川東境

內復虞蹂躪不得不通盤計算竊思現在川北
一路自陝匪闖入之後股數雖覺稍多而惠齡

恒瑞德楞泰富成等會合一處正可商同剿辦
且帶兵大員有賽冲阿阿哈保阿穆勒塔温春

達三泰觀祥朱射斗李紹祖等已足敷調遣如
惠齡等仰仗

天威日內得擒一二首逆其餘自可漸有把握設或
稍涉稽延臣先會知會惠齡等總期設法布置

剿平秦蜀匪黨卷六十一

十

毋任賊匪再竄陝疆則臣移兵會剿亦不致過

於費手至臣一路帶兵大員如七十五已因傷

前赴夔州調養艾如文石傷手腕骨節折損觀

成雖帶兵勇往而近因病後兩耳重聽此外惟

有百祥富爾賽德英額等三員均不能獨當一

面如冷添祿一股未就殲擒臣遂舍此而去實

在交替無人惟有將此間賊匪趕聚肅清再行
移師川北迅速會剿庶不致顧彼失此

同日惠齡恒瑞德楞泰奏言連日接奉

諭旨以羅其清黨與尙多飭令_臣等先行剿辦伏思

冉文儔徐添德等各股賊匪俱在箕山附近屯

聚借羅其清以為聲援誠如

聖諭先將羅其清一股剿除則各股賊匪失所倚恃

聖諭先將羅其清

十一

即剿遁逃而陝省邊界堵禦甚嚴其勢亦難

竄越惟查箕山周圍一百餘里羅其清賊黨實

有三萬餘人負隅拒守山勢險峻東西北三面

俱甚陡削不能仰攻惟東南有路可通均為各

股賊匪佔踞必須先破各匪卡寨始可直逼箕

山但西北一帶雖有將軍富成駐兵防堵而兵

力稍單恐其不敷截剿_臣等當飛調總兵觀祥

就近帶兵協助並飛咨甘肅察承恩預於川陝
交界地方嚴密堵截_臣等分兵兩路同時進發

_臣惠齡恒瑞帶兵進至黃泥坪見該處山梁均

有賊卡即鼓勵將士奮力搶撲賊匪抵死抗拒

我兵連破賊卡三座殺賊四百餘名生擒李興

相等四十餘名將黃泥坪搶佔_臣德楞泰帶兵

行抵順水寺將賊卡四座攻破殺賊六百餘人

聖諭先將羅其清

十一

生擒方朝良等五十餘人_臣等提訊李興相供

稱冉文儔派令賊黨五百人把守黃泥坪大駭

素在王家梁陡嘴子一帶又據方朝良供稱樊

人傑龍紹周龔建等俱屯在郭家廟廖家碾等

處徐添德等屯距陳家壩小蓬寺等語餘無要

供概行正法查各股賊匪分屯要隘均有長河

間隔况值霖雨經月河水甚漲自應設法急渡

一書二冊 冊 續修四庫全書 第 8 卷 反 E 頁

以圖進取臣惠齡督率總兵李紹祖副將關聯
陞副將銜穆克登布叅領佛寧帶兵進攻王家
梁等寨臣恒瑞督率副將德忠凝德佐領佛爾
卿額祿成等帶兵進攻陳家壩等寨臣德楞泰
督率賽冲阿阿哈保温春阿穆勒塔達三泰副
將德寧遊擊馬瑜等帶兵進攻郭家廟廖家礮
等寨三路均於五更時冒雨前進或騎馬競渡
或覓水逕涉臣德楞泰由沙灘河躡水搶上五
塊石賊已佔據廖家礮東西二溝拚死抗拒官
兵鎗箭齊發賊匪連撲三次四川外委盧一得
直前拒敵身受鎗傷官兵人人痛恨奮勇進攻
搶佔廖家礮山梁殺賊三百餘人生擒應江
等二十一名我兵乘勝壓下將東西溝賊巢
棚全行燒燬殺斃五百餘名搶獲賊旗刀矛牛

剿平三省邪匪方略

正編卷八

馬甚多正在督兵搜剿忽箕山賊匪四五百人
分股前來勢甚兇悍臣德楞泰當派阿哈保帶
領侍衛墨爾歡保營總達斯呼爾岱副將扎勒
杭阿遊擊劉維馨都司馬應國等帶兵由左手
抄下賽冲阿帶領侍衛富森德吉林佐領明德
穆騰額叅將李錫命遊擊蒲尙佐屯副將銜坤
朋等帶領滿漢屯土各兵由右手抄下臣德楞
泰親帶溫春阿穆勒塔侍衛阿納保達勒精阿
鄂爾綏索倫總管色爾滾僧多保等帶兵由馬
鞍山郭家山冉家澗往來截殺殲賊六百餘名
生擒郭彥榜等三十三名賊衆大敗遂據尖山
子等處吉林委官西蒙額哈郎阿身受鎗傷維
時臣惠齡督兵進攻王家梁搶上山梁將賊寨
攻破殺賊四百餘名生擒周添輪等五十餘人

剿平三省邪匪方略

正編卷八

適陡嘴子賊匪前來接應臣德楞泰又帶吉林

黑龍江官兵迎頭截殺連斃賊匪三百餘人餘

匪紛紛退回我兵從後掩擊追上陡嘴子山梁

賊匪慌急無措棄卡奔逃我兵四處截殺又斃

賊二百餘人餘眾俱向後山逃竄至臣恒瑞帶

兵攻搶陳家壩賊卡賊匪擲石放鎗抗拒甚力

當行直隸千總劉太奮不顧身扳開木柵拋擲

▲聖朝聖訓編卷上

五

火彈燒燃卡內草棚我兵乘勢搶入劉太中鎗

陣亡我兵鎗箭並施殲斃賊匪三百餘人將陳

家壩山梁佔據復帶兵進攻小蓬寺賊寨見賊

匪甚形慌亂即乘勢攻撲立將賊寨打破殺賊

二百餘人生擒陳藍亭等五十餘名臣等合兵

一處通計三路進兵殺賊二千餘人奪佔賊卡

七座賊寨六處刀矛器械八百餘件賊旗五十

餘桿訊據活賊供稱六處賊寨係冉文偉龍紹

周龔建徐添德樊人傑分起屯紮今被官兵打

破各賊首先已逃遁等語臣等深為憤恨當將

該犯等立行正法旋據將軍富成札稱二十一

日辰刻有賊匪數千從龍頭寨山梁直奔前來

即督兵迎頭截擊施放鎗礮斃賊三百餘名忽

有天池子十二灣兩股賊匪順溝而來翻向大

▲聖朝聖訓編卷上

六

梁逃竄當派叅將郭承緒遊擊扎克丹傅雲巴

圖魯馬昌傑等分兵截剿富成往來策應均有

殺獲各匪未能北竄又總兵朱射斗由史家坪

截剿西竄賊匪設伏擊散封河又有一股賊匪

由羅家嘴直衝官兵營盤經該鎮帶兵殺退是

晚賊匪渡河劫營當即奮力掩殺斃賊四百餘

人賊始奔竄伏查富成朱射斗截退各匪即係

臣等攻剿敗逃之賊今復折回正可聚而殲洗

惟臣等亟圖進剿羅其清大股未暇他顧雖各

股賊寨均經奪佔而羅其清賊卡林立各道山

梁絡繹不斷臣等當於二十二日清晨進兵臣

德楞泰搶佔雙栢樹山梁臣惠齡恒瑞搶佔仰

天堽山梁俱距箕山十有餘里草棚布帳歷歷

在目現在進攻之路俱為賊匪挖斷並於山腰

聖諭重刊彙編卷十一

七

築設木城守禦情形極為可恨臣等悉心籌議

箕山地廣賊多勢難圍剿前次飭調各州縣團

勇多緣保護城池鄉堡至今未到一名惟就現

有兵力設法攻剿趕緊逐層進逼以冀剋日殲

除再臣等昨奉

諭旨以高均德一股賊匪竄往廣元飭令分兵前往

與額勒登保兩面夾擊等正在會商辦理接

據儀隴縣稟報九月十九日有高均德一股由

南部之石板寨羅溪寺新鎮壩一帶竄至該縣

土門舖當經額勒登保躡蹤趕剿卽於是日抵

該縣之觀紫場等語臣等查高均德一股夥匪

經額勒登保自廣元截剿以來沿途殺獲甚多

勢甚窮蹙今該匪折回東南其意仍欲奔赴箕

山依附眾賊額勒登保帶兵一千餘名似覺稍

聖諭重刊彙編卷十一

六

單臣等當卽知會將軍富成就近帶兵迎頭截

剿如高均德夥匪已赴箕山額勒登保卽可會

同富成由西北一帶進攻更為得力均奏入

上命軍機大臣傳諭勒保惠齡恒瑞明亮德楞泰額

勒登保日勒保奏官兵進攻祖師觀賊卡仍未將

首逆生獲殊屬無謂勒保屢以陰雨為辭藉口支

飾此次官兵進攻已至祖師觀寨門因山坡險滑

旋經撤退設法誘賊下山又不能乘虛搶佔賊巢擒擊賊首似此遷延株守賊退既不能進攻賊出又不能繞截現在川北賊匪負隅據守急須移師會剿勒保又以伊一路帶兵鎮將不足倚恃無可交替之人則更當將祖師觀賊匪速行剿盡以便尅日前赴川北今稽遲多日既不克分身督辦又不立即擒渠兩路耽延何時方能辦竣勒保著

聖旨重錄卷上

九

再傳旨嚴行申飭其打仗陣亡之守備唐文高著咨部加等優卹又據惠齡等奏官兵攻克箕山附近卡寨亦未拿一賊首卽所稱殺賊三千餘名恐亦不足深信惠齡等在箕山剿賊每次奏摺僅係殺賊若干名奪卡若干座卽爲出力而各股賊首一任其負固稽誅實爲伊等恥之惠齡恒瑞富成德楞泰著再傳旨嚴行申飭今據奏稱已分佔山

梁距箕山祇十餘里是官兵已緊逼賊巢更無難直前進搗倘仍前支吾觀望竟欲以身試法乎所有陣亡之千總劉太亦著咨部加等優卹

同日

上命軍機大臣傳諭勒保惠齡曰本日王三槐解到經軍機大臣審訊據供聞徐添德已被大礮轟斃羅其清冉文儔俱心生懊悔因畏懼王法不敢出

聖旨重錄卷上

三

來若知伊投順得生必皆投出並稱從前知縣劉清曾經前往伊等寨內曉諭出降王三槐當卽親自投赴宜綿軍營其時被營內官員擋住不准謁見宜綿以致徐添德懷疑不肯投出如果所供屬實則王三槐徐添德早有投順之事彼時宜綿等何以任聽屬官阻止竟無聞見亦未奏聞以致辦理需時著勒保查明具奏不得代爲迴護至羅其

清冉文偉等果被官兵剿急或探聽王三槐信息
希圖免死竟行投出亦未可定著勒保惠齡等察
看賊情一面仍鼓勵兵勇上緊進剿總以擒獲首
犯爲正辦設各首犯等有真心棄械自縛投誠者
亦不防酌量寬其一線予以生路亦可藉此解散
餘黨稍省兵力然祇可帶兵大員數人存之於心
密爲酌辦不但不可令兵弁等聞知卽將領等亦
不可稍有宣露以致心生懈弛此爲最要

聖旨

三

臣等謹案聖人以好生爲德雖當稱兵詰暴
之時猶寓神武不殺之意川匪羅其清由文
偉等以

化字編氓惑於邪教輒敢煽誘狂愚滋擾郡縣屢經
官兵追剿猶復負隅抗拒實爲
覆載所不容乃我

皇上至仁育物曲予生全此次因王三槐有羅其清
等前曾向軍營投順之供

特降旨令勒保等查奏並

諭以如果該犯等真心投誠不妨寬其一線仰見

聖德如

天風霆示教而蠢彼兇頑不知悔悟甘蹈誅夷罪惡貫

盈必至禽獮草薙而後已所謂自作孽不可

聖旨

三

活傾覆之理固昭然其不爽也

十一日辛丑宜綿秦承恩奏言高均德股匪前竄

四川廣元縣境額勒登保接臣等札會卽由寧

羌取道星馳迎剿節次竄加截殺殲戮過半餘

匪南竄四川閬中縣境甘肅張漢潮等一股前因

陝省屢次剿殺折回川境經明亮等統兵追剿

在南江地方熾繁甚多賊聚湖山向東北奔竄

擾至通江之兩河口逼近西鄉簡池壩邊界經

該處守卡鄉勇迎頭截殺一百餘名未得闖入

陝境賊又東竄通江之竹峪關逼近西鄉九元

子適臣宜綿所派總兵慶溥在漁渡壩一帶督

兵堵截並經臣秦承恩飛飭同知徐洪懋挑派

精壯鄉勇幫同堵禦賊知有備遂向南竄至四

川太平之牛毛坪此二股皆去陝境漸遠臣等

《聖朝實錄卷全》

三

不敢因此稍有疎懈現惟督同王文雄柯藩慶

溥等於通川各邊隘鼓勵兵勇嚴密防堵不令

一名闖入再漢中一帶本年八月初五日以後

大雨四十餘日溪河漲發山徑泥深數尺正值

張漢潮高均德等擾近東西邊界兵勇往來堵

剿極為勤苦其各營需用軍火糧餉人夫背運

行走更屬艱辛經臣等督飭漢興道文需漢中

府趙洵帶同幹員沿途設法催趨俱已源源接

運並無貽誤旬日以來積雨新晴賊氛漸遠貨

物流通民情安貼被難貧民俱隨地妥為安撫

各歸復業無不歡欣鼓舞感頌

皇仁再欽奉

諭旨查前竄西鄉菜子溝老林之零股賊匪張二美

等五百餘人經守卡州判李昂帶領鄉勇搜殺

《聖朝實錄卷全》

四

三百餘人餘匪逃至司渡河經守備雙德帶領

兵勇遁入深溝正值李昂從後路趕到賊匪見

前後受敵折回溝口拚死奪路守備雙德奮勇

堵住直前攬殺身受重傷不肯稍退兵勇人人

忿恨與李昂兩面夾擊登時殲戮盡淨雙德等

均各因傷身死此外亦無另股賊匪臣等查詢

目擊員弁情形均屬相同奏入

上命軍機大臣傳諭鄂保宜紳秦恩曰此時川省
竄匪去陝已遠宜紳等惟當督率將弁實力嚴防
如有川匪逸入陝省邊境者卽行迎頭截擊不得
因賊已折回稍有疎懈

十五日乙惠齡恒瑞額勒登保德楞泰奏言臣

等自攻得雙栢樹仰天堦後已逼近箕山賊巢

臣德楞泰督率養冲阿温春阿穆勒塔等帶兵

剿平三省邪匪方略

卷全

三

由山左尖山一路進攻臣恒瑞督率副將德忠

凝德佐領祿成等從山右斷山一路進攻臣惠

齡督率總兵李紹祖副將關聯陞穆克登布馬

國銳等從板廟子一路正面直上均於四更發

兵臣德楞泰抵小箕山天甫黎明賊匪竟敢聚

衆迎拒官兵鎗箭齊發斃賊二百餘人遊擊趙

永成吉林防禦倭新保雲騎尉烏勒興額奮勇

突入賊卡木柵拋擲火彈將賊人柵卡延燒烟

焰四起賊匪拚命相持趙永成等三員均中鎗

矛陣亡黑龍江副總管福僧額委防禦福勒登

守備何化龍五寨土副將銜坤朋均經受傷我

兵人人忿恨一湧前進砍殺五百餘人生擒一

百餘人詢係冉文儁龍紹周等股賊匪當卽督

兵攻破箕山卡柵維時臣恒瑞帶兵從右手一

剿平三省邪匪方略

三

路將高均德阮正隆唐大信等賊寨攻破殺賊

四百餘人亦卽搶上山梁其箕山正面賊匪紮

有木卡三層路逕逼仄我兵正在仰攻時臣惠

齡業將賊匪頭卡二卡攻破帶兵趕到相度情

形一面搶撲一面密派官兵從木柵之旁攀援

而上連擲火彈將賊柵燒燃賊匪見箕山左右

俱經火發而木柵內又復延燒紛紛潰散官兵

奮力連破木柵而進斃賊七百餘人其箕山之
後二十餘里尚有賊卡林立臣等乘勢掩擊又
斃賊男婦約千餘人追至賊卡賊匪業經先竄
盡力窮追又斃賊三百餘人生擒焦應南等三
百八十一名訊據該犯等供稱箕山係羅其清
大股賊匪佔據其餘各股賊匪本在山之左右
屯劄官兵攻破箕山各股賊匪均已分路逃竄

聖祖聖孫萬歲

毛

羅其清見箕山左右火起即帶人由樹林內逃
竄前去等語當將該犯等概行正法臣等仍即
分兵趕擊適臣額勒登保先自廣元蒼溪一帶
剿辦高均德黨與及李全一股竄匪連日於閭
中儀隴邊界殺賊六百餘人黑龍江委防禦固
哲德依中鎗陣亡行至罐子場探得張公橋一
路又有賊匪橫出初疑臣全等折回希圖截我

後路當即分兵從罐子場截剿臣額勒登保親
帶官兵由張公橋迎擊賊匪正在下山我兵分
頭截其首尾賊匪無路可逃綸布春格布舍揚
遇春等率領馬步官兵馳突衝殺斃賊五百餘
人滾跌死者不計其數生擒劉朝佐等一百二
十餘人並擒騎馬賊目一名甚形兇悍詢係張
漢潮之子張正濬於上年與張漢潮分股同王

聖祖聖孫萬歲

天

廷詔阮正濬來至箕山依附羅其清此股賊匪
即係該犯所領共有一千餘人臣額勒登保因
此股賊匪除殲擒外潰散無幾遂令該處鄉勇
搜擊仍即率兵從二道河高粱寺等處追剿李
全等賊匪於王老山一帶斃賊二百餘人與臣
惠齡等先後會合隨即連夜分頭兜剿臣惠齡
額勒登保帶兵抄向西北一路臣恒瑞德楞泰

帶兵抄向東北一路迎頭截殺賊匪竄上大鵬
山寨屯踞坡下四面尚有餘匪攢集我兵分路
剿殺斃賊一千二百餘人生擒康鳳等三十
四人^臣等察看太鵬山寨寬廣一百餘里半屬
懸巖木柵圍勇結寨之所因逼近箕山久經遷
避而山上有大廟一所係川北居民香火寺僧
頗有積貯不能遽離此番賊至始各奔逃當有
僧人靜修赴營詢稱寺內有糧食七百餘石並
民人寄存亦有四千餘石山上水泉堰塘甚多
並嚴訊活賊康現鳳等僉供羅其清王廷詔李
全等俱已上山其餘冉文偉高均德阮正澄龍
紹周樊人傑徐添德馬朝禮等聞打破箕山時
均已分竄等語當將該犯等正法^臣等伏查各
股賊匪俱倚恃羅其清以為聲援今羅其清又

欽定剿平三省邪匪方略

正編卷八一

復屯劄此山未卽擒獲實堪憤恨自應併力先

將羅其清剿辦且據賊供王廷詔李全俱在寨

中該二逆係湖北起事著名首惡尤應及早殲

除雖各股賊匪多有竄散若分投追剿轉恐兵

力不敷然各匪或有遠颺又恐於巴州南江等

處闖入陝境再四籌畫^臣恒瑞酌帶官兵二千

餘名由保寧廣元馳赴寧羌一帶會同宜綿秦

承恩等各於要隘之處嚴密堵剿^臣惠齡等現

已知會將軍富成從天池子帶兵前來就此兵

力合剿如日內卽將羅其清等設法生擒殲盡

餘黨卽分帶官兵剿辦逃散各股賊匪若稍需

時日仍卽酌量分兵偵探賊蹤剿洗庶無顧此

失彼之虞再張正澄一犯係張漢潮之子其所

供各匪情形較爲確鑿卽各股首逆均皆熟識

欽定剿平三省邪匪方略

正編卷八一

現將該犯暫行嚴禁在營以備獲有首逆質認
再查廣東雜定協副將楊遇春現丁父憂例應
回籍但該員打仗奮勇爭先甚得兵心當此剿
賊喫緊之際可否令其仍留本任伏候

聖裁奏入

上命軍機大臣傳諭勒保惠齡宜綿恒瑞秦承恩明
亮德楞泰額勒登保曰此次惠齡等分兵進擊殺

聖訓

三

賊多名並將張漢潮之子張正澂拿獲所辦差強
人意但既經攻破賊巢不能設法堵截又任首逆
竄入太鵬山據險屯聚仍屬無能不足為功至剿
敗餘匪業經恒瑞帶兵由廣元一路兜捕尤富乘
勢奮擊速行剿淨並著宜綿秦承恩等於靈羌一
帶實力堵截前後夾擊不拘何人擒獲賊首即係
何人之功倘縱一名闖入陝境必加重懲所有殺

賊陣亡之遊擊趙永成等俱著咨部加等議卹其
丁憂副將楊遇春現在帶兵需人自應仍留副將
本任以資得力現在額勒登保已與惠齡等會合
正當乘賊匪潰敗窮蹙之時迅速殲除倘因得有
勝仗即心存懈緩又復因循貽誤則是伊等甘蹈
重譴欲再留滿贖之地不可得矣再閱張正澂供
詞年已五十七歲則該犯之父張漢潮總在七十

聖訓

三

以外年已衰老惠齡等若能乘勝進攻業將羅其
清張漢潮擊獲固屬甚善倘尚未就獲張正澂現
經留禁在營張漢潮豈不顧念伊子或即令張正
澂誘致伊父出投使此股賊匪先行肅清亦是一
法其羅其清冉文儔等若能一併招出省我兵力
則多得一名賊首大功早一日告成更為事半功
倍但軍營帶兵大臣不可專恃此策稍存懈弛仍

當以帶兵進攻擒拏首逆臣正辦也

欽定剿平三省邪匪方略

正編卷八十二

欽定剿平三省邪匪方略正編卷八十二 戊午年

十月十九日臣勒保奏言冷添祿一股賊匪經

臣設法誘擊斃斃多人該匪等自知無路竄逃

守禦益固臣督率將士於二十三及二十六

等日分路進攻而賊匪據卡嚴防一見官兵上

至陡險處所即鳴鑼集眾鎗石並發兵勇節有

損傷令人實深髮指臣於各兵勇內復挑選拔

欽定剿平三省邪匪方略

正編卷八十二

援趨捷之人作為前隊先撲賊卡令後隊兵勇

各執擲牌稍避鎗石以期乘勢並進二十八日

四更酌派觀成百祥富爾賽穆克登阿帶兵三

路直抵賊卡下各兵勇扳開鹿角鼓勇爭先並

有躍過壕溝與賊攪殺一處者後隊官兵即用

擲牌遮護跟蹤而上撲開賊卡四處斃斃執旗

賊目二名殺賊無數維時賊眾捨命相持飛石

如雨遊擊張良槐都司劉成玉守備王榮等次第帶傷並不退怯仍督兵力撲惟賊巢上下坡坎層叠未能深入直至申酉之交遂將官兵暫劄正擬次日併力進攻適據後路探報有賊匪一股擾至溫湯井地方勢頗猖獗正在專差確探復接明亮來信知係張漢潮一股賊匪自兩河口等處剿敗後晝夜奔逃由太平通江邊界直至開縣譚家壩溫湯井一帶路通奉節大寧可以竄回楚北且距此間軍營後路甚近而中間貓兒寨地方本有蘭芽場餘匪一股在彼屯紮此起賊匪自首逆洪道人執擒之後其牟登元一犯有稱已被官兵殲斃者有稱逃入別股者所有剿剩匪黨六七百人於東鄉邊界往來遊奕因各路團勇屢次殲擊無路遠颺復竄至

聖朝重慶縣志卷全

二

貓兒寨經_臣派令叅將褚大榮胡尙賢帶兵圍困正期全數殲除茲乃值張漢潮股匪衝突而來設一經勾結不但於後路大有關係且冷添祿等本有等候同教接應之說更不可不設法隄防_臣得信後卽飛飭大寧奉節巫山各屬星夜圍集鄉勇扼要堵禦並於各營卡內密抽官兵二千餘名馳赴窄口子地方相機截擊又添派兵勇交褚大榮等帶領以防匪黨衝合詎張漢潮匪衆分起狂奔甫至蝦巴口距貓兒寨二十餘里因探知有官兵在彼截堵卽折竄東壩溪經兵勇擒獲探馬鄢朝相等三名解營訊據供稱張漢潮由太平一路分起前來其頭起賊匪已先由尖山壩向東逃竄後起賊匪均由東壩溪傅家壩陸續行走因雲陽地方現有大兵

聖朝重慶縣志卷全

三

駐劄不敢停留等語臣查此刻冷添祿一股賊

匪圍困嚴密與張漢湖聲息未通自不致彼此

勾合惟夔府所屬本來守禦空虛今賊匪既接

續東竄又復一面知會明亮興肇督率兵力務

期倍道兼馳緊躡追捕一面知會景安高杞於

湖北邊界一律嚴防所有臣處抽撤官兵卽令

由沙沱子等處偵探賊蹤相機協剿臣亦移兵

剿平三省邪匪方略

四

江口以壯聲援其祖師觀周圍營卡暫行照常

防範另圖進取惟當攻圍喫緊之際復因此分

兵牽綴下忱焦灼實屬悚懼靡寧

勒保又奏言查王光祖林亮功等股賊匪前從

江北分竄合州隣水一帶經臣嚴飭劉君輔富

森布趕緊帶兵攻剿並飛飭各地方官分投堵

禦嗣據各路稟報該匪等由合州隣水兩路滋

擾岳池縣屬大溪口該處為順慶府通判分駐

地方署通判周履謙帶領鄉勇馳赴梅子壩扼

要堵截賊匪復分股從水田壩小路繞至大溪

口場後該署通判家丁童易攜帶關防前赴梅

子壩報信正值賊匪竄入童易被戕關防亦卽

遺失周履謙當卽帶領鄉勇馳回始將賊匪剿

散岳池縣知縣朱泰茹亦帶領團勇從走馬嶺

剿平三省邪匪方略

五

一路援應而至斃賊三百餘名匪眾仍折竄隣

水地方維時劉君輔帶兵趕到與該縣知縣鍾

人傑併力馳擊復斃賊二百餘人追至廣安地

界又經該州知州阮和吏目樓在齊寧率領鄉

勇於三溪口杼路坎一帶分投邀擊所有林亮

功一股剿散之後賊目包正洪卽向渠縣之永

興場等處竄去現經達川各屬團勇分投堵截

熾繁極多其大夥匪衆仍由岳池黎梓衛竄至
合州楊家崖正遇富森布督兵迎截該匪等無
不捨命相持富森布帶同叅將姜敏功遊擊楊
國林都司司國屏等分路奮擊連次接仗於涓
子溪小沔溪雙鶴寺等處鎗斃執旗賊目二名
賊匪百餘名及二三百名不等賊衆又翻山從
草街子向江北廳屬東陽鎮一帶奔逃臣查王

製看龍夏編卷全

六

光祖等股賊匪現復折入江北邊境設令偷渡
過江窺伺重慶所關匪細當卽飛飭該地方文
武將船隻全數撤赴南岸實力堵防並嚴飭劉
君輔富森布速由合州廣安兩路進兵夾擊以
期立就殲除至羅其清冉文儒徐添德等節經
惠齡恒瑞德榜泰富成等督兵攻剿復又分竄
營山縣太鵬山並達州所屬火盆山一帶而額

勒登保所剿廣元一路餘匪亦向儀隴一路潰
逃察看大局自不致再行北竄至此富森布
一路叅將姜敏功因衝撲賊隊受傷陣亡守備
劉興國千總王九錫均經受傷

同日景安奏言臣於十月初九等日連接各路
探報張漢潮一股賊匪又復竄至川省大寧縣
龍溪河等處漸近楚境臣查大寧北界房竹南

製看龍夏編卷全

七

通巴歸二竹地方早經臣籌佈兵勇派令鎮臣
路超吉率同將備嚴密防堵惟房縣距大寧最
近該縣九道梁等處尤爲險峻臣亦預派副將
樊雄楚等帶領兵勇扼要設卡臣現復帶兵前
來房縣居中策應督率嚴防倘賊匪竟敢前來
窺伺臣卽帶兵迎頭截剿後有明亮追躡前有
臣兵堵截兩路夾擊定可得手若賊探知北路

防備嚴密不敢竄越自必由川境之巫山南窺
巴歸彼處亦早經臣派鎮臣王凱前往並派兵
三千餘名團練健勇五千餘人擇要設卡撫臣
高杞復經前往會同該鎮嚴防萬無可虞均奏
入

上命軍機大臣傳諭勒保惠齡景安明亮高杞日冷
添祿一股久經官兵圍困勒保帶領多兵並不能

聖朝通鑑卷全

八

迭搗賊巢輒藉稱山險路滑與賊日久相持以致
張漢潮及蘭芽場屯聚餘匪復思勾結擾及後路
勒保又移兵江口策應前次令勒保先赴川北督
剿則稱將領俱不足恃兵力難分今又將祖師觀
賊卡委之將領攻圍伊復移駐江口豈非進退無
據自相矛盾乎似此處處為賊牽掣茫無所措則
賊首冷添祿於何日始能擊獲其奏定期期豈不

竟成虛誑且前據勒保奏稱王三槐為著名首惡

冷添祿祇係分股賊目自當易於搜捕今王三槐

就獲已閱多時而冷添祿又經層層圍逼勢極窮

威乃以如許兵力剿此一股困守之賊轉日久未

能剿竣可見伊前奏非空言邀功即係自存滿足

實屬負恩無能勒保者再傳旨嚴行申飭至張漢

湖一股本係明亮與肇帶兵追擊昨據惠齡等奏

聖朝通鑑卷全

九

已將張漢湖之子張正澄擊獲該犯自必聞風膽

落無難一鼓殲擒乃任其輾轉奔逃由太平通江

直至開縣一路往來自如明亮等所辦何事而劉

君輔富森布所剿之王光祖林亮功等股亦並不

趕緊兜剿復任折竄通江及江北一帶均屬無能

之至明亮與肇劉君輔等著傳旨嚴行申飭其陣

亡之叅將姜敏功着咨部加等議卹至張漢湖等

現在竄近奉節大寧等處附近楚北邊界景安務須與高杞督率鎮將兵勇分段實力嚴防迎頭堵截勿使一名闖入為要

二十三日癸丑明亮與肇高杞奏言竊張漢潮率

領敗殘餘匪向大寧東面繞道狂奔勢必闖入

楚境臣明亮與肇由開縣抄道前來輾轉兜剿

該匪益形窮蹙未得與勒保圍剿之賊牽綴合

剿看匪彙編卷全

十

駁初五初六等日日有斬戮初七日至楊家坪

擒獲探馬徐良貴章秀等訊據供稱連被官兵

殺傷甚多日來張漢潮帶領男婦先逃暫留子

手八百餘人在後迎拒官兵以便覓路逃生又

聽張漢潮說要逃過界嶺仍回巴東歸州無城

垣地方擄掠牛馬衣物到荊州襄陽再作計議

等語臣等思張漢潮狡猾性成往往指東竄西

似難深信復加哨探該匪竟向界嶺東竄界嶺與湖北巴東歸州相聯東北界連襄陽東南近接荆宜設不繞出賊前相機攔截更覺費手臣

明亮等當即飛咨高杞擇要迎剿一面聲言由

陸路追擊一面札飭夔州守張至幹調集南岸

船隻於初十日帶兵順江而下十二日戌刻起

抵巴東臣高杞先已接准勒保及臣明亮等咨

剿看匪彙編卷全

十一

札並連日擊獲賊探丁宗學等僉供張漢潮現

到九灣子木瓜溪等處先令伊等潛探何處可

過便從何處衝入臣高杞即與鎮臣王凱於各

卡酌添壯勇晝夜嚴堵仍各帶兵與臣明亮等

會合迎剿適據探報十三日張漢潮率領賊匪

來衝羅坪營卡臣明亮等因該處地方前此賊

匪曾兩次闖入山勢散漫若官兵圍剿情急恐

賊眾向四山亂竄不能盡行擒殺查羅坪以束
 白楊坪以西有山嶺一道過嶺十餘里兩面皆
 係陡壁莫若將賊人誘過大嶺至峽內兩面夾
 擊隨飭知羅坪官兵不許出卡虛放鎗礮使賊
 人由溝底竄過大嶺臣高杞即與王凱率同員
 弁潛帶兵勇集於嶺上合力下壓臣明亮與擊
 督同圖桑阿愛星阿鎮臣長春木騰額遊擊應
 元寬游棟雲守備王成傑帶領馬步官兵在峽
 口外埋伏俟賊人臨近齊力迎殺未刻賊人馬
 隊百餘步賊五百餘人來至峽口臣明亮等率
 領官兵一湧而出鎗箭齊發賊猶捨死抗拒因
 殺傷甚多始行收回臣高杞同王凱等立時帶
 兵從嶺上下壓前後殲擊生擒一百二十五名
 內有長探頭人張聯科等三名割獻首級二百

欽定剿平三省邪匪方略 正編卷八二

五十顆該匪攀援石壁逃逸者不滿六七十八
 訊據張聯科等供張漢潮前數日在前狂奔我
 等在後拒敵昨日他選派我等五六百人來衝
 營卡他現在羅溪壩紮營未來當將該犯等立
 行正法臣明亮等同臣高杞即領官兵分兩路
 迎剿黎明趕至羅溪壩張漢潮已聞風從原路
 回竄臣明亮等此番從水路而下原為出其不
 意以圖生擒張漢潮今該匪雖未闖入楚境而
 首逆究未成擒惟有不遺餘力漏夜緊躡賊蹤
 設法剿擒以冀速獲首逆至臣高杞因賊匪屬
 忽無定仍與王凱督率各卡文武兵勇悉力防
 堵總不使復入楚省奏入
 上命軍機大臣傳諭勒保景安明亮高杞曰明亮等
 追剿張漢潮股匪為日久總不能速行擒獲又

二九三

任輾轉奔竄欲思闖入楚境今雖與高杞在巴東地方會同截擊賊匪仍竄回原路張漢潮迄未成擒似此為賊牽綴忽前忽後伊於何底明亮與肇著再傳旨嚴行申飭其楚北邊境景文高杞仍當督率鎮將等實力防堵探蹤截剿

二十五日^{乙卯}宜綿秦承恩奏言^臣等探聞川省

剿平逆裔彙編卷全

古

箕山各股賊匪因官兵剿捕緊急分投奔竄正在嚴飭各邊卡加意防堵旋據寧羌州稟報有賊匪七千餘人由四川廣元寬灘分股竄至欽臺子流沙坡一帶距陝省寧羌邊界甚近經總兵索費英阿副將李文蔚都司王興朝等帶領兵勇分頭堵截殲賊多名賊退回大紅崖山下會合一處繞至七坪子連夜翻山竄至寧羌卦子山西流河一帶又據探報通江賊匪一股約

剿平逆裔彙編卷全

古

三千餘人兩次攻撲南鄭哨風樓毛狗洞卡隘因該處隘口俱用石牆壘斷守卡鄉勇憑高抵禦賊匪不能撲上遂翻老林東竄城固邊界^臣等悉心籌酌川匪竄至寧羌城固東西兩路均關緊要但東路城固之賊距江岸稍遠已飛飭各卡鄉勇趕緊堵截並令城固縣牟鴻籌帶領義首李斌段經德等扼要嚴防一面飛調防守西鄉大池壩之副將官信等迅速帶兵繞至北路向東逼剿惟西路寧羌之賊逼近寬川大安驛路為陝省門戶可由畧陽而入甘省亦可由褒城而至棧道必須先為剿辦當即飛飭署副將蘇維龍知府趙洵帶領兵勇迅赴寧羌鐵鎖關一帶相機堵截一面札會王文雄帶兵飛赴西路探蹤截剿並派^臣司直文珍等備向其倫

帶領兵勇馳至黃官嶺一帶遇其北竄之路賊
知鐵鎖關堵禦甚嚴卽由西流河向東北一帶
奔趨十一日午刻甫抵銅廠正遇王文雄帶兵
趕到賊匪退回對面山梁排列王文雄督同叅
將鍾岳等帶兵迎剿賊恃其人衆分作兩路歷
下勢甚兇悍我兵亦分兩路施放連環鎗礮向
上迎擊搶至半山賊猶抵死不逞我兵用過山
鳥打斃執大旗騎馬賊目三人賊始退回山梁
相持數刻又密分一股潛伏西路山溝欲從半
山突出抄截我兵之後王文雄瞭見令糧員州
判張聖祐馬兵王廷英帶領鄉勇夫役趕至山
右林內見溝內之賊俱已爬至山腰卽大聲兩
喊各用大石向下擲擊斃賊數十人餘匪紛紛
退走王文雄督率弁兵衝賊大隊賊匪登時潰

聖朝聖德編卷全

六

亂向山下捨命奔逃我兵緊隨趕剿斃賊匪
一千餘人並截住溝內賊匪四百餘人全行殲
淨奪獲馬騾器械甚多生擒張金等八十三名
訊據供稱此股賊首係阮正通樊學銀陳文竄
李必福等共有七十餘人因聞兩當徽縣糧食
甚多欲竄往搶掠再行北去不料行至銅廠地
方卽被官兵截住等語餘無要供當卽分別正
法餘衆翻過老林向東奔竄王文雄恐其由鐔
口子竄出大路該處雖派有叅將鮑貴防守但
祇帶兵五百名未免稍單隨飛飭董文珍尙其
倫速由黃官嶺趕往接應十二日黎明賊匪大
隊奔至鐔口子見鮑貴帶兵無多公然分作三
路直撲營盤鮑貴悉力抵禦適董文珍等帶領
兵勇趕到卽時搶佔山梁與鮑貴兩面夾擊自

聖朝聖德編卷全

七

辰至午擊斃賊匪六百餘人騎馬賊十餘名賊

衆披靡卽向南竄老君山大嶺竄至紅廟塘漸

近江岸臣等因江水已涸到處寒裳可涉當飭

漢興道文需知縣章廷楓等多集鄉勇沿江上

下排列旂幟帳房大張聲勢並令革職藍翎侍

衛慶廉帶領投効武舉武生給以馬匹弓箭於

樹林茂密之處絡繹偵探以作疑兵十三日早

聖朝聖德

六

賊匪馬步數十人潛至江岸窺探慶廉偕典史

崔萱率同兵勇用大礮轟斃馬賊二名步賊三

名餘匪退回紅廟塘大夥賊衆卽由法慈院一

路向東奔逸適王文雄已由北路抄繞前來臣

等卽令由五郎口一帶向東北兜截顧住江岸

並令董文珍尙其倫等由法慈院跟蹤追剿兼

防賊匪折竄其竄至城固之賊經知縣牟鴻壽

帶領鄉勇在二郎壩毛埡子一帶奮力堵截斃

賊數十人未令北竄隨向東擾至西鄉鐘子山

又經同知徐洪懿知州宋昌紳督率守卡鄉勇

施放鎗礮斃賊三百餘名賊衆遂雨竄大巴關

一帶此二股賊匪相距不遠似欲尋蹤會合臣

等以賊匪分路奔竄未免牽掣官兵莫若逼令

歸併一處正可悉力兜圍現在飛調防守西鄉

聖朝聖德

九

東路之總兵慶溥及防守紫陽石泉之總兵柯

藩關騰等各帶兵丁與王文雄等會合兜剿臣

等亦卽趕赴西鄉一帶就近督辦

同日福寧奏言查徐添德等逆日前由渠邑楊

家場竄屯達州之火盆山當經各寨團勇併力

堵禦該匪等繞至州屬之羅江口土地埡一帶

滋擾因城內兵單隨抽撥鄉勇派令擇要嚴防

近城村莊未遭蹂躪民情尚屬安帖刻下此股賊匪現在蓮花庵等處遊奕若得官兵追剿前來即可由達州撥運糧石以資兵力近接巴州南江等處稟稱巴州之江口蒼溪之三會溪廣元之琉璃院均有賊匪竄入而岳池廣安合州長壽各州縣亦有賊匪紛擾水路運道已被阻隔查川北各路官兵所需軍糧業飭附近各州縣就近分投運供無虞匱乏惟達州存糧恐形短缺臣預令永寧道石作瑞設法購買寬為備貯刻下川東各營軍糧亦極充裕至胡亮等追剿張漢潮一股賊匪現由開縣一路前進除飛檄夔府各屬協力供送糧石以濟兵糈外其餉項已節次撥解過銀四萬餘兩儘足敷用惟昨准秦承恩咨開明亮等一路官兵前在川境月

欽定剿平三省邪匪方略

正編卷八二

餘計需銀十萬有奇應由川省照數找補歸款報銷又川省糧員田文煦稟稱七月間陝省糧員在川尙欠明亮等軍營兵餉銀三萬兩有餘衆兵紛紛補領等語查明亮等前此由陝帶兵入川因賊匪在前一切糧餉實難迎頭運供當經飛咨陝省暫行尾隨支應一面派委糧員田文煦等繞道趕赴接辦嗣賊匪折竄西鄉該糧員亦隨明亮等同往陝省當由川省撥給餉銀一萬五千兩今陝省既欲找補銀十萬兩等指為在川支用而糧員又稟稱舊欠軍營兵餉三萬有零亦須在川補領通計所用餉銀積至十四萬五千餘兩伏查明亮所帶兵丁不過三千餘名前於七月初二日抵川卽於是月二十六日出境在川不過二十餘日何至須銀一十

欽定剿平三省邪匪方略

正編卷八二

四萬餘兩之多且據糧員具稟明亮等軍營共帶長騾一千餘頭長夫二千餘名是否屬實抑係一而之詞現在咨詢明亮令將實用銀數及夫騾數目詳晰查明並咨查陝省支用細數確核查辦臣深念

國家經費有常竭力撙節猶恐日用日多若再任聽虛糜更復何所底止今明亮等一路官兵如此多費諒各營亦所不免此時正當剿捕萬緊之際勢難齊集員弁確加核算惟有盼望賊匪蕩平再將濫支濫應各項查明分別覈實辦理均奏入

上命軍機大臣傳諭勒保惠齡宜綿秦承恩明亮福寧曰川省賊匪因被剿緊急分投奔竄寧羌城固一帶俱經宜綿等擊退未令竄近漢江所辦尚好

此二股賊匪已逼令歸併一處惟當督率鎮將等併力奮擊不拘何人能將賊首擊獲即係何人之功漢江一帶仍應嚴密防堵勿使乘間闖入惠齡等既未能將緊要賊首羅其清等速行擊獲又任各股賊匪四處分竄所辦何事豈有在彼株守而於他股竄匪竟置不顧之理明亮等剿辦張漢潮一股亦未擒獲賊首豈以業經截回即可藉詞卸責耶惠齡恒瑞明亮興肇等均屬無能者再傳旨嚴行申飭至明亮等一路所帶兵丁祇三千餘名在川祇二十餘日何至需銀十四萬餘兩所帶長騾長夫亦何須用至一二千之多若非任意多索即係藉端開銷但帶兵大臣俱係欽差違例多索糧員等自不敢不行應付是濫應固所不免而濫支之弊為多著勒保福寧會同據實嚴查將任意

聖朝實錄卷之三

聖朝實錄卷之三

浮支各員卽行嚴叅如係糧員濫應冒銷亦卽查

明劾奏毋得稍有瞻徇並著明亮先行明白迴奏

二十九日已未惠齡恒瑞富成領勒登保德楞泰

奏言臣等前將箕山賊巢攻破分路兜剿羅其

清率眾竄上太鵬山寨屯踞因恐各股賊匪分

路潰逃闖入陝境當卽公同商酌臣恒瑞酌帶

官兵前赴寧羌一帶會同堵截正在啟行之際

聖訓

旨

聞有賊匪數千人在營山九嶺子方家廟一帶

滋擾運道並有窺伺營山縣城之意查陝界現

有督撫提鎮嚴防臣恒瑞際此賊勢鴟張未敢

拘泥原奏率行前往當卽會同飛咨該督撫外

一面派令副都統銜阿穆勒塔副將汪啟帶兵

二千名前往營山截剿臣等會剿羅其清大股

以冀及早肅除但查太鵬山險陡異常向係民

紮寨木柵石墻極為堅固且西北一帶又有

觀紫山龍臺山馬山溪二層山梁均有賊人紮

卡把守東南一帶有關家山梁遮蔽中隔一溝

為寶珠寺山其東北雙山子等處亦極高峻各

有賊卡多設礮石嚴防臣等再四熟商必須將

四面各賊卡攻克方能進逼賊巢當卽分路進

剿臣惠齡額勒登保由西北一面進兵臣恒瑞

聖訓

旨

德楞泰由東南進兵同時並發臣額勒登保督

同綸布春阿哈保格布舍楊遇春等帶兵由觀

音坪直進賊先已占踞驕頂山烟墩山等處紮

卡據守我兵攻打數次殺賊二百餘人該匪等

施放鎗石從上壓下我兵鎗箭並發連斃賊匪

三百餘人詎賊匪詭詐異常由林內突出數百

人繞在我兵之後當有吉林委署叅領巴彥保

委官額勒京額恒泰等翻身迎殺手及賊匪十

餘人巴彥保等三人中鎗陣亡千總馬文貞土

守備銜桑吉均經受傷適 臣惠齡帶領總兵朱

射斗副將關聯陞副將銜穆克登布泰領佛寧

等由獐牙寨過深溝上滴水崖搶占西面龍臺

山賊卡殺賊五百餘人從旁抄襲前來始將賊

匪截住 臣等兩路併力剿殺兩晝夜由洞庭觀

《聖朝實錄卷全》 三

周家嶺將馬山溪及觀紫山兩處賊人大卡攻

克殺賊七百餘人復將林內各賊擊退殺斃三

百餘人賊眾均向太鵬寨北門竄去維時 臣德

楞泰督率賽冲阿温春達三泰副將德寧扎勒

杭阿等帶兵從東南消水溪搶占馬鬃磯攻奪

賊卡三處賊人撲壓數次抵死抗拒富有吉林

委官誇德恩特和默蒙果勒首先跳入卡牆連

拋火彈立將賊棚焚燒賊眾慌亂委官富昌阿

乘勢砍開木柵我兵一湧而進鎗箭並施殲賊

三百餘人誇德恩特和默蒙果勒富昌阿俱中

鎗石陣亡黑龍江防禦富楚那吉林委官八十

六沙爾呼五十五舒隆阿均受石矛各傷官兵

人人憤恨遂由溜草坡過鄭家山梁並尖山子

兩路奮力掩殺殲斃殆盡 臣德楞泰遂攻克寶

《聖朝實錄卷全》 三

珠寺大卡一座搶占該處山梁 臣恒瑞督率總

兵觀祥副將德忠佐領佛爾卿額祿成等帶兵

由東北王家河一帶透到小鵬寨徑搶雙山子

賊卡正在攻撲之際適 臣富成由天池子帶兵

前來兩路夾擊當將青山子賊卡打破次日乘

勝進占雙山子賊卡殲斃賊匪四百餘人餘俱

竄逸統計四路官兵搶占賊卡八座殺賊二千

餘人生擒劉士序等二百餘人當提嚴訊據供
羅其清現住太鵬山寨寺內積有糧食甚多山
寨四門俱極險陡羅其清分令夥黨死守聞有
王廷詔李全亦在寨內羅其清由箕山逃竄時
乘夜令伊弟羅五同頭目蘇應品魏官各帶領
三千餘人先往營山搶城劫糧又令伊堂弟羅
八頭目苟倅如黎兆滄帶一千餘人前往渠縣

《剿平三省邪匪方略》

天

一帶堵截運道又令頭目蘇應從魏中孚帶二
千餘人分往儀隴巴州一帶劫奪軍火糧餉聞
得羅其清說能斷官兵糧草使內外受敵自然
不能久駐等語餘無要供當即概行正法查羅
其清恃衆負隅狡詐百出亟應趕緊圍攻正在
設法進剿據各路探報馬鞍場柳埡場等處有
賊匪二千餘人往來遊奕阻截巴州儀隴運道

新寺場王家寨一帶亦有賊匪三千餘人截斷

營山來路李家場心林場亦有千餘賊匪滋擾

渠縣糧道各路不通臣等萬分焦灼自應亟爲

疏通庶不受賊匪牽綴除營山一路已有阿穆

勒塔剿辦外臣恒瑞額勒登保即抽帶官兵前

往儀隴巴州一帶疏通運道剿滅一處再赴渠

縣帶兵趕緊剿辦以冀次第肅清併力會剿羅

《剿平三省邪匪方略》

天

其清大股臣惠齡在太鵬寨西北觀紫山一帶

山梁臣富成在東路青山子山梁臣德楞泰在

東南寶珠寺一帶山梁扼要兜圍雖兵力尙覺

不敷惟有殫竭血誠設法趕緊攻剿斷不敢以

山險賊衆稍失機宜奏入

臣命軍機大臣傳諭勒保惠齡恒瑞明亮額勒登保

德楞泰日箕山賊匪負隅拒守惠齡等帶兵攻逼

為日已久此次雖斃賊二千餘人致克賊卡仍未

擊獲賊首不足稱功而帶之官員轉致多有傷亡

所辦殊屬不值惠齡等著再傳旨嚴行申飭現在

各賊首俱竄聚一處惠齡等惟當奮力進擊將羅

其清等各賊首速行擒獲而額勒登保德楞泰等

久歷戎行較為熟習尤應同心併力乘勢會剿肅

清運道以期稍贖前愆其殺賊陣亡之吉林委署

叅領巴彥保等俱着咨部加等議卹

聖朝聖訓

三

欽定剿平三省邪匪方略正編卷八十三

戊午年

十一月初二日辛酉宜綿秦承恩奏言川匪前後

兩股分竄城固寧羌境內經臣等督率兵勇節

次剿殺逼歸南路茲前股張時青之賊竄至西

鄉大巴關適副將官信叅將張受榮遊擊觀音

保等帶兵趕到搶佔山梁擊斃賊匪四百餘名

潰賊即翻過大嶺竄回四川通江縣境後股阮

正通之賊竄至西鄉罐子山一帶經同知徐洪

懿知州宋昌瑋等督率鄉勇殲賊數十名至百

餘名不等賊匪退走鍾家溝又經王文雄截殺

五百餘名賊眾捨命狂奔亦竄回四川通江兩

河口查兩河口一帶與南鄭邊界相通誠恐賊

匪乘間折回臣等已飛札王文雄即於南鄭西

鄉適中之地暫行扼要駐劄兼顧兩路杜賊折

聖朝聖訓

一

竄又據總兵慶溥報稱六人傑龍紹周等兩股賊匪約五千餘人由四川太平邊界竄近西鄉三花灘該鎮帶領叅將李逢春遊擊槐他哈等分兵兩路由左右山梁抄繞截擊殲賊三百餘名生擒胡玉華等十五名署把總張希英撲入賊隊手刃賊匪三名受傷陣亡現在奮力堵截等情查三花灘在西鄉東界與石泉紫陽等縣相近王文雄嚴防西路正在喫緊之際已飛飭官信徐洪謄宋昌琿等帶領精練兵勇就近馳往東路幫同堵剿奏入

上命軍機大臣傳諭勒保宜綿秦承恩曰川北賊匪竄至西鄉經官兵截殺折回通江復有樊人傑等兩股賊匪竄至西鄉東界自係川北一帶賊勢潰敗四出奔逃希圖竄入陝境現在王文雄嚴防西

路慶溥等在東路堵剿宜綿等務須督率該提鎮實力堵截與川省併力夾擊並飭地方官分派兵勇在漢江一帶嚴密堵禦以防偷渡若再任竄匪闖入陝境惟宜綿等是問所有打仗陣亡之把總張希英著咨部加等議卹

初四日^{癸亥}勒保奏言查張漢潮一股賊匪前由

溫湯井竄至尖山壩東壩溪等處經^臣抽撥官

兵截擊詎該匪等均由山僻小路奔逸隨至朱

圍門地方適^臣所派副將富明阿帶兵趕到將

該匪等迎頭擊退復經叅將吉林泰都司徐朝

綱大寧縣知縣鍾蓮各帶兵勇節次於濫池子

黃草壩馬鎮壩等處分投邀擊斃賊自百餘名

至二三百名不等該匪等輾轉破截未能直竄

楚疆現於牯牛寨一帶山梁屯聚^臣又分撥兵

勇於巫山大寧邊界兩面嚴防明亮與肇等業
 經帶兵由夔州水路徑赴巴東如能繞出賊前
 迎擊正可痛加剿洗以免蔓延楚省臣自移駐
 江口一面佈置攔截張漢潮一股賊匪一面仍
 派觀成百祥德英額穆克登阿等分兵攻撲祖
 師觀賊寨總因該匪等負隅固險悉力守禦未
 能直上而我兵鎗礮所及斃賊極多臣惟有儘

聖朝聖訓卷三

四

此兵力設法攻圍其川北賊匪節據惠齡等知
 會自攻克箕山之後所有冉文儔徐添德阮正
 澧龍紹周等均已分竄惟羅其清匪眾遁至太
 鵬山惠齡卽與額勒登保德楞泰富成等合兵
 攻剿內有分竄廣元蒼溪南江一帶者恐其復
 竄陝疆已經恒瑞帶兵二千名馳赴廣元相機
 攔截惠齡等因羅其清屯聚川北每爲各路賊

匪往來依附是以擬將該匪先事掃犁但刻下
 徐添德一股已由達州亭子舖一路擾至大竹
 新寧邊境冉文儔一股亦由達州西面闖入東
 鄉均無官兵追擊因查冉文儔一股本係惠齡
 督兵剿辦徐添德係富成帶兵剿辦現在惠齡
 旣以羅其清一股爲重不能分身亦當酌派原
 兵跟蹤剿捕是以臣得信後卽星飛知會額勒

聖朝聖訓卷三

五

登保富成迅帶官兵追剿冉文儔徐添德兩股
 賊匪以便各有專責而惠齡與德楞泰亦可專
 心剿辦羅其清一股俾免彼此牽綴至於川北
 一路兵力除分撥外計惠齡德楞泰尙有官兵
 一萬四千餘名合之朱射斗所帶兵勇不下四
 千名較之臣處實存官兵八千餘名多至倍蓰
 正足以資圍剿其林亮功王光祖等股賊匪復

由江北長壽折竄岳池定遠一帶其從前分出之包正洪一股亦折回廣安節據劉君輔富森布及廣安州知州阮和岳池縣知縣朱泰茹等稟報殲斃不下一千六七百人惟賊蹤無定兵力較單未能十分得手臣一俟冷添祿賊匪即日掃蕩自當分撥官兵兼籌勦辦奏入

聖朝聖訓卷之三

六

上命軍機大臣傳諭勒保惠齡恒瑞明亮額勒登保德楞泰日勒保剿辦祖師觀賊匪日久未能掃蕩節經降旨嚴飭今據奏到情形仍屬空言殊形遲緩冷添祿一股困守窮山勒保並不能迅搗賊巢移師會剿以致各股賊匪分投奔突勒保一路兵力亦以分而見單似此處處牽掣何日始能竣事著再傳旨嚴行申飭現在祖師觀賊匪已派觀成等分路攻撲勒保若再不即將冷添祿擒獲速赴

川北會兵奮擊以次殲除又任竄匪蔓延滋擾其罪又何可逭耶至川北賊匪本係惠齡等帶兵剿辦且吉林黑龍江勁旅皆在伊等一路總未能擒一賊首而冉文儔等分投竄擾又復不能兼顧所辦何事亦著傳旨嚴行申飭其冉文儔各股竄匪現經額勒登保恒瑞等分路截剿張漢潮一股有將領帶兵迎擊而明亮等亦由巴東繞截此等潰竄餘匪何難迅就殲除乃任其輾轉奔逃迄未能肅清一路恒瑞明亮額勒登保等均屬無能已極俱著傳旨嚴行申飭

聖朝聖訓卷之三

七

初八日丁卯景安奏言臣因張漢潮一股賊匪業經截回又聞寧羌賊匪已竄西鄉竹谿邊界正在帶兵由房縣馳往茲於二十七日接准陝省來信並據探報川省竄匪一股自九陣壩竄至

星子山可達紫陽石梅湖一帶又李樹樊人傑龍紹周等股匪亦由九元子竄入平洛壩勢將與前股合夥又觀音堂絲溪河一帶亦有賊匪屯聚該處東達鞍子溝東北由瓦房店可達紫陽誠恐分股亂竄東趨入楚等語臣查紫陽東竄即可由平利直達竹谿若竄向東北即可由洵陽白河進逼竹山且沿江一帶亦關緊要賊股不一分竄無定在在均須嚴防竹谿西南兩面陝楚接壤尤為八楚門戶臣與總兵路超吉各帶官兵分要堵截沿江一帶已飛札署將軍成德總兵田永桐等並楚豫文武員弁實力防守惟竹山北路雖亦派撥文武員弁帶領兵勇嚴防但該處山勢散漫無險可據必須量添兵力派令幹將前往方可得力楚省官兵除出

征川省外現存之兵因地方遼闊既不敷處處分設自應酌量緩急隨時移調以資堵剿查南路巴東一隅現有兵勇八千餘名之多且張漢潮一股賊匪所剩無幾又有明亮等帶兵兜剿自可無虞折回現在北路緊要臣當即飛札總兵王凱帶兵一千名星夜兼程前來竹山協力嚴防俟將此三股賊匪截回或殲滅後仍令回南路防堵此時巴東尚有兵二千餘名健勇五千餘名足敷堵禦倘有不敷已囑高杞酌添鄉勇用資嚴密奏入

上命軍機大臣傳諭勒保惠齡景安恒瑞明亮額勒登保德楞泰曰竹谿等處賊匪係由箕山竄往總因惠齡等不能將首逆速擒致各股餘匪復又乘虛奔突而恒瑞明亮等帶兵分投追剿亦不能設

法繞截任其來往自如無能已極惠齡恒瑞明亮等俱著傳旨嚴行申飭現在陝楚邊境均已派兵防堵若再不趁賊匪窮竄之時併力截擊速擒賊首又任蔓延滋擾伊等自思當得何罪現已十一月中旬朕盼望捷音日深日切而各路剿辦賊匪迄未肅清一股似此輾轉遷延倘向不知愧懼同心合力于年內依限辦竣則是天良漸盡罪不可追各宜凜慎毋仍前泄泄也

聖朝聖訓卷之三

十一

十二日辛未明亮與肇奏言查張漢潮籍隸襄陽蓄意奔竄楚境臣等同撫臣高杞兩路截擊殲戮甚多該匪畏懼折竄隨囑高杞將所設營卡酌量添增仍前防堵臣等遂帶兵前進探得張漢潮仍向木瓜溪龍泉寺亡命南奔有時分爲兩三股有時仍合在一處盤繞萬山重疊之中

往來人跡罕經之地希圖牽綴官兵乘間逃生臣等漏夜緊躡不留一刻餘暇沿途斬戮及投河自縊賊人日有三五名十數名不等賊勢較前尤爲窮蹙十九日早探得該匪合爲一隊向大昌前竄火石嶺屯紮臣等加緊疾行二十日四更起營甫至黎明官兵已抵大昌正遇該匪在彼掠食臣明亮督率愛星阿長春游擊游棟雲守備王成傑等帶領馬隊直撲火石嶺山梁臣興肇督率木騰額副將多爾濟扎普游擊應元寬等帶領步隊由火石嶺山腰衝進該匪倚恃山高路險持矛林立施放鎗礮臣明亮催令馬隊向上直撲賊匪膽敢衝壓二次官兵一往無前該匪抵敵不住竄上山嶺又經臣興肇木騰額從山腰衝出上撲下壓斃賊二百餘名奪

聖朝聖訓卷之三

十二

獲帥旗一桿生擒執旗頭人朱彩章等三十五
 名自辰至酉乘勢長驅追擊五十餘里沿途復
 擒殺男婦百餘名該匪向龍溪河由密林遁逃
 訊據朱彩章等供稱張漢潮前在羅溪壩被官
 兵追擊不能回楚向眾人痛哭思要自縊大家
 勸說還可繞大寧太平山內逃往湖北陝西邊
 境等語餘無要供將該犯等立行臠割飛即
 督兵前進為一鼓殲擒之舉

聖朝實錄卷之三

三

同日景安奏言臣正在督率操練嚴防邊界茲
 於本月初三日接據陝省來信川匪兩股分竄
 寧羌城固多方堵截均已折回通江之兩河口
 其闖入西鄉兩股亦經兵勇擊退殺斃數百名
 該匪先後由田壩河一帶折回太平地方現在
 西鄉餘匪一股在九陣壩一帶官兵分投剿堵

旬日之內亦可驅除等語臣查各股賊匪既經
 陝省截回不能向東北奔竄難保不由開寧南
 窺巴東臣當即飛飭總兵王凱且不必帶兵前
 來竹山仍督率將備會同高杞嚴密防守巴東
 再查防江一事江岸綿長必須視賊趨向隨時
 相機帶兵往來移防署將軍成德年逾七旬究
 於馳騁不便該將軍久歷戎行防堵事宜素所
 諳悉是以飛咨馳赴巴東會同督防至漢江一
 帶現有豫省總兵田永桐道員陳鍾琛並臣派
 道員恒慶參將朱廷荃游擊周龍章添兵一千
 各協同防守自可無虞均奏入

聖朝實錄卷之三

三

上命軍機大臣傳諭勒保惠齡景安恒瑞明亮額勒
 登保德楞泰日張漢潮一股竄匪明亮等帶兵追
 剿為日久仍任驢轉奔突殊屬無能著再傳旨

張行中飭此時該逆不能竄回湖北勢已窮蹙勒
保務須飭令派出帶兵之員認真在前攔截與明
亮等兩面夾擊庶可一鼓成擒又紫陽西鄉一帶
竄匪俱被陝省截回此股賊匪業經勒保知會額
勒登保等帶兵追剿正可迎頭截擊何以日久亦
未罕獲首逆均屬遲緩額勒登保等亦著嚴行申
飭勒保惠齡等若不乘此時同心併力速拏賊首
將川東川北以次肅清依期完竣而於節次飭催
諭旨亦竟聽之藐藐則是伊等甘蹈重愆尙望曲
爲保全耶

欽定剿平三省邪匪方略

正編卷八三

十四日癸酉 惠齡恒瑞富成額勒登保德楞泰奏

言竊臣 惠齡等前將罐子山等八處賊卡攻克

因羅其清分遣夥黨於營渠巴儀一帶希冀斷

我糧運臣 恒瑞額勒登保當卽帶兵前往儀巴

等處截剿先於王家寨遇賊我兵奮力進擊賊
賊多人乃另有一股從王家寨山後潛來抄在
官兵之後臣 額勒登保督率迎剿斃賊二百餘
人游擊靳文銓馳馬衝入賊中連射數賊中鎗
陣亡嗣又率兵於羅家壩抄擊賊匪正在擄掠
一見官兵四路奔逃適臣 恒瑞於羅家壩之左
擊賊前來併力夾擊賊之滾崖跌斃及殲殺者

欽定剿平三省邪匪方略

正編卷八三

三百餘人遂酌留官兵一面搜剿餘孽並於要
隘處所堵截其糧石軍火甫得於儀隴營山兩
處運到以資接濟臣 恒瑞額勒登保仍卽帶兵
回至罐子山與臣 惠齡等公同籌酌查羅其清
等竊據太鵬寨恃險負隅又復分出賊衆滋擾
內外勾連狡詭已極若不將太鵬寨攻克速獲
羅其清餘匪出沒無常轉致被其牽綴察看太

鵬寨共有四門均築木城外有石牆牆外山路
 陡窄仰攻不易惟南門一面鯉魚嘴地勢稍寬
 其西門一面向為賊人出入之徑有河一道俱
 係涉淺而渡先經臣惠齡派委縣丞張世維紮
 壩蓄水現已深至丈餘可遏賊人竄路自應先
 攻南門其各門亦即分佈官兵牽綴賊勢臣額
 勒登保德楞泰督同綸布春阿哈保賽冲阿温
 春達三泰德宜等帶兵進撲南門臣惠齡恒瑞
 富成帶兵分赴東西北三面互相聲援臣惠齡
 督率總兵李紹祖副將關聯陞副將銜穆克登
 布等帶領官兵從鐘子山下溝繞道前進行抵
 河邊見對河有賊三四百人阻截渡口當用大
 礮轟擊斃賊一百餘人賊匪驚潰即派穆克登
 布帶兵從壩上過河追擊又殺斃一百餘人並

派關聯陞帶兵在該處埋伏以便遇賊掩擊臣
 富成由青子山一路率同總兵觀祥副將扎勒
 杭阿叅將郭承緒等帶領兵勇攻剿東門該匪
 等竟敢分股前來捨死抗拒郭承緒及藍翎長
 富德守備馬昌傑均經受傷官兵人人切齒刀
 砍矛戳斃賊二百餘人餘俱竄回寨內臣恒瑞
 督率總兵朱射斗副將德忠等帶兵攻打北門
 當將北門外一帶賊棚焚燒殺賊一百餘人賊
 匪俱入寨門抵死拒守時臣額勒登保德楞泰
 帶兵由寶珠寺山梁驪路前進甫抵鯉魚嘴距
 賊寨南門不遠僅有陡路一線依山為門上又
 疊石砌蓋臣等督兵一齊進發寨內賊匪率眾
 放鎗抗拒官兵鼓勇向前亦用鎗礮轟擊當有
 吉林委叅領扎克丹保委官科卜通武首先馳

聖朝聖德錄卷全

六

聖朝聖德錄卷全

七

擊箭斃賊匪二名賊人羣聚用矛撲拒該參領等直前手刃賊匪四名賊人復從寨上用鎗打下科卜通武中鎗陣。扎克丹保亦受鎗傷兵勇憤恨競進立將該卡草棚焚燒殺賊三百餘名生擒易大輝等二十一名餘賊向寨退奔我兵趕追前進又殺賊二百餘名該匪即將寨門緊閉尙餘賊二百餘人不能入寨關聯陞伏兵忽起截殺將各賊殲盡賊匪在寨用鎗礮下擊我兵直逼寨門都司馬應國李東山帶領兵勇等連拋火彈數次賊人用水澆熄千總汪雲張應貴又用鐵搗拆其寨門被賊匪矢石飛擊千總會壽屯守備阿庫魯均受有傷我兵仍用大礮轟打兩日夜寨樓均各損壞賊匪堅守卡門其被礮打斃者亦約有二百餘名當提易大輝

聖朝聖德編卷三

六

等嚴訊據供羅其清因太鵬山寨險峻有現成石牆木柵派人日日添修堅固四門均安大礮二位各設插石防守聽說此寨勝於箕山官兵一時斷不能攻破倘攻打緊急西門一路有河阻隔即可乘隙逃竄等語餘無要供當卽概行正法。等恐羅其清情急奔逃或由西門竄逸自應於河邊分拏營卡以防偷渡當將雙山子各兵挪撤卽於河邊安卡。富成所紮青山子營盤移至雙山子一帶駐紮設羅其清連夜逃遁則既可帶兵掩擊且有河邊各卡儘可截擒設該匪仍然拒守卽於西門一面併力進攻察探賊情公然恃衆據險並遣賊匪五百餘人潛至河邊樹林以爲埋伏拒守之計。等復卽分兵三路進撲西門。德楞泰仍帶兵攻打南門

聖朝聖德編卷三

九

臣恒瑞富成俱於東北兩路率兵率級 臣惠齡

督兵從正路前進 臣額勒登保帶兵由左手抄

上並令綸布春阿哈保等從右手潛上先將樹

林埋伏賊匪殲殺淨盡 臣惠齡帶兵搶上三節

梁見有賊卡當即鼓勵將士奮力攻撲賊匪攢

集三四百人迎拒當有叅將增德帶同外委張

占熬揚如彪拋擲火彈即將賊棚焚燒賊匪慌

亂適 臣額勒登保帶兵由左手抄上合兵掩殺

斃賊二百餘人生擒熊一亨等十四人乘勢直

逼西門詎賊匪施放滾木擗石抗拒益力增德

張占熬俱中鎗陣亡楊如彪受傷我兵連撲十

餘次又斃賊三百餘人因自下仰攻未能得手

隨將三節梁佔住紫營時 臣德楞泰進攻南門

殺賊二百餘人亦將鯉魚嘴山包搶佔安設營

卡直逼寨門已與西面三節梁聲勢聯絡 臣等

此次疊經攻剿未能搗破賊巢擒擊首逆實屬

愧恨焦急惟現已進逼寨門斷其採樵之道 臣

等再行策勵兵勇趕緊相機剿辦一俟兵力可

分 臣恒瑞即帶兵馳往寧羌一帶堵剿

惠齡又奏言 臣欽奉

上諭以王三槐供出羅其清等亦有投順之語飭令

察看賊情密為酌辦等因此時羅其清股匪竄踞

太鵬山寨恃險負嶠並敢預遣夥匪分擾營渠

巴儀運道奸狡百出恒瑞額勒登保帶兵赴巴

儀一帶業將運道疏通仍回原營會剿連日設

法進攻該匪仍抵死抗拒且曾於打仗時仰體

皇上網開一面之仁明白曉諭許以投出免死乃該

匪等怙惡不悛竟無悔罪之意 臣惟有一意攻

剿務在迅縛元兇掃除餘黨斷不敢稍事姑容
卽賊匪當萬分窮蹙之時果肯棄械投誠亦必
察其真偽相機辦理此時自當不遺餘力趕緊
攻圍以期迅勉蕙事

同日宜綿秦承恩奏言賊匪樊人傑龍紹周等
竄近西鄉三花灘經總兵慶溥奮力截剿殲斃
甚多賊匪已退出邊境忽又有數股賊匪李樹

聖者邪匪

三

劉二掌櫃唐明萬唐大信龔建等約一萬數千
人由西鄉井泉子竄入頂甲山羅家溝一帶慶
溥卽挑帶奮勇兵一千二百名前往堵禦樊人
傑龍紹周等又復乘間竄入與各股賊匪分爲
數路將官兵四面圍繞慶溥督率恭將李逢春
遊擊葉炳銓等帶領弁兵分投抵禦排列鎗礮
連環轟打擊斃賊匪無數賊恃人衆抵死不退

葉炳銓奮勇衝殺受傷陣亡慶溥身先士卒攻
打益力守備楊雲霄楊伏國亦受重傷猶俱奮
勇殺賊同知徐洪懿督率鄉勇隨同官兵分路
抄擊接仗兩日又殲賊一千餘人適_臣等與王

文雄趕往策應賊卽退紮荒田嘴一帶山梁連
日大霧迷漫_臣等惟恐賊匪乘間北竄當將官

聖者邪匪

三

兵分布聯絡扼住要路賊遂翻山向東奔逸忽
另據探報又有一股賊匪由通江老林內竄至
城固天明寺連夜於長灘地方躡淺過江該處
守江鄉勇見是夜霧氣甚大在北岸灘口施放
鎗礮虛張聲勢密撥矛手分佈灘口上下隱蔽
竹林乘賊匪撲近江岸鄉勇一擁齊出截殺甚
多餘衆向北山一帶竄逸等情伏思此次各股
賊匪同時闖入人數衆多後路並無跟蹤追緝

之兵就臣等現有兵力剿辦西鄉南路之賊已

屬不敷且深聞川省太平通江廣元等處尙有

餘匪屯聚亦須急籌備禦但北路處處空虛關

係甚重不得不分兵兼顧隨悉心酌議臣宜綿

飛派總兵關騰帶兵由石泉繞至鎮安一帶以

防賊竄東北臣秦承恩卽抽帶兵七百名並挑

帶精練鄉勇馳回漢中由西北一路探蹤截剿

聖祖聖訓卷三

臣

以期兩路抄截盡數殲除現聞恒瑞額勒登保

在儀隴巴州一帶疏通糧路臣等已飛札知會

令其酌量情形帶兵來陝會剿

宜綿秦承恩又奏言本年五月部撥餉銀二百

萬兩內除扣還山西銀二十萬兩解還四川銀

五十萬兩實存餉銀一百三十萬兩半年以來

凡遇動用無不覈實撙節惟因節次大兵入境

供支糧餉軍火需用浩繁迨大兵入川仍係陝

省暫爲代運程站日遠費用更多兼之給發各

路兵勇鹽糧口食購買軍糧撫恤難民辦理已

形支絀現在川匪各股分竄陝境大兵接續而

至應用糧餉更須急爲儲備查陝省應徵本年

地丁錢糧西安一府仰蒙

聖恩輪免七十餘萬兩其餘各屬多有蠲緩徵收無

聖祖聖訓卷三

臣

幾現在司庫存銀實屬不敷支放應請撥銀三

百萬兩解陝接濟均奏入

上命軍機大臣傳諭勒保惠齡宜綿恒瑞明亮額勒

登保德楞額泰日惠齡等在川北剿賊爲日已久此

次既將太鵬寨四面圍圍乃僅殺賊二千餘名仍

未擒獲首逆猶以賊匪恃險抗拒仰攻不能得力

爲辭藉以掩飾遲延之咎實屬無能惠齡等者再

傳旨嚴行申飭現在官兵進逼賊寨斷其樵採之路賊勢已極窮蹙惠齡等若不乘此時奮力進攻將羅其清等速行拏獲復任餘匪分竄滋擾伊等自思當得何罪所有殺賊陣亡之叅將增德遊擊靳文鈐外交張占鰲委官科卜通武俱著咨部加等議卹至宜綿等截剿各股竄匪亦由惠齡等不能將首逆擒獲致令乘虛奔突現經宜綿秦承恩等帶兵由西北一路探蹤截擊並知會恒瑞等酌量分兵會剿務須併力夾擊乘勢殲擒毋得稍有疎懈致令竄入陝境其殺賊陣亡之遊擊葉炳銓著咨部加等議卹至宜綿等懇請撥銀一節已明降諭旨矣但國家經費有常豈能應無厭之請伊等自剿辦賊匪以來業經兩載有餘前後請餉不下數千萬兩似此坐糜帑餉而軍務尙無告竣之

聖朝罪案彙編卷全

三

聖朝罪案彙編卷全

三

期日復一日伊於何底若再不知搏節恃有部帑可撥任意開銷則伊等各有所身家豈不自知顧惜耶
上諭內閣曰宜綿等奏請撥陝省軍需餉銀著於部庫撥銀二百萬兩照例迅速解往

欽定剿平三省邪匪方略正編卷八十四 戊午年

十一月十八日丁丑明亮與肇奏言查張漢潮一

股賊匪連被官兵跟蹤擊殺人數日減向龍溪

河渡口堽等處漏夜奔竄並未稍停臣明亮等

乘勝長驅緊躡窮追日馳一百數十里沿途多

有擒殺二十七日追至黃荆壩地方探得張漢

潮前竄留二百餘人在後藏匿箐林希圖乘間

剿平三省邪匪方略

衝出擋住官兵自為逃脫之計臣等隨即整備

於二十八日四鼓發兵臣明亮督率愛星阿多

爾濟扎普游棟雲等帶領馬隊由平壩進發臣

與肇督率長春遊擊應元寬等帶領步隊由山

梁暗伏甫至黎明臣明亮帶兵馳至山間兩傍

樹本叢雜該匪一湧衝出經官兵前後兜圍殲

戮矛手百餘人生擒張其昌等十七人餘匪翻

山欲遁復經臣與肇督率官兵悉數擒殺訊據

張其昌等供稱張漢潮被官兵截回連次追殺

緊急想要自縊經眾勸解欲往陝西可以逃生

昨晚商量派我等帶二百五十名矛手藏在樹

林間備官兵使張漢潮向前逸去聽說有三兩

股同教人來倘得合夥再作計議餘無要供當

將該犯等戮割臣等迅即帶兵前進二十九日

剿平三省邪匪方略

晚趕抵石塘壩聞張漢潮業已竄過遙見兩邊

山脚火光接天適據探報有另股賊匪千餘人

前來與張漢潮併合臣明亮飛即帶兵將前路

山口扼住不使該匪衝越合夥臣與肇分兵迎

擊該匪總思前竄左衝右突經官兵奮勇擊殺

當殲二百餘人生擒唐冠賢等五十一名奪獲

鎗礮器械旗幟無算餘匪向龔家壩逃竄據唐

冠賢等供稱此股賊匪係龔建王開聰張明高等帶領千餘人在冉文儔賊營昨自東鄉分出不料被官兵截住殺戮甚多張明高帶箭前逃餘都向龔家壩逸去當將從賊打仗者俱行正法其餘被擄未久婦女幼童均卽省釋_臣等督兵前進初二三等日晝夜倍道追奔至鐵溪河錢家坪等處復遇一股賊匪約二千餘人自罐子山折回向竹峪關奔竄_臣等分兵追捕竭力兜圍擊殺百餘人生擒徐盛發等八十三名老幼男婦一百九十二名口餘匪翻老林南奔訊據賊供此股賊匪係樊人傑龍紹周唐大信等帶領二千餘人自罐子山被官兵打回想仍回四川今日遇官兵打散多翻老林南去各自逃生等語卽將該犯等分別辦理尙有兩股賊

欽定剿平三省邪匪方略 正編卷八四

匪已向鞍子溝簡池壩地方奔去_臣等萬分焦灼所帶官兵除傷病留養外現存兵二千餘名不敷分擊查張漢潮率領敗殘餘孽已向司渡河潛逃距_臣等四五日路程今時屆冬令江水淺涸一面飛咨宜綿秦承恩王文雄將沿江一帶嚴密防堵_臣等趕緊前進惟有策勵官兵上緊兜擊以冀速擒首逆稍贖前愆奏入

欽定剿平三省邪匪方略 正編卷八四

咎實屬百喙難辭摺內尚鋪張戰功虛增斬獲之數尤為無耻著再傳旨嚴行申飭前據宜綿秦承恩奏已帶兵由西北一路探蹤迎擊並知會恒瑞等分兵會剿是陝境一帶地方不患無兵堵截明亮等務須乘該匪等窮竄之時上緊追剿與陝省官兵會合夾擊若再仍前怠玩又令賊匪偷渡漢江伊等自思當得何罪耶至勒保剿辦冷添祿一股惠齡等剿辦羅其清一股此兩處均係困守之賊攻圍日久賊勢益孤且勁兵皆在伊等兩路尤應速行掃蕩生擒渠魁乃伊等節次奏報情形總為賊匪牽掣不能移師他路而各股分竄之賊復不能派兵攔截所辦何事勒保惠齡等俱著傳旨嚴行申飭

二十日_已 惠齡恒瑞富成額勒登保德楞泰奏

聖祖聖訓卷四

五

言_臣等前將運道疏通後合兵圍剿太鵬山寨當已逐層進逼連夜分路進攻疊次殺賊一千餘人該匪等捨命抗拒憑高施放鎗石我兵自下仰攻且道路均被挖斷未能得手而該匪等狡詐百出其滋擾運道賊匪于十一月初二三兩夜連撲山東貴州官兵營卡希冀送糧入寨俱經_臣等督兵擊退斬獲頗多詎初五日復從溝底潛來直撲廣西官兵營卡而寨上賊匪亦率眾下山接應竟有內應外合之勢經_臣額勒登保帶兵從西面截殺_臣德楞泰帶兵從南面截殺當將外來賊匪擊退殺斃三百餘人拋棄器械米麵甚多_臣惠齡帶兵接剿寨內接應之賊殺斃一百餘人賊匪不能會合均各折竄_臣等查賊寨四門坡坎陡險屢次仰攻徒傷兵力

聖祖聖訓卷四

六

正可趁賊匪圖竄之機暗籌截剿竊料內外賊
匪黑夜偷營是其長技當飭各營卡預爲防範
並分遣官兵四圍埋伏俟外賊撲營卽行迎殺
設內賊出寨我兵卽乘勢搶撲寨門以爲掃犁
之計初七日傍晚大雨如注三鼓時有外來賊
匪約四五百人從北面直撲總兵朱射斗營卡
我兵早有準備當卽施放鎗礮賊匪抗拒不退

剿平三省匪黨編卷七

七

寨上賊匪從東門偷出約四千餘人衝下山坡
前往接應時臣德楞泰督同賽冲阿温春阿穆
勒塔德寧馬瑜等帶兵潛至賊寨南門四布雲
梯從小路迤邐而上奮力搶撲該匪等猝不及
防我兵拋擲火彈該匪守門者驚潰當將南門
打破官兵一湧而入時火彈延燒賊人草棚茅
屋頃刻烟焰衝突賊匪慌亂官兵刀砍矛戮殲

斃賊匪及滾崖者二千餘人寨內遺存馬騾帳
房甚多首先入寨者有遊擊李應貴都司馬應
國千總吳宗明均極奮勇吳宗明身受矛傷陣
亡臣惠齡額勒登保督率綸布春阿哈保楊遇
春關聯陞穆克登布等帶兵襲破西門賊人擲
石放鎗抵死抗拒我兵鎗箭並發斃賊四百餘
人賊人潰散我兵從後掩殺又斃賊三百餘人

剿平三省匪黨編卷八

八

臣惠齡額勒登保德楞泰分路剿捕又殲斃二
千餘人其滾崖落坎者又有五六百人至東北
兩門經臣恒瑞富成分投督兵截剿均各殲斃
二三百人前來會合當將太鵬山寨剿洗無遺
計此次攻克賊寨殺賊男婦五千餘人生擒擲
朝陽等四百餘人奪獲騾馬四百餘匹賊礮十
四位烏鎗一百三十一桿米麵鍋帳無數當提

鄧朝陽等研訊據供羅其清被困情急久欲逃
竄原侯外面夥匪接應今夜二更時羅其清令
我等把守四門他帶頭目苟彬等四千餘人說
要乘雨衝撲官兵營卡先從東門下寨後來聞
得鎗礮之聲想是外面救應前來不防官兵就
來攻破寨子羅其清父親羅從國把守西門我
等見伊已被官兵打死餘無要供當將該犯等

《聖朝實錄卷八十四

九

概行正法_臣等一面酌留官兵搜剿餘匪隨即
帶兵下寨截殺竄匪時已黎明經朱射斗帶領
官兵兩面夾攻該匪等竄伏溝底者尚有七八
百人悉行殲戮生擒楊正富等男婦三百餘人
訊據供稱羅其清于二鼓時帶我等四千餘人
下寨伏于坡側後聞官兵營裡施放鎗礮知是
外面夥匪劫營羅其清派頭目苟彬帶我等入

百人前去接應他帶三千餘人由東北溝內小
道逃去苟彬現被拏獲等語隨提苟彬嚴訊該
犯帶傷甚重不能言語當即斃命並將楊正富
等即行正法_臣等查羅其清尚有餘黨數千屯
踞青觀山一帶自必前往合併為苟延殘喘之
計_臣額勒登保德楞額泰當即帶同賽冲阿阿哈
保溫春綸布春帶兵分路躡蹤追剿至七十餘

《聖朝實錄卷八十四

十

里見有賊匪五六百人冒雨狂奔當即截殺三
百餘人賊匪捨命紛逃_臣等會同商議自應趁
賊匪窮蹙乘此雨夜趕緊進剿不使稍暇一面
躡蹤探跡一百分帶官兵前往掩捕務期迅擒
元惡掃蕩餘氛至_臣恒瑞原擬帶兵二千餘名
赴陝今_臣惠齡又將固原兵一千餘名交鎮臣
觀祥帶往隨_臣恒瑞會同宜綿秦承恩截剿北

竄賊匪臣高成前因攻剿太鵬寨賊巢正在吃緊是以留此協攻今太鵬寨已破臣亦卽帶兵前往大竹一帶剿辦徐添德一股臣惠齡額勒登保德楞泰剿滅此股賊匪探係何路緊要卽往何路剿辦以期逐股殲除再昨接勒保來咨飭調總兵達三泰前赴川東軍營已經轉飭前往

《聖齋邪匪各編卷八十四》

十一

同日景安奏言初十日接准宜綿等來信賊匪一股約三千餘人由通江乘霧翻山竄過城固天明寺連夜奔至長灘踰淺渡江經守江兵勇截殺多人奈賊勢甚衆拚命衝過現已竄至城固北山文川一帶等語臣查城固以東距楚省江北之鄖西不遠自應預爲籌備當卽飛飭現在鄖西一帶防堵之文武各員率同兵勇嚴加

防堵外惟江北兵力稍單而江之南岸竹谿竹山又與川陝接壤現在陝省西鄉川省太平大寧尙有數股賊匪奔竄無定則竹谿竹山正在緊要臣萬難遽赴江北前因北路緊要已令總兵王凱抽調官兵一千名以備策應茲復飛催該鎮帶兵迅速前往鄖西一帶率同文武各員合力堵截至南路巴東離賊尙遠且彼處已早籌備兵勇七八千名之多又有高杞在彼率同文武嚴防且署將軍成德現已前往協防自可無慮均奏入

《聖齋邪匪各編卷八十四》

十二

上命軍機大臣傳諭勒保惠齡宜綿景安恒瑞富成明亮額勒登保德楞泰日惠齡等在川北剿賊爲日已久此次冒雨進攻將太鵬山賊寨攻克並鎗斃羅其清之父羅從國殲戮多名所辦差強人意

但首逆羅其清仍任其乘閒脫逃未能即時擒獲
 不足為功現在羅其清黨與剿除大半勢已十分
 窮蹙惠齡等若能趁賊匪潰敗之餘奮力兜擊速
 擒首逆辦完此股再將他股以次肅清尚可將功
 折罪其打仗陣亡之千總吳宗明著咨部加等議
 卹又昨據宜綿等奏派令總兵關騰帶兵由石泉
 繞至鎮安一帶截賊東竄之路並知會恒瑞等分
 兵會剿今景安又派總兵王凱前赴江北鄖西一
 帶嚴防是陝楚地方俱有官兵堵截現據惠齡等
 奏令觀祥帶固原兵一千餘名赴陝隨同恒瑞等
 會剿富成又帶兵前赴大竹一帶剿辦徐添德一
 股恒瑞富成等務須上緊追剿與陝楚官兵會合
 夾擊速擒首逆毋任賊匪乘間竄逸此為最要

二十二日 辛巳 勒保奏言 臣 前因張漢湖一股向

聖祖聖訓卷十四

三

東奔竄恐與祖師觀賊匪勾合而江口為軍營
 東北緊要後路是以暫行移師策應仍就近督
 率鎮將等進攻祖師觀賊卡嗣張漢湖匪眾於
 川楚交界經官兵截回仍向太平通江一帶折
 竄明亮興肇帶兵追擊前進 臣 因相距較遠一
 面飛飭駐劄太平之原任總兵楊秀及通江縣
 知縣徐廷钰等分帶兵勇相機堵截一面回赴
 安樂坪攻剿冷添祿一股連日督率觀成百祥
 德英額穆克登阿等分路環攻斃賊多名惟地
 勢實在陡險僅容一二人魚貫可上而該匪等
 施放鎗石抵死抗拒官兵不能一湧並進復于
 夜間連派兵勇攀藤附葛直逼寨門拋擲火彈
 燒燬茅棚無數賊匪極形惶懼初一日忽有賊
 匪下山向穆克登阿營盤乞降聲稱冷添祿等

聖祖聖訓卷十四

六

因近日官兵攻打愈緊自知悔罪情願臣

明知其不足信隨傳令各卡晝夜設伏嚴防乃

該匪等果于初三日二更乘霧而下約有數百

人先撲穆克登阿營營官兵早有準備奮勇當

先而方家壩魚鱗口兩路伏兵齊發賊匪遂即

退回我兵乘勢追殺斃賊二百餘名生擒陝清

仁等四十八名訊據供稱冷添祿等商議因寨

上糧食無多鹽又缺乏且官兵近日攻撲緊急

莫如假作投降使官兵不及隄防可以衝路逃

命不料當被官兵截殺所以大衆祇得退回等

語餘無要供當卽一一梟示至蘭芽場剿散餘

匪尚有六七百人在貓兒寨屯踞先經臣派令

叅將稽大榮胡尚賢等帶兵圍剿賊匪守禦甚

堅臣又撥發大礮前往實力轟擊先將賊寨頭

卡壘場兵勇乘勝而上與賊匪相持竟日斃賊

甚多餘匪情急卽乘夜由後山滾巖竄逃該叅

將同千總桂涵等星夜窮追至東鄉開縣連界

之三寶山地方該匪等見勢難遠遁竄入深林

藏匿兵勇分路趕到立時搜殺無遺生擒彭從

得等五十八名割獲首級一百五十餘顆訊悉

此股賊匪係謝萬貴為首糾衆搶掠現在謝萬

貴已經殲斃當將割獲首級指認屬實隨將該

犯等分別正法並無一名漏網臣查貓兒寨距

祖師觀六十餘里係往開縣後路今幸全數廓

清惟祖師觀一股賊匪負隅守險未能卽日殲

除惟有策勵兵勇尅日掃犁仰慰

聖心厘注此次攻剿祖師觀賊寨遊擊李光晟千總

黎炳均受鎗傷把總呂尙玉陣亡貓兒寨一路

欽定剿平三省邪匪方略

正編卷八四

打仗守備馬建廷外委周坦均經受傷其餘傷亡兵勇另行查門咨部

勤保又奏言查林亮功王光烈等股賊匪前經劉君輔富森布及廣安岳池等處地方官兵分

投截剿匪眾復分路狂奔內有張映祥一股即係林亮功夥匪從岳池縣屬迴龍場闖入南充

地方經該縣會自栢激勵團勇節次截殺殲戮甚多其大夥匪眾復出江北長壽一路竄至涪

州攻撲箐口一帶經該州李培恒等督率團勇分投堵剿殲斃執旗賊目二名賊匪三百餘名

生擒王興中等二十八名又經劉君輔富森布帶兵追至酆都縣屬實稻場永興場並忠州之

任家場等處節次接仗斃賊自一二百名及三四百名不等先後生擒龔國才龍萬鑑周文義

聖朝聖德編卷八十四

三

等四十五名該匪等捨命奔逃黔忠州牧同知

王垂重帶領鄉勇在齊家河一帶將賊匪截為

兩段斃賊五百餘名隨追至胡家壩地方該匪

等情急圖脫悉力抵禦以致該牧受傷陣亡現

在該匪等分屯於忠州酆都交界之三會場及

萬縣之三正舖臣已飛飭劉君輔富森布趕緊

督兵剿洗並令附近地方官各撥兵勇一律嚴

聖朝聖德編卷八十四

六

防以免滋蔓至劉君輔等一路官兵在實稻場

等處打仗據報把總楊國名外委保廷棟宋玉

貴均因受傷陣亡

同日宜綿奏言川省各股賊匪同時闖入西鄉

人數眾多並無官兵追躡總兵慶溥督同叅將

李逢春棍他哈遊擊洪德都司雙喜張世儒守

備楊雲霄等帶兵一千餘名分投截擊連戰數

晝夜殺賊一千餘名臣查東面係紫陽一帶卡
隘賊若衝過紫陽即可由沿河平利直趨湖
或折入商雒而出河南前月二十三日有賊二
千餘人從西鄉觀音扁竄至紫陽麻黃埡經候
補副將德亮率守備羅玉等帶兵二百名奮力
抵敵自辰至午殺斃執旗賊目一名賊匪一百
餘名該匪始行返回雖將卡隘保護無虞而德

《聖朝實錄卷八十四》

十九

亮因左乳中礮陣亡外委梁伏吳吉魁亦中鎗
身故賊匪大隊先後均向紫陽衝撲恐柯藩兵
勇尙單不敷堵禦臣遂率慶溥等馳赴紫陽邊
監督同剿辦初四日賊匪撲麻柳壩知縣蔣志
坦督率鄉勇在山梁上轟擊賊不敢過竄回川
境太平縣屬之田壩河初五日一股賊匪撲二
州壩營卡遊擊額爾畢濟呼同守備德春督領

兵丁施放鎗石擊殺甚多賊匪退走又追殺八

十餘名生擒十一名次日復來撲營額爾畢濟

呼等正在抵禦適柯藩派叅將海洪阿帶兵來

援內外夾擊殺賊四百餘名生擒十七名賊即

竄回田壩河其餘各股分投亂竄各撲卡隘柯

藩在瓦房店道員溫承惠在馬頭嶺知府周光

裕在盤廟河知縣蔣志坦黃靖圖金思義主簿

《聖朝實錄卷八十四》

二十

韓毅庭在麻柳壩鞍子溝權河等處均各督領
兵勇竭力擊退初七日賊匪復聚三千餘人攻
撲土地嶺守備張齡霞督兵放鎗拋石賊不能
進次日又分爲兩股前後圍攻義首金鳳帶鄉
勇二千餘名赴援奮力夾攻斃賊五百餘名賊
匪折回兵勇追殺又斃男婦大小五百餘名口
餘匪遂翻西鄉之鹿池山竄入太平初九日大

股賊匪李樹樊人傑阮正隆等四千餘人蜂擁

至二州垣連撲營卡三次俱經額爾畢濟呼德

春督兵擊退賊匪仍敢四面圍困義首何宇年

王明宣等各帶鄉勇分赴南北山梁擲放鎗石

臣與慶溥之兵亦自溝中衝出賊匪退走額爾

畢濟呼等在內殺出斃賊八百餘名滾崖死者

無數生擒七十餘名賊匪遂向川省田壩河與

《聖朝聖編卷八十四》 三

前數股會合竄入大竹河雞公灘等處距紫陽

邊界一百餘里距江岸三百餘里臣竊計前據

探報通江另股賊匪由長灘地方躡淺而渡秦

承恩抽帶兵丁馳回漢中由西北一路截剿王

文雄亦自茶鎮北渡臣又飛派總兵關騰由石

泉至五郎鎮安防其東竄但兵力尙單北回道

路紛歧恐未能迅速蕺事西鄉紫陽各股賊匪

雖經慶溥及各員弁等截殺出境尙在沿邊百

餘里之內難保其不再來窺伺臣隨嚴飭柯藩

等緊守紫陽各隘口復派守備孔耀林帶新兵

九百名駐守孝義以遏竄匪北入西安之路守

備魏寧一訓導劉儀帶鄉勇一千名駐守鎮安

以遏東入商雒之路縣丞謝國楨義首周希元

帶鄉勇一千四百餘名駐守茶鎮江岸臣與慶

溥馳回石泉爲關騰策應並可兼顧石泉漢陰

江岸其城固洋縣南鄭一帶江岸飛咨王文雄

令其派撥弁兵分投把守使後股賊匪不能踵

至則前股偷渡之賊人數無多庶可尅期掃蕩

同日英善奏言臣自省起程途次接據南充縣

稟報徐添德夥黨張映祥等一股賊匪由廣安

岳池竄至順慶府隔河之白塔山等處肆行焚

掠冀圖偷渡順慶府城僅存兵五百餘名經遊擊謝開先署南充縣會自柏調集四鄉團勇義首沿河轟擊賊匪不能搶渡即由定遠岳池一帶奔竄臣馳抵順慶即飛飭附近之蓬溪南充定遠合州各州縣調集團勇分別投落嚴密防守現據定遠縣稟報賊匪因河邊防守甚嚴又經團勇屢次擊殺復竄回岳池一帶焚掠查岳池為達州軍火軍糧運道臣一面飛飭岳池廣安等處督飭團勇實力堵禦一面飛咨勒保惠齡德楞泰等就近分兵迎頭截剿庶賊匪不致蔓延滋擾運道亦可疏通至太鵬山賊匪羅其清等據營山縣稟報大兵逐日攻撲正值喫緊此路糧運軍火係由營山渠縣巴州儀隴各路運供因羅逆另遣賊匪一股在青觀山高梁寺

一帶擾及糧道出沒不常雖經恒瑞額勒登保帶兵于磨盤寨接運現在足敷供支惟查營中軍糧軍火斷不可稍有梗阻臣已飛咨惠齡等務須隨時撥兵疏通不使賊匪窺伺阻截並飭總理之順慶府知府崔修紳于儀營一帶駐劄隨時妥辦仍飛檄各州縣如遇糧道稍有梗塞即當設法改道稟請由軍管撥兵慎重護送以期源源接濟並接准勒保來咨亦因現在此路糧運緊要囑令臣暫於順慶駐劄就近料理是以即行暫駐惟當認真竭力隨時妥為籌辦以期無悞軍儲均奏入

上命軍機大臣傳諭勒保惠齡宜綿恒瑞富成明亮額勒登保德楞泰日勒保劉辦祖師觀一股賊匪日久總未撲滅盼望捷音日切一日茲據奏報官

兵打仗情形祇係敷衍塞責首逆仍未擊獲其剿滅貓兒寨之賊亦祇零星餘匪無關緊要實深憤懣勒保帶領多兵圍剿困守之賊數月毫無展布遷延玩悞究屬何心若自問不能辦理早應據實陳明乃竟稽遲多日坐老師徒清夜捫心天良何在著再傳旨嚴行申飭現在冷添祿既不能撲出外無援應之賊更易辦理勒保若再仍前觀望不即擒獲首逆其罪愈重萬難解免其林亮功一股竄至忠州鄆都一帶並著勒保飭令劉君輔等實力堵截毋任竄合所有打仗陣亡之同知王垂重把總呂尙玉楊國名外委保廷棟朱玉貴均著各部加等議卹又宜綿等奏南路賊匪業經截回川境恒瑞等尤當乘勢夾擊迅速殲除其由長灘偷渡之另股賊匪宜綿秦承恩等現在分段堵禦亦

聖朝聖鑒卷八十四

五

當督率兵勇直前奮擊與川省官兵兩面夾剿豈得以驅逼出境即置之不問耶所有打仗陣亡之候補副將德亮外委梁伏吳吉魁均著各部加等議卹又據英善奏賊匪竄近順慶設法防堵情形此等賊匪皆由川北分竄惠齡等剿辦羅其清一股賊首總未成擒以致各股賊匪四出竄擾而明亮等追剿之賊亦日久尙任輾轉奔逃均屬無能已極俱著再嚴行申飭

二十四日 癸未 福寧奏言查惠齡等各帶官兵圍剿太臚山雖其清股匪所需軍火糧餉為數浩繁原藉營山儀隴巴州渠縣等處四處協力運供而營山一帶輓輸尤為切近迺前據營山縣稟報該縣九嶺子老林場一帶白晝均有竄匪滋擾不得已子夜間派撥壯健人夫馱頭負載

聖朝聖鑒卷八十四

五

西道前進嗣又被賊匪攔截連日雖派有官兵前來接護而運道究未肅清又據報峽關之水東寺巴州之三江口地方俱為賊匪阻隔聞信不勝焦灼現在渠縣三匯前赴太鵬山軍營道路尚可行走隨飭多添夫騾速將軍火糧餉全由此路加緊滾運並派委同知李經文馳赴渠縣實力催餉務期多多益善仍移會各營分投撥兵疏通運道俾各路得以照常轉輸益臻充裕查成都重慶各州縣撥解達州軍糧近因水陸兩路多有梗塞久未運到幸今秋達州收成豐稔前經永寧道石作瑞轉飭糧員設法購買寬為儲備刻下渠縣及三匯兩處轉運兵米全賴達州撥往實于要需有裨至勒保等川東各軍營需用兵糧等項業經臣分飭各州縣

聖者聖者

天

止緊趕運足資接濟惟餉銀一項截至十月底止所存無幾現蒙

聖恩賞撥銀三百萬兩解到尙需時日惟有先儘各兵鹽菜及運腳按例支給餘俱暫行停發一面飛催山陝各處候續撥餉銀到境星速兼程分起轉解俾得早抵川省用濟急需奏入

聖者聖者

天

上命軍機大臣傳諭勒保惠齡恒瑞明亮額勒登保德楞泰福寧日現當剿捕喫緊之際軍火糧餉均關緊要乃老林場一帶時有竄匪滋擾以致運道未能肅清此皆惠齡等畏葸遷延之咎此時福寧惟當設法轉輸源源接濟勿致缺乏方為妥善至惠齡等剿辦羅其清一股雖將太鵬寨攻克賊首仍未就擒轉任餘匪四出滋擾阻塞運路實屬無能已極俱著再傳旨嚴行申飭又冷添祿現已糧

盡援絕勒保務須趁賊匪窮蹙之時速行剿盡移
師川北肅清各股以期稍贖重愆至明亮等追剿
張漢湖一股遷延日久惟事尾追以致復向可渡
河潛逃已距漢江不遠明亮等若再不上緊與陝
省官兵兩面夾擊致令賊匪偷渡漢江明亮等自
思當得何罪耶

聖朝聖德編卷八十五

五

欽定剿平三省邪匪方略正編卷八十五 戊午年

十二月初二日 辛卯 惠齡額勒登保德楞額奏言

臣等前將賊匪羅其清所據之太鵬寨攻克該

匪分作三四股乘隙逃竄 臣等分路兜剿東追

西擊至雙山子地方賊匪各股會集卽在山梁

抵拒綸布春阿哈保賽冲阿阿穆勒塔温春李

紹祖德寧楊遇春穆克登布等各帶兵勇搶上

聖朝聖德編卷八十五

山梁殺賊約五百餘人賊匪潰散四竄我兵兜

剿兩晝夜因賊匪散漫山路叢雜隨覓土人查

詢道路是夜四鼓仍卽帶兵緊剿又追殺一日

隨處俱有殲擒行抵距雙山子百餘里之青觀

山本有羅其清前遣夥匪數千名在彼屯踞羅

其清被剿情急連夜竄上青觀山其賊衆分佔

山梁三處周圍約有四十餘里 臣等是夜於附

近分割營卡該匪等竟敢前來搶撲登經擊退

臣惠齡額勒登保帶兵攻其前臣德楞泰帶兵

扼其後均於五鼓進擊臣額勒登保鼓勵將士

當將飯瓢梁賊卡打破殺賊四百餘人進逼賊

巢臣惠齡帶兵攻克太公石賊卡殺賊三百餘

人臣德楞泰帶兵分搶老竹山洞坪寨賊卡均

經奮力搶佔殺賊五百餘人即合兵一處攻撲

聖祖聖訓編卷十五

二

賊巢因山勢過陡我兵俱係仰攻賊匪鎗礮擡

石俱下並敢集眾出寨抵拒把總胡勝賢外委

楊泰俱受礮傷陣亡叅將劉邦直千總周學光

把總馬濟勝均經受傷我兵竭力搶撲當殲賊

匪三百餘人臣德楞泰一路官兵搶近青觀山

右手山梁拋擲火彈當將草棚焚燒並即砍破

木城賊匪尙敢搶死抗拒官兵刀砍矛戳殲斃

四百餘人始將右手山梁佔踞即帶兵抄來臣

惠齡額勒登保督兵由前路搶上將至山頂猝

有賊匪四五百人從上下壓當即分派官兵將

賊截斷追至坡下鎗箭所斃及滾崖跌死者共

四百餘人乘勢將賊寨打破時總兵朱射斗同

叅領佛寧攻賊左面山梁賊匪擲石放鎗拒守

甚力都司常祿守備劉秉陽何化龍把總史可

聖祖聖訓編卷十五

三

選俱受鎗傷官兵奮勇衝殺斃賊三百餘人時

已深夜臣等分投剿殺悉將賊寨焚燒青觀山

賊巢全行攻克生擒吳士雄等二百餘人據供

羅其清見官兵破寨留人抵禦即乘夜率眾潰

逃等語臣等一面分兵攔截並令官兵搜捕殺

賊男婦八百餘名獲有賊礮鎗矛等件探得羅

其清潰逃之後又作數股分竄隨會同商議臣

德榜奏督兵從東面抄擊並令朱射斗帶兵由西路兜截臣惠齡額勒登保督兵由中路追剿仍派兵勇各處搜捕並彼此策應三路抄殺約斃賊匪七百餘名先後生擒及燒洞搜出竄散賊匪共四百五十七名口內訊出頭目苟文如魏應聘二名並係久經打仗之賊俱交運正法外其餘男婦三百五十一名訊係逼脅隨從在賊營未久當即曉諭概行釋放令其各歸本處臣等現仍分路截剿查賊眾俱在巴州地界羅其清亡命狂奔並無一定處所但屢次圍截既不使片刻停留而又將其逼脅竄散之人予以釋放則其黨與聞風自必陸續解散該逆勢孤力竭諒難久延殘喘奏入

上命軍機大臣傳諭勒保惠齡額勒登保德榜奏曰

此次惠齡雖將青觀山賊巢攻克而首逆仍任奔竄迄未就獲且額勒登保德榜泰兩路俱稱殺賊四百餘人而惠齡與德榜泰前後又稱各殺賊三百餘人數目相同顯係所殺賊匪不過三四百名而各路彼此影射重複虛報若果如所奏節次所殺之賊為數不少賊匪早應殲盡安得尚有如許之多此等說詞豈能逃朕洞鑒惠齡等著再傳旨嚴行申飭其打仗陣亡之把總胡勝賢外委楊泰俱著咨部加等議卹

製書館編卷五

五

初四日癸巳宜綿奏言查李樹樊人傑阮正通唐明萬龔建龍紹周等各股賊匪經臣督率慶溥柯藩等截回四川太平之田壩河遂由城口竄赴大寧詎行至七里峽紅花溪為大寧鄉勇擊退又折回城口在老鶴口一帶屯紮距安康平

利邊界不遠下遂飛飭知縣任奎光石棊在平
利之兩扇門偏巖子等處知縣趙廷麒署縣丞
丁福志典史李林在安康之南天門黃金溝等
處分帶鄉勇各據險隘施放鎗礮大張聲勢賊
匪知有準備復由城口竄往大耳壩又與紫陽
連界臣復飛飭道員溫承惠督率知縣蔣志坦
金思義黃靖圖主簿韓毅庭等帶領鄉勇會同
柯藩及帶兵各將弁在六道河八道河二州壩
土地嶺等處分投堵禦臣仍駐劄石泉往來策
應可以不虞闖入賊匪勢已西趨恐其由太平
通江竄入西鄉南鄭寧沔一帶秦承恩已飛咨
王文雄回駐西鄉扼其要路恒瑞又帶兵回至
保寧賊若西奔正可由寧羌一路與副將李文
蔚之兵會同截擊是與安所屬固可無虞卽漢

欽定剿平三省邪匪方略 正編卷八五
六

中一帶亦屬有備後股賊匪似不能復行竄入
惟前此從長灘偷渡之賊探聞卽係張漢潮一
股已由縣北山竄入五郎鎮安境內現有明亮
興肇緊躡賊蹤至兩河關連打數仗殺獲甚衆
賊匪遂由小河口向羊山東竄查張漢潮係襄
陽人必思逃回湖北明亮之兵勢不能繞至賊
前臣前派之關騰在北路一帶遏其北竄西安
之路東南未免空虛臣督飭知府周光裕等團
集鄉勇在石泉江岸嚴密布置抽出官兵千餘
名派總兵慶溥由水路至白河縣防堵南面漫
川關如賊匪逃回湖北正可迎頭截擊與明亮
等前後夾攻惟東路商雒一帶僅有鄉勇堵禦
恐不足深恃已飛咨河南撫臣倭什布帶兵在
秦豫邊界駐紮以防竄逸奏入

欽定剿平三省邪匪方略 正編卷八五
七

上命軍機大臣傳諭勒保明亮宜綿倭什布日賊匪
 李樹等在紫陽連界之大耳壩游奕經宜綿等將
 各處邊界嚴防自可無虞聞入而張漢湖一股仍
 由五郎鎮安一帶向東奔竄明亮等剿辦此股賊
 匪為日已久律事尾追且自前月十七日奏報後
 迄今已半月有餘並未將殺賊情形續行具奏似
 此遷延貽誤實屬不知愧勵著再傳旨嚴行申飭
 其商確一帶接連豫省並著倭什布派撥鎮將督
 率官兵在邊界嚴密堵截杜其奔竄

聖訓彙編卷十五

八

初六日乙未勒保奏言查冷添祿一股賊匪前因
 詐降圖竄被官兵截殺後堅守寨門抵拒益力
臣每日分兵攻撲不予以暇而各路匪眾以冷
 添祿被圍日久咸思救援先有林亮功分出賊
 匪一股由萬縣繞道來至三正舖賊旗上書急

救祖師觀字樣情形極為可惡當經臣分派兵
 勇於高陽等處相機迎擊適值該匪等陸續竄
 至經各兵勇出其不意痛加殺戮斃賊四百餘
 名匪眾旋即折竄正在籌商進剿賊巢復據太
 平開縣兩處稟報有自箕山竄出之龔建一股
 先由東鄉太平竄至開縣溫湯井而樊人傑龍
 紹周等又從陝省西鄉折入太平之田壩河一
 帶與龔建有合夥之勢臣因溫湯井距安樂坪
 後路不遠設該匪等與冷添祿乘間應援殊有
 關係必須預備迎擊隨派總兵百祥於各營卡
 內抽帶兵勇馳赴溫湯井該匪等見有官兵到
 來亦即率眾抵禦我兵奮勇衝入攪殺一處斃
 賊五百餘名生擒十五名餘眾潰逃經官兵追
 至渡口嚴沿途又殲賊一百餘名其大夥均向

聖訓彙編卷十五

九

大寧之湯家壩一帶竄逸查大寧地方先經知縣鍾運分撥鄉勇二千餘名在東溪河等處堵禦頗為嚴密臣又飛飭副將富明阿叅將吉林泰等於奉節巫山各隘口扼要堵截並飛咨楚省加倍嚴防遏其東竄之路臣因龔建等奔竄已遠亟須並力進攻祖師觀以期早行掃蕩而臣一路將領無多不敷分撥先經札調新授甘肅提督達三泰前來該提督於十六日到營察看地勢躍有東面手把巖一處山勢雖陡尚可攀越而上隨於十九日四更即令達三泰護西寧鎮薛大烈帶領兵勇乘夜進發並飭觀成百祥穆克登阿等分路環攻率綴賊勢達三泰薛大烈一路兵勇於四更時潛伏巖下乘賊匪未及知覺守備薛陞千總桂涵等扳開木柵手刃

聖朝御覽卷十五

十

守卡賊匪三人我兵鼓勇直上將草棚十餘間全數焚燒殺賊七八十名生擒劉寅兒等十一名臣嚴催兵勇併力前進詎手把巖逼近祖師觀後山兩崖對峙之間有深溝一道賊匪上搭偏橋因見官兵搶上立將偏橋拆斷復於對面施放鎗石悉力抵禦官兵不能越過而地方險窄難於駐劄暫行捲撤現在一面嚴飭各營卡晝夜嚴防一面策勵將士另行設法攻擊總期將此股賊匪一鼓掃除再此次溫湯井一路打仗外委薩得芳張得貴受傷陣亡攻撲手把巖一路遊擊馮振先把總陸建敏均經受傷其餘受傷兵勇另行查明咨部

聖朝御覽卷十五

十一

常有由岳池定遠窺伺順慶者有由長壽江北
 窺伺重慶者一經兵勇截擊又復分投折竄每
 於忠州墊江大竹鄰水等處邊界滋擾其劉君
 輔富森布所帶官兵節次於墊江屬之板子山
 長壽屬之雲臺寺等處跟蹤追擊殺賊百餘名
 及三四百名不等各州縣地方官督率鄉勇互
 相追剿擒斃亦多惟緣匪眾到處狂奔未能聚
 而殲洗現在徐添德一股又由達州大竹竄赴
 鄰水長壽如與林亮功等彼此聯絡賊勢未免
 較張臣前因徐添德與冉文儔從箕山奔竄會
 知會額勒登保與富成分兵剿辦嗣因惠齡會
 合兵力專剿羅其清一股正當喫緊未能抽撥
 是以暫飭各屬團集鄉勇併力堵禦茲羅其清
 匪眾已由太鵬山潰逃毋須重兵合剿而冉文

剿平奢羅等匪卷八十五

十三

儔匪眾竄至通江牛石嶺地方屯紮經該縣知
 縣徐廷鈺集勇圍捕斃賊極多臣又飛飭總兵
 德齡由巴州帶領兵勇就近馳往正足以資剿
 辦是以復行札致惠齡並諄囑額勒登保由順
 慶一路相機迎擊富成仍由大竹一路追剿徐
 添德匪眾現在富成帶兵已從太鵬起身如果
 額勒登保部分兵進發與富成劉君輔等三面
 攻擊則賊勢自不致再有蔓延可期次第撲滅
 此次劉君輔等一路打仗守備劉正麒外委燕
 福寧受傷陣亡其餘各路鄉勇亦有傷亡容俟
 查明咨部
 勒保又奏言查達州為糧餉重地且係賊匪往
 來熟徑不時出沒窺伺屢經札飭永寧道石作
 瑞督率地方官團集鄉勇隨時堵截賊匪均不

剿平奢羅等匪卷八十五

十三

政逼近城池據該道稟稱達州大竹交界葛麻場地方有匪徒聚集四五百人由石梯坎一路焚掠當派署達州事候補同知直隸州黃銑旬縣呂朝恩李霖選派附近各寨鄉勇星馳剿捕將至石橋河卽令義勇首冉子明李春膏周之昆冉紹興等帶領鄉勇分伏南北兩面該員等另率鄉勇直前衝殺該匪猝不及防分投奔逸經南北兩路鄉勇同時夾擊立斃賊匪二百餘名生擒賊首申志修李大科謝臣順及夥匪七十五名其餘均卽撲河淹斃奪獲刀矛布旗一百七十三件詢明此起爲首申志修等住居葛麻場近因王光祖一股賊匪擾至該處遂邀約上下村莊五百餘人起意合夥將到石橋河追趕王光祖不及當被鄉勇擒殺淨盡至所獲

各犯內除訊出實係被脅同行者卽行釋放外當將申志修李大科謝臣順等三首犯及夥匪李騰昌等分別凌遲梟斬以昭炯戒同日明亮與鞏奏言臣等自石塘壩鐵溪河一帶截剿兩股賊匪回川由簡池壩倍道追趕張逆道經羅溪壩老林一帶倏來兩股賊匪約有二三千人急趨北走經臣等乘便督兵截擊斃戮甚多該匪折回南奔據拿獲活賊陳明樊尙志等供稱係樊掌櫃高掌櫃領來賊衆欲往漢中一帶不料被官兵截殺仍向通江山內奔竄臣等當卽飛咨勅保查辦外隨確探張漢潮率路漏夜前進初十日趕抵城固縣知張漢潮率領敗殘餘孽已於初四日晚至城固天明寺之長灘地方躡淺過江向昇仙口逃遁臣等焦灼

萬分星夜由城固前進屢接秦承恩來信堅留

臣等暫駐城固以防未來之賊查張漢潮股匪

節次痛剿實已窮蹙若不趁此趕緊辦完臣等

更罪兵莫贖防江之責現有提臣王文雄等帶

兵駐守且後來之賊尙無確信而張漢潮前竄

城固一帶並未遠颺是以迅即帶兵趕緊進發

連日確探張逆由城固八里關奔竄五郎擒獲

《聖朝實錄卷八十五》 六

賊探孟正發孫連昇等十一名訊據供稱張漢

潮過江後於城固一帶見無官兵攔擋又擄掠

人口驟馬向五郎前奔等語即將該犯等正法

十九日據差探呂朝相報稱張漢潮率領餘孽

暫屯兩河關擄掠臣聞信乘夜發兵黎明趕抵

該處查看山勢兩面陡壁路徑窄隘該逆屯聚

其中若分路兜截不能越過必得魚貫而入直

撲其營隨派愛星阿鎮長春率領遊擊游棟

雲應元寬督催馬步兵勇直前奮力撲營臣等

督催各營官兵衝進詎該逆一見官兵即放鎗

斃倚恃山高路險搖旗擲石臣等鼓勵官兵冒

險撲進賊營鎗擊箭射登時斃賊及滾崖跌澗

者不計其數餘衆失措驚惶拋棄器械四散逃

竄臣等追殺六十餘里生擒大頭目張洪仁等

《聖朝實錄卷八十五》 七

五十七名斃賊三百餘名將路通洵陽之小河

口扼住餘匪竟向老林翻山前竄臣寺親領馬

步官兵直上搜剿該匪狡獪異常將山徑偏橋

支木盡行拆毀砍伐樹枝填塞山徑以擋官兵

訊據張洪仁等供稱張漢潮在前十里外紮營

留矛手在後抗拒以便聞信早逃我等七月間

到四川共有一萬數千餘人連被官兵截殺所

剩無多現在官兵追殺甚緊想由白河洶陽一

帶乘間奔逃湖北再作計議若有官兵攔擋再

向山陽商州奔逃等語餘無要供當將該犯立

時鬻割查張漢潮蓄意回楚已非一日現在該

逆所帶婦女騾馱甚少惟剩千餘矛手行不裹

糧坐不屯紮臣明亮惟有激勵各兵覓道抄前

兜截並飛咨宜綿景安嚴密防堵以期夾擊集

刑部審刑卷金

六

事

明亮又奏言查六月間臣肅清陝境後帶兵一

千八百餘名剿辦張漢潮一股賊匪於七月初

二日抵川因額勒登保患病將伊所帶滿漢官

兵暫歸臣一路統率前後共官兵五千餘名至

二十六日出川境共計二十四日其時川省所

派糧員尚未到來所帶陝省糧員候補知縣王

家齊因隔省呼應不靈糧餉缺乏在太平縣借

銀一千兩散給直隸官兵銀五百兩廣東官兵

銀五百兩其餘各營官兵並未支領昨接福寧

來咨准秦承恩咨據陝省糧員宋昌琿稟稱臣

一路官兵在川月餘計需銀十萬有奇查知州

宋昌琿係額勒登保一路糧員臣並未見面據

稱支放軍餉十萬有奇臣營並無其事嗣於八

刑部審刑卷金

九

月二十七日臣與額勒登保會合分兵臣帶領

官兵三千餘名自陝入川剿捕張漢潮福寧所

派隨營糧員田文煦於九月初二日接辦糧務

稟稱臣一路官兵在陝舊欠兵餉三萬有餘係

言積欠軍餉而福寧將秦承恩所咨十萬有奇

總算在七月中需用數內共成十四萬兩之數

其實並非散給官兵之項至稱臣等軍營共帶

長驛一千餘頭長夫二千餘名臣接准福寧來
咨卽面訊田文煦以長路官兵僅二千餘名何
至需用夫驛如許之多據田文煦稟稱因福寧
札詢月需夫驛若干彼時未能實查數目因此
路日日移營恐猝不及辦是以多開數目稟報
以便寬為預備等語查臣一路合輿肇所帶荆
州滿兵共祇三千餘名計一切軍火案卷擡運
礮位以及合營官兵鍋帳等項需用夫驛均係
按例給領營員並無濫支等弊卽該糧員自用
攜帶糧餉亦斷不致如許之多臣現已帶兵入
陝該員業經回川已咨勒保福寧查辦至臣所
帶官兵嚴飭細查俱係按例支領每月約需銀
二萬九千餘兩今尙未全領臣惟有留心檢點
不敢絲毫過分稍有浮支

同日恒瑞秦承恩奏言臣秦承恩前同宜綿截
剿西鄉竄匪逼歸川境適另股賊匪張漢潮由
城固北山竄入洋縣鐵冶河其地北通盤屋郿
縣係春間賊匪竄走西安之路臣秦承恩一面
飛札藩司陸有仁臬司台斐音於盤屋郿縣郿
縣等處分督兵勇扼要嚴防一面抽帶兵丁七
百名並挑帶鄉勇自西鄉馳回漢中由留壩江
口平定關抄至盤屋二郎壩迎頭攔截時賊匪
前隊已竄至牛尾河欲由二郎壩偷越鳳寶大
路臣秦承恩督令遊擊邢承誥守備尙其倫等
奮力迎擊殲賊三百餘人生擒二十一名內有
賊目張漢伯一名訊係張漢潮之弟掌管大旗
當卽分別正法賊知北路有備卽由華陽山一
帶向南奔逸適明亮興肇等由川省兼程趕到

聖朝實錄卷五

三

聖朝實錄卷五

三

賊遂由茅坪一帶東竄五郎邊界明亮等沿途
追截屢夕接仗殺賊甚多賊匪現由鎮安洵陽
山內狂奔明亮等緊躡窮追又經宜綿派令總
兵關騰帶兵馳赴鎮安慶溥繞出山陽以遏賊
竄東北之路臣秦承恩復飛飭副將官信等相
機抄截並挑派兵勇令邢承誥尙其倫等繞出
孝義探蹤迎剿如此四路兜圍諒無難一鼓殲
除臣秦承恩因探聞川省又有賊匪竄至通江
小方山將近陝境西路甚關緊要卽由五郎仍
回漢中以顧棧道門戶並可照料川餉過境適
臣恒瑞前在川省會同惠齡等攻破太鵬寨賊
巢帶兵回陝會剿經過保寧廣元一帶地方均
屬安靜茲行至褒城縣之長寨與臣秦承恩會
晤因思川北一帶賊匪股數較多現在又有竄

欽定剿平三省邪匪方略

正編卷八五

近通江之信與陝省邊界在在毗連雖有王文
雄防守西鄉副將李文蔚防守寧羌沔縣而南
鄭褒城城固洋縣一帶江水淺涸兵備空虛必
須急籌備禦臣等惟有於適中扼要之地隨時
探明截剿
同日倭什布奏言臣連接西路探稟川匪一股
竄入陝境躡淺渡江分股奔竄節經諄飭防守
豫境盧浙一帶之總兵張文奇率同將弁嚴密
防範並派糧道完顏岱馳往該處團集健勇分
布各卡隘協力堵禦茲據該鎮來信探知賊匪
已竄至陝省之商南縣武關地方距豫省僅一
百數十里臣查豫省閩鄉靈寶盧氏浙川一帶
均與陝境毗連現又飛飭該鎮道等督率將弁
鼓勵兵勇實力防堵臣卽行起程順道由省派

欽定剿平三省邪匪方略

正編卷八五

調燕營官兵二百名帶領馳往西路沿途察探
何處緊要即赴何處督同堵剿均奏入

上命軍機大臣傳諭勒保惠齡宜綿恒瑞明亮額勒
登保德楞泰日勒保圍攻祖師觀賊巢雖經殺賊
多名並將賊寨焚燬而首逆仍未就擒且另股賊
匪林亮功等轉欲乘間與冷添祿合夥此皆勒保
遷延貽誤所致著傳旨嚴行申飭現在另股賊匪
俱經官兵擊退勒保若不將冷添祿速行擒獲移
師川北會剿其罪不可追矣所有打仗陣亡之外
委薩得芳張得貴及劉君輔一路打仗陣亡之守
備劉正麒外委燕福寧均著咨部加等議卹其殲
擒葛麻場新起教匪之鄉勇等倘為出力並著勒
保酌量加賞以示鼓勵至惠齡等剿辦羅其清一
股日久尙在相持所辦何事亦著嚴行申飭現在

聖訓 卷五

五

聖訓 卷五

五

再文偉一賊又竄至通江惠齡等尤當奮力截擊
稍贖重愆倘仍前延玩必當從重治罪至張漢潮
一股竄至洋縣經宜綿秦承恩督兵截擊又復入
鎮安山陽一帶此皆明亮等不能迅速剿捕以致
賊匪輾轉奔逃此次奏到之摺仍以空言搪塞明
亮等均著再嚴行申飭現在陝省已分兵防堵倭
什布亦督兵在豫省邊界堵剿明亮等再不趁此
時奮力合擊速擒賊首自思當得何罪耶其所奏
支用餉銀一事前已有旨交勒保詳細查核統俟
查奏到日一併按欵查辦以歸核實而杜浮冒
初十日_巳景安奏言張漢潮一股賊匪於前月
二十二日由陝西洵陽竄至楚北鄖西邊界經
臣預飭該處文武於要隘埋伏兵勇安設鎗礮
竭力轟擊該匪知難竄越即折回鎮安向北狂

奔竄有聞入商州之勢上查商南一帶東與楚

北鄖縣均州交界北與河南盧氏等處毗連臣

隨飛飭總兵王凱帶領兵勇確探迎擊併令道

員恒慶知府王正常率同地方各官厚集健勇

各守要隘以免闖入楚境其豫省邊界本有河

北鎮臣張文奇帶兵在彼堵截臣已飛札該鎮

整頓兵力嚴行戒備並咨會倭什布飭屬各集

兵勇一體防範再南陽鎮總兵田永桐前經倭

什布奏派赴鄖防堵漢江此時賊已竄近豫界

該處實關緊要而鄖西江面距賊尚遠自應移

緩就急以收併力之效臣已飭令酌帶防江兵

五百名速赴豫陝邊界商同張文奇察看何處

緊要卽往何處併力堵截仍俟該處邊境寧謐

再回鄖郡防江庶無顧此失彼之患至臣防守

之竹谿竹山房縣一帶在在與川省毗連該省

各股賊匪忽近忽遠往來靡定現准勒保咨會

川北一路竄匪分擾開縣之温湯井一帶冀與

祖師觀賊匪會合經官兵擊退竄入大寧之湯

家壩等語臣查大寧切近房竹現與總兵路超

吉分路偵探賊蹤督率兵勇加緊堵截斷不使

一名竄越至宜昌府屬之巴東邊界亦距大寧

不遠前經奏派將軍成德前往幫同高杞堵禦

現准成德來信業已行抵該處臣飛咨高杞成

德一體加意嚴防以杜賊匪窺伺

同日倭什布奏言臣查豫省官兵除景安帶赴

湖北王文雄帶赴陝西外存兵本屬無多又分

西南陝楚兩路防守而西路陝豫接壤之區山

徑叢雜各卡隘分設兵勇每處百餘名至二三

百名不等誠恐賊匪分股闖入則官兵俱在賊後東北一帶空虛是以將省城團練健勇七百餘名派令原管之縣丞林嵐帶領先期星飛前往堵截臣於途次接據各路稟報賊匪於二十八九三十等日竄至陝豫交界之火燄溝箭桿嶺一帶衝突卡隘節經守卡員弁率領兵勇併力擊退詎賊匪不擇路徑連夜翻山肆竄初一日由盧氏之官坡地方直撲縣城經陝州知州諸以謙率同該縣在城文武分投防禦適林嵐所帶健勇星飛趕到城西下柳村正與賊遇出其不意向前截殺賊匪恃眾抗拒該縣丞鼓勵健勇爭先衝擊鎗箭齊發殲賊多名賊匪不能抵禦向南折竄林嵐乘勝窮追三十餘里自辰至酉殺獲無數餘匪四散狂奔又有後股賊

聖朝新編彙編卷五

天

匪數千人接踵而至經遊擊李正品糧道完顏岱等分帶兵勇隨堵隨剿亦由官坡一路向東奔竄總兵張文奇已自西坪聞信帶兵抄截明亮與肇等帶領大兵亦已緊追來豫臣查此二股賊匪聞係張漢潮詹世爵等因川陝被剿情急率眾逃奔一入豫境即經兵勇截殺已向東南奔竄即係嵩縣內鄉沿山一帶為賊匪從前竄走舊路臣早經嚴飭各屬集勇防堵此時明亮等大兵在後緊追臣已飛札張文奇迅速帶兵抄至賊前迎頭截剿以便首尾夾擊一面飛咨防守襄江之總兵田永桐酌量情形如江岸寧謐亦即帶兵速來會剿並飭分帶兵勇之文武員弁協力堵截為四面兜擒之計臣仍星夜趕赴嵩縣適中之地察探情形隨時佈置策應

聖朝新編彙編卷五

天

至軍火糧餉業經督飭各屬趕緊籌備運送接濟不至遲誤均奏入

上命軍機大臣傳諭勒保景安倭什布昭亮曰張漢潮一股賊匪係明亮等帶兵追剿為日已久總不能緊躡賊蹤設法截擊致任輾轉奔竄復又擾及豫境明亮等不僅無能實屬無恥著再傳旨嚴行申飭此股竄匪現經四路堵截其楚北鄖縣一帶又經景安分派將弁堵禦嚴密賊匪更可不致他竄景安倭什布明亮等務須乘賊匪窮竄之時會合三面夾擊即將張漢潮詹世爵擒獲殲盡此股匪眾不使蔓延楚豫為要若不奮力會合夾擊速擒賊首又任竄至楚豫則明亮等罪上加罪再不能曲為寬貸也

倭什布又奏言豫省自上年七月間奏撥餉銀

欽定剿平三省邪匪方略

正編卷八五

三

一百萬兩今已年餘動用完竣業經分案核實造報其不敷之項悉係於司庫正雜銀兩項下湊支應用現在賊匪復由川陝分股闖入豫境明亮與肇等帶領大兵緊追前來一切供支均關緊要現飭各屬趕辦運送仰懇

皇上天恩勅部撥發餉銀迅速派員解至豫省以資

接濟自當督率司道暨承辦各員撙節料理

事竣核銷奏入

上諭內閣曰據倭什布奏豫省軍需支應並兵差經費不敷須預為籌備等語著於戶部庫內撥發銀八十萬兩迅速照例解往交該撫撙節支用

欽定剿平三省邪匪方略正編卷八十六 戊午年

十二月十六日^乙惠齡額勒登保德楞泰奏言

查羅其清為川中著名首逆各匪藉為聲援前

經^臣等疊次痛剿由青觀山奔竄尚有一萬四

五千人忽分忽合希圖牽綴官兵十一月二十

六日賊匪竄至官山^臣等當分兵兩路惠齡額

勒登保率領阿哈保綸布春李紹祖豐紳格布

剿平三省邪匪方略卷八十六

舍三布爾噶達彙德明泰敷森額達斯呼爾岱

揚遇春穆克登布關聯陞等帶領兵勇由右山

梁搶撲^臣德楞泰督領賽冲阿阿穆勒塔温春

達勒精阿阿納保默爾歡保僧多保色爾淡穆

騰額札勒杭阿達自祥李應貴閑懷希劉維馨

屯副將銜阿噶昆明屯叅將銜耶卡耳結等由

左山梁搶上鎗箭並施斃賊五百餘人二十七

日逼至巴河賊匪見水而過官兵乘勢擊殺賊

之淹斃并被殲戮者甚多賊又竄上南北山^臣

等督兵連夜渡河前進於黑暗中與賊攪殺黑

龍江委防禦舍通阿吉林委官色楞保中鎗陣

亡二十八日相持一日賊匪力不能支二十九

日竄至老鴉城屯踞^臣惠齡額勒登保督兵由

麻匝石三官堂梅子灘兜擊^臣德楞泰帶兵由

剿平三省邪匪方略卷八十六

關子嶺麻石口進攻查麻石口有通老鴉城岔

道恐賊匪由此奔逃復派總兵朱射斗副將許

文謨叅領佛寧叅將李錫命遊擊喜明都司楊

森等帶兵分投防堵^臣等督令官兵盡力攻擊

殺賊一千餘人該匪由柘口河土門一帶逃逸

^臣惠齡額勒登保緊躡賊蹤^臣德楞泰由雙山

子土地堡抄襲三十日未刻賊匪正在邱家堡

擄糧炊飯適官兵兩路趕至前後合擊朱射斗
 等帶兵亦已前來當斃賊匪八百餘人賊匪倉
 惶而遁竄上虛空寨擲石放鎗抗我顏行官兵
 仍分路搶撲復用大礮轟擊賊之死者不計其
 數該匪捨命滾崖四竄臣等趕緊掩擊屍橫遍
 地而未得羅其清下落中心焦急十二月初二
 日趕至白埡子地方拿獲活賊訊知羅其清弟
 兄帶二千餘人在蔡家梁下溝藏匿隨派賽冲
 阿德寧李錫命馬瑜喜明蒲尚佐等帶領兵勇
 先於溝之南北堵截臣惠齡額勒登保德楞泰
 立時督兵趕至從蔡家梁兩面下壓官兵恨賊
 已極知羅其清逼在溝內無不奮勇爭先追殺
 一日夜之久於初二日將賊眾殲洗無遺羅其
 清等數百人潛匿濠子灘洞中遊擊喜明馬瑜

聖鑒事蹟彙編卷八十六

三

守備馬萬年楊芳等由手扒崖進洞搜捕餘匪
 衝出悉被官兵斬戮羅其清尚敢持刀抵禦守
 備馬萬年受傷眾兵憤激欲將該匪爵割羅
 其清急欲自刎副將德寧等大聲曉諭兵丁不
 得亂殺令將羅其清所持之刀奪獲及伊堂弟
 羅其秀伊子羅泳福一併生擒其胞弟羅其書
 衝出投河被四川兵安連陞周文炳趕擒用矛
 戳傷其足捆送前來伏查羅其清在川北一帶
 聚眾起事到處焚掠至二年之久罪惡貫盈羅
 其書即羅老五賊稱為二元帥曾在營山一帶
 阻截糧道與羅其清明比作奸亦屬兇悍異常
臣等分路兜剿七晝夜滿漢屯土兵勇無不出
 力今仰仗
 聖主威福將該首逆父子兄弟臨陣生擒實足以快

聖鑒事蹟彙編卷八十六

四

人心而申

國憲統計此次殺賊共五千餘人生擒魏中孚等
 一千餘人首逆羅其清胞弟羅其書另行委員
 押解赴京其餘概行正法內有訊明實係被脅
 之李士得等二百一十一名均經釋放至該處山
 路紛錯恐尚有逃竄餘孽一面交地方官率領
 團勇分行搜捕淨盡現查賊匪冉文儔在通江
 之麻壩寨屯踞臣等已派令朱射斗馳往竹峪
 關會同德齡帶兵先杜其入陝之路臣等刻日
 整兵前往剿辦想冉文儔聞羅其清業已生擒
 自必膽落臣等俟辦完此股探係何路緊要再
 辦何股以期次第掃除所有疊次打仗受傷官
 員開單呈
 覽其傷亡兵勇查明咨部辦理

聖鑒事蹟彙編卷六

五

同日明亮與肇奏言查張漢潮被剿情急遁入
 陽山老林填塞路巡率領餘孽分起奔竄臣等
 覓道由公關抄出即擒獲守後賊目陳大升等
 十三名訊知張漢潮帶領矛手已由李家河前
 竄後起賊目冉學勝高玉春等帶領數百人尚
 在沙子嶺山內藏匿候官兵過山希圖抄截後
 路臣等恐腹背受敵自應先將後股賊衆掃淨
 再行進追張漢潮二十七日行抵王家河地方
 離沙子嶺二十餘里據長探萬彪報到後股賊
 匪接續前來臣等即率兵暗伏山坳待賊匪相
 近突出鎗箭齊發該匪惶迫卻走山徑狹窄擁
 擠爭逃滾崖跌澗者不計其數官兵奮勇衝殺
 殲斃二百餘人復於山溝林內搜出四十三名
 均即正法冉學勝高玉春等領敗殘餘匪百數

聖鑒事蹟彙編卷六

六

千人翻山四散察其情形將來必仍繞歸前隊

次日^臣等即督兵倍道進擊沿途擒殺哨探賊

目日有五六名及十餘名不等初二日行至盧

氏縣屬之大河廟適道員完顏岱縣丞林嵐各

帶兵勇在箭桿嶺一帶堵禦因張逆前後二股

會合業由火焰溝翻山前竄該道員即帶領兵

勇前來適撫臣倭什布委員解到應壯馬一百

聖祖高皇帝實錄卷六

七

四十六匹並弓箭等項正資接濟初四日行抵

祖師廟鎮臣張文奇帶兵一千餘名由西坪前

來與^臣等會合籌商該鎮即帶兵由朱陽關前

往抄截^臣等漏夜進擊初七日戌刻趕至趙家

村探得賊衆在下湯地方散聚二十餘里距^臣

等行營六十餘里飛即起營乘雪趕緊進發黎

明馳抵該處不動聲色分路抄圍值該匪正欲

拔營前竄^臣明亮親率愛星阿協領秦巴圖總

管都當阿遊擊游棟雲應元寬等帶領馬隊馳

射兜圍賊衆望風而逃四山分竄^臣與肇同領

臣長春副將多爾濟扎普等帶領步隊奮勇擊

殺道員完顏岱督率縣丞吳鴻詔趙興藝等帶

領兵勇分佔山梁施放鎗礮聲威倍壯該匪困

而猶鬪每上山包即迎面下壓拋擲石塊捨命

聖祖高皇帝實錄卷六

八

抗拒馬步官兵勇往直前自卯至戌盡一日之

力左兜右擊追殺六十餘里翻越四坐大山共

斃賊五百餘名生擒頭目張大順劉正元余學

通等一百二十三名奪獲騾馬牛驢刀矛旗幟

無算餘匪扒上伏牛山四散亂竄因天已向晚

官兵疲乏暫令紮住訊據張大順等供稱張漢

潮前在兩河關被官兵剿殺甚多心甚焦急驚

病復發半月來乘坐兜子日夜行走今早聞官
 兵追來仍騎驃先跑聞說湖北同來矛子手已
 被官兵殺斃十之八九現在人數甚少屯紮不
 住官兵跟追得緊今仍想回湖北總向無官兵
 處奔走餘無要供當將該犯等立行正法查張
 逆籍隸襄陽原欲從南召裕州唐縣回襄經
 等此次痛剿逃上伏牛山又欲由鎮平內鄉或
 奔鄧州或竄老河口仍可繞赴襄陽棗陽一帶
 逃回唐子山舊巢聞倭什布已帶兵前來日內
 即可趕到張文奇完顏岱皆熟悉地利情形是
 以即同商酌若無迎頭攔截之兵徒事尾追難
 即撲滅臣等由南召南陽至鄧州迎剿倭什布
 已派田永桐帶兵自鄧西東來截剿臣等合張
 文奇帶兵二千餘名緊躡賊蹤派參將蔡鼎帶

兵四百名自西坪往內鄉一帶堵剿倭什布未
 到之前道員完顏岱暫同臣等一路以便隨時
 籌商調撥臣等布置已定即分投進剿如此四
 路兜圍可期一鼓蕩蕩
 同日宜綿奏言竊臣駐紮石泉策應南路嗣據
 安康稟報川匪李樹等各股攻撲南天門隘口
 甚急請兵救援臣以李樹樊人傑等均係湖北
 人往來游奕總欲入陝與張漢潮合夥東奔回
 楚必須竭力堵禦而臣所有之兵分派已盡因
 飭道員溫承惠知府周光裕知州王駿猷等調
 集各路鄉勇臣親身督率馳赴南天門賊匪正
 在攻打卡隘溫承惠等督率義首吳森茂何中
 砥等連放鎗礮擊賊四十餘名賊匪仍未退走
 賊目吳心琪在嶺下喊叫臣密派知府龔景翰

聖祖實錄卷六十六

九

聖祖實錄卷六十六

十

知州胡紀謨叅將韓加業等各帶鄉勇分爲左右兩路衝下賊匪驚顧狂奔追殺三十餘里斃三百餘名生擒吳心敬等十一名搜出吳心琪所出偽逆告示一紙語多狂悖當卽燒燬將該犯凌遲示衆其時又有一股賊匪攻撲黃金溝卡隘典史李林告急臣復派協領西林布侍衛張聯奎通判閻重鑑馳赴該處賊匪正衝過

欽定剿平三省邪匪方略

十一

高頭壩卡隘直趨界嶺西林布等督率義首汪兆洪等在北面山梁緊對來路施放大礮賊匪被轟及自相踐踏死者約三四百人賊始退回西奔分紮太平之冉家壩後玉河等處距紫陽之二州堽六道河各隘均不及百里臣查柯藩帶兵千餘名分防二州堽瓦房店等數處隘口兵力實屬單弱知縣蔣志坦金思義等所練鄉

勇雖健壯可用屢次得力而賊匪有十數股若合力衝突深爲可慮現在恒瑞已抵漢中西鄉有王文雄率兵防堵西南一帶兵力稍充臣卽飛調駐防寧沔之副將李文蔚將原帶兵一千餘名趕赴二州堽一俟到齊臣卽親身帶領迎剿並移知川省兩面夾擊正在調派檄催間接據商州稟報張漢湖一股賊匪因漫川關一帶防堵嚴密不能竄回湖北東奔商南出河南之浙川經明亮與肇帶兵追截折回東北由雒南之蠻庄竄至盧氏官坡地方明亮等緊躡賊蹤並有秦承恩所派之遊擊邢承誥守備尚其倫亦隨後緊追等語臣聞信不勝焦急竊計盧氏雒南一帶卽係去歲賊匪由豫入陝之路優什布接臣前札自必嚴爲佈置今經明亮等躡蹤

欽定剿平三省邪匪方略

十二

急擊賊匪必從間道折回臣復飛飭關騰等由山陽商州捷徑迎往與明亮等前後夾擊務期擒拿首逆以靖妖氛臣現在竭力堵禦安康紫陽一帶並飛咨恒瑞秦承恩在漢中一帶嚴密截堵毋致後股賊匪闖入乘間與張漢潮合夥東奔則其勢自孤明亮之兵即可迅速蒞事均奏入

聖祖實錄卷六

十三

上命軍機大臣傳諭勒保宜綿惠齡明亮額勒登保德楞泰日惠齡等奏生擒首逆羅其清等痛殲賊眾覽奏稍慰惠齡等統領吉林黑龍江勁旅剿辦此股賊匪任其輾轉奔逃久稽時日直至此時始將羅其清等擒獲原屬有過無功但念各路帶兵大臣老誠糜餉無毫末之功足紀今惠齡等尚能愧奮自勵擒獲賊首較之勒保明亮等差強人意

惠齡額勒登保德楞泰俱著賞戴花翎以示鼓勵現在軍聲已振即當激勵將士乘勝直前進剿再文儔一股冉文儔當潰敗之餘聞知羅其清業已生擒自更喪膽官兵到後無難一鼓成擒惠齡等不可不黽勉成功力圖自贖也至此大生擒羅其清羅其書自必有首先上前拿獲之人著惠齡等查詢明確指名據實具奏到日再行加恩伊等不得攘為己功致有屈抑羅其清羅其書二犯著即派委委員迅速解京不得稍有疎虞所有打仗陣亡之黑龍江委防禦舍通阿吉林委官色楞保著咨部加等優卹至明亮等追剿張漢潮等為時甚久任其由陝入豫總未擒渠賊事本日明亮等奏到追剿情形祇係敷衍塞責而摺內尚稱連次痛加剿殺尤屬無恥之極著再傳旨嚴行申飭勒保

聖祖實錄卷六

十四

圍剿冷添祿一股與賊相持毫無展布伊係總統
大員帶領如許勁兵攻此窮困之賊遷延日久實
屬無能試與惠齡等相形寧不稍知羞愧奮激自
勵耶著再傳旨嚴行申飭至川北賊匪紛紛潰竄
逼近陝省宜綿秦承恩等惟當嚴密防堵毋令北
竄滋擾爲要

十八日倭什布奏言查張漢潮分股餘匪向

未

五

嵩縣一路逃竄明亮與肇帶領大兵緊追入境

臣飛飭張文奇帶兵迅速抄前夾擊因官兵

俱在西南北面空虛恐賊匪探知向彼奔竄必

須杜其北竄之路現帶滿兵二百名較爲單

薄一面飛飭附近各州縣厚集鄉勇扼要防禦

臣卽馳往嵩縣迎頭堵截適賊匪竄至該縣之

里峪大章一帶經派往之通判佛敏率領鄉

勇極力抵禦亦星飛趕到督飭官兵放鎗連

環轟擊賊折回翻山向東南魯山一路竄逸維

時明亮等星夜前來未及迎晤卽緊從北面

抄往魯山江賊匪漏夜狂奔初七日已擾及該

縣離城二十五里之保安莊焚掠知縣吳昭帶

領義勇奮力剿殺殲賊數名督令佐領清書

帶兵馳往衝擊賊見北路處處有兵仍復向南

遁退

六

處前後截獲賊探並追擒男婦共七十

餘人訊明實係賊夥卽行正法其裹脅之人釋

放安插旋探得初八日明亮等追至魯山之下

湯地方趕及賊匪痛剿一仗餘匪連翻大山拚

命狂奔又遇糧道完顏岱等帶領兵勇截殺賊

復折竄南召之李青店一帶明亮與肇督同張

文奇及各將領等分路佈置兜圍抄擊並准景

安咨會已令總兵田永桐帶兵由江岸回豫

已飛飭該鎮速來協剿臣仍由北路帶領馬隊

馳驟策應察探賊蹤趨向何處即赴何處迎截

再明亮等帶領索倫勁旅趕緊追賊馬力已形

疲乏臣先經預備戰馬數百匹喂養臚壯並同

弓箭陸續趕解大營足資馳騁殺賊之用一應

軍火糧餉亦皆源源撥運接濟無悞目下正當

聖主睿覽

七

嚴寒兵丁勞苦倍常臣已飭局趕製棉衣四千

件鞋襪四千雙運送分給俾資更換奏入

命軍機大臣傳諭勒保惠齡富成明亮額勒登保

德楞泰倭什布日張漢潮一股本係明亮與肇惠

辦仍任其分股奔竄四處滋擾迄未成擒所辦何

事而勒保統領勁旅剿辦糧盡援絕之冷添祿曠

日持久總未就獲惟以空言支飾惠齡等之不

若實為伊等羞之伊等亦知自愧否俱著再傳旨

嚴行申飭至惠齡等雖將羅其清兄弟臨陣生擒

但冉文儔一股尚在奔竄徐添德一股係富成專

剿惠齡等正當趁此勝勢悉力兜擒不可因羅其

清業經就獲可以暫時搪塞不思勉力速辦復蹈

從前遷延故轍是所深望現屆歲除不過旬餘各

路帶兵大員已難望其於年內一律肅清但能將

聖主睿覽

大

冷添祿張漢潮冉文儔徐添德等著名賊首續獲

二三名不特伊等玩愒之罪可以稍贖尚當加以

恩獎勵之

二十日臣勒保奏言臣前將救援祖師觀後路

兩處賊匪分投擊退並攻克手把岩賊卡後匪

眾堅守要隘悉力相持臣每日分撥兵勇輪番

誘敵而賊匪止於木城石卡內擲石放鎗更為

狡詐本月初一日晚間霧氣較重間以微雪
德英額一路瞭哨兵勇具報遙見老觀嘴之下
有賊陸續下溝臣當派參將薛大烈帶領守備
薛陞羅思舉等設法預備將至三更賊匪果拔
援鹿角意圖撲卡我兵出其不意鎗箭競發立
斃賊三十餘名餘匪狼狽去初三日臣復督
率達三泰百祥觀成穆克登阿分兵四路環繞
進擊自五更至巳午之交斃賊甚多惟坎坡層
疊不能竟上次日我兵又躡路進抵五層臺地
方突有賊匪一股自祖師觀北面而下賊目在
前手持白旗率眾捨命衝突達三泰發箭射賊
連斃數名賊眾稍卻各兵勇連環放鎗傷斃執
旗賊目經餘匪背負踉蹌遁逸我兵奮勇追殺
擒獲活賊孫桐富等二十六名當將五層臺木

《剿平三省邪匪方略》

九

城草棚悉行燒燬訊據獲賊供稱爲首執旗賊
目係名冉悅現被鎗傷頸項其初一日下溝撲
卡之賊係賊目劉朝選當受石傷並滾崖跌傷
左目現在冷添祿只令各戰手堅守卡隘預備
滾木插石抵敵官兵但各路營卡團圍嚴密看
來無路逃竄糧食亦將喫盡餘無要供當將該
犯一併正法臣現在整頓兵力總期於數日內
一鼓掃蕩以期稍贖遲延之咎再林亮功王光
祖等股賊匪滋擾合州定遠等處分合無常臣
因劉君輔富森布等一路兵孤不能得力是以
先經知會額勒登保分兵剿捕茲聞羅其清首
夥已經全數殲擒則通巴境內止有冉文儔一
股如惠齡前往剿辦更無須重兵會合額勒登
保正可馳赴定合一帶與劉君輔等趕緊夾擊

《剿平三省邪匪方略》

二十

其徐添德一股賊匪復由隣水岳池竄赴廣安
 經將軍富成帶兵追剿臣節次飛札嚴催茲據
 具報進抵岳池黎梓衛地方遇賊接仗富成督
 兵攻擊斃賊二千餘名擒獲二百餘名臣仍知
 會富成務即探明首逆蹤跡相機迅剿至龍紹
 周樊人傑龔建等股賊匪自經臣分兵於溫湯
 井渡口岩等處截剿後該匪等即由大寧邊界
 竄至奉節之馬鞍山七星壩等處並攻撲蓮花
 池卡隘經臣所派副將富明阿會同署奉節縣
 知縣徐大椿督率兵勇當時擊退該匪等即在
 九盤子草塘河一帶屯聚臣先已札飭防守巫
 山之叅將吉林泰都司徐朝綱等預備截擊並
 知會湖北撫臣高杞於沿邊一帶嚴防東竄一
 俟祖師觀賊匪即日掃除自當就近分兵設法

剿辦
 同日恒瑞奏承恩奏言臣恒瑞前由川省分兵
 馳回陝省因川境各股賊匪俱在巴州通江一
 帶漢中西南邊界甚關緊要當即於西路適中
 之地扼要截剿賊匪未敢窺伺現據探報惠齡
 德楞泰額勒登保統領大兵已於巴州蔡家梁
 地方將羅其清等擒獲餘眾殲滅殆盡惟冉文
 儔一股尚在通江境內並探聞李樹樊人傑等
 各股賊匪自安康南天門被兵勇擊退後竄至
 太平之大竹河均與西鄉紫陽切近查紫陽沿
 邊一帶地勢險峻現在柯藩等督率兵勇分布
 防堵尚屬嚴密惟西鄉邊界綿長八九百里通
 川路徑甚多就地設卡不能處處踞險且係賊
 匪屢經出入之地雖現有王文雄在彼防堵究

恐一路兵勇東西難於兼顧臣恒瑞卽移兵馳

赴西鄉一帶探明賊近何路卽赴何路迎頭截

剿臣秦承恩仍在西路防範並就近照料川餉

俟全數出境後亦卽探聽賊蹤與臣恒瑞等會

同剿辦均奏入

上命軍機大臣傳諭勒保惠齡恒瑞秦承恩曰勒保

剿辦洽添祿一股賊匪日久總未剿竣盼望捷音

製書齋彙編卷六

三

甚切茲據奏報官兵打仗情形祇不過將賊卡木

城燒燬擊傷賊目仍未擒獲首逆不足爲功試思

惠齡等尚能愧奮擒賊勒保係總統大員帶領如

許勁旅剿此窮困之賊株守數月毫無展布相形

之下寧不自知羞愧耶冉文偉一股尚在奔竄徐

添德一股係富成專剿惠齡等正當奮力進擊乘

勢殲擒而林亮功王光祖等股尚在合州定遠等

處恐劉君輔富森布在彼剿辦不能得力著惠齡

等酌量情形或分一人帶兵馳赴定合一帶剿辦

或派將領前往截擊又李樹樊人傑等股賊匪竄

至太平逼近西鄉一帶地方恒瑞帶兵前往並不

能卽行迎擊殲擒賊首以贖從前延緩之罪均著

傳旨嚴行申飭此時秦承恩在西路堵禦宜綿亦

在紫陽一帶防禦布置嚴密恒瑞尤應探明賊蹤

製書齋彙編卷六

三

奮力迎剿毋任闖入陝省

二十二日辛惠齡額勒登保德楞泰奏言連日

據阿哈保温春帶兵於蔡家山溝內拿獲蘇文

遠党人傑八十餘人又據賽冲阿李紹祖帶兵

搜至大羅山一帶巖洞及樹林內拿獲沈士清

等六十餘人又阿穆勒塔穆克登布等帶兵前

至琅玕崖地方坡坎之下有賊匪百餘人一見

官兵拾死抗拒我兵殲殺五十餘人生擒朱思珠等六十餘人又各鄉勇先後拿送賊匪魏冠儒等共九十餘人巴州附近百餘里內均已搜剿無遺所獲賊匪內訊出魏冠儒係偽副元帥又蘇文遠沈士清苟文宰苟文相等係羅其清大頭目訊無要供均經凌遲處死其餘審明實係逆犯亦即正法又據總勇拿送夏達恩到營訊明係羅其清親表弟同習白蓮教謀逆起事附錄供詞呈

覽該犯罪應凌遲因據供冉文儔等俱係熟識隨將該犯暫禁軍營以便拿獲冉文儔等質認臣等帶領勝兵馳往通江之麻壩寨剿辦冉文儔一股賊匪本日行次鴨背地方接准勒保來咨以合州一帶賊匪滋蔓該處為重慶上游恐賊偷

渡河西所關甚鉅令臣額勒登保帶兵前往相機剿捕並令臣德楞泰酌分兵力等因臣等公同商議除臣額勒登保原帶兵一千餘名外臣德楞泰酌分給

乾清門副都統阿哈保所帶索倫兵六百餘名副將徐文謨所帶廣東兵一千二百名併交帶往西取道達州前赴合州一帶剿辦臣惠齡德楞泰帶領現有之兵前赴通江之麻壩寨趕緊將冉文儔一股設法剿辦奏入

上命軍機大臣傳諭勒保惠齡景安恒瑞明亮額勒登保德楞泰曰惠齡等奏搜捕餘匪淨盡即移師剿辦冉文儔一股覽奏俱悉羅其清最為著名首惡既已生擒解京軍威已振惠齡等自應乘勝速赴通江攻剿冉文儔一股其搜捕餘匪審訊賊供

聖朝通志編卷六

五

聖朝通志編卷六

五

1502 冊數目在卷第 4 頁

等事有何緊要況所獲不過數十名祇須酌留鎮將司道等員在彼儘可辦理乃惠齡轉會所急而事所緩就延冬日逗留不進今始移師往剿冉文儔又致與賊以暇任其滋擾殊失機宜惠齡等仍著傳旨嚴行申飭

二十四日丑明亮興肇倭什布奏言查張漢潮

賊衆經臣明亮興肇在下湯一帶痛剿窮追臣

倭什布緊從北面攔截賊匪不能竄走南召裕

州大路逃上伏牛山老林竄遁該處山深冰雪

人跡罕到臣明亮興肇連夜督率將備鼓勵兵

勇緊躡兇擊復殲賊五百餘人山溝林內搜出

藏匿賊匪徐盛發等三十七名訊據僉稱張漢

潮原想走南召裕州一帶村莊地方擄掠人馬

逃回湖北因各處堵截嚴緊又節次被官兵追

截現在只探聽無官兵處各自逃生餘無要供

當卽正法維時臣倭什布帶兵趕到臣明亮興

肇飛卽由南召南陽星夜倍道追剿復派總兵

張文奇跟蹤追擊臣倭什布緊顧北面往來攔

截並令總兵田永祠由鄖西前來截剿分路圍

圍日漸緊逼爲一鼓殲擒之舉詎賊匪狡狴異

常由白馬寺樂川旁徑翻山折回西竄忽分忽

合轉欲牽緩官兵臣明亮興肇趕至南陽一經

聞信飛卽躡覓捷徑由鎮平內鄉馳往迎頭截

剿卽使賊匪折回陝境亦可取道荆紫關等處

仍能抄出賊前相機剿殺現復飛飭各路鎮將

加緊兜抄臣倭什布仍帶滿兵二百名往來馳

驟杜賊北竄之路一面多差幹弁分探賊蹤趨

向相機策應目下江岸寧謐已飛飭南汝道陳

鍾琛撤帶防江之鄉勇迅速 趕回協堵奏入

上命軍機大臣傳諭勒保明亮曰 汝漢潮本係明亮

等專辦乃任其輾轉奔逃由陝 川豫今又任從自

馬寺樂川旁徑遠遁無能已極即 亮與肇俱著傳

旨嚴行申飭此時楚豫兩省有景安倭什布督兵

截擊明亮與肇若再不趁賊匪窮蹙之時奮力夾

擊速將首逆擒獲其罪斷不可追矣

《聖祖實錄卷八十六

完

二十八日 丁巳 勒保奏言 臣 自初三四等日督率

兵勇焚燒五層臺賊卡後匪眾晝夜嚴防悉力

抗拒各路鎮將節次分投攻撲無如賊匪居高

臨下鎗石兼施不能竟上再三踣探惟魚鱗口

之上有橫梁一道路徑雖極險峻然果能奪據

攻取賊巢較為得勢隨派令德英額穆克登阿

各帶官兵仍於老觀嘴等處原路每日攻擊以

分賊勢 臣 於十一日帶兵繞赴魚鱗口一路預

為布置派令達三泰百祥薛大烈等分兵三路

於次日丑刻鼓勇進發 臣 與觀成另督兵勇相

機策應甫及五更聞西北一面鎗礮齊發賊眾

鳴鑼吶喊悉向老觀嘴抵禦 臣 即督催前隊由

魚鱗口扳援石坎向上攻撲查該處原有木城

一道沿坡均搭葦草棚所有防守賊匪不虞此

《聖祖實錄卷八十六

三

路官兵躡險驟至極形慌亂惟時我兵已齊抵

木城之下拋擲火彈點燃鹿角兵勇乘勢撲入

立斃賊匪三百餘名隨將山梁奪據其祖師觀

之賊措手不及復分遣匪眾由蛇皮峯山溝蜂

擁而下意圖抄襲經觀成帶兵截住放鎗迎擊

斃賊七八十名餘眾踉蹌退去 臣 當即挑派官

兵於該處拿卡駐劄設法堵攻至富成一路官

兵前於岳池黎梓衛地方遇賊接仗之後因廣安境內又有賊匪擾及後路是以富成復由清涼寺一路督兵剿捕殺賊五百餘名現在進抵龍安場據稱此路賊匪係徐添德王光祖張映祥等其大夥悉於廣岳交界之周羅溪花板橋石壩場等處屯紮其合州定遠沿河窺伺賊匪先經定遠縣知縣孫熙帶同典史顧照義首馬文炳等督率鄉勇於張家灘地方過河奮擊斃賊三百餘名搶獲木筏六十二架匪衆紛紛潰竄適劉君輔富森布一路官兵亦由江北進抵合州臣當令該鎮等將所帶官兵沿河分布以防賊匪偷渡惟岳池廣安交界賊勢較重並恐定遠擊退之賊亦折竄岳池富成一路官兵不敷剿辦適據報額勒登保帶兵三千餘名由達

欽定剿平三省邪匪方略

正編卷八六

州大竹進發臣即飛囑額勒登保竟趨廣安與富成之兵彼此會合相機剿辦自能得力至龍紹周等股賊匪仍於奉節大寧邊界往來奔竄臣恐夔州一帶兵力無多不敷堵截現於各營卡內抽撥官兵交副將呂朝龍先行帶往以資策應同日倭什布奏言查張漢潮一股賊匪自竄入豫境後節經兵勇截殺屢挫其鋒明亮與肇帶兵緊躡痛剿餘匪實已窮蹙因獲賊供稱張漢潮蓄意竄回湖北臣前與明亮等公同熟商必須即在豫省趕緊擒渠戡事與其竄入楚境寧可截回陝境尚易剿辦是以明亮等趕緊抄至賊前由鎮平內鄉馳往迎截自東而西以扼其入楚之路臣緊從北面攔截賊匪沿山折竄不

欽定剿平三省邪匪方略

三六一

敢擾及平地凡村莊稠密之區未致被其蹂躪
 一面飭總兵田永桐張文奇參將蔡鼎等帶兵
 分路兜抄衝擊復令各地方官厚集鄉勇幫同
 堵截賊探知不能竄走南召裕州大路又不能
 向鄧州南陽趨遁惟於層嵐複嶺中覓路逃竄
 適田永桐帶兵趕至黃沙街正遇賊匪當即迎
 頭截剿賊匪公然抗拒我兵人人奮勇殺賊三
 四百人參將蔡鼎知府朱綬遙聞鎗礮之聲分
 帶兵勇馳赴助戰賊見兵勢壯盛拚命翻山逃
 竄田永桐等督率兵勇奮力追殺餘賊仍由盧
 氏之朱陽關竄至月至溝漆樹溝一帶復經總
 兵張文奇督率都司蘇大雄等帶兵追及殲斃
 數十人餘匪連翻大山從里漫坪狂奔向西竄
 逸田永桐飛即帶兵抄道馳往追剿查里漫坪

聖朝聖德編卷六

三

巡西路通商維臣揣度賊情自必折回陝境明
 亮等前亦計議及此探聞此信即取道荆紫關
 等處仍可抄出賊前一面飛咨宜綿秦承恩速
 飭堵截均奏入
 上命軍機大臣傳諭勒保明亮曰連日因新年甚近
 盼望捷奏倍為焦切今日遞到勒保摺報披閱之
 餘實深憤懣數月以來勒保處竟未獲一名賊首
 川東賊匪仍屬負隅即以冷添祿一股而論昨於
 二十日奉到據稱數日之內即可擒獲迄今又閱
 八日並未殲掃賊巢可見屢次空言全不足信不
 但無顏對朕更有何顏以對將士勒保著再傳旨
 嚴行申飭至張漢潮一股屢經剿殺勢極窮蹙茲
 又據倭什布奏官兵逼剿張漢潮業已折回陝境
 明亮等若再不乘賊匪潰敗之時迅速殲擒復任

聖朝聖德編卷六

三

其輾轉奔逃由豫入陝遷延玩寇坐失機宜罪更難道明亮等著再傳旨嚴行申飭

欽定剿平三省邪匪方略

正編卷八十七

欽定剿平三省邪匪方略正編卷八十七

己未年

正月初三日壬戌惠齡德楞額奏言冉文儁一股

賊匪前自箕山改竄逃至通江之麻壩寨附近

一帶山梁全被佔踞臣等帶領現有官兵趕向

通江進發一路雪飛冰凍官兵踴躍前行馳抵

通江之東會山梁察看麻壩寨地勢險峻周圍

亦極寬廣前為牛石礮後為二郎廟南通梨樹

欽定剿平三省邪匪方略

正編卷八十七

坡北達木通壩均屬深溝峭壁其外九子坡黃

包袱石坡山三角難謝家坪亦係要隘處所該

匪等均令匪黨遍處紮卡把守而於馬鞍山坳

盤寨大鐘寨等處築有木柵石墻扼我進兵道

路且冉文儁狡詐異常乘夜劫營是其常技臣

等當飭各營卡嚴行準備安置鎗礮而於營之

左右分派達勒精阿色爾滾帶領吉林索倫官

兵埋伏賊匪果於是夜三更時涉淺渡河約有千餘人直撲官兵營盤我兵施放連環用礮轟擊斃賊約二三百人賊即潰散又經吉林索倫伏兵箭斃一百餘人餘匪竄回山梁我兵趕至茨巴河邊斃賊又有百餘人次日黎明_臣等即帶兵渡河乘勢進逼見坳盤寨一帶賊卡嚴密山腰設有木城勢難徑上當即設法躡探該寨後有山梁一道路甚巉削而樹木叢雜尙可攀援而上當派令溫春阿納保蘇清阿札勒杭阿馬瑜馬應國等帶兵乘夜前往該處理伏俟官兵攻打賊卡即行潛上_臣等督率賽冲阿阿穆勒塔李紹祖德寧穆克登布李應貴等即於四更潛進時風雪交作該匪等猝不及防我兵搶上賊卡賊始驚覺擲石放鎗抗拒維時溫春

聖祖實錄卷七

二

等已從賊寨後攀陟而上拋擲火彈立將草柵焚燒賊人慌亂_臣等督兵奮勇進攻即將賊卡擊破一湧而入斃賊四百餘人生擒向世榮等據供冉文儔手下有萬餘人前聞官兵拏獲羅其清心甚畏懼恐官兵來剿預將各處卡子築設木城現在四面俱有寨子而大鐘寨坳盤寨馬鞍山尤爲緊要遣令多人嚴加拒守此時擄得糧食甚多聞冉文儔說若守得住即在麻壩寨過年若守不住再行逃走至冉文儔逐日移動並無一定處所等語餘無要供概行正法_臣等當即分爲兩路_臣德楞泰率同賽冲阿阿穆勒塔等進剿大鐘寨賊卡_臣惠齡督率李紹祖關聯陞馬國銳穆克登布等帶兵進剿馬鞍山賊卡均於五鼓進發_臣德楞泰帶兵行抵大鐘

聖祖實錄卷七

三

寨下見山梁陡險頗難仰攻當即督飭官兵由
旁道而上齊抵寨門鎗箭並發殲斃百餘人賊
匪施放擗石捨命拒守黑龍江委防禦牛呢木
保左乳受鎗直上卡墻連拋火彈延燒賊棚並
即砍開棚門手殺數人我兵奮力競進刀鎗併
舉殲賊四百餘人餘眾驚潰我兵隨後掩擊生
擒夏達普等二十餘人當將大鐘寨佔住時臣
惠齡帶兵行至馬鞍山見賊卡之前有橫梁一
道必須搶佔方能進撲賊卡當即督飭官兵攀
越而上施放鎗箭賊匪極力抵禦臣復派令穆
克登布帶兵由橫梁抄上從旁掩殺斃賊數十
人賊匪潰亂我兵乘勢攻破卡門短刃相接殲
賊三百餘人生擒苟潤等三十餘人餘匪悉向
後山竄逃當將馬鞍山搶佔所有擒獲之夏達

欽定剿平三省邪匪方略

正編卷八七

普等訊無要供俱即正法統計連次殺賊將及
二千餘人現在麻壩寨四面賊卡林立而冉文
儔詭詐百出並無一定賊巢臣等現有之兵不
敷圍剿一面知會朱射斗由西北馬鞍山一帶
堵截一面逐層進逼以冀掃穴擒渠設該匪情
急竄逃更當不遺餘力設法兜剿奏入是日
太上皇帝龍馭上賓奉
御批朕不孝遭
皇考大事五內昏亂只要汝等各具天理良心迅速成
功仰慰
在天之靈朕亦不能多諭矣
初四日癸亥
上命軍機大臣傳諭勅保惠齡恒瑞富成宜補景安
秦承恩倭什布額勒登保明亮德楞泰曰我

欽定剿平三省邪匪方略

正編卷八七

皇考臨御六十年

天威遠震武功十全凡出師征討即荒徼部落無不立
 奏蕩平若內地亂民如王倫田五等偶作不靖不
 過數月之間即就殄滅從未有經歷數年之久糜
 餉至數千萬兩之多而尚未厥功者總由帶兵大
 臣及將領等全不以軍務為事惟思玩兵養寇藉
 以自功陞賞寡廉鮮恥營私肥橐即如在京諸達
 待衛章京等遇有軍務無不營求前往其自軍營
 回京者即平日窮乏之員家計頓臻饒裕往往托
 詞請假並非實有祭祖省墓之事不過以所蓄之
 資田籍置產此皆朕所深知可見各路帶兵大員
 等有意稽延皆蹈此藉端牟利之積弊試思肥橐
 之資皆婪索地方所得而地方官吏又必取之百
 姓小民脂膏有幾豈能供無厭之求此等教匪滋

聖祖聖孫纂編卷七

六

事皆由地方官激成即屢次奏報所擒戮者皆朕

之赤子出於無奈為賊所脅者若再加之腹創勢

必去而從賊是原有之賊未平轉驅民以益其黨

無怪乎賊匪日多輾轉追捕迄無蕪事之期也自

用兵以來

皇考焦勞軍務

寢膳靡寧即大漸之前猶頻問捷報迨至瀕留並未別

聖祖聖孫纂編卷七

七

奉

遺訓似窺

聖意自以國家付託有人他無可論惟軍務未竣不免

深留遺憾朕躬膺

宗社之重若軍務一日不竣朕即一日負不孝之疚內

而軍機大臣外而領兵諸臣同為不忠之輩何以

仰對

皇考在天之靈伊等卽不顧惜身家寧忍陷朕於不孝
自列於不忠耶况國家經費有常豈可任伊等虛
糜坐耗日復一日何以爲繼又豈有加賦病民之
理耶近年

皇考聖壽日高諸事多從寬厚凡軍營奏報小有勝仗
卽優加

賞賜其或貽誤軍務亦不過革翎申飭一有微勞旋經
賞復雖屢次飭催奉有革職治罪

嚴旨亦未懲辦一人卽如數年中惟永保曾經交部治
罪逾年仍行釋放其實各路縱賊竄逸者何止永
保一人亦何止一次乎且伊等每次奏報打仗情
形小有斬獲卽鋪敘戰功縱有挫衄亦皆粉飾其
辭並不據實陳奏伊等之意自以

皇考高年惟將吉祥之語入告但軍務關係緊要不略

欽定剿平三省邪匪方略 正編卷八 八

稍有隱飾伊等節次奏報殺賊數千至數百名不

等有何証驗亦不過任意虛捏若稍有失利尤當

據實奏明以便指示機宜似此掩敗爲勝豈不貽

誤重事軍營積弊已非一日朕綜理庶務諸期核

實祇以時和年豐平賊安民爲上瑞而於軍旅之

事信賞必罰尤不肯稍從假借特此明白宣諭各

路帶兵大小各員均當滌慮洗心力圖振奮務於

春令一律剿辦完竣綏靖地方若仍蹈欺飾怠玩
故轍再逾此次定限惟按軍律從事言出法隨勿

謂勿主可欺也

臣等謹案我

高宗純皇帝聖武布昭超軼前代此次剿辦三省邪匪

已在

援聖之後我

欽定剿平三省邪匪方略 正編卷八 九

皇上親承

訓政

臨軒籌筆祇秉

神謨特因匪黨蔓延日久未能竣事而帶兵大員往往

以

聖壽益高未免鋪張吉語上慰

堯咨迨至三年冬間

聖壽益高未免鋪張吉語上慰

高宗純皇帝聖體不憚而

顧問軍書自朝至晷

彌留之時猶殷殷以

望捷成什我

皇上視

膳問

安寧勞無間而

皆授機宜無微不至茲當諒陰悲愴之中倍切遺大

投艱之念

特申訓諭整飭戎綱越日而遯問大學士和珅以歷

擱軍報一事首列罪狀正以逗撓之法於是

將帥之臣莫不惴惴効命爭自濯磨而後數

萬兇渠始得以次殲除

紹

十全之偉績慰

靈爽於在天仰維

聖孝

聖功所以承

篤祐而揚

先烈者蓋有其難其慎者矣

初五日

宜綿奏言 臣因張漢潮一敗賊匪竄

入盧氏經明亮與肇帶兵緊追總兵關騰副將
 官信遊擊邢承誥分布東路以備折回夾擊至
 南路李樹煥人傑龍紹周唐明萬等各股賊匪
 在太平境內往來焚掠總欲乘間竄入陝境經
 臣親督鄉勇在安康之南天門黃金溝等處擊
 退後又由紫溪河攻撲紫陽牽牛梁高阡子卡
 隘經總兵柯藩知縣蔣志坦分帶兵勇等施放
 鎗礮擊斃一百餘人賊匪仍退回紫溪河屯紮
 其勢將趨西鄉臣查西鄉邊界延長七百餘里
 道路分歧山坡平坦非安康紫陽高山峻嶺可
 比我兵若入川追剿則賊股繁多必從別徑竄
 入若分段防守則兵力不敷惟有於適中扼要
 之地分住重兵賊來則迎擊賊退則我兵互相
 聯絡使之不能深入以便相機進剿現在恒瑞

欽定剿平三省邪匪方略

正編卷八七

欽定剿平三省邪匪方略 正編卷八七

已自漢中移師罐子山在西鄉西南防堵王文
 雄紮營堰口在西鄉正南防堵惟東南與紫陽
 交界處所尙覺空虛臣前調副將李文蔚之兵
 已自寧羌趕到即令其馳赴鹿池壩駐防與恒
 瑞王文雄爲三面犄角之勢而兵力尙單臣又
 擊回防守漫川關之總兵慶溥趕赴鹿池壩臣
 亦自南天門馳抵紫陽詎慶溥行抵紫陽賊匪
 已入漁渡壩臣遂令其改道由鞍子溝至王黑
 壩扼其趨赴石泉江岸之路適據探報張漢潮
 股匪自河南折回商南不經卡隘翻山越嶺於
 十八日由脾樓溝至松樹溝經副將官信知縣
 錢廷琛督率兵勇擊斃執旗賊目賊匪五名匪
 衆五百餘名生擒四十七名皆傷重垂斃均卽
 正法餘匪向西奔竄其駐紮巒庄之遊擊邢承

欽定剿平三省邪匪方略

正編卷八七

三六九

詔守備尙其倫等卽帶兵勇連夜趕至商維鎮
 之西北奮力剿殺殲賊一百餘人餘匪由干河
 向山陽山內奔竄又接明亮來信官兵在下湯
 地方殺賊千餘餘匪向伏牛山奔逃欲回湖北
 唐子山明亮由南陽迎剿總兵張文奇從後追
 擊該匪折回西奔現在督兵星夜由鎮平內鄉
 迎頭截剿等語臣查此股賊匪經明亮等連次
剿殺多人今又分爲兩股方入陝境正當乘其
力分勢窮之時趕緊剿洗臣遂飛札官信留駐
 商南俟後股賊至與明亮等兩面夾擊並嚴飭
 關騰兼程與邢承誥等合兵追擊前股之賊並
 抽派興安等處防守新舊兵五百名鄉勇六百
 名令參將韓加業帶領馳赴鎮安一帶與關騰
 前後夾擊仍一面飛咨恒瑞秦承恩王文雄等

相機會剿南路各股賊匪務期迅速肅事奏入
 上命軍機大臣傳諭宜綿景安恒瑞秦承恩倭什布
 明亮曰宜綿奏截殺張漢潮股匪情形摺內稱我
 兵若分段防堵則兵力不敷惟於適中扼要之地
 分駐重兵等語既云兵力不敷何以又有重兵分
 駐措詞自相矛盾可見伊等捏詞虛報並不親身
 督辦僅派鎮將等前往堵剿率照所稟任聽幕友
隨意填寫隔數日奏報一次塞責伊等擁兵自衛
安心度歲甚至飲酒宴樂置軍事於不問此等積
弊朕所深知豈能始終掩蓋且兵力不敷之故皆
由伊等平日漫不經心並未認真查核以至鎮將
等坐冒空糧虛糜廩給卽鄉勇亦恐有名無實不
過爲濫銷軍需地步著傳旨嚴行申飭至南路賊
匪李樹樊人傑等各股賊匪在太平境內往來校

掠雖經柯薄等截殺尙在紫溪河屯紮逼近陝境

西鄉宜綿已咨秦承恩王文雄慶溥等分投防剿

恒瑞亦自漢中移師在西南防堵伊等即不能入

川剿捕一鼓殲擒務當於交界處所實力堵截勿

令一名闖入陝境庶不致蔓延滋擾若稍有疎縱

必將伊等從重治罪至張漢潮一股賊數本屬無

多明亮等並不奮力兜剿任聽由川入陝復由陝

剿平三省邪匪方略 卷八十七

竄豫幸有倭什布帶兵在彼堵剿截回陝境明亮

等惟事往來尾追實屬無能著傳旨嚴行申飭此

時若不趁賊匪力分勢感之時上緊夾擊迅縛渠

魁昨降諭旨甚明必按軍法從事毋貽後悔

初七日丙寅恒瑞秦承恩奏言查張漢潮一股因

明亮倭什布兜剿緊急分出一股翻山竄至陝

省商南邊境經副將官信遊擊邢承誥守備尙

其倫等截殺多人餘眾竄至龍駒寨時署州同

蓋方泌探聞賊蹤將近即於附近趕辦燭麵數

千觔暗撥信石存放街頭空屋以爲誘賊之計

賊眾蜂擁而來果即分掠裹帶而去沿途中毒

倒斃者甚多餘向山內狂奔臣秦承恩已飛飭

各路將弁刻即躡蹤追殺又經宜綿抽撥兵勇

派令叅將韓加業帶往協剿至四川太平境內

剿平三省邪匪方略 卷八十七

各股賊匪現在西鄉九陣壩漁渡壩一帶出沒

滋擾因內卡防守嚴密未令闖入腹地王文雄

已帶兵由堰口向南迎擊臣恒瑞由罐子山前

進相機截剿兼防西路宜綿復派慶溥由紫陽

馳赴西鄉向東路抄襲與王文雄會合剿辦臣

秦承恩居中策應並督率同知徐洪懿知州朱

言璋等鼓勵各路鄉勇隨同官兵嚴密堵截總

期聲勢聯絡迅掃賊氛奏入

上命軍機大臣傳諭恒瑞宜綿秦承恩明亮曰張漢

潮一股賊匪經明亮等剿捕多日何以又任分股

奔竄迄未能擒獲首逆似此跟蹤追剿使賊匪來

往自如何日始能剿盡明亮等實屬喪盡天良卽

恒瑞等摺內所稱於燭麵內暗攪信石誘賊掠食

毒藥者能有幾何亦非正辦自當設法佈置四面

剿平番亂方略編卷七

六

兜截爲一鼓殲擒之計現在宜綿秦承恩已分派

官兵四路協剿明亮與肇務須趁賊匪窮竄之時

會同合擊速擒賊首倘再任輾轉奔逃必將伊等

從重治罪至四川太平境內各股賊匪現在西鄉

一帶出沒滋擾王文雄恒瑞分別擊剿宜綿秦承

恩亦在彼督率防堵尤應同心協力相機迎剿卽

不能入川剿捕務於交界處所實力堵禦總之賊

匪一日不平良民一日不安須奮發忠誠仰慰

在天之靈其共勉之

初八日丁卯勒保奏言竊臣前次督兵於魚鱗口

上搶佔橫梁一道卽於該處擊卡駐劄十四日

丑刻復派觀成德英額穆克登阿仍由老觀嘴

等處原路進攻以分賊勢臣督同達三泰百祥

薛大烈由橫梁進發天甫黎明達三泰等帶領

剿平番亂方略編卷七

九

官兵出其不意越過濠溝砍開木城首先搶入

攪殺一處殲斃甚多我兵正在鼓勇直上詎賊

衆詭譎潛由溝內分股抄出計圖搶截後路達

三泰當與百祥薛大烈督兵分投剿殺賊匪忽

來衝突勢甚兇悍達三泰奮勇壓下濠溝不期

兩旁尚有伏賊達三泰突中矛傷陣亡遊擊吳

玉貴併力救護亦受傷殞命維時百祥薛大

烈等將山溝伏賊痛剿賊匪始陸續遁回悉力
固守臣焦灼萬狀連日督兵攻撲而賊匪踞險
相持不能徑上至二十一日傍晚大霧迷漫當
復通傳各將領挑選奮勇兵丁分路各帶雲梯
密傳口號約定二更潛伏山下三更同抵賊巢
百祥德英額在老觀嘴仙人洞兩路帶兵直抵
賊卡一面扳開鹿角拋擲火彈將草棚焚燒該
匪等立形慌亂觀成穆克登阿薛大烈兩路官
兵亦由鹽渠山魚鱗口相繼並上均將賊卡焚
燒賊匪始猶抵拒嗣見四路火起四散紛逃我
兵乘勝殲殺滾崖落澗並自戕者不計其數凡
有擒獲活賊隨訊以首逆下落均稱不知曾否
殲斃及至銅鼓坪之上又擊獲活賊數名訊據
供稱冷添祿於老觀嘴火起之時先率黨與數

聖朝聖德編卷七

三

百人從雞公梁滾崖奔竄等語查由雞公梁可
至江口路迤更歧當派百祥帶領兵勇由江口
一路跟蹤追躡穆克登阿由沙沱子一路過其
東趨大寧臣即督率德英額等由溫湯井一路
防其西竄開縣均連夜進發並留觀成於祖師
觀搜捕餘匪詎賊匪離巢之後見兵則避乘空
即行翻山越嶺毫無定向三路官兵連次追及
於梓潼廟三包山等處沿途均有斬獲無如該
逆等捨命狂奔於二十四五等日直奔紫水壩
三登坡一帶該處為東鄉開縣新寧交界處所
適據新寧縣具報現有另股賊匪或稱為王光
祖或稱為林亮功分股賊目賴儀章率眾數千
在轅子壩普安場一路焚掠逼近縣城勢甚緊
急因查冷添祿一股餘匪既到三登坡如由東

聖朝聖德編卷七

三

鄭南壩場取道正可直達新寧倘又與該處竄
匪合夥則辦理較為費手是以現在一面飛飭
百祥穆克登阿就近跟蹤設法剿捕臣一面由
溫湯井改道馳赴新寧以杜賊匪竄合路運奏
入

上命軍機大臣傳諭勒保曰勒保剿辦賊匪已及兩
載總不肯實力奮擊速擒賊首其意不過欲延挨

《聖朝實錄卷七

三

歲月坐冒軍糧伊之所恃者因有和珅為之庇護
朦蔽是以敢於任意遲玩今和珅已革職擊交刑
部伊已失所依恃豈能復行故智伊仰受

大行太上皇帝厚恩命為總統並封公爵自應竭忠圖
報乃似此昧良負恩厥罪甚重即本日奏到之摺
仍係空詞敷衍所辦何事今姑予以自新若能痛
加慘改及早蒞功則從前迎合鑽營之罪尚可格

外寬恕倘仍前泄泄隔數日發報一次以空言搪
塞則是甘蹈重譴國憲俱在朕亦不能為伊廢法
也稟之慎之所有打仗陣亡之提督達三泰遊擊
吳玉貴俱著咨部議卹

初九日 戊辰

上命軍機大臣傳諭勒保曰勒保在川東剿賊多時
未能迅速蒞事固有應得之咎但伊剿捕狝苗一

《聖朝實錄卷七

三

手妥辦著有勞績入川後又將首逆王三槐擒獲
較之各路領兵大員猶為彼善於此此時若另簡
總辦軍務之員一時不得其人勒保著仍投總統
之任自惠齡以下皆受其節制庶事權畫一責有
攸歸若伊等不能認真剿賊或不聽勒保調遣即
當據實嚴參以違軍制論從前軍營帶兵各大員
皆以和珅為可恃祇圖迎合鑽營並不以軍事為

重虛報功級坐冒空糧其弊不一而足今和珅業經革職拿交刑部伊等失所依恃向來掩飾虛捏之技已窮惟當以國事為重一心對朕勉力厥功若再不力加悛改奮發有為督率將領等設法兜截速擒各首逆則罪上加罪軍律具在斷不能為伊等屢次曲貸也至明亮等所剿張漢潮一股至今迄未擒獲聞張漢潮一老病無能之賊逃竄時

剿平三省邪匪方略

正編卷八

上又命軍機大臣傳諭宜綿曰宜綿在興安一帶防堵賊匪伊係陝甘總督封疆是其專責乃從前賊匪至境任其越界奔竄來往自如不能實力堵截

每奏稱漢江水淺竄賊得以偷渡皆係藉詞捏飾以掩其縱賊之咎嗣後著責成宜綿務須於陝省邊境一帶嚴密防堵毋許竄匪一名闖入若能於堵剿時將賊首拏獲固屬甚善即或不能擒拏首逆總當以實力防堵固守邊疆為要

剿平三省邪匪方略

正編卷八

上又命軍機大臣傳諭秦承恩曰秦承恩在漢中一帶邊界堵禦並不能嚴密防範任賊往來奔竄即如張漢潮一股賊匪係由漢中入陝復由陝至豫竟無兵勇阻截該撫有封疆之責咎實難辭節次所稱漢江水淺之語皆不足信著傳諭秦承恩務當督率兵勇實力防堵若能擒獲首逆固屬甚善否則亦當以邊界為重毋任賊匪越境奔竄嗣後倘有賊匪闖入陝境之事惟秦承恩是問

十三日 王 惠齡德楞泰奏言中 文儔一股賊匪

與羅其清同時起事實為川北著名逆首臣等

前次連奪賊卡逐層進逼於十二月二十二三

四五等日將九子坡黃包袱石坡山三角灘各

處要隘地方全行搶佔隨於二十六七八等日

復將麻壩寨附近之牛石礮二郎廟梨樹坡木

通壩各賊卡次第攻克漸逼賊巢總計殺賊二

千餘人麻壩寨北面俱係懸崖峭壁無路可攀

《舉看聖編卷七

三

而東西南三面路逕險仄賊匪築有寨門其門

外各設木城三層俱令夥匪多人拒守臣等分

兵三路臣惠齡督率李紹祖關聯陞馬國銳穆

克登布等帶兵扼其西臣德楞泰督同賽冲阿

温春達勒精阿明德德寧扎勒杭阿馬瑜達自

祥閱懷希等帶兵扼其東並令阿穆勒塔朱射

斗阿納保孫德保色爾滾蘇卿阿西凌阿佛寧

帶兵在南面嚴圍三十日直逼寨下斷其樵汲

之路因思時屆歲底賊諒官兵未必進剿恐其

乘夜下寨潛為砍柴偷水之計豫為設伏乘機

掩擊是夜三更後賊果分三股前來直撲官兵

營盤另有一股賊匪約二百餘人潛往山溝汲

水經埋伏之官兵突出將汲水賊人殲斃殆盡

其三股撲營賊眾又經官兵鎗擊箭射殺斃多

《舉看聖編卷七

三

人俱行潰散回寨臣等於元旦五更仍分三路

進剿臣德楞泰帶兵攻撲東門察看木城內茅

棚甚多當有都司李東山外委董榮兵丁度貴

拋擲火彈立將茅棚延燒賊人慌亂我兵即將

木城打破一湧而進斃賊四百餘人餘賊潰竄

董榮身受鎗傷陣亡官兵乘勝掩殺又斃三百

餘人搶上山岡惟時臣惠齡帶兵直抵西門向

上搶撲賊匪竟敢放鎗擲石我兵奮勇異常當
有遊擊段逢春外委蔣芳李大盈等砍開木城
手刃數賊官兵同時並進短刃相接斃賊二百
餘名段逢春等三人俱受傷陣亡我兵人人憤
恨衝入賊巢與臣德楞泰一路官兵會合遙見
火光中賊人傾巢而出分投抗拒正在奮力迎
殺適朱射斗阿穆勒塔攻克南門帶兵抄截前
來合兵掩擊鎗箭所到無不紛紛立斃約斃賊
三千餘人惟時賊中大小男婦哭聲震地赴火
滾崖自相踐踏者不計其數忽見一賊手執大
旗率領餘匪二千餘人捨命衝出勢甚兇悍經
阿穆勒塔朱射斗等帶兵迎截臣等帶同賽冲
阿温春李紹祖等從後兜殺斃賊八百餘人該
匪等捨死相持四川守備何勝華受傷陣亡當

欽定剿平三省邪匪方略

正編卷八七

有吉林甲兵德楞額川北鎮兵陳在朝李正瓏
鄉勇首周應瓏等奮不顧身衝入賊隊立將執
旗之賊用鎗擊傷倒地卽行擒縛餘匪登時潰
亂官兵前後截殺斬獲殆盡臣等隨派官兵分
投搜捕生擒冉文儔之子冉添受及苟文玉等
男婦一千餘人奪獲偽造旗幟大小一百六十
三桿並將賊寨焚燬洗蕩共搜獲牛馬八百餘
匹頭並米糧等物俱賞給出力兵勇鎗礮刀矛
四千餘件留營備用臣等當提執旗之賊研訊
該匪身受重傷不能言語隨令留營逆犯夏達
恩指認據稱卽係冉文儔復提冉添受研訊據
供伊父冉文儔現已被擒苟文玉等供亦相同
惟該逆受傷甚重業將垂斃未便倖稽顯戮臣
等當卽傳集附近村民將冉文儔割凌遲復

欽定剿平三省邪匪方略

正編卷八七

將屍身到揚軍民無不歡呼稱快但此股賊匪
 雖經掃穴擒渠猶恐黑夜中或有竄逸零星餘
 匪當飭地方官率領各寨團勇實力搜捕務使
 不留餘孽以靖川北地方現在臣等移此勝兵
 探明何路緊要即赴何路剿辦再此次十晝夜
 攻剿賊匪分外出力及受傷員弁分繕清單恭
 呈

聖鑒事

三

御覽奏入

上命軍機大臣傳諭惠齡德楞泰曰川北賊首冉文
 儔與羅其清同時起事到處焚掠擾害良民實屬
 罪大惡極羅其清前已生縛解京此次擒獲冉文
 儔掃蕩賊巢適當元日仰荷

上天垂眷

皇考默佑嘉慰之餘叩感不盡惠齡德楞泰殊為奮勉

現已降旨分別加恩所有砍開木城手殺賊匪受
 傷陣亡之遊擊段逢春外委蔣芳李大盈著咨部
 加倍恩卹打仗陣亡之守備何勝華外委董榮著
 咨部議卹至冉文儔首級著即於該首逆滋擾地
 方每處傳示懸掛數日俾受害良民快心洩恨而
 不逞之徒亦共知儆惕再冉文儔之子冉添受擒
 獲後會否正法摺內未經敘明如業經正法則已

聖鑒事

三

若已起解著於途次截回即行凌遲梟示至惠齡
 等前次挈獲羅其清所有出力員弁著惠齡等於
 報便開單進呈候朕酌加恩賞此時兵威已振事
 機順利尤當鼓舞勇直前探明何路緊要即向何路
 剿辦以次肅清餘孽綏靖地方近來各路領兵大
 員皆以專擒首逆為事竟置餘匪於不問是以王
 三槐羅其清等獲後餘黨仍四出焚掠未見廓清

今首逆冉文偉又經擒獲必當將各股竄匪一律
剿盡方為著有成效又聞各路剿賊名為繞截其
實畏賊遠避民間有賊至兵無影兵來賊沒蹤可
憐兵與賊何日得相逢之謠又聞賊來不見官兵
面賊去官兵纔出現二語此等積弊已非一日朕
所深知嗣後各路帶兵大員務當痛加梭改實心
實力奮勇立功迅速蕪事不得仍蹈故轍致干重
譴此一節著傳諭各路軍營一體謹遵

欽定剿平三省邪匪方略

正編卷八七

上諭內閣曰此次官兵進剿麻壩寨分路環攻殲賊
多名生擒逆首冉文偉掃蕩巢穴甚為奮勉可嘉
惠齡德楞泰俱著加恩賞給頭等輕車都尉世職
其吉林甲兵德楞額川北鎮兵陳在朝李正瓏鄉
勇首周應瓏等當冉文偉執旗撲出時該兵勇等
衝入賊隊即行擒縛尤為出力德楞額著授為監

翎侍衛陳在朝李正瓏俱著以千總即用周應瓏
著入伍以千總即用惠齡等保奏出力之副將銜
叅將穆克登布著加恩賞給總兵銜員外郎鄭成
基准其以道府擢用健銳營前鋒校喜昌阿武爾
恭阿著補授額外前鋒叅領藍翎長吉慶著補授
額外前鋒校黑龍江委叅領希靈阿賞給達沖阿
巴圖魯名號仍照例賞銀一百兩吉林佐領委叅
領塔津保成都防禦歡福著賞戴花翎黑龍江委
防禦獎賞藍翎穆騰額著賞換花翎盛京領催蘇
冲阿吉林委叅領福祿慎委防禦烏爾恭額委官
兆福黑龍江領催抓那雅門察馬甲齊成額圖木
貝齊保荆州驍騎校雙成領催凌雲均著賞戴藍
翎其餘員弁兵丁書吏等俱著照所請加恩以示
獎勵所有受傷員弁交兵部照例給賞

欽定剿平三省邪匪方略

正編卷八七

欽定剿平三省邪匪方略正編卷八十八 己未年

正月十九日 戊寅 明亮與肇奏言查張漢潮率領

敗殘餘孽蓄意竄回湖北舊巢希圖由南召裕

州村莊稠密之區擄掠人馬勾結蔓延當令總

兵張文奇從後追擊 臣 等星夜由南陽大路抄

出賊前度免被其蹂躪並可迎頭截剿詎該匪

聞風畏懼連翻大山黑夜從里漫坪分股折回

《聖朝實錄編年》

奔竄 臣 等探知即由荆紫關等處倍道前進行

抵陝境龍駒寨一帶據報前有賊匪數百人散

漫屯紮 臣 連夜帶兵趕至劉家莊乘其不備督

率官兵奮力擊殺殲賊百餘人擒獲賊目盛世

發等二十七名訊據僉供張漢潮探知前有馬

隊官兵截住去路又係平坦地方恐有失利連

夜率領眾匪潛回商雒留我等在後率綴官兵

等語餘無要供當將該犯等正法飛即帶兵前

進途次山陽縣適接宜綿來信已派鎮將留住

商南一路以期兩面夾擊詎張漢潮狡獪異常

聞商南有兵不走東路從層巒複嶺中翻五郎

大山前竄後股餘匪又四散奔逃 臣 等正當乘

其力竭勢窮之際加緊進發初七日行至茅池

子溝忽遇山腰內衝出賊匪數百人 臣 明亮督

《聖朝實錄編年》

同愛星阿帶領馬隊奮力衝殺 臣 興肇同長春

帶領步隊兜圍賊匪公然抗拒我兵立時殺賊

二三百人生擒朱正昌等五十四名訊供此股

賊匪係陳掌櫃等率領六百餘人從四川與張

漢潮同到陝西忽分忽合後因張漢潮屢次敗

逃官兵趕來都是我等在後喫虧因而分出別

圖擄掠不料被官兵殺剩無幾餘匪翻入老林

逃去等語當將該犯等梟示臣等未便因搜捕零星餘孽致使張逆遠颺一面飛咨宜綿札飭該地方官搜剿淨盡一面卽由洋縣進剿以期尅日掃蕩奏入

上命軍機大臣傳諭明亮與肇曰明亮等剿辦張漢湖一股爲日甚久總未將賊首擒獲此次雖將分夥奔竄之陳掌櫃一股剿殺數百名亦恐皆懦弱

聖鑒事

三

良民未必實係真賊至張漢湖係老弱無能之賊有何難辦豈有賊能奔竄而我兵獨不能追剿之理明亮等所帶官兵皆係滿洲精銳乃不能督率奮擊致我滿洲及東省勁旅漸成疲乏看來明亮等竟有意耽延希圖坐享供給節經降旨飭諭若再不知愧奮趁賊匪窮竄之時直前截擊尅日擒渠惟有執法嚴懲上報

考高厚之恩不救小民流離之苦斷不稍從寬貸

二十日

上諭內閣曰教匪滋事以來今已三載尙未蕩平揆厥所由總因和珅壓擱軍報諸事擅專於軍務每多掣肘以致各路軍營不敢以實入奏觀望遷延日久不能蕪事冷和珅業經伏法此後斷無從中牽制之人帶兵大臣等自當咸知奮勵勉贖前愆

聖鑒事

四

但恐勢不相下無所統屬各懷自私自利之心易啓爭功譏過之弊勒保初到川省時尙能振作近來號令不行惟以專剿冷添祿一股爲詞稽延數月迄未擒渠其餘各路軍營更難兼顧此卽事權不一之明証今特申明軍紀勒保著授爲經畧大臣賜以印信所有各路帶兵大臣及總督宜綿景安巡撫倭什布奏永忠高祀等悉受節制明亮額

勒登保素諳軍旅且辦理川楚那匪以來明亮剿平孝感賊匪額勒登保擒獲首逆覃加耀均曾著有勞績俱著實授副都統授為叅贊大臣伊二人應否與勒保同在一路抑或別領一軍分佈要路之處著勒保酌量情形辦理其餘將領俱著勒保酌派具奏同知劉清聞其平日官聲尚好著勒保奏明量予陞擢以從民望勒保接奉此旨不得以專剿冷添藉藉口應將此股賊匪交提鎮大員督兵剿辦伊即帶領重兵或於川省或於陝省擇扼要適中之地居中調度統攝各路其有不遵軍令者即行指名叅奏若貽誤重大軍情准其一面擊究一面具奏以重事權勒保身當重任尤應倍加感奮迅勉成功若能殲厥渠魁掃除餘孽必當加之懋賞優獎勲勞倘或仍前怠玩則受任專者受

聖祖實錄卷八十八

五

罰亦重軍律具在勒保恐不能當此重戾也永保前在軍營獲咎業經釋放著加恩賞給藍翎侍衛賚送經畧印信前往軍營在領隊侍衛上行走至近日臣工等多有條奏軍務者若僅懸揣核議不過紙上談兵無裨實用著將各摺發交勒保閱看可行則行可止則止毋庸一一議奏

上又命軍機大臣傳諭勒保曰教匪聚眾滋事皆以官逼民反為詞昨冬賊首王三槐解到審訊時供詞亦有此語朕聞之殊為惻然是以暫停正法我國家百數十年來厚澤深仁周洽寰宇

皇考臨御六十年無時不厪念民生痾瘵在抱普免天下錢糧漕糧以及蠲緩賑貸不啻億萬凡所以惠愛閭閻者至優極渥朕仰承

付託之重夙夜兢兢視民如傷一夫不獲宵肝殷懷豈

聖祖實錄卷八十八

六

忍令數省蒼生罹於鋒鏑哉百姓幸際昌期安土樂業若非迫於萬不得已焉肯不顧身家鋌而走險總緣親民之吏不能奉宣朝廷德意多方婪索竭其脂膏因而激變至此然州縣之所以剝削小民者不盡自肥已橐大半趨奉上司而督撫大吏之所以勒索屬員者不盡安心貪黷無非交結和坤是層層剝削皆為和坤一人而無窮之苦累則我百姓當之言念及此能不痛心是以將和坤立正典刑以申國法而快人心現在大憝已去綱紀肅清下情無不上達各省官吏自當大法小廉前除積習民間無所擾累亦可各遂其生且教匪起事之初醜類原屬無多到處迫脅良民供其役使及賊勢方張之際突入村莊任意焚掠不從則立加殘害從之則莫緩須臾愚氓畏死貪生被其裹

欽定剿平三省邪匪方略

正編卷八八

七

掠此小民不得已之苦情朕知之詳而聞之熟矣夫教匪起於楚北沿及河南川陝地方往來奔竄肆其荼毒村落為墟吾民遭其蹂躪者不知凡幾而賊匪每遇官兵又使裹脅之人在前抗拒經官兵殲戮者又不知凡幾或父兄叔姪被其戕殺或妻妾子女被其擄掠苟有人心能無切齒不過畏賊兇焰莫敢先發此時軍紀整肅鼓行而前著名首惡即日成擒所可憫者脅從之人皆朕赤子不忍駢誅耳從來命將出師祇有征討不庭斷無用兵誅戮良民之理特此剴切宣諭各路賊隊中之良民如有能縛獻賊首悔罪立功者不但宥其前罪尙可加前年湖南投出之苗匪吳隴登等格外邀恩否則或潛行散去或臨陣投降亦必釋回鄉里俾安生業倘執迷不悟軍行所至玉石俱焚悔

欽定剿平三省邪匪方略

正編卷八八

三八三

將何及著勒保將此旨遍行曉諭川陝楚豫各地方咸知朕意

臣等謹按皇當則民服良安則暴除川楚教

匪日久未奏蕩平賊蹤所至荼毒滋深而各

路帶兵大員勢不相下又以和珅專擅牽制

不免心存觀望

皇上於軍務民隱洞燭靡遺茲於

親政之始亟除大慙

朝綱既清軍政斯飭

特遴勒保為經畧大臣賜以印信明亮額勒登保為

叅贊大臣俾事權歸一統攝戎樞而又

重申誥諭遍示三省居民使脅從之徒咸知感畏

訓辭深厚仁育義正此繼

志述

事之心所由奠民生而承

吳佑也

二十二日辛勒保奏言臣督兵追剿冷添祿二

股竄匪進抵温湯井地方適王光祖等匪眾擾

及新寧該縣節次告急並恐與冷添祿乘間合

夥當飭百祥穆克登阿由紫水壩進發力剿冷

添祿股匪臣即取道馳赴新寧一面迎頭攔截

一面察看兩路賊勢相機剿辦甫到分雲坡據

探王光祖賴儀章兩起賊匪知有大兵到來即

由普安場退赴檀木場仁市鋪一帶維時額勒

登保剿捕徐添德股匪由蓬州之兩峯坵干佛

巖等處節次兜擊該匪等力不能支即向廣安

折窳額勒登保跟蹤迅剿其富成劉君輔等兩

路官兵亦會合前來額勒登保督率阿哈保劉

君輔場遇春富森布等專剿徐添德大夥賊匪
進抵蕭家溪正遇賊匪西渡渠河經官兵分路
抄殺斃賊一千五六百名淹斃者不計其數擊
獲活賊嚴大林等七百餘名賊匪更爲震懼乘
夜從卷礮門石笋寺一路至仁市舖與王光祖
等竄合臣到新寧據報仁市舖一帶賊匪愈聚
愈衆卽趕緊督兵從檀木場前進適額勒登保
差弁繞道知會前來隨約會督兵兩面夾攻賊
衆於屢經剿敗之後情形惶急捨命狂奔至梁
山之老鷹場額勒登保星夜兼馳從黃土坡繞
出賊前出其不意督兵迎擊斃賊五百餘名生
擒李文志等一百餘名臣至石竹坪地方正值
王光祖一股匪衆在後抵拒臣督兵趕到殺賊
三百餘人生擒秦明以佑等七十餘名臣隨即卽

剿平匪方彙編卷六

十一

潰竄至冷添祿股匪先至三登坡因大兵繞出
新寧不敢西竄隨搶上新開交界之蔡家山冀
圖踞險屯紮經百祥穆克登阿帶兵驟至立時
擊散該匪等復從臨江市竄至邵家場晝夜奔
逃毫無定向官兵屢次剿擊現在匪衆均向三
會場水磨河一帶奔逸臣查徐添德等所竄路
逕係梁山墊江交界冷添祿所竄路逕係梁山
忠州交界現在知會額勒登保帶同劉君輔等
由墊江一面兜截派令百祥穆克登阿從忠州
一面緊追臣帶領官兵由梁山中路進發總期
分投布置將各首逆設法生擒肅清匪黨連日
打仗百祥等一路陣亡參將何之璞一員劉君
輔等一路陣亡遊擊楊洪新把總張登鰲二員
其餘受傷陣亡兵勇另行查明咨部再查成都

剿平匪方彙編卷六

十二

副都統勒禮善帶領滿兵在達州駐劄防守上年十二月十三日猝患中風出缺所有原帶滿兵查有頭等侍衛明興先在達州養傷漸次痊愈臣已檄行就近暫行署理以資帶兵彈壓又臣前因龍紹周等股賊匪在奉節大寧邊界往來奔竄派令副將呂朝龍帶兵策應以遏其東竄之路嗣據探報龍紹周樊人傑折竄太平當即飛飭叅將楊秀上緊堵截而卜三聘龔建等尚在奉節巫山一帶游奕滋擾屢次窺伺郡城伏思夔州為川楚門戶設被闖入楚疆殊有關係茲觀成搜剿祖師觀餘匪淨盡臣即飭令帶領原兵馳赴夔州相機堵剿奏入

上命軍機大臣傳諭勒保曰據奏剿賊情形仍未能將冷添祿截住又任其奔竄梁山忠州交界地方

而王光祖一股匪眾又與徐添德合夥其所稱分路殺賊一千五六百名想仍係被脅難民必非邪教真賊但額勒登保星夜兼馳往來截擊披閱之下亦覺可憐現在勒保知會額勒登保等由墊江一路兜截徐添德又令百祥等從忠州一路緊追冷添祿而勒保由梁山中路進發分投布置尙合機宜當趁此各路大兵會合之時迅縛渠魁不得以賊匪逃逸並無定向為詞稍有遷延所有打仗陣亡之叅將何之璞遊擊楊洪新把總張登鰲俱著咨部賜卹至稱賊匪卜三聘等尚在奉節巫山一帶游奕窺伺夔州郡城勒保令觀成帶兵前往堵截一節所辦亦是夔州為川楚門戶自當認真堵禦勿令賊匪闖入楚境為要又成都副都統勒禮善患病出缺著勒保於軍營出力人員內保舉

聖祖聖訓卷六十六

十三

聖祖聖訓卷六十六

十四

二三員候朕簡用

二十四日癸未惠齡德楞泰奏言臣等仰仗

天威於元日擒渠掃穴因探聞太平一帶尚有賊匪

當即帶兵起程行抵太平之王家壩接據署太

平令鍾蟠雲稟稱正月初三四等日探聞樊人

傑等各匪在陝省西鄉長嶺梨壩一帶游奕川

省太平地方現無賊蹤並聞宜綿恒瑞秦承恩

聖旨邪匪廣編卷六

十五

王文雄關騰慶溥柯藩俱在邊界帶兵分投剿

捕等語看來自易得手臣等相隔甚遠勢難兼

顧且川東賊股甚多尤應就近移師相機剿辦

適接勒保來札據稱徐添德王光祖張映祥包

正洪冷添祿等分路四竄均在忠州萬縣梁山

墊江廣安大竹一帶地方遼濶賊股衆多囑令

臣等帶兵竟赴梁墊一路會合剿辦伏查陝界

賊匪既有宜綿等多人在彼截剿諒可殲除現

在川東情形甚屬緊要自當趕緊前往即於十

四日由達州一帶前赴梁山墊江等處合力剿

辦奏入

上命軍機大臣傳諭惠齡德楞泰曰樊人傑等不過

內地亂民宜綿等督撫提鎮多人不能擒獲一賊

能無羞愧而惠齡等又以陝界賊匪已有宜綿等

聖旨邪匪廣編卷六

十六

在彼截剿不復兼顧此等互相推諉惡習相沿日

久竟屬牢不可破今惠齡等因接勒保札稱川東

情形緊要即就近移師梁山墊江等處剿捕自亦

是一辦法但惠齡既至川東以後若又不能擒獲

徐添德冷添祿等則又將以何辭塞責耶朕素聞

各處情形湖北則教匪多而脅從少川陝則教匪

少而脅從多此等匪徒誅之不可勝誅除著各各

首逆自當悉數殲擒斷難寬貸外其餘逼迫附和之衆若有臨陣投降悔罪乞命者不妨剿撫兼施以期解散賊黨前因惠齡等拏獲賊首羅其清等文儔著有微勞登經加恩豈竟全無良心不知激發且以各路軍營帶兵打仗而論衆人已不出力而惠齡在衆人中尤爲最不出力之人惟專以擒一賊首希藉邀功卽有另股賊匪經過伊亦置之不顧此等情形朕知之甚悉今勒保已授爲經略惠齡等俱受其節制所有冷添祿徐添德王光祖等各股竄匪應如何率領官兵相機截擊皆係惠齡分內之事倘遇有檄調或藉口稽遲或從中掣肘則是有心玩愒必當按律治罪凜之慎之上又命軍機大臣傳諭勒保曰前經授勒保爲經略令各路帶兵大臣及湖北陝豫各督撫悉受節制

聖祖實錄卷六十六

七

責任不爲不專惠齡接到勒保知會卽帶兵前赴川東現已降旨飭令惠齡到彼認真剿辦徐添德冷添祿等股賊匪是該處兵力不爲不厚勒保呼應亦不爲不靈若此時再不力加振作殲獲渠魁更將何辭推卸耶蓋經畧之任甚重從前如鄂爾泰之辦理古州苗疆傅恒之平定金川皆以經畧成功今勒保身膺重寄惟當以鄂爾泰傅恒爲法况勒保係溫福之子溫福前以將軍督兵進剿金川辦理未合機宜致在木果木償事勒保尤應深鑒而事勉樹勳績爲伊父爭此顏面而川楚教匪早矣蕩平完此第一件緊要之事朕亦可仰慰皇考在天之靈矣勒保前因擒獲王三槐已蒙皇考施恩晉封公爵今若能將各首逆以次擒獲迅速蕪功朕仍當加之懋賞勒保方爲不負委任也

聖祖實錄卷六十六

六

二十五日甲申

上諭內閣曰松筠數年駐藏辦理諸事謹慎妥善著來京補授戶部尚書所有駐藏大臣事務著英善就近由四川前往接辦其四川省糧餉事宜著交明興妥為辦理

二十七日內宜綿奏言臣馳赴紫陽因賊匪李

樹樊人傑龍紹周張世瓏等均竄聚西鄉漁渡

剿平三省邪匪方略卷六十八

九

壩正在分派總兵慶溥柯藩會同恒瑞王文雄

分路進剿十二月二十日接據平利縣知縣任

奎光稟報有川匪二千餘人由黃安壩竄入縣

境之乾溝地方恐鄉勇不能堵禦請兵救援臣隨

派叅將韓加業帶領兵勇前往堵禦復飛調防

守王黑壩之總兵慶溥同副將李文蔚統兵馳

赴滔河迎頭截擊正月初七日賊匪攻撲安康

之亢河腦經署縣丞丁福志典史李林等同義

首汪兆洪率領鄉勇擊退擊獲賊犯焦卓清據

供此股賊匪係李樹分出之夥黨湖廣人靖金

宋麻子為首欲竄入紫陽鎮安一帶與張漢朝

合夥等語隨飛飭韓加業由木竹埡進剿於十

一日正遇賊焚掠即帶兵趕上殺斃賊匪五十

一名生擒萬正祿等八名該匪遂翻山逃遁韓

剿平三省邪匪方略卷六十八

三

加業追出斑鳩嶺惟時李文蔚之兵正在黑虎

廟堵截賊匪不能出洞汝河遂由六道河權河

一帶奔竄十三日慶溥從雷打石帶兵抄出權

河率同叅將李逢春遊擊洪德槐他哈朱天貴

都司楊雲霄從六道河左邊山溝兜剿韓加業

李文蔚由六道河右邊率兵趕殺兩路並進該

匪等見官兵追逼捨命抵敵我兵亦從捷徑突

出三面圍攻爭先進剿該匪遂翻山亂竄我兵
緊追殲賊二百餘名生擒陸西友等十四名賊
眾由界嶺奔往川境廟子壩地方我兵追上界
嶺時已夜深即分紮營卡堵截十四日五鼓慶
溥復同韓加業李文蔚金鳳等趕赴廟子壩追
殺七十餘里斃賊一百餘名賊匪俱遠奔川境
所有三次殺賊陣亡千總馬龍圖把總高瑛二

《剿平逆匪方略卷六十六

三

員兵勇亦間有傷亡俟查明咨部

臣

隨將獲賊

陸西友等嚴訊與焦卓清所供相同即行正法
其漁渡壩各股賊匪經柯藩在龍洞溝打仗生
獲賊人龍玉成供係龍紹周胞姪因該犯受傷
甚重隨即梟示嗣經王文雄於正月初一初二
初二等日連次打仗賊眾竄至長嶺一帶屯聚
查長嶺南去即係川境西北一帶路徑分岐

處處仍可闖入 因平利賊匪竄回川境隨留
李文蔚駐兵界嶺即親帶慶溥韓加業之兵由
紫陽一路會同恒瑞王文雄相機剿辦長嶺各
股賊匪再賊匪張漢潮從盧氏折回翻山入五
郎境內 因堵剿平利賊匪不能兼顧隨飛飭
關騰繞道前赴石泉要隘堵剿該匪分為兩股
前股翻山逃往鳳縣留壩邊界經總兵官信遊

《剿平逆匪方略卷六十六

三

擊邢承誥守備尙其倫等分路迎追現經明亮
與肇帶兵趕上正可併力截剿其後股之賊經
關騰在石泉之柏木溝地方截住復折回鎮安
之燕子嶺現在奮力追擊奏入

上命軍機大臣傳諭宜綿恒瑞王文雄曰宜綿奏堵
剿竄匪連日打仗情形若不切要以各路將領多
人並未能擒獲李樹樊人傑等併分出為首之夥

賊靖金宋麻子亦未能弋獲所剿賊匪亦屬無多且恐皆脅從之人未必果係真賊並有以張漢潮誘卸與明亮興肇之意宜綿又未身在行間僅據稟報之辭一奏塞責仍蹈素日積習朕向聞宜綿自帶兵剿賊以來賊至則不敢向前賊去則移營前往因將軍機處抄存伊節次奏摺底詳加核對皆於無賊處所駐劄畏葸無能巧於退避實與朕所聞相符卽如本日奏到之摺既稱張漢潮竄入五郎境內伊以堵剿平利賊匪不能兼顧爲詞其實平利一股賊匪又不見其親往剿辦僅委鎮將等帶兵堵禦俟賊匪竄回川境後宜綿始由紫陽趕赴長嶺此卽避賊之明證宜綿著傳旨嚴行申飭並著卽解任來京候旨所帶將弁兵丁等卽交與恒瑞王文雄管領伊二人一係將軍一係提督

聖祖聖訓卷六

三

聖祖聖訓卷六

三

陝西卽其所轄呼應必靈當以堵剿陝境竄匪爲專責倘有逸賊奔回川省者自有勒保額勒登保惠齡等在彼殲殺伊二人不必赴川轉使賊匪聞知領兵大員皆在川境又復折回陝境滋擾也若嗣後有川匪闖入陝境往來自如者則惟伊二人是問所有此次打仗陣亡之千總馬龍圖把總高瑛均著咨部賜卹總之邪匪必不可赦良民必不可誅剿撫兼施方爲正辦恒瑞王文雄惟應恪遵指示認真堵剿上報

皇考委任之恩下救黎民倒懸之苦此我君臣所共當勉者也

上諭內閣曰宜綿自帶兵剿賊以來並不能親臨行陣堵剿竄匪且年老多病恐其貽誤軍務宜綿著卽解任來京候旨所有陝甘總督印務著恒瑞署

理秦承恩聞亦多病精神不能振作想伊才具本短又因伊母故後心緒昏瞢陝西軍務緊要秦承恩不必署理巡撫著卽回籍守制永保著賞給頭等侍衛銜署理巡撫事務俟資經畧印信到川面交勒保後著卽馳回陝西接印任事

二十八日丁亥恒瑞秦承恩奏言查南路各股賊

匪前由川省竄至西鄉漁渡壩魯家壩毛壩河

《制書彙編卷六十八》

三五

等處王文雄由堰口馳往督率參將鮑貴都司

關聖保梁煥等分兩路進兵將魯家壩毛壩河

賊匪剿殺數十名至百餘名不等賊匪畏懼又

因中路各卡堵禦嚴密隨會合漁渡壩之賊向

西奔竄乘夜攻撲楊柳山卡隘經臣秦承恩派

防該處之義首回宗與李顯中等帶領鄉勇鐵

賊數十名賊匪退去又西竄大巴山雒家壩等

處分路率級官兵希冀乘間衝突俱經臣恒瑞

督率巴圖魯侍衛江鼎副將德忠凝德等先後

擊退殲斃甚多生擒執旗賊目一名訊係首逆

龍紹周之姪龍日禮帶領夥匪前來撲卡當卽

正法賊復西竄南鄭花石梁又經該處守卡鄉

勇據險堵截未令闖入現在各股賊匪分竄四

川通江之朱家壩廣家店等處屯劄距南鄭邊

《制書彙編卷六十八》

三五

界甚近並有分股賊匪折竄西鄉南路臣恒瑞

現移兵南鄭法慈院一帶探明賊近何路卽赴

何路截剿王文雄暫駐西鄉罐子山臣恒瑞復

派總兵關祥帶兵在大巴關一帶幫同王文雄

相機堵禦臣秦承恩督率文武員弁兵勇往來

防範至北路張漢潮一股由南山內奔竄擾至

蓋屋二郎壩欲由觀音峽竄入平地掠食副將

官信遊擊邢承詒等從間道抄出截殺多名賊
 遂翻山晝夜狂奔西竄鳳縣之紅花溝其地北
 接寶雞西通兩當官信等隨覓路趕至寶雞顧
 住大路卽由鳳縣一帶向南追剿明亮與肇等
 帶領官兵由褒城沔縣繞出賊前向北迎擊其
 兩當縣邊境現亦駐有官兵並經臣秦承恩先
 飭該地方官添集鄉勇嚴密防堵有此三路兵
 勇自可會合兜圍尅期撲滅臣等欽奉
欽定剿平三省邪匪方略 正編卷八八
三
 諭旨諄諄訓誡惟有殫竭血誠奮力剿辦斷不敢稍
 有稽遲自干咎戾再張漢潮一股尙有衝散餘
 匪竄至鎮安山內宜綿已派總兵關騰帶兵搜
 洗
 同日景安奏言張漢潮一股賊匪前經遁赴五
 郎洋縣一帶經臣派合總兵王凱帶兵千餘名

駐守郎西邊境以防折竄臣暫駐郎陽適中之
 地以爲南北兩路策應茲准宜綿札會張漢潮
 股匪在石泉地方經官兵衝殺截爲兩股前股
 由洋縣趨赴留壩鳳縣一帶經明亮與肇帶兵
 趕至漢中截擊其後股約有千餘人由漢陰安
 康折回鎮安境內止有總兵關騰帶兵剿捕又
 成尾追之勢必致東入郎西境內等語並據總
欽定剿平三省邪匪方略 正編卷八八
三
 兵王凱稟報賊匪於十六日已至鎮安穆王坪
臣查郎西鎮安接壤山路紛歧雖有王凱帶兵
 駐守尙不足恃臣卽帶領官兵馳赴郎西邊界
 迎頭截剿斷不使一名闖入均奏入
 上命軍機大臣傳諭勒保恒瑞明亮與肇秦承恩王
 文雄景安日恒瑞秦承恩奏南北兩路賊匪情形
 仍屬敷衍空言毫無切實卽所稱王文雄將營家

壩毛垵河賊匪剿殺數一各恒瑞在大巴山將衝
突賊匪殲斃甚多之語皆不足信亦恐多係被脅
難民未必果皆真賊其擒獲之龍曰禮亦僅據伊
等指爲逆首龍紹周之姪現已正法又何從究其
真僞至秦承恩久經患病朕早有所聞今摺內尙
稱督率文武員弁防範各卡並稱奮力剿辦不致
稍有稽延試思剿辦教匪以來伊等怠玩稽延已
及三年毫無功效居心實不可問尙靦顏爲不敢
之言將誰欺乎總之伊等帶兵督撫大員畏蕙無
能惟知每隔數日將各處稟報情形委之庸劣幕
友鋪敘一摺人告塞責而摺內多填粉飾之詞藉
爲寬慰其實自占地步此習若不除盡則軍營真
情無由上達朕聽朕將何所據而施之筆畫乎嗣
後汝等辦理軍務惟當一洗從前陋習總期核實

《剿平苗匪方略卷六十六

三

或將某處賊匪剿除或擒獲著名首逆卽等呈剿
殺者亦必果係真賊方准據實奏報否則寧遲數
日不得仍前按期發摺虛語搪塞徒勞驛遞也至
張漢潮一賊老病無能現已窮蹙到處掠食經明
亮興肇繞出賊前官信邢承諾緊躡賊後而兩當
縣邊境駐有官兵並添集鄉勇正可兩面夾擊此
實大好機會明亮等務須倍加奮勉生擒張逆不
可復令逸去至各股賊匪現皆屯集川境明亮等
若能迅將張逆股匪全數殲除則陝境可就肅清
卽可帶領勝兵前赴四川遵照前旨或與勒保同
在一處或別領一軍分布要路與勒保會商辦理
至恒瑞王文雄二人昨已有旨令帶宜綿之兵在
陝境駐劄伊等惟當以疆域爲重在邊界要隘堵
剿各股竄匪不得越境剿賊轉致賊匪得以乘虛

《剿平苗匪方略卷六十六

三

關入本省境內爲要再副都統前經派往軍
營帶兵今各路奏摺總未見提及訥音究在何處
藏匿並著勒保查明覆奏至景安所奏馳赴鄖西
邊界迎剿張漢潮一股竄匪全不切實亦係空言
張漢潮股匪前經竄入陝境五郎洋縣一帶湖北
鄖西邊界最關緊要乃景安遠駐鄖陽僅派令總
兵王凱駐守鄖西殊屬畏怯退避現在張漢潮已
竄留壩一帶而後股賊匪復由安康折入鎮安與
鄖西境壤緊接景安摺內止知關騰帶兵剿捕又
成尾追之勢不知責已殊不思伊從前節次帶兵
堵剿時惟事避賊而行賊至則移營他往賊去始
遠躡賊蹤則併關騰尾追之不若矣卽如此時伊
果早駐鄖西賊至正可迎頭截剿又何待聞信後
始行前往乎况前經與否尙未可知著傳旨嚴行

欽定剿平三省邪匪方略

正編卷八八

申飭現在該營業經帶兵到後務須督飭鎮將弁
兵實力剿捕毋使真賊一名漏網以贖前愆尙仍
前觀望遷延又致賊匪擾及楚境則軍法具在斷
不寬貸也

欽定剿平三省邪匪方略

三九五

欽定剿平三省邪匪方略正編卷八十九 已未年

二月初一日 已未 署甘肅布政使廣厚奏言 臣 接

據三岔州判並秦州稟報陝西竄匪由鳳縣關

入三岔之楊家河利橋東岔溝等處地方旋分

股奔竄秦州屬之街子鎮口頭寨馬跑泉皂角

舖各處焚搶現在存城兵數無幾不敷剿捕 臣

查秦州一帶山徑叢雜地方遼濶在在與陝省

鳳漢相通且寄居種地之川楚民人甚多必須

逃為截剿庶不致勾結蔓延當即飛咨駐防徽

縣之署河州鎮臣吉蘭泰刻即酌帶弁兵星赴

秦州並就近調固原兵五百名速往截擊 臣 亦

即日帶領督標兵五百名兼程前往策應以期

及早殲除奏入

上命軍機大臣傳諭廣厚曰秦州一帶與陝省鳳縣

接壤前據恒瑞等奏張漢湖翻山西竄鳳縣是由

鳳縣關入甘境之賊即係張漢湖一股今在秦州

地方分股焚搶實為可惡廣厚聞信即咨總兵吉

蘭泰調兵截擊廣厚亦即帶兵馳往所辦俱是惟

當認真堵禦實力剿辦毋任賊匪蔓延若能殲除

淨盡即係廣厚吉蘭泰之功定加懋賞即或未能

撲滅亦應將匪眾截回川省俾秦州一帶安堵如

常總不可使甘省小民復遭兵燹也

初三日 辛卯

上命軍機大臣傳諭勒保馬慧裕曰自川楚邪教匪

徒滋事以來所過地方劫掠良民焚燒村落迫脅

萬狀輾轉煽惑良民不得已而從賊日以寢多奔

驅三載不能自拔者數逾十萬室廬焚蕩田畝拋

荒欲返則無所歸即歸亦無所食其勢不得不託

賊巢爲棲身之所藉盜糧爲餬口之資此非徒作
招撫之空談所能收解散之實效者也國家憫念
赤子累歲流離敷衍從罔治之仁播威與維新之
治前經降旨剿撫兼施蓋自古惟聞用兵於敵國
不聞用兵於吾民朕日夜哀憐幾至寢食俱廢百
姓極困思安久勞思息諒必一見恩旨翕然來歸
第思既歸之後目前則何以食之將來則何以居
之務使此番安集卽成永遠規模設非慮及他時
恐倍難於今日凡從各股賊匪中受撫來歸者應
如何綏輯安插之處令勒保就近傳喚同知劉清
文川省素有清名之州縣俾悉心妥議具奏劉清
旣素諳民望必能深識民情他鄉流落者如何資
送還農失所無依者如何編丁占籍朕偶閱明史
成化中項忠原傑先後辦理荆襄流民一案具有

欽定剿平三省邪匪方略

正編卷八九

章程或可採取其法施之當今或因事異時移不
宜泥古可一一詳細奏聞至陝省撫輯情形馬慶
裕新授藩司正伊職分中事亦著詳議具奏
臣等謹案我
國家深仁厚澤百數十年薄海民生無不淪肌浹
髓乃川楚教匪滋事蔓延勾結在梟獍之徒
自作不靖固由自取誅夷而愚魯游民怵於
邪說被其誘習者無知陷罪實所不免至於
安分良民迫於劫掠田廬蕩然不得已爲賊
所驅其情尤覺可憫
皇上抱如傷之至念
燭小民之幽隱前已
諭令帶兵大員剿撫兼施茲復
申訓諄諄籌所以安集遠定之方並以

欽定剿平三省邪匪方略

三九七

幾餘披覽前史

示以則儆

仁心仁聞溢於

綸綍其讀之而不知恥且格者亦真

覆載所不容者矣

初六日甲午勒保奏言此次教匪不法蔓延三省

日久稽誅實堪痛恨臣仰蒙

聖鑒

五

委任不能及早歲功慚懼萬狀茲奉

諭旨畀以總統之寄伏念該匪妄作不靖原不過如

王倫田五之類起事之始無難即就殲除迨日

久滋蔓漸肆鴟張川東川北胥經蹂躪而陝楚

賊匪又復不時出沒及臣去年正月到川剿辦

已屬不易是以通籌大局惟有肅清一路再辦

一路以冀次第殲除至於賊匪伎倆緩則游奕

自如急則併力相拒大概聚合之日少而分竄

之日多不特藉以牽綴官兵並圖處處掠食一

經官兵追剿則往往翻山越嶺乘空奔逃迨官

兵甫能追及而賊匪或又旁趨轉成在後此所

以兵勞而賊逸也又如賊之起事傳教收徒根

株本廣而每到一處裹脅一處則夥黨更多愚

民被擄之後以為既陷於賊兵到必誅轉各自

聖鑒

六

為戰及兵刃既接已未能分別脅從且脅從之

眾均有真正賊匪相率而行所以殲戮之數益

千累百誠不免玉石俱焚而賊數漸剿漸滅復

又旋擄旋增此所以兵單而賊眾也夫用兵剿

賊惟在鼓其銳氣此次之兵剿捕教匪已及三

年且其中大半均係楚南苗地撤回隨征更久

如臣去年所調雲貴官兵一萬則又悉係新招

不諳紀律當此賊蹤靡定之際東馳西逐日久日疲每迺追剿緊急糧運稽阻枵腹而行露宿而住其勞洵爲可憫至於賊之倏聚倏散行不賞糧住不紮營既無一定窩巢亦無一定蹤跡此所以用兵之勢與他路軍營迥異也至如教匪首逆節次所奏不選擇其起事之最先而夥黨之較衆者而言其實賊匪之內分出一起卽有**一起爲首者剿滅之賊餘剩一起又另有一起爲首者多或數千人少或數百人不等茲謹就已經入奏者而計則如徐添德冷添祿王光祖樊人傑張漢湖阮正通張映祥龍紹周龔建唐大信卜三聘鮮大川等是也又有先經入奏各爲一起而現在歸入別股並無實在下落者如李全于廷詔高均德等是也又林亮功一犯**

節次訛同賊匪咸稱早經鎗斃而現在所有之包正洪蕭占國賴儀章張長更等皆其分股賊目又有已稱殲斃而尙聞現有其人者如張添倫王登廷等是也又有近據各州縣所稟另爲一股而未及奏入者則如辛聰張隴登是也約計大小賊匪不下一二十股到處分合無常臣受

恩深重既不敢以接辦較遲畧存卸責亦不敢以賊勢散漫稍涉畏難每遇帶兵經過之處無不廣發告示剴切曉諭許以自投免罪隨時散出者亦復不少烏合匪徒原不足以多寡論惟是兵力日疲緩急調派未免總不足恃此外又無可添調之兵則不得不就目前力量畧爲調劑因念臣次軍興需費浩大此番爲時旣久費帑更

多且事涉三省支用款項更不畫一自臣到川

以來會同福寧等力加撙節實不敢稍涉虛糜

第從前定例與目下情形有萬分不能援照者

如官兵終歲奔馳背負鍋帳不能不酌給夫騾

等事是以列款具奏嗣奉部駁臣又通行各路

一律遵照無如數月以來留心察看實有窒礙

難行之處臣與福寧等現在會商尚須另擬條

欵據實陳奏至此

九

外虛糜積弊無不實力革除

臣雖主愚斷不肯以無益之花銷貽身家之重

罪又如軍營報功陞賞原不應稍有旨濫此次

臣督辦教匪自維絲毫無效未敢屢有保奏即

地方題陞調補或因軍務轉致擔任第用人之

際實心出力者亦不乏人如蒙

聖慈不以臣等之無能仍准隨時錄及在事之勞勩

亦鼓勵人心之一道至惠齡才情辦事久邀

聖明洞鑒而額勒登保德榜於各路帶兵大員中

尤為知兵曉事勇往出力臣惟有殫竭血誠會

同籌辦先擇其大夥首逆併力翦除解散脅從

黨與通飭各州縣地方官曉諭百姓屯糧於寨

據險自守以杜賊匪擄人掠食之計申明賞罰

以作士氣調劑糧餉以利兵行庶幾早殲匪眾

綏靖地方

十

綏靖地方

勒保又奏言竊臣同額勒登保剿辦徐添德冷

添祿等股竄匪由梁山一帶進發嗣因徐添德

一股被剿情急從黃土坎翻山奔竄額勒登保

即帶領官兵由墊江邊界設法兜擊連次遇賊

於石門口高歇場姚家岩等處沿途殺賊自數

千名至百餘名不等進至大安寨地方因該處

樹林深密賊匪遠近設伏狡詐萬分額勒登保
卽一面紮營一面抽帶侍衛將領督率馬步官
兵二千餘名向前搜剿數十里內均有賊匪竄
匿我兵奮勇抄擊復斃賊三百餘名直至高家
壩其大夥匪衆始向東面尖山寨一路竄逸其
令添祿一股竄至水磨河因百祥穆克登阿帶
兵由忠州一面兜截賊匪不敢遠竄復折而至
梁山維時臣由石竹坪追剿王光祖一股賊匪
派令德英額薛大烈等分股抄截該匪不能與
徐添德合夥卽向新寧開縣交界鐵索橋一帶
奔逸正在哨探之次適據具報冷添祿一股賊
匪已至柏林壩百祥等督兵追趕由清水寨老
君灘等處緊躡前進而忠州墊江又有賊匪在
清水寨焚掠該鎮等就近迎擊殺賊三四百名

餘匪連夜肆竄與冷添祿合夥臣一經得信卽
由方斗寨改道馳赴柏林壩並飭百祥等趕由
黃土坎預備夾擊詎賊匪翻山越嶺不敢停紮
兩路官兵分投掩襲節次於老鷹場元壩驛斃
賊二百餘名該匪等卽由大竹一路竄去臣查
各股賊匪往來奔突均在梁山墊江大竹等處
仍界連隣水渠縣廣安各州縣輾轉追逐未免
徒形牽綴必須設法布置適接惠齡德楞泰來
信知於十八日進抵達州並稱渠大交界之林
壩溪已有賊匪竄擾恐後起大夥接踵而去是
以卽從達州督兵取道三灘以爲迎頭兜擊之
計臣現經札知惠齡等務將廣安渠縣一路趕
紮攔截如果賊匪被擊折回則梁山大竹墊江
正有臣與額勒登保及百祥穆克登阿等三路

官兵併力截剿可期痛加殲戮至將軍富成所
 剿張映祥一股賊匪現由蓬州南部靈及閬中
 恐該匪等復至蒼溪逼近大路是以富成即由
 儀隴觀音場小路繞出蒼溪相機剿辦又鮮大
 川一股賊匪向在太平通江邊界往來游奕嗣
 因冉文儔剿洗之後該匪即遁入南江屯踞飲
 馬池地方據報人數無多臣現飭總兵德齡即
 從通江帶領兵勇前往剿捕以免蔓延其奉節
 一路卜三聘等股賊匪自副都統觀成帶兵到
 彼扼要堵截未能東竄楚疆惟現有張添倫一
 股餘匪由雲陽竄入奉大交界恐其彼此合夥
 候觀成報有打仗堵禦情形再行具奏至連日
 各路官兵打仗候補遊擊德寧守備王大勇張
 維紀受傷陣亡其餘傷亡兵勇另行查明咨部

奏入

上命軍機大臣傳諭勒保曰教匪不過烏台之眾乃
 自剿辦以來時日則已閱三年經費則數逾七千
 萬總緣伊等各路軍營全不認真剿辦惟知苟延
 歲月軍中宴樂即如勒保另摺所奏軍營大概情
 形於兵餉一節即稱力加撙節於保奏一節即稱
 用人之際應准隨時錄用此不過指和坤從前於
 軍需銷算尅核過甚而於保列人員又復裁抑過
 多是以隱躍其詞今和坤業經伏法各路陳奏事
 件無不直達朕前勒保更復何所瞻顧至國家經
 費惟期實用實銷如果軍營情形實有難照常例
 報銷之處原不惜多費帑金無如各路軍營以正
 項錢糧供娛樂之費試令清夜捫心天良何在其
 打仗情形一摺鋪敘各路賊匪奔突緣由亦無頭

諸臣所稱賊首於從前指出姓名之外又復添出
數股並有已稱殲斃而復列入者此時勒保已授
為經畧事權既重呼應必靈惟當通盤籌畫於各
股賊匪中擇其尤要者先行剿辦其餘堵剿戰守
全在伊悉心調度務協機宜功成必膺懋賞倘再涉
遷延則軍紀具在朕必執法從事勒保寧不自為
身家性命計乎

聖訓纂要編卷之九

十五

同日廣厚奏言陝省盜匪由鳳縣闖入秦州屬
之三岔地方復分股奔竄街子鎮皂角舖等處
滋擾當經飛咨吉蘭泰帶兵迎剿臣自省馳往
策應途次據各州縣稟報街子鎮皂角舖之賊
復合為一股由成縣之汪家川竄赴禮縣之靈
橋准吉蘭泰咨會二十四日在禮縣靈橋地方
與賊打仗殺賊頗多奪獲騾馬器械等物並備

欽定剿平三省邪匪方略 正編卷八九

圖記一顆兵丁聞有受傷賊匪潰逃奔竄西和
縣界又據兩當撤縣稟報明亮與肇及總兵官
信自陝分路帶兵入甘均先後由成縣前進等
情臣查賊匪現竄西和之避風灣等處係在縣
城東南明亮等帶領勁兵從東進剿正可與吉
蘭泰會合夾擊惟西和北與禮縣接壤由寧遠
直達鞏昌郡城為赴省大路糧餉文報經由之
地東北與秦州連界即係賊匪來路今官兵俱
在東南截剿賊匪被剿緊急或由禮縣北竄鞏
昌或仍折趨秦州均為可慮臣隨時赴禮縣派
都司張廷相即帶督標兵五百名並督飭地方
官多僱鄉勇於總要隘口悉力堵截以遏其北
竄鞏昌之路並調涼州鎮兵五百名兼程行走
馳赴秦州堵禦以杜北竄至明亮等統領大兵

聖訓纂要編卷之九

十六

齊集甘境所需軍火糧餉臣現在趕緊籌辦委
 鞏昌府知府朱爾漢率同正佐幹員分運供支
 務期源源接濟再據秦州知州王賜均稟賊匪
 入汪家川之後二十二日拏獲探信賊匪王登
 甫一名正在訊供據皂角舖鄉勇蕭復有等稟
 報有南來五十餘人從該舖經過內有一人頭
 戴藍頂口稱官兵赴秦救援該鄉勇等察係賊
 匪《聖朝實錄卷之九》 七
 匪冒充卽約會衆人假意迎接引路蕭復有由
 小路赴城密稟該州王賜均會同署都司寇其
 臣吏目沈本立帶領兵勇出城至南河灘地方
 賊匪見兵勇人衆卽持械撲扎冀欲奔逃各兵
 勇一擁上前將該匪等全行殲斃奪獲騾馬六
 匹頭鳥鎗刀矛三十四件王賜均隨提王登甫
 指認據稱頭戴藍頂者係賊目人稱張飛餘係

予子手印理張有林等并訊據王登甫自認赴
 秦州探聽官兵信息等語當卽正法現飭查明
 出力鄉勇分別獎賞奏入

上命軍機大臣傳諭明亮興肇廣厚曰廣厚所奏情
 形賊匪竟已闖入甘境此股賊匪是否卽係張漢
 潮前在兩當徽縣一帶滋擾現經明亮興肇等帶
 兵進剿而總兵吉蘭泰又復從成縣前來正可兩
 面夾擊廣厚自應馳赴該處併力會剿大股旣除
 餘匪自應殲淨乃轉赴禮縣藉詞調派兵勇堵截
 要隘此不過如景安宜綿秦承恩輩於無賊處所
 遠避賊鋒又蹈伊等畏葸故智總之張漢潮老病
 無能窮蹙鋌走現在各路官兵衆集不難趁勢殲
 除若再令賊匪他竄蔓延則明亮興肇廣厚等將
 何詞卸責耶

初九日丁酉軍機大臣永瑄等奏言據川省先後
解到賊首王三槐羅其清羅其書三犯臣等嚴
刑審訊錄取供詞奏蒙

聖鑒查律載謀反大逆者凌遲處死等語今王三槐
羅其清膽敢於

光天化日之下糾約黨羽到處焚掠抗拒官兵均

屬罪大惡極羅其清胞弟羅其書隨同滋擾地

《聖朝聖訓編卷九

九

方阻截糧道實屬濟惡王三槐羅其清羅其書

均合依謀反大逆凌遲處死以彰

國憲而快人心其律應緣坐犯屬應令該督等查

明照例具題核辦奏入得

旨王三槐羅其清羅其書俱著即凌遲處死

同日

上命軍機大臣傳諭勒保曰軍機大臣會同刑部審

訊羅其清據供在方山坪屯劄一年帶兵之朱大

人百大人總未與之打仗得以徂住營寨從容種

地等語帶兵大員剿辦賊匪與賊相持至一年之

久老師糜餉竟不進攻任聽賊匪屯劄營寨從容

耕種玩愒軍務坐失事機莫此為甚果如所供自

當嚴辦示懲以肅軍紀但訊問王三槐又有朱大

人最能打仗之供未知孰是著勒保嚴密查明在

《聖朝聖訓編卷九

三

方山坪帶兵之朱百二人是否即係諸神保或朱

射斗百祥有無一年未經打仗之事據實具奏如

實似此玩愒即一面奏聞一面將該二員革職解

京治罪毋稍徇隱彼時勒保尙未前抵軍營亦無

所用其迴護又據王三槐供川省官員聲名好者

除劉清外尙有新寧趙知縣巴縣吳知縣二員朕

聞川省有趙華吳桂二員官聲素著王三槐所供

是否即係此二人亦著勒保查明具奏

上又命軍機大臣傳諭惠齡日本日解到羅其清命軍機大臣審訊據供惠將軍一路兵丁較為軟弱等語惠齡係滿州大臣帶兵剿賊自應倍加勇往以為將士表率乃賊犯供稱惠齡一路兵丁軟弱可見惠齡惟知貪尚安逸坐糜廩給全不知策勵兵丁身先督率以致官兵積疲成玩不但不能殺賊而並為賊匪所輕朕素聞惠齡在軍營最不出力今合之羅其清所供是朕前此所聞竟屬不虛惠齡似此怠玩偷安其咎甚重節經降旨飭諭若再不知愧懼力加振作一洗從前積習惟有執法從事斷不稍貸

十二日

庚子恒瑞奏承恩奏言臣恒瑞因竄至通

江朱家壩等處之賊距南鄭邊界甚近當經移

聖訓重纂卷六十九

三

兵法慈院一帶截剿正月二十六七日賊匪

分竄南鄭毛狗洞小壩石方坪廟壩等卡晝夜

攻撲當經分督官兵同臣泰承恩督率鄉勇隨

時奮力迎擊賊匪未能闖入隨竄赴南江鐵溪

河九閣山一帶其折竄西鄉南路賊匪兩股由

固縣營囑旗壩至王黑壩一帶經宜綿派令總

兵柯藩慶溥由紫陽瓦房店前進王文雄由西

聖訓重纂卷六十九

三

鄉堰口前進兩路逼剿隨分股由戴石川一帶

向東南奔竄柯藩慶溥趕緊踏路追剿王文雄

暫住老漁壩適中之地以防賊匪折竄臣等正

在分布堵剿間接據寧美州馮裕定都司王興

朝稟報川省張應祥包正洪蕭掌櫃等大股賊

匪已到廣元之千佛崖九黃岩一帶將軍富成

總兵朱射斗緊躡追剿又有一股在廣元之梅

樹坵奉華寺等處滋擾均與寧羌邊界切近

臣

恒瑞聞信卽由南鄭邊界兼程馳往寧羌迎頭

截剿臣秦承恩仍於南鄭毛狗洞一帶邊卡督

率鄉勇防堵務期益加嚴密奏入

上命軍機大臣傳諭恒瑞王文雄日前因宜綿秦承

恩在陝連年畏葸貽誤俱經降旨解任特令恒瑞

署理陝甘總督現在已將松筠補授但到任尙需

欽定剿平三省邪匪方略

正編卷八九

時日陝甘辦理軍務正關緊要從前恒瑞之兄恒

秀在吉林得罪甚重特加恩寬免仍棄瑕錄用恒

瑞在臺灣時亦曾獲咎今復委以署督重任恒瑞

當倍加感奮以圖報稱至所奏剿賊情形將各股

賊匪迎擊堵截未令闖入陝境所辦尙是前經降

旨各該督撫惟以疆域爲重不必越境剿賊轉致

賊匪得以乘間繞至後路滋擾於無兵之地該署

督等惟當遵照前旨悉力堵禦將賊首張應祥等

拏獲掃除餘孽剿撫兼施勿注意止擒逆首任餘

匪仍復蔓延至擒拏著名首逆如能生致固屬甚

善卽或臨陣被殲亦無不可嗣後如拏得首犯不

必解京卽於本處極刑梟示卽可使本處餘賊皆

知所做又免驛站往返之勞至此大截剿賊匪王

文雄又在老魚壩一帶駐守藉口防賊其實觀望

欽定剿平三省邪匪方略

正編卷八九

逗遛又蹈陋習宜綿惟知安坐派人秦承恩從未

統兵剿賊而指內尙稱邊卡益加嚴密可謂無恥

此時宜綿秦承恩皆將離任王文雄務須幫同恒

瑞認真堵剿倘再涉遷延則軍法具在毋謂寬典

可以屢邀也

欽定剿平三省邪匪方略正編卷九十 已未年

二月十三日 辛丑 明亮與肇奏言張漢潮股匪屢

經躡剿率領殘敗餘匪向無兵勇處所日夜狂

奔盤繞萬山重疊之中往來人跡罕經之處總

思躲避追兵圖延殘喘查賊眾自豫折回陝省

地方擄掠人民馬匹漸又鴟張 臣 等於十六十

七等日始探得賊匪由徽縣偏南奔走趕至武

剿平三省邪匪方略正編卷九十

關該匪已竄至鳳縣屬之兩河溝若再躡蹤追

擊張逆必向南奔突梗塞棧道關係非輕兼之

川匪接踵北竄尤恐合夥蔓延是以迅即由武

關褒城折回兼程馳赴沔縣大安驛畧陽一帶

扼截緊要路口以杜賊匪南竄並可迎頭攔截

二十一日馳抵鐵廠子地方適值該匪探馬竄

至 臣 等前隊探事兵勇擒獲長探賊目高名順

等五人訊據供稱張漢潮無路逃生連次打仗

被官兵截殺人多想到四川與同教人合夥再

作計議差我等先來探路餘無要供當將該犯

等正法飛即督兵前進該逆聞風折回連夜由

徽縣成縣重山複嶺中竄至甘省兩當邊界 臣

等倍道緊追二十九日探得張漢潮在鳳縣屬

之唐藏地方屯紮 臣 等由楊家店清水河一帶

剿平三省邪匪方略正編卷九十

分布各兵扼截南竄之路其西北二面本有甘

肅鎮臣吉蘭泰官信分路帶兵追剿亦飛飭令

其實力逼圍惟東面尚在空中虛適據鳳縣知縣

何其英報稱秦承恩派遊擊蘇維龍帶領兵勇

到來已由該縣往唐藏防堵是四面皆有官兵

臣 等即酌抽馬步官兵親率進剿初二日趕至

鳳縣據該縣稟報逆擊蘇維龍帶兵失利不知

下落賊匪已從該處竄逃等語臣等聞信焦急
連夜馳抵唐藏賊匪已從草涼驛前竄臣等鼓
勵各兵星夜前進初四日探得該匪竄至進口
關一帶屯紮離臣等行營尚有五十餘里飛即
二鼓進發及至黎明馬隊官兵馳抵該處步兵
尚未趕上該匪業已竄上山包臣等督率愛星
阿長春總管都當阿協領秦巴圖等帶領馬隊
直撲山梁殲賊一百餘人生擒朱正明等四十
二名該匪將騾馬拋棄直上雪山遁逃即派愛
星阿督領馬隊三百餘人由右手山梁進攻臣
興肇督同長春遊擊游棟雲等率領荆州廣東
滿漢步隊三百餘人由左手山梁搶上臣明亮
督率副將多爾濟扎普遊擊應元寬等帶領馬
隊百餘人從山溝直撲山頂該匪倚恃山高雪

欽定剿平三省邪匪方略

正編卷九〇

凍响喊搖旗施放鎗礮分撲官兵三次臣明亮
從山腰突出賊眾持矛直撲臣明亮督催官兵
奮力直前斬殺甚多賊匪遂四散潰逃因雪山
陡險馬兵不能得力步兵趕上稍遲該匪等翻
老林前竄護軍校葉布崇額古林委防禦驍騎
校阿克東阿等奮勇爭先俱受矛傷陣亡齊齊
哈爾委防禦委官福興阿受傷六處遊擊胡定
泰守備王成傑均有受傷索倫兵額爾克保生
擒賊目李淮訊據供稱係首先起事之人張漢
潮年老賊營一切巨細悉歸該逆辦理管領白
旗偽稱大元帥本當即行正法查上年七月間
臣等在青池子打仗斬獲甚多因活賊指認李
淮首級臣明亮等冒昧具奏在案今生擒賊目
自供實係李淮臣等未敢廻護前奏是以將李

欽定剿平三省邪匪方略

四〇九

淮解至寶 縣監禁侯

命下遵行辦理 奏入

上命軍機大臣傳諭明亮恒瑞日明亮等所奏打仗情形凶險仰攻不遺餘力陣亡者二員受傷者三員可見伊等直前鏖戰奮不顧身殊可嘉尚嗣後總當似此次奮勇剿辦速將張漢潮拿獲殲盡餘匪即帶勝兵赴川北有賊處所剿辦各股以次肅

聖朝實錄卷九十一

五

清迅勉成功用膺懋賞又摺內稱現獲賊目李淮上年曾誤報業經斬獲一節據實奏出並不迴護亦屬可嘉李淮現在寶雞監禁著即於該處凌遲處死將來拿獲張漢潮亦應在本處寸磔梟示使賊黨共知警畏所有此次打仗陣亡之漢軍校葉布崇額委防禦驍騎校阿克東阿著咨部俱加恩卹受傷之委防禦委官福興阿等如調治平復俱

以應陞之缺先行陞用若因傷身故俱著照陣亡

例咨部議卹再摺摺內張漢潮屯聚曹藏地方時

明亮與肇帶兵扼於南路吉蘭泰官信在西北二

而圍逼其東面係泰承恩派遊擊蘇維龍帶兵防

堵是四面皆有官兵斷其去路正可於此地將張

漢潮擒獲乃蘇維龍一路失利賊首即由東面突

出失此機會殊為可恨蘇維龍縱賊之罪實千重

聖朝實錄卷九十一

六

律今據奏該遊擊不知下落著明亮與肇查明如蘇維龍已被賊戕亦其無能所致毋庸給與卹典倘竟臨陣潛逃畏罪藏匿即行鎖拿到營審明情節一面奏聞一面於軍前正法並傳齊滿漢圍營將弁等看視行刑俾各知儆懼以肅戎行至泰承恩自剿辦賊匪以來從未身親督率總係派人前往而所派者又多怯懦無能之員此次蘇維龍帶

兵失利縱賊逃竄即係秦承恩派委非人所致朕

聞上年賊匪逼近西安時焚掠村莊百姓受害者

不下十餘萬秦承恩以防守省會為名並不出城

殺賊且平日居官聲名亦屬平常若僅令回籍守

制無以示懲恒瑞著署甘肅總督即著恒瑞將秦

承恩革職拿解來京交刑機大臣會同刑部審訊

十四日王廣厚奏言宜賊匪前竄西和之避風

灣嗣因官兵剿捕緊急又折回西和之十里舖

先遣匪黨胡惟得等五人於城外探信即經該

縣周宅仁拿獲訊明此股賊首係張漢潮當即

正法賊匪知北路有備又經明亮等由成縣赴

柳壩從西抄截不敢前進遂由紙坊鎮一帶南

竄二十七日至成縣廬家溝焚掠臣先因該處

係通白馬關緊要隘口派都司馬良棟帶兵三

百名並飭署成縣知縣李世華團練鄉勇協同

堵截該都司等一見賊至即率領武舉趙連城

等奮力截擊殺死賊匪十七人兵勇陣亡二人

受傷十一人賊見不能衝突即向東竄赴徽縣

江洛壩臣途次聞信即馳赴江洛壩迤北之岱

門鎮督兵堵截以遏其竄回秦州之路吉蘭泰

躡蹤追殺賊即翻山由榆樹壩太白崖一帶竄

至寺合頭知縣李受曾先派鄉勇迎頭截住殺

賊三十餘人奪獲偽帥字令旗一面賊匪捨命

衝突鄉勇傷亡一百二十餘人賊即竄出兩當

屬之二郎壩初二日至鳳縣邊界明亮等即帶

兵由楊家店等處分路追剿臣查徽兩等處山

深菁密恐有餘孽潛藏連日督率署涼州府沈

濬高台縣徐學木都司張廷相等帶領兵勇分

欽定剿平三省邪匪方略 正編卷九〇

欽定剿平三省邪匪方略 正編卷九〇

赴各山溝嚴行搜捕一面飛咨吉蘭泰在鳳兩
交界處所嚴密堵截如賊匪復行竄回即可迎
擊并飭秦州防兵五百名馳赴兩當縣屬之大
渠鎮扼要防守既可屏蔽秦州并可為吉蘭泰
策應奏入

上命軍機大臣傳諭廣厚曰此次賊匪擾及甘境經
廣厚及吉蘭泰等先後帶兵前往堵剿各處文武
亦皆先事預防賊匪知該處有備仍復折回陝境
不致甘省民人又遭賊匪劫掠此皆

聖祖實錄卷九十九

九

皇考在天之靈默加佑護覽奏益深敬慰至所奏布置
情形亦俱妥協此時賊匪已回竄陝境後路尤關
緊要所辦甚是即摺內所奏殺賊僅數十名而陣
亡兵勇為數轉多即此可見其開報得實並無諱
匿傷亡虛報功級之處如此方合入告之體勝於

宜綿多矣其打仗奮勇之都司及武舉等著查明
咨部獎敘陣亡兵勇著造冊咨部照例議卹至此
股賊匪昨據明亮等奏到已痛加剿殺計日內即
可殲除廣厚此時總宜與吉蘭泰分擇要隘之處
嚴密防堵第一以鎮靜為要慎勿越境邀功稍涉
張皇致百姓先自驚擾也

十五日癸卯宜綿奏言臣帶領總兵慶溥恭將韓

聖祖實錄卷九十九

十

加業由紫陽進剿西鄉竄匪正月二十五日探
報賊匪已從五塊石翻星子山屯紮王黑壩臣
隨派慶溥並防守毛壩關之總兵柯藩帶兵從
鞍子溝進剿又派副將李文蔚遊擊張東林領
新兵六百名在馬鬃嶺一帶堵守隘口以顧南
路臣與韓加業帶兵五百名駐鞍子溝策應後
路糧餉二十六日慶溥柯藩等帶兵至饒子壩

賊匪正在王黑壩焚掠催兵前進賊匪卽佔踞
兩面山梁吶喊撲來我兵鎗箭並發搶上山梁
該匪恃衆抗拒慶溥柯藩等密派官兵從左右
山包後面抄擊斃賊一百餘名生擒李士俊等
十三名該匪退聚對面山梁時已昏暮當卽分
紮營卡詎該匪詭計百出於是夜二更時膽敢
分股四面攻撲我兵奮力抵禦自亥至寅鎗礮
未停擊斃賊匪甚冬天明該匪從戴石川一帶
奔竄隨提李士俊等審訊據供此股爲首是樊
人傑高均德冉文儔之姪冉添元三股合成男
婦共八千多人卽將該犯分別正法慶溥等隨
赴戴石川追剿忽據紫陽縣稟報另股賊匪數
千人從十四道河竄入關埡子直趨江岸查關
埡子距紫陽僅百數十里臣卽帶韓加業並兵

聖朝聖編卷十

十一

五百名由小路翻山於二十八日至漢王城仙
姑灘一帶江岸分撥兵勇加意防守並令道員
溫承惠將沿江船隻一律撤回北岸調集鄉勇
保護縣城賊匪知江岸有備二十八日從關埡
子南竄尙家壩李文蔚張東林得信帶兵由馬
鬃嶺趕赴尙家壩迎截正遇賊匪蜂擁而至該
將等分投對敵賊匪恃其人衆將官兵衝作兩
截我兵愈加憤恨奮力剿殺殲賊無數直至二
更該匪來者逾多李文蔚張東林身受重傷力
盡陣亡兵丁亦多有傷亡賊卽由江春壩直趨
瓦房店臣聞信當卽趕回紫陽因無兵可撥急
調權河義首杜雲章嚴文元金鳳等帶領鄉勇
三千名前赴瓦房店堵禦二月初一日杜雲章
等督率鄉勇施放鎗礮賊卽向大泗溪奔竄金

聖朝聖編卷十

十二

鳳等從後追趕臣復飛調慶溥柯藩折回先剿

此股又恐該匪東入安康平利境內隨札興安

府知府周光裕厚集團勇防堵隘口並知會景

安於竹山竹谿一帶統兵堵截使該匪不敢逃

回楚境適又接秦承恩來信賊匪李樹龍紹周

唐明萬翼建張世瓏等俱在西鄉境內分投攻

撲後面並無追兵恒瑞在花石梁毛狗洞堵截

聖朝聖編卷十

十三

王文雄由白面峽截擊十二壩之賊以顧茶鎮

江岸總兵觀祥分駐大巴關正在喫緊堵剿之

際又有通江賊匪紫逼南鄭現今親為防禦等

情臣思西鄉賊眾紛屯與紫陽緊相接壤兼以

山路歧出別無官兵可以分撥堵禦查川北羅

其清冉文儔二逆俱經惠齡德楞泰生擒授首

原擬殄滅餘匪後統兵來陝會剿嗣聞惠齡德

楞泰又赴川東不能前來臣惟有竭盡心力防

守江岸不使賊匪偷渡奏入

上命軍機大臣傳諭勒保恒瑞曰朕素知宜綿自剿

辦賊匪以來從未親身督率此次堵剿各股之賊

仍係派人前往伊惟以策應後路糧餉及趕回紫

陽調兵為辭明係避賊而行仍蹈畏葸不前惡習

應俟宜綿到京時逐一詢問再降諭旨至慶溥柯

聖朝聖編卷十

十四

藩在王黑壩地方進剿賊匪退聚對面山梁後並

不直前圍擊任其逃遁非與賊以暇而何今摺內

尚稱賊匪詭計百出於夜間分股攻撲營卡天明

又復奔竄試思賊匪乘暮退聚山梁其意自欲逃

竄無難預料豈得謂詭計百出以逃遁為意外之

事耶慶溥柯藩既不能認真打仗復敢藉詞粉飾

俱著革去花翎以示懲儆此係薄罰若再縱賊偷

安憲典具在凜之恒瑞現署總督並管帶宜綿
路之兵務須力加振作一洗從前積習親率將弁
等將竄入陝境賊匪實力堵剿毋任再有蔓延再
惠齡德楞泰前於擒獲冉文儔後原稱何路緊要
卽帶兵前往該處剿辦而現在川省交界賊匪最
要者惟樊人傑高均德等一路及李樹龍紹周等
一路何以未見惠齡等前往剿辦此不過又踵專
擒一名賊首不顧他賊之故智而已著勒保將惠
齡等近來曾否遇賊打仗或在何處逗遛徹底查
明具奏又宜綿摺內稱李樹龍紹周等一股並無
追兵亦著勒保查係專委何人躡逐何以縱賊入
陝任其攻擾西鄉亦並據實入奏毋稍徇隱

十六日甲辰福寧奏言川匪自羅其清冉文儔等

逆殲擒之後其餘各股聞風震懾往返折竄迄

製署稽覈彙編卷十 五

無定向竊念各路運送軍火糧餉爲數浩繁夫
驟載負絡繹在途值此官兵追剿緊急賊匪奔
竄益甚所有各路程運迎頭則截掠堪虞尾隨
又行緩難繼且程臺甫經安設卽須改撤輾轉
遷移深爲未便臣再四熟籌各官兵往來剿賊
總不出川東川北十數州縣地方達州係兵糧
總匯之區現已飛飭承辦各員速將糧石酌量
數目預行分撥川東川北各州縣先爲存貯如
道路疏通則各路仍照常滾運卽稍有阻梗而
各屬皆有儲備一遇官兵抵境何處較爲捷便
卽就近上緊解送以資接濟現在勒保會同惠
齡額勒登保德楞泰等督師由大竹鄰水一路
合剿富成另帶官兵繞赴廣元兜截一切軍糧
備極充裕查各官兵支領各項銀兩前惠齡額

製署稽覈彙編卷十 六

勒登保德楞泰等帶兵先後經過達州臣面為

詳詢僉稱各營所費已較前大為節省然尚有

不能悉照成例之處臣因其所帶索倫吉林及

綠營官兵打仗均屬奮勇且正值剿賊契緊之

際其有例所本無而勢所必需者不得不權宜

辦理量為通融此外如帳房等類應須更換者

悉照數給領所需火藥鉛丸弓箭等項俱覓為

聖朝聖編卷十

七

撥解總期有神軍行至各處守城暨留養傷病

滿漢官兵及訥音所帶滿兵一千餘名在開縣

駐守俱非親臨前敵可比是以止准按給分例

其餘夫騾浮費概行裁汰以歸覈實再前准額

勒登保調用戰馬三百匹德楞泰調用戰馬一

百匹當經飛札藩司林僑在省城滿漢各營內

如數挑解刻下已陸續分起解往惟成都各營

馬匹頻年調用缺額過多已檄飭藩司轉移滿

漢各營速即領價買補以備續調查川省軍興

以來需費繁重核計從前節次請過餉銀已不

下一千一百餘萬臣上年春間接辦後復會同

勒保英善兩次共請銀七百萬兩現在通算成

都保寧達州三局所存餉項僅敷春令之用察

看賊匪股數尚多藏事有需時日臣不得不預

聖朝聖編卷十

六

為籌及據實陳明至兵米一項上年各州縣俱

已乘時採買足供碾運今春川東川北農民若

能播種齊全無悞東作庶豐收有望可無缺乏

之處奏入

上命軍機大臣傳諭勒保福寧曰福寧奏籌辦糧餉

一摺殊多浮泛之詞此次辦理軍務為期已久而

軍需經費數逾七千餘萬之多尤屬向來罕有總

緣伊等倚恃和珅為之護庇遂致恣意妄為毫無
顧忌帶兵各大員皆踵福康安和琳習氣在軍營
中酒肉聲歌相為娛樂以國家經費之需供伊等
嬉戲之用此等積弊朕聞之熟矣現在各處奏報
無不直達朕前軍機大臣除承旨書諭外多不與
聞一切賞罰皆斷自朕衷臣工遇有微勞非軍機
大臣所能保奏錄用倘獲有罪愆軍機大臣亦不
敢為之挽回匡救伊等若不痛改前非一心對朕
則是自甘重戾矣至軍營支費原應實用實銷即
或例外供支通融辦理亦必有實在情形可以覆
核若如現在軍營各路兵勇日費雖多而遲延不
發多令枵腹將事至領兵大員則任意支用承辦
者不敢過問無怪其浮濫更甚也勒保係經畧大
臣綜理儲備而福寧係專辦糧餉之人若再不知

《聖朝實錄編卷九十一

九

樽節仍前通同欺隱伊等獨不自為身家慮乎至
訥音前已有旨飭查今摺內敘其在開縣駐守非
逗遛而何其各處留養傷病滿漢官兵即應通飭
查明各令歸旗回伍以示體卹而節浮費
同日刑部左侍郎汪承霈奏言臣伏讀籌辦川
楚逆匪
諭旨二道仰見
《聖朝實錄編卷九十一

十一

聖明洞燭無隱不周予以自新謀其生計匪徒中習
從附和之徒自必聞風解散不日歲功但聞
自川楚用兵以來非無悔罪投降之人或兵弁
邀功將東身歸命者作為拿獲甚至執散歸田
畝之人冒功駢戮將領亦扶同捏報以致被脅
者畏死裹足甘心從賊是
朝廷開一面之網而兵弁轉為入莖之招應請

勅下勒保嚴行查察如有此等情弊立即叅奏治罪似於招撫更有裨益至軍行糧隨原不容任意冒濫前此川楚等省辦理軍需情形悉在

聖明洞鑒之中近又聞該省支發鹽菜口糧等項未免過於嚴緊將帥大員則仍前多支而兵丁勇分內應得之項有遲至數月未領者該兵勇跋涉險阻打仗殺賊豈可枵腹從事應請令勒保一併查明妥辦再各股首逆雖罪應寸磔而其人究無足重輕且兵貴神速若必限以生擒轉恐耽延時日應並請

勅下勒保務在殲厥渠魁亦不必拘於生擒首逆以期尅日竣功奏入

上命軍機大臣傳諭勒保曰本日據汪承霽條奏軍營情形皆切中三年以來軍營之弊與近日所降

諭旨相合此奏實為有見著將原摺發交勒保閱看務須力加整頓肅清前非以期及早蒞功

十七日^乙勒保奏言查徐添德一股賊匪前由尖山寨奔竄之後額勒登保即帶兵由高家壩繞道迎擊進至新正舖該處兩面高山中係深溝密菁額勒登保正在督兵前進先有賊匪一股從東面山梁而下約有數百人經官兵施放鎗箭斃賊十餘名旋即退去我兵跟蹤追躡而

兩旁竹林內又有賊匪五六股次第撲來更番迎拒均經官兵擊散殲獲甚多額勒登保即於牛廠坡地方暫紮賊匪亦於新正舖古家場一帶分起屯踞往來抄襲二十六七等日官兵連次接仗並不稍退維時冷添祿一股賊匪自經督率百祥穆克登阿分兵進發連夜趕及斃

聖朝聖訓卷九十一 主

聖朝聖訓卷九十一 主

賊亦多餘衆翻山奔逸直至黃城寨與徐添德
匪衆相距四五十里臣察看賊勢既經彼此聯
絡人數較衆自應併力夾攻當卽知會額勒登
保帶領劉君輔楊遇春等督兵一路從牛廠坡
進發百祥穆克登阿帶兵一路從周家場進發
臣帶領德英額薛大烈等馳至亮風埡以防賊
匪折竄梁山正在派撥間適惠齡德楞泰帶領
朱射斗等由渠縣一路將徐添德奔竄匪黨迎
頭截擊折回大竹惠齡等星夜趕至復添一路
勝兵自二十九至初一初二等日各路官兵分
投進擊額勒登保兵至童家場先與百祥穆克
登阿會合嗣德楞泰朱射斗至觀音橋值額勒
登保帶兵趕到又彼此會晤惠齡分兵一路由
梁山邊界抄襲適抵臣營合兵進剿直至沙平

聖朝聖編卷十

三

關統計各路連日殺賊一千六七百名生擒賊
匪楊千友等一百餘名賊衆到處被擊極形慌
亂均從墊江鄰水交界分起奔竄臣惟有督率
各路官兵分投截剿務將徐添德冷添祿兩股
賊匪趕緊肅清再行移兵他路籌辦至節次打
仗叅將胡尚賢都司崔大成受傷陣亡其餘傷
亡兵勇另行查明咨部辦理再查張映祥等股
賊匪由閬中竄至蒼溪經富成從儀隴小路繞
截嗣據具報官兵進抵蒼溪之烟峯樓地方賊
匪正在元壩場六坡埡一帶焚掠富成督同副
將海常叅將郭成緒等奮力迎擊斃賊四百餘
名生擒傅懷玉等二十四名餘匪旋即折竄未
能闌入棧道鮮大川一股賊匪屯踞南江伏馬
池經南江縣知縣袁良駿督率鄉勇悉力堵截

聖朝聖編卷十

三

亦不致有蔓延惟奉節一路龔建卜三聘等股匪衆屯聚日久而現在張添倫辛聰等又從雲陽擾至陽泗岩地方彼此合夥節次於木瓜坪朱家壩泰山廟干溪溝等處分投攻撲經副都統觀成並在夔州養傷之提督七十五會同督率將蒲往來迎擊擒斃甚多署夔州府知府曹庠業署奉節縣知縣徐大椿圍集鄉勇扼要堵禦亦甚嚴密惟該處兵力甚單而賊匪聚有數股恐堵禦不能兼顧臣現在一面知會景安高杞務於川楚交界扼要處實力堵禦一面札飭七十五觀成將現有官兵於夔城附近分撥防範臣復另派總兵德英額抽帶兵勇二千七百餘名星夜馳赴夔州協同截剿以防東竄富成一路遊擊常明因打仗殺賊陣亡又惠齡之母

聖朝聖編卷五

五

於上年十月初一日在京病故其弟長齡差家丁送信到營惟時惠齡適在通江之麻壩寨圍剿冉文儔股匪喫緊之際是以德楞泰令該家丁暫緩投遞茲惠齡等業將冉文儔匪衆剿辦賊事移師由渠縣大竹與臣會合隨令該家丁告知惠齡得信後倍深傷痛惟以軍務尚未全竣不敢因私悞公現仍與臣督兵一路前進併力剿賊

同日景安奏言臣前因張漢潮後股賊匪由五郎折回陝西鎮安縣境是以前來鄖西截剿詎賊匪知有整備不敢東竄仍由五郎奔往洋縣一帶離楚已八百餘里其前股業入甘肅秦州等處距楚更遠臣隨於鄖西邊界週歷察看該處要隘雖多尚屬有險可扼而原設兵勇星羅

聖朝聖編卷五

五

碁布已極周密且有鎮臣王凱專駐督率足資堵截惟日內連接探報陝省西鄉之賊似有東竄之勢而川省卜三聘一股賊匪現屯奉節大寧之間均離南路竹谿房縣不遠臣現即起程馳赴房竹一帶察看何處緊要即往何處截剿以期不使一賊闖入均奏入

上命軍機大臣傳諭勒保惠齡景安高杞曰此次冷添祿一股賊匪竄至黃城寨與徐添德匪眾相距四五十里而勒保惠齡德榜泰額勒登保等各路官兵彼此會合聲威甚大正當乘賊匪聚集一處之時併力夾攻痛加剿洗何以仍任賊眾又從墊

江鄰水交界地方分起奔竄伊等真可謂宣力之大臣矣朕聞每次打仗官兵則令召募鄉勇排列衝鋒賊匪則驅裹脅民人在前抗拒即賊匪敗

而逃官兵亦撤伍而退兵與賊終不相遇無怪乎賊日熾而兵日怯所殲戮者皆無辜難民勒保身

為經畧寧不思預操勝算制賊死命徒以尾追為

長技叩再奉節一路各股賊匪合夥滋擾觀成等

並不能實力堵截該處與楚省接壤若任賊匪東

竄則楚省地方又遭蹂躪高杞現駐歸州巴東一

帶務以封域為重督率兵勇嚴密堵禦毋使闖入

景安向來畏蕙無能惟知在無賊處所閒在此時

夔州賊匪有東竄之勢景安當擇緊要邊界親身

防堵勉贖前愆倘有懈弛惟景安高杞是問再惠

齡已知伊母身故之信不必再留軍營著即回京

守制此一路官兵即著德榜泰統領並著勒保於

將領內酌派一員幫同德榜泰剿辦

同日

上諭內閣曰據惠齡等將生擒首逆羅其清出力各

員開單具奏著照所請廣西遊擊張鳳劉惟馨廣

東遊擊喜明山東都司三家保山西都司常祿俱

著賞戴花翎四川守備馬萬年廣西守備馬瑗四

川千總張應貴曾壽俱著賞換花翎廣東守備鄭

振貴湖北守備李貴呂連貴山東千總蘇殿魁周

學光雲南千總高發榮廣東千總武英揚四川千

聖旨 聖旨 聖旨

三

總賀廷印貴州把總張正得廣西把總葉勝四川

把總張紹緒左位崔聯科廣西外委范雲龍四川

外委陳文輝直隸馬兵甘興雲湖北馬兵王得勝

蕭貴喻萬青山東馬兵張存義固原馬兵陸登魁

俱著賞戴藍翎叅將銜屯弁郎卡耳結著賞加副

將銜四川知州毛大瀛崔特峯著賞戴花翎知縣

徐鼎鄭翰著以同知直隸州陞用知縣徐觀海著

以知州陞用湖北縣丞張世維著以知縣即用候

補川同李凱著留川以知縣陞用府經歷銜朱奎

著留川以原銜即用四川典史陳棟劉遷著以府

經歷縣丞陞用議從九品李弼著留於陝省補

用書吏孫榮著賞給從九品職銜其烏魯木齊協

領穆克登佈一員著賞給副都統銜仍留軍營俟

大功告竣後再降諭旨其副都統銜阿穆勒塔總

聖旨 聖旨 聖旨

三

管孫多保二員所有軍職留任處分著加恩准其

開復至所請內閣侍讀學士郎中胡時顯可否賞

給全俸之處著交吏部議奏又所請二等侍衛沙

達喇庫巴圖魯墨爾蘇保著補授頭等侍衛三等

侍衛噶達鼐著補授二等侍衛藍翎侍衛法衣當

阿著補授三等侍衛明鋒校沃什渾著補授三等

侍衛吉林妥協領穆鵬額著賞吉禮杭阿巴圖魯

名號呼倫貝爾總管福壽著賞札福孔阿巴圖魯
魯名號打牲烏拉委叅領蘇卿阿著賞蘇博通額
巴圖魯名號雲南遊擊閔懷希著賞阿勒津圖巴
圖魯名號山東千總閻俊烈著賞斐凌阿巴圖魯
名號仍照例均著各賞銀一百兩黑龍江委叅領
吉凌阿打牲烏拉委叅領豐紳保著賞戴花翎吉
林委叅領巴彥保驍騎校明德著賞換花翎吉林
委防禦富勒渾舒隆阿委官格綳額富明阿前鋒
阿爾松阿黑龍江委驍騎校察渾特打牲烏拉委
驍騎校阿爾薩委筆帖式阿克都那弩呼德衣領
催哲寶馬甲台清阿莫暖泰呼倫貝爾領催顏彬
荊州前鋒阿布唐阿均著賞戴藍翎以示鼓勵

同日

上命軍機大臣傳諭四川陝甘湖北河南各督撫曰

聖香龍皇編卷十

三

川楚秦豫等省自教匪滋事以來所屬各州縣內
有被賊匪蹂躪之處應徵錢糧節經降旨蠲緩現
在雖已擒獲首逆數名掃除賊匪數股其餘各處
竄逸屯集之賊尚未全就肅清如湖北之鄖西河
南之盧氏等處昨冬復被賊擾及而川東川北各
股賊匪及張漢潮一股在陝甘兩省邊界奔竄尚
未殄平凡賊匪經過焚掠地方或居民逃避耕種
失時或賊匪去後甫就安輯若將從前緩征帶征
及本年春季應征正賦一律輸將民力拮据朕心
深為不忍著傳諭各該督撫即查明所屬內實在
被賊劫掠州縣地方應征錢糧除從前豁免外現
在有無帶征緩征之項其本年春徵實數一併確
詳詳查據實速奏候朕降旨分別加恩此係朕履
念痼瘼撫綏良善之意該督撫務須認真查核俾

聖香龍皇編卷十

三

窮黎得沾實惠倘任不肖官吏影射率混率意開
造為浮冒侵漁地步致恩膏不能下逮一經發覺
各該督撫不能當此重罪也

臣等謹案自用兵以來三省民人無日不在
聖主懷保之中

蠲租賜復稠豈有加茲以賊匪尙未殄除各處村莊
或被焚掠或因逃避而耕種失時

《聖朝實錄卷九十一

三

皇上特命各大吏查明有無帶徵緩徵之款及本年
春徵實數詳晰具奏祇候

恩施並恐承辦官吏有侵漁浮冒之弊

嚴飭禁諭仰見

恬冒之仁有加無已是以一經奏凱而閭閻即安堵
如故也

欽定剿平三省邪匪方略正編卷九十一 巳未年

二月二十三日 亥 辛

上命軍機大臣傳諭勒保曰據陝甘學政宋澍條奏
軍營事宜一稱帶兵大員捨賊不追先奏勝仗致
賊遠竄其弊起於粉飾諱敗為勝易罰為賞將備
等因而觀望挾制不能令行禁止一稱帶兵大員
已離川省總統耳目有所不及陝楚督撫礙於情

《聖朝實錄卷九十一

一

面一任坐失機宜並不報明總統一稱大兵追賊
州縣預備糧餉早則恐賊擒掠遲則尾隨不及帶
兵者以貽誤藉詞需索地方官畏其奏奏百計逢
迎一稱賊匪蹂躪之區多係往來熟徑南山一帶
豈無險要可扼而川省官兵日事尾追奔馳疲乏
陝楚之兵分投堵禦亦形單弱以上軍營積弊自
皆係實在情形著勒保留心整飭以肅戎行

二十六日甲寅勒保奏言徐添德冷添祿等股賊

匪自經官兵於童家場觀音橋沙平關等處截

剿之後該匪等情急狂奔均從墊江鄰水交界

分起竄逸當經額勒登保帶兵一路由鄰水直

趨長壽邊界繞出賊前德楞泰帶兵一路由墊

江跟蹤追擊不予以暇詎賊匪行蹤狡詐因兩

面均有官兵即乘間竄入涪州境內該處有鶴

聖朝聖編卷十一

二

遊坪地方為難民紮寨處所人戶極多賊匪先

遣黨與數十人到彼詭稱墊江百姓被賊追逼

懇求收留寨民不辨真偽容留進寨不意大夥

賊匪隨後踵至進寨之賊即在內放火應合正

在惶急之際適額勒登保帶兵趕到立時擊散

德楞泰亦督兵繼至聞寨得以保全匪眾復從

墊江長壽交界折竄額勒登保德楞泰等仍分

兵兩翼星夜窮追初九日進至雲臺舖哨探賊

匪均於遠近山溝樹林內埋伏戰手預備迎敵

額勒登保德楞泰督率巴圖魯侍衛鎮將等左

右環攻賊匪俱執鎗矛蜂擁四出勢甚克悍我

兵鎗箭並發自辰至未斃賊七百餘名生擒周

士謨等一百六十三名訊據供稱徐添德冷添

祿等合夥之後因官兵追剿緊急先將婦女老

聖朝聖編卷十一

三

弱屯紮海棠舖雞公嶺等處自帶戰手在雲臺

舖拒敵又被官兵打敗恐亦從雞公嶺翻山逃

命等語當將該犯等正法官兵連夜追至陳家

山又斃賊二百餘名沿途散出被擄難民不計

其數當交地方官訊明釋放妥為安插臣一面

知會額勒登保等就近偵探賊蹤相機追擊一

面令惠齡帶領百祥穆克登佈馳赴元壩驛柏

林塘一帶以防賊匪由大竹折竄達州十一日
早間官兵甫到元壩驛卽有騎馬賊匪數十人
突至該處詭稱官兵採買糧食欲圖焚掠後面
步行賊匪亦陸續磨至經惠齡督同百祥穆克
登佈帶領馬隊直前衝擊殲斃二百餘名該匪
踉蹌退遁生擒張伏才等四十三名訊據供稱
徐添德冷添祿王登廷等自雲臺舖被官兵剿

聖朝實錄卷九十一

四

殺晝夜奔逃未定去向因探得大竹到達州一
面並無官兵所以分出戰手千餘名由元壩驛
取路不意又被截回等語當經解赴臣營詳細
審訊核與額勒登保等各路所報相同隨將該
匪等正法臣惟有督率額勒登保惠齡德楞泰
等分兵迅剿以期趕緊掃除至奉節一路龔建
卜三聘等與張添倫辛聰各股匪眾彼此合夥

節次攻撲近城之蓮花池卡隘經七十五觀成
晝夜督兵堵截頗有斬獲臣前派德英額帶去
兵勇已於初十日起到卜三聘等因見兵勇防
範嚴密卽退屯康家壩七星壩一帶而張添倫
等仍折赴雲陽未能東竄楚境臣現在飛飭七
十五等督率兵勇實力堵禦其富成所剿之張
映祥包正洪等股賊匪自由蒼溪竄至廣元經

聖朝實錄卷九十一

五

富成繞道截擊該匪等卽於大石板一帶屯紮
並分股由石竹堡一碗水梨家壩竄出意圖擾
至神宣驛地方爲入陝之計富成屢次擊剿實
緣賊眾兵單不能得手因查陝省張漢潮股匪
現係明亮興肇帶兵專剿其樊人傑等股匪眾
亦有宜綿等在西鄉邊界督剿而恒瑞帶兵正
在漢中防守距廣元不遠是以臣卽飛飭恒瑞

帶領原兵由寧羌迅赴廣元與富成會同剿捕
 庶可趕緊撲滅再此次官兵在墊江一路追剿
 副將富森因在後行走突遇賊匪抄出該副將
 帶兵奮力迎擊猝中鎗傷陣亡都司折飛熊亦
 同時被戕並遺失軍標中軍副將印信一顆又
 雲臺舖一路打仗吉林委官明泰因首先撲入
 賊隊受傷陣亡黑龍江協領邁昌阿都司羅聲
 皇均經受傷又奉節一路打仗陣亡都司劉忠
 魁廣元一路打仗陣亡千總馬應舉其餘傷亡
 兵勇另行查明咨部

勒保又奏言 臣 欽奉
 上諭授為經畧大臣賜以印信跪誦
 恩給萬分感悚當即通知各路帶兵大員及湖北陝
 豫各督撫一體遵照總之此次軍務緣地方遼

澗賊匪奔竄無常凡封疆大吏重在防守者未
 免以賊匪出境視同鄰壑而歷次總統與各路
 分兵剿賊往來馳逐亦僅抵偏師一切情形久
 邀

聖明燭照茲 臣 仰仗
 天威責令事權歸一自應籌畫機宜妥為布置現在
 通查陝西湖北兩省實存兵數分駐何處另行
 設法調度並知會明亮務將張漢潮一股趕緊
 肅清其川省大局 臣 惟有督率額勒登保惠齡
 德楞泰等合剿徐添德冷添祿等大夥賊匪為
 正路以七十五觀成德英額所辦之夔州一路
 及富成所辦之保寧一路為偏師賊勢既重在
 四川 臣 正應於川省暫駐現在梁山太竹一帶
 地尚適中可以就近督辦至各路帶兵大員如

有因循貽誤者自當據實劾不敢稍涉瞻徇
又欽奉

上諭同知劉清官聲尚好著臣奏明陞擢查劉清係

南充縣知縣臣到川後因其居官清正深得民

心節次帶領鄉勇打仗殺賊甚為勇往出力適

因廣元為川陝門戶地方緊要是以檄委該員

前往署理以資捍衛並奏蒙

聖恩以戴花翎以同知直隸州陞用因無相當缺出

八

尚未請補茲查直隸忠州知州吉興人本平庸

前因用兵之際人地不甚相宜恐誤要務是以

將忠州本缺委員署理撤令該員另聽差委無

如該員心地糊塗訪其平日居官亦於民情未

洽現據藩臬兩司詳請勒休查忠州及所屬均

係被賊之區應請

旨將吉興勒令休致所遺員缺即以劉清補授仍懇

賞給知府職銜如果始終奮勉再請陞用以從民望

再查成都副都統兼轄駐防官兵有訓練操防

之責臣於軍營出力人員內詳加查察除現在

署任之頭等侍衛明興外尚有副都統銜溫春

阿穆勒塔二員均係東三省人雖打仗俱各出

力而於外省駐防員缺人地未宜其餘侍衛協

領各員或亦係東三省人或係甫經陞用資格

尚淺未便遽行開列所有四川成都副都統一

九

缺仍應請

旨簡放均奏入

上命軍機大臣傳諭勒保曰朕細閱勒保所奏此次

打仗情形徐添德冷添祿等股賊匪竄入涪州境

內詐稱良民投入難民寨內幸額勒登保德楞泰

先後帶兵趕到闔寨得以保全此實係額勒登保等二人之功其奔竄賊匪經各路帶兵截剿並將被擄難民釋放安插所辦亦好至另摺所稱勒保督率額勒登保等爲正路以七十五等一路及富成一路爲偏師勒保在川省梁山太竹一帶適中之地駐劄督辦布置亦爲合宜看來不似從前之一味粉飾向來軍營惡習每遇打仗時派令鄉勇

聖祖聖孫編卷十一

十一

在前綠營兵丁次之滿洲吉林索倫兵丁又次之而賊匪亦推難民抗我顏行真正邪匪逆賊在後觀望先奔是日令鄉勇與難民交鋒無怪乎有兵賊不相逢之諺語也在伊等之意以鄉勇非兵丁可比卽傷亡較多可以無庸報明註冊並可掩敗爲功但以此等不諳行陣甫經充募之人專令衝鋒陷陣以致多被戕害而賊營內被殺者亦多係

難民是無異自相屠戮甚可憐憫嗣後剿辦賊匪總宜以勁旅當先率領鄉勇隨同奮擊庶可以我趨健之兵殲擒真正賊匪卽偶有挫衄亦兵家常事其傷亡兵丁原不妨據實開報給予恩卹勿稍存掩飾也此時勒保身膺重任事權歸一正當益加黽勉尅期奏績從來受恩易報恩難所謂委任而責成功正在今日朕能施以重恩卽能施以重罰欲爲蓋臣欲爲罪臣皆在勒保宜如何盡心竭力感愧圖報朕惟靜待喜音亦無可多諭也所有此次打仗陣亡之副將富森都司折飛熊劉忠魁吉林委官明泰千總馬應舉俱著咨部議卹

聖祖聖孫編卷十一

十二

上諭內閣曰成都副都統著明興補授前已有旨令明興接辦川省糧餉務須加意撙節設法趨運以期無悞要需又忠州知州吉興辦事不能振作且

於民情未洽著卽休致如有別項劣蹟仍著勒保
據實叅奏以儆官邪同知劉清居官素稱清正深
得民心所有忠州知州員缺卽著劉清補授仍賞
給知府銜以示獎勵

二十七日 乙卯 明亮與肇奏言 臣 等在進口關剿

殺張漢潮賊衆並生擒賊目李淮後該匪遁入

雪山老林踞探去路必由兩河口竄出 臣 等星

聖朝聖德編卷十一

十三

夜馳抵該處張漢潮已於初七日連夜翻山衝

過營卡從郿縣齊家寨唐家場一帶傍山捷走

一經官兵趕上卽翻山遁越 臣 等倍道追奔躡

蹤愈緊該逆情急逃生翻越秦嶺 臣 等於十二

日趕抵秦嶺山高路險冰凌薄滑賊人在密林

中施放鎗礮官兵棄馬步行仰攻賊匪抵敵不

住隨卽逃奔 臣 等督兵搶上山梁搜獲賊匪八

十四名內有賊目李仲芳已帶前傷訊據供稱

張漢潮同賊衆先已逃去我等係在後攔擋官

兵聽得頭人議論若從漢陰石泉大路行走恐

又遇弓箭手殺得利害張漢潮與冉學勝說仍

到鎮安山陽往河南去好覓糧食又可找尋同

教合夥當將該犯等一併正法一面飛咨倭什

布嚴加堵禦 臣 等兼程前進行至大河壩沿途

聖朝聖德編卷十一

十三

樹林石洞內搜出帶傷落後餘匪甚多十四日

夜乘月行走前隊兵勇擒獲探馬徐占魁等六

人訊知張漢潮現屯涼沁河 臣 等飛卽馳赴該

處賊匪聞風早已拔營沿途追殺六十餘里殲

賊三四十人未刻趕上賊匪大隊該匪已排立

山頭見官兵上山卽滾石放礮捨命抵禦 臣 等

所帶馬步官兵共有一千餘人維時趕到者五

百餘人臣明亮督率愛星阿協領秦巴圖總管
都當阿遊擊應元寬等帶領馬隊從中馳射衝
殺臣興肇同鎮臣長春叅將楊奎猷遊擊游棟
雲帶領步兵施放鎗礮傷斃賊匪二百餘人該
匪爬山亂竄時已酉刻祇可暫紮生擒矛手姚
錫爵等三十五名男婦一百七名口訊據姚錫
爵供稱張漢潮在涼沁河掠食適有探信回來
說馬隊官兵趕來張漢潮慌忙就走如今領旗
打仗就剩冉學勝劉永盛高玉春三個頭人矛
手還有五六百人張漢潮領男婦老幼一千多
人在中間行走聽說要繞道往河南去躲避追
兵等語當將該犯分別辦理查此股賊匪人數
不多無如慣於鋌走總不屯紮臣等自去歲九
月至今日夜追剿往來五省所帶官兵三千名

聖祖聖訓卷九十一

四

除落後留養外僅一千餘名堵剿不能兼顧且
賊匪奔竄便捷時時移步換形各處雖有鎮將
帶兵防堵均係有名無實是以擔延時日臣等
咎實難辭現在此路兵力甚單已咨商勒保或
於陝省或於川省籌撥官兵二千名協濟尙恐
鞭長不及就近札催恒瑞於防江兵萬餘名內
速撥二千名以備調遣俟將張漢潮一股賊匪
掃除淨盡仍將原兵歸留陝省臣明亮即可遵
旨馳赴勒保處相機籌辦奏入
上命軍機大臣傳諭明亮曰明亮等所奏追擊張漢
潮股匪打仗情形尋蹤躡逐竭力進攻尙屬認真
辦賊惟摺內有鎮將帶兵防堵均係有名無實二
語未能明晰究係何人在何處防堵不力並未指
名嚴劾明亮等統領一路官兵當明賞罰以爲懲

聖祖聖訓卷九十一

五

勸若有奮勉立功之人不妨破格保奏候朕施恩
 其選悞無能者自當據實嚴叅按軍律治罪今明
 亮等於不出力之鎮將含糊其辭煩朕詢問軍報
 往返徒延時日何以使玩悞之員知所儆懼耶且
 賊匪流竄無常兵至則遁卽或路多地廣不能合
 圍必須有夾擊之師制其逃逸之路若前無堵截
 惟事尾追任賊往來數省地方何時始能剿竣明
 亮等隨賊奔馳又已數月豈不徒勞無益耶著明
 亮等卽查明防堵不嚴鎮將指明據實嚴叅不可
 迴護並飭陝豫境內守禦將弁於賊匪必經之處
 實力截剿以期迅速賊事至教匪俱係內地人民
 食毛踐土沾被國家德澤百有餘年竟敢聚眾叛
 逆陷城戕官實爲罪大惡極渠魁逆黨皆當悉數
 殲擒以申國憲前次降旨安撫係專指迫脅難民

《聖朝聖訓編覽十一》 六

而言至於助逆克徒原不在赦宥之例明亮等督
 兵剿賊惟應奮勇進攻不得徒事招降致使兇頑
 漏網且爭衡敵國者能戰則能和所謂示以必克
 其和乃固也若征討內地亂民能剿始能議撫帶
 兵大員總當以痛剿爲先務寧可徒恃招撫乎
 同日
 上又命軍機大臣傳諭勒保曰有人條奏軍營安撫
 事宜其所稱不便者數端一謂首惡渠魁必須擒
 獲其餘逆黨抗拒焚燒若併許投降與迫脅者同
 邀寬典轉致愚頑藐法桀黠生心一謂剿辦餘匪
 若徒以官招利誘在賊或疑爲兵力不加在兵且
 恃爲受降省事況賊不盡降則兵不能撤兵若不
 撤則賊又生疑撤之太早則翻覆堪虞撤之過遲
 又糜費可慮一謂賊徒至少不下數萬卽小半來

《聖朝聖訓編覽十一》 七

歸必預搭盜寮棚以資棲止發給賑糧以濟口食
願歸本地須給盤纏願占流籍須分產業地方既
不能猝辦應付必累饑寒又復草竊為奸轉增內
賊一謂從賊之人素信邪教雖經安撫易為煽惑
官吏稍有侵欺徒眾立能變亂不過一二年內仍
恐更滋事端請一面招集一面攻擒使之困極求
生真心悔懼然後開示公信予以自新庶可以殺
止恐刑期無刑等語以上數條所言實切事理著
傳諭勒保留心體察酌量採取

欽定剿平三省邪匪方略

正編卷九一

二十九日丁巳恒瑞奏言臣前因川匪竄至廣元

逼近寧羌邊界即由法慈院帶兵前往堵剿途
次接據寧羌州馮裕定稟報賊匪張應祥等約
有三四千人竄近州境都司王興朝帶兵勇二
百名趕赴川界七盤關據險堵截因賊眾兵單

身受矛傷二處兵勇間有傷亡不能抵禦賊匪

於初五日竄至黃壩驛等語當今總兵觀祥帶

兵一千五百名紮駐鋼廠要隘臣帶兵二千五

百名馳赴大安賊知北路有備即由鄭家壩西

竄廣元之安樂河廣平河等處查該處北通畧

陽西北與甘省階州文縣附近臣飛札署藩司

廣厚總兵吉蘭泰確探防堵並移兵柳樹壩扼

住要路四川將軍富成亦帶兵追至寧羌恐賊

匪復折向北竄即取道畧陽由白馬關一帶抄

截現在富成帶領兵勇七千名在寧羌西北賊

匪斷難北竄臣於柳樹壩營次接據署廣元令

劉清稟報另有一股賊匪已由螺螄壩至真

武宮查該處係在寧羌東南臣仍於大安一帶

堵截如此股賊匪從何處竄近臣即從何處追

剿斷不令其闖入惟查總兵關騰副將官信之
兵俱在江北兜剿汝漢湖一股王文雄慶溥柯
藩在紫陽安康邊不剿辦賊匪與臣相去七八
百里中間再無兵可以聯絡接應臣惟有嚴
飭漢興道文需督率各屬於沿途要隘厚集鄉
勇晝夜小心防禦臣即帶兵相機堵剿再永保
齎送經畧印信因北棧正值賊匪在鳳縣留壩
一帶出沒驛路不清永保未帶弁兵沿途酌量
情形繞路前進已出北棧而入南棧兼程赴川
但近據川省廣元縣稟報前途昭化蒼溪一帶
尚有賊匪出沒恐永保不得信息所齎經畧印
信有關緊要臣已飛札務須隨路探聽斟酌路
徑方可行走奏入

上命軍機大臣傳諭勒保恒瑞曰此股竄近寧羌州

賊匪皆從川北而來係惠齡擒獲冉文儔後委之
而去者以都司王興朝一人僅帶兵勇二百名如
何能堵截三四千逆賊總由宜綿秦承恩等調度
失宜實為可恨現在張映祥一股西竄廣元恒瑞
飛札廣厚等扼住甘省要路而富成帶領兵勇七
千由白馬關一帶抄截兵力不為不多自不虞賊
匪復向北竄其竄至真武宮一股賊匪係在寧羌
東南恒瑞既相機迎截務當實力剿辦斷不可令
其闖入陝境並當趁此春融殲除此股倘稍有遲
延則汝等又以暑雨為藉口矣至摺內稱關騰等
之兵俱在江北王文雄等之兵俱在紫陽安康邊
界與恒瑞相去七八百里中間再無兵將可以接
應等語深為可駭用兵之道全在聲勢聯絡而追
捕竄賊尤須扼險嚴防制其奔逸之路若稍留空

聖朝聖訓卷九十一

二十

聖朝聖訓卷九十一

三

隙賊匪卽能乘間而逃況七八百里內無一兵將
接應無怪乎老病無能殘敗將斃之賊如張漢潮
者得以從容游弈於七八百里之中而自安食息
也由此觀之則節次所奏追躡張漢潮一股如何
打仗兇剿分路攔截情形全係虛語著恒瑞確切
查明係何人調度失當抑左近帶兵提鎮等以防
守爲名按兵不動以致彼此相離遠遠任聽張漢
潮往來自如迄未擒獲卽據實指名叅奏毋得稍
有隱飾再勒保身爲經畧各路皆其統轄嗣後恒
瑞當將此種情形咨明勒保而勒保亦當通盤籌
畫按照情形緊要地方遠近派撥將領逐處聯絡
不得因陝省相距稍遠僅委之該省督撫及帶兵
大員也

同日福寧奏言查川省各股賊匪節經官兵分

欽定剿平三省邪匪方略

正編卷九一

投剿辦勢較窮蹙惟恃其走險伎倆轉折狂奔
一遇官兵追及卽散伏於深林密箐之內冀圖
乘間抄掠甚或假扮客商難民酒跡村寨真偽
難分其詭詐極爲可恨現經勒保督同額勒登
保惠齡德楞泰等各帶官兵於大竹鄰水墊江
涪州等處或尾隨追擊或迎頭截殺連次殲斃
甚多該匪衆敗竄益甚昨十七日分股擾至達
州之土地壩雷音舖一帶焚燒十八日復竄近
達河南岸距州城不過數里查達河水勢甚小
處處可以涉淺而過臣因達州係糧餉重地防
兵無多隨酌派弁兵二百名分布河干並督飭
地方官調集團勇協力堵禦其南岸逃難民人
悉令渡至河北凡婦女幼孩俱准入城暫住妥
爲安置適德楞泰帶兵趕至痛加殲戮殺賊三

欽定剿平三省邪匪方略

正編卷九一

百餘名生擒一百餘名餘匪均向李家渡一帶
 奔竄署達州知州黃銑教授高汝儀已在太平
 寨督率鄉勇堵賊去路若能前後夾擊此股竄
 匪不難尅期洗蕩其富成所剿川北之賊現由
 蒼溪昭化廣元闌入神宣驛大路已近陝界諒
 陝省防範嚴密不至蔓延為害刻下各路運道
 通塞靡常臣隨時察看凡屬可以通行之處一
 切軍米仍照常滾運其有實在梗阻難行者即
 飛飭各州縣速將預貯糧石就近探明軍營覓
 路運供務期兵食充裕不使稍有匱乏至各驛
 站間有被賊擾及者俱令改道安設並雇健夫
 將一切緊要文報繞山步送俾免遲悞再昨准
 勒保咨調弓箭及油雨罩並烏鎗一二千桿九
 龍袋一二千副臣當將達州現存各項儘數解

往此外不敷之數業經飛檄成都省局迅速兼
 程趕解用濟要需奏入
 上命軍機大臣傳諭勒保明亮福寧曰福寧奏川匪
 分路奔竄籌計糧餉情形一摺軍需經費數逾七
 千餘萬之多三年以來各路領兵大員恃有和珅
 在朝內外通同一氣恣意濫用笙歌取樂而兵丁
 鄉勇則枵腹從事前已節次將伊等從前惡習指
 出嚴禁至再至三若再不痛改前非持有軍餉寬
 餘任情花費經人密封彈劾直達朕前必當執法
 從事伊等自思現在更有何人敢為之緩頰耶至
 教匪聚眾叛逆陷城戕官實屬罪大惡極為王法
 所不容必須將渠魁黨惡盡數剿除方為正辦或
 臨陣殲戮或擒獲後即在該處正法不必解京俾
 匪徒等知所做懼不得徒事招降致有縱逆總之

聖朝聖訓卷九十一

五

聖朝聖訓卷九十一

五

實係邪教不可不誅務從難民始可議撫勒保身
爲經畧尤當力持大體迅速剿辦尅日蕩功也

同日景安奏言日前臣在鄖西截退張漢潮一

股賊匪後適據探報陝省西鄉李樹高均德樊

人傑等股匪分路東竄恐其闖入竹谿縣境當

卽兼程馳回竹谿連接探報賊已竄過紫陽安

康業入平利邊界逼近竹谿地面臣現在帶領

欽定剿平三省邪匪方略

正編卷九一

官兵在平利竹谿交界之關垭一帶扼要堵截

如賊勢東趨臣當帶兵迎擊與陝省官兵前後

夾攻以期一鼓集事惟現據探報川匪龔建卜

三聘與張添倫辛聰等合夥由夔州東竄頭股

已至大寧大昌等處並准勒保知會添派將領

勁兵分布要隘免致竄入楚境臣查賊匪由大

昌東竄卽係巴東界嶺北趨卽入房縣查巴東

一路雖經設有防兵三十餘名鄉勇五千餘名

但賊匪聚有數股恐其分股亂竄臣隨復抽調

兵丁一千五百名派令總兵王凱暨將領二員

分起管帶兼程馳赴巴東協同堵剿並諄囑高

杞成德實力守禦勿使闖入其房縣一路亦經

添派將領一員帶兵五百名前往協防至張漢

潮一股賊匪現又折回陝西鎮安縣相去鄖西

欽定剿平三省邪匪方略

正編卷九一

邊境不遠臣已另派幹將二員添兵五百名馳

往協堵該處義勇素稱趨健且肯出力可保不

致蔓延奏入

上命軍機大臣傳諭景安曰景安所奏多有不實卽

如張漢潮一股賊匪從前東竄時未至楚境卽由

五郎奔回景安前奏祇稱前赴鄖西賊知有備不

敢東竄並未聲明與賊接仗乃本日奏到之摺又

稱伊在鄖西截退張漢湖一股似此自相矛盾其為捏詞欺飾尤屬顯然今賊匪自平利逼近竹谿地方景安已至交界之關陘駐劄雖據稱扼要堵截與陝省官兵夾攻恐仍係避賊而行擇一無賊處所藉為藏身之固所言殊不足信此時川省賊匪東趨已駸駸入楚景安先為此奏不過預占地步見其防堵認真下次摺到必以賊至楚境入告

聖祖聖孫編卷十一

天

此等掩飾惡習惟景安染之最深畏縮故態亦惟景安改之不力景安清夜捫心天良自現朕因其平日尚有操守姑免治罪該督益當感奮圖報以堵為剿稍贖前愆若再不知悔改致賊匪回竄楚境滋擾蔓延則是自取罪戾斷不能曲法寬貸矣再摺內稱房縣一路添派將領一員前往其鄖西邊境另派幹將二員馳往協剿等語此二路所派

將領自應指名奏聞以便將來核其功罪酌量賞罰今景安不列其名亦係預為之地若賊匪從此二路竄逸即可含混狗庇希免究問此等惡習尙不知改耶著即將所派將領究係何人據實覆奏同日

聖祖聖孫編卷十一

天

三十日 戊午

上諭內閣曰昨經降旨於部庫內撥銀二百五十萬兩解川備用矣節次解赴川陝軍需朕從前即聞有在途被賊劫掠之事伊等俱匿不奏聞即昨日福寧奏籌計糧餉摺內亦有各驛站間被賊擾俱令改道安設雇覓健夫將緊要文報繞山步送之語恒瑞奏永保齋送經畧印信隨路探聽斟酌行

走至今尚未到勒保軍營可見川陝邊界一帶道途不無梗塞現在餉銀經過不可不加慎重給事中廣興著加副都御史銜於頭起餉銀起程時卽押帶前往並派巴圖魯副都統綸布春及侍衛等共二十員分起管解餉銀前赴川省並著廣興沿途察看情形如有畧需兵力護送之處卽於經過地方酌量調撥弁兵更替護餉前進卽或途次遇

欽定剿平三省邪匪方略

正編卷九十一

有滋擾賊匪廣興及巴圖魯侍衛等惟當以保護餉銀爲重不必意圖見長捨而剿賊或致不能兼顧此爲最要至廣興於頭起餉銀解到達州後卽留於福寧軍營暫駐旬日觀其作何運撥作何支放是否各營大小將弁兵勇一律按例供支不致有多少偏枯之處卽將該處辦理情形據實由驛具奏其巴圖魯侍衛等於餉銀陸續解到後著福

寧等酌留三五員在達州軍需局保護糧餉其餘俱著馳赴經畧處交與勒保卽查明從前帶兵侍衛旗員內或因連歲奔馳稍形疲乏或因打仗受傷留營調養者或不能出力怯懦無能者酌令回京卽將此次到營之巴圖魯侍衛等令其更換帶兵旣可期於得力亦所以示體恤

欽定剿平三省邪匪方略

正編卷九十一

欽定剿平三省邪匪方略正編卷九十二 己未年

三月初二日 庚申

上命軍機大臣傳諭勒保曰勒保由貴州馳赴川省剿辦教匪迄今已一載有餘為期不為不久前經委以總統近復授為經畧責任不為不專而節次奏報遞到不過敷衍打仗情形從未見伊定一謀畫一策即偶有籌酌亦不過就目前賊匪奔竄滋

聖賢集卷九十二

一

擾蹤跡為接應追躡之計所算總在賊後未嘗制勝機先現在已屆春深轉瞬即交夏令因思前二年賊匪於酷暑炎歎時曾在深山藏匿伏而不出自必有一定巢穴窩頓妻孥積屯糧食領兵大臣未能覺察或知而不奏勒保若能趁此春融迅速殲渠掃清餘孽實為上策倘未能一律肅清亦當趁此時察看向來賊匪慣於何處山谷潛藏或另

有預謀度夏巢穴即迅派明幹大員帶領弁兵馳往該處先行占據並於要隘處所設卡屯兵遇有竄回之賊即可趁勢撲剿如聚有妻孥糧食並可搜獲俾賊退無可歸野無所掠則炎風伏雨中斷不能游奕屯集自必紛紛瓦解不攻自潰倘賊匪來奪其巢而我兵已先據其窟是返客為主以逸待勞亦致人而不致於人之一法也

聖賢集卷九十二

一

初四日 壬戌 高杞奏言查湖北歸州居巴東下游巴東西瀼口一帶緊接川境延袤二百六十餘里歧徑百出實為川楚往來門戶從前賊匪屢由此路闖入因於該處扼要地方依山溪分設營卡十九座兵勇相間每卡二三百名以至四五百名不等 上 督率操防不敢稍有疎懈自上年十月內協同明亮等擊退張漢潮一股賊匪

之後本年二月初復探聞逆匪龔建卜三聘張
添倫辛聰等股俱在奉節巫山合夥滋擾距楚
省邊卡總在一二百里之間臣與將軍成德益
勵兵勇加倍嚴防隨經勒保飭派總兵德英額
抽帶兵勇馳赴巫山截剿賊匪潛向大昌以西
遁逸未經闖入楚境但賊匪鬼蜮伎倆倏往倏
來臣惟有不遺餘力遏其東竄之路以免地方
復遭蹂躪現接景安劄會派令宜昌鎮總兵王
凱帶兵一千名前來策應更足以壯聲威一俟
此項兵到臣擬合駐適中要地免致因分見單
萬一賊匪復來窺伺隨時相度機宜邀截合擊
奏入

占地步曾經降旨飭諭向來景安畏蕙退縮遠避
賊鋒於帶兵諸臣中為尤甚而其不能痛改前非
漸染積習亦為最深各股教匪雖在川東邊界一
帶奔竄其心總窺伺楚境翼守禦稍疎仍可遁回
湖北現在歸巴一帶經高杞設卡嚴防其各股竄
匪復經總兵德英額馳赴巫山截剿賊向西竄未
經闖入楚境而此時總兵王凱又復帶兵一千前
往策應聲勢更壯是巴東一帶防守較為嚴密惟
此股西竄之賊究赴何處倘思與李樹高均德等
合夥則竹谿一帶尤關緊要景安惟當先事預防
倍加奮勉為截擊之計毋令闖入楚省西境總之
景安高杞身膺督撫重寄防邊務須實力辦事務
須實心各當於本省邊界要隘地方加意隄防卽
可以堵為剿果能迅勉成功不但可贖前愆尙當

加之懋賞也

初五日^亥廣厚奏言查張漢朝一股賊匪經各

路兵勇截回陝省鳳縣後^臣與吉蘭泰分駐徽

縣兩當擇要防堵並經鞏秦階道王銳督率委

員分赴被擾村莊招集難民妥為安撫茲據文

縣稟報川匪張映祥率匪黨萬餘人由陝西寧

羌州斜趨龍安屬之秋木川至該縣余家河過

《製香都集卷九上》

五

界適^臣所派署京州府沈清查卡至彼即同該

縣劉德懋把總閔績率領守卡兵勇在余家河

隔岸排列鳥鎗吶喊施放賊匪遂仍折回寧羌

竄過陽平關地方屯聚查陽平關一帶與甘省

階州在在毗連山徑紛歧防汎甚單賊匪恃其

人衆奔突靡常將有闌入甘境之勢^臣當由徽

縣帶兵五百名卽日起程並咨會吉蘭泰如此

時兩當情形不甚喫緊酌留將備防守卽帶兵

前來分路堵截^臣途次接據階州白馬關州判

稟報陽平關賊匪分爲三股每股三四千人分

擾階州之兩河口梅子園鞏家灣等處成都將

軍富成帶兵自畧陽間道抄截入甘由白馬關

一帶進擊^臣亦卽趕赴前途悉力截剿奏入

上命軍機大臣傳諭廣厚曰川匪張映祥率其夥黨

《製香都集卷九上》

六

斜趨秋木川希圖闌入甘境適署知府沈清查卡

至彼即同該縣等率領守卡兵勇在余家河隔岸

施放鳥鎗賊匪畏懼折回不致竄入文縣地方所

辦尙好沈清劉德懋閔績若再有實心出力之處

卽著送部引見候朕加恩擢用至廣厚一經得信

卽日帶兵馳赴該處頗知勇往迥非景安秦承恩

之繞道避賊者可比現在屯聚陽平關賊匪分三

股擾近隋州富成吉蘭泰俱帶兵前來廣厚務當
會同剿辦果能悉力殲除必當加以懋賞勉之

初七日乙丑恒瑞奏言臣前奉

諭旨宜綿所帶將弁兵丁等即交臣與王文雄管領

查王文雄正在紫陽邊界堵剿竄匪臣即令總

兵慶溥柯藩所帶官兵就近歸於王文雄帶領

其總兵關騰官信遊擊邢承誥守備尙其倫所

剿平三省邪匪方略卷九二 七

帶兵勇均於上年冬間經宜綿等派赴江北截

剿張漢潮一股賊匪臣因遵

旨馳赴漢中適遇官信帶兵二百餘名來郡詢稱追

賊行走緊急兵丁沿途多有落後因前來漢中

收集等語臣聞之不勝駭異官信身為總兵大

員帶領官兵二千名追剿賊匪縱使行走緊急

官兵間有落後何至僅剩二百餘名其中恐有

別故不可不嚴行追究惟臣連夜馳回營次截

剿西路賊匪不及當時查辦即飛飭經過各州

縣將落後官兵星速查催趕赴漢中歸伍外應

請

首先將兗州鎮總兵官信革職就近交護撫臣馬慧

裕究明因何致令官兵落後多名之處另行定

擬具奏適接明亮來劄因所帶官兵僅存一千

剿平三省邪匪方略卷九二 八

餘名令臣撥兵二千名以備調遣查張漢潮股

匪屢經明亮痛剿所剩無多正當厚集兵力速

行殲滅惟現在王文雄慶溥柯藩共帶兵六千

餘名在西鄉紫陽安康等處堵剿李樹煥人傑

龍紹周各股竄匪臣帶領由川帶回官兵四千

名現在寧羌畧陽一帶要隘分布截剿張映祥

等股竄匪俱在喫緊之時勢難分撥再三籌酌

惟有邢承誥等所帶兵勇二千餘名現在蓋郡

一帶防堵今賊已東竄臣即令星夜趕赴明亮

行營聽候調遣又查關騰帶兵一千八百名追

剿張漢潮分股賊匪不過四五百人東西奔竄

牽綴官兵臣劉令關騰即不能立時撲滅自當

將餘匪逼歸一處隨同明亮合力剿洗以免窒

礙臣侯松筠永保有一人到陝亦即酌帶官兵

馳赴江北與明亮合剿再查有涼州永昌協副

將田有成現年六十八歲入本平庸又復年老

不能帶兵打仗山東兗州鎮屬守備劉合因患

腿疾日久未愈俱不便任其戀棧相應請

旨將田有成劉合革職以肅戎行奏入

上諭內閣曰官信係帶兵大員追剿賊匪縱使行走

緊急官兵不免間有落後何至僅剩二百餘名顯

有避賊藉口情弊官信著革職交馬慧裕將因何

致官兵落後多名之處秉公嚴審定擬具奏至所

奏田有成不能帶兵是合實係年老劉合所患腿

疾是否因患病殘廢抑係因傷致病該二員從前

會否著有勞績仍著恒臣查明若有勞績即著原

品休致回籍如祇係一病即照所請革職回

籍

籍

初八日丙寅大學士王杰奏言竊惟川楚賊氛有

稽剿滅固由事權不一賞罰不明所致亦由地

方官不能勞來安撫以致脅從日眾我

皇上既命勒保為經畧明亮勒登保為叅贊俾令

隨機調度權不中制知之漸次廓清臣謂此時

更當安良民以解從賊之心撫官兵以勵行間

之氣緣川楚秦豫四省二一年內為賊匪殺傷者

不下數百萬人其幸存者皆鋒鏑之餘骨肉傷

殘流離困苦男不暇耕女不暇織若再額徵賦

稅甚者分外加派胥吏因緣勒索其何以堪仰

乞

皇上特頒恩旨體共情而憫其慘俾小民抑鬱之懷

知蒙

日月之照其煩冤怨憤自可稍釋更祈將被賊地方

聖朝聖恩

十一

今歲錢糧酌量被害之輕重

特予分別蠲免並分派廉能道府查察撫綏毋令吏

胥舞弊私徵則不特受害良民頓邀拊畜即舊

從之衆聞此浩蕩

隆恩亦必戀其親屬田園回心喻意將賊黨不難解

散矣至於各處徵調之兵三年于役負露雨雪

載離寒暑孰無父母能不懷思間有肆行劫掠

傷害良民者亦由將帥怠玩縱弛非盡關士卒

之不馴也惟我

皇上念說以使民之道頒發

諭旨曲加憐恤將傷病疲憊者概行撤回或就隣省

更調或於附近召募申明軍紀鼓勵戎行庶人

懷挾纊之懼衆有成城之志以上二條是否於

平賊事宜有所裨益伏乞

聖朝聖恩

十一

皇上訓示奏入得

旨交勒保察看情形酌量具奏

十二日庚午勒保奏言查徐添德冷添祿等股匪

自經官兵於鶴遊坪雲臺舖元壩驛等處痛剿

之後忽分兩股徐添德竄入達州冷添祿竄往

鄰水官兵亦即分爲兩路額勒登保帶兵追剿

冷添祿一股令惠齡暫在老林場駐紮以防折

賊德榜泰帶兵追剿徐添德一股臣即赴新寧

達州一路就近策應查徐添德因屢次剿敗亡

命先逃派令賊目王登廷李士貴等各帶賊手

一二千名於各處箐林深溝內埋伏每以牽綴

官兵為得計本月十八日德榜泰由亭子鋪行

至觀音堂忽有賊匪千餘名從溝內衝出直撲

後隊德榜泰即督兵迎截斃賊一百六十餘名

刑部題本卷九十二

三

餘匪潰敗追至雷音鋪山梁復敢憑高抵拒官

兵鼓勇競上又殺賊三百餘名生擒龔施文等

一百十三名訊係王登廷手下戰手當即一二

正法維時署達州知州黃銑帶領鄉勇前來堵

截又殺賊三十餘名餘匪奔逃仍歸徐添德大

夥竄逸臣因獲犯訊供有欲竄陝省之語當即

密派守備桂涵王榮等帶領兵勇由小路繞出

賊前於東鄉太平通天觀等處通陝要隘相繼

擱截德榜泰連日催兵追躡於二十四日至石

塘壩正遇李士貴一股伏於右手山溝又來抄

我後路維時德榜泰大隊正在山梁即催兵往

後壓下斃賊二百餘名並將李士貴射死我兵

由溝內追逐三十餘里至舊縣壩適徐添德大

夥迎來因該匪等行至通天觀望見兩面山梁

刑部題本卷九十二

四

俱有旗幟疑有伏兵不敢北竄旋即折回不料

正值官兵迎截又斃賊二百餘名生擒賊目趙

興宗並男婦四百八十一名口內二百三十四

名訊係實在教匪一併正法餘俱被脅難民當

即省釋餘匪由井溪壩竄去二十七日於開縣

所屬之大梁地方又復趕上賊匪殺斃九十餘

名生擒趙友貴等十八名而旬日以來投出逃

散之人每日四五十名至百餘名不等均一體酌給銀米遣令回籍安插賊匪現由路陽壩一路奔竄臣已飛飭德楞泰必須乘此勝勢迅速殲除至冷添祿一股係由雞公嶺竄出維時額勒登保舊症復發猶復帶病追躡十七日趕到大竹之黃泥壩正值該匪等在彼造飯出其不意殺斃一百餘名餘眾翻山奔逸而額勒登保病勢增劇斷難前進暫留大竹醫治當派劉君輔並原任總兵富森布帶兵由鄰水追至定遠之義和場探知賊匪正在圍攻泰平寨即催兵進剿該寨團勇亦率眾夾擊富森布因衝入賊隊中鎗陣亡兵勇八人憤恨奮力追殺共殲賊四百五六十名該匪等復由岳池南充交界地方竄去臣因刻下正當剿捕得手之時而額勒

欽定剿平三省邪匪方略

正編卷九二

登保因病不能帶兵一面撥醫診視一面即知會惠齡就近馳往大竹帶兵由營蓬一路迎擊嗣接惠齡報稱二十六日行至永興場忽有騎馬賊匪數人由貴富驛竄出經我兵殺斃二人擊獲一人訊係包正洪一股賊匪由蒼溪儀隴折回隨派令總兵楊遇春百祥副將穆克登布分作三路兜圍該匪等正在蚊蟲溪過河官兵追上殺死及淹斃者共一百餘人我兵追至南山坪見賊匪正在結隊行走三路官兵同時並到痛加剿殺翻越七重山梁斃賊二百七十八名生擒譚尙義等一百三十五名搶獲器械五百八十餘件均經解赴臣營驗訊除將被脅之藍宗勝等六十三名訊明回籍安插外餘俱正法二十九日接額勒登保來信知病已稍愈可

欽定剿平三省邪匪方略

正編卷九二

以勉強乘騎業於二十六日自大竹起身一上

八日趕到前敵與惠齡帶兵前進再富成所剿

張映祥一股闖入陝境先經飭令恒瑞前來會

剿嗣據探報該匪等由廣元竄至寧羌之黃壩

驛阻塞棧道經恒瑞帶兵夾擊由界牌小路向

陽平關折竄至昭化之白水地方欲思渡江關

入龍安經該處團勇擊退竄近文縣境內臣已

聖朝實錄卷九十二 七

飛飭富成加緊兜擊毋任延入甘境至恒瑞現

署陝甘總督刻下尙有張漢潮樊人傑等在陝

奔竄正須與明亮就近督辦未便專責會剿張

映祥一股况川北地方竄匪雖包正洪已由儀

隴折回而蕭占國鮮大川等尙在閬中南江一

帶游奕未便無兵剿辦臣已派令朱射斗將原

帶兵勇四千餘名馳回保寧一帶相機進剿並

可就近爲富成策應其夔州一路因夔建卜三

聘等分竄巫山之洋溪河一帶臣當派觀成酌

量留兵防守郡城並令七十五德英額帶領兵

勇同赴巫山繞至界嶺一帶迎剿賊匪見有官

兵仍復折回奉節大寧等處並未闖入楚境臣

先因高杞在巴東一路兵力稍單知會景安酌

量添兵實力堵剿現接來信知已派令總兵王

聖朝實錄卷九十二 六

凱等帶兵二千名前往巴東房縣分佈嚴防可

期得濟臣因川東川北與陝楚交界地方均有

賊匪而徐添德冷添祿兩股爲各路賊匪中之

尤要者既須先行剿辦自應遵

旨於適中之地駐紮調度是臣現在達州之白塔

壩山梁暫爲劄駐策應各路再連日打仗富成

一路陣亡守備王文章又百祥一路陣亡都司

陳騰龍其餘傷亡兵勇另行查明咨部

勒保又奏言臣先經奉到

諭旨籌辦解散賊黨之法即經刊刻謄黃于川省地

方到處張掛並知會陝楚各省一體通行曉諭

半月以來川東川北所屬被脅良民陸續散逃

者為數不少仰見

帝德好生感孚神速茲蒙

聖主復於赦宥之餘詳求綏輯之道所以為災黎計

者至周極備查此次教匪不靖蔓延日久官兵

所到不得不痛示誅夷但原其初起不特被脅

之眾皆係良民即習教之人亦何莫非食毛踐

土之赤子無如一經為匪自知罪重則惟有併

力抗拒以為苟延殘喘之計所以焚掠村邑荼

毒生靈雖欲復為良善而不可得其被脅之眾

又經賊匪輾轉恐嚇以為既入賊夥出投亦無

生理甚且剪其髮辮或面刺白蓮教字樣俾令

不敢逃散良民畏法未免悉受其愚年餘以來

督兵所到凡剿散之賊及自行投出者訊其被

脅未久俱經隨時釋放惟此種被脅之人有逼

令殺人放火而不敢逃散者亦有產業蕩然不

得不棲身賊數以為生活者一見

恩旨諒必翕然來歸而既歸之後何以居之食之必

須次第籌畫刻下賊匪未平往來無定凡鄉村

場市屢遭焚掠百姓等田畝既已汗萊房屋悉

為灰燼如官為授糧則日久恐其不繼如官為

修屋則賊來又被焚燒迨至無食無居又為賊

擄所辦仍屬無益是以臣前次出示曉諭並通

飭川東川北各州縣悉令百姓等依山附險營

結寨落將糧食器具移貯其中賊去則下寨而耕賊來則守險而避數月以來雖各州縣民情地勢不能盡一而遵_照而行者亦十有六七此不但為百姓全身保家之計並可杜賊匪擄人掠食之謀茲奉

諭旨復令籌及受撫來歸之民撫綏安插之處_臣愚

以為嗣後凡有解散_黨與除能殺賊立功者另

《聖朝實錄卷九十二

三

請

加恩外其餘或潛行散出或臨陣投降即由各路隨

營糧員及地方官訊明所隸州縣酌量道路遠

近無論大小男婦每名日給口糧米五合盤費

銀三分令其各回本籍給予路票沿途毋許留

難到籍後由本地方官訊明住居村落歸入附

近民寨每戶給以搭蓋草棚之資五錢暫資棲

止到寨之後或有親族可依及家業田產足以

餬口者自不致流離失所即或無依無業之民

設年力尚壯則當夫傭作亦可各自謀生如實

在老幼無歸者許地方官核實查明量給口食

統俟賊匪全定再照災賑之例通行核辦如此

安插則從賊之民咸知解散可得生全其心自

不致固結既散之後有寨可居不致再為賊擄

《聖朝實錄卷九十二

三

於綏輯似覺有裨惟地方官吏賢愚不一其中

如有虛應故事或聽其輾轉流亡甚且以需用

銀米藉口開銷者_臣恐不能遍歷稽查現在遴

選向來著有清名之府廳州縣派令分投查察

倘此種民人到籍之後應得銀米並不如數給

發或既發銀米不為酌定寨落飭令居住一經

查出或到_臣處控告即將該地方官核實嚴奏

以示懲儆此外有無善策臣又檄調同知劉清
及平日官聲素著各員再行悉心妥議以備採
擇並通行湖北陝西河南等省一體遵辦再欽
奉

諭旨飭查趙華吳桂二員查吳桂才情幹練有守有
爲前在巴縣任內聲名本好歷辦廓爾喀楚苗
軍務及此次在川帶領鄉勇打仗殺賊勇往出

聖朝通志卷十二

三

力現在候補知府又新寧縣知縣趙華悃幅無
華操守廉潔推陞浙江通判因新寧時有賊匪
滋擾該員辦理堵禦撫卹各事宜均屬妥協民
情愛戴臣已將該員咨部暫留本任又遵查方
山坪先後帶兵之員係百祥朱射斗並非諸神
保緣羅其清與冉文儔於嘉慶元年十二月二
年正月間先後在方山坪王家寨兩處起事當

派同知劉清縣丞余永寧帶領鄉勇在大羅坪
堵禦羅其清一股嗣因劉清委署東鄉縣事旋
卽撤回祇留余永寧堵守總兵百祥帶兵先剿
冉文儔一股四月間冉文儔被剿情急由王家
寨竄出與羅其清合夥賊勢較重維時正值徐
添德王三槐在東鄉張家觀重石子一帶屯踞
官兵不敷分剿百祥帶兵祇有千餘閏六月間
添派朱射斗帶兵二千前往至八月間該匪等
卽與王三槐合夥奔竄臣悉心查訪百祥在王
家寨剿辦冉文儔尙屬奮勉嗣移兵赴方山坪
因地方遼濶兵力過單是以不能痛剿卽朱射
斗到後力量亦尙不敷接仗數次均未得手而
朱射斗前在張家觀重石子等處剿辦王三槐
等則殲獲頗多所以王三槐稱其最能打仗是

聖朝通志卷十二

三

該犯等所供情節均不為無因自臣到川以來石壩山之捷乃百祥之功羅其清冉文儔兩股辦竣時朱射斗頗著勞績卽額勒登保亦深許其能應懇

皇上仍令該二員帶兵打仗以觀後效又查樊人傑高均德李樹龍紹周等於去年夏間先後竄至箕山與羅其清冉文儔勾合依附嗣又陸續竄

製三希堂書畫編卷十二

五

出維時惠齡等因羅其清賊勢最重必須併力剿辦是以未能分兵兼顧至正月間辦完冉文儔一股後臣因川東一帶匪衆四竄亟需重兵分剿當卽劄會惠齡德楞泰察看情形如果通巴太平境內並無賊匪卽來至川東會剿嗣據覆稱樊人傑等竄入陝境相距太平通江道路甚遠該處本有宜綽等帶兵防堵正可就近迎

剿是以由達州一路前來與臣會合惠齡與德楞泰連次於觀音橋沙平關雲臺鋪元壩驛雷音鋪舊縣壩等處帶兵打仗殺賊經臣隨時奏明尚無逗留情弊至訥音係管理火器健銳兩營官兵於前年六七月間因追剿姚之富等股賊匪先後來川行至臨江市緣該處地方緊要卽經惠齡飭令訥音暫留堵禦嗣因白巖山林亮功一股賊匪不時下山焚掠復經宜綿飭令移駐開縣臣到川後緣開縣係四達之區時有賊匪紛竄且察看該兵等疲病較多是以仍留在開縣防堵茲蒙

製三希堂書畫編卷十二

五

垂問臣查訥音年力就衰於打仗難期得力其所帶兩營之兵除現隨各前敵打仗者仍令留營毋庸撤出外其派防開縣之兵臣擬另行抽撥緣

營官兵前往更換卽令訥音帶領回京以節糜費並有叅革副都統六十七患病在夔州調養日入未愈已成病廢亦當一併遣回用示體卹奏入

上命軍機大臣傳諭勒保曰川省賊匪徐添德冷添祿等分股奔竄而徐添德一股因屢經剿敗先逃派令賊目於各處理伏以圖牽綴官兵殊爲可惡

欽定剿平三省邪匪方略

正編卷九二

德楞泰在觀音堂地方將溝內衝出賊匪迎頭截殺並因獲犯供稱有欲竄陝省之語卽密派守備桂涵等帶領兵勇由小路繞出賊前於通陝要隘相機攔截所辦甚好署達州知州黃銑以文員而能禦賊亦屬可嘉至冷添祿一股經額勒登保帶兵追殺復由岳池南充一帶奔竄而包正洪一股經總兵楊遇春等合兵兜剿後又復竄往何處究

係何人帶兵追剿此時額勒登保之病想已全愈

深爲廑念現在徐添德冷添祿兩股賊匪忽分忽

合務當設法搜捕勒保駐劄達州策應各路務須

悉心調度將二逆逼歸一處以期聚而殲旃其張

映祥一股由廣元竄至寧羌阻塞棧道該處係文

報往來必經之地尤當及早疏通肅清驛路此時

賊匪已竄近文縣境內勒保飭令富成帶兵兜擊

欽定剿平三省邪匪方略

正編卷九二

務須奮力堵剿毋任蔓延甘境至川北各股竄匪無兵剿辦現經派令朱射斗馳回保寧相機進剿並就近爲富成策應所辦甚是朱射斗雖據勒保奏稱帶兵打仗頗著勞績但究恐不能得力仍著勒保留心察看妥爲調度其夔州一路分竄之賊勒保派令七十五等繞前截剿未經闖入楚境所辦亦好而張映祥一股已逸入陝境是各股竄匪

仍未能歸併一處勒保心當通盤籌畫不可顧此失彼為要所有各路打以陣亡之原任總兵富森布守備王文章都司陳騰龍俱著咨部議卹又據奏安撫難民一摺所辦俱為周到各路軍營藉端花費浮支濫用自應嚴行飭禁至此等撫卹難民給資安插使民生既獲安全賊黨又可解散為一勞永逸之計是用所請用朕原不靳此費此時撫

聖訓卷九十二

三

綏安集最為緊要勒保慎勿視為具文徒形章奏也至川楚陝各省流寓之民甚多占籍已久本各有產業自應就近安插不必勒令各回本籍轉滋紛擾朕以此事委汝必不遙制總之邪匪不可不誅良民不可不撫而受撫者必使之畏威懷德出於至誠方為盡善

上諭內閣曰訥音現副都統兼乾清門行走於帶

兵打仗事宜尙屬諳練自當竭力報効如果年力衰憊不能身親行陣亦早宜呈報總統大臣據實奏聞何致久駐開縣徒糜軍餉實屬錯謬訥音著革去副都統加恩賞給頭等侍衛前往喀喇沙爾辦事其所帶兵丁亦已日久積疲卽著六十七帶領回京

同日

聖訓卷九十二

三

上諭內閣曰景安前在河南巡撫任內駐劄南陽一帶堵禦湖北教匪毫無布置一任闖入豫境又不歡迎頭截剿惟知遠避賊鋒尾隨探信粉飾奏報以圖塞責縱令賊匪由南陽一帶直出武關竄赴陝境其畏葸退縮於帶兵諸臣中為尤甚以致有迎送之號朕所深知近聞其辦理撫卹一事並不查明戶口按名散給每縣止發銀一千餘兩祇儘

此數不准多開所辦尤為乖謬地方大吏安集招徠自應查明各處戶口實數分別辦理若一概定以成數則流離較多之處必至口食無資而未被賊擾之區亦得濫支官項毋怪乎小民失所官吏冒濫也景安係和坤族孫平日趨奉阿附每於奏報之便附寄信件稟承指使以為有所倚恃既不實力辦賊又不能加意撫民此時湖北地方甚關緊要未便再任貽誤景安著來京候旨湖廣總督員缺著倭什布補授其河南巡撫員缺著吳熊光補授前因安撫難民解散賊黨一事會降旨令勒保悉心妥議茲據奏到籌辦情形立法頗為詳盡並據聲明通行湖北陝西河南等省一體遵辦陝甘總督松筠辦理尚能認真復有藩司馬慧裕幫同經畫自臻妥善至湖北歸州巴東鄖陽一帶係

聖訓彙編卷九十二

三

屢被賊擾之區現復嚴防川省各股賊匪河南雖經寧謐而在陝奔竄之賊時有窺伺豫境之意倭什布吳熊光俱著速赴新任查照勒保此次所定章程督率屬員實心經理安集難民安商良法以副委任

臣等謹案我

聖訓彙編卷九十二

三

皇上籌諮軍務至精且詳而於綏輯難民一事尤刻以一夫不獲為念景安前在河南巡撫任內禦賊無能早蒙

聖明鑒察

訓飭疊加此次辦理撫卹定數發銀並不查明戶口

按名散給殊非所以仰體

愛民如子之意是以

特旨敕令來京慎簡封圻又以楚豫兩省督辦安撫

章程必須實心經理

諄諄申諭所以整官方而周民隱皆

睿謀之妙用足以潛消奸宄於無形也

同日勒保又奏言臣欽奉

諭旨以王杰奏請將被賊地方分別蠲免錢糧及更

調召募兵丁二事交臣察看情形具奏查邪匪不

法蔓延於川楚秦豫四省蹂躪既多流離益甚

聖主履念民艱諄諄垂問臣

曾經通飭地方官隨時撫卹上年川省情形經

臣查明具奏仰荷

天恩將被賊地方分別蠲緩靡不感戴

皇仁茲蒙

聖主履念民艱諄諄垂問臣以川楚秦豫四省今歲

應徵錢糧凡被賊滋擾之州縣應請一律普免

近賊州縣或團集鄉勇堵禦或轉運各項軍需

不無稍資民力似應暫緩輸將俟軍務告竣再

行分年帶徵俾良民早沾

實惠此安良卽所以散賊誠為目前要務至各處徵

調之兵于役三年為時稍久且有從苗疆撤出

又復從征者其中傷亡病故以及傷病遣回並

寄留各州縣調養之兵核之原調數目日益減

少臣愚以陝甘湖北河南等省現有堵剿事宜

聖主履念民艱諄諄垂問臣

凡有缺額發遣之兵卽由軍營咨明該省就近

補足留於各本省以資調遣其山東兩廣雲貴

等省應查明節次傷亡病故及傷病遣發各兵

逐一造冊咨送尙有養傷養病未經遣發者一

面由營檄行遣回一面知會各本省照數另行

補派前來以符原調之數川省卽由臣就近調

派均各照例給與行裝等項俾令迅速到營如

此則疲病者可息積勞補額者益資生力實足以固衆志而勵戎行於軍務大有裨益奏入得旨軍機大臣議奏

欽定剿平三省邪匪方略

正編卷九三

欽定剿平三省邪匪方略 正編卷九三

欽定剿平三省邪匪方略正編卷九十三 己未年

三月十三日 辛未

上命軍機大臣傳諭勒保及湖廣陝甘河南各督撫曰此次剿捕教匪調集綠營官兵屯練兵丁以及鄉勇人等爲數不少其節次打仗陣亡者多有未經奏明一體仰邀卹賞又教匪蹂躪之處有紳士良民禦賊身殞並至閩門被害者亦多未邀旌卹

欽定剿平三省邪匪方略

正編卷九三

此等捐軀殉節之人或効命行間或遇賊不屈殊堪矜憫若不加之追獎何以伸勵士氣彰表良善著勒保及湖廣陝甘河南各督撫將從前各路軍營効命死事之文武官員兵勇及被賊戕害之士民一體查明據實具奏候朕降旨加恩以慰忠魂而昭激勸

上諭內閣曰川省剿捕教匪從前有在軍營病故之

四五七

總兵德光富爾賽穆維三員雖非打仗陣亡但帶

兵日久因積勞病故亦屬可憫著交部照例給予

卹典

臣等謹案致命遂志實臣子分所當然顧春

秋之義死王事則例有加等誠以崇獎忠貞

勵臣節而作士氣也自邪匪滋事以來凡官

弁兵勇歿於行陣者一經報聞靡不渥荷

《聖訓重纂卷十三》

恩施優予議卹茲復蒙

皇上軫念蓋良以此等打仗陣亡者尚一體邀

恩而紳士齊民之禦賊殞命或闔門遇害者並

諭大吏查明奏請旌卹其軍營病故之總兵亦蒙

賞給卹典仰見

天心仁愛普被無遺其在行間者感激奮興羣思

効命也

同日

上諭內閣曰昨已降旨令景安來京候旨景安在督

撫任內畏葸無能本應治罪但念伊平日操守尚

屬謹飭現在川省軍需轉輸事宜甚關緊要著景

安於倭什布到楚接印後以伯爵前赴川省更換

明興接辦軍需事務此係朕格外施恩予以自新

之路景安務須倍加感奮痛改積習會同福寧認

《聖訓重纂卷十三》

真妥協經理以期源源接濟毋悞要需明興著卽

回赴軍營聽候經畧勒保派令帶兵打仗

上又命軍機大臣傳諭勒保曰朕問明興在軍營於

糧餉出納之事不能清楚而福寧操守亦屬平常

現已降旨將明興撤回令勒保酌派隨同帶兵其

所辦糧餉事務因景安平日向有操守寸長可取

是以令其前赴川省接辦以觀後效景安如不悞

任即行奏聞更換不可因朕特派又存迴護現在
剿捕賊匪正當喫緊之時一切支發轉運等事於
樽節之中尤須經理得宜供輸無悞勒保仍當隨
時查察倘有仍前扣剋侵冒及辦理不善貽悞要
需之處即行據實奏不得稍有徇隱

十五日癸酉福寧奏言臣自二年正月間由湖北

帶兵入川沿途訪察即聞川省軍興以來各路

《聖祖實錄卷十三》

四

供支未能遵照定例覈實辦理其官兵夫騾價
值鄉勇鹽糧等項宜綿總統軍務因追剿竄匪
逐日移營一時權宜核發所費尤為不貲俱未
奏明有案是以臣二月間接辦糧餉即將從前
動支各款劃清界限毋使混淆其浮支各項均
經痛加釐剔次第革除惟兵丁日夕追奔逐北
不得不稍為變通隨將夫騾各款會同勒保英

善分晰具奏嗣經部駁行據藩司林備按款覆
核雖係例所本無實為勢所必需現仍量為支
給擬再會同勒保臚款奏懇

天恩勅部核覆俾得列入正銷以歸實用又鄉勇一

項前據司道冊報各營暨各州縣所募隨營打

仗以及防守城池卡隘保護糧臺為數較多當

經臣據實奏明並嚴禁嗣後毋得私行招募其

《聖祖實錄卷十三》

五

現有鄉勇亦須酌量賊氛之遠近營卡之緊要
隨時造冊呈送勒保核明知會始准支給銀糧
從未敢任聽冒濫至各路運道時通時塞所有
軍火糧餉等項往往連至中途被阻即須改道
轉輸甚或繞至他途復行遇賊則又須折回轉
運以致夫騾載道動輒經旬口糧工價數逾倍
甚且間有猝不及防被賊搶掠傷斃夫役之事

此輓運之所以多費也又各軍營需用帳房烏

鎗以及弓刀器械等項一遇破爛損折無論例

限應否更換均卽照數辦解補給其官兵乘騎

馬匹登山陟險縱橫馳驟倒斃時聞不得不隨

時撥解所有各營缺額馬匹更須加價補買以

備續調此軍喪馬匹之不能悉照成例也至臣

上年兩次請過銀七百萬兩均分撥成都保寧

《聖朝實錄卷十三》 六

達州三局收貯每遇各營及各臺站請領臣確

加綜覈卽批飭各局就近按數兌發總理糧員

支用並嚴飭各該員認真撙節悉心經理如有

違例濫費一經查出定行據實奏決不敢稍

事瞻徇再查徐添德一股賊匪現由太平折竄

開縣雲陽地方經德楞泰帶領官兵緊追躡剿

又冷添祿包正洪等逆入竄營山渠縣廣安一

帶額勒登保督師剿辦勒保現在達州白塔壩

山梁居中駐劄調度所有各營需用軍火糧餉

等項俱經臣分飭四路趕運源源接濟奏入

上命軍機大臣傳諭勒保福寧曰此次軍需經費數

逾七千餘萬皆由各路領兵大員任意濫用所致

朕聞之至熟今福寧摺內稱宜綿總統軍務時因

追剿賊匪逐日移營一時權宜核發所費不貲卽

《聖朝實錄卷十三》 七

此二語已包括無數浮支濫用矣至所稱各路運

道時通時塞軍火糧餉等項間有被阻被搶之事

尚屬實情嗣後總宜似此據實具奏不可稍有粉

飾又據奏徐添德一股現由太平折竄開縣雲陽

地方經德楞泰帶兵追剿等語前據勒保奏訥音

係派在開縣帶兵防堵但從未聞伊曾經打仗殺

賊不過在無賊處所退避問住此次徐添德折竄

該處滋擾時訥音曾否實力堵剿與賊打仗抑仍前退縮並未出力或又避往別處著勒保查明據實具奏訥音昨已降旨派赴新疆換班其開縣一帶勒保另派何人如何設法防堵之處亦著一併具奏

十六日甲戌軍機大臣永理等奏言據勒保奏被

賊地方分別蠲免錢糧及更調召募兵丁一摺奉

《聖上親筆纂編卷十三

八

旨令臣等議奏查川楚秦豫等省所屬州縣賊匪滋擾之處或居民逃避耕種失時或賊匪去後甫

就安輯本年二月內欽奉

諭旨飭令各該督撫查明應徵錢糧現在有無帶徵

緩徵之項及本年春徵實數據實速奏至近賊

州縣或團集鄉勇或轉運軍需均資民力自應

一體分別核辦在現已早屆開徵之期未便延

緩應令勒保迅速查明卽一面出示停徵一面據實覆奏俾閭閻得早沐

皇仁至傷病兵丁與其寄留各處調養徒資糜費自

應早令各回本省營伍以示體卹惟現當剿賊

喫緊之時缺額兵數較多或恐不敷剿捕之用

勒保請於四川山東兩廣雲貴等省照數另行

補派赴營自爲剿賊得力起見惟查兩廣地方

《聖上親筆纂編卷十三

九

距川較遠若俟更調到營就延時日既屬緩不

濟急且查前年各省召募新兵廣西一省未經

添募廣東一省亦僅添募兵丁一千九百餘名

似皆未便再行征調臣等思雲貴兩省距川較

近而雲南前年添募兵七千一百餘名貴州添

募兵一萬二百餘名四川本省則節次添募兵

丁二萬三千四百餘名應請令勒保通查隨征

兵丁傷亡遣回缺額實數除陝甘湖北河南等省各有堵剿事宜補足之兵卽留本省應用其山東雲貴等省按原調之數補派前赴軍營外至兩廣應行補派之兵停其征調請令勒保查照原數先儘四川就近添調如尙有不敷再於附近之雲貴二省酌量添調奏入

上命軍機大臣傳諭勒保曰此時剿賊喫緊兩廣距川較遠既屬緩不濟急况現在軍營力加整頓壁壘一新無難儘現有兵力迅勉成功軍機大臣請於四川雲貴等省就近酌調以符更換之數所議甚是惟朕聞向來緣管兵丁有滇黔勁旅之語而黔兵尤爲趨健得力况勒保前在貴州剿辦狎苗於該處將弁較爲熟悉更可期於應手而道途又復捷近此次更調之兵莫若先儘貴州就近調派

如尙有不敷再於雲南兵丁內酌量派調但仍按兩廣兵丁額缺之數亦不得任意多調也

十七日乙亥明亮與肇奏言張漢潮一股賊匪經

臣等於涼沁河一帶痛剿之後該匪畏懼逃遁

連夜翻山由大嶺坡等處晝夜竄走臣緊躡其

蹤二十日起至馬伏城適值陰雨泥濘探得賊

匪翻雪山暫紮山口臣星夜馳至該處官兵甫

欲下山賊匪蜂擁迎拒馬兵奮勇直撲殺斃五

六十人賊卽却走步兵從兩旁將欲抄壓賊眾

由樹林中迎出官兵鎗箭齊發賊匪始行亂竄

奔逃臣等督率追殺二十餘里沿途擒獲賊目

張敬等三十七名供稱從賊日久皆係打仗矛

手均卽正法張漢潮在山口一間鎗聲卽催令

男婦奔走臣等跟蹤愈緊二十一日追至馬家

聖朝聖德編卷三

十一

聖朝聖德編卷三

十一

坪天已將晚該處山勢險要賊匪乘官兵紮營未定卽從山上衝下臣明亮督率愛星阿等帶領馬隊由左手山腰搶上臣興肇同鎮臣長春副將多爾濟扎普泰將楊奎猷等帶領步隊從右手抄擊賊衆分投抵敵放鎗拋石臣等督率馬步官兵分四路仰攻殲賊甚多賊始翻山逃遁時已酉刻未便窮追獲賊張維志等十七名

《聖朝實錄卷三十三》 十三

僉供張漢潮因官兵追殺甚緊與冉學勝劉永盛高玉春等商量埋伏誘官兵入山從上下壓如能擊退官兵可乘間竄往龍駒寨一帶大村莊地方擄掠人馬奔赴河南再作計議等語當將該犯等嚮割臣等察其所向似走豫省無疑卽由山陽商州大坦漏夜繞出賊前杜其入豫之路二十八日賊匪原村地方正值賊衆在彼

擄掠遙見官兵卽上山四竄官兵追殺四十餘里殲斃百餘人生擒賊目徐么兒等十九名訊據供稱張漢潮說官兵馬箭不能抵敵祇可覓險山躲避俟官兵馬匹缺少方可打仗等語當將該犯等一併正法三十日趕至康家河前隊兵勇忽遇山坳內突出矛手五六百人憑高下壓長春同遊擊游棟雲應元寬等帶領廣東直隸官兵直前轟擊臣明亮察看山勢右手有山梁一道飛卽督率愛星阿侍衛莫新協領秦巴圖總管都當阿等率領馬隊搶上該匪施放鎗礮搖旗抵禦外委穆志雄首先衝入身受矛傷陣亡長春馬受石傷滾下山坡復換馬帶兵衝上游棟雲受有矛傷射死執旗賊日一人仍卽帶兵搶上藍翎守備陳應彪藍翎外委樊豐年

均經受傷仍搶上山頂賊匪挺矛滾石_臣等督率馬隊並荊州湖北滿漢官兵一擁直上斃賊百餘人賊始拋棄騾馬爬山遁走生擒張正昌苟延春等五十四名訊據供稱張逆因連次被剿傷人甚多若再往龍駒寨官兵追趕甚緊不如折回到老林山內使官兵疲乏再看光景等語該犯等均係襄陽人從張漢潮一同起事概予_臣駟誅_臣等趁賊殘敗之時緊躡追剿初三日趕至石洞子地方猝遇一股賊匪人馬亦多_臣等一面差探張漢潮賊眾去向一面統領官兵儘力擊殺殲斃賊匪二百餘名餘賊翻山由乾溝逃竄被脅民人投出者百餘人生擒賊目黃三皮等八十九名訊據供稱此股賊匪即係去年十一月內張漢潮在大河壩被官兵打散陳

《聖朝實錄卷三十三》

十四

《聖朝實錄卷三十三》

十五

三掌櫃領得三百餘人到處擄掠藏躲現共有一千餘人要尋張漢潮合夥等語查此內有抗拒打仗者立行梟示被擄者訊明釋放其餘四十二名解交鎮安縣陳瑞研審分別辦理適鎮臣關騰帶領一千五百名官兵到來因途遇此股敗賊就近剿辦_臣等思張逆股匪雖已窮蹙若兵分力單不能即時撲滅且近日聞川匪兩三股接踵入陝人數眾多若無官兵專剿必致鴟張即如此股賊匪正月間被_臣剿散原止二三百人會奏明交地方官搜捕今經兩月沿途擄脅已有千餘人是_臣等將關騰所帶兵內抽撥五百名派令遊擊夏福都司李燮元帶領跟蹤追剿若日內歸併張漢潮股內更屬易辦設該匪希圖率眾官兵分投竄逸_臣等已飛飭

各處防堵官兵探明賊蹤實力協剿自無難立

時撲滅奏入

上命軍機大臣傳諭明亮曰此次明亮察探賊情知張逆欲走豫省卽由山陽商州大道繞出賊前杜其入豫之路並跟蹤緊躡追殺四十餘里將該匪截回此係明亮等之功其在康家河地方殺賊陣亡之外委穆志雄著咨部議卹總兵長春馬受石

聖旨 纂錄卷三

十六

傷復換馬衝上山梁甚屬可嘉該鎮是否未經受傷其遊擊游棟雲等於受傷後仍卽帶兵搶上山頂誠爲勞苦出力如果再有奮勉之處卽以應陞之缺補用至陳三掌櫃一股賊匪據明亮等奏稱曾於正月間剿散原止二三百人今經兩月又有千餘人此皆由該處地方官不肯認真出力致任賊匪往來竄奔裹脅日多明亮等應查明嚴懲誅

一做百則前堵後剿庶可尅日成功

十八日丙子勒保奏言查包正洪一股賊匪自南

山坪剿散之後連夜狂奔由渠縣一帶翻山竄逸維時惠齡奉到

諭旨飭令回京額勒登保卽督兵趕緊進剿至巖峯灘地方接據川北鎮總兵朱射斗稟報蕭占國張長更兩股賊匪復由閬中折回人數甚衆已

聖旨 纂錄卷三

十七

入營山地界額勒登保恐其在後牽綴不如迎頭先剿蕭占國等更爲得力當率將領從靜邊寺一路進發初三日午刻甫至駱市橋見左手山梁屯有賊匪數百人額勒登保卽催前隊馬步官兵奮勇競上斃賊一百餘名生擒李四兒等二十三名訊據供稱蕭占國張長更本與包正洪先後行走因包正洪竄赴渠縣官兵自必

跟蹤而去蕭占國約同張長更均在觀音橋西
 橋寺一帶屯踞俟官兵過後趕來抄襲後路先
 派令賊目王盛帶領夥黨在此探聽等語當將
 該犯等正法一面知會木射斗由大栢埡捷徑
 追來一面親率鎮將於初四日五更由黃土墻
 相機迎擊甫行十數里正遇賊匪排隊而來一
 見官兵卽佔據山包五處放鎗迎拒我兵分爲
 三路奮勇直上搶得山包兩處斃賊四百餘名
 該匪等復退屯後面山梁副將孫大猷首先衝
 上中鎗陣亡遊擊喜明藍翎領催彥不勒委官
 訥音登額等率衆一擁而上賊匪四散奔逃我
 兵由上下壓斃賊七百餘名追至石峩山賊又
 踞險抵禦適朱射斗由雞喉寨旁路抄出兩面
 夾擊又收賊一千三四百名時已酉刻將賊匪

《聖朝通志編纂卷十三》 九

大隊逼上譚家山額勒登保率領朱射斗湯遇
 春等督兵攻剿該匪勢捨命衝鋒額勒登保卽
 遣人踞探譚家山後面均係峭壁懸崖無路可
 竄因思賊匪既據絕地我兵如攻剿稍緩轉恐
 賊匪奪路下壓隨卽督率穆克登布叅將劉瑞
 委防禦全保前鋒安楚拉委官倭楞泰等乘夜
 奮力搶上山梁短兵相接賊匪力不能支立斃
 八百餘名餘衆更形慌亂自相踐踏及滾崖跌
 斃者一千四百餘名生擒賊目王宗光等八百
 六十七名並有逃赴營山縣殺首者二百三十
 五名搶獲驃馬二百餘頭賊破鎗矛旗幟等二
 千八百六十餘件訊之活賊供稱首逆蕭占國
 張長更兩股共有七八千人連日斬獲殆盡該
 首逆亦已殺斃當令賊目王宗光王之明田福

《聖朝通志編纂卷十三》 九

連等指認屍身割取首級又令現獲各匪逐一
辦認僉稱屬實當將從賊日久之伍維同等四
百二十三名立時梟首其餘被脅良民訊明後
卽酌給銀米交營山縣遞籍安插此次通共擒
斃賊匪實有六千餘名其中被脅之人亦自不
少但既經從逆抗拒且臨時無從分別不得不
痛事誅夷並非無辜濫及其冷添祿一股賊匪

剿平三省邪匪方略

三

先由岳池竄入南充縣境經劉君輔帶兵追剿
桐包正洪一股從渠縣奔竄亦距岳池不遠恐
劉君輔兵力較單卽知會額勒登保帶領大
兵趕緊馳往岳池一帶併力剿捕並派朱射斗
帶領原兵在後搜捕餘匪至此次連日打仗陣
亡守備陳凡丁洪二員又穆克登布受傷二處
俱不甚重其餘傷亡弁兵容俟查明咨部其實

在奮勇出衆之將領弁兵俟查明另行奏請邀
恩鼓勵再查徐添德一股賊匪自從大梁剿殺之後

由路陽壩一路竄逃德楞泰於前月二十九日
趕至白橋山頂突遇賊匪衝撲德楞泰分兵兩
路迎擊追至薔花嶺地方斃賊二百餘名生擒
劉顯奇等二十一名正在剿洗之際其大夥匪
衆復從兩旁山溝接應前來抗拒竟日卽分路

剿平三省邪匪方略

三

向雲安場大水田等處連夜奔竄德楞泰當與
阿哈保等率領馬隊星馳追躡又於團壩子一
帶趕上賊匪殺斃八九十名生擒王占文等四
十三名因恐該匪等竄至夔州與卜三聘等股
勾合闖入楚疆德楞泰卽由雲陽馳赴夔州迎
頭截剿過其東鼠之路其龔建一股前由巫山
折入大寧該處兵勇單薄經七十五抽撥兵勇

六百名協力堵剿其界嶺一路仍飭總兵德英額隨時知會高杞扼要堵截奏入

上諭內閣曰勒保奏官兵剿捕蕭占國張長更兩股賊眾全數剿獲淨盡此皆仰賴

上蒼默佑

皇考威靈覽奏曷勝欣慰此二股賊匪從前在白巖山

與林亮功合夥林亮功鎗斃後即各自為首到處

《聖朝實錄卷三十三》

三

焚掠滋擾此次該逆匪等由閩中折回經額勒登

保率領將弁兵丁連次截剿將賊眾逼上譚家山

額勒登保等復督率弁兵乘夜搶上山梁痛加剿

戮賊匪斬獲殆盡賊首蕭占國張長更均經殲斃

所奏打仗得勝情形實為認真剿辦非從前之虛

報首功粉飾具奏者可比額勒登保病體初愈即

奮勇帶兵轉戰直前實屬可嘉之至前此惠齡德

楞泰止擒獲冉文儒一犯而川北地方尚有竄出

餘孽未能剿淨曾經加恩各賞給頭等輕車都尉

世職今額勒登保剿除兩股賊匪殲盡無遺厥功

尤偉額勒登保着加恩賞給二等男爵世職至勒

保係經畧大臣此次雖未親在行間亦由其調度

得宜而於投出被脅良民酌給銀米遞籍安插所

辦尤為妥協勒保着加恩賞給喜字玉搬指嵌松

《聖朝實錄卷三十三》

三

石金盒大小荷包繡火鏢包額勒登保亦着加賞

喜字玉搬指嵌松石金盒小佩包繡火鏢包其打

仗受傷之總兵銜穆克登布着交部從優議敘隨

同帶兵出力之總兵朱射斗楊遇春叅將劉瑞遊

擊喜明防禦全保前鋒安楚拉藍翎領催彥丕勒

委官訥音登額倭楞泰俱着交部議敘陣亡之副

將孫大猷守備陳凡丁洪俱着交部議敘此時各

路領兵大小諸臣經力加整頓之後看來皆有起色勒保身膺重任惟當倍加感奮卽如伊弟永保從前在鍾祥縱賊罪無可辭經朕破格錄用復令署理陝西巡撫所以施恩於伊兄弟者原不過爲國家公事勒保等若能迅勉成功則軍營從前諸弊不但一槩從寬仍可加之懋賞倘伊等無福承受則國憲具在致朕不得不爲己甚亦由伊等自取朕亦無所容心也

欽定剿平三省邪匪方略

正編卷九三

十九日丑廣厚奏言川匪張映祥竄入階州分擾兩河口等處臣得信卽行馳往行次太石山接據富成札知在毛堽山梁連次剿殺賊甚多賊匪因不能竄出白馬關卽由草川分股先後向西竄赴旺則關一帶並探聞已有一股賊匪在中寨子地方焚掠臣催兵前進距中寨子

數里見有探路騎馬步行之賊共九人當卽殲斃四人旋見賊黨蜂擁而來適吉蘭泰正帶兵趕到臣卽帶領官兵從右進擊吉蘭泰從左進擊斃賊十餘名賊又抵死向前臣等督率將備奮力截殺又射死執旗賊目一人殲賊數十人賊匪漸形慌亂我兵乘勢趕殺又斃賊約百餘人人生擒侯自升等四人兵勇亦傷亡二十六人

欽定剿平三省邪匪方略

正編卷九三

賊卽翻山亂竄由安化壩向西奔逸其大股竄至旺則關之賊據富成知會斬獲多名亦由安化壩西竄與前股俱奔赴柳壩等處富成卽由米倉山追剿臣查階州地方山徑分歧賊匪狡猾多端時分時合牽綴官兵臣與吉蘭泰若隨同富成一路躡追轉恐不甚得力當與吉蘭泰酌商卽由黑崖山小路截擊以期與富成兩面

夾攻趕緊殲除奏入

上命軍機大臣傳諭明亮恒瑞興肇廣厚日張映祥股匪因被官兵連次剿殺分投奔竄廣厚以階州山徑分歧現與吉蘭泰由黑崖山小路截擊以期與富成兩面夾攻所辦俱是但廣厚吉蘭泰究因兵力不多是以未能痛加剿殺此時明亮等由商州繞出賊前截剿張漢潮一股正在跟蹤緊躡務

剿辦各省各股賊匪

三

須加倍努力迅速肅清一俟此股竄匪剿除明亮不必即赴川省勒保處現有額勒登保德楞泰等在彼帶兵明亮應與恒瑞等將陝境各股竄匪先行剿淨再帶勝兵前赴甘省秦階一帶幫同吉蘭泰富成等將張映祥一股併力擊剿迅速辦竣總須陝甘兩省全境廓清明亮興肇再赴勒保軍營剿辦川省各股賊匪明亮恒瑞興肇如能將陝甘

境內之賊全數掃除即屬伊三人之功倘仍令蔓延則責有攸歸亦惟伊三人是問至廣厚摺內所稱富成在毛壩山梁殲賊甚多又在旺則關斬獲多名究竟殲賊若干是否確實何以未據明白聲敘現在張映祥向西奔逸其延西一帶係何地方官派何人在彼堵截並着廣厚詳悉具奏

二十一日 巳卯

剿辦各省各股賊匪

三

上命軍機大臣傳諭勒保日前因剿捕教匪全在剿撫並用登經降旨訓示以正賊不可不誅良民不可不撫令勒保悉心籌辦今已閱多日雖節次打仗摺內亦間有臨陣投出者究未聞風踴躍爭先來歸賊中黨與未全解散自由勒保辦理此事不過謄黃張挂出示招徠附近地方百姓雖已聞知而被賊裹脅良民仍隨賊匪驅使往來奔命於如

何撫綏安輯之方未能深知周悉若退避則懼爲賊戕投出又慮干法網是以徘徊觀望仍前結聚雖有招撫之空談總未能收解散之實效其應作何廣爲宣諭使賊中難民咸各聞知之處勒保務須設法籌辦開示公信俾其翕然樂從不可以出示具文了事倘有被脅民人果能自相糾結暗約多人將賊首如冷添祿徐添德李全高均德張映祥張漢潮等縛獻軍門者勒保卽當優加獎勵指名具奏不但免其從賊之罪並當酌賞七八品頂戴以示鼓勵而勸來者切不可攘爲己功亦不可遷護前過致阻其去逆歸順之意此事章程前會令勒保與馬慧裕及同知劉清悉心妥議伊等有何見解及現在如何辦理情形何未據奏及再此次教匪起事根由始於達州朕聞彼時有知州戴

聖朝聖訓卷九十三

天

如煌居官貪劣以致激成事端但戴如煌是否因老病無能任聽官親幕友長隨等從中擾害地方抑係伊任意貪婪自有實在劣蹟會聞戴如煌與川東道李憲宜係屬鄉親爲之詳請告病嗣經

稟考察見規避情由未會允准將戴如煌革職仍留軍

營効力此時戴如煌自必尙在川省伊係業經革職之人着勒保卽將以上指出情節向其切實訊

聖朝聖訓卷九十三

天

問據實具奏此係前任英善宜綿任內之事勒保可無庸稍存袒護又朕聞達州尙有吏目一員尤爲貪婪不職但未記憶姓名亦着勒保將該吏目係屬何人有何劣蹟是否仍在該處有無被賊戕害之處一併嚴查審辦再知縣中趙華方積二員素稱能得民心趙華前已據劾保奏明仍留新寧署理縣篆方積陞授西陽州知州該二員如果始

終奮勉實心任事仍當據實保奏量加鼓勵再前
 此惠齡擒獲冉文偉羅其清此次勒保擒獲蕭占
 國張長更詳閱摺內帶兵出力之人多係營員而
 由京派出之健銳火器官員兵丁以打仗出力列
 名保奏者寥寥無幾豈勒保等以伊等由京派往
 之人設遇傷亡必須指名具奏非如營員鄉勇之
 止須咨部辦理者可比竟不令其身臨前敵若果
 存此見何以勵將士而肅戎行但又不可因有此
 旨即將伊等無論出力與否竟成輪班保奏以致
 冒濫功蹟倘伊等疲玩不前亦不應姑容閑住也
 又前據勒保奏訥音所帶健銳火器兩營兵丁疲
 病較多令訥音六十七帶領回京旋因訥音派往
 新疆換班即令六十七帶回此兩營兵丁應否仍
 續由京派往頂補之處未據奏及並著勒保酌量

聖祖聖孫編卷十三

三

情形一併覆奏

等謹案惠迪吉者共由之理欲並生者併

包之量蠶彼蚩氓為賊所脅陷於逆黨本

王法所不容乃蒙

皇上寬仁彰信登

諭剿撫兼施准予贖罪自新今以聞風解散者少惟

慮承流宣化之臣或視為具文

聖祖聖孫編卷十三

三

申命籌辦撫綏俾洗心革面者咸知翕然來歸雖舜

干之格七旬湯網之開三面不是過也至於

吏治醇疵實關民生休戚若戴如煌等之居

官貪劣及趙華方積之素得民心一一均邀

睿鑒

勅令查奏彰善肅惡正以樹厥風聲而京營隨征弁

兵並

諭核實保奏賞_等溢而勞必均

綸旨所沛纖悉畢周足使聞者感畏頑梗潛消也

剿平三省

編卷九十四

聖

欽定剿平三省邪匪方略 正編卷九十四 已未年

三月二十二日_{庚辰}恒瑞奏言_臣欽奉

諭旨以張漢潮老病無能之賊得以從容游奕七八

百里內無一兵將接應著_臣確切查明係何人調

度失當據實奏_臣查自上年九月間陝境肅清

後提督王文雄總兵慶溥柯藩關騰官信等帶

兵在陝境南界堵禦聲勢尚為聯絡自十一月

剿平三省

編卷九十四

內川匪李全唐明萬唐大信樊人傑龍紹周等

分股竄至紫陽西鄉一帶王文雄與各路鎮將

均在東路截剿適張漢潮一股由城固躡淺過

江北竄明亮與肇跟蹤追剿宜綿秦承恩先後

派令關騰官信遊擊邢承誥守備向其倫等帶

兵均赴漢江以北分路堵截其漢江以南一千

三四百里惟王文雄慶溥柯藩帶兵防堵幸_臣

白川帶兵回陝卽在南鄭城固一帶要隘聯絡

聲勢本年二月間因張映祥等匪由廣元竄近

寧羌臣卽帶兵向西截剿而紫陽安康邊界之

賊又復北竄慶溥柯藩兵力稍單王文雄將漁

渡壩竄匪逼剿出境後亦卽趕赴紫陽策應是

以彼時中間相去七八百里無兵接應臣現因

真武宮賊匪復竄南江豆腐渠一帶切近南鄭

《聖朝匪方畧正編卷六》

二

邊卡臣又馳回青石關探蹤迎擊慶溥柯藩已

節次將紫陽安康竄匪痛加剿殺逼出陝境王

文雄亦移兵鐘子山適中駐紮刻下與臣相距

僅二百餘里伏查宜綽年老多病秦承恩又係

漢人不諳軍旅以致調度未能周密今據總兵

關騰來稟已隨同明亮一路剿辦至總兵官信

業經臣奏在案那承諾尙其倫帶領兵勇二

千餘名總未見其奮勇打仗俟查明另行辦理

再查有漢中府留養傷病之吉林黑龍江等處

官兵內有已成殘廢難望痊愈者既不能隨營

打仗自應遣回若俟咨報勒保處辦理未免往

返需時是以卽派西安協領額爾啟道員文需

逐名查驗所有實在殘廢之副總管托倫太一

員兵丁五十七名並陣亡兵丁骨殖五十二副

《聖朝匪方畧正編卷六》

三

交文需照例辦理送回並酌派二等侍衛德勒

克依管帶進京由兵部送回原省再跟隨臣之

護軍校本布善亦患病日久並令回旗調理奏

入

上命軍機大臣傳諭恒瑞曰恒瑞覆奏查明紫陽安

康邊界一帶中間相去七八百里無兵駐守一節

用兵之道全在聲勢連絡庶首尾相應今乃千里

無兵任賊游奕皆由宜綿秦承恩在任時一味畏
惠退縮毫無布置以致將士無所遵循賊匪日益
縱肆除總兵官信已據叅革外遊擊邢承誥守備
尙其倫據稱打仗未見奮勇卽着恒瑞確切查明
該員等畏縮實情據實嚴叅示儆其養傷之吉林
黑龍江官兵查明實在殘廢者派員管帶進京咨
送回籍所辦甚是再前因官兵在唐藏地方剿賊
遊擊蘇維龍失利不知下落會降旨飭查昨據陸
有仁面奏蘇維龍從前在該處駐守年餘擊剿賊
匪屢有斬獲保障村堡民賴安全遂爲賊匪之所
忿恨此次在彼堵剿實因兵勇數少同時潰散該
遊擊猶復步行殺賊迫力屈被傷痛罵賊匪致被
截舌分尸罹禍甚慘經該處居民尋其齒豁分盛
埋掩如果情形屬實則此等出力之員自應優加

《剿平三省邪匪方略》

四

旌獎以慰忠魂而鼓士氣著恒瑞卽行詳悉查明
覆奏候朕施恩
同日護理陝西巡撫馬慧裕奏言臣欽奉
諭旨令將陝省撫輯情形詳議具奏臣查陝西之南
山四川之川東湖北之荆宜襄鄖河南之
盧陝浙鄧一帶山勢相連廣濶四五百里建置
之初因係地處萬山之中磽确瘠薄是以設官
分土視平原較爲寬廣竟有一州一縣週圍一
千餘里及二千里不等地方官有鞭長莫及之
勢
國家承平日久生齒日繁地角山頭開墾殆遍其
地水泉充足易種易收其人安逸無事因而編
造謠言托詞於消災祈福愚民爲其所惑日聚
日衆歛錢肥己其倡首者或家道小康因而不

《剿平三省邪匪方略》

五

肖官吏及地方無賴之徒乘機訛詐迫以難堪以致激成事端若輩敢於

光天化日之下妄肆鴟張

天戈所指自當淨絕根株但必賊匪果與官兵接仗不難盡數蕩平乃恃其生長山中翻崖越嶺捷如猿猴所過村庄市鎮肆行焚掠隨地是糧去來自便官兵執持軍器又需裹帶乾糧行走不

《聖朝聖編卷四

六

如賊之捷速安能步步趕上至於兵行糧隨山徑崎嶇需用人夫背運負重入山更為遲緩且遇風鶴之驚人夫一閃而散倉猝之間不能繩以官法甚至賊匪折回兵在賊後糧在賊前彼此不能相顧迨賊去稍遠再行招集饋運已屬緩不濟急在追剿之時惟恐糧運遲悞預行折給錢文本可買食無如山中店舖本少賊至率

皆遷避是以兵丁往往有受饑之時卽有時與

賊相遇我兵奮勇直前擊之於北則竄而南截

之於東則折而西蹤跡靡常無非疲我士卒之

計臣前在河南解馬至襄陽其時軍興甫及二

年所見豫省防兵楚省戰兵均有狼狽之狀此

次到漢中見兵丁更形疲乏至陝西防守一事

自寧羌至平利與川省交界綿亘二千里賊匪

《聖朝聖編卷四

七

隨處翻越山梁不由隘口萬難處處排設多兵各屬鄉勇止可用助聲威若令陷陣衝鋒實不足恃是防守亦不能不仗兵力臣查漢中之兵除傷病外止有六百餘名又係各省各營零星攢奏及留養病痊之人將官除遊擊蘇維龍已經陣亡外止有都守三員俱不諳習戰陣寧羌沔縣南鄭城固一帶各隘口俱派鄉勇防守設

遇賊匪竄近卽令都守三員將六百餘名之兵
全行帶往尙恐不敷堵禦臣現囑令道員文需
及各道府並地方官將所集鄉勇勤加訓練使
之稍知紀律以助兵力訪之各路軍營情形大
概相同自應設法辦理以期迅速蕆事查安撫
之說從前亦有議及者蓋賊黨喪去良民無不
思歸卽實係教匪亦未嘗無悔心之萌特慮及
逃回被獲卽行正法是以進退維谷不得不隨
同首惡往返奔馳以冀苟延殘喘今蒙
聖慈網開一面並籌及目前何以食之將來何以居
之是若輩於萬無生理之中竟得保全軀命豈
有不爭先恐後者哉惟是安撫之難甚於剿捕
蓋剿捕雖尙未成功終有殄滅之日安撫尙稍
有未善不免餘孽之留惟有宣布

欽定剿平三省邪匪方略

正編卷九四

欽定剿平三省邪匪方略 正編卷九四

皇上法外之仁使之深信不疑翕然來歸旣撫之後
又復使之各有生計方爲妥善臣才識庸愚情
形未能深悉不能剴切發明以備
採擇謹就管見酌擬十一條敬爲我
皇上陳之一請預行刊發簡明告示以廣勸化並設
安撫管使之有所趨向也查教匪滋事以來每
次拏獲賊人亦多供稱情愿投出祇因人數太
多難以安頓恐被誘出盡遭屠戮將來無所逃
生是以觀望不前等語應請將此次欽奉
上諭除敬謹謄黃外再以方言里語宣布
皇上如天好生之德刊發告示在於市鎮村莊通行
粘貼務使人人通曉惟是帶兵大員一面剿捕
一面安撫恐生賊黨疑慮之心若派微末員弁
經理其事不足以資彈壓而致信從應請於川

欽定剿平三省邪匪方略

四七七

四七七

陝楚豫之地各設安撫營一二處或三四處每營撥給精兵千名

欽派大員一人督辦招徠安撫之事以專責成各給予

欽差安撫使關防凡投出者毋許官兵鄉勇擅行殺戮並示以半年之內自行投出者概免其罪妥為安插如能勸諭數人及數十人投出者即分

欽差安撫使關防

十

別賞資銀錢頂戴各隨其願或能帶領一股投出無論被脅之民及曾經習教之人均即分別賞以職官

奏請叙用如過期仍然怙惡不悛者擒獲之日斷不寬宥一請設立腰牌黃旗以便稽查也投出之人官不給以憑據不足以釋其疑而堅其信應請各給腰牌一面上貼

欽差安撫使關防印花印花上墨寫自行投首遵旨免死等字樣陰面註明姓名籍貫年歲及每日應

支口糧若干沿途赴官請領等字樣其攜帶眷口貨財者腰牌之外另給黃旗一面將眷口貨財寫於旗上亦貼關防印花不許與外人結伴先行通傳各路關津卡隘兵役人等遇有執持腰牌黃旗之人驗明放行仍掛號備查不許留

欽差安撫使關防

十一

難阻滯自然歡聲載道黃旗到籍時官為收繳其腰牌毋庸查追一請出示投出之人先令棄去器械以辨真偽也查賊匪敢與官兵抗拒恃有器械今既遵

旨宣諭投出免死則器械為無用之物應請先行示令將一切火藥鎗礮刀矛旗幟均行棄去每起不得過五十人赴營投首挨名造冊給以腰牌

續修四庫全書 史部 紀事本末類

携眷者給以黃旗並酌賞盤費立即遣令起程
再傳二起發給腰牌黃旗酌賞盤費如人數多
至數百執持器械蜂擁而來必係心懷叵測即
用鎗礮轟擊庶於安撫之中仍寓防範之意一
請投出之人遣令回籍毋庸兵役護送以釋驚
疑也查投出之人有實係歸誠者亦有因黨與
日散勉強順從者既給腰牌黃旗令其沿途自
行赴官請領口食自與遞解軍流人犯不同若
復過於鈐束必生驚疑應請止令沿途保甲派
撥人夫逐段照料以利進行毋庸派撥兵役逐
站護送若驀地潛逃或滋生事端自係怙終不
悛卽令地方官分別辦理且報存案一凡係同
鄉同村人同時投出人數過多應令間日行走
每起不過三十人以免擁擠也查安撫之事開

欽定剿平三省邪匪方略

正編卷九四

誠布公原可無庸過於防範致滋惶惑但同鄉
同村之人同時投出或數十人及百餘人中途
既無管束難保不恃其人衆滋生事端應請就
其人數多寡均勻配搭或間一二日或間三四
日先後行走則人少勢孤不致別生事端一請
口食從厚並到籍後分別安頓以示矜全也查
被脅之人明知罪在不赦無如蹂躪之後生計
蕩然是以隨賊擄掠苟延且夕若投出之後仍
係嗷嗷待哺勢難望其安靜應請照賑卹之例
甫經投到散給粥餼起程回籍酌賞盤費仍按
大口小口沿途從優支給口糧住宿給以廟宇
俾無窘乏之苦次日催令起身毋許停留其到
籍後令地方官查明有業無業將作何安頓之
處逐細詳報該管上司嚴行稽查毋致失所有

欽定剿平三省邪匪方略

四七九

業者自行經理倘原業被人侵佔稟官追給其
無業者或派充衙門夫役或與軍流各犯一體
支給口糧或查入官之業產分給耕種計畝納
租或酌分現任大小文武官員及在籍紳衿之
家服役力作以資養贍仍由該地方官發給執
照此外安置之法因地制宜不拘一格總當令
其餬口有資棲身有所自不致流蕩為匪一請

《聖朝聖訓卷四

十四

凡老幼婦女殘廢之人分別安插以免失所也
查老幼婦女殘廢之人凡有丁男挈帶回籍者
胥聽其便倘係無家可歸無人可倚若強令就
道亦非所以示體卹應請將年老及殘廢之人
分撥附近各州縣支給孤貧口糧以終天年其
婦女幼孩卽勸諭仕宦之家殷實之戶分領養
育以供使令不定主僕各分仍由官發執照庶

幾不致流離一年少單身之人無家可歸不願
回籍者請另為設法安置以免向隅也查年少
之人來從賊黨不必盡皆遊蕩或本係孤苦或
被脅之時室廬灰燼骨肉分離與其遠歸而無
所依不如異地謀生尚可度日但不得聚於受
撫之地致留後患應請分撥向無邪教各州縣
設法安置給予腰牌自行齎投口糧盤費一體

《聖朝聖訓卷四

十五

支給仍於投到時由該州縣將作何安置之處
具文報查一凡賊巢距安撫營較遠之處間有
私自逃出者請設法安置以昭畫一也查私從
賊巢逃出之人如果並未夾帶字跡執持器械
均係自知守法改過自新之人應請出示近十
者赴卡近城者赴城兵役人等不得留難阻滯
立即帶交地方官查問明白給以印花腰牌寫

悔罪自新遵

旨免死等字樣或回本籍或他往依傍親友給以執照令其自行資投該地方官交保管束與商民一體營生無庸官為安置仍造冊申報並於朔望查點倘或結黨成羣滋生事端即行分別辦理一投首之人回籍後請嚴禁挾仇訐告以省拖累也查此次奉

欽定剿平三省邪匪方略

正編卷九四

旨撫輯出自

皇上法外施仁皆可望其改過自新共享

昇平之福有指首曾經從賊者應請以告

赦前事論是已投者脫然無累未投者亦無不欣然

來歸一教匪頭目悔罪投首者仰懇

聖恩暫行寬宥以格愚頑也查教匪頭目果實有惡

才實有邪術一經擒獲賊黨無所統屬自必紛

紛若鳥獸散今各頭目盡係愚頑之徒惑眾歛

錢並無惡才邪術連年擒獲之賊目已多而賊數仍未減少蓋官兵乘勝殲戮之時賊黨人數尙眾又各於其黨中推一頭目可見無足輕重若賊目悔罪投誠立即正法不但賊黨中益堅負隅之念而被脅之人更必受其禁錮無從投出應請設立安撫營之後如果頭目詣營自首

欽定剿平三省邪匪方略

正編卷九四

由督辦大員面加詢問察其真偽或厚加犒賞

或假以詞色或令寄信邀約或令回巢遍傳陽

示以不疑而陰防其不靖俾賊黨咸知著名元

惡尙得仰邀

寬典自不致有所遲疑似於安撫之法更為周密至

頭目究係獲罪重大之人應俟大局完竣之後

將作何辦理之處請

旨定奪以上十一條臣與各寮屬悉心講求又復體

察輿論意見相同是否有當伏請

訓示奏入得

旨軍機大臣悉心妥議具奏

二十五日癸未勒保奏言查額勒登保一路官兵

於三月初五日自譚家山將蕭占國張長更等

兩股匪眾辦完後臣即知會迅領大兵乘勝趕

赴岳池一帶剿捕冷添祿並包正洪等股竄匪

六

暫留朱射斗在後搜捕餘孽嗣額勒登保由營

山蓬州一路進發行抵玉屏山探得包正洪一

股已在大竹境內與儀隴竄來之賊匪張子聰

合夥均竄入隣水縣境而冷添祿尚在岳池地

方游奕雖經劉君輔帶兵追躡未能得手額勒

登保由問道督兵連日冒雨進行於初十日未

刻行抵荷角場適劉君輔趕到探知冷添祿正

在前面悅來場一帶屯聚額勒登保以該匪等

尚未知有大兵正應出其不意迅速進擊當派

總兵楊遇春等為一路總兵銜穆克登布為一

路各於左右山溝內密往抄截先令劉君輔帶

兵前往誘敵額勒登保即親督侍衛將備等由

中路前進劉君輔甫行六七里忽有賊匪前來

抗拒連放鎗礮並有騎馬之賊往來衝突額勒

九

登保催兵競進衝入賊隊殲斃多名賊勢頓却

我兵乘勢掩殺追至廣安州屬城頭堰地方適

侍衛鳴喇等帶領馬隊由左路抄出護軍恭領

格布舍等帶領馬隊由右路抄出殺斃騎馬賊

匪四十餘人該匪等無路奔逃紛紛散竄立斃

三百六七十名生擒龍典禮等七十三名當據

獲賊供稱冷添祿自祖師觀竄出祇有六七百人因徐添德合夥又撥出戰手一千餘名隨同冷添祿行走嗣於正月間在鑼鍋塢分夥卽向隣水岳池定遠南充一帶往來奔竄沿途又逼脅多人統計實有三四千人今日冷添祿說劉大人帶兵不多我在悅來場等候倘能將官兵打退免得又來追趕先令賊目劉朝選率領男婦二千多人在前行走冷添祿與賊目符日明挑出戰手一千餘人在後埋伏預備抄截官兵不料大兵驟至追到城頭堰殺死多人冷添祿中箭墜馬我們卽被擒獲等供額勒登保當令該犯等於積屍內尋取冷添祿屍身係被亂矛戳死辨認屬實當將該犯首級解到

臣營經

傳令熟識該犯之人認明無異因探知前股匪

欽定剿平三省邪匪方略

正編卷九四

東向蕭家溪竄去額勒登保卽於十一日督兵

進剿至場坪竿獲落後賊匪訊知劉朝選符日

明率衆狂奔要由大竹一路竄出找尋包正洪

等合夥額勒登保卽督率楊遇春劉君輔穆克

登布等分路截擊至茶坪壩時已晌午遙見石

筍河聚有賊匪正欲過河我兵三路并到將賊

衆全數逼至河沿痛加殲殺該匪無不慌亂撲

河淹斃者不計其數其在沿河殺斃者統計八

百餘名生擒男婦七百八十一名口除將從賊

日久之吳亦云等三百七十五名立時正法其

餘被脅難民均交廣安州給與銀米遞籍安插

賊目符日明業經殺斃惟劉朝選尙無下落是

否一併殲戮現在確查不使漏網守備趙祥候

補千總譚一洪受傷陣亡弁兵內亦間有傷亡

俟查明容部其出力之吉林索倫滿漢官兵現據額勒登保開送前來另單保奏臣現已知會額勒登保速即帶兵由隣水一路進剿包正洪張子聰等匪眾以冀尅日掃平再赴川東剿辦別股又朱射斗前在營山一帶搜捕蕭占國餘匪節據搜獲一百餘名均交營山縣審辦臣恐此次冷添祿駭匪尚有零星逃逆者仍飭該鎮

《聖朝聖學編卷之

三

即在廣安岳池境內帶兵搜捕以期淨盡

勒保又奏言查川陝交界地方自廣元以至太平綿亘一千餘里處處有路可通陝境自不若湖北之與川東接壤者祇有巫山大寧兩處可以扼要堵截况楚境現無賊匪該省督撫祇須相度地勢在毘連川陝各要隘多撥兵勇嚴防即足以捍衛巖疆則重在堵而不在剿至陝省

現有賊匪紛竄地方又復遼濶勢不能逐處安兵制其奔逸之器則當堵剿並重今恒瑞所奏王文雄等駐兵處所與恒瑞相距七八百里中間并無兵將接應亦屬實在情形然欲聲勢聯絡處處添兵不特無此兵力而路徑叢雜若賊又乘間潛逃仍屬有名無實果能於有兵堵禦之所遇賊即行痛剿該匪等自難竄越即或於

《聖朝聖學編卷之

三

無兵空隙之處奔竄而帶兵大員實力截殺不予以暇痛打一二仗之後賊勢窮蹙再得一路勁兵為之截擊自易得手現在永保到營臣連日與之悉心籌畫並察核陝省地勢賊情查張漢潮在五卽孝義一帶有明亮跟蹤剿辦龍紹周樊人傑等在西鄉紫陽一帶有王文雄柯藩慶溥等帶兵堵禦張映祥一股在畧陽階州一

帶有恒瑞富成兩路夾攻以各路之兵剿堵各路之賊尙覺不敷而秦承恩前在漢中帶兵祇有六百名因派往鳳縣堵賊失利所存不過十分之六更不足恃今永保仰蒙

皇上逾格天恩署理陝西巡撫正當勉力殺賊立功但僅以單騎馳往仍不過於一路軍營內多添一人亦屬無濟於事自應酌籌兵力備其剿堵

聖鑒事

臣

之用查川省正當剿賊萬緊之際德楞泰一路賊勢較重卽額勒登保現已辦完三股而尙有包正洪等股餘黨亟須併力殲除刻下亦斷不便卽行抽派臣現駐白塔壩山梁原有官兵二千餘名以備策應茲卽於此內撥出陝甘兵一千餘名派往陝省第爲數尙少因查前此遵旨更換傷亡缺兵案內山東省有應調兵丁一千餘

各臣現又飛咨山東撫臣催令迅速調派起身

並囑永保於此項官兵過陝時就近留用至陝

省亦有應換缺兵臣因該省現有軍務本未調

取並令永保於到任後卽體察情形於各標營

內酌量抽調雖此項添調兵丁不允稍需時日

而到營後湊成一隊均係生力之軍卽可探明

何路緊要赴何路辦理可期得力正在籌辦間

聖鑒事

臣

適接明亮知會亦因兵力不敷囑令於川陝兩省內籌撥官兵二千名臣亦告知永保一到陝省或將現在派出之兵先撥明亮一路以資接濟俟山東及陝省調補之兵上緊催齊卽速帶領或赴明亮一路或赴別路協剿臨時相機辦理再查西安副都統觀成平日打仗辦事尙屬勇往幹練近因病後兩耳重聽帶兵不甚得力

是以^臣派令在夔防^臣茲陝省剿賊吃緊西安亦關緊要^臣現飭令該副都統將夔郡剿堵事宜交與七十五接辦節速起身回至西安以資彈壓又三等待衛侯圖桑阿現在漢中聞其老病侵尋不能帶兵應請令回京以節糜費
勒保又奏言^臣欽奉

上諭嗣後剿辦賊匪總宜以勁旅當先率領鄉勇又

《聖朝聖訓卷四

三

教匪聚眾叛逆陷城戕官實屬罪大惡極為王法所不容不得徒事招降等因查鄉勇一項本係齊民甫經充募祇可防守卡隘誠難望其禦賊衝鋒蓋緣此次軍興之始調派官兵無多不得不藉鄉勇以壯聲勢嗣因用兵日久鄉勇等經歷行陣漸覺諳練並又熟悉路徑而帶兵各員或以兵力不足或恐兵丁損失過多責令鄉勇在

前打仗此等情弊難逃

聖明洞鑒自^臣接辦後留心察看鄉勇中得力者固

不乏人無用者亦復不少因各路兵力不敷未便概行裁汰當經通飭查點將勇健之人酌留調用其不得力者全行裁撤又復節次嚴飭帶兵鎮將凡有隨征鄉勇或令探聽賊情或令作為嚮導打仗時祇許在後助戰毋任臨陣當先現在額勒登保德楞泰兩路官兵每遇打仗俱係吉林索倫馬隊在先滿漢官兵步隊接踵並進實無專令鄉勇衝鋒之事至軍行之次原可剿撫兼施但招撫祇在脅從逆黨即未便輕賞至各首逆罪大惡極更為法所必誅若徒以解散為事或將久經從逆之犯並首先傳教之人概行釋放不特無以服眾且恐安插後反側潛

《聖朝聖訓卷四

三

萌轉貽後患臣自辦理軍務以來本重在剿而不在撫凡習教從賊並曾經殺人放火者無不立予駢誅惟實在被脅難民迫於勢不得已者訊明後始行釋放酌給銀米交地方官妥為安插斷不肯意在招降致涉寬縱至剿賊固以擒渠為重然擒首逆而夥黨未盡聽其遠颺其中強悍者又各自為首聚眾蔓延名雖殲厥渠魁其實大衆具在於大局仍無裨益官兵如果痛加剿捕將其黨與悉數截除縱使首逆尚存亦屬孤立無助不難弋獲况從前欲將首逆解京帶兵各員往往於剿捕得手之時注意生擒轉致兎脫今荷

聖明燭照機先飭令不必解京而冷添祿蕭占國張長更等均得臨陣殲戮將各首級傳示犯事地

方無不共見共聞咸知儆懼臣嗣後惟有嚴飭各路領兵大員殺賊則勁旅當先獲犯惟脅從罔治以期將士用命教匪全除均奏入

上蒼默佑

皇老威靈覽奏曷勝欣感冷添祿股匪上年自祖師觀竄出後又復到處奔匿日久稽誅今勒保因額勒登保剿滅蕭占國等股賊匪完竣後即知會額勒登保帶領勝兵乘勢剿捕得以迅就蕩平勒保調度得宜能得人心使將弁等皆知感恩報効實不負經畧大臣之任深堪嘉獎至額勒登保前於病體初愈時即將蕭占國張長更兩股賊匪全行辦竣茲於途次一聞冷添祿在岳池地方游奕之信

卽由間道督兵連日冒雨遶行趕抵賊巢出其不意痛加剿殺冷添祿中箭身斃額勒登保又復乘勝將餘匪撲滅淨盡旬日之內殲除三股賊匪實為奮勇可嘉不愧認真出力之大將前已加恩賞給二等男爵世職著再晉加一等男爵其從前恩賞銀一萬兩未經完繳者免其著追其隨額勒登保打仗之吉林索倫滿洲綠營兵丁著勒保查明

《剿平著羅喜正編卷四

三

普賞一月錢糧以示鼓勵至軍營出力各員內如護軍叅領格布舍係薩克丹布之子烏鎗最為精熟朕所深知足見所保公當已另降諭旨俱照所請加恩矣從前各路帶兵大員祇圖擒拏首逆仍任餘匪竄逸以致一股未平一股復起迄無竣事之期今於旬日內連辦三股賊匪不留餘孽從此剿淨一股卽肅清一處可望成功朕佇盼捷音踵

至也

上又諭內閣曰軍營節次打仗出力人員護軍叅領格布舍著賞給副都統銜三等侍衛噶喇著陞為二等侍衛吉林佐領德林保著賞給珠克圖巴圖魯名號驍騎校綽布通阿著賞給訥爾吉巴圖魯名號前鋒全保著賞給伊勒達穆巴圖魯名號黑龍江領催哲勒格訥依著賞給伯琪禮克巴圖魯

《剿平著羅喜正編卷四

三

名號彥丕勒著賞給齊達勒台巴圖魯名號總兵銜叅將穆克登布著賞給濟特庫勒台巴圖魯名號遊擊喜明著賞給騰琪台巴圖魯名號把總梁揚光著賞給綽克托巴圖魯名號仍照例各賞銀一百兩成都佐領阿郎阿黑龍江驍騎校烏圖依遊擊張明德都司王光燾守備劉健標周官均著賞戴花翎守備鄭貴著賞換花翎吉林領催伊

勒彰阿明女前鋒伊克精阿安楚披甲訥音登阿
倭楞泰赫特恩保烏進保穆克德布德爾奇善黑
龍江領催固寧阿彥濟勒波甲凱瓦勒圖額依布
臣烏爾圖訥蘇綽丹保滿都禪打牲餘丁彥濟保
成都驍騎校忠靈守備馬正元千總廖世俊王兆
龍王百齡楊春榮王泰把總汪廷舉呂應揚王學
閻吳振亮馬起龍陳瑾外委楊宗禮陳祖榮額外
外委吳廷楷李珍張超李得徐國明兵丁陳大雄
甘勝發羅輔馬獻唐文貴安定邦溫芝蘭劉丕振
潘棟王朝柱李得勝鄉勇頭目李和周貴俱著賞
戴藍翎以示鼓勵

上命軍機大臣傳諭勒保曰此次教匪蔓延日久裹
脅日多不得不議剿撫兼施之法但必將首惡逆
黨痛加殲戮使之知所震懾方足堅其畏罪遷善

之心今勒保奏稱祇應撫其脅從其意以剿辦為
重所見甚是至陝省堵剿事宜所稱王文雄與恒
瑞駐兵處所相距七八百里中間並無兵將及漢
中止有兵丁六百名之處前據馬慧裕籌辦撫綏
摺內亦會奏及陝省情形現交軍機大臣酌議其
所需更換山東兵丁亦降旨令岳起照數挑派迅
赴軍營聽候應用惟在勒保察度情形隨時酌辦

朕亦不懸揣逆制也又據稱令觀成回西安駐守
另派七十五在夔州防守并因圖桑阿老病令其
回京所奏俱是自應如此辦理其打仗陣亡之守
備趙祥候補千總譚一洪二員俱着咨部議卹此
次打仗情形閱摺內所稱將賊眾全數逼至河沿
痛加殲戮及撲河淹斃者不計其數在將士等奮
勇爭先自不得不乘勝痛剿但邪匪逞脅良民人

數衆多以致臨陣被殲玉石俱焚難分順逆閱之
彌覺惻然勒保身膺重任惟當仰體朕心視國事
如家事昨復降旨將永保長子凝志賞給藍翎侍
衛次子凝華賞給親軍校係朕格外施恩勒保永
保兄弟二人應如何良心發現迅勉成功也

上又命軍機大臣傳諭署山東巡撫岳起曰據勒保
奏調山東兵丁一千餘名已飛咨山東撫臣催令

聖朝聖訓卷之四

三

迅速調派起身此時川省擒獲首逆陝省正查堵
剿著岳起查照來咨數目迅速挑選健壯兵丁并
派明幹將弁督率前往即赴軍營聽候應用毋致
遲延

二十七日^{乙酉}廣厚奏言^臣與吉蘭泰由黑崖山

小路截擊賊匪行抵沙坪接據署涼州府沈清
署階州朱超遊擊范濬等稟報賊匪由佛堂溝

竄至高橋沈清等即帶領兵勇於羅家寨防堵
用鎗礮擊適將軍富成趕到追殺賊匪遂繞
道奔赴黃家壩兩水等處即於兩水分股一股
五六千人向涼恭竄逸一股六七千人向宕昌

竄逸富成現在追趕宕昌一股賊匪各等情查
宕昌地方^臣先因該處係通岷州大路移令護
洮岷協副將五明阿調洮州土兵六百名帶領

聖朝聖訓卷之四

三

馳赴分水嶺一帶防堵富成現在躡蹤追剿惟
涼恭山徑崎嶇現無防兵^臣即同吉蘭泰催兵
兼程前進并派守備閻應龍千總王懷吉帶兵
百名先行馳往行抵閭井正遇賊匪前哨數百
餘人在該處搶掠馬匹該守備等奮勇截殺^臣
與吉蘭泰亦帶兵趕到即督兵圍捕生擒騎馬
賊目冉玉煥楊大惠一名殲斃七十餘名餘匪

捨命奔回旋聞賊匪大眾已連夜竄赴新寺鎮
臣等卽由寫溝問道馳抵黃家河距新寺鎮三
十里探知賊匪在彼屯紮_臣因與吉蘭泰商酌
將路徑形勢查詢明確於二更時乘月色甚明
帶兵前往距鎮數里派署同知縱司燁守備敖
世俊帶兵四百名於南面溝內埋伏都司巴翰
璧知州張利溥帶兵四百名於西面山後埋伏
臣等帶兵一千名由中山路進發吉蘭泰率同
都司馬良棟劉天秩守備閻應龍直撲鎮內喊
言官兵大至賊匪驚惶失措紛紛回竄自相擁
擠吉蘭泰帶領兵將鎗箭刀矛一時並舉環繞
截殺_臣於鎮外率守備李殿魁用鎗礮轟擊復
令署縣丞席濂照磨金勝等高聲傳諭如係本
地被裹良民各釋兵器逃生頃刻解散無數賊

聖朝聖編卷四

美

匪悉力衝突縱司燁巴翰璧等兩路伏兵齊出
接應奮力迎擊斬獲愈多賊匪情急隨搶上東
面山梁山勢險峻仰攻較難時已昏暮賊匪拚
死抵拒_臣等激勵將士乘勝進攻鄉勇熊魁攀
崖先登中矛陣亡把總郭希順武舉金毓林米
建基外委馬虎張興忠率兵一擁齊上賊匪不
能抵禦卽山山後翻越奔逃_臣等查驗奪獲大
礮二位馬騾二百餘匹頭器械旗幟無算約計
殲賊實有一千餘人生擒羅文得等一百八十
六名內有實係本地被裹趙富保等七十七人
當卽釋放訊據羅文得等供稱此股係藍號逆
首張映祥並張世龍張世虎張世鳳兄弟三人
與宕昌一股約定在新寺鎮會齊同攻鞏昌府
適纔頭戴紅頂身穿紅馬褂被礮打死者卽張

聖朝聖編卷四

美

世龍屍軀被張世鳳令人搶去至宕昌一股係白號逆首楊添柱有大頭目蕭姓秦姓不知其名等供當即均行正法此次打仗兵丁傷亡共計六十二人旋據探差回報賊匪已窮竄至寧遠之鴛鴦嘴樂善鎮等處臣等當即差人由捷徑知會前派防守西禮之遊擊富珠隆阿等帶領該處防兵八百名馳往抄截臣等亦即緊躡窮追務期先將此股賊匪全數撲滅奏入

上命軍機大臣傳諭恒瑞富成廣厚曰廣厚奏痛剿賊匪分路追剿情形所辦甚好近日川省蕭占國冷添祿等股竄匪業經先後剿淨朕所慮者正在甘省今據廣厚奏賊匪張映祥等或分或合經官兵追剿賊一千餘人生擒一百八十六人并將賊目張世龍擊斃剝散賊匪出山後奔竄覽奏深

聖祖聖孫萬歲

三

為欣慰此皆係廣厚吉蘭泰二人之功廣厚著加恩賞戴花翎吉蘭泰著加恩賞給伊清阿巴圖魯名號並賞戴花翎以示嘉獎其直上山梁剿賊之把總郭希順武舉金毓林米建基外委馬虎張興忠俱著交部議敘其殺賊陣亡之鄉勇熊魁著咨部議卹此股賊匪勢已窮蹙廣厚吉蘭泰當乘勝進擊速行剿淨後即前赴富成一路夾擊宕昌一股白號賊匪此二股一經剿竣甘境即可肅清至賊匪現在奔竄地方係在鞏昌一帶相距陝境不遠並著恒瑞察看情形派撥弁兵預行堵截毋任甘省竄匪乘間闖入陝境為要

聖祖聖孫萬歲

三

欽定剿平三省邪匪方略 正編卷九十五

己未年

四月初二日 庚寅 軍機大臣永理等奏言竊照馬

慧裕條奏軍營安撫事宜各條奉

旨令 臣 等悉心妥議謹擇其中事屬可行應請行令

遵奉者有應交經畧大臣再行詳悉妥議者並

有難以施行毋庸置議者分別列款恭呈

御覽再該護撫奏稱陝西防守一事自寧羗至平利

與川省交界綿亘二千里賊匪隨處可以翻越

山梁今查漢中之兵止有六百餘名又係零星

攢湊及留養病痊之人將官除遊擊蘇維龍已

經陣亡外止有都守三員均不諳習戰陣寧沔

一帶俱派鄉勇防守現囑各道府並地方官將

所集鄉勇勤加訓練以助兵力一節此實係該

省督撫等從前因循闒茸之咎現雖議令剿撫

兼施然必能剿而後能撫尤必能堵而後能剿

今以綿亘二千里之地僅委之六百餘名之攢

湊疲弱兵丁及不諳戰陣之都守三員無怪乎

賊匪得以往來奔竄游奕自如也惟查此時各

路剿捕賊匪正需兵力自無多餘兵丁可以分

撥防守勢不能不資鄉勇協助該護撫現囑令

該道府等勤加訓練究恐有名無實昨於更換

兵丁一事已奉

旨飭令岳起挑派山東兵丁一千餘名令明幹將弁

帶赴陝省應用並經勒保囑令永保到任後於

各標營內酌量抽調將來將弁兵丁自可足敷

派撥此時仍應嚴飭各該道府團募鄉勇實力

整頓並責成地方大小文員一體督率防護以

期布置聯絡互為聲援倘仍前疎懈即令該省

督撫嚴叅治罪庶責成專一於備禦較有神益

伏祈

皇上訓示遵行

事屬可行照議辦理者二條

一難民中凡同鄉同村之人同時投出者請令

間日行走均勻配搭每起不得過三十人一

款查回籍難民若令同鄉同村之人成羣就

《聖諭廣訓卷五十五》

三

道則人數眾多保無滋生事端應如所請就

其人數多寡酌量配搭或間一二日或間三

四日每起雖不必拘定三十人總宜以不致

糾紛擁擠妥籌辦理

一投出之人回籍後請嚴禁挾仇訐告如有指

首曾經從賊者應請以告赦前事論一款查

民人被賊脅從原非出於本意今既經投出

若更追其既往不齒人類殊非咸與維新之

道應如所奏以消訐訐之風

事不可行毋庸置議者二條

一請出示投出之人先令將火藥鎗礮刀矛均

行棄去每起只准五十人赴營投首酌賞盤

費若數百成羣執持器械而來者即用鎗礮

轟擊等語查軍營收留投出難民自當嚴為

《聖諭廣訓卷五十五》

四

查察以防欺詐然拔身賊隊乘間來歸豈易

以五十人之數齊之至所稱鎗礮轟擊尤非

可孟浪從事轉恐傳聞驚阻堅其從賊之心

其酌賞盤費一節則前經勒保奏請人給口

糧日五合盤費銀三錢並給路票作為執照

仍飭各地方官詢明居住歸入附近民寨每

戶給與搭蓋草棚之費五錢用資栖止於撫

綏安輯之方最爲周到應令該護撫查照辦理

一請投出之人遣令回籍無庸兵役護送止須令沿途地方鄉約保甲派撥人夫逐段照料等語查投出難民遣令回籍與遞解軍流人犯不同自毋庸撥兵護送至沿途欲令鄉保撥夫逐段照料碍難辦理且恐鄉保等勒派周章別生枝節惟應飭令沿途地方官一體留心查察倘有潛逃滋事等情卽行分別懲辦

原議未妥分別准駁四條

一投出難民請照賑卹之例散給粥餼起程回籍酌賞盤費仍按大口小口沿途從優支給口糧住宿給與廟宇次日催令起身毋許停

刑部彙纂卷九十五

五

留其到籍後令地方官查明有業者聽其自行經理倘原業被人搶佔稟官追給其無業者或派充衙門夫役或與軍流人犯一體支給口糧或查入官之逆產分給耕種計畝納租或酌分現任文武大小官員及在籍紳衿之家服役力作以資養贍仍由該地方官發給執照等語查投出難民在途及到籍後自

刑部彙纂卷九十五

六

應妥爲資給俾免流離但該護撫所議如沿途居住豈能皆有廟宇次日起身又令官爲督催勢同驅逐更致驚慌伏思此等難民過境總須赴有司衙門支領口糧該地方官於按名散給後卽可傳到鄉約地保等令其領出酌量空閑處所分指住宿並卽將所給口糧止准請領一次不准重支面爲曉諭則難

民等自不待催促償赴前途矣至回籍以後
 豈能永遠仰給官糧卽入官逆產亦不敷遍
 給此等皆鄉愚無知若派充衙役殊多悞事
 給與官紳等服役又與罪人爲奴無異均不
 可行應無庸議其投到時照賑卹例散給粥
 饑及到籍後有業者聽其自行經理如有原
 業被人佔據者稟官追給仍令各地方官將
 作何安頓之處詳報上司均應如所議辦理

一據稱此項難民內無家可歸無人可倚若強
 令就道非所以示體卹應請將年老殘廢之
 人分撥附近州縣支給賑貧口糧以終天年
 其婦女幼孩卽勸諭仕宦之家殷實之戶分
 領養育以供使令不定主僕名分仍由官發
 執照等語查年老殘廢之人分撥附近州縣

聖朝聖鑒編卷九十五

七

支給孤貧口糧以資養贍事尙可行至婦女
 幼孩若勸諭仕宦殷實之家分令養育以供
 使令主僕等未盡樂從况又不定名分尤
 難管束應毋庸議

一私從賊巢逃出之人應請出示近卡者赴卡
 近城者赴城兵役人等不得留難阻滯卽
 帶交地方官查問明白給以印花腰牌或願
 回本籍或他往依傍親友卽給以執照令其
 自行賣投該地方官交保管束仍造冊申報
 並於朔望查點等語查此等由賊營逃出者
 兵役人等原不得阻滯留難應如所請如有
 近城近卡者卽帶交地方官吏或願回本
 籍或他往依傍親友當卽給以執照令其前
 往各營生理至朔望日查點事涉煩擾應毋

聖朝聖鑒編卷九十五

八

庸議

一教匪頭目悔罪投誠請營自首者請行寬宥

仍由督辦大員面察真偽或厚加犒賞或假

以詞色或令寄信邀約或令回巢遍傳俟大

局完竣後將作何辦理之處請

旨定奪等語查教匪因不肖官吏擾累激成殺吏戕

官勢無反顧因復煽誘迫脅蟻聚多人恃險

《聖朝聖鑒編卷五

九

抵拒其中人眾力强者即為著名首惡而宵

小奸民乘機附和亦復自為渠魁其實所恃

者在股數多而路徑熟我兵動為牽綴遂得

肆其鴟張今既剿撫兼施自應釋其疑畏子

以寬宥但不必厚加犒賞過示優容而令其

寄信邀約回巢遍傳更非事體所宜應無庸

議

擬交經畧勒保另行籌議三條

一據稱請將此次欽奉

上諭敬謹謄黃再以方言里語刊成告示遍行粘貼

並請於川陝楚豫之地各設安撫營一二處

或三四處每營撥給精兵千名

欽差大員一人督辦招徠安撫之事各給

欽差安撫使關防如賊營內自行投出者概免其罪

《聖朝聖鑒編卷五

十

能勸諭數人及數十人投出者分別賞賚銀

錢頂戴或能帶領一股投出者即賞以職官

奏請敘用等語查教匪等此次經勒保將欽

奉

恩旨廣為宣布之後陸續就撫及臨陣投出者已有

成效從前三年中地方官亦會屢發告示迄

不見就撫之人是官為出示不若

王言威格之真且速也今該護撫請再以方言呈請

刊成告條甚於體制不協應毋庸議至設立

安撫營特派安撫使給予關防一節查剿撫

機宜同時並用若於軍營之外又設立安撫

營帶兵各員之外又添派安撫使則地方既

不能有如許大員分司其事亦無如許兵力

分駐各營應毋庸議至所稱投出之人分別

《聖朝聖訓編卷五

十一

人數多寡賞給銀錢頂戴官職之處事尚可

行應令勒保臨時酌辦用示招徠至意

一據稱投出之人請各給腰牌一面上貼安撫

使關防印花寫自行投首遵

旨免死字樣沿途請領口糧其攜帶眷口貲財者另

給黃旗將眷口貲財寫於旗上不許與外人

結伴通傳各處兵役人等驗明放行仍掛號

備查等語查投出之人官給憑據事屬可行

若明寫遵

旨免死字樣實屬非體且恐易長刁風至所稱眷口

貲財另寫黃旗通傳放行誠恐查察既有難

周而留難勢有必至應毋庸議其應如何官

為辦給憑據併酌予口糧盤費請

勅下勒保另行籌辦

《聖朝聖訓編卷五

十二

一據稱難民中年少之人或本係孤苦或室廬

被焚與其遠歸無依不如謀生異地請分撥

向無邪教各州縣設法安置等語查年少單

身無家可歸自不必強令回籍但官給口糧

可暫而不可久官為稽查宜分而不宜聚應

如何分撥安插暫資盤費俟賊平後聽其隨

地謀生之處應令勒保酌核妥議辦理奏入

得

旨所議公正簡明准駁合理遇報便發交勒保並令

永保馬慧裕知之

初五日癸巳恒瑞奏言臣前因廣元賊匪竄近南

鄭邊界遂帶兵馳回青石關截剿探得該匪係

鮮大川一股先經漢興道文需率勇嚴防卡隘

賊匪旋即折向南竄現距邊界已有三百餘里

其紫陽安康西鄉一帶沿邊竄匪雖經王文雄

慶溥柯藩溫承惠等帶領兵勇協力逼剿出境

尙在川省沿邊大山老林內出沒無常官兵若

追入川境恐賊匪乘間由他路北竄反落其後

是以臣等擇要分布聯絡堵禦至張映祥一股

竄入甘省階岷等處署藩司廣厚總兵吉爾泰

兵力甚單臣前已札令廣厚酌量就近添調官

兵

兵以資堵剿今據稟續調兵一千五百名並據

肅州鎮總兵索費英阿稟報亦帶兵二千名前

來又有將軍富成帶領兵勇七千餘名自可合

力剿辦臣本擬俟永保回陝即帶兵馳赴江北

與明亮等先將張漢潮一股剿洗茲據隴州知

州李承道都司綽克圖稟稱張映祥分股賊匪

已竄至通渭縣境查該處距隴州三百餘里已

無渭水之隔若向東北奔竄即係陝甘大路富

成等官兵俱在賊後而陝省邠隴及甘省平涼

一帶又無兵備萬一賊匪乘虛竄入則完善地

方復遭蹂躪且兩省元氣全在腹地非南山邊

境可比臣自應先顧其急現已飛札王文雄督

率慶溥柯藩於興漢邊界隨時確探賊蹤小心

防堵並酌留副將馬兆瑞帶兵一千六百名駐

防

紫南鄭要隘永保不日亦可到陝臣現由棧道
馳赴北路探聽前進實力剿堵再遵查副將田
有成守備劉合二員均經出征受傷給有功牌
自應遵

旨以原品休致並查延綏波羅營叅將皂常保因患
腰腿疼痛現在興安調養未能痊愈該員亦前
經出征受傷應請

聖旨著纂錄卷五

五

旨一并准其原品休致奏入

上命軍機大臣傳諭明亮恒瑞永保廣厚曰陝省南
路賊匪鮮大川一股經文需督率兵勇截回而紫
陽一帶竄匪亦經王文雄逼剿出境所辦尚好恒
瑞以官兵若追入川境恐轉落賊匪之後是以擇
要分布聯絡堵禦所辦亦是其竄入階岷等處之
張映祥一股廣厚吉爾泰兵力較單今據奏廣厚

稟稱續調兵一千五百名而索費英阿亦帶兵三
千名前往自屬得力但廣厚所謂係何處之兵摺
內未據敘明至張映祥分股賊匪是否即係前次
廣厚等剿散之餘賊又竄至通渭縣境恒瑞若即
馳赴江北則通渭竄匪或乘虛闖入陝甘大路殊
有關係恒瑞現由棧道馳赴探剿所見甚是此時
永保已到陝者恒瑞於永保到後即帶兵前赴

聖旨著纂錄卷五

六

甘省與富成吉爾泰廣厚等會剿張映祥一股其
張漢潮一股即著永保會同明亮等合兵奮擊以
期迅速集事其陝省邠隴及甘省平涼一帶現據
恒瑞奏稱並無兵備豈不又與寧羗平利等處情
形相倣其應如何酌量抽撥分防之處并著恒瑞
永保等妥為籌辦至張漢潮股匪明亮與肇帶兵
追剿為日久何以總未據奏報又涉遲延故智

一書之八八冊續修四庫全書第 2 卷 五〇〇

矣並著明亮將此股賊匪現在何處奔竄及如何痛加殲剿之處卽行具奏又副將田有成守備劉合二員及叅將皂常保俱因老病不能帶兵均着准其原品休致

初九日丁酉馬慧裕奏言臣於三月十七日途次

興平接據探報張漢潮一股竄至留壩廳屬江

口臣查江口以東由滴水崖魏川卽可直達斜

《聖訓彙編卷五》

七

峪關該處爲南山路通平原第一山口地勢甚

爲散漫臣卽由武功扶風小路趕赴斜峪關察

看情形就該處原有鄉勇六百餘名移住山口

內觀音嶺寨坡梁兩處晝則多樹旗幟夜則多

放號火大張聲勢以絕賊匪窺伺之念又恐鄉

勇力單飛調駐守子午峪之遊擊邢承誥等帶

領官兵五百名鄉勇八百名趕赴該處扼要設

卡堵禦其滴水崖魏川一帶爲斜峪關來路王

文湧連年在彼情形極爲熟悉卽令該道帶領

防護棧道總口之壯丁鄉勇三百餘名前赴該

處住守連日接據探報張漢潮一股經明亮帶

兵追剿由洋縣五耶關入鎮安境內距寶雞郡

縣約四五百里不等北路似可無虞適據甘省

秦州稟稱賊匪張映祥一股由渭河北山竄至

《聖訓彙編卷五》

六

通渭縣屬之榜落李辛並據隴州知州李承道

稟稱探得賊匪已至秦州之三陽川石灘距秦

州三十里有由秦安漸奔東南之勢復據固原

城守遊擊蘇楞額移稱派撥官兵前赴靜寧安

定防守各等語查通渭切近隴州而靜寧安定

又係直通邠乾大路一望平原無隘可守若由

秦東趨鳳縣棧道更爲可慮附近各標營存兵

無幾以調撥隨飛調駐守寶雞山門口之都

司綽克圖帶領新兵二百餘名趕回關山本營

復飭鳳翔府知府崇祿前赴隴州督同知州李

承道多僱鄉勇協同新兵分段防堵復調省城

壯丁五百名委令遊擊毛伏帶領前來以備派

撥並稟請恒瑞體察情形迅為籌度臣暫任寶

雞棧口分探西北兩路何處緊急即調斜峪關

《聖祖聖訓編卷五 九》

滴水崖各兵勇親身帶往設法堵剿若竄至通

渭秦州之賊無虞闖入陝境臣即行馳赴漢中

至張漢湖零股竄至孝義藍田切近省城經按

察使台斐音督同文武設法防堵向屬嚴密所

有各路軍火糧餉俱經寬為預備不致稍有貽

悞再陝省從前北路關係至重今西路又復戒

嚴縱橫二千餘里各營卡官兵不滿二千各間

川省之賊經額勒登保連獲勝仗賊擒甚多現

在稟商恒瑞札致經畧勒保酌抽得勝之兵二

三千名分撥陝甘以資剿辦奏入

上命軍機大臣傳諭明亮恒瑞永保馬慧裕日馬慧

裕奏現在張漢湖一股由洋縣五郎關入鎮安境

內其零股賊匪竄至孝義藍田又張映祥一股自

通渭竄至秦州秦安有漸奔東南之勢是此二股

《聖祖聖訓編卷五 十》

賊匪分投奔竄陝省東西兩路均關緊要鎮安以

東即係商維一帶與豫境接壤孝義藍田地方距

西安省城甚近而由秦安折竄之賊東南可趨鳳

縣東北亦可達省城計賊蹤所至之處不下二千

餘里地方極為寬廣雖現經馬慧裕分派兵勇防

堵然各營卡官兵不滿二千名實屬不敷分撥前

據勒保奏撥出陝甘兵一千餘名派往陝西並調

山東兵一千餘名當經降旨令東省迅速派往不日即可到陝着明亮恒瑞等於此項官兵到陝後卽行留用務須乘新兵銳氣奮勇直前速將張漢潮張映祥兩股賊匪全行殄滅毋任再有蔓延至明亮於張漢潮竄至鎮安藍田等處情形並未奏及殊不可解着卽迅速具奏再秦承恩昨經解到當令軍機大臣嚴訊其緊閉西安城門不准難民進城一節據供伊與王文雄總在軍營並未在西安城內居住直至三月初一日賊匪竄入南山與肇柯藩王文雄帶兵往南剿賊秦承恩始於是日辰刻進城本爲安撫百姓非因避賊次日仍卽出城赴王文雄軍營前此關閉城門係陸有仁台斐音在彼秦承恩到時始行開城聽民出入至西安城壕向來無水近郊百姓多已避進城內實無難

聖訓彙編卷五

五

民觸城投河之事等語秦承恩進城出城皆有日月可憑賊匪由盤屋向東奔竄時距城較近係陸有仁台斐音在城內防守將城門關閉亦有確切証見秦承恩果否於初一日進城初二日卽赴王文雄軍營無難一詢而得着恒瑞承保馬慧裕就近詢問王文雄柯藩台斐音令其詳核秦承恩供詞或虛或實逐一登答毋得稍有瞻徇又據秦承恩供蘇維龍前在唐藏地方殺賊陣亡百姓尋獲蘇維龍屍身爭送棺木一節與陸有仁面奏情形相同至蘇維龍係於本年正月內經秦承恩始行派往留壩其在彼駐劄一年之說似無其事又據秦承恩供兵丁焦忠孝緊護蘇維龍殺賊尤多被賊捉住恐賊戮燉蘇維龍屍身自認爲帶兵官員被賊剜眼支解等語蘇維龍前已有旨查明交部

聖訓彙編卷五

五

優卹焦忠孝以微末兵丁能知大義殊堪嘉憫著賞給千總銜卽照千總例咨部議卹俾伊子孫得有世職以示獎勵

同日

上諭內閣曰陝省被賊蹂躪地方較河南為甚前既將河南盧氏等州縣錢糧施恩豁免陝省自應一體加恩所有被賊蹂躪之西安府屬孝義五郎咸

《製書新要彙編卷五

三

寧長安藍田渭南鄠縣盩厔鳳翔府屬寶雞岐山扶風郿縣漢中府屬留壩寧羌南鄭城固洋縣西鄉畧陽沔縣褒城鳳縣同州府屬華州興安府屬漢陰安康平利紫陽洵陽石泉白河商州並所屬商南鎮安山陽雒南等三十五廳州縣本年春徵地丁帶徵正耗鹽課銀共三十三萬八千七百一十五兩零未完本色糧四萬一千七百四石零又

未完乾隆六十年並嘉慶元二三年緩徵帶徵地丁正耗鹽課銀共二十八萬六千二百九十兩零本色糧一萬五十六石零俱着加恩全行豁免其隣近賊氛路當孔道之西安府屬咸陽興平臨潼高陵涇陽三原富平醴泉鳳翔府屬隴州鳳翔汧陽同州府屬潼關大荔華陰韓城蒲城白水澄城邠州並所屬長武淳化乾州並所屬武功永壽

《製書新要彙編卷五

三

等二十四廳州縣本年春徵地丁並帶徵正耗鹽課銀共四十四萬六千七百六十四兩零本色糧四萬一千五百石零未完乾隆六十年並嘉慶元二三年緩徵帶徵地丁正耗鹽課銀共四十萬八千九百八十兩零本色糧一萬五千八百二十一石零亦俱着加恩寬免十分之三以副朕軫念災區加惠閭閻至意

初十日戊明亮與肇奏言張漢潮一股賊匪經

臣等於米湯河等處連次痛剿之後該匪由川

河口冷水溝一帶翻山銜走連日並未屯紮察

其所向總在偏東南一路提竄十二日趕至淨

水河擒獲哨探賊匪何元魁等五名訊據僉供

張漢潮畏懼馬隊官兵與冉學勝等商量若向

平陽大道擄掠恐被官兵趕上不如總在萬山

《聖朝聖編卷九十五》

之中人馬難行之處往來躲避我尋分散之零

股人眾併力抵拒昨日詢問老關廟擄來土人

據說從此處翻山出去可通寧沔棧道張漢潮

即率眾前行留我等在後探聽官兵信息餘無

要供當將該犯等梟示伏查寧沔大道係川陝

門戶並通甘肅要路糧餉軍火絡繹不絕張漢

潮在各股賊匪中尤為狡猾若被梗塞關係匪

臣等一面飛咨恒瑞佈置防堵猶恐路歧地

廣臣明亮星夜由黃沙驛襲城一路兼程繞出

賊前十二日趕至馬道驛適值恒瑞帶兵在武

關驛堵禦並派總兵觀祥帶兵在留壩防守聲

勢極為聯絡探得張漢潮已竄至沙嶺子地方

距棧道僅三十餘里正擬併力進剿詎該匪連

夜由桅杆石小河口一帶折回偏北奔逃恒瑞

《聖朝聖編卷九十五》

以南路報稱川匪竄近即帶兵由褒城前進臣

等晝夜窮追二十二日馳抵回子壩遙見賊匪

後隊隔一高山飛即督兵前進前隊馬兵趕上

僅擒殺十餘人該處萬山重疊路徑陡險餘匪

業已翻山四竄連日尋蹤躡逐每日行至百數

十里二十三四五等日大雨泥濘兵丁竟日只

能行走七八十里又探得張漢潮從前分出另

股賊匪前後相離二三百餘里分起狂奔希圖牽

綴官兵深為可恨臣等左追右擊總期逼歸一

處處免顧此失彼之慮初二日探得張漢潮大

股賊匪在紅門寺紮營而分出賊眾在龍王廟

屯聚是日戌刻臣等馳抵石崖溝距兩股賊匪

屯紮處所均有六十餘里臣等三鼓發兵黎明

督兵馳至龍王廟該匪甫拔營前竄人數不過

《聖朝勦擒逆裔續卷五》

三

千餘人擒獲賊匪王元勳等供稱是分出另股

賊匪昨日纔會見大股令我等在此守候張漢

潮在紅門寺紮營離此二十餘里訊明後即派

鎮臣長春協領那令遊擊應元寬等帶兵擊剿

小股賊眾冀使逼歸一處臣等趕至紅門寺賊

匪已扒上山梁臣明亮督率愛星阿侍衛莫新

遊擊游棟雲等帶兵從山腰小路冀搶上山頂

下壓臣興肇同鎮臣關騰協領巴克坦布從山

梁緊追前進無如山徑險仄亂石層疊臣等牽

馬魚貫前行臣明亮甫至山梁賊匪已竄上山

頂吶喊搖旗滾石如雨官兵儘力仰攻鎗箭齊

發斃賊二十餘人生擒四十五人把總陳俊首

先追趕面帶矛傷外委張雲腿受矛傷賊匪遂

從老林遁入臣等分路翻山追擊適長春等將

《聖朝勦擒逆裔續卷五》

天

小股賊匪擒殺二十餘人已由山後將餘匪逼

歸張漢潮一路前竄臣等盡力繞道窮追沿途

又殺賊五十餘人時已傍晚祇可暫紮訊據獲

賊僉供張漢潮被官兵追殺甚緊原欲與小股

合夥人數眾多就可抵敵官兵往河南盧氏一

帶擄掠人馬再作計議昨日聽說小股矛手已

來張漢潮令其在龍王廟紮營守候不料被官

兵追來剿殺伊等都翻山從老林逃去等語查此內有向來習教並隨同打仗之符正坤等三十七名均卽正法其張象和等二十一人俱係被擄未久卽發交知府趙洵訊明就近解赴商州細加查核散給驗票妥爲安置臣等將張逆奔竄情形一面飛咨河南撫臣確探迎攔以期兩面夾擊惟是該匪折竄無定雖人數不過三千有餘必得多兵分路截剿前已札商勸保撥派協剿官兵二千名前來嗣接覆知未能抽撥臣就近與恒瑞商調協剿查陝省防江萬餘兵內此時亦暫難抽派正在萬分焦灼適接恒瑞奏稿侯松筠永保有一人到陝伊卽抽帶官兵馳赴江北與臣會剿張漢潮賊衆恒瑞未到之先臣斷不敢稍涉因循就延時日况豫省兵

欽定剿平三省邪匪方略 正編卷九五

單將少臣所深知現仍儘此兵力上緊剿截不使人豫爲要再據漢興道文需鳳縣知縣何其英查報遊擊蘇維龍帶領兵勇八百餘名除押解軍火要路分守外實祇帶兵五百餘名趕至唐藏地方適張漢潮一股賊衆因三面圍擊拏命從唐藏地方衝出蘇維龍見官兵闖截不住卽首先衝入賊隊受傷陣亡並傷亡官兵八十一名知縣何其英驗得該遊擊屍身頭頂胸腹等處受矛傷十餘處等情臣等覆查無異實係賊衆兵單奮勇鏖戰致被賊戕並無臨陣潛逃畏賊藏匿情節再臣明亮前奏有鎮將帶兵防堵均係有名無實二語欽奉諭旨令查明指名嚴參等因查陝甘楚豫皆有官兵防堵何以使賊匪乘間突入往來自如實緣各

欽定剿平三省邪匪方略 正編卷九五

督撫身任封疆有應辦之事不能時臨行陣每據地方官稟報即派撥鎮將帶兵防堵協剿原期夾擊集事無如往返札調已屬耽延而鎮將等因上司調度未中窾要遂爾借端遠避所以賊至兵無影兵來賊沒蹤等語早邀

聖明洞鑒以致有防堵之虛名而無剿辦之實用相沿習慣非止一處彼時即應據實嚴奏伏思

臣

聖

統領一路官兵不能及早歲功更復諉卸他人

實覺無能鮮耻因而未敢陳奏今仰荷

天恩不以臣剿辦遲延立加重譴復蒙

簡放叅贊申明軍紀事歸核實臣已行知陝甘豫楚

帶兵鎮將咸知警惕痛洗惡習嗣後惟有謹遵

聖訓如有奮勉立功者據實奏請破格

施恩選悞無能者即指名嚴叅斷不敢稍存迴護自

蹈重譴

同日河南巡撫吳熊光奏言臣於四月初三日

自省起程前赴盧氏巡查防堵初五日在鞏縣

途次准鎮臣張文奇札會並據盧氏令盧建河

等稟稱探得陝省張漢潮前股賊匪於三月二

十九日由鎮安山陽竄入商州西南邊境之東

西牛槽赤水峪一帶滋擾恭贊明亮統兵追剿

臣

聖

繞路攔截其後股賊匪西竄藍田二十九日復

竄往藍田東南之草坪雷家川又據南陽府知

府周璣等稟稱探得陝省有一股不知姓名賊

匪約二千餘人馬四五百匹由洋縣之涼心河

竄至五郎廳地方有東趨鎮安之勢各等語臣

查商州之西約距盧氏邊界四百餘里商州之

南係豫省浙川縣之西坪等處雖相距尚遠但

伏牛山在盧氏浙川之間路徑叢雜巡防更宜
嚴密臣已飛札防守浙川各要隘之田永桐駐
防盧氏等處之張文奇等於各扼要處所督率
兵勇慎密防範設賊匪因明亮追剿竄近豫境
該鎮等即可與明亮三面夾擊惟是張漢潮股
匪係明亮帶兵專剿今此股賊匪分爲前後兩
股自係賊匪牽掣官兵奸計且現據探有不知
姓名賊匪由洋縣五郎廟東竄如果屬實是又
在官兵之後尤恐明亮顧此失彼豫省官兵前
經景安王文雄帶往楚陝四千餘名目下南北
兩鎮共止帶兵三千四百餘名盧氏一帶邊境
遼瀾綿亘千有餘里勢不能再行抽撥昨准署
山東巡撫岳起來咨於充登二鎮標內選撥壯
健兵丁一千三百四十九名派委將備等官統

欽定剿平三省邪匪方略

正編卷九五

領前赴川省以補遣回調養兵丁之數分作六
起間日行走由豫陝一路前往頭起於四月初
九日可入河南考城縣境臣伏思川省賊匪近
據南陽府陝州探報賊目蕭占國等業經領勒
登保帶兵殲斃軍威大振而陝省統兵大員僅
有明亮一人所帶兵丁似不敷分投剿捕查山
東兵丁必由陝州一帶經過臣已密札張文奇
不妨先於邊境聲言臣現帶山東勁旅前赴邊
境堵剿以壯聲援臣於途次饋行初十內必可
到盧氏俟抵該處再就近察探如明亮所剿賊
匪勢已窮蹙即令東省兵丁仍赴川省設倘須
兵力臣即將東省兵丁一千三百四十九名一
并暫留迎交明亮以資協剿俾迅速廓清陝境
則豫省邊境自更臻寧謐臣現飛催東省兵丁

欽定剿平三省邪匪方略

正編卷九五

迅速前進并將暫留緣由分咨四川山東及明
亮知照適又接准明亮來咨內稱張漢潮一股
賊匪現由牧護關前道察其所向及擒獲賊目
鄒盛發等僉供仍欲走西平盧氏一帶闖入河
南據掠臣查牧護關地方與西坪盧氏一帶接
壤犬牙交錯路徑相通即飛移鎮臣田永桐張
文奇等於西坪盧氏等處各要隘嚴密巡探迎
頭攔擊臣即由河南府趕赴盧氏等處邊境就
近悉心調度以期周妥應用軍火等件據陝州
知州諸以謙稟稱俱已密為備辦如明亮帶兵
來近豫境可以應付無悞均奏入

上命軍機大臣傳諭明亮恒瑞與肇吳熊光曰張漢
潮股匪昨據馬慧裕奏到由洋縣五郎關入鎮安
一帶總未據明亮等奏報茲始奏到追擊情形又

踏從前因循故習張漢潮老病無能屢經敗竄因
明亮等未能及時撲滅致令四出奔逃又復勾結
滋擾現據所奏官兵因山高泥濘不能迅速行走
而賊匪於紅門寺山梁及山徑險仄亂石層疊之
區則皆早經越過是奔逃之賊不畏雨水泥濘而
官兵獨畏泥濘疲乏之賊尙能亟走而官兵獨不
能捷追有是理乎殊可愧耻其覆奏蘇維龍受傷

陣亡之事未將兵丁焦忠孝保護蘇維龍代認職
官被賊戕害一併查奏亦屬疎漏昨因陝省兵力
究覺稍單已降旨令將山東新調兵丁全行留陝
應用並先將續調之兵即至廣為宣布以懾賊膽
本口據吳熊光奏到所見皆與昨旨相合可嘉之
至但此時河南邊境正關緊要吳熊光惟應在交
界處所竭力防堵毋令賊匪闖入豫境最為要着

聖賢寶鑑編卷五

五

聖賢寶鑑編卷五

美

亦不必越境辦賊現在山東頭起兵丁於四月初九日已入河南考城縣境計可陸續前往吳熊光於此項兵丁到後惟當妥為照料催令迅赴明亮等軍營以資協剿明亮與肇既經延緩於前得此項生力新軍當倍加愧奮鼓勵士氣將張漢潮等股匪剪除淨盡庶可稍贖前愆倘再曠延時日試令自問當治何罪耶至張映祥一股賊匪有由秦安漸奔東南之勢恒瑞當預為防範合力協剿毋令再有蔓延為要此時如張映祥一股業經辦竣恒瑞即帶兵速赴明亮等一路會同夾剿更可期迅速竣事又向聞河南有知州諸以謙縣丞林嵐平日居官尚好於堵禦事宜頗為出力並著吳熊光留心查察該二員果否居官勤慎堵禦認真之處遇便據實覆奏候旨加恩

聖朝實錄卷九十五

七

欽定剿平三省邪匪方略 正編卷九十六 己未年

四月十一日己未勒保奏言查額勒登保於廣安州屬之城頭堰石筍河地方將冷添祿一股首夥掃蕩之後臣即商令帶兵趕剿包正洪張子總等股匪眾額勒登保探聽包正洪已向長壽涪州境內竄逸人數較少當派朱射斗於石筍河一帶搜捕而張子聰逃往墊江一帶人數較眾自應先行剿捕額勒登保連日督兵進發沿途多有落後散出者每日數十名至一二百名不等據供張子聰因聞官兵追躡極形畏懼晝夜翻山逃走日行百數十里我等被擄之人見有膽黃告示投出可以免死所以紛紛逃散等語均經額勒登保隨時訊明發交地方官安插仍催兵盡力窮追二十三日從金雞場越過數

聖朝實錄卷九十五

重大山將至梁山之向家場時已申刻探得該處屯有賊眾維時祇有格布舍豐紳等帶領馬隊趕到額勒登保卽催令趕剿該匪等竟敢施放鎗礮直前抵禦我兵正在奮力馳擊適總兵楊遇春帶領步隊到來鼓勇競進賊勢頓却官兵分追二十餘里斃賊三百餘名生擒楊一禮等一百五十六名時已昏黑餘匪向箐林口奔竄有逸入忠州萬縣之勢當派總兵銜穆克登布帶兵由分水嶺迎截額勒登保率兵緊追二十六日至忠州之永興場又趕殺賊匪一百餘名該匪前隊正由葫蘆壩竄往分水嶺適遇穆克登布等截住殺斃騎馬賊月三名匪眾七十餘名賊卽折回趕場壩至萬縣之瑞池一路潛逃我兵兩面夾擊於二十七日辰刻至水磨河

該匪正躡淺過河立時殺死並淹斃男婦大小三百餘名口生擒周順漢等二百三十四名均分別正法釋放現在督兵向雞捲門追剿至德楞秦一路官兵因徐添德一股由團壩子向東奔竄恐其闖入楚疆帶兵赴夔州迎截而徐添德被剿窮蹙亡命狂奔探知大兵到夔旋向大寧境內與卜三聘等股合夥徐添德不敢與官兵接仗祇藉別股賊匪攔路爲免脫之計是以德楞秦於初十三十四十五等日在羊橋壩一碗水九灣子土地壩等處四次殺賊數十名至二百餘名不等共拏獲活賊李貴曾祖得等一百四十三名訊係卜三聘王光祖夥內之賊又於十八日在高龍河殺賊四百餘名生擒向正賢等一百三十一名訊係李樹夥內之賊直至十

九日在太平之修基壩始將徐添德趕及該匪正與李樹一路屯聚一見官兵卽率衆前來迎拒我兵馬步並進痛剿賊匪五百餘名由迴龍觀追至雞籠溪沿途又殺死四百餘名生擒鄧時顯等二百十七名訊知李樹龍紹周唐大信等俱由陝西紫陽竄入太平縣境李樹與徐添德商量仍欲由城口竄入陝西今被官兵截殺已向太平屬之明通井一帶折竄而龍紹周唐大信尙在修基壩相近之渡口場屯踞德楞泰恐其抄我後路二十一日又督兵進擊斃賊二百餘名生擒劉興茂等四百三十八名又投出被脅附近良民男婦二千三百餘名口據供龍紹周等亦翻山繞路向明通井竄去德楞泰卽帶兵由大壩壩一帶進剿所有節次擒獲並投

欽定剿平三省邪匪方略

正編卷九六

出之人均經訊明將真正賊匪立時正法其餘難民俱酌給銀米釋放回籍_臣查各股賊匪刻下俱已逼入川東所有陝楚邊界均應加意堵截茲又飛咨景安高杞并行知王文雄柯藩慶溥等將東北兩面堵截事宜責成安辦川省現有額勒登保德楞泰兩路官兵分投剿賊儘可辦完一股再辦一股以期迅就蕩平至張漢潮尙在漢江以北往來奔竄_臣已知會明亮恒瑞永保等務須併力先完此股卽可騰出兵力爲邊境堵剿之計其張映祥一股現據探報在階州岷州一帶游奕查岷州附近鞏昌距甘肅省城不遠西通番境南與川省龍安松潘等處毘連_臣查此股賊匪本係責成富成專剿乃數月以來未能痛加剿殺以致闖入甘境現在一面

欽定剿平三省邪匪方略

正編卷九六

嚴飭富成亟應痛改從前怠玩積習上緊剿辦
 以贖前愆一面檄飭吉蘭泰廣厚協力堵截并
 知會恒瑞酌量情形如張漢潮日內可以辦完
 卽回甘肅督剿以期剋期殲滅再查巴里坤總
 兵德寧歷次出師著有勞績此次隨同德楞泰
 剿辦教匪打仗極爲出力茲在大梁地方因追
 賊緊急由溝底催兵攀躋而上當時吐血不止
 仍復力疾帶兵不肯少懈於三月初三日至七
 星塌身故殊堪憫惜可否量予卹典之處出自
 皇上天恩

《聖祖實錄卷六十六》

勒保又奏言臣前奉

諭旨以應行更調兵丁一節飭臣等議維時因賊勢
 尙屬散漫多得一兵可得一兵之力是以議將
 山東兩廣雲貴等省節次傷亡病故及傷病已

未遣發兵數知會各本省照數補派嗣因陝省
 需兵又經奏明將山東省補派之一千餘名就
 近卽留陝省調用至川省官兵除先經奏調外
 年餘以來因川東川北各屬並龍安等處均需
 添兵調補復經宜綿英善及臣先後調派又有
 九千餘名刻下仰仗

《聖祖實錄卷六十七》

天威已將冷添祿等三股匪眾剿盡卽各路亦均有
 起色所有兩廣應補之兵臣已遵
 旨飛咨停調其缺額之數并不必於滇黔兩省內
 再行添派惟雲南省應補兵一千九百二名先
臣經知會富綱等照數補派該省兵丁本爲趨
 健且距川較近自應仍令來川如日內再得辦
 完一兩股則竣事在卽雲貴兵亦當飛行停止
 再火器健銳兩營滿兵所支分例較多又因日

久疲乏除現留前敵各營打仗外其駐守開縣之兵應遵

旨交於六十七一併帶領回京其開縣一路臣已另

派現駐達州防守之成都滿兵交與協領隆德

等帶領前往更換足資防禦再臣前據合州知

州龔際美稟稱火器營滿兵韋馱保烏靈阿釋

迦保富林布四名隨帶跟役王姓謝姓二名由

製者重纂編卷六

八

寧羌州病痊赴營又漢兵劉起貴等十三名由

營山縣病痊赴營同日到州正值賊匪在州境

雙鳳場龍洞沱一帶水次滋擾當經該牧給予

口糧路票飭令該兵等由壁山陸路行走詎韋

馱保等出城後竟私雇秦萬順船隻開行甫至

田家石地方被該處團勇姚文遺等疑賊殺斃

該牧即將起意擅殺之團首姚文遺并幫同下

手之團勇王世林等全行拏獲臣即飭委重慶

府知府趙秉淵嚴查究辦茲據覆稱當韋馱保

放舟之時正值田家石對岸龍洞沱一帶賊

屯踞欲圖搶渡該團首等連日在河沿堵禦一

見上游有船放下即用礮轟擊致將船梢打破

未及龍岸該兵等俱覓水奔逃姚文遺益信為

賊即令團勇王世林等趕拏到寨細縛詢問韋

製者重纂編卷六

九

馱保等將路票給予閱看姚文遺因見票註陸

路不應由水路行走即指為賊匪假冒官兵無

疑喝令王世林李思元蔡景芳吳俸陳朋張玉

先吳正義陳正品文東章等將韋馱保等十九

人全行殺死棄屍河內屬實臣查團勇禦賊原

應認真稽查但既經韋馱保等將路票給看雖

票註水路不符亦當解官究辦且有滿兵在內

口音亦各不同自不難於辨認乃姚文遺既不送官又不查問虛實竟喝令王士林等將各該兵全行殺斃恐別路圍寨或有效尤則擅殺無辜此風斷不可長當經飭令該地方官將姚文遺等十犯一併正法以示懲儆仍通飭各州縣并出示曉諭各圍寨義勇嗣後盤獲之人無論是否賊匪均應送官究治以杜擅殺之漸奏入

聖旨 欽此

十

上命軍機大臣傳諭勒保曰勒保自爲經畧以來調度均合機宜今奏到剿賊情形一切章程亦屬妥協卽如當日富成所剿張映祥一股賊匪闖入甘省未能截住或因兵單所致而勒保以此股係富成專剿之賊數月來不能痛殲卽嚴飭該鎮令亟改怠玩積習上緊剿辦似此約束嚴明使將領知所儆惕深得經畧大臣之體若再不認真出力卽

著勒保據實嚴行叅奏至額勒登保剿辦包正洪張子聰等股賊匪因張子聰一股賊數較衆先應剿捕當卽親自督兵追躡別遣朱射斗往追包正洪於緩急輕重機宜籌酌極爲得當其德楞泰一路追剿徐添德至太平縣境正值徐添德與李樹合夥欲商同竄赴陝西經德楞泰奮力截擊賊匪始行折回設非伊趕到截住則彼時張漢潮正在

聖旨 欽此

十一

鎮安一帶徐添德復自南而北明亮一路官兵豈不腹背受敵今幸未入陝境已向太平之明通井竄去雖賊首未獲殺賊亦不爲多而德楞泰截剿得力之處亦屬可嘉皆勒保調度合宜之明驗又奏稱停調兩廣應補之兵并可不必於滇黔兩省內再行添派等語所辦俱好所見甚是向來軍營習氣皆以賊多兵少爲詞每欲增添兵力藉壯聲

威今勒保既經停調粵兵又以賊匪剿辦一兩股後並可停止雲貴之兵看來軍營事機順利勒保胸有把握故為斯言朕覽奏稍為欣慰勒保惟當悉心籌畫察看各股賊匪奔竄情形分飭各路領兵大員相機剿辦但現在陝省兵力尙單勒保亦當酌量資助俾各處均得及早成功仰慰

在天之靈朕惟翹首西南計日以待捷音勉之望之又

聖訓彙編卷六 十一

總兵德寧積勞身故深為可憫著咨部照傷亡例議卹至團勇殺斃兵丁十九名該地方官將姚文遺等十犯一併正法一節所辦亦是向聞村民借團練禦賊為名往往報復私仇并有將逃難民人及單身行走者肆行戕害報功之事今勒保嚴行懲辦使各處鄉勇知所做懼不敢虐及無辜嗣後凡有盤獲之人均令送官究辦以杜擅殺及報復

私讐之漸

同日

上諭內閣曰川東川北地方自賊匪滋擾以來被難民人殊堪憫惻所有被賊蹂躪之川東道所屬奉節大寧巫山雲陽萬縣開縣達州東鄉太平新寧忠州梁山墊江鄂都江北涪州合州長壽定遠十九廳州縣川北道所屬閬中蒼溪南部廣元昭化巴州通江南江南充儀隴蓬州廣安營山渠縣大竹隣水岳池十七州縣共三十六廳州縣地方應徵本年地丁錢糧及近賊之石碛巴縣璧山劍州西充五廳州縣應徵本年地丁錢糧俱著加恩全行豁免其本年蠲緩之石碛江北岳池蓬州南部涪州合州忠州鄂都墊江閬中昭化劍州南充西充巴縣十六廳州縣及去年請緩之黔江一縣均

聖訓彙編卷六 十一

有級徵嘉慶三年地丁錢糧又定達縣未完嘉慶三年民欠江北長壽定遠涪州合州巴縣璧山巫山雲陽萬縣開縣大寧忠州酆都墊江梁山達州東鄉太平新寧二十廳州縣均有帶徵嘉慶二年輪免錢糧案內火耗亦俱著加恩蠲免十分之三以紓民力再被賊各州縣應徵鹽茶稅課銀兩間有滯引未銷者亦著加恩展限緩徵以副朕軫念災黎恩施無已至意

聖訓卷之六

古

十二日庚子廣厚奏言查涼恭竄出一股賊匪經臣與吉蘭泰在新寺鎮痛剿奔至寧遠之鴛鴦嘴樂善鎮等處臣等即行追剿並知會遊擊福珠隆阿等帶兵八百名抄截福珠隆阿等行抵什川正遇賊匪守備劉揮奮勇當先中矛陣亡富珠隆阿守備馬成龍督兵繼進悉力迎擊殲

聖訓卷之六

古

賊百餘人嗣賊匪大夥趕到拚死衝突我兵寡不敵眾傷亡三百餘人千總徐忠把總楊華外委范士賢張成義于化林陣亡勢在危急福珠隆阿恐隨帶鉛藥為賊所得遂即點火燃燒轟死賊匪四五十人福珠隆阿馬成龍亦即陣亡賊匪當由桃花山西竄直趨鞏昌府城臣途次聞信思鞏昌為省南咽喉關係最重若仍從後躡剿不但程途稍遠緩不濟急且恐賊匪乘勢北奔闖入蘭州邊界迺查有細麻溝捷徑若由此前進既可迅抵鞏昌兼可遏賊前路遂即帶兵兼程馳往距城十數里見賊夥多人正在山坡下視勢將直撲府城賊匪不意我兵猝至即行奔逸臣等飭令兵丁將鎗鍋帳房等項全數留後輕騎跟剿至通渭之安遠地方追及賊匪

尾隊我兵直前趕殺殲賊八十餘人生擒宋廷成等九人賊匪慌亂丟棄馬騾翻山向秦州所屬之三陽川一帶奔逃外委吳愷蔭生朱廷貴陣亡兵丁傷亡二十三人_臣等因兵丁連日晝夜行走頗形疲乏當飭署為緩息其生擒之宋廷成等五人訊係正賊當卽正法田均瑞等四人係本地裹脅之人卽行釋放至賊匪裹去民人俱將髮辮截短並將女衣給穿以見其已經從賊絕其逃回之路_臣凡遇逃出之人俱令隨營文員訊明妥為寧釋並通飭各州縣一體照辦其由宕昌竄出一股賊匪_臣先因岷州地方北達鞏昌西通狄道均係赴省大路當經飭令該州李榮安爲防守並調肅州兵一千名在岷州之馬廠堵禦軍實兵五百名在狄道之官堡

製看都督編卷六

六

駐紮賊匪探知守禦嚴備未敢攻撲州城果卽奔赴馬廠適都司莫蕙普帶兵先到正遇賊匪前隊該都司督兵放鎗擊斃七人賊匪當卽折回奔赴州屬之馬塢一帶頃據探報已竄至禮縣之褚家溝等處將軍富成現由楊家河一路跟蹤剿辦至隨從福珠隆阿等打仗傷亡官兵容查明另詳咨部再接據署甘州提督索費英阿知會因聞賊匪竄至鞏昌距蘭州較近擬卽親自帶兵二千名前赴省城駐紮以備堵剿_臣伏查軍興以來甘省各營兵丁調赴川楚等省不下二萬五六千名存剩防汛兵丁已屬無幾且甘涼肅州一帶地方遼濶番回雜處亦不可無大員彈壓若該處提督帶兵前來恐河西居民風鶴遙傳心生疑懼大有關係且賊匪現竄

製看都督編卷六

七

秦州一帶離省已遠臣當即札覆索費英阿合

其仍回甘州止須派撥兵丁一千名來蘭交與

署督標中軍副將忠慶管領以資防護至將軍

富成剿辦賊匪臣節次接其知會殲賊多名是

以於前摺內照依富成來信聲叙嗣臣細加訪

查富成連次殺賊均止數十人不等茲蒙

垂問不敢迴護奏入

聖旨著照所請欽此

六

上命軍機大臣傳諭恒瑞永保廣厚曰此次遊擊福

珠隆阿等帶兵剿賊適賊匪大夥趕到我兵寡不

敵眾以致員弁兵丁多有陣亡賊匪克橫情形實

堪痛恨幸廣厚帶兵由捷徑繞道前往為迎擊之

計賊匪未敢窺伺鞏昌府城而岷州守禦亦嚴賊

匪不能攻撲所辦尚好此時廣厚已調肅州寧夏

兵丁在岷州狄道兩處駐守自可得力但賊匪往

來奔突亟須逼歸一處痛加剿戮方伸國憲因思

阿拉善兵距該處較近從前曾經調派著廣厚酌

量情形如現在兵力足敷堵剿毋須添調固屬甚

善倘尚需兵接濟廣厚即一面咨會旺親班巴爾

酌調該處兵丁千餘名或五百名以資應用一面

具摺馳奏其所奏令索費英阿仍留甘州駐守止

須撥兵千名前赴蘭州防護之處自應如此辦理

聖旨著照所請欽此

九

所有陣亡之遊擊福珠隆阿守備馬成龍劉揮于

總徐忠把總楊華外委范士賢張成義于化林吳

愷蔭生朱廷貴俱著交部賜卹又據奏節據將軍

富成知會殲賊多名嗣經細加訪查富成連次殺

賊均止數十人不等一節是富成所報顯係捏飾

並非實情富成前經勒保派令專辦張映祥股匪

且昨據恒瑞奏富成一一路帶有兵勇七千餘名是

兵力不爲不厚乃數月以來從未據有隻字奏報
伊所追賊匪究係官昌白號一股抑係涼恭藍號
一股此數月內曾在何處與賊打仗伊係成都將
軍本有奏事之責何得以殺賊情形僅爾知會廣
厚而又開報不實豈不可耻而且取巧况富成帶
領如許兵勇若果能緊躡賊蹤不予以暇則涼恭
藍號焉能如此猖獗致將弁等傷亡多人昨據勒

聖訓重編卷六

平

保奏到摺內卽有富成不能剿殺賊匪飭令痛改
怠玩積習之語朕向來亦有所聞看來富成竟有
畏蕙避賊情事著恒瑞永保卽詳查富成剿賊以
來與賊接仗幾次係在何地伊所帶兵勇實有若
干是否於無賊處所觀望逗遛倘富成因伊係成
都將軍視甘省賊匪非伊專責意存推諉則其罪
更重豈富成竟以業經擢授將軍官品已極卽意

自滿足不復思奮勉出力耶如有此等情節不許
代伊隱飾卽著恒瑞等嚴行叅奏此時松筠如已
到任並著一同據實查辦仍著恒瑞等先行傳知
富成令其自行明白迴奏國法具在斷不稍爲寬
貸也

十九日丁未湖廣總督倭什布奏言臣於三月二

十九日到楚接印後察看各路防堵情形其時

聖訓重編卷六

壬

竹谿邊界有陝省平利川省大寧等股賊匪逼
近在在戒嚴臣隨於三十日起程由鄖縣房縣
竹山趕赴竹谿督防本月初三日途次竹山之
黃茅岡探知平利一股賊匪由白土關竄至黃
土坡窺伺竹谿西面各卡經總兵路超吉督同
將備堵截該匪從七里溝直趨東北勢將進逼
竹山沿途居民多有聞風逃避臣當將原防竹

山南界之兵勇撤至北界並探明來路由秦家坪一帶迎擊初五日起抵秦家坪該匪又復折竄馬盤山仍與竹谿關壩一帶逼近臣復星夜從秦家坪取道前進初七日馳至關壩趕緊查察路徑巡邏籌備是夜四鼓探知該匪突竄松沙河有撲擾開楊坪邊隘之勢臣查詢該處離關壩四十餘里山徑紛雜雖有叅將李正勇帶領兵勇設卡防禦但恐賊匪乘夜衝越不敷截剿因飭路超吉帶兵赴小秋山橫截臣率同叅將董寧川都司孫應奉帶兵千名馳往策應迎剿該匪果於五更時候潛由山溝衝上撲卡李正勇督率兵勇施放鎗礮奮力堵剿擊斃賊匪十餘人賊匪稍退逾時聚集愈眾復從左右山梁分隊而上直撲鄉勇卡座李正勇從卡內率

聖朝聖編卷六

三

兵躍出往來截剿賊匪難以越竄遂留一隊抵住官兵忽分一隊繞出兵勇卡座之側徑趨東面山梁李正勇恐該匪翻山闖入令把總陳永年潘正玉帶領兵勇抵剿撲卡之賊該叅將隨即帶兵抄赴東山梁賊隊之前匹馬衝擊手殺數賊力竭陣亡該匪遂乘勢竄越其時臣率兵往應途中聞鎗礮聲緊督促前進天明趕到該匪後隊止在衝突前竄臣飛飭董寧川孫應奉直前剿殺將賊匪衝為兩段匪眾紛紛逃竄兵勇分投截擊斃賊八九百名生擒吳三美等二十九名後隊賊匪殲戮殆盡該匪前隊從東山梁翻越由王家河前竄查王家河向東六十餘里卽竹谿縣城城中防兵無幾且處四山之中地勢低窪因飭董寧川孫應奉劉應世等帶兵

聖朝聖編卷六

三

跟蹤追擊臣率同路超吉遊擊曹星守備賈應
檀等帶兵抄至縣東之九里岡迎頭攔截初九
日午刻賊匪果由龍王壩直撲縣治臣一面飭
委員弁保守城垣鎮定民心一面率兵從九里
岡下壓賊衆猶敢直前抗拒官兵先用大礮轟
擊繼用進步連環又值董寧川等追襲前來併
力夾剿斃賊二百餘名賊衆退上對面山梁相
持力拒時已昏暮中隔山溝一道未便撲剿當
將官兵紮住排列鎗礮轟打賊匪隱伏林內放
鎗拒守一夜直至初十日黎明臣看明道路指
示衆兵分前後兩路一湧而上賈慶檀及候補
把總武舉楊站帶領馬兵首先搶上山梁衝入
賊隊俱各受傷陣亡官兵憤怒攪殺益力斃賊
一百七十八名賊匪意在窺伺縣城並不稍退

臣見賊隊中有一身穿紅褂手執白旗來往號
令衆賊者必係緊要頭人飭令董寧川用礮向
擊正中該匪心胸登時擊斃餘衆將該匪屍身
搶回始行踉蹌逃竄官兵乘勢壓追殲殺二百
餘名生擒何開長等二十四名賊匪向縣城之
東漫液村狂遁非徑趨竹山卽折回陝省白河
看此情形剿重於堵臣所帶策應之兵只一千
名不敷截剿因一面調集竹谿境內分防兵丁
親自帶領星夜抄前迎截一面飛飭前途各屬
厚集兵勇嚴密堵禦以期前堵後剿不使深入
楚境至竹谿縣治雖已幸保無虞然經賊匪撲
擾一晝夜民心尙未十分寧貼且連日逃竄賊
匪恐尙有藏匿左近山溝林內者因令路超吉
暫駐縣城鎮定民情搜捕餘孽其生擒賊匪委

員逐一研訊據供此股賊眾係張添倫為首由
 川人陝人數本有萬餘屢被官兵剿殺尙有六
 七千人其礮斃紅褂賊匪係襄陽人李傑子久
 在賊營為馬隊總先鋒等語此內何開長等三
 十一名實係習教從逆屢抗官兵當卽正法其
 夏金明等二十二名本係良民被擄入夥當予
 省釋交竹谿縣暫為收養查明勒保奏定章程
 妥為安置外委趙柱受傷四處其餘傷亡兵勇
 另行查明咨部至前竄大寧一股賊匪探得已
 由長灘河竄至太平縣亢河地方離楚界漸遠
 奏入

上命軍機大臣傳諭勒保倭什布曰此次賊首張添
 倫窺伺竹谿進逼竹山倭什布督率鎮將分投截
 擊縣城得保固無虞又復親帶兵勇抄前迎截甚

為奮勉其勇敢直前之概已遠勝景安矣但伊係
 該省總督亦當持以慎重不可同士卒衝冒鋒鏑
 追赴鄰境現在大寧一股賊匪已由長灘逃往太
 平雖離楚界漸遠而賊匪等每欲竄回原籍且夏
 令天氣炎熱川省大山或不能屯聚尤思亟奔湖
 北不可不嚴加防範倭什布仍當分飭文武員弁
 督同兵勇於隣近川陝邊界加意巡邏毋使竄匪
 乘間闖入總之無事時不可懈弛也至叅將董寧
 川用礮擊斃執旗騎馬賊目李傑子尤為奮勇者
 賞戴花翎仍咨部議叙都司孫應奉劉應世隨同
 出力亦著咨部議叙又陣亡叅將李正勇可惜之
 至著咨部照副將例賜卹其守備賈慶檀候補把
 總武舉楊培均著咨部議卹

二十日 戊申

上命軍機大臣傳諭倭什布日有人條奏景安前在楚省所帶豫省精兵四千逐日移營賊未來而先圖預避叅將廣福屢次請戰不聽去年曾自行帶兵一百五十名剿賊於白雲山殺傷三百餘人差求接應景安不肯發兵轉將該叅將撤回該叅將稟以來賊數千趁其尚未到齊得兵五百名先殺溝中之賊則山上賊可立破景安不准前進乃復

於冬間叅奏廣福咆哮而究未指出咆哮緣由聞係景安又欲移營該叅將以兵丁每日領銀四分米八合三勺竹谿食物最賤尙可支持度日移往他處恐不敷用而移營一次兵丁山行每日需鞋一雙每雙價銀二錢徒滋糜費且時刻遷移奔走未遇賊而兵力先疲今與衆兵情愿赴有賊之處報効朝廷斷乎不肯移營再三稟阻因逢其怒廣

製看龍臺編卷六

天

福至今仍在省枷號楚中官民以其勇往敢戰現帶鎗傷乃被景安陷害無不爲之呼冤等語若果如所奏則廣福尙知勇往殺賊有功無過景安輒以咆哮朦混叅奏顯有屈抑但所言究係一面之詞著倭什布即將以上情節是虛是實秉公詳查據實具奏倘廣福果有被景安屈陷情事自應爲之昭雪候朕酌量加恩但亦不得因景安業經革去總督卽心存偏聽隨聲附和轉失核實持平之義也

二十一日 巳酉

上命軍機大臣傳諭勒保曰前據勒保奏到額勒登保德楞泰兩路官兵屢得勝仗惟賊首輾轉奔逃迄未就獲今已逾旬尙未續行奏報實殷盼望現在賊匪竄至何地官兵曾否追及如何痛加剿殺

製看龍臺編卷六

天

之處卽著勒保查明迅速具奏毋稍延緩昨令軍機大臣詢問押解常丹葵之委員虞友度等景安在湖廣總督任內如何避賊並因何將叅將廣福叅革柳號據稱上年四月內廣福在白雲山殺賊時景安不肯發兵接應又景安每日移營避賊廣福曾經面稟兵丁既不見賊徒令逐日移營未免糜費莫若在竹谿休息兵力兼可省費景安因而發怒將廣福鞭責次日復傳廣福面斥廣福因稱官職不在大小但能臨陣禦賊方是好官顯係譏笑景安因此大怒輒以廣福咆哮頂撞叅奏革職柳號俟軍務完竣發往伊犁充當苦差現在省城監禁等語若如所稱則景安之畏葸避賊任性妄爲殊出情理之外著勒保先將景安調赴軍營不必令其辦理糧餉事務祇著隨營行走此時不必

將虞友度所稱情節預爲漏洩一面密行飛調廣福到營將以上欵蹟令景安與之當面質對如果屬實景安以總督大員不能親率將士剿辦賊匪而於勇往帶兵之員並不發兵接應轉掣其肘惟以數千精銳兵勇爲自衛之計又復畏避賊匪逐日移營經廣福正言稟阻不知自愧輒將叅將大員逞忿鞭責甚至以咆哮二字朦混叅奏致令有功無過之人久被屈抑實屬可惡之至勒保於審明後再傳旨革去景安伯爵按律定擬具奏併派委員押解來京俾廣福得以及早昭雪候朕另降恩旨若有別項情節先行奏聞候旨至現在辦運川省糧餉止有福寧一人不敷經理並著勒保於文員內或副都統中擇其明幹可信者奏明派辦以濟軍需

二十二日庚戌廣厚奏言竊藍號一股賊匪由秦

州所屬三陽川一帶奔赴秦州城外之太白山

屯紮直撲州城該州王錫均知縣徐學采署都

司寇其臣督率兵勇在城頭用鎗礮擊賊斃

執旗賊目一人夥黨十三人賊匪見城中有備

卽繞至城南之水凌寺屯紮臣等帶兵趕到賊

匪探知當由皂角舖南竄徽縣之岱門鎮臣等

《製卷壘壘編卷六

三

躡蹤趕殺行抵皂角舖大雨徹夜不能前進次

早微霽卽派馬隊二百名前往衝突至店通廟

正遇賊匪數十人在彼搶掠我兵悉力圍捕殺

賊二十一人生擒龍榮等五人訊據供稱此股

藍號屢被官兵剿殺傷斃戰手已多現在存剩

不過三四千人一聞官兵之信卽行奔跑昨聞

白號一股來至羅家堡因遣人前往懇說欲與

會合詎白號楊元帥因其被官兵剿敗不許合

夥其覺情急欲由徽縣折回四川等語當行正

法旋據探報白號賊匪已由平南川娘娘壩一

路折竄秦州之馬跑泉將軍富成由高樓子追

趕等情查馬跑泉距秦州止三十里路徑四達

堵禦稍難且此股人數較多雖經臣續調河州

鎮兵八百名前赴秦州防守尙恐兵單臣不敢

《製卷壘壘編卷六

三

拘泥當與吉蘭泰熟識輕重隨卽轉回秦州迎

擊白號賊匪其藍號一股已至徽縣之麻陽河

將出甘境旣就近知臣富成探蹤剿辦臣等催

兵前進是日卽抵秦州之教場坪距馬跑泉二

十里白號賊匪又復分股屯聚一在渭河之南

馬跑泉一在渭河之北社棠鎮查社棠鎮係赴

清水縣要路清水縣又與平涼府屬之靜寧州

華亭縣接壤均屬完善腹地未經被賊之區自應馳往兜截俾免北竄但馬跑泉之賊逼近秦州如我兵全數北向不惟州城無以防禦復慮賊眾盡渡渭河轉致剽捕費手因將稍覺疲軟之兵留於教場坪駐紮並於營內排列旗幟多支帳房令其不知虛實藉以牽綴馬跑泉之賊隨密挑精銳兵一千五百名派令都司馬良棟陳五輯署同知縱司燭帶領間道渡河由新集馳擊吉蘭泰與^臣帶兵八百名由紅旗山隨後策應馬良棟等自新集陟丁華嶺俯視社棠鎮吶喊下撲賊匪猝不及防率眾奔竄洶渡渭河該都司等督兵施放鎗箭自後趕殺維時本地被裹之人乘勢棄擲兵器紛紛逃散約有二千餘人並將賊匪鎗礮摺棄河中賊匪愈形慌亂

《聖朝實錄編纂》

三

擁擠爭涉適值雨後山水漲發渭河驟深三四尺賊匪人馬行至中流多被衝倒約計淹斃六七百人其陷於河沿泥淖之中者被我兵殲斃二百餘人生擒楊世才等男婦四十七人惟被裹民人內因忙中不及逃脫被殲被衝者亦有三四百人外委方智趕殺賊匪陷於泥淖陣亡兵丁傷亡三十七人其僅以身免之賊匪過河南岸即會同馬跑泉之賊向東窮奔華南埠等處^臣等趕至馬跑泉即緊躡剿殺並飛飭毗連秦州之陝省所屬隴州汧陽鳳縣寶雞各州縣一體多集兵勇嚴為堵剿務令不致踰越同日陝西按察使台斐音奏言^臣於四月十七日接據隴州牧李承道稟報賊匪張映祥一股因甘省堵剿緊急由秦州三岔地方沿河踰渡

《聖朝實錄編纂》

三

兵勇竭力堵禦該匪等翻山直撲于十四日竄至該州之赤沙香泉一帶查該處東南一百餘里路通寶雞若由東北之八渡翻山即可從沂陽竄出鳳翔寶雞大路現在頭二三四起川餉千十四五七等日接踵過省計已行至鳳翔當即飛飭隴州沂陽鳳翔寶雞各地方厚集壯勇一體嚴密防堵一面飛移參將海洪阿將駐守

聖朝聖編卷九十六

美

郿縣斜峪關兵勇抽撥帶領就近馳往寶雞顧住大路並令察看情形護送過境計此時明亮帶領官兵在五郎屬之老關口湯坪河一路永保帶兵已由城固洋縣前進與明亮會剿張漢湖分股竄匪恒瑞自鳳縣帶兵由兩當徽縣進剿均在喫緊之時不能分兵堵截正在籌辦間適據潼關廳稟報山東頭起官兵十九日即可

抵關此項兵丁一千三百四十九名前經吳熊

光奏明由潼關竟赴商維交與明亮協剿查隴

州現當緊急鳳寶並無重兵省城又無可派撥

而川餉甚關緊要若俟稟請調派又恐緩不濟

急惟有將山東兵丁改由大路行走既可護衛

川餉且為西南一路聲援臣不敢以奉有前檄

稍事拘泥隨飛飭潼商道吳沂知照並催令領

聖朝聖編卷九十六

毛

兵官副將四達色等即由華州渭南一帶大路

兼程馳赴鳳翔扼要堵禦不令賊人竄出仍飛

飭扶風岐山鳳翔寶雞等縣探明前途如有梗

阻即將餉銀暫行停貯俟東省官兵趕到肅清

道路即令官兵護衛川餉剋期前進均奏入

上命軍機大臣傳諭廣厚曰廣厚吉蘭泰擊

剿匪賊匪連次克占因聞白號賊匪逼近秦州

卽挑選精兵間道馳擊賊匪渡河逃竄淹斃六七百人復被我兵殲戮二百餘人此實仰賴

上天垂恩

皇考默佑欽凜之餘尤深悲感廣厚吉蘭泰能權事宜

之緩急實屬爲國出力著各賞給喜字玉搬指金

繫絲盒大小荷包火鑰包以示嘉獎打仗兵丁俱

加恩賞一月錢糧外委方智及傷亡兵丁雖係陷

《聖祖聖訓》

天

於泥淖皆應咨部照陣亡例賜卹至摺內所稱白

號賊匪由平南州一路折竄秦州之馬跑泉將軍

富成由高樓子追趕等語是賊匪所騷擾之處卽

富成所屯紮之處乃廣厚等已抵秦州之教場坪

距馬跑泉僅二十里並主與富成見面亦不知其

下落是富成未經追賊已屬顯然富成係勒保派

令專辦此股賊匪之人帶領兵勇七千餘名旣已

縱令賊匪闖入甘境又不躡蹤緊剿甚至廣厚等

追剿已到馬跑泉而富成轉無信息有如此帶兵

大員乎且自正月以來從未據有隻字奏報而轉

遞捏戰功濫填殺賊名數咨會廣厚尤爲取巧富

戩如果老病無能曾經受傷不能帶兵何妨據實

陳奏乃竟坐糜軍餉縱賊自如以有用多兵置之

閒處實爲貽誤軍國重事前已有旨令恒瑞等查

《聖祖聖訓》

天

明據實參奏但恒瑞距富成較遠所查恐未確切

今廣厚與之近在一方見聞自確富成究在何處

遠避賊鋒擁兵高卧卽著廣厚等確查嚴行參奏

不准絲毫迴護見好此次未經參奏已涉容隱今

特旨交查如再存瞻徇之見而察劾又落恒瑞等

之後則是代人受過自取其咎矣頃據台斐音奏

報賊匪由甘省竄入隴州並稱甘省堵剿緊急可

見此卽廣厚等追剿出境之賊在自行陳奏者或
尙以飾其詞今係隔省奏報情形尤爲廣厚等出
力奮勉之實証也至台斐音以護餉需兵請將山
東派兵丁改由大道行走護送餉銀一節所辦
甚是前因明亮等一路兵力稍單是以令將此項
兵丁前往協剿今餉銀亦關緊要自應就近撥派
護送以重軍需且爲時不過旬餘於餉銀過境後
卽可趕赴明亮等軍營剿辦賊匪亦不至甚遲也

聖鑒事

單

欽定剿平三省邪匪方略 正編卷九十七 巳未年

四月二十三日 亥 福寧奏言查額勒登保一路

官兵自剿滅張長更蕭占國冷添祿三股賊匪

後旋移得勝之師由梁山忠州萬縣雲陽一帶

追剿張子聰包正洪等逆 臣 因軍行迅速需糧

孔亟當卽嚴飭各州縣務須不分畛域四路協

力趨運用資兵食至德楞泰帶兵追剿徐添德

聖鑒事

一股由奉節大寧進抵太平境內彼處跬步皆

山路尤險峻 臣 前已飛飭各縣速卽多募人夫

或分途探運或尾隨趕解並令於師行必經處

所擇其險要寨硯預貯糧石以備不時供支昨

准德楞泰來信賊匪總旋轉於開縣大寧太平

交界極險老山之中意欲疲我兵力絕我糧運

而隨營糧員亦移奉節大寧兩路續運軍米均

被賊匪擋住不能即到又據開縣稟報由達州
撥解德楞泰軍營銀六萬兩於四月初六日行
抵開縣溫湯井地方因道路梗塞轉解回縣
聞信不勝焦灼查德楞泰一路官兵計日需用
糧餉較多今開縣一帶既有竄匪紛擾應改由
太平一路轉運隨飭太平縣添夫加倍運糧復
由達州局撥銀四萬兩按一百兩爲一封每封

聖朝聖德編卷七

二

川布包裹卽挑選壯健人夫四百名每名各攜
銀一百兩並令各執刀矛探路送往雖據報太
平之後河青花溪等處近亦有賊匪闖入然夫
役衆多分帶餉銀翻山繞道均屬便捷可期直
達軍營不至再有遲悞計算德楞泰軍營本年
正二兩月已共撥過銀二十萬兩三月二十七
日出達州續撥銀六萬兩四月初六日尙在開

縣存貯此次另由太平撥解銀四萬兩一經送
到散給官兵亦足暫爲接濟竊計各州縣節次
具報起運米石爲數不少是否抵營交收抑或
在途停積已疊飭總理同知陳遂暨署知府曹
庠業嚴切確查並令委妥幹員弁星馳各路督
催速將兵米上緊挽輪設法躡道趨送倘各州
縣解送不力定卽據實嚴參至川省年來各處

聖朝聖德編卷七

三

解運軍糧在途被失自數十石至百餘石不等
若不責令賠償易起虛捏之弊均經批飭各總
理司道核議着落承辦各員賠補現在已有全
行補解者三月間復據報由順慶撥解渠縣麥
船行至廣安渠縣交界之泥灘子地方適額勒
登保追剿之冷添祿等匪衆竄來被其焚燒及
鑿沉小麥共計九百餘石已一體嚴飭川北道

府上緊查明地界責令照數賠交至川省撥解
各軍營餉銀從無被賊搶奪之事奏入

上命軍機大臣傳諭勒保福寧曰德楞泰一路軍餉
上年七月內經英善等奏稱每月需銀九萬兩當
經諭令覆奏據稱伊所帶多係吉林黑龍江官兵
分例較綠營本多亦不過藉詞搪塞今伊一路軍
營正二兩月共撥過銀二十萬兩是每月竟至需

聖賢聖賢聖賢卷九十七

四

銀十萬兩更屬浮多即云伊所帶多係吉林黑龍
江官兵豈額勒登保一路獨無此項兵丁乎况就
兵數而論莫多於勒保一路何以英善福寧從未
議及勒保額勒登保兩處需銀浩繁而於德楞泰
獨噴有煩言耶看來浮支濫用各路皆所不免而
德楞泰為尤甚必有別項情節着勒保密行確查
德楞泰如有捏款冒領任意糜費即行據實奏

且額勒登保一路曾擒獲賊首蕭占國張長更冷
添祿三犯而德楞泰追剿徐添德一股迄未就擒
豈伊祇知坐糜軍餉稽延時日乎至所稱各州縣
節次具報起運米石為數不少並著勒保通行飭
查毋任糧員等稍有朦混遲延倘有解送不力等
事即當指名參奏又川省年來各處解運軍糧在
途被失自當責令委員等賠補以杜虛捏之弊至

聖賢聖賢聖賢卷九十七

五

撥解渠縣麥船中途猝被竄匪焚燒墜沉者尚非
該處州縣之過何必令其照數賠交所有此項麥
石著加恩免其賠補

同日永保奏言臣自回陝境籌辦剿堵一面專
差迎催所調陝甘兵一千名趕緊趨行於初七
日到齊查明亮追剿張漢潮賊匪直向東趨聞
其已入臣安境內距臣處八百餘里臣當即整

理軍裝於初九日帶兵起程向東路五郎鎮安一帶探聽前進以期夾擊途次接據鎮安縣稟報張漢潮賊匪經明亮追剿忽分三股一股南去兩股西奔已過五郎又據南鄭縣稟報張映祥一股竄至微縣勢欲東竄恒瑞現在帶兵迎擊等語查張漢潮股匪在棧道之東張映祥在棧道之西萬一棧東之賊直入棧西卽不會合一處而恒瑞已前後受敵且川餉將次過境道路更關緊要臣卽由洋縣覓路抄出賊前設法先截已過五郎分股西竄之賊總不使其闖入棧道賊必仍折東奔卽可乘勢與明亮兩面夾擊再查有參革總兵官信原帶山西兵一千九百名落後多名經恒瑞奏參革審查此項兵丁除實在因病留養外陸續收得一千五百餘名

聖訓彙編卷十七

六

驗看各兵俱各軟弱疲憊難資戰陣必須加意整頓且此項官兵原係從前追剿張漢潮一股之兵於賊匪往來山徑尙爲熟悉臣現在帶兵僅有千名賊匪於山內隨處奔竄路徑太多實在不敷分撥是以將此項收得之兵交中衛協副將馬兆瑞暫爲管領隨臣等一路行走以便隨時整飭或於截堵之時令其分扼要隘亦可少助聲勢較鄉勇究爲得力又臣於沿途經過州縣見留養傷病索倫官兵現有已就痊愈者俱因不識路徑或鞍馬不齊不能趕赴各原營處並無得力馬兵此等兵丁較綠營究爲得力臣隨處收集共得一百三十餘名所有鞍馬弓箭不全者俱已代爲置備調令跟隨剿賊惟帶領之人伏思此次奉派押解軍餉赴川之巴

聖訓彙編卷十七

七

圖魯侍衛二十員臣已咨商勒保可否酌撥數員來陝帶領索倫官兵於事更爲有濟

同日恒瑞永保奏言陝省自賊氛竄擾邊圻往來奔逸各路官兵分投追截剿辦去住無常營伍不一分例各殊當有事之始軍行緊急倉卒備辦一切糧餉勢不能一一詳悉條例按款供支均係隨時照領應付並未立有章程以致騾

《聖朝聖訓彙編卷七

八

價夫價鹽菜等項並各屬招募鄉勇撫卹難民採買軍糧銀數多寡參差其餉銀有自省局分撥漢興兩府由該道府轉發各州縣者有州縣徑赴省局請領者省局及道府等惟有支發總數其細欸一時驟難明晰現據兩司稟報年前所請之項業已告匱懇爲奏撥接濟查陝省前後共請過餉銀一千一百萬兩雖軍行之際需

費浩繁其例應動用之處原不予以靳惜卽有向無定例或須權宜支用難以拘泥者亦必須有欸有著今陝省軍需旣無使用細數而各州縣陸續領去之銀又未隨時造冊呈報勢非一時卽能查明清釐臣等身在行間又不能坐守一方專爲料理鈎稽伏乞

《聖朝聖訓彙編卷七

九

皇上天恩簡派大臣一二員來陝駐紮漢中適中之地統率屬員經理一切軍火糧餉並將從前動用之項次第備細清查酌定成規應與川省籌酌畫一者隨時札商辦理實於國帑軍儲兩有裨益均奏入

上命軍機大臣傳諭恒瑞松筠永保曰張漢潮一股賊匪奔竄陝境忽分忽合其伎倆全在於此永保以恒瑞已往徽縣迎擊張映祥一股伊卽由洋縣

至五郎抄截不使入棧道籌辦皆合機宜永保若能將此二逆殲滅不但前愆可免仍當即沛新恩近聞張映祥係張漢湖之姪未知信否並着查明遇便覆奏至現在收得山西兵一千五百名及傷病已痊之索倫兵一百三十餘名准照所奏帶往其押餉赴川之巴圖魯侍衛等原係分起行走着永保於伊等過陝時每起酌留一二員共留八員在陝派令帶兵剿賊以資得力又據恒瑞永保會奏請簡派大臣駐劄漢中督率局員經理軍需等語著於部庫內撥銀一百五十萬兩照例解往備用但國家經費有常豈能應無厭之請帶兵大員自剿賊以來坐耗供支老師養寇計各路前後所用餉銀不下數千萬兩而軍務尙無告竣之期日復一日伊於何底若此次所撥餉銀支完賊匪

聖朝聖德編卷七

十

仍未殄滅伊等更有何顏對朕耶至支發軍需凡例應動用及軍行緊急通融應付之款均須條分縷晰逐款登記豈有祇開總數不開細款之理可見情弊多端不可問矣恒瑞永保務須嚴飭道府局員等加意撙節不得侵欺浮冒致干咎戾松筠現已行至巴塘不日由川入陝著松筠於到陝後卽在漢中適中之地駐劄督辦軍儲現在解往銀兩卽交松筠經理用昭慎重

聖朝聖德編卷七

十一

二十四日壬子恒瑞奏言據探張映祥等賊匪一

股由通渭一股由禮縣竄至大門鎮會合向徽

成一帶奔竄臣卽帶兵由兩當前進途次又據

吉蘭泰廣厚稟報藍號賊匪由大門鎮竄至徽

縣之麻陽河白號賊匪由大門鎮折回秦州之

娘娘壩又分股竄至馬跑泉社棠鎮等處該鎮

等馳回秦州籌防北路等語查藍號賊匪竄至
麻陽河爲甘省邊境已有折回川省之勢富成
現由禮縣進駐羅家堡距此股賊匪不遠自應
就近剿辦臣飛咨富成速向麻陽河趕緊追剿
惟白號賊匪人數本多復分股北竄勢殊散漫
若由秦安逸出大路卽係平涇邠乾等處若由
清水竄過隴山可至鳳翔汧陽平地廣厚吉蘭
秦兵力稍單只能顧住北面其汧隴鳳寶一帶
均關緊要臣必須由東北向西南步步兜圍方
能乘機剿殺隨星夜派令總兵觀祥由唐藏出
三岔河臣由太渠出萊子嶺並派副將德忠疑
德九十叅將韓加業等各帶弁兵分堵二郎壩
獅子川洩水溝老虎洞等處要隘多樹旗幟虛
張聲勢使賊匪不敢窺伺適吉蘭秦廣厚由秦

欽定剿平三省邪匪方略

正編卷九七

州繞至丁華嶺將社棠鎮之賊痛加剿殺賊匪
奔渡渭河之南與馬跑泉之賊會合向東奔竄
探知東面各路均有官兵遂俱向太陽寺一帶
南竄臣帶兵分路追趕雖各有斬獲未能痛剿
生擒劉萬等四十五名訊據供稱賊匪意欲牽
住西路之兵乘空竄赴陝西境內與張漢潮會
合不料各處都有官兵昨晚探馬報說官兵有
十餘萬之多甚覺畏懼想趁官兵未到趕緊折
回等語除將被裹民人張昌娃等二十八名釋
放外餘係真賊卽行正法現在平涇隴寶一帶
均已無虞臣知會廣厚吉蘭秦卽由秦州向南
追躡臣由東路兜剿仍可兼顧棧道俟其奔過
徽縣不能折回時臣與廣厚等縱兵合擊務期
速清甘境再據總兵慶海稟報不利賊匪由南

欽定剿平三省邪匪方略

正編卷九七

坪竄至獅子壩該總兵分兵兩路迎殺八十餘
 人賊據山坡我兵進攻斃賊一百餘人又追殺
 一百餘人生擒三十八名奪獲器械九十餘件
 賊匪向白土關奔竄慶溥由女媧山一帶迎截
 又查陣亡遊擊蘇維龍自帶兵以來屢著勞績
 委署漢中協事今年正月秦承恩因四川餉銀
 過棧派帶兵勇各八百名前赴鳳縣一帶防堵
 蘇維龍派兵二百名沿途護餉探知張漢潮已
 自甘境折回竄至兩當太陽寺有兩路可以入
 陝遂令守備鄭子秀帶領兵勇五百名防堵馬
 嶺關又除看守軍裝兵丁外自帶兵勇七百餘
 名前往唐藏迎截遇賊接仗自未至西力戰三
 時殺賊甚多因後隊之賊分路抄截兵勇力不
 能支蘇維龍誓死不退馬被扎死猶步行殺賊

受傷二十餘處罵聲不絕被賊割舌而死同時
 陣亡把總趙世德外委曹文魁兵丁七十九名
 鄉勇二十五名內有兵丁焦忠孝緊隨左右殺
 賊尤多被賊刺眼剖脣受害甚慘此唐藏避難
 民人在崖上目擊者賊過之後同往收屍備棺
 殮殮臣此次親加訪問衆口僉同現在百姓尙
 為釀金建祠再臣前因遊擊邢承誥守備尙其
 倫總未見奮勇打仗隨派參將海洪阿前往換
 回查訊該二員本係各帶兵勇分堵卡隘後經
 秦承恩調赴城固二郎壩合營駐紮去歲十一
 月間派令截剿張漢潮一股賊匪數月以來總
 以奉文防堵北路為詞並未打仗邢承誥係難
 瘡出身初次帶兵一切俱聽尙其倫主持臣卽
 將尙其倫杖責四十又據邢承誥供稱去冬張

《聖朝通志》卷七

四

《聖朝通志》卷七

五

漢潮由天明守過江距二郎壩僅三十餘里邢承詒聞信即欲帶兵前往截殺而向其倫以隘口緊要未便移動次日接札始行追趕以致落後尙其倫亦供認不諱是該員等實有應得之咎臣正在查辦詎尙其倫於初九日夜自勒身死臣隨委鳳縣知縣何其英詳加驗訊實係畏罪自盡至邢承詒身為遊擊反受制於守備不

欽定剿平三省邪匪方略 正編卷九七

早稟辦殊屬不合相應請

旨將邢承詒降為都司以示懲儆

同日馬慧裕奏言臣欽奉

上諭令將參革總兵官信因何致令官兵落後多名密擬具奏臣於本月十三日趕抵漢中親提官信訊問據供我帶山西兵一千九百八十二名原係副都統承德臣帶上年十月內承德病故宜

欽定剿平三省邪匪方略 正編卷九七

綿委我接管初派在大池壩堵禦川省竄匪曾在橫順溝打仗一次十一月內張漢潮一股賊匪過江奉調帶兵追剿我就從城固洋縣五郎鎮安山陽商州商南一帶追至河南盧氏地方將賊匪截回在松樹溝打仗一次又於本年正月內趕至二郎壩打仗一次後來賊匪又自甘省折回據拿獲賊人供稱該匪等欲由棧道翻

欽定剿平三省邪匪方略 正編卷九七

山竄赴洋縣一路我想要繞出賊前迎截並聞恒將軍現在漢中正可就近謁見請示隨祇帶壯健兵丁二百餘名兼程行走先到漢中當經飭知該備弁等管領大隊人馬隨後趕來只因山西兵素本軟弱且追賊已經數月更形疲乏內有受傷患病趕不上隊者又因追賊迅速糧餉一時不能趕到沿途買食或自赴縣補領問

五三九

有耽擱以致落後多名我見恒將軍時實止帶兵二百餘名其餘業經隨後趕到查點兵數除陣亡病故外已有一千七百三十二名我若有避賊情事此三四月來從陝西追到河南又追到甘肅復至陝西實無退縮不前但我身任大員不能督率兵丁以致參差落後咎實難辭只求治罪等情臣反覆究詰並摘提弁兵隔別研鞫亦俱相符查大員帶兵剿賊必須兵不離將方能得力今官信任聽官兵落後僅令備弁管領實屬不諳紀律惟尙無避賊情弊已經革職應卽留於陝省軍營効力贖罪尙敢臨陣退縮卽行按律治罪均奏入

上命軍機大臣傳諭恒瑞松筠曰恒瑞所奏情形與前日廣厚奏報相同白號賊匪本係富成專辦乃

帶領兵勇多名並未見其與賊接仗甚至廣厚等追賊已至馬跑泉尙不知富成下落今藍號賊匪竄至麻陽河富成在禮縣一路尤當就近追剿且經恒瑞咨會又並未見富成將如何截殺賊匪之處奏報恒瑞摺內所稱富成駐紮地方距賊不遠自應就近剿辦之語卽係隱躍其詞可見富成在彼安坐雖知賊匪相距甚近亦不思向前剿殺試思廣厚等兵力較單尙能到處殺賊而富成坐擁重兵迄無成效以此較彼功罪顯然且現在恒瑞廣厚等分路剿賊而富成所帶之兵總未見其在何處打仗從未專奏一摺實爲偷安玩誤前已降旨令恒瑞等確切查叅著卽將富成自帶兵以來種種貽誤情節據實嚴行叅奏不可徇隱又據查奏遊擊蘇維龍陣亡一節除兵丁焦忠孝業經加

《聖朝實錄卷七

六

《聖朝實錄卷七

九

恩外蘇維龍係綠營將領能如此盡忠用命較之
退縮避賊何啻天淵實爲可嘉可憫著加恩照參
將例咨部賜卹其同時陣亡之把總趙世德外委
曹文魁亦著一併咨部照例議卹至邢承諾身爲
遊擊並不能奮勇上前當張漢潮由天明寺過江
時距伊二人防守之地甚近邢承諾欲帶兵截殺
轉受制於守備尙其倫未敢移動實屬庸懦無能
之極尙其倫已畏罪自盡邢承諾自恃無人質証
故爲欲帶兵截殺之語殊不足信僅降都司豈足
示懲邢承諾著卽革職作爲兵丁留營効力尙再
不知悔改卽應奏明從重治罪又據馬慧裕奏審
訊參軍總兵官信一案官信前在遼東剿張漢潮一
股賊匪惟知畏賊遠避乃猶供稱在盧氏地方將
賊匪截回顯係捏飾且張漢潮前欲由棧道竄赴

聖朝重典彙編卷七

三

洋縣官信正應躡蹤剿殺乃又稱本欲迎頭截剿
因聞恒瑞彼時正在漢中先往謁見請示試思賊
蹤已近豈有見賊不殺捨而他往之理卽有應行
請示之事何妨具稟陳遞又豈得因有稟請一語
輒將壯健兵丁二百餘名帶領同往藉以自衛一
任病弱兵丁一千七百餘名沿途落後且據供該
兵丁等因在途買食以致不能趕上此項兵丁係
官信所帶乃置之不顧任聽落後則所稱在途買
食之語亦必係沿途搶掠軍營尙有紀律耶是官
信藉詞避賊自屬實情所供顯係取巧前此張漢
潮屢經官兵剿殺夥匪已屬無多且該逆又係老
病無能轉輾奔逃勢極窮蹙官信彼時若能趁勢
截剿早可辦竣何至又任他竄是官信由陝西而
至河南又由河南而至甘肅陝西止係隨賊奔跑

聖朝重典彙編卷七

三

何曾與賊接殺一仗尚得謂之追剿耶此案非馬

慧裕所能辦結著將官信監禁西安俟松筠到漢

中後即提到該犯遵照指出情節嚴審定擬具奏

二十五日

癸丑

明亮與肇奏言查張漢潮股匪經

臣等於龍王廟紅門寺等處將首夥賊眾逼歸

一路該逆等知五郎鎮安山陽一帶無兵堵禦

遂將夥眾分開或兩路或三路忽分忽合希圖

聖祖聖訓卷九十七

三

牽綴官兵臣等料其謫計其勢必往河南必得

將商州緊要路口扼住方免竄越正在詢問本

地民人道路適商州知州陳祁帶領鄉勇到來

面呈地圖言及賊匪現紮上西川相隔秦嶺舖

黑龍口泥峪口等處入豫之路甚近係賊匪必

經之地泥峪口雖派有鄉勇數百名堵禦恐不

足恃尚須添派官兵臣等儘此兵力刻即分爲

三路各令嚴加圍截臣明亮率領侍衛莫新鎮

臣長春遊擊應元寬協領泰巴圖等帶領馬兵

一百名步兵八百名在泥峪口堵禦派愛星阿

帶領馬兵一百名領臣關騰遊擊游棟雲等帶

領步兵七百名在黑龍口堵禦臣興肇率領總

管都當阿泰將楊奎猷等帶領馬兵一百名步

兵五百名在秦嶺舖堵禦分撥已定初五日已

聖祖聖訓卷九十七

三

時賊匪探馬二十餘人來至泥峪口遙見官兵

飛奔而逃被索倫官兵趕上驍騎校委黎領杜

爾博首先連射三人餘匪俱已逃回即撥兵勇

跟蹤偵探賊匪已由上西川折回南竄臣聞信

即收齊各路官兵漏夜向南逼追初九日起至

西毛坪賊匪在對河屯紮倚恃大河溪水漲發

胆敢持矛林立施放鎗礮臣留一半官兵在對

面敵住一面飛飭愛星阿莫新長春游棟雲應元寬等暗從上游帶領馬步官兵淌渡過河由山邊小路突出鎗發箭射立時斃賊四十餘人該匪卽分爲四五路扒山亂逃臣等督率副將多爾濟扎普遊擊胡定泰徐大鵬守備陳應彪等過河分路兜抄擒殺二十餘人追至磨石溝賊匪竄上大山梁合聚一處情急捨命撲壓三次我兵人人奮勇短兵相接斃賊百餘人擒獲賊目李仲芳何從堯等二名餘匪董學倫等三十七人時已戌刻未能窮追賊匪翻山梁遁走查賊目李仲芳何從堯均係湖北襄陽人張漢潮起事之時卽隨同打仗至今據供張漢潮因官兵追剿緊急原想盤繞幽僻山徑逃至河南增添人馬卽回湖北舊地方再作計議不料被

聖祖聖訓編卷七

五

官兵擋回追殺又緊今日渡過河來正在炊食張漢潮見官兵趕到囑咐冉學勝等說我帶婦女老幼先走你在此聚集矛手暫時擋住官兵我翻過山後你亦速來等語餘無要供當將該二犯立行臠割餘匪發交知府趙洵訊明分別辦理次日途間據有探報賊匪翻山後分爲兩路一路由山梁望哨行走一路由密林小道前遁察其去向皆可到五郎臣查賊匪現竄路徑仍是從前往來舊路若由五郎繞過不奔城固洋縣必竄武關留壩一帶適接勒保來咨以臣一旅之師未能分投截剿因派恒瑞永保各帶官兵暫回協剿臣行至五郎屬之太白廟又接永保來信已帶兵由城洋一帶確探迎關與臣前後夾攻等語臣已將賊匪去向開明飛咨恒

聖祖聖訓編卷七

五

瑞永保囑其迎頭截剿以期夾擊集事奏入

上命軍機大臣傳諭明亮與肇曰此次賊匪經明亮

等分投截擊不能闖入豫境所辦尚好但所殺賊

匪無多並稱時已戌刻未能窮追賊能黑夜奔逃

我兵惟圖安逸不及時追逐豈非又落賊匪之後

至賊匪往來奔竄忽分忽合是其故技現在張漢

湖分股西竄之賊永保已帶兵由洋縣五郎迎截

聖訓彙纂稿卷七

美

明亮務當督率官兵與永保兩路夾擊迅速殲除

毋再任其蔓延滋擾致干重咎

同日吳熊光奏言本月二十日臣接南陽鎮臣

田永桐來札轉據差目回營稟稱十六日到湖

北鄖陽地方探得賊匪張添倫一股於四月初

七日由平利之馬盤山竄及松沙河逼近開揚

坪隘卡經官兵奮力堵剿至初九日向東逃竄

十三日竄至楊家牌樓距鄖陽江岸二百餘里

并聞賊首張添倫係襄陽人屢欲竄回原籍等

語臣查豫省東南邊境係在襄江北岸賊蹤雖

距南岸僅止二百餘里刻下正值江水長發之

時似難偷渡現又有倭什布帶兵截剿自無虞

其竄入豫境第查從前襄江北岸原駐兵五千

八百餘名鄉勇四千名派鎮道帶領分段防守

聖訓彙纂稿卷七

毛

昨春景安帶赴楚北兵丁二千八百名王文雄

帶赴陝西兵丁一千名秋間又經景安調去河

東兵五百名共去兵四千三百名剩兵一千五

百餘名經前任撫臣倭什布奏交田永桐帶領

在浙川縣之荆子關一帶巡防其鄉勇四千名

并經倭什布因賊匪竄入川省距豫遙遠裁撤

三千名散歸鄖州原籍尚餘一千名交裕州知

州單可珪帶領駐劄朱陽關巡防是襄江北岸一帶久無駐防兵勇臣到盧氏以來卽爲籌及江防并札商倭什布以昨春景安帶去之兵可否酌令千餘名回豫以資防守尙未准札覆現在賊匪已竄近鄖陽該省亟需兵力勢難酌撥而豫省因係腹地省分向定兵額本屬不多目下張漢潮一股賊匪雖已竄往鎮安一帶距豫省漸遠但賊蹤奔馳靡定如寺坡太峪口西坪等處均與陝省接壤邊界縣長有關緊要亦未便將隘口之兵遽移江岸致有顧此失彼之虞臣再四熟籌張添倫雖意在竄回襄陽原籍然距江岸僅二百餘里是豫省北岸自應密爲布置以期有備無患臣已一面飛移田永桐卽就近帶領兵丁前赴鄖西對岸駐劄察探何處緊

欽定剿平三省邪匪方略

正編卷九七

要卽往何處防堵其江干往來船隻木筏等項盡行提泊北岸以免賊匪乘機搶渡並飛飭南陽府知府周璣將鄖州前撤之鄉勇三千名內迅卽調齊二千名帶領前赴東南一帶與襄陽對岸地方相機防禦再查朱陽關居盧氏淅川之中該處尙非十分緊要臣卽札飭單可珪帶領鄖州鄉勇一千名趕赴田永桐行營聽候調遣又都司蘇大雄帶兵五百名駐劄界嶺與荆子關相近並令就近赴荆子關駐劄防守俾田永桐帶兵移赴江岸而荆子關亦不致空虛臣亦卽由盧氏起程前往西坪等處就近調度第查鄉勇一項不知紀律防堵未足深恃豫省現在存營兵僅五千餘名河北及歸德光州一帶與直隸之大名山東之曹單安徽之潁亳接壤

欽定剿平三省邪匪方略

正編卷九七

地方緊要營伍未便空虛且沿途各塘汛亦須酌留兵丁勢難再行抽撥河南駐防滿兵有七百數十名但省城重地亦祇可酌調二三百名應用此外實無可檄調臣前在保定起程赴豫時卽與督臣胡季堂商定直隸正定標營尙有挑備戰兵一千餘名如豫省需添兵力可以調用臣不揣冒昧已飛咨胡季堂密飭預備俟馳

聖旨 欽此

三

抵西坪再行查探如果需用卽一面奏

聞一面咨調以期迅速到豫應用至楚北老河口一

帶從前駐有鄉勇二千名此時曾否盡撤臣亦

早經札詢倭什布查明妥辦再據陝州知州諸

以謙稟稱山東預起官兵二百數十名已於本

月十八日行抵陝省潼關廳前進其餘各起亦

陸續抵陝州靈寶閿鄉一帶約二十四五日全

數均可行抵潼關出豫省境又據潼商道吳沂稟覆以華州一帶山徑崎嶇難于行走山東官兵不若由潼關至商州前進較爲近便卽照料

由商州前赴商雒等語臣查吳沂熟悉該處情

形已飭照辦連日探得張漢潮一股賊匪於本

月初十日分爲三股逃竄後由鎮安西奔漢陰

現已竄至五郎廳境內距鎮安一百七十餘里

聖旨 欽此

三

雖離豫省邊境漸遠然陝省鎮安東北若無攔

截之兵仍難保其不折回東竄是以臣仍令東

省官兵迅速由潼關取道商州前進俾張逆一

股及早撲滅明亮等卽可酌量移師赴楚協剿

卽豫省東北一帶駐防官兵亦可酌撥移赴迤

南一帶以資防範奏入

上命軍機大臣傳諭吳熊光曰現在河南邊界緊要

自當添調官兵實力防堵朕本有調用直隸官兵之意今吳熊光已飛咨胡季堂密飭預備正與朕意不謀而合甚堪嘉許該撫馳抵西坪後察看情形如果需用卽一面奏聞一面咨調朕亦不另降旨諭知胡季堂矣至摺內所稱札商倭什布以昨春景安帶去之兵酌令千餘名回豫一節所見非是此項兵丁雖係景安帶往楚省究因堵剿賊匪而設現在景安已赴川省俱交倭什布帶領且賊匪前由平利竄入竹山倭什布帶兵截剿始行折回是楚省正需兵力若將豫兵調回恐致掣肘吳熊光係河南巡撫未免自衛本境而不計及隣省封疆大臣惟期于國事有益通盤籌畫不可存此疆彼界之見也

同日倭什布奏言查竹谿以東可達竹山房縣

欽定剿平三省邪匪方略

正編卷九七

之路甚多張添倫股匪於十一日敗追後從漫液村東竄水坪有由竹山直趨房縣保康之勢倘一經闖入卽可東達南襄北趨均穀南侵興遠等縣必須乘勝躡剿其後抄擊其前方可夾攻得力臣因一面飭叅將董寧川都司孫應奉劉應世等帶兵抄道趕赴竹山潘口地方扼要設伏以備截擊一面親帶官兵隨其所向緊追躡剿十一十二兩日於竹谿境內之水坪縣河舖及竹山境屬之保豐等處或乘其暫息飲食奮兵追擊或於該匪夜宿民村出其不意突前衝殺先後殺賊四百餘名生擒三十七名自行投出者五十三名該匪勢已窮蹙直前東竄十三日竄至竹山潘口董寧川等帶領官兵先期趕到已於潘口十轉山地方隨山曲折將官兵

欽定剿平三省邪匪方略

正編卷九七

埋伏停妥該匪行至半山伏兵齊出併力壓下

亦集兵整隊前進與董寧川等前後夾攻賊

賊一百餘人正思併力殲擒詎該匪不敢抗拒

因北面山勢稍平又有長溝二道即越澗渡崖

不避險窄紛紛狂竄所執器械拋棄滿路官兵

追殺三十餘里殺斃一百三四十名生擒二十

六名追至馬鞍橋該匪竄過橋北即將板橋焚

聖朝聖事編卷九十七

五

燬並砍伐樹植填塞道路官兵緊趕渡河該匪

窮日夜之力捨命逃生於十四日夜由交隆觀

竄回陝省白河縣境查該匪籍隸襄陽此次由

陝入楚注意竄回原籍幸官兵趕緊截剿不致

深入但現竄白河地方北阻漢江東達楚省即

縣南接竹山西南仍可達竹谿揆度賊人趨向

非由西北奔竄洵陽安康即因被剿情急暫退

人狹必仍思乘間折回除已飛咨明亮恒瑞及

防守興安一帶之總兵慶溥酌量分兵截剿外

現于鄭竹沿邊一帶隨賊所向相機攔截連

日擒獲六十三名內黃必舉等三十二名係習

教授徒甘心從賊即行正法其唐自安等三十

一名與投出之陳修賢等五十三名皆係被裹

良民俱交竹山竹谿兩縣收養俟事竣後與前

聖朝聖事編卷九十七

五

此所擒被裹各名一并咨送回籍安置至此次

賊匪經過地方百姓聞信逃避房屋間有被焚

者委員逐一查明招集復業分別安撫務使難

民不至失所奏入

上命軍機大臣傳諭倭什布曰張添倫股匪闖入竹

山竹谿一帶倭什布分飭官兵奮力追擊竄回陝

境楚省邊界一律肅清甚屬可嘉倭什布此時惟

當在本境督率防堵斷不可意存邀功越境追剿
此等教匪往來奔竄三年總思逃回湖北本籍若
倭什布一離楚界或賊匪從他路繞回轉致無兵
堵截且該省爲邪教之藪不可不防其乘間滋事
倭什布當以固守封疆爲要務如能擒獲賊首固
屬甚善卽未能殲除渠逆嗣後能使賊匪畏懼楚
省兵力不敢再來卽屬該督之功必加懋賞况招
集復業難民安插被裹百姓善後之事楚省居多
倭什布尤不便舍此他往現在張添倫一股既經
截回張漢潮張映祥兩股有明亮永保恒瑞廣厚
等分投夾擊自必向南奔竄又恐其勾結川東之
賊由巴東一路逸入高杞現駐該處著倭什布札
會該撫一體在本境嚴防賊來則實力剿殺賊去
亦不必遠追如此面面有兵攔截三逆不能竄歸

欽定剿平三省邪匪方略

正編卷九七

欽定剿平三省邪匪方略 正編卷九七

湖北熟路失所憑依祇在一隅之地狂奔延喘自
無久而不疲之理各路官兵乘其敗竄窮蹙之時
合力逼剿以目下情形而論賊勢漸衰可望速行
殄滅矣至叅將董寧川昨因其打仗出力賞戴花
翎本日倭什布摺內稱其帶兵埋伏從半山壓下
併力殺賊該叅將前隨景安時並未奏其出衆打
仗今如此奮勇皆由該督調度合宜故將士皆能
用命也

欽定剿平三省邪匪方略

正編卷九七

同日塔爾巴哈臺領隊大臣伊江阿奏言臣蒙
皇上天恩賞還世職授爲領隊前往新疆換班四月
十七日行至陝西之長武縣遇有甘肅靈臺縣
馬遞公文係由八百里申報恒瑞臣不勝駭異
當卽札詢該縣據署靈臺縣事魏行敏稟稱本
月十六日接有隴州來札於十三四日連有兩

五四九

股賊匪約有千人自西南竄至州屬之新店鎮
焚掠隴州與靈臺連界相距不過九十餘里賊
匪既已擾至隴州則將逼近靈臺該處城池較
小居民無多倉廩向在城外營汛僅有外委一
員兵五十餘名現已僱覓民夫三百名壯役十
六名恐不足以資抵禦臣查督臣松筠並藩司
楊揆均未到任署藩司廣厚會同總兵吉蘭泰
製書邪異稿卷七 矣
在秦州督兵堵剿恒瑞並領兵各大員在川陝
一帶分捕大股賊匪相距靈臺甚遠且涇州長
武地當孔道與靈臺接壤是該縣防守關係緊
要臣不敢拘泥一面知會恒瑞廣厚一面即赴
靈臺多僱鄉勇率領兵役于要隘處所設卡嚴
防張其聲勢俾賊匪知有守備不敢乘虛闖入
若南面官軍攻擊甚緊或致賊匪北竄臣即就

勢夾擊似為得力俟此股賊匪辦淨臣仍遵前
旨即赴新疆奏入

上命軍機大臣傳諭伊江阿曰伊江阿前因獲咎授
為領隊大臣令往新疆換班今既有此奏姑准所
請暫留該處率領兵勇將擾至隴州賊匪即行撲
滅倘賊匪北竄即就勢夾擊看汝福分何如耳若
此股賊匪一經辦竣即當速赴新疆不可借此逗
製書邪異稿卷七 矣
留希與邀功也

一五〇〇 子 廣參日軍全書 第 16 版 2/1

欽定剿平三省邪匪方略正編卷九十八 己未年

四月二十八日丙辰勒保奏言查各股賊匪前在

陝楚邊界者俱已折入川東而額勒登保所剿

張子聰一股自水磨河截殺之後向雞捲門一

路奔竄額勒登保督兵追剿至臨江市探得該

匪等晝夜奔逃由陳家場忽分兩股一走玉河

坪一走袁家壩隨派阿哈保楊遇春分帶馬步

官兵由長嶺岡一路追躡額勒登保由觀音山

一路進發本月初四日至雲陽縣屬之蒲家山

趕上賊匪見有一二百人或四五百人紛竄於

巖澗之中一見官兵即委棄鎗矛衣物亡命在

奔我兵分投追殺斃賊一百五六十名生擒吳

懷理等五十四名訊係張子聰分股賊目蕭焜

帶領一千餘人欲往夔州約同卜三聘等前來

合夥恐結隊行走被官兵趕殺是以零星散竄

額勒登保即連夜分兵搜捕直至江口地方又

殲獲一百餘人正在追剿聞據報卜三聘葉文

玉兩股由大寧竄近雲陽蕭焜已與之竄合初

九日我兵分路進攻額勒登保率同總兵銜穆

克登布督兵至馬路坡該處祇有小路一道賊

匪在山頂山腰放鎗擲石兵力頗難施展攻至

兩時之久始奮力搶上山梁殺賊五六十名追

至大梁子地方賊眾漫山衝撲甚肆猖獗額勒

登保令格布舍豐紳帶領馬步隊搶上尖山坪

賊勢頗却額勒登保亦即驅兵橫衝截殺越過

數重大山直追至寒水壩殺賊三百餘名生擒

張起華等四十七名訊係卜三聘夥內之賊因

時已昏暮又值大雨即在大池梁紮營該匪等

竟敢乘夜前來分撲營卡幸俱各有準備立時擊退天明查點賊屍共有六十五軀連日霧雨甚大山水驟發賊在金竹園屯聚並未遠颺竟有踞險抗拒之勢至阿哈保楊遇春等帶兵由長嶺岡一路追躡之賊於大黃山四方山兩處趕上斃賊一百餘名生擒五十一名訊係張子聰由玉河坪竄出欲向大平奔逸初六日官兵正向周家壩追趕之次忽有騎馬賊匪五六十人帶同賊眾四五百人直衝前來我兵奮力迎擊立斃騎馬賊五名賊眾二十餘名該匪等即向左手山溝退遁楊遇春以形迹可疑即令大隊紮住探係樊人傑一股人數頗多均在楊家山溝內潛匿初七日五更阿哈保帶領馬隊沿山直上楊遇春帶領步隊由溝進發賊眾在山

搖旗吶喊施放鎗砲官兵分路進攻副將關聯陞率眾競上身受矛傷尙復躍馬衝入賊隊以致陣亡我兵人人忿恨鼓勇截殺賊匪不能抵禦臨陣殲戮及滾巖跌斃者八九百人丟棄鎗砲器械無數生擒馮元等男婦二百一十三名口訊係樊人傑龔建兩股由西鄉太平翻山欲赴温湯井適遇張子聰前來求救樊人傑等即在楊家山攔住官兵不料亦被殺敗等供阿哈保即帶兵追躡初九日正由梅子壩提徑抄出温湯井之前忽報後路又有賊匪從井壩竄出擾截鍋帳幸都司劉選保護上山不致損失初十日阿哈保楊遇春率兵轉回至譚家壩見西面山梁聚賊二三千人即分投攻擊賊匪抵死抗拒相持半日始得搶上大梁匪眾潰遁追

《聖朝聖訓卷六》

三

《聖朝聖訓卷六》

四

至石梁寺沿途殺賊二百餘名生擒李全玉等
四十二名訊係徐添德匪眾被德楞泰連日痛
剿星夜奔逃至此適遇張子聰約同前來抄截
後路查徐添德一股自大寧竄至太平祇藉別
股賊匪攔路以圖兔脫經德楞泰于修基壩截
殺與李樹等同竄明通井迨官兵進抵該處又
復分投奔逃總在萬山之中輾轉潛逃欲思疲
我兵力德楞泰連日於雞鳴寺紅花梁山溪子
等處又遇龍紹周李樹等股督兵分剿殲獲三
四百名各匪俱竄高觀寺而徐添德一股被官
兵在山溪子截斷即退屯鄧家山德楞泰于本
月初二日督兵攻擊殺賊五十餘名擒獲廖祖
德等二十一各賊眾連夜奔逃當派資冲阿李
紹祖帶兵由王家壩抄截德楞泰統率大隊由

剿平三省邪匪方略

五

水坪進發查探賊匪現屯甕坪初四日行抵旗
桿山半坡見對面山坡有白旗十數桿一見官
兵竟敢率眾衝撲德楞泰即分兵三路兜圍立
斃賊匪三四十人該匪左衝右突毫不畏懼適
資冲阿等亦從寒溪河踵至四面夾擊殺賊五
百餘名擒獲楊載貴等一百五名餘匪旋即奔
竄初五六七等日我兵晝夜窮追並無片刻停
歇在古佛庵殺賊三百餘名生擒魏芳等二十
四名投出難民李仕祥等八十四名口直追至
斗嘴子地方該匪等沿途自相踐踏滾崖跌死
又有七八百人投出馮茂義等一百八十三名
口初八日由雞鳴寺過河正值大雨河水漲發
賊匪撲河奔竄淹斃亦多我兵皆躡水而過亦
有被急溜衝淹者殊覺可憫此股匪眾連日追

剿平三省邪匪方略

六

殺所剩不過千餘人滿擬卽可辦完詎初九日
至黃虎坪忽有賊匪多人放鎗抵敵德榜泰卽
催兵迎擊殺賊一百餘名擒獲黃三文等三十
七名訊係樊人傑龔建等匪被阿哈保等剿敗
之後逃至此間昨日徐添德先與張子聰合夥
今日又遇樊人傑商量先到柞井壩探明何處
無兵卽往何處約會同走不料又遇官兵截殺

《剿平鄂匪方略卷六

七

想來已同往柞井壩去守語德榜泰卽催兵追
至柞井壩而賊匪已向譚家壩竄去因連日追
剿緊急後隊官兵及鍋帳軍裝大半落後俱未
趕上又值霧雨不止不得不畧爲停待十二日
帶兵由譚家壩一路追剿前進至包正洪一股
前在涪州境內被鄉勇截回旋在鄰水境內潛
匿嗣聞總兵朱射斗帶兵前來追剿復向梁萬

一路奔逃該鎮於初九日趕至萬縣之康家坪
追剿二十餘里至蝦蟆石殺賊三百餘名生擒
及棄械投首者一百二十七名初十日又趕至
趙家場河邊正值賊匪搶渡朱射斗帶兵趕殺
斃賊一百餘名淹斃百餘名生擒李有隴等二
十三名該鎮當率兵勇過河追躡又行十餘里
忽有一股賊匪約二千餘人衝出抄截後路勢

《剿平鄂匪方略卷六

八

頗洶湧朱射斗卽帶兵轉回策應殺賊二十餘
名生擒孫成等十一名餘匪潰遁訊據活賊供
稱高姓郝姓之賊不知其名由夔州竄來與包
正洪合夥朱射斗現由大巖口消水灣一帶追
剿此各路軍營連日打仗殺賊之情形也 臣查
徐添德樊人傑龔建等三聘張子聰等股賊匪
經官兵連次痛剿現俱逼在開縣東鄉邊境賊

股雖覺較多而額勒登保德楞泰兩路官兵分
投兜剿趁此勝勢正可聚而殲洗此正極好機
會臣已知會額勒登保等無論何股賊匪辦完
一股卽少一股不必拘泥專剿何股轉致他股
縱逸現在夔巫一帶自總兵德英額副將呂朝
龍分帶兵勇駐守足資防堵提督七十五傷已
漸痊臣已檄調該提督約帶兵勇二千名就近
探明何路緊要卽赴何路協剿龍紹周等既窺
高觀寺難保不闖入陝境現又飛飭王文雄慶
溥柯藩等實力堵剿再大寧太平兩縣地方幅
幘遼廓均係重山密箐德楞泰追剿深入因賊
股較多糧運時通時塞經福寧設法籌運並經
臣抽撥官兵分起護解糧餉前進有已經送到
者亦有輾轉繞道未經運到者兵糧不免缺乏

欽定剿平三省邪匪方略

正編卷九八

欽定剿平三省邪匪方略 正編卷九八

德楞泰令官兵隨時向寨峒居民採買包穀雜
糧分食稍資接濟數旬以來官兵已形艱苦又
因深山多雨登涉維艱以致人多跣足馬多跌
斃更覺倍常况瘁臣已於附近州縣購買鞋一
萬餘雙解往分給其馬匹一項索倫吉林官兵
均所必需因川省不能多備前此臣已札商陝
甘湖廣督撫每省酌調馬四百匹現據覆到已
經趕解一俟解來卽當酌量分給以供馳驟現
在德楞泰一路官兵已追賊至開縣一帶各州
縣臺站均可將糧餉等項源源運供不致貽誤
至連日各路打仗遊擊王愷守備李東宣王得
勝驍騎校委叅領伯勒亨寶均受矛傷現飭上
緊調治其餘傷亡弁兵容俟查明另行咨部所
有各路擒獲石賊及投出難民統計有一千餘

欽定剿平三省邪匪方略

五五五

五五五

名口均經隨時訊明將從賊者立予正法被脅者酌給銀米釋回原籍安插

勒保又奏言查成都將軍富成自上年派令帶兵在川東一路專剿徐添德一股匪眾未能實力追擊致令該匪竄入箕山合駁奔逃辦理已屬貽誤曾經臣節次嚴切飭誠方冀其前除積習振作帶兵乃此次追剿張映祥一股賊匪本

《聖訓聖學彙編卷六

十一

屬無多在蒼溪廣元一帶即不能痛加剿殺亦當截回川省詎富成徒事尾追以致闖入甘境愈脅愈多臣屢次嚴催趕剿置若罔聞每據具報打仗情形臣密派弁員訪察全屬敷衍捏飾臬司廣厚總兵吉蘭泰等尙且在閬井新寺鎮等處連獲勝仗而富成係將軍大員數月以來惟知藉詞迎截繞道而行總未趕上與賊接仗

似此貽誤軍務實屬有負

國恩且查該將軍所帶鄉勇經過寧羌畧陽岷州等處多有騷擾地方情事民怨沸騰可見軍行毫無紀律相應據實參奏請

旨將富成革職交刑部治罪以爲帶兵大員不實心出力者戒昨准恒瑞知會因聞此股竄匪擾近通渭業由棧道帶兵赴北路督剿俟

《聖訓聖學彙編卷六

十二

命下之日應請飭知恒瑞就近摘取成都將軍印信並委員將富成管押解京至富成所帶之兵自應即交恒瑞一併管帶惟查富成原帶兵勇除鄉勇二千餘名現因到處滋事臣已知會恒瑞查明懲治概行裁撤外尙有官兵四千餘名而廣厚吉蘭泰等原帶官兵三千五百名昨又據恒瑞札會續調兵一千五百名總兵索費英阿

復帶兵二千名由蘭州馳往協剿現在恒瑞一
路亦有四千餘名統計共有官兵一萬五六千
名以之剿捕張映祥一股賊匪似覺有餘因思
明亮一路兵力稍單臣已知會恒瑞即於富成
原帶兵內撥出三千名交與明亮永保剿辦陝
省賊匪庶不致顧彼失此再巴里坤鎮總兵德
寧病故遺缺例應補用滿員查有直隸督標中
軍副將凝德在恒瑞一路帶兵剿賊奮勉出力
現准恒瑞保送前來合無仰懇

聖慈即將凝德陞補以示鼓勵

勒保又奏言前奉撫卹被脅難民

諭旨臣即敬謹騰黃並出示遍處張掛曉諭即如德

楞泰一路在渡口場打仗同時投出被脅男婦
二千餘人額勒登保一路在廣安營山一帶打

仗時每日有投出數十名至一二百名不等並

據萬縣稟報有朱繼連被賊擄去約同賊夥內

周文光等四十八人將辛聰股內賊目張宗英

等五人殺死投出又據夔州稟報有卜三聘股

內賊目晏登明四人帶同被擄之王奇等九十

餘名赴蓮花池劫卡王奇等因見騰黃告示即

起意反戈立將各賊目殺斃赴官投首行之業

有成效臣已將朱繼連王奇等賞給頂戴並將

投出之人均令地方糧務各員酌給銀米回籍

安插茲荷

聖明指示仍復隨處設法宣諭如有將首逆縛獻或

割取首級呈驗者更當奏明倍賞並給與頂戴

以示鼓勵查教匪本無一定巢穴往來奔竄每

遇官兵剿捕情急或有險可恃或有糧可擄或

搶占民間山寨積有存糧卽行屯割以爲苟延
 抗拒之計其妻李則稱爲二炷香均各帶同行
 走亦無另有預謀安頓地方現在各州縣百姓
 俱各擇險集團聚寨若能守禦緊嚴賊匪不能
 搶占此時惟有儘力剿辦總期迅速殲除勢難
 豫揣其過夏地方先行安兵占據又查前派之
 巴圖魯侍衛現在前敵者尙無怯懦不出力之
 人惟其中或有養傷養病者統俟此次派出之
 巴圖魯侍衛等到齊再當酌量分派更換至明
 興現既不管糧餉因查前派開縣之成都滿兵
 祇有協領隆德等管領不足以資彈壓茲已派
 令明興前往開縣帶兵防禦並照料回京之健
 銳火器兩營官兵起身事宜又奉
 諭旨六十七帶回健銳火器兩營兵丁應否仍須由

京派往頂補查列下軍務漸覺得手官兵自京
 赴川未免太遠可以毋庸添派致滋跋涉又查
 教匪起事始於湖北繼以四川臣從前一到川
 省亦聞達州知州戴加_三居官平常時加訪察
 實緣該牧老病無能一任晉差狐假虎威在外
 滋事先經英善撤令聽差_三因不知奮勉復經
 宜綿奏參革職並有同摺具奏告病勒休之知
 縣俞廷舉州同張化鵬亦奉
 旨一併革職留於軍營効力是戴如煌本係奏請革
 職之員雖係川東道李憲宜鄉誼實非該道詳
 請告病至該州吏目名徐之琅璋在戴如煌任
 內因州官不能辦事每將案件發交審辦以致
 民間多有怨言及至新任知州劉_七琦到任後
 該牧本係川省好官與劉清同有誼名向有二

聖訓卷之六

十五

聖訓卷之六

十六

劉之稱徐之瓊在伊手下爲屬員兩年以來未聞劣蹟臣查該州有滋事之書役內刑書黃登彥業經病故差役王國學張貴賢郭忠禮李昂等先後被賊殺斃而戴如煌又患瘋癱病症半身不能舉動日久未痊原擬俟軍務告竣再行核辦茲奉

諭旨飭查臣亦無所用其迴護且現在達州境內紮

聖恩旌卹

七

營耳目較近逐細確查尙無貪婪實蹟因思賊匪往往以官逼民反爲詞而教匪到處傳習起事各該州縣亦非盡係貪官今戴如煌旣已叅革現成病廢尙有經手報銷未完一俟辦竣再令回籍吏目徐之瓊前在戴如煌任內擅理民詞旣有怨言卽屬溺職臣到川後未及核辦實屬疎漏應請將該吏目革職以肅吏治至同案

革職留營之知縣俞廷舉州同張化鵬平日居官尙好旣以老病革職則留營亦屬無益應卽令其各回本籍趙華方積二員容臣隨時察看如果始終奮勉辦事實心自當再行保奏至歷次打仗陣亡之將備各員及文職遇害者均經隨時附摺具奏其陣亡弁兵亦俱陸續造冊咨部惟鄉勇站夫書役並被害士民其中有罵賊不屈致遭慘死者有婦女守節不污者因爲數稍多雖據各州縣隨時具報尙須詳細確查亦有未經查造之處統俟逐一查明分別彙案奏

聖恩旌卹

大

咨仰懇

聖恩旌卹以昭激勸而慰忠魂均奏入

上命軍機大臣傳諭勒保曰各股賊匪前在陝楚邊境者俱已折入川東而額勒登保所剿張子聰一

股又與賊目蕭焜分股奔竄其意總欲疲我兵力
實為可惡額勒登保率同鎮將等躡蹤追剿殺賊
多名將卜三聘樊人傑葉建徐添德龍紹周李樹
等連次痛加殲戮俱逼至開縣東鄉邊境實屬出
力可嘉而德楞泰亦於雞鳴寺木坪等處分兵三
路兜圍並於黃虎坪將樊人傑等股剿敗之賊迎
頭截擊現由譚家壩一路追剿前進德楞泰雖不
若額勒登保之加倍奮勇而此次逼剿各股賊匪
晝夜窮追亦尚認真出力其在譚家壩西面山梁
剿殺賊匪之阿哈保楊遇春二員與賊相持搶上
山梁直前追殺甚屬奮勉可嘉而包正洪一股亦
經朱射斗逼至萬縣一帶是各股賊匪俱已驅歸
一處實好機會正可聚而殲旃惟高均德一股不
知下落何以未見及現據勒保奏健銳火器兩

《聖朝實錄卷之九》
九

營換回疲乏兵丁毋庸由京派往頂補看來勒保
剿辦賊匪已有就緒大功將次告成是以不請添
派京兵朕心稍慰盼望喜音倍深殷切勒保尤當
悉心調度迅奏膚功敬告

几筵早慰

皇考在天之靈成朕之孝成汝之忠勒保當謹誌朕諭
也所有額勒登保一路打仗陣亡之副將關聯陞
於身受矛傷後尚能躍馬衝入賊隊致被戕害可
惜之至著咨部照總兵例賜卹其德楞泰一路官
兵追剿賊匪由雞鳴寺踰水而過適值雨水漲發
有被急溜衝淹者亦著德楞泰查明一體咨部俱
照陣亡例議卹至馬步官兵等追剿賊匪因深山
多雨登涉維艱以致人多跌足馬多跌斃此等情
節朕亦聞知自屬實情勒保現今附近州縣買鞋

《聖朝實錄卷之九》
二十

解往並於楚省酌調馬四百匹所辦俱好至另摺
奏富成請革職擊交刑部治罪所辦甚是不愧
經畧大臣富成帶兵以來自正月至今從未將剿
賊情形具奏一次惟知坐擁多兵藉詞繞道避賊
而行總未與賊接仗縱令賊匪闖入甘境且廣厚
等追賊已至馬跑泉尙不知富成下落而所帶之
兵又復到處滋事全無紀律種種偷安玩愒節經
降旨分投查辦今據勒保查明參奏其罪實不可
恕本應照從前訥親之例卽在軍前正法但彼時
用兵係在外夷地方此次教匪滋事不過內地亂
民若卽在該處辦理致賊匪輕視帶兵大員轉長
刁風現已降旨交松筠就近嚴審定擬具奏後卽
將富成解京所有成都將軍員缺已令慶成補授
其富成原帶之兵業經勒保分交恒瑞明亮等管

聖祖聖孫編卷六

三

帶慶成到陝後自應酌撥官兵俾資剿辦慶成現
在取道西安前往應於何路官兵內抽撥給與管
帶之處著勒保酌量辦理又據另摺奏被脅難民
內有宋繼連約同賊夥周文光王奇等因見膽黃
招撫卽起意殺斃賊目赴官投首俱經勒保分別
賞給頂戴是招撫一事行之已有成效此等投順
之民自應加之優獎以廣招徠否則示人以不信
豈肯踴躍自效相率投誠耶又據覆奏賊匪本無
一定巢穴一節此事本係朕偶爾思及今旣據查
明賊匪並無預謀安頓家屬之處自不便以有用
之兵屯集閑地惟在勒保酌察情形妥爲辦理至
此次解餉赴川之巴圖魯侍衛章京等前已有旨
酌留八員在陝省軍營聽候派委其餘俟餉差竣
事卽可赴勒保軍營効用其查奏已革知州戴如

聖祖聖孫編卷六

三

煌及叅革吏目徐之琅叅革知縣俞廷舉等均令各歸本籍皆應如此辦理

上又命軍機大臣傳諭松筠日前因成都將軍富成經勒保派令專辦張映祥等一股賊匪總不能帶兵截剿惟知藉詞繞道避賊而行且自正月以來從無隻字奏報而轉咨會廣厚虛捏戰功濫填殺賊名數迨廣厚等追剿已到馬跑泉富成近在該

刑部彙編卷六

三

處杳無信息種種偷安取巧貽誤軍務節經降旨分投查辦今據勒保叅奏富成怠玩避賊情節屬實並稱富成坐擁兵丁鄉勇有七千名之多從未趕上賊匪與之接仗一次而所帶兵丁又復到處滋事毫無約束是其罪寔不可恕勒保相距較遠難以提訊著松筠卽就近將富成革職拏問一面嚴行審訊定擬具奏一面卽派委委員將富成解

交刑部按律辦理以昭刑戒

同日吳熊光奏言二十三日抵西坪地方據

派駐荆子關之南陽府同知達崇阿稟稱接湖北光化縣來信賊匪於四月十一日竄至竹山縣之黃毛關距縣城二十餘里道路梗塞文報不通等情同日又接鎮臣田永桐札稱差弁至

刑部彙編卷六

三

湖北鄖陽府探得賊匪張添倫等于十六日分爲二股十七日一股在黃龍洞距白河縣二十里一股在猴子河高莊峪一帶距白河縣四十里東至江之南岸二十餘里另有一股賊匪在竹谿竹山交界之水坪等語查達崇阿來稟係得自湖北來信所稱文報不通自非無因而田永桐差弁探報情形又在十一日之後賊匪尚在竹山一帶屯聚距江岸已近其爲意圖偷

渡更屬顯然因思鄖陽府屬之鄖縣鄖西均在襄江北岸此時江防最緊要想倭什布亦早經籌及但恐文札中途阻滯該縣無所遵循聞鄖西本駐有官兵而鄖陽向設副將諒必有存營兵丁臣當卽飛札鄖縣鄖西兩縣會同營員多派兵勇於襄江北岸慎重巡防蓋防江卽所以防城不可拘泥看守城池轉置險要於不顧并令將河干大小船隻木筏竹牌等項盡行提泊北岸俾免搶渡仍飭將作何辦理緣由稟臣奏報再聞襄江有漁船一項藏匿小港漁戶等貪圖小利最易舞弊恐賊匪假扮難民雇覓私渡亦已嚴札鄖陽襄陽二府及鄖縣鄖西二縣併南陽府屬一體慎密稽查以杜弊混惟是襄江發源陝省下達漢陽環繞豫省之東南綿亘

欽定剿平三省邪匪方略

正編卷九八

八百餘里雖不能在在安兵亦當擇要分段駐守現在豫省西北一帶兵丁因陝省張漢潮一股尙未撲滅未能抽撥祇于荆子關等處湊集兵丁千餘名移交田永桐帶赴襄江北岸并札飭南陽府等調集鄉勇帶往協防設有緊急分段防堵實屬不敷分撥臣再四思維與其戒備於臨時不如綢繆于先事除現將前此撤回省城之滿兵三百名仍行調用外所有前請直隸挑備戰兵該處離南陽二千餘里行走亦需時日臣卽飛咨胡季堂並正定鎮臣札勒杭阿卽速挑一千二百名飭令領兵將弁帶領起程速赴南陽府一帶聽候調遣合之省城滿兵共足一千五百名之數加以鄉勇庶可備擇要防堵之用且現據陝西按察使台斐音稟稱張映祥

欽定剿平三省邪匪方略

正編卷九八

一股賊匪又擾及龍州業請將山東官兵改赴鳳翔一帶堵剿則陝省之兵力不敷亦可想見而楚省又有賊匪闖入是直隸兵丁到來如豫省可以無需或就近令赴陝楚協剿亦不至徒滋勞費再查浙川縣屬之荆子關西通商維南接鄖陽係屬扼要隘口田永桐帶兵前往沿江一帶巡防該處祇有都司一員不足以資經理

刑部奏為籌辦卷之二

三

臣 卽起程前赴荆子關巡查布置並就近可與

田永桐商辦一切奏入

上命軍機大臣傳諭吳熊光曰楚省賊匪竄至竹山竹谿地方梗阻道路文報是為可恨吳熊光以賊匪意在偷渡豫省西北一帶兵力較單據奏將前請直隸挑備戰兵一千二百名飛咨派往聽調如豫省可以無需或就近令赴陝楚協剿等語賊匪

意圖偷渡固應實力嚴防果能急速成功所有勞費亦屬出於不得已但現在賊蹤距豫甚遠且有襄江阻隔祇須擇要防守足資堵禦而該撫自到豫後請將楚北留防豫兵仍行調回已屬張皇今又將直隸兵一千二百名飛行咨調就事而論豫省堵剿情形遠不若楚陝之緊要乃似此紛紛檄調轉似賊匪又擾及豫境者有駭觀聽所辦殊欠

刑部奏為籌辦卷之二

三

鎮靜今直隸兵丁業經該撫咨調自己卽日到豫吳熊光務須確探賊情如豫省已可無需此項兵力不可以有用之兵置之空閒地方專為防江起見虛糜糧餉卽當令其速赴陝省以資協剿又鄖縣鄖西等處皆係湖北所轄而吳熊光以河南巡撫輒嚴札該二縣在襄江北岸慎密巡防未免侵越殊覺多事且該地方官或已奉本省總督司有

派委則接到該撫札後轉致無所適從矣朕節經諭令陝楚督撫各嚴本境之防卽屬盡職毋須越境邀功想吳熊光尙未知之今接奉此旨惟當固守疆域督率防範毋使賊匪闖入固不可懈忽從事亦不必有意見長過猶不及也

欽定剿平三省邪匪方略正編卷九十九 己未年

五月初一日 戊午 承保奏言 臣 抵陝後因聞張漢

潮匪眾竄近五郎地方當卽帶兵赴東路迎擊

途次又聞該逆等向西奔竄 臣 卽自南而北攔

頭抄截詢明終南山內華陽地方係四達之區

爲賊匪必由之路該逆等往來數次已成熟徑

臣 隨營兵丁只有川省撥到之一千名又於漢

中收集總兵官信之疲乏落後兵一千餘名兩

隊內實堪打仗者不及千名 臣 親率副都統衙

穆克登布副將馬兆瑞等儘數帶領兼程前進

十七日辰刻甫抵華陽望見賊匪由對面山溝

蜂擁而出一見官兵卽分股上山排列約有二

三千人我兵亦移站山梁該匪恃眾分股直前

衝撲我兵鎗箭並發一股甫經擊退一股復捨

命奔突我兵連壓數次賊匪獷悍情形實堪痛恨當即訊問拏獲帶傷之賊據供該逆等因山內擄掠漸空無可覓食聞山南地方麥收豐稔意欲趁此成熟之時竄往搶割今被官兵擋住若不能衝過此處後有官兵緊追又須翻山抄繞是以拚命力爭等語臣隨一面督飭官兵奮力攻擊一面派知府朱勳及隨營効力之文職帶領夫役人等分列高山以作聲勢其各將備員弁無不奮勇抵禦自辰至未往來衝壓數次副將馬兆瑞身先士卒率領參將富靈保及奮勇弁兵施放連環吶喊橫衝賊始紛紛敗退攀援石壁竄入老林山頂翻山而逸仰仗臣天威幸未令其衝過華陽要隘祇以兵力稍單不能痛加剿洗約計殲斃賊匪不過二三百名

聖祖聖訓卷先

二

賊匪敗退後副都統銜穆克登布協領西林布帶領索倫兵數人追殺趕入林內不知路徑不意有潰散潛匿之賊猝不及防以致穆克登布被傷陣亡殊堪憫惻西林布額受矛傷遊擊楊虎吳璉都司音登額守備周鍾于衝入賊隊攪殺之際亦受傷陣亡遊擊哈三泰身受矛傷其餘弁兵間有傷亡容俟查明咨部現在偵探賊蹤並無定向明亮由後路緊躡追剿該匪等必不敢由原路折回臣惟有儘所有之兵趕緊于棧內盡力抄繞前進倘能趕至賊前仍可攔頭截剿若賊匪已過棧道之西臣即扼要堵截杜其復折東竄之路並可兼顧西南一帶完善之地且餉銀將次入棧亦可就近防護再此次打仗賊倍於兵當衝壓攪殺之際以少敵多勢甚

聖祖聖訓卷先

三

危險各將士盡力用命奮不顧身始將該匪擊退馬兆瑞哈三泰富靈保西林布等奮勇當先尤為出力可否仰邀鼓勵之處出自

聖恩又頃據隴州鳳翔府稟報甘境張映祥賊匪由三岔窰至隴州赤沙窰地方距該州一百餘里距寶雞沂陽亦止百里等語查恒瑞現在帶兵趕赴寶雞一帶迎頭堵剿但餉銀不日入棧

四

不可不加意提防臣已札飭鳳邠道王文湧屢

翔府知府崇祿等俟餉銀到境卽於寶雞一帶
有城池地方暫爲停頓俟將賊匪擊退再令分
起前進以昭慎重

永保又奏言竊臣欽奉

諭旨命偕恒瑞馬慧裕就近詢問王文雄柯藩台斐音令將秦承恩供詞逐一登答臣現在帶兵堵剿

賊匪行止無定恒瑞在寶雞一帶截堵張映祥賊匪藩司馬慧裕現在漢中臬司台斐音在西安省城王文雄柯藩遠在西鄉紫陽邊界分堵要隘相離遠近不一若俟覆到再行會核覆奏未免多需時日伏思提鎮藩臬本有奏事之責臣已恭錄

五

上諭咨會王文雄柯藩台斐音各將奉

旨飭詢情節迅速繕摺據實陳奏均奏入

上命軍機大臣傳諭永保曰永保甫經到陝所帶兵丁堪以打仗者僅有千名一遇賊匪能就現有兵力將賊擊退未令竄過華陽不致完善地方又被滋擾此卽永保之功但兵力究未免稍單倘急欲見功輕率直前雖云奮身圖報而兵少力薄不能將賊匪痛加剿殺轉不足振作士氣永保於督率

策勳之中仍宜稍存特重總應蓄養兵力見可而
 進或同別隊領兵大員會合兵威既壯則賊胆自
 喪有勇知方可期一鼓集事轉不必零星打仗稍
 涉冒昧朕所以節次施恩於汝兄弟子姪者至為
 優厚永保尤當察看事機悉心籌辦亦無煩瑣細
 示諭也現在永保已由棧道繞前抄截既可杜賊
 匪折回東竄之路所解餉銀已飭令王文湧等暫
 為停頓俟賊匪剿退再行分起前進所辦俱是此
 次殺賊陣亡之副都統銜穆克登布遊擊楊虎吳
 璉都司音登額守備周德俱著咨部議卹
 上諭內閣曰永保奏打仗出力各員副將馬兆瑞參
 將富靈保俱著賞戴花翎遊擊哈三泰著賞給副
 將職銜協領西林布著賞給濟特庫勒忒巴圖魯
 名號千總姜興濟外委孫榮俱著賞戴藍翎以示

聖祖聖孫編卷九 六

辨厥
 初二日臣恒瑞奏言臣由東路兜剿賊匪行抵
 二郎壩據報藍號賊匪又從徽縣麻陽河折回
 秦州境內勢復奔向東北隴州寶雞一帶隨留
 總兵觀祥駐防二郎壩臣仍帶兵繞至利橋攔
 頭堵截賊匪尙在李家集楊家河等處焚掠一
 聞官兵前來卽折回向兩當南竄臣飛飭觀祥
 由二郎壩趕赴兩當臣亦兼程繼進賊匪果至
 該縣城外滋擾觀祥趕到卽帶馬兵由山梁壓
 下其時騎馬賊匪竟有六七百人步賊二三千
 人倚恃衆多經我兵衝突數次毫不退却知縣
 孫鉞督率守城兵勇施放鎗礮臣聞信亦先帶
 馬兵趕至兩路衝擊把總保德縱馬直入手刃
 三賊我兵燒進殲斃騎馬當先者二十餘人賊

聖祖聖孫編卷九 七

大敗與對面山梁助勢之步賊盡向西南奔竄保德身受重傷陣亡臣督率觀祥及侍衛江鼎等分帶弁兵乘勢追殺斬獲賊匪三百餘人矣早正欲趕緊追剿忽報東面一股賊匪由留壩一帶竄過棧西距兩當不遠正在我兵之後臣刻卽帶兵馳回杜家坪賊匪方在沿山各村莊散屯造飯不意官兵猝至俱各翻山四竄我兵分投掩殺斃賊一百餘人擒獲小頭目田貴並夥賊六十八名訊問此股賊目係張漢潮丹學勝自鎮安折回因官兵追急連夜由華陽留壩竄來等語查張漢潮等猝遇官兵截殺俱向唐藏一路奔竄明亮與肇已自鳳縣趕來卽由方石鋪躡蹤往剿其張映祥等藍白二號賊匪業已竄至徽縣境內富成廣厚吉蘭泰均由秦

聖朝聖編卷九

八

州帶兵分路南來臣卽馳赴會同剿辦至被裹百姓乘間逃散者約有四百餘人自行投到者一百二十七人臣俱給予路票酌賞錢文令其各歸安業其逃散者飭令地方官妥爲收撫奏入

上命軍機大臣傳諭勒保恒瑞曰藍號一股賊匪始欲竄往隴州一聞官兵趕至卽向兩當南竄恒瑞帶兵追剿賊盡向南奔逸前日慶成面奏慮及甘省折回之賊若從兩當向南前竄卽係白水壩一路可由潼川直達成都朕正欲降旨諭知今據恒瑞所奏情形賊匪竟有南趨之勢蓋緣甘省地瘠民貧無可擄掠難以久留潼川成都一帶皆屬殷富之區賊匪中諒有素知此路之人必思乘間窺伺川西川南等處從未破賊蹂躪不可不急爲攔

聖朝聖編卷九

九

截現在恒瑞馳赴徽縣會同廣厚合剿務當扼其南竄之路毋任稍有蔓延看承恒瑞明亮兩路在三張逆之間似均有腹背受敵之勢若兵丁不敷剿辦著恒瑞酌量情形或於寧夏駐防滿兵或於阿拉善兵內調用一千名或五六百名以便就近帶領堵截若現有兵力足資分派亦不必添調總在隨宜斟酌也此次打仗陣亡之把總保德著

聖訓彙編卷九

十一

咨部照千總例賜卹

初三日庚申吳熊光奏言伏思豫省西聯陝境南

接楚疆在在均須以堵為剿而保護本省地方自應用本省之人方能得力且以本省之鎮將管帶本省之兵則呼應較靈臣於初到豫省時因察看邊境情形地廣兵單即經札商倭什布可否於景安帶去兵內酌令千餘名回隊以資

聖訓彙編卷九

十一

防守尚未准其札覆現據探報賊匪張添倫高均德等竄回平利之鸚嘴山羊谿等處聞楚省竹山竹谿及鄖西等處駐兵共有八千餘名鄉勇亦不下六七千名但該省現有賊匪窺伺滋擾正在分頭堵剿之際自未便遽令撤回臣前因江防緊要奏調直隸官兵一千二百名原係兼籌陝楚協剿之用或俟此項兵丁到時撥赴湖北更換豫兵回防本境容臣與倭什布妥商辦理目下各股賊匪俱在漢江之南江北惟張漢潮一股往來於五郎鎮商一帶以致陝境遭其蹂躪豫省迤西一帶邊防俱為牽制必須會集兵力先將此股剋期撲滅則少一股之賊即多數路之兵於剿辦較為有益是以臣奏請將山東撥赴川省補額兵丁一千三百餘名令其

直赴明亮軍營以期將此段迅掃嗣據陝西臬
司台斐音稟稱張映祥一賊匪擾及隴州將
山東官兵改赴鳳翔一帶堵剿臣因鳳翔爲川
省文報必經之路又新發兵餉必由彼解往虜
有疎虞而永保已帶兵回陝與明亮夾剿因聽
其改調不敢固執已具稟聞張映祥一股仍竄
回秦州且有總兵吉蘭泰帶兵往剿想賊匪張
映祥自不敢再窺伺陝境臣已飛咨恒瑞永保
並劄知台斐音就近酌量情形如何將此項東
省官兵截赴明亮軍營庶得此生力勁兵廓清
江北賊匪再移赴南岸併力剿辦似更易於得
手且張漢潮一股既滅則王文雄所帶之豫兵
千名亦可調回本境而豫省西面現駐之兵並
可酌移南面於征防兩有裨益臣現駐劄荆子

聖朝聖德編卷九

十三

關兼顧西南兩路惟有確探賊蹤就現有兵勇
殫竭心力相機布置斷不敢稍弛戒備再臣思
剿辦賊匪必須通計數省之局勢權其緩急之
宜臣愚昧之見川省辦賊應由東北進壓西南
方可聚而殲海緣川省本地之賊不肯輕去其
鄉卽或竄往他省山川險隘非所諳習易於剿
捕而楚省入川之賊則去來靡定又熟習路徑
追截較難目下重兵皆在川省似應緊靠楚陝
邊境逼剿庶不致蔓延滋患若先在川省西南
一帶剿捕則東北之賊必至聞風竄逸臣自直
來豫沿途察訪輿論已有見聞近見張映祥張
添倫高均德等各股賊衆均從川省逸至陝楚
是輿論業有明驗又現據探報賊匪張添倫一
股竄回平利之鸚鵡山高均德一股竄回平利

聖朝聖德編卷九

十三

之羊谿雖距豫境尚遠但平地亦近江干防範尤宜籌備目下江水盛漲全在臨期提淨南岸船隻賊匪斷難飛越臣早經札飭湖北沿江地方官認真辦理第恐奉行不善或於南岸水濱江汊仍任船筏停留或北岸停泊多船以致擁擠滋事均未可定臣已專派南汝光道陳鍾琛馳往江岸光穀均鄖一帶探聽信息將江面所有大小船隻竹木牌筏悉令其緊靠北岸往下放行晚間卽在北岸分段暫泊不得擁擠停留以絕賊匪窺伺之心而於商旅一無阻滯並移知鎮臣田永桐一體查辦奏入

上命軍機大臣傳諭吳熊光曰吳熊光係河南守土之臣自當將本境應行防堵事宜妥協經理使賊匪不能闖入卽爲盡職如所奏確探賊蹤相機布

聖祖聖訓卷九

十四

聖祖聖訓卷九

十五

置及派員馳往江岸察探信息將江面船隻分派北岸自屬分內之事朕未嘗不以爲應如是辦理至豫省而外陝甘等處軍情朕與經畧勒保尙不能遙制何況吳熊光係一巡撫且與豫省何預乃輒行飛咨恒瑞永保并劄知台斐音令將東省官兵截赴明亮軍營已屬冒昧且令在途弁兵無所適從又稱張漢潮一股旣滅則王文雄所帶之豫兵千名亦可調回本境試思張漢潮一股如已撲滅則王文雄所帶官兵正當移往陝甘邊界剿辦張添倫張映祥等股豈有轉令撤回本境爲豫省防江之計祇知自衛不顧大局寧非置有用之兵於無事之地乎況張漢潮旣滅則賊去豫省愈遠又何須設兵防守耶又據稱川省辦賊應由東北進歷西南是使川西從未被賊之地復遭蹂躪所

見誠屬愚昧矣吳熊光自到豫後屢次奏請添調兵丁已屬張皇多事今又將川陝軍情率行臆斷並紛紛檄調儼然以軍機大臣自命欲分經畧之權可謂不知分量不曉事體似此無知妄為景安之不若矣吳熊光著傳旨嚴行申飭若再不儆省卽當加之嚴譴不稍寬貸也

上又命軍機大臣傳諭恒瑞永保曰吳熊光奏飛咨

六

六

恒瑞永保並劄知台斐音酌量情形如可將山東官兵截赴明亮軍營廓清江北賊匪再移赴南岸剿辦等語殊屬越分陳奏已降旨嚴行申飭軍旅重務移步換形全在隨時酌量機宜決策制勝豈有懸揣遙度之理各路軍營辦理軍務一切自應遵奉諭旨指示其次則聽經畧調度如所降之旨咨該大臣於接奉後或賊情復有變又尙不可拘

泥遵旨何況經畧之機卽經畧諸凡調度於該處

情形未能悉協有應變通者尙不可意存遷就何

況隣省一巡撫之知會書札欲令人一一遵照乎

吳熊光係豫境守土之臣謹防疆場是其專責乃

取巧見長率逞臆斷紛紛咨檄居然以軍機大臣

自命欲分經畧之權實爲不知分量且據摺內稱

張漢潮一股旣滅則王文雄所帶之兵可以調回

七

七

豫省之語試思陝省兵力現在尙覺稍單如張漢

潮一股卽就殄平則張映祥等分股賊匪正資合

兵痛剿以期陝甘邊境迅就肅清豈可將有用之

兵遽行調回空守距賊較遠之江岸乎若二張逆

皆以次剿滅則豫省邊界已寧謐無事而漢江南

北尙需分兵駐守乎此等措置若果循照辦理豈

不悞事恒瑞永保惟在斟酌事機妥協經理所有

接到吳熊元一切咨會不合機宜竟置之不理可也

初四日辛酉明亮與肇泰言查張漢潮一股賊匪

經臣等於西王坪痛剿之後由米梁寺四畝地

等處漏夜狂奔盤繞萬山重叠之中希圖躲避

追兵臣等尋蹤躡逐或分道抄擊或乘間追殺

雖日有殲擒十數名至二三十名不等總未能

御製平定回疆方略

六

合圍痛洗十七日馳抵九池壩接准永保來信

已由城洋一帶自南而北前赴終南山內攔剿

抄截臣聞信後倍道窮追十八日趕抵華陽查

得賊衆撲衝該處營卡經永保督兵攔截未能

越過該逆知後有追兵不敢由原路折回即從

旁徑重山複嶺中翻過老林竄至留壩焚掠臣

即覓捷徑由廟臺抄剿趕上賊匪後隊殲斃二

千餘名擒獲陳正魁等七人該匪從南星廢邱

關西遁訊據賊供張漢潮由二郎壩翻山過來

詢知日來棧道解過銀鞘騾馬甚多張漢潮與

冉學勝等商量欲乘間搶掠騾馬軍餉繞赴甘

省且聽說有同教之人已由徽縣過來可與合

夥臣即由鳳縣抄截適綸布春安祿等解運京

餉頭二三起堆積鳳縣恐棧道梗塞未即起運

御製平定回疆方略

九

查鳳縣守城兵丁僅有二百餘名不得不抽撥

官兵護守隨派遊擊夏福都司李殿元帶領官

兵五百名飭令小心護守幸棧道未致梗塞臣

飛即督兵由楊家店抄截杜其竄入甘省之路

該匪由山僻小徑竄至杜家坪適恒瑞追剿張

映祥賊衆一路官兵在前攔剿恐其北竄寶雞

等處復又分派官兵扼要堵截臣即緊躡其後

該匪遂由草涼驛折回向安河鐵廠一帶仍復
入山遁逃聞永保亦趕緊繞道抄截前來臣等
會合後再行面商進剿再頃接吳熊光來文山
東補額官兵一千餘名已由潼關華州一路整
隊前來臣一路正需兵力今蒙

恩賞撥山東陝甘官兵二千餘名足壯軍威一俟到
來臣等鼓勵士卒作一鼓殲擒之計奏入

聖訓

三

上命軍機大臣傳諭明亮恒瑞永保廣厚曰張漢潮
被各處官兵追逼無路奔逃欲與張映祥合夥若
一二逆歸併一處不致分我兵力明亮恒瑞永保等
正可會合進剿此實極好機會伊等務須彼此熟
籌設法圍擊聚而殲旃惟閱伊等節次奏到情形
三路兵力總覺單薄昨會降旨令恒瑞酌量於寧
夏駐防滿兵及阿拉善兵內或調一千名或五百

名以資協剿今明亮恒瑞永保已可相晤即著會

同商酌如實在無須添兵則已否則仍遵前旨即

行調派雖目前稍有勞費而兵多則賊可早除於

軍務更有裨益此時緊要機宜不可使張漢潮張

映祥兩股合而復分又致兵分見單受其牽制也

至慶成在京面奏白水壩一路可達潼川成都一

帶川西川南皆屬殷富之區未被蹂躪不可令賊

聖訓

三

匪窺伺焚掠所慮甚是昨已諭令恒瑞與廣厚等

扼其南竄之路並著明亮永保一體留心堵截由

西南進壓東北以期迅速肅事陝甘境內賊匪一

經肅清即將添調之阿拉善等兵撤回不必再令

赴川現在川東各股賊匪勢已窮蹙可望成功勒

保會奏毋庸添派京兵是辦賊已有就緒更不須

復添他處兵力矣

同日福寧奏言查額勒登保追剿竄匪已由開縣温湯井一帶馳抵東鄉上八廟地方又副都統阿哈保總兵楊遇春等經額勒登保派令分帶官兵亦由開縣譚家壩一路追剿其前在大寧太平開縣交界阻我糧運各匪俱已分投奔竄德楞泰督師追至東鄉土黃壩各處運道藉得疏通日來據各員弁稟報前各州縣運至中

聖祖聖訓卷九

三

途停積米石刻下俱已先後趨送各營交收
復飛札開縣雲陽新寧東鄉太平等處速將糧石源源轉輸並派委各員弁分布四路竭力督催現值雨水連綿山險路滑所有軍糧猶恐人夫背運負重行走難免濡滯茲復飭令隨時添雇騾頭以供馱載現在德楞泰一路軍精無虞匱乏此外各營所需兵食均經寬為辦解至德

楞泰軍營需用餉項前由達州續行撥銀四十萬兩據報業已抵營足供支放其弓箭火藥銀丸等項昨亦隨同銀兩解往備用查近日各股賊匪俱分竄東鄉太平境內官兵星馳電擊不予以暇茲運道已通惟有認真督飭安速轉輸務使兵進糧隨藉紓宸廑奏入報

聖祖聖訓卷九

三

初五日 壬戌 倭什布奏言查張添倫一股賊匪自敗竄出境後仍在二竹北界外往來游奕
旨以堵為剿隨賊所向沿邊攔截十九日該匪自白河境內竄至洵陽 因赴獨山寨扼堵二竹北面邊界復據探報並准陝省來信有另股賊匪由紫陽一路竄抵平利縣獅子壩又有一股由

太平切崖竄至平利縣鎮坪石砦河均與竹筴
西面邊界逼近臣察看情形較北界尤爲緊要
因酌派熟諳二竹道路之竹山營千總黃富國
帶領兵勇堵剿北界之賊臣於二十日馳抵西
界督防分飭派守關隘等處之總兵路超吉派
守西面河等處之叅將海麟遊擊揆明等嚴密
防範並派撥弁兵於山溝小道不能紮營之處
分布哨望二十一日獅子壩一股賊匪由洋溪
一路竄伺雲路溝邊隘其時臣正巡邏到彼督
率叅將董寧川遊擊姚國棟帶兵迎截賊人撲
近官兵鎗箭齊發擊斃頭隊之賊三十餘人是
夜官兵屯紮洋溪二十二日五鼓賊匪復至雲
路溝分燃火炬吶喊前來臣竊疑賊匪乘夜撲
營如此鳴張必有分股奔竄詭計一而督兵迎

聖朝聖編卷九

五

截一面差弁兵等分赴旁通小徑察探旋據梓
桐壩一路放哨兵丁來營稟稱五鼓時見雲路
溝一帶火光只顧向北哨望不知賊匪於何時
上至梓桐壩老林分隊藏匿天將明時一擁而
上帶兵放哨之外委劉永修竭力抗拒當被戕
害賊人翻越老林向王家河奔竄等語臣查賊
匪一入王家河我坪等處卽達楚境因督同遊
擊曹星都司胥泗起等率兵堵剿雲路溝撲卡
之賊隨派董寧川都司劉應世帶兵一千名飛
赴我坪一帶迎截官兵趕到正值賊匪竄來董
寧川截住東竄路口將礮位排列分兵兩路截
擊賊人自恃衆多直前抗拒思欲奪路前竄該
叅將將礮施放轟斃五六十人賊匪四散逃竄
官兵從兩旁山梁壓下且追且剿沿途殺賊一

聖朝聖編卷九

五

百七十八名賊匪仍由梓桐埡來路逃竄出境
 內有執旗騎馬賊二名董寧川以為必係緊要
 頭目追之益力迨至梓桐埡山梁樹木深密賊
 匪棄馬而遁該叅將亦下馬追殺賊人狂奔避
 入溝內該處山溝路窄該叅將令眾兵在山腰
 圍擊親率弁兵數十人追逐而下拔刀奮擊不
 料深林溝內敗回躲避之賊併隊齊出該叅將
 帶有矛傷猶復橫截衝盪殺賊十餘人眾兵趕
 下接應乃賊人圍裹益密鎗矛攢集董寧川竟
 受傷陣亡其時隨同該叅將下溝殺賊之千總
 程運棟亦同時被難所迫騎馬賊二名一為該
 叅將刃斃一帶箭率眾奔逃官兵憤恨已極復
 追殺十餘里斃賊六七十名餘賊潰竄回陝其
 撲擾雲路溝營卡之賊經臣督率官兵擊斃二

十餘人追殺十餘名生擒李廷相等六名是日
 兩路賊匪退至核桃坪復行屯聚二十三日探
 知該匪由核桃坪竄往西北之張家店勢將侵
 及關埡一帶臣飛飭守備張懷毓帶兵赴關埡
 之北黑龍洞視諸親率都司孫應奉守備姜元
 祥等帶兵前赴關埡策應二十三日賊匪一股
 竄至關埡一股竄至黑龍洞俱經官兵用鎗礮
 轟擊賊人退至黃土坡會值天雨與官兵相持
 兩日夜二十五日天氣晴霽臣飭路超吉率同
 孫應奉守備姜元祥張建業等帶領官兵抄出
 賊人之北由石牛河左手山梁進剿賊匪分伏
 兩山林內欲誘官兵下至河岸以便衝出被官
 兵哨見先用大礮向林內轟擊賊匪一齊撲上
 官兵奮力壓剿擊斃騎馬領隊賊三名步賊三

聖朝聖德編卷九

美

聖朝聖德編卷九

毛

四十名賊人退下竄過河西官兵乘勢追擊生擒胡漢周等九名餘匪由石榴河向北土營一路西竄現離竹谿西界有七八十里至張添倫一股二十一日竄至七里關有折回楚境之勢經臣派在北界迎堵之千總黃富國於二十三日帶領兵勇迎往腰店地方截剿適與該匪相遇黃富國督率兵勇分路抄擊自寅至申殺賊四百餘名生擒丁尙文等八十五名該匪遂由董家梁西竄仍入平利縣境離二竹北界亦遠又竄至鎮坪石砦河一股賊匪與竹谿西界之竹葉關西面河一帶逼近該匪先後撲擾黑山頂月亮岩等卡經叅將海麟守備王有等率同兵勇堵剿兩次共斃賊八九十名生擒趙明新等十八名未被衝越隘卡嗣於二十二日該匪

復擾至柏樹峽叅將海寧守備胡宗典等迎赴胡溪河趁賊匪搶渡時分兩路衝擊將渡船搶獲盤沈斃賊三十餘名淹斃者二十餘名生擒徐添吉等四名該匪旋即退回連夜折竄平利曾家壩竹谿西北兩路皆得堵守無虞審訊各路擒獲賊匪據供衝撲雲路溝梓桐壩關壩之賊係高均德一股衝撲月亮岩黑山頂柏樹峽一股頭目名馬得貴臣查現竄平利賊匪雖各股頭目賊供不一難以確信而張添倫高均德等大率籍隸楚北每思竄回原籍是以連日以來分股遍擾竹谿西北兩路經官兵分投堵剿不致深入蹂躪今竹谿大小花園一帶自梓桐壩剿敗逃散之匪尙在分竄人數無多業經派令將備分路搜捕大股賊衆既已一一截回

此等剿散餘孽定可卽就掃除臣惟有益加策

勸分飭文武員弁於川陝邊界加意巡邏不敢

懈弛所有各路傷亡兵勇容俟查明咨部再副

將銜原任河南汝定營參將廣福前以不遵約

東肆行咆哮經前督臣景安奏革職捆責枷

號示衆矣軍務完竣發往伊犁充當苦差臣到

楚以來帶兵往來邊界查知廣福爲人粗直性

聖訓彙編卷九

三

氣不甚和平而平日帶兵打仗頗能勇往管教

兵丁尙得軍心自奉

旨捆責枷號以後深知愧懼現當邊防緊要各路帶

兵堵剿需員可否仰懇

皇上天恩將廣福暫釋枷號令隨臣軍營差遣帶罪

立功自贖如果感奮出力再行奏請

加恩尙不知悛改自當據實奏

聞仍治以應得之罪奏入

上命軍機大臣傳諭伊什布永保曰張添倫高均德

等股賊匪在楚陝邊界出沒滋擾其意總欲折回

楚北屢經官兵堵截退回平利一帶暫行屯聚旋

復擾至二竹西北地方分路衝撲看賊匪情形且

因陝省東南係伊等後路官兵守備空虛得以安

然在彼退聚歇力而陝省東南無備之故皆由明

聖訓彙編卷九

三

亮恒瑞俱經帶兵前赴陝甘交界徽鳳之間追剿

張漢潮張映祥等股賊匪永保又向棧內還截不

能兼顧東南而倭什布又專在本境督率防堵是

以張添倫高均德等被楚省擊退後仍得在平利

一帶游奕窺伺進退自如現在張漢潮張映祥二

股已有明亮恒瑞與廣厚吉蘭泰前後截擊足資

逼剿永保可毋須再於陝境西北堵禦且伊駐劄

之處在終南左近距平利一帶不遠者永保即將原兵仍行帶回如覺兵力尙單卽酌量添募鄉勇或咨行豫省調取直隸新兵四百名在陝省東南邊界相機堵剿則永保與倭什布卽可兩面夾擊自爲得力叅將董寧川下馬擊賊身帶矛傷猶復殲賊多名因賊匪勢衆致被戕害似此忠勇之臣不得承受國恩實爲可惜閱之不禁墮淚著咨部加等賜卹其同時陣亡之千總程運棟及帶兵放哨拒賊被戕之外委劉永修亦俱著咨部予卹又叅將海麟千總黃富國截剿張添倫奮力抄擊殺斃多賊甚爲出力可嘉著倭什布留心查看如果嗣後再有出力之處卽行保奏候朕加恩獎勵叅革副將銜廣福前已有旨令勒保調赴軍營與景安質對今據倭什布奏伊帶兵勇往能得軍心當

欽定剿平三省邪匪方略 正編卷九九

此用人之際應非其閑穉加號留營効力如前此景安所叅情節查明實屬屈抑所有董寧川現出之叅將一缺卽應奏明將廣福補授並著倭什布酌量情形如此時帶兵需人卽咨明勒保將廣福先留該處差委暫緩赴川倘尙可毋須廣福帶兵卽令先赴勒保處與景安質對明白再行回楚可也

欽定剿平三省邪匪方略 正編卷九九

欽定剿平三省邪匪方略正編卷一百 己未年

五月初六日 癸亥 陝甘總督松筠奏言竊 臣 前奉

諭旨如明亮恒瑞尚未將張漢潮等擒獲著松筠抵

陝接印幫同妥辦並著辦理撫卹事宜 臣 於四月

二十五日已入陝境沿途訪問賊匪奔竄每見

村鎮並不取直入先以數人假作官兵打探無

備然後復以數十人向前持執刀矛虛張聲勢

製著匪類彙編卷百

倘居民驚散聚眾始敢齊至焚掠如居民有備

或有官兵向其施放鎗礮賊匪即行退入深山

翻崖越嶺又向偏僻村戶搜糧不過掠食度命

而往往掠得騾馬又復遠克裏人現在張漢潮

一股由五即洋縣折竄至留壩一帶焚掠北有

明亮追剿永保亦已帶兵探踪迎擊其張映祥

一股在秦州徽縣一帶滋擾有恒瑞前往堵剿

而富成仍在尾追尚無擒獲確信因思前奉

恩旨雖已贍黃曉諭或賊隊中尚未盡悉必得密遣

受人潛入賊隊曉諭被脅良民有能捕獻首逆

立功者不但宥其前罪且必仰邀

聖恩如苗匪吳隴登等得受重賞否則潛行散去或

臨陣投降亦必遵

旨妥為安置給以資斧釋回鄉里俾復農業斷不治

製著匪類彙編卷百

以從賊之罪除俟覓得受人即令探至賊隊潛

行曉諭 臣 復遍諭大路兩旁村鎮商民與其避

賊而被掠一空莫若團集而勢操全勝如教匪

臨近某村某鎮該處鄉民有能抵禦殺賊者據

實報出定加獎賞其能擒獲逆首者亦必奏懇

天恩賞給官職或教匪被官兵追剿竄入村鎮該鄉

民既有團勇應即迎頭堵截使官兵趕上剿滅

亦必分別從重獎賞其賊匪中被脅良民投奔各處求生者該處鄉約保正等即便收留暫給口糧稟報地方官妥為安置遣回鄉里總不可令其投歸無路以致仍入賊夥所給口糧官為給還又札飭各州縣官凡有自行投出及由他處遣回者俱應隨時安插發給口糧即使地方官不及領項倉穀不敷動賑不妨先為設法措辦隨後開報申領果能妥速辦理自必量功課績奏請鼓勵州縣官內果有設法購線擊獲首逆者必蒙

聖恩越級陞用至各處書役有能善為招撫或擒獲

三

賊首者亦必按功給賞並奏請賞予官職臣於經過地方先行繕發餘候探赴恒瑞行營接印後即為刊刻刷印通飭遵辦至安撫難民尤為

緊要臣於經過寧羌州沔縣一帶見有曾經被賊焚掠處所即愷切安慰諭以

皇上視民如傷隨後即有

恩恤俾知感激因即札飭布政使馬慧裕楊揆速查被擾各地方新舊難民文冊務須即時賑濟免致失所臣仍同承保盡心查察妥辦以期敬副

皇仁奏入

聖恩越級陞用至各處書役有能善為招撫或擒獲

四

上命軍機大臣傳諭松筠曰松筠甫入陝省即能留心體察賊情而於密遣安人潛入賊隊設法安置投歸難民諸事所辦已得要領具見留心軍事忠悃可嘉現在三張逆分竄陝甘楚省邊界節經諭令明亮恒瑞永保等設法截剿若一經擒獲必當處以極刑即在該處梟示俾匪眾各知儆惕即陣被戮亦必確認屍身不可任其漏網總之邪匪

首夥各犯到處掠掠殘害良民罪大惡極必應悉數殲滅斷不可赦其餘裹脅從行者自當分別撫卹此係松筠總督任內應辦之事然必先示兵威使之震懾其降乃固也至富成坐擁兵勇七千名之多從未趕上賊匪與之接仗勒保恒瑞廣厚吉蘭泰皆知其怠玩避賊陸續具摺奏其罪實不可恕本應在軍前正法示眾因念教匪滋擾究係

製書齋彙編卷百

五

內地亂民若即於該處辦理致賊匪輕視帶兵大員轉長刁風是以前日諭令松筠即就近將富成革職拏問一面嚴審按律定擬具奏一面派委委員解交刑部治罪今松筠尚未接奉前旨一到陝境即奏及富成仍在尾追可見所論公確著即遵照前旨速行審辦解京至松筠係陝甘總督仍著駐劄興安漢中一帶督辦軍儲諒能經理裕如仰

副委任也

初七日

臣

明亮承保奏言竊

臣

明亮由楊家店

抄擊張漢湖賊匪承保於華陽山扼要截剿該

匪遂翻大山老林向西北狂奔

臣

明亮帶兵緊

躡前進

臣

承保計程不能抄出賊前遂將步兵

緩程進發止帶馬兵數十名由小河口提徑抄

繞詎該匪等萬分狡獪已料官兵必係兩路追

製書齋彙編卷百

六

截兩晝夜狂奔四百餘里於二十日早竄至留壩廳地方該廳向無城池賊匪往來數次屢經蹂躪居民於山巔築寨賊遠則在街市貿易賊近則官民咸居寨中此次賊匪潛蹤猝至該處同知齊默慎正在寓辦事司獄黃定一亦在彼彈壓均未移居寨上賊匪闖至該同知即將印信交付家人令其扒山逃避隨持刀同黃定一

樂賊俱被殺害該匪恐官兵追擊未敢久停仍
向西北直竄甘省兩當邊界查留屬監獄命犯
三名已經該同知豫寄襄城縣監所存採買軍
糧已早在寨中收貯均無疎虞臣永保當卽招
集居民散給口食並拔尋書役查問案卷旋據
該同知家人將印信呈繳臣一面就近委員暫
爲代理該廳事務正在帶兵追剿間又聞頭二
三起解川餉銀業經入棧卽趕緊馳赴鳳縣一
帶見押運巴圖魯侍衛等卽令將餉銀暫存鳳
縣城內其四五起銀兩札知道府截令暫存寶
雞縣城妥爲存貯探知該匪等直向兩當狂奔
適恒瑞擊退張映祥股匪迎頭遇見卽帶兵攔
擊出其不意該匪等驚慌潰亂多被殺傷棄馬
翻出向北而逃復又折回向東奔竄臣明亮亦

聖朝聖德 七

卽由兩當境內折回追剿與臣永保會合籌商
查此股賊匪詭詐異常其逃避情形斷非一二
路兵力可以立時剿盡且終南山勢交錯道路
叢雜盤旋百折東西一千餘里南北七八百里
賊匪所以隨意趨避游奕自如臣詳詢獲犯及
逃出被裹民人僉稱賊夥內有一種木山匪徒
無室無家素以賭盜爲生俗名紅簽大半入於
賊夥指示道路相引爲惡本係土人語言行動
無所區別充作良民到處代爲探聽官兵消息
賊匪得以往來無阻總與官兵避道而行臣明
亮兵力雖尙足恃若該匪等果肯占據抗敵自
不難痛加剿洗無如一聞官兵信息卽時逃避
狂奔臣明亮辦理幾及一載終未能擒渠掃蕩
實受此牽掣之累臣永保甫自川來兵力稍單

聖朝聖德 八

若亦隨同奔逐不能制賊竄逸之路徒使兵力

疲乏亦屬於事無濟查現在川餉在棧必須安

速料理前進臣明亮前在山中剿賊往來無定

糧運固不能緊隨亦因地方無人代為籌辦接

濟卽派委微員押運入山不知探聽賊蹤抄覓

路徑每致被賊搶奪官兵不免有時枵腹卽馬

匹日逐奔馳亦形疲乏是酌籌供運亦關至要

《聖朝實錄卷百九》

臣等惟有彼此商酌竭力妥辦至此股賊匪若

非四路扼要截堵使其不能向無兵之處狂奔漸

逼漸剿斷難一鼓克捷弟就近各省已無可調

之兵若遠道徵調更屬緩不濟急臣明亮先帶

現有之兵緊跟賊蹤不予以暇相機剿辦山東

補額之兵不日到齊其陝甘補額之兵現亦飛

咨恒瑞王文雄趕緊抽調共有二千餘名臣明

亮督為帶領趕緊剿辦賊匪喘息難寧日就

窮感臣永保於鳳縣一帶照料撥兵護送川餉

過後籌酌接濟臣明亮所需糧餉軍火馬匹等

項不使掣肘缺乏仍一面相機截堵

永保又奏言伏思川省需餉甚急現在所到餉

鞘未便久稽而張映祥股匪在棧道之西張漢

湖股匪在棧道之東棧內居民屢被焚掠心胆

《聖朝實錄卷百十》

已虛見有一騎駛奔卽驚為賊匪探馬紛紛逃

避以致道路時有訛傳茲帑項經過萬一有風

鶴之驚夫役一時散亂殊屬不成事體且自鳳

縣以至褒城中間尙有南星留壩馬道三驛俱

久經賊匪灾燬之餘並無多餘房屋不但解餉

官員無所棲止卽餉鞘亦無安頓之處臣擬就

現有之兵三千餘各分布該三處地方深溝高

壘堅緊營盤安放餉銀巴圖魯侍衛等即可在
 營看守一至襄城有城池護衛便可放心再查
 部發餉鞘每三千盛貯一匣必須用大杆二根
 兩騾馱載棧內道路逼仄崎嶇每遇山勢盤曲
 之處必須多人夫幫助轉折而過縱免蹉跌
 亦多遲滯若改爲一千一匣則一騾可馱二千
 行走既能簡便且每銀三十萬兩可省騾五十
 頭即以此項餘騾留爲沿途更換疲乏之用行
 走更爲迅速從前轉運會議及此因部發餉鞘
 不敢起動原匣致恐交卸時或有平色參差所
 見未免拘泥今當道路多警之時自應以提便
 妥協爲要商之各巴圖魯侍衛等無不稱便
 當即督同鳳縣連夜起辦小匣眼同各起原解
 巴魯圖侍衛等按原起分兌改貯俟將營盤安

欽定剿平三省邪匪方略 正編卷一百一十

欽定剿平三省邪匪方略 正編卷一〇〇

置妥協仍令按起啟行前進並將前出谷報勒
 保轉飭川省接解官員知照辦理奏入
 上命軍機大臣傳諭明亮永保曰張漢潮一股因官
 兵追剿緊急復竄至留壩地方戕害職官恐官兵
 追擊仍向西北直竄甘省兩當邊界適恒瑞遇見
 卽攔頭迎擊該匪等又復折回向東奔竄實屬狡
 獪可恨總緣賊眾兵單不能合剿之故現在明亮
 所帶之兵本屬無多而永保所帶之兵雖有二千
 除疲病外堪以打仗者亦止千名又分撥留壩等
 處護送餉銀看來伊二人兵力實形單弱不敷堵
 剿現已降旨令慶成帶領直隸正定兵丁八百名
 馳往陝省協剿此時明亮惟當就現有兵力緊躡
 張漢潮一股不使西與張映祥連蹤亦勿令東與
 終南山內奸民勾結及與張添倫合夥或俟慶成

欽定剿平三省邪匪方略 正編卷一百一十

五八七

到後及咨調山東陝甘補額之兵到齊聲勢較壯再行相機合兵奮擊以期得力明亮永保務須勉力至永保奏沿途撥兵護餉一節前據福寧奏報川省尚不急於需用今棧道東西既有賊匪梗阻護餉兵丁為數無多雖有巴圖魯侍衛等在彼管解亦難抵禦多感永保自應酌量情形如餉銀業經過棧固屬甚善倘難以前進不妨且在鳳縣寶雞畧為停頓慎重辦理將餉銀未能過進緣由知照勒保福寧寧可畧延時日毋令稍有疎虞前雖有旨令永保仍回陝省東南邊界截剿張添倫高均德等賊匪今看此情形留壩兩當一帶又關緊要永保似未能遠離該處且張漢潮一股正在終南山一帶向東奔竄永保即欲折回亦有張漢潮在途為之阻隔自無庸拘泥前旨總在伊相度機

聖祖聖孫萬歲
三

宜俟慶成到後兵力厚集再行的量何處緊要即協同夾擊永保此時惟當諸事持重伊兵力較諸路更單不必急於見功稍涉冒昧也所有此次被賊戕害之留壩同知齊默慎司獄黃定一深可嘉憫均著照陣亡例咨部賜卹

上又命軍機大臣傳諭慶成曰慶成前已補授成都將軍令其赴陝幫同剿賊茲據明亮等奏張漢潮一股復由兩當折回東竄明亮永保兵力甚單而張映祥一股經恒瑞追剿亦在嶽縣兩當一帶往來奔突其張添倫等又在陝楚邊境游奕窺伺明亮既不能兼顧而永保所帶之兵本少又分撥護餉永保現亦暫駐留壩是此時陝省急需兵力接濟現已有旨諭知胡季堂將直隸挑備之後二起正定兵丁八百名選派將弁帶領起程慶成接奉

聖祖聖孫萬歲
古

此旨卽在途畧爲等候俟此項兵丁到齊卽取道河南陝州迅赴陝省該省商維一帶與豫境毗連慶成入陝後如遇賊匪正可迎頭截殺倘賊匪復經他竄慶成卽應察探賊蹤何處緊要或與明亮夾擊張漢潮一股或截剿張添倫一股惟當就近相機剿辦不必預存成見也再直隸頭起兵丁四百名如已行抵豫境該省距賊蹤已遠江岸尙可無須添兵防守慶成卽當將此項兵丁一併帶赴陝省更足以壯聲勢

聖諭

五

上又命軍機大臣傳諭胡季堂曰前已有旨令胡季堂將挑備直隸兵後一起八百名暫留正定如豫省需兵接濟再行發往今據明亮等奏伊等追剿張漢潮兵力甚單現已有旨令慶成在途畧爲等候俾卽將後一起兵丁八百名帶赴陝省此項兵丁

應需資裝一切自經胡季堂早爲備辦該兵丁亦

已准備起程人思自奮若停止前進轉阻其踴躍

從事之心著胡季堂卽遴選明幹勇敢將弁帶領

起程由河南陝州一帶迅速前進並先行咨明慶

成以便帶領前往再前據倭什布奏參將董寧川

在湖北梓桐亞殺賊受傷被戕實爲奮勇出力已

降旨加等賜卹今朕檢查董寧川履歷係直隸人

聖諭

六

並著胡季堂查明籍貫係何縣分該員如有子嗣

年已及歲卽奏明送部帶領引見候朕加恩或董

寧川尙有老親胡季堂卽當酌量調濟一併具奏

用示朕賑卹蓋臣至意

同日陝西按察使台斐音奏言

臣

接署撫臣永

保札欽奉

上諭飭查秦承恩所供情節令

臣

據實自行陳奏伏

查上年二月間賊匪李全等由斜峪關竄出盤

屋縣一帶距省較近難民男婦老幼陸續投

奔省城臣與陞任藩司陸有仁會商將存城兵

勇飭委員弁帶領分派四城及街巷稽查防守

難民隨時卽令進城居住其無裹攜糗糧者酌

給口食嗣於二月二十五六八等日節次探知

秦承恩王文雄帶兵由商州趕往盤屋在焦家

製署書卷百

七

鎮胘子村南集賢等處打仗賊衆敗走沿山東

竄距省城更近恐有假作難民突奔城下或致

猝不及備不可不嚴加隄防查西南道路俱通

賊匪竄走之處酌將西南兩門暫爲關閉留東

北兩門仍令避難百姓入城臣與陸有仁分赴

東北兩門督率委員稽查出入三十日晚秦承

恩與興肇王文雄河藩各帶官兵趕集南門外

紮營三月初一日五鼓興肇等率兵齊赴大峪

口一帶剿賊秦承恩於是日進城安撫難民維

時賊匪被剿潰竄已進南山距城較遠隨將西

南兩門開放以便供運軍糧時有南山民人來

省避賊亦卽稽查放入一體撫卹西安城濠向

來無水並無難民在城外觸城投河之事秦承

恩卽於初二日出城前赴南路會同王文雄等

製署書卷百

八

搜剿潰匪此皆當時實在情形在城文武官員

以及士民之所共見共聞茲奉

諭旨飭詢臣不敢扶同支飾奏入報

聞

初九日丙寅成都將軍富成奏言臣接准恒瑞抄

示欽奉

上諭廣厚奏節據將軍高成知會賊賊各各嗣經訪

查富成連次殺賊均止數十人不等富成所報顯

係捏飾等因臣跪讀不勝悚懼伏思臣仰蒙

聖恩由兵丁用至將軍當此教匪肆擾正當捐軀圖

報迅速掃除何敢心存畏葸惟查臣前自川省

追剿張映祥等股賊匪行抵大安適恒瑞自

大壩山一路迎截前來維時張映祥等已竄近

陽平關一帶滋擾而廣元一帶尚有蕭正國包

聖著重纂編卷百 九

正洪等往來游奕恐亦乘間竄出因與恒瑞商

酌恒瑞督紮陽平關一帶堵禦臣由畧陽白馬

關繞至賊前抄截以為兩面夾攻之計嗣臣趕

抵小川子地方探得賊匪竄至龍安府屬之青

木川因白水江水勢甚大不能偷渡並經該處

兵勇擊退復由青木川折而白馬關屬之梅子

園一帶臣即由小川子白馬關一帶迎剿至二

月二十七日在毛垭子地方正值賊匪前來隨

督兵迎剿斃賊一百餘名生擒馮文亨等五名

賊匪即翻越老林由黑馬關長壩奔往階州一

路竄逃臣跟蹤追剿於三月初二日趕至階州

屬之柳壩地方追及賊尾分兵剿殺斃賊二百

餘名生擒吳正隴等十三名是日探得賊匪直

奔階州一路恐其滋擾州城因於是晚兼程行

聖著重纂編卷百 千

走次日已刻趕至階州正在稍息兵力適值馬

步賊匪約二千餘人前來勢欲攻擾州城臣隨

即分兵兩路迎剿該匪等立時逃散我兵奮力

追殺斃賊七十六名拿獲石萬方等十一名騎

馬賊匪李士見一名臣匪等竄至兩水復分兩

路竄號賊匪奔往涼恭白驍奔往岷州屬之宕

昌一路破時因署藩司黃厚及總兵吉蘭泰等

正白成縣前來因令該署司等即從涼恭一路
 迎剿藍號賊匪臣隨由階州直赴宕昌一路剿
 辦白號一股三月十二日趕抵宕昌賊匪竟分
 三路奔來臣隨督兵迎剿施放鎗礮擊正在
 相持間不意賊匪復分股繞至我兵之後冀圖
 斷我後路經臣分帶官兵馳回奮力擊退後由
 右手山梁從上下擊賊匪始皆敗退追殺十餘
 里共斃賊七十六名並鎗斃騎馬賊九名賊即
 向岷州一路逃竄彼時臣因探知廣厚等進抵
 漳縣之新寺鎮與藍號賊匪接仗恐該匪等折
 竄岷州因即由月兒梁岷州一路追剿並就近
 迎擊藍號逆匪保護州治及抵岷州探得白號
 賊匪復由那那溝折向正北其勢似欲奔竄鞏
 昌臣查鞏昌當陝甘大道關係甚重當即督兵

聖朝重纂

主

趕抵鞏昌適吉蘭泰廣厚等因藍號賊匪亦折
 向漳縣迤北該鎮等自漳縣之監神寺追剿前
 來隨即會商該鎮等仍追藍號一起臣即自鞏
 昌馳赴寧遠一路追剿白號賊匪趕抵羅家堡
 地方突遇藍號賊匪自北折回隨督兵迎擊斃
 賊一百三十九名並擊獲活賊馬溫落等二十
 一名是日賊匪等由岱門奔赴兩當一路竄逃
 因藍白兩號相距不遠正擬分兵剿辦適接
 廣厚等來札以白號賊匪由岷州向東北折
 竄秦州之廟灣甘泉等處該司等現由水凌寺
 迎剿前來札致臣就近追剿藍號臣因白號一
 股現有官兵迎剿是以即自岱門一路追剿藍
 號賊匪趕抵江羅鎮探得賊匪在橫川子聞知
 我兵逼近復由該處北折傳家鎮一帶冀圖遠

聖朝重纂

主

竄臣探明後卽於二歧分兵三路出其不意一

齊攻撲共斃賊一百十七名並將臨陣投出之

難民宋胡柱等一百十三名訊明甫經被裹屬

實當卽宣諭

恩旨概行釋放復於兩當之趙家崖追及賊尾將落

後賊匪殺死四十六名其餘三十七名盡行擊

獲分別正法釋放探得賊匪連夜奔往兩當臣

《聖朝聖德編卷三》

三

卽跟蹤追剿賊匪又奔往徽縣隨卽兼程馳追

趕抵徽縣與恒瑞會晤此臣自川入甘追剿逆

匪節次打仗之實情也臣從前在川剿賊所有

與賊接仗各情形均係具報勒保隨時奏報及

抵甘省仍復如是至廣厚吉蘭泰現與臣同事

剿賊兩路賊踪及打仗情形彼此不過草草通

知其一切實在情形業已詳細具報勒保惟是

臣係帶兵大員且剿賊已入甘省距川較遠應

自行專摺具奏乃仍拘泥轉報實屬糊塗錯謬

茲蒙

諭旨垂詢臣實悚懼愧悔現在探得白號賊匪已奔

成縣一路竄逃藍號賊匪復自徽縣屬之賀家

店折向江羅鎮一帶奔往西和一路逃竄其勢

似欲與白號合夥臣慮與恒瑞等商分兵三路

《聖朝聖德編卷三》

四

進剿恒瑞由徽縣前赴小川子成縣一帶進剿

臣由賀家店江羅鎮一路自正北兜剿吉蘭泰

廣厚由高橋麻陽河一路抄截除俟會合剿辦

再行隨時具奏外臣惟有竭力盡心鼓勵官兵

趕緊剿辦斷不敢稍事推諉奏入

上命軍機大臣傳諭松筠曰富成覆奏剿賊情形所

言殊屬支飾謬妄伊自剿辦張映祚股匪以來帶

領兵勇甚多惟知藉詞繞道避賊而行卽據伊摺
 內所稱打仗五六次殺賊名數無多况未必實有
 其事且據稱於兩當之趙家崖地方追及藍號賊
 尾將其落後賊匪殺死四十六名卽此可見富成
 追賊總係尾隨相距甚遠其所殺者乃落後之疲
 乏難民耳可謂自道其實矣又據稱前在川省剿
 賊均係具報勒保隨時奏報及抵甘省仍復如是
 更不成話軍營帶兵大員如明亮等於剿賊情形
 皆各具摺陳奏富成係成都將軍專辦一股賊匪
 獨不可具摺乎况前據勒保奏富成怠玩避賊
 情節屬實並稱伊坐擁多兵從未趕上賊匪接仗
 一次是所稱隨時咨報勒保之語顯係謊言且富
 成與廣厚等分路剿賊於一切軍情自應詳悉知
 照彼此得以商辦乃輒稱凡遇打仗情形不過草

聖朝通鑑卷三百

五

草通知尤爲謬論前已有旨令松筠將富成革職
 擊問就近提訊計此時松筠已抵漢中著將富成
 原摺發交松筠閱看並遵照前旨指出各情節向
 富成嚴行詰訊錄取確供先行奏報俟朕批回後
 再行按律定擬具奏至陝省三張逆分路奔竄情
 形松筠到漢中後自必確有聞見卽將各賊匪現
 向何路竄擾及各路官兵如何堵剿截擊之處併
 松筠有何籌辦方畧著速行詳晰馳奏
 十一日_{戊辰}廣厚奏言_臣等行抵白楊渠因河水
 漲發不能前進正在紮後過渡間接據署三岔
 州判周文鰲稟報賊匪已竄至三岔地方攻撲
 堡寨該州判用鎗礮擊賊匪窺知堡內兵勇
 無多竟不稍退勢在危急_臣查三岔州判係秦
 州分設西通清水北接隴州均屬完善腹地未

聖朝通鑑卷三百

五

經破賊之區臣不敢以隴州係陝西所屬意存

珍域因與吉蘭泰商酌分兵兩路吉蘭泰率領

游擊和保都司馬良棟等由渭河北岸趕赴三

岔救援臣率領游擊閻燾和都司陳五輯等由

立石子馳赴三岔截擊藉以遏其奔竄清水隴

州之路臣與吉蘭泰先後抵八畝圍將近三岔

賊匪即由秦嶺東奔意欲竄入陝西之鳳縣竄

難逃署督臣恒瑞帶兵來甘至菜子嶺賊匪探

知不敢東向遂由利橋南竄兩當之太陽寺臣

查該匪自社棠鎮痛殲後惟事窮奔探聞官兵

由何路追趕即翻山繞避冀圖疲我兵力必須

緊躡窮追方能相機剿殺茲恒瑞由東路兜圍

臣等即由高橋自北面逼追途次江洛壩據報

白號賊匪由徽縣竄至成縣拋沙河一帶其藍

號賊匪復由李家集奔赴兩當恒瑞正在剿捕

又有一股賊匪亦由鳳縣竄至兩當各等情臣

聞信焦灼若白號賊匪乘隙折竄會合剿辦更

費周章當由江洛壩催兵趕追至小川子該匪

亦由白馬關奔逃恒瑞亦同時趕到據恒瑞告

知由鳳縣竄來係張漢潮一股已經剿敗仍折

回陝省遂與臣等酌商白號一股現出白馬關

南竄有仍由陽平關入川之勢擬即親自督兵

趕剿惟藍號一股經恒瑞於兩當擊敗後復竄

往禮縣之隆林橋雖有富成帶兵勇七千名追

剿不能得力今臣轉回會同富成籌辦臣等即

日由石峽關趕回務期迅速辦理肅清甘境再

臣接奉

諭旨令臣酌量情形如尙需兵接濟即一面咨會阿

拉善王酌調該處兵丁千餘名或五百名應川

臣查阿拉善素稱驍健於剿捕自能得力但白

號賊匪已竄出白馬關邊境僅餘藍號一股此

特兵丁已敷剿捕似可無須添調奏入

上命軍機大臣傳諭廣厚曰此次追剿賊匪廣厚吉

蘭泰二人實為出力現在白號一股恒瑞已帶兵

追剿廣厚即轉回禮縣截擊藍號賊匪自應如此

聖訓彙編卷一百

五

辦理據廣厚奏前此賊匪攻撲三岔時其地北接

隴州不敢以該處係屬陝境意存畛域即帶兵趕

赴救援所見固是但甘省各股賊匪在兩當秦鳳

等處往來奔突今白號一股雖已竄出白馬關而

藍號賊匪尙在禮縣竄擾廣厚宜保守本境為

是若帶兵出境追剿賊匪偵知必又折回甘省我

兵疲於奔命返客為主矣况富成畏葸無能全不

足恃如廣厚已將藍號賊匪逼剿出境總當在邊

界一帶扼要堵禦使賊匪不能折回肅清甘境轉

不必有意見功越界追剿也又據奏甘省賊匪祇

餘藍號一股兵力已足無須添調阿拉善兵自屬

更好前已續降諭旨令恒瑞廣厚等或將寧夏駐

防滿兵酌行添調今阿拉善兵雖可無庸調動而

寧夏駐防係屬滿兵廣厚若行調用自較應手仍

聖訓彙編卷一百

五

著酌量情形如尙有需此項兵力不妨酌調四五

百名防堵更可資得力也

同日成都將軍慶成奏言

蒙

恩補授成都將軍前赴軍營帶兵當即束裝起程本

月十八日行次井陘縣地方接奉

諭旨令 臣赴陝幫同剿賊 臣正擬改道由順德磁州

一路帶兵赴陝適接胡季堂咨稱以 已由山

西取道過行卽將正定兵五百名作爲頭起前來井陘其順德磁州挑備之兵就近仍走河南均在潼關會齊伏查晉豫兩省之赴潼關程途遠近不甚相懸臣一面點齊各起官兵一面探詢賊蹤相度緩急何處緊要卽馳赴何處截剿惟思正定協防兵二千名俱係通省各營抽調未經戰陣必須申明紀律沿途整飭到彼方能得力而直省勇幹將弁皆在軍營此次帶兵之員恐屬生手臣已咨會胡季堂署總兵扎勒杭阿選派委員帶領管束并派員沿途稽察毋許張皇滋事至陝境正在需兵之際直隸兵千二百名爲數不多恐尙不敷堵剿之用可否於協防兵內再挑四百名作爲第四起接續赴陝似於軍旅有神伏乞

訓示奏入

上命軍機大臣傳諭慶成曰直隸頭起兵丁業已起程卽日可抵井陘其後起官兵由河南行走自亦可迅抵潼關慶成於潼關會齊後卽當探明賊蹤何處緊要卽赴何處截剿至所奏此項兵力爲數不多請再挑四百名接續赴陝以資堵剿一節亦屬可行現已降旨令胡季堂卽于協防兵內照數挑派并遴選勇幹將弁帶領前往此項皆係生力新兵慶成務須乘銳進擊一切毋忘面諭奮勉立功用副委任

上又命軍機大臣傳諭胡季堂曰慶成奏陝省正在需兵直隸兵一千二百名恐尙不敷堵剿請再挑四百名作爲第四起接續赴陝等語陝省賊匪股數較多各路兵力本不爲厚著胡季堂卽於協防

兵內再挑四百名選派曾經出師之勇將將弁帶領起程接續赴陝以資堵剿

同日塔爾巴哈台領隊大臣伊江阿奏言 前

於途次聞靈臺縣警隨卽咨會恒瑞廣厚一

面馳赴靈臺沿途傳諭居民毋得驚惶各安本

業卽率領該署令魏行敏察看地勢情形縣南

五十里有百里鎮西南八十里有新集鎮爲秦

聖朝聖訓卷百

三

隄往來要路卽於該處安設卡防令鄉勇兵役

按時放鎗以壯聲勢所有城外倉廩就勢挑溝

築墻城上插旗積石著該令會同營汛加意嚴

防 寓居城外與倉卡相近藉以稽查彈壓但

靈臺山僻小縣人夫無多不足以資剿捕幸近

日賊匪退去稍遠距靈臺崇信華亭三四百里

不等現探得賊匪張映祥並有楊姓賊匪以藍

白布旗爲號人數較多分合靡常且形蹤極爲

詭詐現在恒瑞等於南面分投剿捕而北面勢

較空虛倘賊被剿勢急乘間北竄則將逼近靈

臺華亭等處與大路相近接壤署臬司蔡廷衡

來信恒瑞前會調有甘涼肅州兵一千五百名

派令總兵索費英阿帶領于平涼一帶備守該

臬司察看情形緊要已飛咨該鎮迅速前來合

聖朝聖訓卷百

三

無仰懇

皇上天恩准 同索費英阿率領此項兵丁抄出華

亭靈臺等處向南迎剿與恒瑞等相機夾攻期

將此股賊匪及早廓清奏入

上命軍機大臣傳諭伊江阿曰伊江阿奏稱於靈臺

新集鎮地方安設卡房令鄉勇兵役按時放鎗一

節疎爲可笑軍營火器原以備擊賊之用豈有並

未見賊而輒放空鎗之理且據稱按時放鎗每一時應放幾鎗不過徒費火藥又何足以壯聲勢伊江阿身係滿州何竟沾染綠營習氣若此至所稱探得賊匪張映祥並有楊姓賊匪以藍白布旗爲號業經廣厚等奏報自屬確實在南面已有恒瑞等在彼剿辦而北面較單業經蔡廷衡咨會索費英阿將肅州兵一千五百名帶領前來會剿自

欽定剿平三省邪匪方略

正編卷一百一

應如此辦理伊江阿准其留於該處會同該鎮從

北向南奮力追剿與恒瑞等兩面夾擊以期將此

股賊匪速行殲淨看伊福分如何耳

欽定剿平三省邪匪方略正編卷一百一 巳未年

五月十二日巳 劄保奏言查卜三聘一股在金

竹園踞險抗拒經額勒登保於十三十六等日

兩次督兵攻擊雖有斬獲因山險未能竟上正

在躡路進攻忽據探報後路江口糧站被張子

聰一股賊匪由風竹塘衝出搶失米石殺傷夫

役欲圖斷絕糧道額勒登保即親帶官兵馳往

截擊適阿哈保楊遇春帶兵追至兩面夾攻斃

賊二百餘名生擒秦義等三十七名餘匪向謝

家壩一路翻山竄去而卜三聘一股因見額勒

登保回剿江口之賊即連夜由黃土坡百草壩

竄入大寧老林又欲引官兵進去施其牽綴伎

倆額勒登保因後路既有張子聰阻我糧運亟

須迅速殲除遂一面飛飭七十五就近帶領兵

勇堵剿卜三聘一股不使東竄一面卽督率阿哈保等由謝家壩進發二十一日抵三匯口擊獲賊匪張斌等訊悉張子聰在大旺山與徐添德樊人傑龔建等商量欲分竄川陝交界老山林內潛匿使官兵無從尋捕維時德楞泰一路官兵已將徐添德一股追過南壩場額勒登保卽由木箐一帶進抵楊柳關探聽張子聰在土黃壩等處屯聚二十四日午刻至黃金坪趕上賊蹤遂派阿哈保豐紳等分兵兩翼三路進攻該匪等一見官兵亡命奔竄沿途追殺二十餘里斃賊一百餘名生擒蕭得信等二十三名二十六日追至崖山壩知賊在通江所屬竹峪關北距陝境不遠額勒登保恐追躡太急必至竄入陝疆且通江洪口一路又有自西鄉折竄之

剿平匪徒彙編卷二百

二

王登廷等在彼游奕距崖山壩甚近設被其截我後路未免腹背受敵現在偵探賊蹤擬卽就近先剿洪口之賊至德楞泰一路於十二日自譚家壩進發十五日在三教寺地方趕上樊人傑一股斃賊七十餘名生擒周登雲等十二名知徐添德龔建均屯大旺山及趕抵該處匪衆又分股散竄我軍卽由燈草壩南壩場一路追剿二十三日至樊嶺店適徐添德後隊賊匪數百人在彼造飯德楞泰卽催兵掩殺該匪猝不及防斃斃一百餘名生擒騎馬賊目蔣尙銘並矛手郭廷奇等二十六名投出難民徐仁等八十五名訊知徐添德與樊人傑龔建在舊縣壩前後竄入干江河仍欲折回渡口場因徐添德不肯赴陝在馬家嶺爭鬧令樊人傑往找龍紹

剿平匪徒彙編卷二百

三

周合夥徐添德龔建仍欲在太平大寧交界箐林內躲避德楞泰即由太平裹帶數日口糧由官渡溪倍道抄出賊前截其竄陝之路至包正洪自與高姓郝姓之賊合夥後由消水灣竄逸經總兵朱射斗帶兵趕殺十七日趕至甘玉坪正值賊匪在彼圍攻民寨該鎮即督率兵勇奮力上撲斃賊一百餘名生擒鄧文學等十四名

剿平省匪勇編卷五

四

餘匪亦潰朱射斗復帶兵追壓詎樹林內突出數賊持矛直撲該鎮左腿受傷幸不甚重尙可乘騎帶兵當經兵勇將此數賊擒獲戮額勒登保因聞該鎮受傷前經臣派令七十五會同朱射斗協剿又因堵截卜三聘一路緊要未能前來恐該鎮兵力單薄即就近撥出副將王清弼帶領兵丁二千餘名馳往剿辦二十二日追

至梁山之魏家寨地方適署知縣方積率領鄉勇堵截前來兩面夾擊又斃賊一百餘名生擒夏之榮等十六名投出難民李文煥等七十五名口現向墊江隣水境內追躡前進此連日川省各路軍營之打仗情形也臣查竹峪關渡口

剿平省匪勇編卷五

五

場等處均距陝省西鄉紫陽交界不遠現已飛飭王文雄慶溥柯藩等策勵兵勇認真防堵並知會額勒登保德楞泰務須設法將賊匪截回川省相機痛剿現在陝西之賊張漢湖在棧道之東張映祥在棧道之西四川省需餉甚亟設被梗塞關係非輕臣又飛咨明亮恒瑞永保務當趕緊剿辦毋使闖入棧道且督臣松筠行走迅速刻下已由川赴陝與明亮等會商籌剿自更有濟再張添倫一股賊匪前據探報由平利竄

入竹谿當經臣飛咨倭什布督飭將備實力堵

剿嗣據探報叅將董寧川等獲有勝仗現又折

回陝省白河境內臣因楚賊屢欲竄回本境防

堵更須嚴密倭什布一路兵力稍單查前次廣

西更換兵丁四百九十六名先經臣遵

旨停調近據高杞咨會此項兵丁先後入楚距川已

近未便拘泥停止令其遠道轉回是以仍令來

《聖朝實錄卷二百

六

川臣思此項兵丁既經高杞令其赴川則距粵

西更遠刻下楚省正當堵剿需兵之際自應就

近派令馳赴倭什布軍營以資得力至此次打

仗額勒登保一路副將佟世徵受傷陣亡其餘

各路弁兵亦間有傷亡者咨俟查明咨部再查

與漢鎮總兵艾如文因剿辦林亮功股匪致

令乘間竄逃經臣奏明拔去花翎在前敵打仗

甚知奮勉上年七月間在安樂坪奪卡石傷左

手腕該鎮帶傷料理營卡不肯稍懈嗣因傷發

較重臣即令其在開縣調養近來傷雖平復已

成殘廢情殊可憫又建昌鎮總兵劉君輔素有

肝疾時發時愈自三月以來疾發不止兩足浮

腫額勒登保令其在萬縣調養經臣委員驗視

屬實斷難速痊再陝西定邊副將白守忠年近

《聖朝實錄卷二百

七

七旬近頗衰邁難以帶兵可否仰懇

天恩將艾如文

賞還花翎令其原品休致在家食俸劉君輔白守忠

二員即令回籍以原品休致再臣更有請者行

軍日久將弁未免稍疲如有貽誤重大軍情及

退縮不前等事自當隨時按律嚴辦其中有先

行出力追蒙

賞翎陞擢之後旋又意存自滿漸形怠惰者軍律本

重該員等既無貽誤退縮實蹟若遽概行參劾

似覺過嚴但稍事姑容恐日久愈形疲玩臣自

接辦軍務以來凡副將以下各官遇有始勤終

怠之人或捆打枷號或摘去翎頂或降等給予

頂戴嗣因其改悔立功仍卽給還翎頂臣俱未

經奏明嗣後如有此等怠惰之員仍照此辦理

聖諭彙編卷百

八

統俟事竣後核其功過彙摺奏

聞非擅敢自專實因師行緊急不得不權宜懲創現

在都司馬驥朱集才二員均因不知奮勉經臣

摘去翎頂令其立功自贖庶各將弁咸知懲勸

可期始終出力更於軍務有裨

勒保又奏言竊臣奉

旨將軍機大臣議奏藩司馬慧裕條奏軍營安撫事

宜並松筠所奏剿撫善後等事發交閱看臣查

撫恤被脅難民前奉

恩旨行之實有成效嗣臣復與知州劉清等反覆籌

議已將奏定章程通飭陝甘楚豫等省一律遵

行並刊刻簡明條款通行曉諭俾共見共聞咸

無疑懼在愚民無知辦理祇期簡要若立法過

峻防弊太嚴未免轉多窒礙馬慧裕所奏各款

聖諭彙編卷百

九

其中本多難行現經軍機大臣等議准議駁實

屬至當與臣現行章程亦俱符合均可毋庸增

減至松筠所奏事竣之日鄉勇當善遣歸農餘

黨則概行免死所見者大應俟將來歸入善後

事宜內參酌而行再川省目前所亟應籌辦者

惟賑卹為最重川東川北被賊各州縣不下三

十餘處雖經飭令地方官將並未從賊之被難

民人隨時撫恤總因人數過多餉項不能寬餘未得普行散賑現在新餉將到臣即於二百五十萬兩內撥出五十萬兩先為賑濟之用若查明戶口房屋照例給發實屬不敷臣已分派素業者先行的酌給兩月口糧俾青黃不接之時得資餉口不至流而為匪餘俟續請餉銀到時再

《聖朝實錄卷一百一十》

十

行照例辦理奏入

上命軍機大臣傳諭勒保曰前次勒保奏川省各股賊匪俱已驅歸一處在開縣東鄉邊境竄聚機會甚好正可聚而殲旃且既稱軍務漸覺得手應換京兵毋庸派往所言似有把握稍慰屢懷方冀各路官兵併力圍剿成功在卽乃本日奏到情形徐添德龔建樊人傑包正洪張子聰等股賊匪又經

官兵剿散紛紛四竄額勒登保德楞泰等復分投追剿兵力見單看來尙未能尅期蕝事勒保不趁賊匪聚集之時為一鼓殲擒之計又致稽延月日咎實難辭著傳旨申飭所有此次打仗陣亡之副將佟世徵著咨部賜卹此時賊匪既經分竄官兵又不得不分而分則見單廣西兵丁已據勒保奏明留交楚省防堵其抽換之貴州兵丁計近日已

《聖朝實錄卷一百一十一》

十一

可到川若尙不敷分派剿賊之用勒保自當酌量情形再行添調新兵以資得力不可因前有停兵之語迴護前奏遂不敢再行請調致悞事機况勒保係經畧大臣非守土之官可比亦不可因聞知吳熊光率請調兵經朕嚴飭致存觀望之見吳熊光係豫省巡撫原不應越俎代謀擅行檄調而勒保膺閩外節制之任與吳熊光分位迥不相同倘

須添兵不妨一面咨調一面奏聞以期迅速應用
從前朕以川省賊匪指日就平可以移勝兵至陝
甘一帶會剿三張逆今川匪分股奔竄軍情又與
前異若邇日陝甘各路官兵能於三張逆內殲滅
一股即可移一路之兵赴川協剿惟在勒保就近
察探情形相機調派也又據奏現在新餉將到請
於餉銀二百五十萬兩撥出五十萬兩為賑濟之用

聖諭

三

一節川東川北難民甚多自應隨時撫卹並著勒
保酌量妥辦毋使失所

上又命軍機大臣傳諭倭什布高杞曰勒保奏現在
川匪分股奔竄已行咨楚省相機堵剿並將停調
之粵西兵丁就近派赴倭什布軍營等語張添倫
一股賊匪前由平利竄入竹谿經倭什布帶兵截
剿折回陝境今川東賊匪因追剿緊急四處奔逃

或恐闖入楚省尤應嚴密防堵現在粵西兵四百
餘名已留楚省倭什布高杞務須督率地方文武
策勵兵勇於邊疆各卡隘實力防堵毋任竄匪闖
入為要

上又命軍機大臣傳諭松筠永保曰勒保奏徐添德
樊人傑等股賊匪分竄竹谿關渡口場該處與陝
省西鄉紫陽交界相距不遠或恐該匪等竄入與

聖諭

三

三張逆合夥辦理更形費手不可不嚴密防堵現
在勒保已飭王文雄慶溥柯藩等認真堵截松筠
已抵漢中永保現在鳳縣寶雞一帶著該督撫務
須督率兵勇於邊界各要隘處所嚴密防堵毋任
川省竄匪闖入

同日福寧奏言連日據東鄉太平等縣稟稱張
子聰樊人傑等逆現由太平以西趙塘壩竄至

通江竹峪關額勒登保督師緊追躡行走迅

速其徐添德一股亦向太平北面大竹河奔逸

德楞泰帶兵由該縣官渡溪一帶進發臣前因

太平地方遼澗山險路窄且北連陝境西接通

巴當經飭令總理同知淡士灝暨該縣鍾蟠雲

等於師行必經處所擇其險要寨砦預將糧石

分運存貯以備不時之需茲據報該縣五龍寨

《聖朝實錄卷一百一十五》

古

固軍壩城口等處備貯軍米俱已就近隨地支

放惟運糧人夫雇覓維艱兼之站長道遠往返

供送需夫更多茲復自達州雇夫雇騾分起押

送東鄉太平幫同趕運務期不分遠近直運軍

營交收並一百飛檄通江巴州一遇官兵入境

速將糧石一體探路運供用資兵食至包正洪

等股匪現在大竹之周家場鐘錫增一帶分股

竄擾總兵朱射斗原帶兵勇四千餘名逐日跟

追額勒登保復分撥官兵前赴協剿所有運送

該營軍糧據大竹縣報稱途次輾轉被阻臣仍

飭該縣務須繞道運送並令附近墊江隣水等

縣不分畛域協力供支毋稍缺悞邇來各股賊

匪窮蹙散竄每與官兵前後錯綜轉輸一切猝

難趨避以致太平運至中途糧石又有搶失雲

《聖朝實錄卷一百一十五》

古

陽縣江口糧站亦遭賊擾並傷斃夫役三十餘

名查各州縣節次所失糧石俱經奏明著落承

辦之員賠補今太平雲陽事同一例卽嚴飭各

該縣查明被失糧數上緊補解免致無著其傷

斃夫役事竣辦理奏入

上命軍機大臣傳諭福寧曰現在各股賊匪復又分

投逃竄太平雲陽等處糧石又有被搶之事不可

不慎重辦理福寧務須嚴飭各站員妥為護解上
緊挽運俾得源源接濟無悞供支其路徑叢雜之
處亦當多方設法躡道運送勿使賊匪再有搶掠
至軍中一切度支其應用者固不可稍有靳惜但
不得仍前浪費必當加意撙節覈實支應也

十四日辛未恒瑞奏言查賊匪因官兵追趕緊急

分投晝夜狂奔雖未能痛加剿殺連日沿途逃

出被裹民人約有一千餘名均交該縣妥為撫

卹安插臣於本月初二日行抵成縣之小川子

適廣厚吉蘭泰亦自秦州沿途剿捕前來白號

賊匪遂由譚家河竄出白馬關查該處係陝甘

四川三省交界之地臣前在徽縣已派總兵觀

祥分帶官兵趕赴界陽一帶過其東趨褒河臣

乘機趕緊追擊與觀祥兩面邀遮卽未能殲滅

欽定剿平三省邪匪方略 正編卷一〇一

淨盡亦可退回川北惟藍號賊匪甚屬狡猾今
復由成縣竄赴西和漸入禮縣境內富成業經
帶兵追躡臣因其不能得力且恐賊匪復竄舊

路闕入寧遠通渭等處蘭州一帶又為震動飛

催索費英阿帶兵由北路前來截堵並令廣厚

吉蘭泰卽由小川子赴禮縣一帶會同富成悉

力兜剿適松筠已自鳳縣趕到臣當將總督關

防送交並將賊匪情形及應行撫卹事宜告知

後卽日帶兵由白馬關追剿白號賊匪再臣前

據署涇州知州韓熊林稟稱新疆換班領隊大

臣伊江阿於前月十八日抵州因聞賊匪逼近

靈臺奏明親赴靈臺集勇防堵臣查張映祥等

股賊匪前竄秦州之馬跑泉一帶時經臣及廣

厚吉蘭泰各帶兵丁截擊悉數南竄平涇汧

欽定剿平三省邪匪方略 正編卷一〇一

一帶實無賊匪擾及緣社棠新庄居民一聞賊至卽行逃避但見賊來不見賊去道路轉相傳說各州縣又不確探虛實紛紛告急請兵以致民情益加惶惑伊江阿所奏大抵得自風聞現在布政使楊揆暫駐平涼彈壓日內民情尙已安帖臣恐有無賴棍徒造作謠言嚇散居民乘機搶掠亦未可定已札飭楊揆妥爲安頓奏入

聖朝實錄卷百

六

上命軍機大臣傳諭恒瑞廣厚曰白號賊匪由譚家河竄出白馬關恒瑞先派觀祥趕赴畧陽一帶截擊卽親帶官兵由白馬關追剿兩面邀遮逼回川北所見甚是且恒瑞於松筠到時一交督篆卽日帶兵起程尙屬急公奮勉賊匪向在川北川東往來焚掠惟川西地方賊蹤未到白馬關爲陝甘四川三省交界之地若賊匪出關後向西南奔竄卽

可直趨白水壩一路該處係從未被賊之區素稱富庶賊匪知川北一帶無可掠食必思往西滋擾恒瑞當緊躡賊蹤奮勉追剿卽未能殲滅淨盡亦須將賊逼回川北以便與川兵夾擊斷不可使完善地方又被賊匪蹂躪也至藍號一股賊匪竄至西和禮縣現經廣厚吉蘭泰追往且有索費英何帶兵由北路前來務須合力兜剿毋任復行北竄

聖朝實錄卷百

九

上又命軍機大臣傳諭伊江阿日前據伊江阿奏恐賊匪竄至靈臺卽在新集鎮地方安設卡房一節已准其暫留該處今據恒瑞奏張映祥等股賊匪經官兵截擊悉數南竄其平涇汧隴一帶實無賊匪逼近伊江阿本未經軍旅才具亦屬平庸自請暫在靈臺駐劄卽不能將防堵事宜悉心籌畫亦當處以鎮靜乃賊匪並未竄及輒以道路訛傳張

大其事紛紛調集鄉勇插旗放鎗轉致民心惶懼
擾累村莊若令其再留該處無益有損著伊江阿
接奉此旨卽日起身前往塔爾巴哈台領隊新任
卽正在帶兵打仗亦不准暫留並不許再行具摺
懇請倘稍有逗遛卽當治以違旨之罪至索費英
阿帶領新調兵丁前來自當聽其會合恒瑞等剿
辦亦毋庸伊江阿置議也

聖祖聖訓卷一百一

三

同日倭什布奏言臣遵查原任汝寧營參將廣
福先經出師回部金川帶有六傷近年在楚省
剿賊出力奉

旨賞戴花翎以副將陞用臣前在豫省時該革員已
至楚省帶兵未與接見到楚後訪知該革員帶
兵打仗尙屬奮勇平日管教兵丁亦得軍心上
年冬間因景安在營訓飭該革員不服頂撞咆

哮亦殊失屬員之體臣前因帶兵乏員竊以該
革員屢列行間打仗勇往尙爲軍營有用之材
至其性氣蘊直加以呵責或不甘願受加以激
勵自當奮勉向前是以業經奏請

天恩釋其枷責卽令隨營戴罪自贖今奉

諭旨令臣將條奏內所指情節秉公詳查據實具奏

臣於從前在事員弁兵丁逐一隔別訪問查得

聖祖聖訓卷一百一

三

上年三月內教匪由巴東闖入楚境自南而北
擾至荊門州境內景安自豫省帶兵來楚三月
二十七日至荊門州白雲山地方將官兵於賊
匪北面分設三營每營約隔里許廣福在前敵
營盤帶兵二十八日賊勢向東焚擾廣福帶馬
兵一百五十名向白雲山東北一路迎剿遇賊
前隊廣福以賊數無多卽可剿滅差求景安撥

兵五百名以爲接應其時景安差向白雲山東南一路探賊之叅將董寧川朱廷荃等回營稟報賊人後隊潛匿東南一路人數衆多景安恐廣福在東北一路爲大山所隔未知賊匪虛實冒昧輕進不能得手將廣福撤回原營當時廣福不知東南後路情形以爲不得快意擊刺未免心懷怏怏又是日夜間賊未遠退夜半營外

聖朝實錄卷三

三

馬驚奔騰廣福在前敵營盤疑係賊匪乘夜潛來施放鎗礮礮子飛及景安所駐中營次日景安將廣福責備廣福不肯認罪景安因此亦有介意遇事不假辭色至十一月內景安在竹谿軍營因邊防緊要恐賊匪竄近廣福不聽約束思欲惕之以威傳齊圍營將弁追諭廣福在白雲山夜半施放鎗礮之罪欲將劄頂摘去廣福

不服剖辯景安復欲將廣福捆責柳號廣福益形咆哮經景安叅奏革職柳責至於防堵邊境移營往來原所不免惟湖北房縣二竹二郎五縣邊界綿長賊匪蹤跡無定各卡探報情形早晚互異景安在楚時每接探報未免不察虛實緩急率卽移兵致有行至中途復又折回及至該處並無賊匪以是衆兵間有訾議其實叅革廣福却非因廣福稟阻移營觸怒起見臣不敢稍有隱飾奏入

聖朝實錄卷三

三

上命軍機大臣傳諭倭什布日前據倭什布奏廣福平日帶兵勇往因令倭什布查明如前此景安奏奏廣福實係屈抑卽將董寧川所出叅將一缺奏令廣福補授今閱倭什布所奏情節廣福在前敵營盤駐劄自應確探賊情持以鎮定乃一聞營外

馬奔疑爲賊匪於黑夜中輒放鎗礮以致礮子飛及總督所駐之中營倘我兵或有誤中傷斃成何事體實屬輕舉妄動惶惑軍心彼時若景安據實參奏廣福原有應得之罪乃景安因此介意遇事不假詞色及至廣福見景安畏葸避賊屢次移營心存輕視直言稟阻而景安始追論夜半施放鎗礮之罪廣福剖辯不服輒以咆哮頂撞濛混奏致衆兵訾議不公實屬景安之自貽伊戚然廣福輕妄冒昧之咎亦所難辭著倭什布不必將廣福奏補參將留楚効力卽遵前旨送往勒保軍營令其與景安當面質對可也

同日恒瑞松筠永保奏言_臣等前奉

諭旨詳查富成剿賊以來會否與賊接仗查富成自入甘境剿賊已歷兩月今細加訪察並據各州

聖訓彙編卷百

言

聖訓彙編卷百

言

縣稟報富成於二月二十七日在白馬關之毛壩山三月十二日在岷州屬之宕昌四月初六日在禮縣之羅家堡等處共與賊匪接仗三次皆係尾追每次所殺賊匪數十人不等並未能迎頭繞後痛加殲戮總以兵勇疲乏爲詞師行亦毫無紀律富成才識本短_臣恒瑞永保素所深知前在湖北時聽人調遣帶兵打仗尙能奮勇立功此次獨當一面力微任重漫無調度且不能嚴明約束鼓勵將士遂至疲玩多不用命其所帶鄉勇有在途滋擾經百姓喊控者富成雖將鄉勇正法示懲究亦未能嚴肅是其貽悞之故實由無能所致_臣等查其所帶兵勇原有七千雖有病亡然其聲威不爲不壯且身爲將軍受

恩深重自應奮勇剿賊如果限於才力亦應早為陳

奏迺因循玩愒辜負

聖恩其罪實無可辭除一面傳

旨令其自行明白回奏相應據實奏請

旨將富成革職拏問應否解交經畧勒保抑或解京

訊辦恭候

諭旨遵行

聖朝聖訓卷一百一十五

美

松筠又奏言臣於五月初三日行抵成縣經恒

瑞送交陝甘總督關防臣當即祇領任事臣於

途次接奉

諭旨令赴漢中督辦軍儲嚴查前此支發各項現已

飛飭軍需各局及經手州縣造具細冊呈核至

甘肅鞏昌秦階所屬被賊蹂躪之區臣就近面

交陞任鞏秦階道王錕督率各該地方官詳查

履勘宣布

皇仁早為撫卹俾沾實惠所有恒瑞打仗數次凡由

賊中投出難民並著查明妥為安插不致失所

其闖入甘省之白號賊匪現已由白馬關奔竄

恒瑞已由小川子趕緊追剿其藍號賊匪西趨

禮縣境內滋擾富成帶兵追躡廣厚吉蘭泰亦

自小川子折回督兵合剿尚未得其打仗之信

聖朝聖訓卷一百一十五

老

適接奉

諭旨令臣前赴富成軍營傳

旨查審辦理當即起程馳往奏入

上命軍機大臣傳諭松筠曰富成自剿辦賊匪以來

帶領兵勇甚多並不能直前奮剿即據伊所奏節

次在階州鞏昌及兩當等處剿捕賊匪亦祇係落

後尾追雖較之坐擁重兵避賊不前及臨陣輒行

奔北者有間但其畏蕙無能因循貽誤之罪實不可道著松筠仍遵前旨卽行按律定擬具奏

十五日壬廣厚奏言臣欽奉

諭旨遵查富成從前來甘抄截川省竄匪本合機宜乃帶領兵勇七千不能緊躡賊蹤相機痛剿其在毛壩山梁宕昌羅家堡等處雖曾接仗斬獲均不過數十人臣隨時查察緣富成所帶兵丁

《聖朝聖訓卷五》

天

隨征日久稍形疲乏富成不善激勵均不能用命至其所帶鄉勇俱係各省奏集之人打仗既不得力性情又復桀驁沿途往往有滋擾之事雖經富成節次懲治置之重典無如錮習已深愆不畏法且數至二千一時無可歸著又恐別生事端是以臣未敢遽行奏請裁撤茲蒙

垂問臣不敢絲毫迴護再臣回剿藍號賊匪途次吳

家坪據報該匪已由隆林橋北竄白家河因富成自桃坪兜截復由隆林橋南竄雷家壩臣與吉蘭泰卽行馳往趕辦奏入

上命軍機大臣傳諭廣厚曰廣厚覆奏富成剿辦賊匪殺賊無多又不善激勵士卒兵勇均不用命所奏皆係實情此事昨據松筠查奏情節相同已交伊按律定擬矣至藍號賊匪屢經官兵截擊輾轉奔逃且昨據恒瑞奏已催令索費英阿帶兵由北路前來堵截正可兩面夾擊廣厚吉蘭泰務須乘勢奮剿如能將張映祥擒滅固屬甚善卽不然速將此股賊匪逼剿出境卽係汝二人之功仍當遵照前旨不必越境遠追致使賊匪偵知或又乘間折回甘省疲我兵力但廣厚吉蘭泰於擊退賊匪後未可卽回省城尙應在邊界一帶扼要防堵以

《聖朝聖訓卷五》

天

分爲兩股一盼向西奔竄翔峪山內一股向東
竄往庫峪山內王文雄督率兵勇跟蹤追剿賊
奔翔峪一股賊匪與肇柯藩帶兵追剿庫峪一
股賊匪秦承恩實係於初二日到營商酌搜捕
翔峪山內潰匪詳核秦承恩所供進城出城俱
係實在日期不敢扶同支飾又據柯藩咨稱二
月二十九日同興肇追賊至距鄂縣三十里之
滂峪口紮營適秦承恩在鄂縣差人來營約請
興肇柯藩即日馳赴縣城公同商籌截剿三十
日早自縣起程是日傍晚至省城東關紮營秦
承恩王文雄在城南初一日黎明柯藩即同興
肇王文雄分兵三路進剿在尹家衛與賊打仗
賊人翻山逃竄柯藩督兵追至庫峪口安營初
二日自庫峪口由秦嶺追剿秦承恩於初

《聖朝實錄卷三十三》

二

一等日入城係柯藩起程以後之事並非同在
一路實無從知悉不敢稍有隱匿等語_臣等謹
據實具
奏奏入報

聞

十九日_{丙子}恒瑞奏言_臣馳抵白馬關賊匪分股

《聖朝實錄卷三十三》

三

向西南奔竄查係文縣與川西龍安接壤可出
潼川並達成都大路雖有白水江阻隔其淺灘
處所亦可涉渡_臣兼程取道梅子園趕緊兜截
賊匪俱在郭家壩一帶會合屯聚當令副將德
忠徐登弼等帶兵一千名從杏紅溝前進_臣帶
領副將凝德侍衛江鼎協領額爾起等帶兵一
千餘名翻山由花長溝間道前進並令隨營義
首稟貢生易萬里帶領鄉勇四百名繞至關門

口山溝小路埋伏賊見官兵抄截折向西北奔逃兩路官兵冒雨掩擊賊匪且賊且走追殺五十餘里斃賊三百餘名擒獲四十七名賊匪被剿情急俱向各山溝亂竄易萬里率領鄉勇在關門口殺獲賊匪一百餘名投出被殺難民一百八十三名又於林內搜獲潛匿被殺難民六十一名均給與路票盤費各令回籍其乘間逃

聖朝實錄卷三

四

散者亦復不少臣已札附近各州縣妥為安撫所有此次打仗傷亡弁兵鄉勇咨部照例議卹至此股賊首雖據獲賊供稱係張金魁楊開甲二人並非張映祥但賊人詭詐異常或係張映祥改名張金魁亦未可定總之真賊必須剿淨無論是何頭目臣惟有竭盡心力趕緊剿辦現在廣厚吉蘭泰帶兵三千五百名在西和境內

剿辦藍號賊匪臣一入飛催總兵索賈英阿帶兵一千五百名由蘭州趕赴鞏昌一帶堵截並據松筠札稱撤拉爾山兵一千名告請前來助剿該回兵自思報効定能奮勇得力寧夏阿拉善之兵皆可無庸調用臣遵奉

聖朝實錄卷三

五

諭旨隨時酌量緩急盡心剿辦如必須再添兵力即將阿拉善之兵就近酌調同日甘肅布政使楊揆奏言臣前抵涇州聞賊匪竄擾秦隴邊界華亭靈臺等處需兵備禦隨即馳抵平涼因西北一面兵力空虛而各路軍營相距較遠一時未能分撥惟查署督臣恒瑞前調甘涼寧夏肅州官兵二千餘名係索賈英阿帶領擬將此項官兵移駐來路以資防守復接各屬稟報前竄秦隴賊匪均從甘泉寺等處

向南奔逸並准蘭州道蔡廷衡咨會索費英阿所帶官兵現奉勒保調赴鞏昌一帶會同吉蘭泰廣厚相機剿辦查華亭靈臺等處距賊既遠自無須重兵防堵但賊匪分合靡常數日之間漸由兩當徽成復擾至西和禮縣經吉蘭泰廣厚帶兵剿辦如賊匪一經敗竄不能折入階文又恐西入漳岷延及鞏昌所屬臣思索賢英阿所帶官兵內寧夏鎮兵五百名經廣厚調赴行營其餘兵一千五百名自應遵照勒保派撥前赴鞏昌一帶如果賊氛逼近不特可與廣厚等兩面夾擊兼可免北竄近省之虞臣一面具報恒瑞一面於初一日起程赴省途次靜寧正值寧夏官兵由固原到來即令取道安定進發及至金縣適索費英阿帶兵趕到臣即將賊匪現

聖賢聖賢聖賢

六

竄路逕面向告知並將官兵沿途應支分例餉局預備齊全隨到隨付可期迅速臣即於初六日馳抵省城聞松筠已到成縣一路軍營嗣後如有緊要事宜自當隨時稟商妥辦不敢稍有貽誤其安定會寧一路前此驚避民人均已復業閭閻極爲安貼均奏入

聖賢聖賢聖賢

七

上命軍機大臣傳諭恒瑞日前慶成在京時會面奏賊匪若從兩當南竄即係白水壩一路可由潼川直達成都當經降旨諭知恒瑞設法扼其南竄之路適日正深懸望茲恒瑞即兼程取道梅子園趕緊兜截復分派將弁義首繞道分路前進伊亦督兵間道通行殲擒冬賊使南竄匪衆折向西北奔逃保障川西邊界未被賊擾實爲出力可嘉恒瑞著交部議敘其在事出力之將領員弁並著查明

咨部甄敘以示獎勵至撒拉爾回兵前陸有仁來京時洪曾面加詢問據奏從前調遣時該回兵不甚應手殊難節制今既據回兵等自行呈請或係意切急公或因捍衛桑梓自應允准所請未便阻其踴躍從事之意惟是此項回兵既經隨營剿賊如果有實在奮勇出力者皆當加倍獎賞即奏請給予翎頂亦無不可但恐其素性獷悍難保必無

聖朝聖訓卷一百一十八

滋事總在帶兵大員留心察奪施之以厚恩制之以軍紀庶可鼓其奮勇之心而除其驕蹇之習著恒瑞遵照辦理並札知松筠一體妥為駕馭也又楊揆奏由平涼赴蘭州省城照料官兵前赴鞏昌堵禦情形鞏秦一帶賊匪現經各路官兵分投堵剿尚屬易辦而蘭州省城止有蔡廷衡一員在彼此時楊揆自應駐劄省城靜鎮彈壓所有甘省軍

需一切供支及善後事宜即專交該藩司在省坐辦妥速經理不必以隨營剿賊見功也

二十日 丁丑

上諭內閣曰秦承恩身任陝西巡撫於賊匪往來與漢商州地方不能認真堵禦撫卹難民以致邪匪日久未經撲滅經軍機大臣會同刑部將秦承恩照玩候軍機律擬斬監候因屬按律辦理但念秦

聖朝聖訓卷一百一十九

承恩本係書生未嫻軍旅若以未能堵剿竄匪定擬重辟則滿洲大臣中若惠齡景安宜綿又當如何且陝省之賊皆從川楚竄往並非起自陝境秦承恩之不善防堵較之惠齡任湖北巡撫時聶傑人即在本境起事者尤屬有間今惠齡尚未加以嚴懲仍准在家守制若獨將秦承恩治罪轉似朕寬待滿洲而苛責漢人同罪異罰非所以示平允

前降旨將秦承恩革職鞫問查抄家產者因有人
叅奏秦承恩關閉城門安坐衙署不納難民以致
數萬百姓觸城投河而死若果屬實則秦承恩以
封疆大吏縱賊殃民因卹人命審明後卽當立置
重典監候尚不足蔽辜嗣陸有仁到京會面加詢
問據稱實無其事並以秦承恩久任陝西於防堵
賊匪路徑尚爲熟悉彼時朕方以陸有仁一人之
言未可爲據及秦承恩解到後經軍機大臣會同
刑部審訊秦承恩所供節次剿賊及三月初一日
進城安撫難民初二日出城趕赴軍營並無關閉
城門致難民觸城投河之事歷歷可証但係秦承
恩一面之詞亦未可信因降旨詢問恒瑞永保王
文雄柯藩台斐音今據伊等先後奏到衆口一詞
與秦承恩所供月日俱屬符合是前此叅奏秦承

聖祖聖訓卷百一

十一

恩者所言不實未免過當而秦承恩之咎止於不
能辦賊非獨伊一人爲然尚可量從末減秦承恩
業經革職著加恩釋放令其回籍守制閉門思過
俟服闋後由本籍督臣咨送吏部帶領引見候朕
另行簡用所有查抄秦承恩房產田地卽行賞還
臣等謹案聖人不得已而用兵肅軍紀尤以
重民命秦承恩身任封圻當賊匪蹂躪之時
如果安坐衙署關閉城門致數萬難民觸城
投河而死則殃民之罪實不容誅是以
降旨逮問及經廣諮博詢質證明確復荷
聖慈鑒其止於不能辦賊之咎
特頒諭旨將辦賊不力各督撫大員
權衡比較
加恩釋放仰見

聖祖聖訓卷百一

十一

皇上鑑空衡平罰必當罪準清酌理

至仁至明凡在臣工其孰不敬凜而感奮哉

二十四日辛巳富成奏言臣於西和一路追剿藍

號賊匪馳抵雷家壩地方探得賊匪思欲竄往

階州臣即兼程馳追該匪等探知官兵逼近復

由柳壩東折米倉山奔向白馬關一路臣隨加

緊趨行初十日趕抵佛入崖賊匪又由佛入崖

三

三

竄赴黃家坪一帶查佛入崖至黃家坪本係小

路該處居民恐賊匪竄擾早經挖斷道路該匪

等砍伐樹木接搭度過後仍復拆毀並於該處

設卡以截我兵去路臣思賊匪既經設防我兵

未便從此而進當即尋問居民據稱並無別路

可走臣當即一面撥兵四百名飭令各執斧鋸

先行砍修道路一面派令參將傅雲巴圖魯守

備馬昌傑等挑帶官兵一千五百名即於是晚

三鼓山老林一路前進並派副將海常協領蘇

勒芳阿帶兵五百名由溝內前往牽綴賊勢黎

明時行近該處遙見賊匪紛紛相招似欲起行

臣即督兵從山上一擁直下賊匪猝不及防立

時慌亂當令我兵施放進步連環連斃騎馬賊

匪二名步賊數名賊匪情急竟敢率其醜類捨

三

三

死迎拒勢甚兇猛臣親率遊擊王應鳳帶兵五

百名繞至右手從旁抄擊鎗箭齊發賊匪始行

敗退我兵一齊進殺復斃賊數十名賊匪多棄

馬翻山四竄追殺十餘里至蒿坪地方該處俱

係深林密箐道路狹窄未敢窮追即在該處右

面山梁暫紮計前後斃賊八十三名擊獲活賊

雷元劉思忠等八名據供賊匪所經俱係老林

兩面懸岩中止一河約長一百四五十里臣思
賊匪既入老林道路狹窄現值陰雨連綿行走
必不能迅速當即派兵三百名開挖道路隨修
隨進十三日巳刻追至大水溝正遇賊匪千餘
一見我兵公然前來抗拒臣即督兵進攻並施
放鎗箭斃賊數名適後面官兵亦俱跟接前進
賊匪即時敗逃我兵乘勢追殺二十餘里賊匪
捨命奔逃正在催兵趕追忽右手山溝竄出百
十餘人繞至我兵之後臣即回兵督剿斃賊四
十餘名生擒賊匪六人當即訊明立正典刑並
於老林內搜獲被裹民人均經釋放歸家計此
次殺賊共五十餘名生擒活賊十一名一面差
探賊匪由楊家坪竄至寶家壩一帶該處東通
畧陽東南可通陽平關東北即係赴白馬關之

聖朝聖德編卷五

四

略該匪等奔竄無常恐其復由白馬關北竄當
經飛行署藩司廣厚等由白馬關一路馳赴天
池坪一帶堵截臣仍督兵馳追務期迅速掃除
斷不敢稍有疎懈奏入
上命軍機大臣傳諭松筠曰富成奏追剿藍號賊匪
情形所言全係支飾荒唐伊自帶兵剿辦張映祥
一股賊匪以來種種畏葸無能不可枚舉即此次
摺內所稱賊匪由佛入崖翻越老林砍伐樹木接
搭度過後仍復拆毀富成以賊匪既經設防我兵
未便從此而進實屬荒謬之極賊匪既由此路奔
逃我兵正當緊躡追剿方可趕上乃因賊已設防
遂改道繞赴他處非畏賊退縮而何豈賊能越險
而官兵獨不能越險乎又據稱蒿坪地方俱係深
林密箐未敢窮追其避賊情狀宛然如繪不啻自

聖朝聖德編卷五

五

言其罪矣且我兵炮燄進步連環僅驚騎馬賊二
名步賊數名鉛彈火藥如此浪費尤為可笑而前
次與賊接仗亦不過殺賊數名與數十名不等是
富成坐擁多兵因循貽誤之罪實不可追著將原
摺發交松筠閱看即按照指出之處一併向富成
嚴詰仍遵前旨即行按律定擬具奏

二十六日 癸未 吳熊光奏言竊 臣 探得賊匪張漢

聖賢雜錄卷二

六

湖奔竄陝境忽分忽合明亮等大兵俱在西路
追剿賊由商州竄越一股向東北趨入雒南縣
境一股向東南趨入商南縣境 臣 查雒南與豫
省之盧氏接壤商南與豫省之浙川接壤邊境
綿亘四百餘里山徑紛歧必須分兵堵截一面
飛行知會防守北路之河北鎮 臣 張文奇督率
將弁實力防堵雒南一路之賊一面探得前竄

楚境賊匪業經折回西南距江面較遠即令南
陽鎮 臣 田永利帶兵馳回荆子關防堵商南一
路之賊 臣 在西坪兩路策應二十日據探商南

一股竄向青山寨一路而來距荆子關西坪俱
不及百里田永利即帶領將備率兵八百名馳
往黃土嶺迎擊 臣 料賊匪見此路有兵必又繞

聖賢雜錄卷二

七

徑他竄復派叅將蔡鼎帶兵五百名於界牌嶺
設伏 臣 督率佐領瑚松額帶領滿營馬兵三百
名紮住交界處所以備策應抄截二十日賊匪
果從界牌漫山奔竄而來蔡鼎率領伏兵由山
坳突起出賊不意直前衝殺賊匪前隊紛紛奔
潰後隊之賊猶敢持矛抗拒官兵人人奮勇短
兵相接賊匪不能抵禦漫山散竄瑚松額分開
馬隊馳往兜抄鎗擊矢射追殺二十餘里餘匪

扒山越嶺仍向西北折回奔逸計殲斃賊匪二百餘名又據張文奇札稱維南一股賊匪由裕家河東竄該鎮帶兵一千名馳往堵截適賊匪正在芒嶺屯聚一見官兵始猶吶喊抵敵該鎮率領將弁兵丁鎗箭齊發殲賊四五十名賊遂率眾翻山狂奔直趨樂莊撲卡經該處守卡遊擊李正品帶兵三百名據險截擊賊匪衝撲四次該遊擊鼓勵官兵殺賊二百餘名賊退入焦家河意欲由火燄溝竄入豫境李正品正在抄截適張文奇帶兵趕到併力夾擊先後殲斃賊匪四百餘名餘賊竄回陝境桃坪地方查兩路賊匪約共三千餘人均經官兵截剿敗退幸未闖入豫境但屢據賊供張漢潮蓄意竄回襄陽本籍此時陝省官兵俱在西路是以直向東竄

欽定剿平三省邪匪方略 正編卷一〇二

又恐豫境防堵嚴緊只得分路衝撲牽制官兵希冀乘虛竄過此時賊匪雖俱截回陝境然尚在附近一帶游奕現在豫省防兵雖有四千餘名而沿邊卡隘林立不得不分兵防守鎮將等所帶戰兵未免稍單刻下荆子關距賊較遠田永桐已帶兵趕至西坪臣惟有會同該鎮等察看何處緊要即赴何處堵剿聞明亮已帶兵追剿前來正可三面兜擊此次打仗把總張金科外委王士榮俱受鎗傷現飭加意醫治其餘兵丁間有傷亡容俟查明咨部再臣接准直隸督臣胡季堂信知奉旨簡派正定等營官兵共一千六百名赴陝協剿內五百名由山西行走其一千一百名分爲三起取道豫省前赴潼關臣業經飛飭潘臬兩司轉

欽定剿平三省邪匪方略 正編卷一〇二

飭彰德衛輝懷慶河南陝州等府州安設臺站
督率經由各屬將車輛船隻等項預備停安一
俟官兵抵境照例供支應付迅速前進並派委
道府大員分赴安陽入境首站及黃河渡口照
料護送出境不致稍有遲悞奏入

上命軍機大臣傳諭吳熊光明亮曰吳熊光截剿陝
境兩路賊匪不使竄入豫省所辦尚好惟摺內既

聖祖聖訓卷三十一

二十

稱鎮將等所帶戰兵未免稍單而於直隸官兵過
豫祇將照料護送情形聲敘吳熊光之意自因前
此率請調兵曾經申飭故此不敢將過境之兵
再行奏留朕披閱時已燭鑒隱衷矣軍務機宜緩
急輕重移步換形不可稍有拘執從前賊匪距豫
甚遠遠爾調兵防守是將有用之兵置之空閑之
地所奏自不可行今張漢潮分股東竄雖經官兵

截回尙在附近一帶游奕其意總欲假途回楚不
可不用重兵嚴防以堵為剿且直隸兵丁原為剿
張漢潮調往目下此股賊匪逼近豫境豈有移兵
繞賊而過之理吳熊光接奉此旨如賊匪尙未遠
去直隸之兵未出豫境即酌量截留四五百名分
交張文奇田永桐帶領剿賊倘賊竄已遠官兵業
至潼關則不必復行調回徒在豫省駐守也至明
亮追剿張漢潮一股賊匪日久並無報到賊匪竄
近豫境明亮已躡蹤而來今豫省官兵業將賊匪
截回折竄明亮正可迎頭剿殺與豫省兩面夾擊
總以速擒張漢潮為要不可不倍加奮勉也

同日

上命軍機大臣傳諭勒保曰朕聞川西川南地方有
嘉陵白水二江賊匪往來奔竄總在二江之東北

一帶未能越過會經屢次搶渡皆被鄉勇截回是
此二江實爲緊要渡口前據慶成面奏白水壩一
路卽指此而言昨恒瑞奏到兜截逸出白馬關賊
匪不令闖入川西亦在此路扼其南竄是以降旨
將恒瑞議敘看來賊匪在川東川北滋擾日久無
可擄掠因龍安潼川等處俱係殷富之區意欲渡
江窺伺該處僅有鄉勇並無官兵守備未免空虛
著勒保於調到黔粵等兵後酌量派撥合安員帶
往嘉陵白水二江緊要渡口嚴密防堵斷不可令
完善之地又被蹂躪也再勒保自本月十二日奏
到後已及半月未見續有奏報前此聚集川東賊
匪經官兵剿散後又復四處奔逃曾經勒保飭令
帶兵各員分路追捕現在如何截剿而各股賊匪
又向何處奔竄勒保如何相機調度設法剿辦之

欽定剿平三省邪匪方略

正編卷一〇二

處著卽速行具奏至帶兵各員惟額勒登保剿賊
最爲奮勇出力曾兩次擒獲賊首而德楞泰自同
惠齡擊獲羅其清後總未見伊掃除一路賊匪擒
一著名首逆況伊所帶吉林索倫及綠營馬步弁
兵共有一萬二千一百餘員名兵厚餉多豈惟知
坐擁虛糜毫不出力耶並著勒保據實查明具奏
二十七日甲吳熊光奏言臣前派都司蘇大雄
赴樂莊一路接應該都司於二十一日趕至里
漫坪之牌樓溝口探得賊匪一千數百人已由
陝境之富水關松樹溝一帶竄近里漫坪該都
司卽領兵五百名與賊接仗殲賊數十名生擒
李朝等七名賊匪四散由黃柏溝罐兒溝一帶
翻山奔竄卞查里漫坪黃柏溝等處俱係廬氏
邊境山徑叢雜之區並無要隘現在明亮等統

欽定剿平三省邪匪方略

正編卷一〇二

顧大兵業經追及河北鎮臣張文奇由北路桃

坪向南抄截臣會同南陽鎮臣田永桐趕緊帶

兵由南路西坪向北截擊恐賊匪偵知三路有

兵勢必直向東趨迤東係嵩縣魯山南召等縣

為去冬賊匪竄走之路急須分兵兜截復派參

將蔡鼎帶兵由內鄉星夜趕往東南以絕賊匪

東竄南陽襄陽之路即從東面探蹤截擊臣帶

聖旨 聖旨

旨

領滿兵三百名由西坪前進察探何路緊急即

赴策應至臣未能先事周防致被賊縱乘隙闖

入實屬調度無能不勝惶悚戰慄之至奏入

上命軍機大臣傳諭吳熊光曰張漢潮股匪自陝境

竄入盧氏邊境吳熊光以調度無能自稱惶悚戰

慄此時賊已闖入正當督率堵剿切不可過涉驚

惶轉致茫無所指且據摺內所稱是四面俱有官

兵圍擊正屬極好機會吳熊光惟當倍加奮勉併

力進擊不拘何路能將張漢潮擒獲即屬吳熊光

之功張漢潮就獲即於該處凌遲示眾俾匪黨咸

知做畏毋庸解京或能臨陣殲除亦好又據奏稱

盧氏邊境係山徑叢雜之區其意自恐賊匪或致

乘間竄逸預佔地步吳熊光即不能將張逆殲擒

若能將此股賊匪仍行逼回陝境亦尚可將功抵

聖旨 聖旨

旨

過倘堵禦不力致令深入豫境擾及完善地方或

由豫境竄回襄陽本籍復又蔓延則吳熊光既不

能防範於前又復疎縱於後自思能當此重戾否

耶

上又命軍機大臣傳諭明亮曰據吳熊光奏賊匪張

漢潮一股已闖入豫省盧氏邊境此股匪眾係明

亮專辦之賊乃曠日持久不但未能痛加剿殺且

任賊匪輾轉奔逃蹂躪陝省茲復由商維一帶
入豫境以致河南無賊之區復被滋擾明亮所辦
何事著傳旨嚴行申飭現在明亮帶兵由西面緊
蹙賊蹤而東南北三面均有官兵圍擊正是大好
機會明亮當倍加奮勉會合各路官兵協力擒渠
以贖前愆倘仍尾追落後致賊匪深入豫境甚或
任其竄回襄陽是賊匪既得遂其假途回楚之願
且所過地方肆其滋擾而沿途裹脅勢必入數愈
衆剿捕更為費手明亮自問能當此重罪乎稟之
慎之

《聖朝實錄卷一百三》

天

欽定剿平三省邪匪方略 正編卷一百三 己未年

五月二十八日乙酉勒保奏言查額勒登保自抵

通江崖山煽之後本擬先剿洪口之賊因王登
廷一聞官兵將至復由絲羅壩折竄太平額

勒登保探得張子聰在竹峪關與前剿冉文德
未淨餘逆再添元並綽號掃地王一股合夥屯

《聖朝實錄卷一百三》

天

踞竹峪關西面包臺山勢頗猖獗額勒登保於

四月二十八日督兵趕至竹峪關擊獲哨探賊

匪十餘人訊悉該匪等恃險屯紮人數較衆額

勒登保於初二日即率領阿哈保格布舍楊通

春各帶馬步兵由溝底山邊分路進發當將

溝口賊卡兩座攻克斃賊三十餘人生擒吳子

來等十二名匪衆亂放鎗石悉力抵拒相持三

時之久因山勢逼陡難以仰攻徐徐捲撤旋在

後山澗道於初四日五更發兵攀援競進擒此
 山梁殺賊百餘名餘匪潰奔杜家坪額勒登保
 即於次日率兵由青岡坪涼坵子等處分投追
 截直至鐵坪地方沿途斃賊二百三四十名生
 擒陳自清等五十三名賊匪旋即翻山遁去初
 六日派兵搜捕又殲獲三十餘名額勒登保恐
 其折竄陝境即帶兵由老官山兜截初九日午
 後賊匪正翻茶子寺山梁適我兵趕到立斃騎
 馬賊人數名步賊五十餘名生擒十六名旋即
 折竄黑池梁該處路徑險仄匪眾跌斃人馬甚
 多我兵由小驛壩繞截初十日趕上賊尾又斃
 賊六七十人幸不致闖入陝境賊匪大駭已向
 甯江境內竄逃而打散之賊或數十匪或數百
 人俱在各處肆竄臣一面知會額勒登保派兵

肅清後路一面飛飭前派通巴查賑之知州劉
 清督同知縣徐廷鈺趕此賊勢渙散設法招撫
 即可散其黨與於剿捕更為有益至德楞泰
 路自太平由官渡溪裏糧前進截賊竄陝之路
 詎徐添德龔建等祇在老山林內避兵而行輾
 轉奔逃欲思疲我兵力旬日來我兵逐日探追
 未得遇賊接仗德楞泰至老鴉口地方探得龍
 紹周唐大信等尚在界嶺屯聚相距較近即於
 初五日由倉坪口馳抵界嶺賊已聞風竄出陝
 境斬獲落後賊匪二十餘人搜出難民四十五
 名口訊知該匪等由安康之滄水河向麻柳壩
 竄去德楞泰即帶兵追躡初六日抵滄水河忽
 探報又有一股賊匪千餘人由平利之白土
 關竄來現紮泥坪在我軍之後德楞泰恐腹背

聖朝聖德編卷三

二

聖朝聖德編卷三

三

1. 2. 3. 4. 5. 6. 7. 8. 9. 0. REF.

受敵卽在滄水河紮營連夜派兵分爲三路先
剿泥坪之賊初七日巳刻至花石埡正遇賊匪
蜂擁上山我兵悉剿數十人將匪衆壓下溝底
立形慌亂四散奔逃官兵乘勢抄殺斃賊三百
餘名生擒賊目伍世明賊匪李應龍等三百八
十一名口訊據伍世明供係王光祖之徒與張
添倫夥內分出賊目宋大志共領戰手一千餘
人在竹谿平利境內被兵勇截回欲竄太平今
遇官兵被擒宋大志不知下落德楞泰正在督
兵搜捕又據探有賊匪潛來窺伺滄水河營盤
鎗礮聲緊卽帶兵回營策應賊匪一見官兵旋
卽退遁因天晚不及窮追擒獲賊匪譙彼良訊
係龍紹周一股在麻柳壩探知官兵已赴泥坪
是以派人前來劫營德楞泰現赴麻柳壩進剿

欽定剿平三省邪匪方略

正編卷一〇三

四

臣查德楞泰一路兵勇共有一萬二千餘名較
各路爲最重勁旅亦多前因各股賊匪均在老
山林內被其牽掣未得痛加剿戮今追剿龍紹
周赴陝而徐添德龔建等均在川境未便專剿
龍紹周而置徐添德等股於不顧且宋大志等
剿散餘匪現又逃竄入川已札囑德楞泰酌留
兵勇六千餘名剿辦龍紹周夥匪務須迅速殲
除並卽分兵一半派賽冲阿李紹祖等各帶馬
步隊分剿川境之賊庶不致顧彼失此其包正
洪等賊匪連日經朱射斗於大竹之涼風埡接
仗斃賊三百餘名生擒周念富等十八名又於
隣水之栢林壩斃賊一百餘名生擒冷祥等十
五名勢漸窮蹙現竄江北長壽之兩岔河臣已
飛飭該鎮奮力殲除不可因連次得有勝仗予

欽定剿平三省邪匪方略

正編卷一〇三

五

六二九

賊以暇至卜三聘一股尚在雲陽大寧之老山

林內屯踞近據大寧縣鍾蓮稟報又有平利竄

來張添倫數內之賊已入縣境臣已飛飭七十

五督率鎮將分股堵剿勿任賊匪東竄楚疆又

王登廷一股頃據探報復由太平折竄竹峪關

在額勒登保之後臣恐被其牽綴且額勒登保

一路兵力尙單臣將雲貴補額官兵及臣營兵

聖者聖編卷三

六

內湊撥四千餘名派令副將稽大榮叅將張良

槐等先後帶往相機截擊以資策應其張映祥

一股竄近畧陽臣察探賊勢非竄寧羗即奔川

境昨奉

諭旨恐其闖入川西川南飭令恒瑞趕緊截剿查川

南相距尙遠惟龍安爲川西門戶與階文相接

早經臣添派員弁帶領兵勇設卡嚴防該處有

白水江之隔前此屢有賊匪窺伺俱被兵勇擊

退現又嚴飭沿江各州縣實力防堵並知會恒

瑞設法截擊免致蔓延其張漢潮一股折竄五

即明亮跟蹤追剿現蒙

皇上特放慶成爲成都將軍飭臣撥兵管帶查慶成

打仗素稱勇往若在明亮一路幫同剿賊自能

得力臣已飛咨恒瑞等將富成隊內前撥明亮

聖者聖編卷三

七

一路之兵三千名即交慶成管領足資協剿又

張添倫高均德兩股經倭什布策勵將士痛剿

截回現有竄入大寧者有仍在平利遊奕者臣

已嚴飭王文雄柯藩慶溥等均須實力堵剿倘

能與德楞泰會同夾擊先完一二股自不難以

次蕩平至此各路打仗惟德楞泰一路陣亡

千總虎正江其餘弁兵間有傷亡容俟查明分

別咨部

勒保又奏言查德楞泰一路官兵先經英善等具奏據糧員稟報每月需銀九萬兩嗣據德楞泰自行查奏每月需用鹽糧夫騾各價五萬四千五百餘兩其中鄉勇雇價及糧員隨帶之夫騾等項均未列入旋經部議祇准銷官兵鹽菜銀一萬三千九百餘兩此外與例不符之夫騾

聖朝聖訓卷三

八

等項一併著落德楞泰名下賠補其勢本屬難行臣查此次教匪滋事之始各路官兵在陝楚時應付夫騾各項本未照例辦理大屬浮多迨入川以後帶兵各員因應付在前不肯稍減宜綿亦即因循支給臣與福寧先後到川已將浮費全數刪除其與例不符而勢所必需各款議定章程會奏乃經和坤等逐條議駁其中有

萬難遵辦之處昨又詳細臚陳已茲

睿鑒以現在所定章程而論均係實用較之從前大為節省斷難再減德楞泰一路自應照此核算庶足以折服其心查德楞泰自去年五月間帶兵入川本有滿漢屯土官兵九千零三十五員名九月以來除寄留各處傷病兵丁外實有存營兵七千餘名官弁六百餘員迨至本年正月

聖朝聖訓卷三

九

與臣會合之後又陸續添撥兵勇共行一萬二千餘員各核計每月官兵鄉勇照現定章程分例需銀將及六萬兩而隨營糧員所需馱運軍火礮位糧餉之夫騾等項尙不在內德楞泰自去年五月杪入川截至本年四月底止前後在達州保寧兩局共領過餉銀五十三萬五千兩通盤牽算有缺無贏且糧員經手支放皆有兵

勇數目可稽非德楞泰所能捏款浮冒一俟

前奏章程奉部覆准即可通行遵照所有前此

浮用各款再當逐一查明於濫支濫應各員各

下分別追賠以歸核實再各州縣起運米石如

果有心玩悞以致短缺兵糧自當據實嚴叅重

治其罪惟因官兵追剿賊匪愈進愈遠夫驟負

重過行不能兼程前進並有後路或被賊阻之

聖朝聖訓卷五

十

時又須繞道運送未得一時解到者其實並無

朦混遲延解送不力情事總之統領各員中惟

額勒登保能知大體或遇糧餉實有人力不能

運到之時偶致缺乏即自行設法通融籌辦從

不以此藉口其餘皆不問輓運之難易惟知糧

餉必須充裕稍有短缺遂噴有煩言甚至打仗

不能得手即歸咎於辦理糧餉之員此等積習

明亮德楞泰均所不免德楞泰之與福寧彼此

齟齬皆由於此而福寧籌辦軍需失之過刻又

恐各領隊諸臣退有後言遂爾形之奏牘欲為

預佔地步即如前奏德楞泰一路正二兩月撥

過銀二十萬兩原屬含糊其詞迨奉

諭旨飭查不得不將截長補短之處據實具奏又致

自相矛盾殊非核實辦公之道

聖朝聖訓卷五

十一

聖慈畀以經畧重任如將領任意濫支或糧餉辦理

不善自當據實核叅斷不敢意涉偏私亦不肯

心存瞻顧祇期和衷籌畫無悞師行庶幾及早

蒞功上紓

宸廑奏入

上命軍機大臣傳諭勒保曰勒保奏賊匪分竄情形

計有七股此內張子聰一股與冉添元等合夥在

包臺山屯踞額勒登保由後山驪道攀援競進賊匪奔潰官兵又由老官山等處兜截逼向南江不致闖入陝境實屬奮勉可嘉惟德楞泰所追龍紹周等一股總未得與賊接仗雖在泥坪地方將另股之賊剿退又令龍紹周逸入陝境德楞泰並未截住所辦何事德楞泰統領兵勇一萬二千餘名較之他路兵力尤為壯盛且多吉林黑龍江勁旅

聖朝實錄卷三

三

乃伊自分路剿賊以來總未撲滅一股賊匪擒獲一名首逆以如此重兵專剿龍紹周敗逃餘匪置徐添德龔建於不顧復任聽龍紹周由川入陝來往自如是其不能認真出力玩愒稽延又為富成之續矣勒保摺內微露不滿德楞泰之意並未據實奏恭伊係經畧大臣統攝各路軍律不可不嚴既有過失即應嚴劾何必隱躍其詞耶著勒保秉

公查明如德楞泰實有貽誤怠玩之處即行嚴參革拏治罪俾各路帶兵大員咸知儆懼毋得稍事姑容至德楞泰現帶官兵內勒保撥出六千名交賽冲阿李紹祖分剿徐添德龔建一股賊匪其餘兵丁如德楞泰果應參革即可令阿哈保楊遇春管帶專剿龍紹周或察看此二人不能帶領多兵現在額勒登保一路兵力畧單或將此項兵丁酌

聖朝實錄卷三

三

量分撥額勒登保軍營以資得力總在勒保相度辦理迅速具奏又包正洪一股竄至長壽係朱射斗剿辦卜三聘一股尚在雲陽大寧一帶屯聚係七十五剿辦著勒保飭知該鎮等嚴密防堵毋任東竄楚疆為要其張添倫高均德兩股業經楚省截回仍在平利邊境遊奕即著照勒保所奏令王文雄柯藩慶溥等實力剿辦現在賊匪所至之地

皆有專辦之人倘何股賊匪竄出卽惟何路帶兵
大員是問稟之慎之至白水江一路爲川西門戶
恐賊匪由階文南竄業經降旨令勒保派員帶兵
前赴該處防堵今勒保尙未接奉此旨已籌慮及
此添派員弁帶領兵勇設卡巡防與朕旨不謀而
合具見留心可嘉務當飭令該員弁嚴密防範勿
令賊匪窺伺所有打仗陣亡之千總虎正江著咨

聖朝實錄卷五

西

聖朝實錄卷五

圭

部議卹又據奏查明德楞泰一路支用餉項一節
據稱前經和坤等逐條議駁其中有萬難遵辦之
處其意以例外支應各欸若部中概予准行則德
楞泰領過餉銀通盤核算便無浮冒殊不知從前
和坤意爲准駁不合例之事此時悉改歸舊制若
果據例議駁卽今之部臣亦不能違例准行也前
摺已交部核議俟議定分別准駁再交勒保按照

條欸另行查辦至所稱帶兵各員中惟額勒登保
偶遇糧餉缺乏卽通融籌辦從不以此藉口其餘
遂曠有煩言實爲公論額勒登保自帶兵以來身
先士卒屢獲兇渠惟知以軍務爲重而於糧餉偶
缺之時卽自行設法辦理如此方爲能識大體忠
蓋之臣深堪嘉獎各路帶兵之員打仗不能得手
往往歸咎糧餉不繼曠有煩言者能不聞而生愧

耶

同日倭什布奏言查張添倫高均德馬得貴等
股賊匪前由陝省平利先後竄擾竹谿邊界經
兵勇分投剿退後該匪仍在平利境內屯聚滋
擾臣督飭沿途各卡嚴密防堵該匪不敢再
窺楚境折向川省大寧屬之東谿河太平屬之
兩扇門等處距楚省邊界約有二三百甲不等

臣思賊蹤漸遠越此寧謐無事之時正可將防邊事宜次第整飭布置計現在竹谿境內西南北三面邊界飭令總兵路超吉率同叅將海麟遊擊揆明等帶領官兵三千七百名鄉勇二千四百名分段設卡竹山縣南北兩路與川陝毗連隘口亦多飭令守備張懷毓千總黃富國等帶領官兵七百名鄉勇一千六百名分段設卡房縣則西南邊界與川省大寧相連飭令副將樊雄楚叅將蔣觀濤等帶領官兵七百名鄉勇一千八百名分段設卡江北鄖縣鄖西與陝省交界之處南臨漢江尚屬有險可憑西北一帶徑路紛歧飭令叅將朱廷荃道員恒慶等帶領官兵一千六百名鄉勇一千三百餘名分段設卡似此周防分佈可期聲勢聯絡不致竊此遺後

欽定剿平三省邪匪方略

正編卷一〇三

倘遇緊急有須調撥核堵之處更當隨時斟酌辦理此外臣自帶兵一千三百名實力巡邏以備策應所有現在籌佈邊備謹繪圖貼說恭呈御覽再臣接准勒保來咨索倫吉林官兵隨征日久馬匹多有疲乏囑於楚省各營存馬內挑撥三四百匹解川以資剿賊臣隨會同撫臣高杞於標下及各營屬存營馬匹內挑撥壯馬四百匹選派妥幹備弁迅速解赴勒保軍營驗收並嚴飭押解員弁沿途小心喂養一面仍飭各標營俱照數買補足額以資操防

奉到

諭旨周詳訓示

到楚後遵卽刊刻謄黃於川陝交界處所通行張掛並發貼簡明告示嚴諭邊卡

奉到

兵勇遇有被裹散出難民不許擅自殺害伏查連年教匪滋事到處焚掠良民被其裹脅者或恐既入賊夥投出不得生全或因產業蕩然歸來絕無生計不得已從賊奔走以延殘喘其情實堪矜憫今蒙

皇上剴切宣諭不惟不加罪譴且令妥為安撫若輩以鋒鏑餘生成登衽席自必輸誠恐後翕然來

聖祖聖孫編卷五

六

歸惟是教匪起於襄陽此時川陝各股賊匪中多有籍隸楚省之人聞風投回者人數必多不特居之食之務使無一夫失所而推誠撫字之中尤須寓默化防閑之術均不可不預為籌計

蒙

恩加賑卹給予房屋修費次第復業各安耕作至於被裹難民除其中有緝獻賊首悔罪立功之人另行奏請

加恩外其由川陝兩省來歸者現在咨明勒保及陝省督撫卽由該省詢明姓名及籍貫分起給以路票遞送回楚再由楚省沿邊各州縣換給路票轉送回籍所過地方遵照章程無論男婦計

聖祖聖孫編卷五

九

其程途每名每站日給口糧米五合盤費銀三分到籍之後擇其家尚有親屬者卽令認領回家否則本有田有屋及有執業確憑者卽照數給還毋庸另予賑卹修費其或雖有田畝被裹後久已荒蕪房屋又為灰燼者乍歸無所依恃或酌借籽種或照川省之例每戶給以搭蓋草棚之資五錢倘本籍並無田產亦無親屬而年

力尙屬精壯者遊蕩無業恐易滋事則不必定
送原籍或察附近地方有應行興修堤城各工
撥令工作以工代賑或分撥沿途糧運文報各
站充當站夫如實在老幼殘廢及無歸婦女力
不能傭作者令該地方官斟酌情形或歸入養
濟院收養或於孤貧項下量給口食至若臨敵
解散率眾投誠者尤須細心審察別其誠偽坦
懷慰諭以安其身心隔別居處以散其羣類然
後派委妥員先就左近地方分投安插查明原
籍有執業確據及老幼無依者照例資送回籍
其年力精壯無業可復之人如一縣不過數人
送交原籍地方官權宜分別安頓如一縣多至
數十人十餘人卽分撥各工所站所毋使聚集
一處統俟軍務全行告竣再照災賑之例酌量

欽定剿平三省邪匪方略

正編卷一〇三

核辦如此分別安插再令各地方官隨時不動
聲色留心稽察毋許滋生事端亦毋許在籍鄉
民妄生攻訐似於化莠安良均有裨益日前張
添倫等股賊匪竄近竹谿其被裹之人疊次被
官兵剿散擒獲及自行投出者二百五十八名
臣卽如此辦理內有川陝兩省民人一百一十
八名已令隨營糧員及地方官說明籍貫予以
口糧盤費填給路票一面令地方官知照前途
州縣一體咨送回籍一面由 臣 咨明勒保及陝
省督撫飭屬收卹至於遞送難民應給銀米雖
已核有定數第州縣賢愚不一倘不實心經理
甚或浮濫開銷均未可定現在飭令沿邊各州
縣嗣後由川陝遞送回楚者該州縣換給路票
之後將所執前途路票收齊彙繳藩司俟該難

欽定剿平三省邪匪方略

正編卷一〇三

民送到原籍後復令原籍州縣將邊界州縣換給之票亦繳藩司核對沿途所給銀米卽令按日按站於路票上註明則回籍之民不致中途流落而姓名戶口確有可稽州縣亦無從濫冒其有自行投回無前途路票可據者則令隨時報明查核臣與撫臣復選派廉明之員不時分投查察如有辦理不能妥協者一經查出卽據實嚴叅以期帑不虛糜民沾實惠均奏入

《聖朝實錄卷五》

三

上命軍機大臣傳諭倭什布曰倭什布奏安設楚省各邊界卡座操練兵勇所辦俱好足見留心籌畫布置得宜現在竹谿竹山及房縣鄖西各處皆有文武員弁率領兵勇於要緊隘口分路周防使川陝兩省竄匪聞知楚境守禦嚴密官兵聲勢聯絡自不敢前來窺伺此實先事預籌之良策倭什布

務當悉如所奏情形盡心妥辦不可徒託空言至安撫難民各事宜辦理亦尙妥協惟所稱由川陝兩省受撫來歸年力精壯者撥令工作或分撥各站充當站夫雖爲分散難民起見但令在工所力役則可而置之各站則不可此等從賊營投出之人終不可信尙故智復萌與賊黨暗相勾結或將糧運文報阻滯稍有不虞所關非細此事斷不可行其有業經辦理者著倭什布卽行更換另籌安插又昨吳熊光奏張漢潮一股賊匪由商維竄入豫境經官兵截回後復自陝境之富水關一帶竄入盧氏據拏獲賊匪供稱張漢潮蓄意竄回襄陽本籍今又據鞫保奏張添倫高均德兩股賊匪現有竄入大寧者有仍在平利遊奕者是張漢潮既欲假途回楚而張添倫等尙逼近鄖陽均不可不

《聖朝實錄卷五》

三

實力防堵現在明亮已至盧氏邊界與吳熊光等
專剿張漢燭一股不能兼顧西南一帶勒保已飭
令王文雄柯藩慶浦前赴平利著倭什布察看情
形如張添倫等一股緊要即在鄖陽本境以堵爲
剿與王文雄等爲兩面夾擊之計其襄陽一帶著
派安幹鎮將實力防禦務使兩路竄匪不能闖入
楚境卽屬倭什布之功不可不倍加奮勉也再前
此陣亡參將董寧川有無子嗣會降旨令胡季堂
查奏茲據奏稱董寧川有子官保現年十四歲尙
在湖北任所著倭什布卽將董寧川之子及家屬
妥爲送歸直隸原籍俟及歲後送部引見以示嘉
勵忠蓋之意

同日廣厚奏言臣接據探報藍號賊匪由隆林

橋南竄階州之草川舖富成由雷家壩逆追臣

因與吉蘭泰商酌若與富成一路追剿紆遠而
不得力揣度該匪必由佛入崖奔赴陽平關遂
卽督兵自大川壩進發以期迎頭攔截與富成
兩面夾攻嗣行抵大川壩忽報白號賊匪在郭
家壩被恒瑞剿敗已連夜折竄至太石山距大
川壩僅一犀牛江之隔臣思無論何號賊匪遇
見便應剿殺隨即催兵截擊詎江水漲發湍流
迅疾不能洶渡旋有騎馬賊數十人在對岸窺
探瞥見我兵卽折回奔跑兵丁馬伏才等見水
而過奮勇趕殺該匪等棄馬上山被我兵截死
七人該匪遂率其醜類沿西北江岸向秦家河
奔逃適督臣松筠前赴富成軍營由臣營經過
臣稟明往剿此股賊匪當卽帶兵沿江東岸逼
迫行至雙廟子地方探聞賊匪已由鐵鎖橋偷渡

犀牛江現在西和之徐家壩楊家嘴一帶屯聚

臣查白號賊匪人數雖衆經恒瑞與臣等先後

在社棠鎮郭家壩等處痛殲折損較多不敢復

與官兵接仗惟狡猾異常日在深山密林之中

往來繞避冀延殘喘且賊匪騎馬我兵步行迎

擊則旁竄追殺則窮奔是以圍捕頗覺費手茲

官兵驟至雙廟子賊匪尙未偵知臣等因于四

更時出其不意冒雨進兵山陡路滑都司陳五

輯署同知縱司燭不辭泥濘領兵先行各將士

相率繼進黎明至徐家壩山梁陳五輯縱司燭

率兵一擁而下直撲村內該匪驚駭喊叫爬山

四散竄匿深林我兵分投掩殺斃賊六百餘人

殺死賊目偽總管劉開允一名生擒楊生才等

七十二名其本地被裹之人乘機逃散者甚多

我兵雖間有受傷並無陣亡訊據賊供該匪等

來到甘肅屢被剿殺實在情急欲逃回四川奈

官兵四面圍截不得過去當將楊生才等五十

六名卽行正法其餘趙之剛等十六人內有面

刺白蓮教三字者詢爲賊匪所刺實係被裹本

地良民酌給盤費概行釋放並飛飭附近州縣

有似此逃散刺字者務須查明遣回勿令守卡

兵勇戕害臣等俟雨勢稍止卽督兵星馳趕剿

務期全數殲除再臣前據循化同知成順稟稱

撒拉爾回民總約韓四個等呈告前赴軍營協

剿賊匪臣以該回民係化外邊氓非入伍兵丁

可比約束較難是以上年調赴四川旋卽退回

且查隨征官兵足數剿捕批令將該回民爲

撫慰酌加獎賞去後旋據成順覆稟該回民韓

四個等以前此調赴四川因水土不服未俟軍務告蒞卽行回巢實在辜負

天恩今賊匪現在本省滋擾必欲前赴軍營報交將

功補過定於四月二十八日起程並經韓四個

與其子韓三個捐備資斧給與衆人前赴軍營

臣以該回民既係出於真誠自應允其所請但

素無紀律恐其沿途滋事當派熟習回情之把

聖朝聖德編卷三

天

總馬旺等迎赴前途彈壓松筠接據稟報亦派

委都司馬良棟署成縣知縣李世華馳往照料

並賞給銀兩獎勵茲該總約韓四個率領撒拉

爾回民等四百九十八名於本月十六日到營

詢悉該回民一路行走甚屬安靜此次跟隨在

徐家壩楊家嘴打仗殺賊亦極出力臣現已將

韓四個父子捐備資斧宜請給還以示體卹奏

入

上命軍機大臣傳諭廣厚曰富成在雷家壩追躡藍

號賊匪畏葸無能全不足恃廣厚能揣度賊蹤卽

督兵迎頭攔截兩面夾攻所見甚是及探知白號

賊匪由鐵鎖橋偷渡犀牛江該司並不拘泥卽連

夜趕往冒雨進攻殲擒賊匪多名實爲出力可嘉

至撒拉爾回民捐備資斧呈請來營不但行走安

聖朝聖德編卷三

天

靜打仗亦甚出力實爲踴躍急公所有伊等捐資

自當如數給還如果始終奮勇尤當厚加賞賜並

據實保奏候朕加恩賞給翎頂以示獎勵

三十日丁亥富成奏言臣於十三日探得賊匪經

我兵連次剿殺之後日夜散竄沿途多有逃亡

因卽兼程馳追十六日晚趕抵齊家梁知賊匪

竄至黨家坪將近湯平關冀圖過河遠竄因河

水盛漲並無船隻未能偷渡復折回至楊家壩
 一帶距_臣所紮之齊家梁約五十餘里當將我
 兵分爲兩路令副將海常叅將傅雲等帶兵一
 千五百名由左手山溝而進_臣帶領遊擊楊國
 林守備楊正明等帶兵一千五百名從右手山
 梁而進均於四鼓起行黎明行近該處遙見騎
 馬賊匪約有六七百人步賊二千餘人一見我
 兵卽齊上對面山梁_臣督兵馳下施放鎗礮仰
 攻賊匪亦放鎗抵拒擲石如雨我兵不避鎗石
 奮力急攻適海常一路官兵趕到賊匪卽時敗
 竄我兵隨攻上山梁賊匪大半棄馬翻山狂竄
 我兵追殺十餘里連斃騎馬賊匪四名賊匪皆
 過河遠竄時雨勢轉大卽在該處暫紮是晚探
 得賊匪仍由蔣家山陽平關一路奔逃恐該匪

等復思過河遠竄_臣當卽挑派奮勇兵二千名
 帶同遊擊王應鳳巴圖魯守備馬昌傑等兼程
 前進並派海常楊國林等帶兵一千五百名在
 後策應卽於十八日冒雨前進十九日探得賊
 匪在蔣家山一帶相距不遠_臣卽一面催調後
 隊一面將_臣所帶官兵分爲三路出其不意一
 齊並進時賊匪男婦大小正在該處暫息不意
 我兵猝至立時慌亂一齊竄逃我兵鎗箭並發
 斃賊十餘名隨卽緊追二十餘里至毛堽山該
 處道路狹窄泥濘甚大賊衆行走擁擠被我兵
 殲斃二百餘名該匪逃避不及皆攀援樹枝爬
 上懸崖捨命亂竄滾崖跌斃男婦大小復有二
 百餘人餘皆四散狂奔_臣卽乘勢窮追五十餘
 里又斃賊八九十名時已昏暮因令各兵暫息

一面趕辦乾糧散給各兵裹帶卽於二十日督
兵連夜進追二十一日馳抵濟道溝遙見右手
山梁有賊匪百餘人當卽督兵進攻該匪等始
猶擲石抗拒經我兵四面搶上殲斃數十名生
擒熊興漢等十五名訊供逆首張世龍張世虎
等原說要上陽平關由彼逃往四川因河水甚
大聽得陽平關有兵防堵不敢過去要折竄畧
陽不想被官兵打散又要上階州逃避隨連夜
過燕子河因聞知官兵又來一時慌亂正值河
水大漲淹死三四百人餘無要供查此內張現
堂等十二名甫經被裹卽行釋放其熊興漢楊
昌明黃定周等三人訊係從賊日久卽行正法
我兵連日打仗亦間有傷亡者容俟查明造冊
咨部現在趕搭浮橋兼程馳追臣惟有乘其窮

蹙之際趕緊剿辦務期迅速掃除奏入

上命軍機大臣傳諭松筠曰富成奏在蔣家山等處
追賊殲斃二百八九十名又在燕子河淹斃三四
百人富成現在兼程追往趕緊剿辦所奏情形似
有悔懼之意前因富成自正月以來怠玩避賊一
切軍情並不隨時具奏已令松筠將富成革職鞫
問計此時松筠已前抵富成軍營自能力加振作
迅奏捷音至富成因循貽誤之罪原不可道松筠
自當遵照節次諭旨嚴行定擬但思富成前此悞
怯退避或係漸染軍營惡習今見朕申明軍紀信
賞必罰心存畏懼勉思自贖豈有不予以改悔自
新之路且伊久在行間帶兵究係熟手尙可留營
効力著松筠查明此次富成所奏剿賊情形是否
屬實若果悔過出力卽於具奏時另摺聲明候朕

酌量加恩

欽定剿平三省邪匪方略正編卷一百四 己未年

六月初二日 己丑 恒瑞奏言白號賊匪自前次痛

剿後復由茨溝平洛一帶向北狂奔 臣 連日趕

緊追殺衝散餘匪有在沿途老林深溝潛匿者

或數十人及百餘人不等 臣 一面帶兵躡追一

面分派將弁搜捕共計殲獲賊匪孫有信等二

百七十餘名又因天雨路滑滾崖跌斃人馬不

剿平三省邪匪方略正編卷一百四

蓋

剿平三省邪匪方略正編卷一百四

蓋

計其數其被裹難民趁勢逃散者亦多訊據獲

賊供稱因甘省難以掠食衆人本想要往川西

龍安不意連日官兵追趕緊急傷斃多人沿途

不敢停留焚掠已經兩日絕糧等語是該匪實

已窮感查廣厚吉蘭泰索費英阿等官兵並撤

拉爾回兵均在北面西和一帶正可兩面夾擊

殲滅此股忽據探報藍號賊匪又從米倉山南

竄_臣恐其復向川西龍安等處奔逃雖有富成帶兵追剿現在松筠遵

旨將富成拏問並在經畧勒保來咨令將富成所帶

鄉勇均行裁撤其原領雲貴四川官兵即撥赴

陝省交慶成管帶會同明亮永保剿辦張漢潮

一股是富成一路兵勇已無可恃萬一此股賊

匪闖入川西必致完善之區又遭蹂躪_臣不敢

製署... 卷... 高

拘泥剿辦白號賊匪已札知廣厚吉蘭泰等由

北面截擊白號_臣即兼程由賈家店黑馬關一

帶趕緊抄截藍號不使竄向川西致煩

聖厘

同日廣厚奏言白號賊匪經_臣等帶領官兵在

徐家壩楊家嘴等處擊敗後即連夜奔赴成縣

之勾旗寨一帶蟻聚查勾旗寨僻處深山路徑

叢雜若該匪被剿情急或又北竄秦州西竄禮

縣前面無兵攔截轉屬非計當與吉蘭泰酌商

吉蘭泰帶兵一千九百名赴各該處適中之地

扼要堵截以遏賊匪折竄西北_臣帶兵二千名

並撒拉爾回兵即日冒雨向勾旗寨進發賊匪

望見我兵即搶佔山梁負隅抗拒_臣督率將弁

悉力仰攻賊匪鎗石齊發不能前進都司陳五

製署... 卷... 高

輯奮勇當先攀巖上嶺殺賊一人奪獲偽帥旗

一桿各將備趁勢擁上詎賊匪捨命抵禦陳五

輯腿中矛傷兵丁亦間有傷亡時已將暮_臣目

擊焦灼見東北山溝有小路一條因派署同知

縱司燭帶兵二百名飛往攻撲將執旗賊目戮

死匪黨頭形慌亂紛紛翻越後山向徽縣之麻

陽河奔逃擊保都司陳五輯等率兵分投

掩擊追殺二十里殲斃賊匪四百餘名生擒羅國仁等男婦四十八人其本地被裹之人徑署知縣李世華署縣丞席濂等四路招呼逃散者約有八九百人惟值大雨如注兵丁衣履盡濕暫令憩息俟雨勢稍止即當督催趕剿並一面知會吉蘭泰由北而南嚴為堵截勿令乘間竄入秦州兼可兩路夾攻所有傷亡兵丁查明咨部辦理再查都司陳五輯屢次殺賊不避鋒鏑奮勇當先且能激勵兵丁令其出力又署寧夏府同知州同借補河州州判縱司燾前署河州狄道州均有循聲此次隨_臣剿辦賊匪同將備一體帶兵打仗極為出力每遇差探賊情查看進兵路逕亦俱勇往直前不避艱險洵屬分外出力可否量加鼓勵之處出自

聖祖實錄卷一百四

四

皇上天恩均奏入
上命軍機大臣傳諭恒瑞廣厚曰白號賊匪節經恒瑞痛加剿殺向北狂奔勢已窮感因北面一帶已有廣厚吉蘭泰等帶兵截擊恒瑞即由賈家店黑馬關一路抄截藍號賊匪杜其竄入川西之路並不因白號賊匪節經剿敗就易避難所見甚是藍號賊匪向南奔竄意圖擾入川境此現在最關緊要之事恒瑞能見及此深堪嘉獎勉力為之佇盼捷音即至至此次廣厚追剿白號賊匪冒雨進攻不予以暇所辦甚好都司陳五輯因賊匪負隅抗拒奮勇當先攀陟山嶺腦中矛傷後猶復鏖戰殺賊者同知縱司燾奮力向前截死執旗賊口均為出力可嘉朕披閱至此已於該都司州判姓名並用硃筆圈出即欲加恩及閱廣厚保奏請分別賞

聖祖實錄卷一百四

五

翎甚爲公當陳五輯著賞戴花翎以遊擊陸用縱
司燭者賞戴藍翎遇有應陞缺出卽行奏補向來
軍營帶兵各員多有虛報功績濫行保奏者前經
節次降旨嚴飭是以帶兵各大臣不敢如從前之
濫行保奏但軍營賞罰嚴明其實在出力之員不
可不據實陳奏廣厚帶兵數月以來從無保奏乞
恩之事此次所保陳五輯縱司燭實係出力應保
之員是以特加恩獎嗣後軍營帶兵大員固不可
濫行保奏如果實有出力奮勉者亦不可屈抑必
當據實奏聞候朕酌量加恩

剿平三省邪匪方略

六

同日吳熊光奏言查張漢潮蓄意逃回襄陽本
籍因明亮等大兵追剿緊急其勢直向東趨
先密飭署嵩縣守備司勇琦帶兵於伏牛山要
隘嚴防二十三口又派參將蔡鼎帶兵抄赴東

面埋伏並飭東路各州縣集勇協堵鎮臣張文
奇田永桐由南北兩路趕緊截剿因層巒疊嶂
中賊匪易於乘隙逃遁並令都司蘇大雄帶兵
往來接應臣亦率領滿兵繼進該匪前自商南
雒南分股東竄經張文奇蔡鼎等分路擊退後
仍復合爲一股捨命狂奔直撲界嶺經守備楊
景芬率兵轟擊賊匪不擇路徑折內里漫坪牌
樓溝翻山偷越適蘇大雄聞信趕往截殺賊又
翻山由黃柏溝一帶奔竄該都司復抄至賊前
因見賊多兵寡勢難力敵該都司將所帶五百
名兵分爲兩隊藏入樹林窺賊頭隊方過出其
不意率兵衝出攔腰截殺賊匪措手不及自相
踐踏其時守備楊景芬亦已趕到官兵奮力攔
殺賊匪首尾不能相顧在後一股仍翻界嶺向

剿平三省邪匪方略

七

西溝遁逃其前一股向西北毛坪奔竄蘇大雄探知明亮大兵已自西追及又有張文奇在青油河一帶堵截後股賊匪自不能竄回因朱陽關為賊匪東竄要路與楊景芬抄赴東面將頭股賊匪截回西北蘇大雄趕往北面兼顧盧氏縣城楊景芬留駐大河口遏賊東趨又經縣丞林嵐帶領兵勇由東北一路下壓賊匪偵知處

聖朝實錄卷一百一十八

八

處有兵仍復折回向西山老黎溝一帶扒山竄出豫境此時兩股賊匪俱折回雒南境內明亮統領大兵分路追截 臣諄囑兩鎮及各將備等鼓勵弁兵於陝豫交界嚴密堵截預備夾擊並將參將蔡鼎調回仍駐西坪防守數日以來大雨連綿山溪漲發幾於處處阻隔官兵奮勇抄繞或裹糧浮水而渡或攀躋仄徑而趨甚至冒

雨露宿一週賊匪均能踴躍爭先鎮臣張文奇遊擊李正品均能奮勇都司蘇大雄尤為出力節次橫衝迎擊殲賊甚多生擒李應輝等五十七名乘勢逃散者亦復不少 臣留心安插以示招徠各路打仗兵丁間有傷亡容俟查明咨部惟是 臣與明亮往返密商以張漢潮此次竄入豫境正可趁此機會四面兜擒無如山徑紛歧

聖朝實錄卷一百一十九

九

賊匪往來熟悉其股數又分合無常以致牽制官兵游魂漏網雖訊據獲賊供稱張漢潮衝撲界嶺與官兵接仗時已中鎗傷並頭目高玉春亦已受傷甚重然 臣未能幫同明亮迅速擒渠實切愧憤惟有獎勵弁兵與鎮臣張文奇田禾桐督率鼓勵賊遠則分路嚴防賊近則合力夾剿務期速滅此賊仰慰

聖懷至此次賊匪沿山奔竄地方因官兵追緊不敢

停留被擾村莊無多臣現飭該地方官逐一詳

查妥為撫卹再臣由東路迎截現亦趕抵朱陽

關前途復為谿河阻隔正在拜摺間適據探差

問道回稟明亮追剿賊匪連日大獲勝仗由欒

莊一帶向西追殺又恐後路餘匪未淨已有鎮

將等在沿邊一帶足資搜捕刻下天氣開霽臣

即覓路趕往督率辦理萬一賊又回竄立即迎

頭截剿以期迅速肅事奏入

上命軍機大臣傳諭吳熊光曰張漢潮蓄意竄回襄

陽本籍直向東趨經吳熊光派令鎮將分路截擊

並帶兵親往策應賊匪不能深入豫境向西折竄

雒南張漢潮在界嶺地方身受鎗傷亦係豫省官

兵之力吳熊光所辦甚好至明亮久無報至正深

欽定剿平三省邪匪方略 正編卷一〇四

盼望茲吳熊光奏稱明亮追剿賊匪連日大獲勝

仗由欒莊一帶向西追殺覽奏稍慰張漢潮本係

老病無能之賊今又中鎗傷諒此殺賊匪不日可

以撲滅矣其所稱覓路趕往一節似可不必此時

賊匪若在附近數十里山內藏匿吳熊光前往搜

捕能將首逆擒獲固屬甚善今賊匪離豫已遠有

明亮在彼截殺吳熊光祇須在本境防堵毋庸遠

越數百里幫同剿辦所有此次打仗出力之都司

蘇大雄尤為奮勇必應獎賞該員前已賞戴花翎

并遊擊職銜著再加恩即補遊擊實缺加叅將銜

並賞給庫齊忒巴圖魯各號守備楊景芬亦屬奮

勉遇有應陞之缺即行陞用以示獎勵

初三日庚寅

上命軍機大臣傳諭勒保松筠吳熊光曰朕聞從前

欽定剿平三省邪匪方略 正編卷一〇四

湖北教匪竄赴孝感時經過各處多被焚掠獨隨
州一處未被賊擾因該處民人於賊匪未來之先
預掘深溝堆疊土山賊既不能踰越溝壕擾害村
莊而該民人佔據土山足資捍衛是村莊守禦既
嚴賊匪亦無由肆掠復有官兵追躡其後未有不
窮蹙潰散者此亦保護地方之良策行之已有成
效若川陝河南等省各處村堡俱能照此預為防
範何至任賊恣意蹂躪乎著勒保松筠吳熊光等
飭令所屬地方曉諭居民相度地形或可仿照辦
理令鄉勇人等加意護防堅壁清野以期賊蹤歛
戢不敢肆行侵擾於堵剿機宜自為有益

臣等謹案用兵之道當賊匪據險有嶠則以
摧堅克敵為要若遇往來竄擾之時則令村
莊百姓自為守衛使之無路焚掠而後官兵

聖朝聖訓卷一百一十五

十三

乘勢躡擊鮮有不窮蹙潰散者此戰守機宜
所為相輔行也而我

皇上鈐符在宥

籌念戎功而又

博諮廣採以隨州守禦有方

諭令各督臣曉示地方仿照辦理厥後三省圍築寨

堡大著成效以堅壁清野之法掃除數十萬

兇徒仰見

十三

睿謨灼見所以靖邊陲而登衽席蓋莫不秉於
先幾之指授也

初四日辛卯明亮與肇奏言臣明亮會晤承保公

同籌辦承保暫住鳳縣料理京餉入川即於臣

所帶原兵內抽撥五百各派索倫馬隊五十名

暫留護送餉餉臣等即追擊張逆前進途次接

閱新來山東官兵細冊自署副將四達色以至
守備千總大半皆係試用署理人員不能約束
官兵特派鎮臣長春由棧道馳往迎管並令沿
途聲言自東省新派七千官兵已至西安令地
方官妥為預備則賊匪聞風自不敢向藍田一
路窺伺西安省城查張漢潮自甘省邊境截回
仍由七盤溝五道梁一帶老林山內漏夜狂奔
訊據獲賊供稱張漢潮引誘官兵追入深山或
由馬道驛或山沔縣折出仍欲搶劫餉駝馬
由長寨過江會合川省賊匪臣查該匪所竄路
徑萬山重疊我兵卽能趕上亦不能痛加洗剿
而人馬轉形疲乏且褒沔一帶人民不時驚慌
設或賊匪乘間突出官兵一時不能繞至賊前
致令會合張映祥股匪則賊勢未免鴟張臣卽

聖祖聖孫編卷一百

十四

由褒城沔縣漢中城固洋縣確探緊追追馳至
五郎賊匪已由彼向東北捷竄正在追剿間接
到勒保來咨以臣一旅之師不敷剿辦卽於恒
瑞宮成所帶官兵一萬六千餘名內抽撥雲貴
四川官兵三千名前來協剿但此項官兵尙在
甘省一時緩不濟急臣兵力雖單萬難等候卽
從前奉派陝甘補額官兵一千餘名亦未到來
隨於途次飛咨恒瑞永保等上緊催撥臣查五
郎爲適中之地卽留鎮臣關騰暫住收集以上
兩項官兵並飛咨永保俟餉鞘等撥事竣卽移
駐五郎設賊匪折回便可迎截夾擊一面飛咨
河南撫臣吳熊光嚴密防堵以期兩面合剿臣
卽由鎮安山陽尋蹤躡逐或抄道截擊或分路
兜圍雖自有擒獲總不能制其奔竄之路且張

聖祖聖孫編卷一百

十五

逆股匪見臣馬隊一到卽亡命飛奔十八日趕

抵商州適長春帶領東省官兵到來該兵丁等

多係新募補額未經訓練不聽約束自長春責

革一二千把家兵始稍知斂跡十九日馳抵龍

駒寨該處人民稠密賊匪正在窺伺臣帶兵趕

到殺賊一百餘名擒獲賊匪探馬十七名訊知

張逆等商量到此搶掠騾馬思欲奔赴河南當

聖祖聖訓卷一百一十五

十六

又飛咨吳熊光嚴飭官兵迎探堵剿臣卽督兵

馳抵大商原追上賊匪後隊沿途趕殺百餘人

生擒六十七名乘隙救出被擄百姓二百餘人

發交隨營知府趙洵分別辦理二十日該匪直

撲樂莊營卡該處係陝豫接壤經吳熊光預派

張文奇在接壤之地擇要防堵賊匪見樂莊兵

單四面圍撲官兵盡力施放鎗礮滾石擲打殺

賊甚多正在喫緊之際張文奇趕到臣前隊探

路馬步兵勇亦抵該處賊匪一見卽四散奔上

左邊大山梁遊奕臣督兵趕至時已戌刻該匪

卽由旁徑翻越界嶺奔竄臣乘夜冒雨進追趕

至牌樓溝口賊匪分爲三起狂奔希圖牽綴追

兵使人莫辨首逆所在有矛手二百餘人向朱

陽關奔竄業經豫省防堵之都司蘇大雄等帶

聖祖聖訓卷一百一十五

十七

兵追擊其男婦老幼自北山陡壁扒越遁走張

文奇已帶兵前往抄擊至大股賊衆由西溝奔

竄計首逆必在其內該處係四達之區東北界

連南召南陽東南卽是浙川盧氏均係豫省富

庶之地若被賊匪蹂躪則逼脅自衆臣明亮督

率愛星阿侍衛莫新等由茅河抄出賊前臣興

肇督率侍衛墨臣保副將多爾濟札普等由燕

子河分道抄擊賊匪正在彼處擄人掠食經兩路官兵突出立斃一百餘名賊衆合成大隊搖旗直撲臣明亮親率愛星阿等帶領索倫馬隊馳射衝擊斃賊二百餘人賊始大敗分尋險路扒越臣等窮兩晝夜之力隨剿隨進始將該匪逼回陝境逃遁此次豫省派撥官兵均屬奮勉已咨吳熊光查照鼓勵一面撥兵搜捕山林內打散餘賊共獲掌旗頭目薛成章王思金二名並餘匪黃文禮等七十二名內從張漢潮起事以及與官兵打仗者二十七名概予誅其餘被擄未久者均交地方官妥爲安插現據差探稟報張漢潮等三股賊匪至桃坪仍合一處由商南雒南前竄臣查賊匪回竄之路勢必仍走五郎一帶計此時關贖催收調撥兩項官兵諒

欽定剿平三省邪匪方略

正編卷一〇四

已到齊復又飛咨永保督率官兵卽在五郎一帶迎剿可得前後夾攻以期早滅此股賊匪所有打仗出力各員謹開單呈覽奏入

上命軍機大臣傳諭明亮曰閱所奏打仗情形均已據吳熊光奏報而賊匪之折回西竄未能深入豫境者皆由吳熊光分派官兵三面嚴堵是以賊又向西奔回尙爲明亮之功乎今明亮因屢次打仗得勝遂謂賴伊兜截得以逼回陝境所言殊屬無恥且張漢潮老病無能奔竄窮蹙昨在豫境又身受鎗傷諒無難迅就擒獲若祇剿殺賊夥不能卽縛渠魁豈不復蹈三年來怠玩積習乎至摺內稱賊匪回竄必由五郎已知會永保前後夾攻一節亦係照常敷衍之語賊至豫境時吳熊光分派豫

欽定剿平三省邪匪方略

正編卷一〇四

兵于南北東三面堵截明亮在西面追躡如此四
路合圍尚任張漢潮竄回今祇前後夾攻寧不能
從旁奔逸各路剿賊摺內多有此四字明亮沿襲
套語入奏亦可謂數見不鮮矣總之賊匪一日不
平地方良民一日不能安業雖賊衆多有裹脅附
從之人然任賊往來奔竄以不殺為陰功則生靈
慘遭荼毒領兵者造罪更大惟當速剿賊匪拯救

聖朝實錄卷一百一十 二十

難民以殺止殺其功實大明亮等不可不知也此
次打仗未能即擒首逆雖未滿意而將領弁兵等
連夜冒雨進攻不避艱險實屬辛勤勇往已分別
加恩鼓勵至若豫兵出力之處與明亮無涉吳熊
光奏到時即已加恩矣所有新調之山東官兵未
諳軍紀桀驁不馴到營時明亮須申明約束馭之
以嚴不可致令滋事

上諭內閣曰此次索倫協領秦巴圖等在樂莊西溝
一帶連夜冒雨殺賊不辭艱險實屬勇往協領秦
巴圖著賞給額騰依巴圖魯名號遊擊應元寬著
賞給濟特庫勒台巴圖魯名號叅將楊奎猷遊擊
張元麒著賞戴花翎遊擊游棟雲守備陳應彪著
賞換花翎索倫驍騎校杜爾博等十一員俱著賞
戴藍翎以示鼓勵

聖朝實錄卷一百一十 三

同日松筠奏言查陝省三張逆奔竄無常除翻
山越嶺行走趨捷之外別無長技其各股賊首
亦非必有智能不過指稱一人為首虛張聲勢
是以賊首名目亦無定准如入甘賊匪前此指
名張映祥為首今各路軍營擊獲賊匪訊據供
稱藍號賊首本係張士龍張士虎白號賊首係
張金奎楊天柱楊開甲等並無張映祥其人或

係已死或係詐名賊情狡獪隱現不定均不足據惟在領兵大員鼓勵兵勇或分路設伏截剿或雨夜出奇掩擊似無難尅期蕙事現在白號一股經恒瑞在太平河一帶截擊之後折入階州西和境內復被廣厚吉蘭泰於徐家壩地方潛襲賊營餘匪三千餘人於西河禮縣一帶奔竄有廣厚帶領撒拉爾回兵同吉蘭泰索費英

《聖朝聖編卷三十四》

三

阿分路堵剿至監號一股竄近陽平關爲白龍江所阻未能闖入川西亦幸富成從階州繞赴南面連次截剿賊乃北竄高山老林探知已冬乏食恒瑞分派官兵駐扎白馬關瑤坪一帶賊匪不能竄赴陝境現在竄入黑馬關一帶山林之中恒瑞帶兵在米倉山賈家店等處探赴剿辦甘省之賊似可以次肅清其張漢湖一股賊

匪自兩當縣被恒瑞截回陝境後由城固洋縣五郎鎮安等處竄近商雒如被官兵堵截不能闖入豫省仍應防其折回西竄來甘與白號會合如果折回西竄必經由鎮安及洋縣之華陽城固之小河口若於此三處撥兵駐扎以逸待勞別遣輕兵躡追牽制俟其來而迎擊必可得手而兵力不敷分佈

《聖朝聖編卷三十四》

三

之兵分起遣赴漢中整頓衣履器械就近交永保管領堵剿諒不至久稽時日其徐添德等各股賊匪昨雖闖入紫陽安康交界已經總兵慶溥柯藩道員溫承惠等分投堵截德楞泰亦帶兵由川趕入陝境抄擊現據探報徐添德樊人傑等均已折回川境

臣

仍卽飛札王文雄慶溥柯藩溫承惠等鼓勵兵勇各於要隘處所實力

嚴防但能保固疆圉不致川匪竄入即是伊等之功無需越境邀擊也

松筠又奏言竊臣欽奉

諭旨將富成革職拏問就近提訊遂於接印後馳赴

西和禮縣嗣聞藍號賊匪從階州折竄陽平關

富成已繞向南面兜截臣亦改道東南於二十

一日行抵暑陽探知富成在黃家坪大水溝等

《聖祖聖訓卷二》

《西》

處連次打仗皆有斬獲惟聞其所帶兵丁甚屬

疲憊行走緊急糧運艱難兵勇間有乏食時候

而雨水泥濘山路崎嶇連日奔走兵丁多有跣

足包以牛皮者自應卽為整頓以期得力現在

恒瑞已從長壩向南截擊藍號賊匪是此股已

有大兵剿辦臣一面嚴飭各州縣催運米麵趕

緊接濟派委員弁分赴漢中各處購辦衣履等

物一面飛調富成之兵趕到暑陽稍為休息將

衣履器械整頓完好卽照勒保原奏派赴陝省

會剿張漢湖一股俟兵丁到齊分派停妥另行

奏

聞茲於二十四日富成聞調趕至暑陽臣當卽宣

旨革去翎頂摘取印信將

諭旨內指出各情節逐一嚴詢據富成供稱我係滿

《聖祖聖訓卷二》

《五》

洲世僕受

恩深重帶領多兵不能趕緊殺賊及早蕝事上煩

聖慮理應卽行正法今蒙

皇上天恩不卽置之重典傳

旨訊問我自十九歲當兵出征西路雲南金川等處

從未稍有退縮今由總兵提督擢任將軍尤應

感激思奮更何敢心存滿足推諉玩視總緣聞

劣無能惟知一味追賊有時抄道迎截無如賊
匪狡獪探知前有官兵立即折回或翻山旁竄
又成尾追總未能痛加殲戮每次所殺賊匪實
在不多心中著急無顏奏報仍照在四川時具
報經畧實是我糊塗該死至於兵丁饑瘦情形
雖州縣日日運糧緣賊蹤無定行營亦無定所
米麵必須駝負迨探知軍營所在將近趕到賊
匪已經逃竄不但不走大路且不由小路竟自
翻山爬巖深林密箐隨欲隨行官兵只得跟蹤
緊追不及等待其運來糧米又須覓道繞送往
返迂迴又趕不上故不能按日支領只得零星
在就近村寨採買散給不得飽食皆屬實情我
原帶山東兵三千五百名向在兗州鎮任內管
教熟習故於湖北四川打仗甚屬得力因陞任

欽定剿平三省邪匪方略

正編卷一〇四

四川提督將軍此次來甘帶領四川貴州雲南
洮岷河州各營兵丁並河南四川貴州各處鄉
勇通共七千餘名除傷亡病故外現存兵三千
九百八十名鄉勇二千三百九名各有將備管
領語言性情不一我又無能妥實訓練以致打
仗常不得力又隨帶駝騾甚少鑼鍋帳房一切
多係兵丁自行背負行走未免艱難到打仗時
先到者不過二千多人山路崎嶇每遇雨水泥
濘催令奔走衣履易於破壞兵丁多有跣足或
用牛皮包裹行走每以好言勸說兵丁亦知感
奮近日於黃家坪大水溝黨家坪蔣家山毛壩
山連打數仗尙能奮勇殺賊但斬獲之數仍復
無多已於本月十五二十二兩日具奏究竟不
能痛加剿殺心中愧恨交集至兵丁沿途俱知

欽定剿平三省邪匪方略

正編卷一〇四

守法惟鄉勇人雜乏食之日不無搶奪強買情

事我曾隨時懲治在成縣里落將四川鄉勇

李五正法又在禮縣孟家梁將河南湖南鄉勇

張文學董受林正法其割耳插箭捆打示懲者

尤多實不敢縱容騷擾百姓但不能預為防閑

約束就是我的不是只求將我從重治罪等語

臣自入陝境即聞其帶兵剿賊徒事尾追今經

聖朝舊編卷二

天

遵

旨嚴查審訊始知兵力疲敝實在情形除富成經過

地方州縣運糧有無玩延容俟嚴查辦理外富

成身為將軍受

恩深重如果自揣才力不勝即應早日陳奏至於驟

腳衣裝軍行官員所必需亦並不奏明添給咨商

製辦因循耽延以致兵力疲敝不能迅速蕩事

實屬罪無可辭謹訊取確供先行具奏一面委

知州張利溥都司米章將富成押解赴京送交

刑部恭候

諭旨辦理其成都將軍印信俟慶成到陝即行委員

賫送奏入

上命軍機大臣傳諭松筠明亮慶成永保曰松筠奏

設法剿堵情形所辦俱合機宜各路賊匪本無長

聖朝舊編卷二

天

技不過恃行走趨捷到處狂奔其各股賊首亦無

一定名目不過指稱一人為首虛張聲勢現在白

號一股經恒瑞擊敗後奔竄西和禮縣一帶已有

廣厚吉蘭泰等帶兵堵剿藍號一股由米倉山南

竄未致闖入川西賊勢已就窮蹙惟在帶兵各員

相機辦理堵剿並用斷不可徒事尾追疲勞兵力

現在所調各兵自己陸續到陝倘必須再添生力

清兵卽據實速奏以便酌量調撥如已足敷剿捕
 實可無庸添調亦卽奏聞至富成怯懦無能實有
 應得之咎但各路剿賊皆蹈尾追之弊縱使富成
 能抄出賊前而賊匪一遇官兵折回旁竄又成尾
 追之勢不得以此獨罪富成一人其不能約束兵
 勇一節據伊洪明因鄉勇搶奪強買節次正法三
 人割耳插箭網打者尤多尙非富成全不管束此
 等鄉勇藉端生事各路諒所不免亦不得以此入
 富成之罪惟伊帶領一路官兵剿賊僅以具報經
 畧爲詞數月之中全不自行陳奏實屬糊塗已極
 經畧與帶兵大員均在一路或同在一營自應歸
 經畧一人奏事今富成與勒保不但各爲一路且
 在隔省地方若將軍情報知經畧轉奏豈不更爲
 迂遠伊係將軍大員竟不仰體朕盼捷殷懷實不

聖朝實錄卷一百

三

可解伊在甘省剿賊或不知四川軍營隨時奏事
 而恒瑞明亮廣厚等各路具摺伊豈毫無聞見富
 成似此昏憤斷難勝大員之任伊之獲罪卽在乎
 此現在松筠已將富成解交刑部治罪想伊到京
 所供亦不過如是則別無他罪可擬富成年力就
 衰且曾經受傷所帶兵丁奔走疲乏自屬實在情
 形近日富成尙能勸勵兵丁在蔣家山等處打仗
 截回藍號賊匪不使竄入川西卽此一端尙可加
 之寬貸况伊帶兵日久究係軍營熟手富成著加
 恩免其治罪作爲披甲留營帶兵以觀後效如此
 時業已起解仍行截回於松筠慶成明亮永保四
 人軍營何路較近卽將富成交與該一路軍營差
 遣效用如能自知愧懼勉贖前愆著據實奏聞尙
 仍前畏葸不思認真出力卽當嚴叅治罪

聖朝實錄卷一百

三

初五日王辰王永保奏言臣接奉

諭旨令在陝省東南邊界堵剿張高二逆與倭什布

夾擊維時正值張映祥張漢潮二逆在陝省北

棧東西兩面游奕滋擾臣帶兵在鳳縣留壩一

帶棧內堵截係在陝省西面邊界其平利縣在

陝省東南邊界中隔漢江相去千餘里此處正

當喫緊之際臣未敢拘泥遽赴東南旋據平利

稟報賊匪又西竄安康境內平利已無賊蹤嗣

復接奉

諭旨以留壩兩當一帶又關緊要命臣毋庸拘泥前

旨仰見

聖明洞燭機先因時指示伏查陝省南面一帶西自

寧羌至迤東南鄭西鄉紫陽安康平利等州縣

之南界與川省廣元南江通江巴州太平大寧

等州縣之地界毗連而平利係東南極邊之一

隅東面又與湖北竹谿連界川省賊匪被剿緊

急或在兩省交界之深林密箐藏匿潛出窺伺

或入陝境滋擾是以南面一帶提督王文雄

總兵柯藩慶溥分帶官兵在西鄉等縣南界分

頭相機堵堵該匪等不能深入陝境折回向東

奔竄楚界楚省堵禦嚴密又復折回川境其來

往奔竄情形總無十日半月停留若見一股賊

匪退後緊追跟剿又恐他股乘隙闖入是陝省

之南面與楚省之西面總在堵禦緊嚴不令賊

蹤闖入則嶺勒登保德榜泰在川分領重兵剿

辦方為得力現據王文雄柯藩慶溥咨報及各

縣稟稱近有由四川通江竄來一股賊匪至西

鄉簡池壩地方經王文雄分兵攔截仍翻出陝

境又樊人傑一股由太平竄入紫陽境內經柯
藩分兵防堵轟擊該匪復與龍紹周唐人信二
逆合夥翻越界嶺折回川境張添倫高均德二
股由平利安康折入紫陽盤廂河見北面有柯
藩官兵防堵亦翻界嶺竄回川省太平境內又
小藍號宋王二逆經慶溥堵截折入沿河亦由
兩扇門翻入川境刻下陝省南面境內已無賊
匪旬餘之後遇川省追剿緊急該匪等勢必復
圖奔竄是各匪情形雖較前散敗並無一定意
見決欲何往而其行跡所向詭詐狡猾實難預
揣至張映祥賊匪現在陝省之西面甘肅境內
分爲藍白兩號此數月內總在甘省之秦州階
州成縣西河文縣白馬關一帶來往奔竄該處
西南有白水江一道東南有嘉陵江一道現在

欽定剿平三省邪匪方略

正編卷一〇四

江水盛漲不能越渡聞恒瑞廣厚吉蘭泰觀祥
等均東北兩面相機兜截其張漢潮一股賊
匪一載以來總在漢江之北陝西省城之南終
南山內蓋屋鄆縣鄆縣五郎孝義鎮安商州雒
南山陽一帶州縣地方來往奔竄現在向東狂
奔已至雒南與豫省連界地方係在陝省之極
東邊界明亮已帶兵追剿其山東續調官兵已
經明亮調赴商州自可就近調遣此陝省東西
南三面之賊情並官兵堵截剿辦之現在情形
也臣現已將餉銀趨運出境帶兵東向松筠約
於三五日內亦可旋抵漢中臣路過時將應辦
一切告知並將軍餉等件交松筠經理臣即趕
赴明亮一路並蒙
聖明鑒及陝省兵單派令慶成帶領直隸官兵來陝

欽定剿平三省邪匪方略

正編卷一〇四

協剿適又准松筠咨令慶成趕赴臣一路會同

辦理計六月望後慶成亦可到來會合剿辦更

資得力惟是現在陝省東西南三面俱有賊匪

奔竄處處均關緊要臣於陝西通省有地方之

責三面均應瞻顧張漢潮股匪雖已東竄仍在

陝省境內是以必須先行趕往亟圖會剿冀該

匪經豫省堵禦明亮兜截仍折回向西奔竄臣

聖祖聖孫編卷一百

美

正可迎頭截剿與明亮兩面夾擊但臣相離雒

南尚有一千餘里及至趕到彼處又不知情形

如何倘豫省未能堵截竟致竄入豫境臣臨時

斟酌情形或應直赴豫省會辦或又有別處關

係緊要必須趕往堵截即一面奏

聞一面帶兵前往相機安辦

永保又奏言川省餉銀前經臣改造小匣裝盛

分兵沿途安營護衛分起自鳳縣前進旋訊據

逃出被裹民人供稱張漢潮賊匪聞餉銀俱用

騾頭馱載意欲搶騾乘騎以便奔走等語該匪

等雖已東竄然既有窺伺之心防備更宜周密

臣即聚集兵丁紮營二三座其餉鞘騾頭夜間

俱於營內分派安頓不使散處催令餉銀併起

行走沿途分派官兵前後照料於十五日全數

聖祖聖孫編卷一百

毛

俱出北棧已抵褒城縣正擬仍令分起向南棧

前進又據畧陽縣寧羌州稟報竄入甘省之張

映祥賊匪自甘省折回東南竄近陽平關一帶

查陽平關在南棧西面可通大安驛寧羌州之

大路餉銀一入南棧必須由大安寧羌經過住

宿又當亟為籌備雖川省需餉不甚緊急然近

聞該省軍儲亦微有缺乏似未便遇事遲延且

餉銀早日出境騰出兵力臣尚須移顧他處是

以卽先帶兵趕赴大安紮營探聞賊匪雖竄近

陽平關離大路一百餘里而其間隔有嘉陵江

臣卽酌派將備帶領官兵在東岸水淺處分段

嚴密防守渡船俱移於東岸該匪等屢欲涉水

並假冒官兵喚渡均經官兵鎗斃擊退適大雨

浹旬水勢陡發東岸又有官兵防守賊匪勢不

能越渡臣卽乘機催趨餉銀併起行走冒雨前

進已於二十六日全數均過寧羌出境抵川省

廣元縣之神宣驛臣已先委糧道張端誠前赴

點交川省亦派有知府丞倅各員在彼接收餉

銀隨到隨由朝天鎮下船裝載順流南下現在

河寬水溜行走迅速離張映祥一股賊氛更遠

前途無阻亦可計口而到至張映祥賊匪因陽

平關有備河水漲發不能竄出仍折回甘省階

州一帶彼處有恒瑞廣厚吉蘭泰觀祥等帶兵

截剿探聞松筠不日卽可前來漢中臣現擬帶

兵趕赴明亮一路協剿再查健銳營正紅旗前

鋒叅領佛寧前因押送冉文儔首級赴京途次

接准惠齡行知截回行抵褒城縣因聞臣帶兵

前往華陽山堵賊佛寧卽就近同原帶之正黃

旗蒙古前鋒校達冲阿赴營跟隨打仗見賊匪

敗退卽趕上追殺不意失足陷入稻畦落馬賊

匪回頭用矛連戮達冲阿下馬趕救亦受矛傷

同時陣亡均奏入

上命軍機大臣傳諭承保曰此次餉銀經由鳳縣一

帶賊匪意圖搶掠前經承保改造小匣俾得輕便

行走復隨處安營設衛催令進行茲已全數出境

交川省委員接替前運不致稍有疎虞所辦尚屬妥協前因陝省東南邊界一帶張高二逆滋擾是以令永保帶兵前往與倭什布爲夾擊之計嗣以留壩一帶正關緊要復諭永保自行酌量今永保能不拘泥遠赴東南仍在西南一帶堵禦所見甚是軍務移步換形斷不可拘泥遵旨現在賊勢又與上月迥異永保自應由西向東進擊但據稱

聖朝編纂卷一百一

四

擬赴明亮軍營協同剿賊此時永保距明亮處較遠且伊從前所帶官信之兵除疲病外堪以打仗者僅有千名倘途次猝遇張漢潮一股兵力無多豈能奮剿若再輕試其鋒稍挫銳氣更屬不成事體永保莫若就近先赴松筠一路或俟慶成到後一同帶兵或札商松筠酌量分給兵力以資剿捕總在臨時察看機宜回應注意張漢潮速擒此賊

以洩衆憤尤當加意慎重議定後戰不可輕率從事急欲見功也至通江賊匪一股竄至西鄉簡池壩地方經王文雄分兵攔截仍翻出陝境其樊人傑一股由太平竄入紫陽境內張添倫高均德二股由平利安康折入紫陽盤龍河俱經柯藩分兵堵擊折回川省又小藍號宋王二逆經慶溥堵截亦已翻回川境是此時陝省南面境內已無賊匪

聖朝編纂卷一百一

四

其折回川境各股勒保正得併力剿辦聚而殲旃此卽係王文雄柯藩慶溥之功至前鋒參領佛寧前鋒校達冲阿因趕殺賊匪受傷陣亡殊爲可惜俱著咨部賜卹

欽定剿平三省邪匪方略正編卷一百五 巳未年

六月初九日丙申福寧景安奏言臣等接據太平

總理同知淡士瀨等稟稱浪子聰等逆昨竄入

通江分作三股奔逸額勒登保現由柳林溪一

路前進相機兜擊至德楞泰所剿龍紹周樊人

傑各匪復從陝西紫陽界嶺折入太平仍向城

口竄匿德楞泰已由陝西六道河躡剿前來查

《聖祖聖訓編卷一百一》

兩起官兵不下二萬需糧實多前經飛檄通江

南江巴州等處協力轉輸以供額勒登保一路

官兵之用其德楞泰軍營所需兵米全賴太平

供送而太平之糧必須達州東鄉源源撥解方

足以資接濟嗣因太平之長壩青花溪一帶運

道柳塞經勒保派令副將褚大榮帶雲貴新兵

二千餘名前往疏通道路業已肅清糧運均可

通行無滯前差解額勒登保軍營銀二萬兩及

角弓等項行次通江黃連壩地方猝遇賊匪當

即折回民寨暫住適勒保派委叅將張良槐帶

兵二千名前赴額勒登保一路協剿道經黃連

壩一聞餉銀被阻當即趕往救護立將賊匪擊

退銀兩得以迅速抵營用濟要需惟賊蹤詭秘

往往於官兵過後旋即四出紛擾冀圖擄掠頃

《聖祖聖訓編卷一百一》

據通江縣知縣徐廷鈺稟報該縣草石壩雙灘

子等處俱有賊匪滋擾後路時梗時通臣等復

一面諄飭承辦各員凡遇滾運各營糧石務宜

倍加慎重免致疎虞又包正洪一股賊匪經總

兵朱射斗帶兵跟蹤躡剿現復追至隣水大竹

境內其兵精已令附近各州縣四路妥速運供

此外如大寧奉節凡有竄匪地方俱經預飭各

州縣於師行必經處所擇險要築洞備貯軍糧

俟官兵入境即可隨地支放俾免臨時周章臣

等前因存餉告罄新餉未到無項可支經藩司

林僑用印票在省城各舖戶奏借銀六萬兩解

送達州暫為敷衍茲部撥餉銀據報已入川境

一俟解抵達州即可將兩月以來各營未領之

項次第找發並將借項清償但年來川省軍費

實屬浩繁臣等惟有加意撙節覈實支應其糧

石亦即嚴飭各站員妥為護解設法躡道運送

並查上年採買穀石除節次碾運外止敷數月

之需察看賊勢情形尚須預為籌辦奏入

上命軍機大臣傳諭福寧景安曰福寧等奏籌運糧

餉情形額勒登保一路軍營祇解過銀二萬兩伊

所帶兵數不減於德楞泰且亦有吉林黑龍江官

兵在內而供支銀數如是之少則德楞泰之浮冒

更無從置辯矣至所稱藩司林僑用印票在省城

各舖戶借湊銀六萬兩解送達州一節此係權時

濟用則可究非良法昨據永保奏餉銀已全數入

川計此時可陸續前抵達州所有前借舖商之項

即應還給仍須派令委員按各舖戶照數清償毋

任經手吏胥從中藉端弊混致滋擾累至各處賊

匪蹤跡靡常今野無可掠更欲窺伺官項冀圖劫

奪不可不倍加慎重福寧等務須嚴飭各該運員

小心護解勿稍疎虞此時各路軍營雖不敢如從

前之以歌童舞女飲食宴樂任意濫支濫用但一

切支發總宜核實撙節至此次派令景安赴川辦

糧不過予以自新之路其籌辦轉輸供應等事焉

能如福寧之熟習景安係棄瑕錄用之人尤當精

心辦理

自後改幫同認真辦理無負朕宥過施恩之意

同日慶成奏言臣前於井陘途次經督臣胡季

堂派撥頭起官兵交臣帶領由晉兼程前進於

五月二十七八等日已抵潼關其由豫行走之

後起官兵係自直省間日起程途次遇雨泥濘

尚未到關臣差弁飛催於六月初一初三等日

二兩起到來其第四起日內亦可趕到現在

刑部彙纂卷五

五

潼商道委員照料接起酌給夫驛馱載臣點驗

齊全申明紀律帶領進剿茲探聞張漢潮一股

由商維一帶奔至豫屬盧氏邊界雖經兵勇堵

截適遇大雨連綿溝溪水漲折回陝境該匪等

連年竄匿陝屬之商維鎮安孝義一帶翻越崇

山峻嶺輾轉牽誘以勞我兵明亮急趨窮追兵

力漸疲幸邀

皇上洞燭機先添給山東補額之兵又蒙派臣帶領

直隸兵一千六百名前來協剿但張漢潮等狡

獍奔馳異於他賊近日裹脅匪黨較多愈肆狂

竄屢被蹂躪之處人民遠避糧食稀少無可搶

掠揆其詭計非逃向豫楚勢必復竄距省較近

之蓋屋鄆縣郟縣一帶市鎮滋擾陝西腹地有

此竄匪不獨隣封各省均須設防而剿辦川匪

刑部彙纂卷五

六

亦多掣肘此當亟應剿除若僅一兩路單弱之

兵徒事追躡恐又蹈牽綴疲勞之弊臣悉心籌

度必須各路厚集兵力兜截殲剿使賊不能遠

遁震懾渙散即可迅速撲滅前額勒登保等剿

盡羅冉冷等逆亦藉重兵合力是其明驗現在

川匪未淨漢江一帶扼要防兵自不可疎而張

映祥一股竄匪又在陝甘邊界恒瑞帶兵剿捕

喫緊均難分力兼顧茲山東兵既赴商雒明亮處兵力較前稍增並聞松筠自甘回陝後永保亦即由漢中前來協剿臣一俟兵齊即帶領由南山一帶探迎賊蹤剿辦並知會明亮永保相機併力合擊期於一鼓殲盡奏入

上命軍機大臣傳諭慶成曰慶成一路所謂直隸官兵已接續可抵潼關慶成以張漢潮狡獪奔馳異

聖朝聖訓卷二

七

於他賊急應厚集兵力兜擒截擊所見甚是剿捕賊匪全在合集眾兵併力兜擊方可集事若不察度賊情祇就現有之兵隨帶前往急欲殺賊邀功究不過與賊匪零星打仗而兵力不足豈能一鼓成擒於事仍屬無益今慶成於直隸官兵未經到齊之時畧為停待一俟各起兵丁齊集再行探蹤迎剿似此養精蓄銳並不急於見功方合機宜此

時直隸兵自己到齊慶成惟當與明亮永保合力奮擊將首逆張漢潮剋期撲滅朕必加以懋賞現在張漢潮屢經敗竄勢已窮蹙慶成等進擊時如有從賊打仗臨陣始行棄械投出者皆係黨惡匪徒法所必誅不可輕聽受降致留餘孽如實係裹脅難民自行投出者仍當妥為收卹至慶成如能將張漢潮速行擒獲後其應往何路協剿之處朕

聖朝聖訓卷二

八

亦不為懸定或即帶勝兵與恒瑞夾擊張映祥一股或先向東南擊剿張添倫高均德等竄匪倘其時藍號白號等股賊匪業經剿竣慶成等即徑赴勒保軍營會剿川省各股賊匪自更得力惟在察看情形相機迅勉也

同日廣厚奏言白號賊匪經臣在勾旗寨剿敗後冒雨狂奔嶽縣之麻陽河沿途並不停留即

時南竄大河店臣料其情急必由白水江逃竄人陝隨即一面躡蹤緊追一面知會吉蘭泰自武家坪進兵兩路夾攻及臣兵抵楊家灘賊匪正欲過渡都司張廷相署同知縱司燁署縣丞席濂首先趕到卽率兵用鎗礮轟打賊匪慌亂遂沿江而上奔赴虞關臣帶領都司陳五輯署知縣李世華等隨後掩殺該處山徑險仄賊匪擁擠踐踏人馬滾下懸岩跌斃甚多吉蘭泰已由武家坪帶兵前來正與賊匪迎面率領遊擊閻燮和都司來興等奮力截殺臣復派令遊擊和保守備赦世俊帶兵四百名馳赴莫家坪小路兜截就近策應賊匪見我兵三面圍捕疑而走險捨命向白水江淌渡多被衝沒我兵乘勢逼趕又復擊斃多名其幸得過渡者情形極爲

聖朝平三省邪匪方略

九

狼狽奔竄畧陽縣之九股樹中三川等處其勢仍係趨向川北不致闖入川西完善之地此次共斃賊匪約五六百名本地被裹之人乘間逃出者二百餘人生擒黃喜友等男婦六十一人訊知楊開甲張金魁因屢被官兵剿殺折傷戰手已多甘省被擄之人又逃散將盡急欲逃回四川本擬由楊家灘渡口搶船過江經官兵追殺探聽得虞關水勢尚淺所以拚死奔來搶渡當將黃喜友等正賊三十五名正法其呂成等男婦二十六人均係本省良民當卽釋放臣查徽縣所屬虞關一帶山深林密恐尚有餘孽潛藏現在分派將備四路搜捕務使根株淨盡綏靖地方臣卽遵旨與吉蘭泰分駐要隘以防此股賊匪復行折回至

聖朝平三省邪匪方略

十

鞏秦階各屬疊遭賊匪焚掠居民顛連失業深

堪憫惻幸入夏以來雨水優渥二麥豐稔臣已

出示曉諭令百姓趕緊刈穫趁早復業再藍號

賊匪自竄過階州佛入崖後尙在與階州毗連

之陝省寧羗州楊家壩等處恒瑞率同總兵觀

祥剿辦又總兵索費英阿帶兵一千五百名經

松筠飭令亦由階州探蹤堵剿自可不致折竄

臣仍隨時差探如藍號賊匪尙未竄遠即當與

吉蘭泰酌分兵弁帶往截擊俾甘省一律肅清

奏入

上命軍機大臣傳諭廣厚曰此時甘境已無賊匪但

賊蹤往來無定而蘭州省城現有楊揆蔡廷衡在

彼足資彈壓廣厚吉蘭泰不必即回省城仍當在

甘省邊界一帶駐劄防堵設有敗竄賊匪仍行折

回廣厚等即可迎頭截擊但亦不必越境追剿並

不必遠及陝省廣厚等現在帶兵剿賊非如松筠

之身任總督必須兼顧陝西者可比惟當嚴防本

境不使賊匪復行闖入以期綏靖地方至撤拉爾

回兵此次摺內未將伊等是否出力之處提及該

回兵等從前告請來營原資剿捕之用今甘境已

就肅清止須安營駐守自不必令伊等一同在彼

閒住但既已遠來如有出力者亦應量加獎賞若

廣厚查明此項兵內若有實在奮勇出力之人即

行奏明賞給頂戴以示鼓勵並著廣厚察看情形

如該回兵已無需用之處即厚加賞資遣令回歸

本處倘藍白二號賊匪尙有窺伺甘境折回之意

勢須多兵剿捕即將該回兵等仍暫留營應用亦

無不可總在斟酌妥辦不可拘泥

聖祖聖孫萬壽無疆

聖祖聖孫萬壽無疆

3

上又諭內閣曰白號賊匪經廣厚帶兵追擊在虞關地方掩殺多名吉蘭泰亦帶兵前來迎擊賊匪逃向白水江洶渡多被衝沒我兵乘勢追剿賊匪窮竄畧陽地方不敢闌入川西完善之地此皆廣厚吉蘭泰二人之功深為可嘉著交部議敘以示獎勵

十二日巳明亮與肇奏言查張漢潮股匪因追

剿香匪

三

兵緊急仍由商南維南尋覓山徑分股亂竄連日臣等兼程追剿不與以暇新到東省官兵未能全數趕上即現到數百名翻山越嶺亦不能如陳兵之趨健臣趕緊進剿勢難稍待仍令鎮臣長春在商州收齊帶領前來初二日臣馳抵膠樹坪探得賊匪又復分起狂奔其頭股由紅門寺折回後股由米湯河遁走均於牧護關會

合向東北逃竄屢據獲賊供稱張漢潮誘官兵入山知商州以北兵守空虛且處處可通豫省是以分爲兩股奔竄意欲牽綴追兵該逆籍隸襄陽其由豫回楚之心蓄意已久且現竄之路又復逼近商州當即飛飭長春將現帶東省官兵於商州入豫之泥峪口牧護關等處擇要堵禦並嚴飭商州知州陳祁帶領壯勇協力防堵

剿香匪

四

臣亦連夜趕回秦嶺口攔剿次日該匪竄至牧護關聞有兵勇堵禦復折回米湯河經臣前隊兵勇擊剿衝殺五十餘名賊匪正在抗拒間遙見臣帶領馬隊從山而下即四散奔逃飛即督兵緊追擒殺七十餘人餘匪均由隱峪口西竄該處離西安省僅百餘里附近村莊稠密恐逼近省垣民心惶惑一面飛飭藩司馬慧裕臬司

台斐音鎮靜堵禦曉諭居民勿稍驚慌是夜二

鼓發兵臣明亮親率愛星阿侍衛鄂爾綏等帶

領馬隊由石灰場進剿臣興肇督率侍衛墨臣

保副將多爾濟扎普等由觀音廟進剿黎明馳

抵湯峪口賊匪前隊在高山望見飛即遁走其

後隊三四百矛手尚在張家寨擄掠一見官兵

即四散爬山遁逃經兩路官兵兜擊並有本地

五劉聖看龍鳳臺編卷二五

百姓數百人隨同齊力追殺共殲賊匪一百

餘名復於林箐內搜出賊匪黃潤等六十三名

發交知府趙洵分別辦理臣仍督兵追至秦嶺

沿途擒殺五十餘名餘匪仍跟賊衆大隊翻嶺

南竄伏思張漢潮在各股賊中最高為狡猾其伎

倆不過向無兵處所往來遊奕一經趕上東擊

西奔南截北遁且分合無常詭詐百出總因陝

省路徑紛歧到處無兵攔擋不能制其奔竄之

路今蒙

恩添派陝甘山東補額新兵二千餘名復

命慶成帶領直隸官兵一千餘名並永保帶領官兵

均歸臣一路協剿又准勒保奏撥恒瑞處四川

雲貴官兵三千名此時惟東省官兵甫經趕到

臣已派長春帶領在後趨行以上各項官兵尙

夫劉聖看龍鳳臺編卷二五

未到來而統計全數已一萬有餘兵力不為不

壯若即分爲兩三路進剿亦不能制其四竄之

路惟有通盤籌畫堵剿兼施以期尅日蕪事

明亮又奏言查陝省地方遼澗正南自漢陰石泉

城固洋縣漢中以至棧道正北自鎮安五郎山

湯商州商南雒南以至河南正西自孝義藍田

以至西安西南自盩厔鄠縣郿縣寶鷄鳳縣以

至甘肅迴圍綿亘數千里賊匪盤繞折竄於萬山之中官兵徒事追剿勞而無益卽分兵兩三路截擊或稍有遲滯亦不能制其奔竄臣追擊賊匪往來數次日視情形莫若將賊匪必由之要路四面嚴密防堵各路專派大員帶兵往來稽查截剿以專責成另派兩路官兵緊躡夾擊不但官兵不能受其牽綴之累而賊見到處有

《聖朝聖編卷五》

七

兵又有緊追官兵其伎倆亦無可施則擒渠掃蕩指日可期查各路防堵官兵若不多派祇能堵禦不能截剿仍屬有名無實而從中緊躡夾擊官兵若非稍知軍旅不辭勞瘁之人統領亦不能得力臣一路官兵追剿日久習勞已慣屢成打仗奮勇熟悉地勢臣與慶成各領兵三千名分注兩路從中會合夾擊至於石泉漢陰城

因洋縣漢中一帶山內緊要約需兵二千五百名擇要堵禦另派一大員帶兵一千五百名駐紮適中之地往來稽查堵剿過其南竄之路鎮安五郎每處各撥兵一千名堵禦另派鎮將委員帶兵一千五百名往來稽查堵剿過其折竄之路商州商南雒南山陽每處各撥兵一千五百名往來稽查堵剿過其北竄豫省之路孝義藍田就近交西安藩臬兩司撥兵防堵過其西竄之路若兵不敷用臨期可調撥山商一帶官兵協剿如此四面嚴密防堵稽查協剿各專責成如有實心出力者逾格保奏如有托故畏蕙者指名嚴參則官兵各思奮勉於堵剿實有神益查豫省各處派撥官兵原爲堵截張逆而設與其分撥各要隘兵分見單莫若移至商州一

《聖朝聖編卷五》

六

帶分設卽派張文奇田永桐領兵稽查協剿使賊匪不能至豫省界內誠爲事半功倍計豫省防堵之兵可得三千餘名臣等各處新陳官兵共有一萬三千餘名除分撥堵剿外尙不敷二千餘名一俟官兵到齊再行酌量增減以敷堵剿之用奏入

上命軍機大臣傳諭明亮曰明亮係素習軍旅之人

聖祖聖孫編卷三

六

從前隨同阿桂屢次出兵且曾獨當一面今剿辦張漢潮一股賊匪並非大敵豈可任其東奔西竄日久總未成擒本日所奏打仗情形仍係敷衍塞責甚不滿意其籌畫分布要路各事宜于南路北路西路及東北各緊要處所派兵分投堵禦並各派大員帶兵往來稽查扼其奔竄之路以專責成如此四面堵截明亮與慶成再各領官兵分兩路

聖祖聖孫編卷三

七

從中夾擊布置尙爲妥協若將來賊匪於何路逸出卽惟該處領兵大員是問其官兵防堵之地必須擇人烟稠密處所屯劄俾賊匪不敢至鎮市焚搶所過不過窮山僻壤無可掠食自必日久疲敝卽賊匪欲向村鎮搶掠官兵以逸待勞賊來卽擊更可事半功倍至所稱調派張文奇田永桐至商州分駐一節斷不可行朕節次降旨諭令各省督撫俱於本省邊界防堵不得越境剿賊明亮寧不知之且明亮摺內亦稱張漢潮欲誘官兵入山乘間由豫省衝過逃回湖北今乃欲將豫兵移駐陝境寧不慮賊匪偵知豫省邊備空虛又復乘向東竄吳熊光現無兵力何以禦賊卽使明亮與張文奇田永桐跟蹤追躡已在賊匪之後豈非驅賊入豫令其回襄陽本籍耶且張添倫高均德尙在陝

楚邊境遊奕此二賊之意亦刻思由豫逃回楚省
自必令賊探聽設聞知豫省無備向彼竄逸更
將何以禦之况豫省本境卽有土賊潛匿伏而未
動今見防兵遠出乘間竊發尤屬可慮明亮之意
祇欲以多兵剿辦張漢潮一股全不爲豫省計殊
不知陝豫俱關緊要不可顧此遺彼明亮久歷戎
行何憤憤若此至所稱山東新兵不如陳兵之語

欽定剿平三省匪方略

正編卷一〇五

尤屬非是明亮等所帶陳兵往來剿賊不無疲乏
豈有生力新兵轉致不如疲乏陳兵之理前此明
亮往往以兵力單薄藉口及至添調多兵又以不
能得力爲詞則必如何而後可耶設或因山東兵
力可以剿賊得勝明亮恐其分功故爲此語則居
心尤爲鄙陋本朝開國之初不過以一旅之師入
關定鼎康熙年間吳逆等搆亂阻兵七省爲之震

動其時國家財力豈能如今日之充裕惟賴我滿
洲勁旅以寡敵衆次第削平今剿捕教匪已逾三
載調集數省官兵糜帑至數千萬兩尙未悉行撲
滅至張漢潮已老病無能乘坐竹兜窮蹙奔逃且
據明亮所奏賊衆祇有二千餘名明亮各路分布
官兵有一萬三千之多卽此內有疲乏者計其得
力之兵不下萬餘較之賊衆已及五倍若各兵齊

欽定剿平三省匪方略

正編卷一〇五

集後再不能一鼓殲擒則明亮何顏復行奏報卽
有摺遞到朕亦不復批示任其所爲而已明亮著
傳旨嚴行申飭伊接奉此旨當倍加愧勵務將張
逆一股于兩月內迅速殲擒肅清陝境此時藍白
二號賊匪俱已殘敗有恒瑞等在彼剿捕不日自
當殄滅明亮等於剿平張逆後卽移師剿辦張添
倫高均德一股以期尅日肅事不得再有稽延示

啓

同日倭什布奏言查前竄竹谿邊界之張添倫高均德等股匪於敗退後先後由陝省平利折入川境內有一股竄及川陝交界之板篷子地方因山深多雨未能遠遁折回平利繳子坪一帶屯聚近復自老鴉絆東竄至石寨河擬閣樓等處距竹谿縣之西南河竹葉關等卡只數十里臣於前月即將沿邊營卡事宜逐一整頓現值賊蹤逼近臣復往來各卡巡邏督率將備晝夜堵守並酌量派撥兵勇分投協堵其川省大寧賊股竄及大寧縣屬之草橋壩及奉節縣屬之崇木嶺亦恐進竄楚界所有房竹與大寧接壤處所臣亦嚴飭守卡員弁先事籌備守禦至張漢潮一股賊匪經明亮等逼剿緊急竄至南

州商南境內楚省二鄂北面邊界毗連商南臣以竹谿邊境現有賊股竄近未便移兵前赴二鄂已屢飭駐守鄂西縣各文武帶領兵勇實力相機迎堵其鄂縣邊界飭遊擊郭廷振帶兵堵守並撥兵五百名令守備張懷毓帶往策應設該匪竄近亦足以資截剿奏入

上命軍機大臣傳諭倭什布曰張添倫高均德兩股賊匪經官兵擊退後由平利折入川境近雖東竄石寨河等處距竹谿較近但該督早經先事豫籌前進圖說內分防布置情形甚為妥協務須督率將備于交界處所實力嚴防以堵為剿毋稍疎懈致令賊匪闖入為要

同日吳熊光奏言連日各鎮將等帶兵于境外數十里之內搜捕餘匪均已肅清探聞張逆仍

聖訓卷五

三

聖訓卷五

三

由商州西竄鎮安一帶明亮等大兵緊躡追剿
臣於沿邊山徑村莊往來查看避難民人漸次
復業督飭陝州知州諸以謙盧氏縣知縣盧建
河等妥為安撫民心已屬寧貼所有直隸官兵
已於初三日全數送出閩鄉縣境會集潼關慶
成統領前往張漢潮係老病受傷之賊今明亮
等又添此一路生力勁兵自可分路兜擒惟是
該逆蓄意逃回襄陽本籍必欲假途東竄是以
屢次拚命撲犯豫境雖節經官兵截退而賊蹤
飄忽路徑紛歧該匪往來既熟實難保其遂無
窺伺之心查西路邊界綿亘四百餘里祇就盧
氏所屬山路可通者四十餘處賊匪窮極狂奔
翻山越嶺是其常技是以上兩次楚匪至豫滋
擾時出入均由盧氏而此次張漢潮又由界嶺

聖訓卷之三

三

之旁翻山闖入經官兵立時擊退是盧氏邊境
較之浙川尤為緊要現在河北鎮臣張文奇率
同遊擊蘇大雄李正品等分帶弁兵於界嶺朱
陽關等處扼要駐劄防堵其荆子關西坪等處
本係南陽鎮所轄現有鎮臣田永桐率同參將
蔡鼎德勝等帶兵分駐各專責成仍互相策應
其兵力不及之處 臣復令按察使銜糧道完顏
岱南汝道陳鍾琛等挑練鄉勇分防卡隘以助
聲威佈置實已嚴密 臣帶同林嵐等酌帶兵勇
暫駐盧氏不時確探陝境信息相機調度以期
綏靖疆圉奏入

聖訓卷之三

三

境雖已肅清民心寧貼張漢潮本係楚人其意總欲竄回襄陽本籍邊境一帶仍當隨時留心防範不可稍存懈怠該撫現派張文奇田永桐蔡鼎蘇大雄等分段帶兵駐守並令道員完顏岱等帶領鄉勇防守卡隘吳熊光仍在盧氏駐劄佈置均屬妥協該撫務當督率將領綏靖疆圉再吳熊光前奏訊據獲犯供稱張漢潮衝撲界嶺時與官兵接

聖朝聖訓卷五十五 七

仗已中鎗傷此一路係守備楊景芬帶領豫兵剿殺但張逆得受之傷是否係中烏鎗抑係長鎗其用鎗傷賊者係何弁兵前摺未經詳敘姓名著卽查明覆奏以便酌加獎賞

十五日^{壬寅}松筠永保奏言^臣松筠正從畧陽起

身欲赴漢中聞廣厚等所剿之白號賊匪從嶽縣嘉陵江上游水淺處所躡淺過江有直奔陝

省棧道留壩鳳縣之勢竊思張漢潮賊股已東竄商維一帶明亮緊躡追剿去此千有餘里甘省之白號賊匪現既逼近棧道自應就近先顧其急當卽飛札行知永保就近先為堵禦^臣永保卽趕緊帶兵折回由褒城入棧於扼要之地截其東竄棧道之路旋據探差回報該匪已至離棧道七十里之兩河口探有官兵又折向南

聖朝聖訓卷五十五 天

竄經過畧陽所屬地方東可抵陝省褒城南可竄出川省南江一帶^臣永保卽就近繞至褒城截堵^臣松筠聞賊匪又復南竄因富成所帶官兵尙未到齊卽先將已到之兵一千六百名趕緊派赴畧陽之何家岩地方堵防甫經馳抵該處賊匪已至望見官兵卽轉向東南茶店廟壩一帶山徑小路奔竄直趨川省南江一路晝夜

狂奔官兵斷難繞出賊前而廣厚吉蘭泰等因奉有

諭旨不必越境追襲並未跟蹤前來若竟無官兵躡

追該匪等必更遊奕自如臣松筠即將何家岩

派撥之四川兵一千六百名就近派令原帶之

遊擊楊國林阿克東阿等帶領追躡前進並飛

行知會勒保及額勒登保等分兵追剿又行知

聖朝勅諭卷三

五

廣厚吉蘭泰等以白號賊匪雖已出境其藍號

之賊尙在甘省階州一帶恒瑞現在帶兵剿辦

廣厚等正可趕赴恒瑞一路顧住東北兩面協

同辦理臣松筠隨自畧陽起身前赴漢中路過

褒城與臣永保會晤籌酌張漢潮一股賊匪東

竄至河南邊界經豫省堵禦復折回西竄勢必

又至棧道而甘省階州藍號之賊甘境剿辦緊

急如向東趨奔亦與棧道相近臣永保若仍馳

赴東路則藍號賊匪一經竄至棧道又無人截

堵是北棧東西兩面均關緊要必須設法嚴防

臣松筠現已趕抵漢中臣永保將現辦一切事

宜及軍需糧餉等詳細告知松筠外即將現帶

之兵趕赴鳳縣留壩一帶擇要截堵惟兵力稍

單臣等已札致慶成以張漢潮賊匪現既折回

聖朝勅諭卷三

三

西奔若由潼關入山趕往恐落賊後莫若竟由

寶雞入棧與臣永保會臣松筠將富成所帶

之兵就先到者陸續趕赴棧內迎交慶成帶領

無論何股賊匪竄近臣永保即可同慶成先辦

何股之賊再富成所帶鄉勇殊不安分前經勒

保奏明裁撤查該鄉勇等俱已疲乏藍號若即

遣令各歸原處沿途必不安靜臣松筠現在將

該勇等齊集稍爲整頓接濟另行辦理奏入

上命軍機大臣傳諭松筠永保曰白號賊匪由徽縣

一帶直奔陝省逼近棧道經松筠永保在褒城畧

陽分路堵截賊匪卽向東南奔竄直趨川省南江

實爲可惡南江從前曾被賊擾雖不比川西等處

完善之區未免因賊去已久疎於防範以致此股

賊匪又復乘虛竄入意存窺伺現在永保所帶兵

刑奉看龍夏編卷三

三

丁祇有一千名而松筠亦僅有一千六百名其富

成原帶鄉勇又多疲乏不諳紀律看來伊二人兵

力實單現已降旨令勒保作速酌派官兵堵禦南

江要隘此時富成原帶之兵自己陸續到齊而松

筠又將何家岩派撥之四川兵委員帶領追躡惟

當相機截擊使賊不致深入南江仍逼回陝省方

爲妥協至所奏廣厚吉滿泰因奉有諭旨不必越

境追襲並未跟蹤前來此事廣厚吉蘭泰二人並

無不是白號賊匪闖入甘境廣厚等督兵截剿已

將賊匪驅逐入陝自應陝省官兵悉力奮擊廣厚

等係守土之臣本宜以各守本境爲重非若松筠

之身任陝甘總督必須兼顧兩省者可比况甘省

階州一帶尙有藍號賊匪在彼奔竄若廣厚等遠

離該省轉難防堵或白號賊匪探知虛實又復折

刑奉看龍夏編卷三

三

回甘境該省復致無兵堵禦是以前經降旨令廣

厚等不必越境遠追仍須駐劄邊界倘有折回賊

匪卽可迎頭截殺前日因明亮奏調豫省帶兵之

張文奇田永桐等移駐商州祇知顧陝而不知顧

豫曾卽傳旨申飭今松筠等以廣厚吉蘭泰未曾

跟蹤追躡爲非豈不又如明亮之欲調豫兵駐陝

耶松筠等惟當就現在陝省之兵丁先行設法剿

辦不得檄令廣厚吉蘭泰出甘入陝以致顧此失彼若陝省兵力實單卽行奏聞候旨再慶成前經勒保札令帶兵前赴明亮一路協剿張漢潮又據明亮奏於石泉鎮安商雒等處四面派兵堵截而明亮則與慶成帶兵從中分擊今松筠等又欲令慶成在棧道東西剿賊慶成以一人而數處咨調又將何所適從朕意此時張漢潮一股最爲緊要

剿平三省邪匪方略

卷五

自應令慶成徑赴明亮一路協同擊剿速將張漢潮撲滅再行察看別股賊情擇要會剿較爲得力也

上又命軍機大臣傳諭勒保曰現據松筠等奏白號賊匪由徽縣一帶直奔陝省逼近棧道經松筠等分投堵截復向東南奔竄直趨南江現在松筠永保所帶官兵俱祇千餘難以迎擊而川省張子聰

龍紹周等七股賊匪俱經勒保酌派各將領帶兵專躡此時南江一路急須撥兵堵截著勒保於雲南廣東新到兵丁內酌量抽撥速派勇幹將弁帶領卽日前赴南江使白號賊匪不敢乘虛滋擾勒保身爲經畧於川陝等處一切剿辦事宜皆應通盤籌畫調度不得稍分畛域意存歧視况棧道疏通於川省軍營一應來往文移亦大有裨益也

剿平三省邪匪方略

卷五